





9^a-8152

FIL
77 493

~~B-7~~

30-9m8192-

22

22.493

014.8.
Ac 1

ACTA ERUDITORUM,

ANNO
MDCCXXX

publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

LIPSIÆ,

Prostant apud JOHAN. GROSSII Hæredes,
JOH. FRID. GLEDITSCHII B. FIL.
ET
JO. CHRISTIANUM MARTINI.

Typis BERNHARDI CHRISTOPH. BREITKOPFII.
A. MDCCXXX.

1770

1771

1772

1773

1774

1775

1776

1777

1778

1779

1780

1781

1782

1783

1784

1785

1786

ACTA ERUDITORUM,

publicata Lipsiæ

Calendis Januarii Anno MDCCXXX.

HOMERI ILIAS GRÆCE ET LATINE;
Annotationes in usum Serenissimi Principis Guilielmi Au-
gusti, Ducis de Cumberland, &c. regio jussu scripsit
atque edidit SAMUEL CLARKE,

S. T. P.

Volumen I.

Londini, apud Jac. & Joann. Knapton, 1729, 4 maj.

Alphab. 2.

Optimus sane hucusque videri poterat Barnesii Homerus, nisi meliorem nunc nobis dedisset Celeberrimus *Clarkius*: five enim chartæ characterisque nitorem, five contextum Græcæ quam emendatissime impressum, five versionem Latinam maxima ex parte correctam, parte quoque aliqua denuo diligentissime compositam, five denique eruditissimas & bonæ frugis plenissimas Annotationes textui subiectas respiciamus, sat ubique erit, quo nova hæc *Clarkiana* editio jure sese efferre possit præ altera illa Barnesiana, in qua cum multos nimium Barnesii lapsus & hallucinationes per omnes fere paginas notatas lector conspiciat, quæ de re ipsi quoque non nihil monuimus in his Actis Mens. Febr. & Jun. A. 1712, p. 4, 5, 118 & quod passim approbat & ingenti elego ornat Cl. *Clarkius*. In 193 &c. ipsis igitur Annotationibus pondere, non mole, æstimandis, plurima affert Cl. Editor notata digna, nova & paucis observata, quæ potissimum spectant vel ad artem poetæ aperiendam, vel ad orationis ornamenta particulatim demonstranda, vel ad

sententiam denique illustrandam : Sic de particulis expletivis
 p. 9, 22, 37, vulgo dictis *ῥα*, *αἶψα*, *δή*, *καί*, *καὶ*, *περ*, *γε*, *νυ* &c. contra
 47, 146, 147, Grammaticorum vulgus haud perfunctorie ostendit, eas non
 159, 170, tam ad metrum fulciendum; quam ad orationis vim magis at-
 184, 247. tollendam esse adjectas & re ipsa aliquid significare. Singula-
 ris vero ista est commentatio de vera temporum ratione, quam
 in lingua Romana patetissimos, in græca vero vix quemquam
 satis accurate tradidisse existimat: statuit scilicet, omne tempus
 6, 7, divisum esse in partes tres, præteritum, præsens & futurum,
 quorum unumquodque porro dupliciter intelligi possit, pro
 eo, ut de re perfecta sermo sit, aut de imperfecta. Sex itaque
 in omni verbo tempora primaria & *διωρισμένα* constituit, quod
 adjecto schemate uberius illustrat; præter sex vero ista tem-
 pora primaria, alia quædam ex his diverse composita esse asse-
 rit, quod videre sit in Græcorum aoristis atque futuris duplici-
 bus & recentiorum linguarum duplicibus, ut vocant, præteritis
 perfectis, quorum alterum græcorum aoristo omnino respon-
 deat. Est igitur ex ipsius quidem sententia, exempli causa
ἀμφιβέβηκας Il. α. v. 37, non tempus præteritum perfectum,
 ut Grammatici tradunt, sed præsens potius perfectum, quasi
ἀμφιβαίνεις, qui tueris, qui circumstas, qui circumdatus es,
 & Il. δ. v. 434, *ἔστηκασιν*, non per steterunt, sed per stant, ver-
 tendum esse contra Grotium monet, qui præteritum pro præ-
 senti, Hebræo more hic sumtum esse, ad Rom. V, 2, notaverat;
 conf. quoque ad Il. ε. v. 587. Hæc quamvis paullo subtilius, quod
 utendum, excogitata videantur; non tamen omni fundamento
 9 & 68. *καὶ*, & in explicandis veterum Autorum utriusque linguæ
 locis præstant operam, ubi alias ad nescio quam enal-
 lagen, vel *ἀκόλῃον*, vel *σολομοφανές*, vel metri denique
 quandam involuntariam necessitatem confugiendum fuerat. De
 licentia sic dicta poetica longe aliter quoque sentit, ac hætenus
 ab omnibus fere factum. scriptoribus prosodicis: putat nimi-
 rum, eam non in eo consistere, ut syllabæ quantitates promi-
 scue & sine ratione confundantur, sed in hoc uno potius, ut
 syllabæ natura breves certa quadam positione fiant productæ,
 idque non in omni positu; sed certa ac constanti ratione, quam
 plu-

pluribus exemplis & argumentis simul exponit; in syllabis vero natura longis nullam apud principes poetas unquam licentiam fuisse admittam; atque si variatio passim inveniatur, id non licentiæ cuidam poeticæ, sed alii potius linguæ aliique dialecto tribuendum esse pronunciat. Sic cum v. g. vox καλός apud Homerum amplius ducenties & septuagies priorem syllabam semper producat; apud Sophoclem contra, Euripidem & Aristophanem semper fere corripit, & apud Theocritum & Hesiodum iterum promiscue vel producat vel corripit; variationem hanc non licentiæ poeticæ, ut visum est Phil. Labbeo in Thesouro Prosod. Gr. sed peculiari potius idiotismo & dialecto adscribendam esse existimat. Dialecto igitur Jonico-poetica, qua Homerus scripsit, καλός semper producit, Attica contra, qua Sophoclem, Euripidem & Aristophanem scripsisse constat, semper corripitur; Jonico-Dorica vero, qua Theocritus sæpius, Hesiodus parcius, usus, anceps est, ita ut uno eodemque in versu nunc producat, nunc corripatur. Unde ulterius concludit, Hymnum In Venerem & Epigrammata quædam Homero vulgo adscripta ideo ipsi esse abjudicanda, quod prima syllaba vocis καλός, contra morem consuetum & dialectum Jonico-poeticam aliquoties ibi corripitur, quod pariter de voce Έανός mediam sui syllabam ibidem præter consuetudinem corripiente scite observat. Lectu vero inprimis digna sunt, quæ in genere affert ad accuratiorem rei metricæ Græcorum cognitionem apprimè facientia, quorum sæpius rationes a Labbeo, contra quem ubivis fere disputat, vel nullæ allatæ sunt vel falsæ. Ita accusativos Atticos Ἀχιλλέας, Θησέας, βασιλέας & similia ultimum α. semper producere ostendit, quod Grammatici haud adverterunt, quibus alia addit iisdem pariter inobservata, quæ secundam syllabam semper producant, ut διακρίαν, ἀναλίσκω, φλυαγῶν &c. innumera quoque verba constanti quadam ratione in quibusdam temporibus vocalem penultimæ corripere, in aliis contra temporibus producere, & alia non minus multa esse, quæ in præsentibus & imperfectis omnibus & in aoristis primis activis & mediis constanter producantur, in futuris autem & aoristis secundis omnibus constanter ex adverso corripuntur,

p. 42.

104.

8, 10 & 68.

20.

21.

23.

24.

- antur, pluribus exemplis opportune allatis evincit. Sed hæc de re metrica & multis sane pauca. Agendum nunc potius cum ipso de usu elegantiori verborum quorundam Homericorum rarius alibi obvio. Sic de phrasi ἀχρεῖον ἰδῆν, *inutile tueri*, notat, ἀχρεῖον Græcis de homine malo & maxime nequam non minus eleganter dici, ac Latinis *inutilem* de homine itidem pernicioso & nequissimo, apud Virgilium, Ciceronem, & Ovidium, Valde porro miratur, singularem dictionis Homericæ emphasin in isto versu: *Συμὸς ἐνὶ στήθεσσι πάτασεν*, non intellectam fuisse a Cicerone ac pessime proinde versam L. IV Tuscul. rectius e contrario poetæ mentem assequentis Plutarcho de aud. poet. & Dionysio Hal. de Homeri poeti. De numero vero duali singularem prorsus & Grammaticis plane contrariam habet opinionem; nempe omni substantivo duali recte adjungi posse adjectivum plurale, quod omne duale necessario sit plurale; substantivo itidem plurali addi quoque non minus recte posse adjectivum duale, non omni quidem, sed ita saltem, si de duobus sermo sit, nam omne quidem duale esse plurale, non vice versa omne plurale duale, nisi de duobus sermo fuerit institutus, quod acutissime videtur dictum & ex singularibus aliquot Homeri locis contra Eustathium, hujusque sequaces Camerarium atque Barnesium uberius probatur, vid. ad Il. B', 113 & 288, & ad Il. ε, 98, 75, 189, 716 &c. Merito etiam explodit insulsam istam figuram Antiptosin vulgo dictam, qua quemvis casum pro alio poni posse temere contendunt Grammatici, solideque e contrario ostendit, constructionem potius esse ἀνακόλυστον ad singulare robur orationi addendum, optimis Autoribus frequentissime usurpatam. Quantas præterea artifex sit Homerus in versus numeris reimpliam depingentibus & orationibus personam mire condecensibus apte concinnandis, exemplis aliquot productis liquido probat Cl. Editor: ita fractum enssem istis fragorem quasi edentibus verbis, *τρεχθαί τε καὶ τετραχθαί διατρυφθῆν*, graphice admodum describi observat, qua occasione multa quoque Virgilii loca in medium affert, in quibus simile artificium conspiciuum; motum etiam equi currentis celerrimum aptissime depingi numeris his dactylicis: *ῥίμψα ἔ γῆνα φέρεται μετὰ τ' ἡ-
δῖα*

Θεὸς καὶ νομὸν ἱππῶν, ut alia multa taceamus. Parcus cetē-
 rum & perquam sobrius est in ipso contextu emendando, ni-
 hilque tentat, nisi summa urserit necessitas. Sic Il. α. v. 20
λύσατε sive *λύσαγτε* cum Moschopuli scholiis recte legit, cum
 vulgatum *λύσατε* ob secundam syllabam correptam in versu
 stare non possit: ibidem v. 567 *ἄσπον ἰόνθ' ὅτε*, qui crucem
 Exit interpretibus, cum *ἰόνθ'* pro duali *ἰόντε* falso haberent, com-
 modissime ita refingit: *ἄσπον ἰών ὅτε*, faciliore tamen adhuc
 negotio *ἰόνθ'* pro *ἰόντα* legendo, rem componit. Aptius quo-
 que Il. γ. v. 183 pro vulgato *δοδμήατο*, substituit ex Eustathio
δοδμήντα: porro cum Il. ε. v. 487 vox *ἄλγες* contra consuetum
 Homeri morem primam producat, labanti metro consulit ita
 legendo: *μήπως ὡς ἀψῖσι λίνοιο ἀλόντε*, vel potius, *λίνε πε*
ἀλόντε, quod & ipsi textui, uncinulis tamen inclusum, illatum
 est, vel denique hunc in modum: *λίνε περ ἀλόντε*. Tandem
 Il. Δ. v. 732 pro vulgatis *ἀμφίζαντο δῆ, ἄςυ*, rescribere mal-
 lei, *ἀμφίζαντε, τὸ ἄςυ*, expuncto *τῷ δῆ* hic valde incommo-
 do, qua facili emendatione admissa sensus multo concinnior
 emergit. Id vero inprimis in his doctissimis annotationibus
 laudem meretur maximam, quod perpetua in iis Homerum in-
 ter atque Virgilium comparatio instituatur, quod licet ex par-
 te jam factum sciamus a Gellio, Macrobio, & Jul. Cæs. Scalige-
 ro, integris vero libris pertractatum ab Henr. Stephano, Fulv.
 Ursino, Renato Rapino & Popio; plus tamen a Celeberrimo
 nostro Autore præstitum esse merito fatendum est, dum non, ut
 illi, integros solum locos inter se comparavit; sed & ipsas adeo
 phrasas & minimas versuum particulas, quas Virgilius sæpenu-
 mero imitatus est, incredibili solertia & studio annotavit, sæpi-
 usque ostendit, quam parum linguæ Romanæ angustia in variis
 locis sufficeret ad assequendam græcorum vocabulorum vim &
 veneres Homericas scite exprimendas, quod vel ex binis vocibus
δοδμήατ' & προκόπεπλ', quibus epithetis aurora apud
 Homerum insignitur, constare inter alia possit. Tantum de
 præstantissimo Opere, cui sub finem demum adjectus est Cata-
 logus Operum, quibus summe Rev. *Clarkius*, dum viveret, nomi-
 nis sui gloriam late diffudit: interea enim, dum splendidissima

p. 31, 217, 231,
 292 & 306.

hæc editio excusa est, celeberrimum Virum irreparabili fere elegantiorum literarum damno, fato suo functum esse tristes accepimus, adeo ut optatum universi Operis finem videre haud potuerit; primum enim hoc est Volumen, quod XII saltem priores Iliadis libros complectitur, ut hinc tria aut duo minimum paria Volumina adhuc restent, quæ, serio optamus, ut vel ipse ante obitum plene perfecere, vel ut aliquis pari eruditione & linguæ reique metricæ Græcæ cognitione instructus manus admoveat strenuas tanto Operi, Angliæ suæ æterno decori futuro, quod omnium optime præstare posset, si vellet, illustris Bentlejus; solus enim nobis videtur idoneus, qui hanc tabulam post hunc Apellem absolvere cum laude possit.

*HISTORIA FRISINGENSIS, AUTORE P.
CAROLO MEICHELBECK, Benedictino
Benedictoburano.*

Tomus II.

Augustæ Vindel. & Græcii, sumtibus Philippi, Martini & Johannis Veith, Fratrum, 1729, fol.

Alph. 10 pl. 10 c. fig. 20. 8.

A Bunde desiderium nostrum explevit Reverendus P. *Carolus Meichelbeck*, edito post Historiæ suæ Frisingensis Tomum I, quem in Actis A. 1725 M. Sept. p. 390 pro meritis commendavimus, nunc etiam Tomo altero, eadem solertia, scribendi gravitate, ac profunda Historiæ aliarumque scientiarum peritia conscripto & ab A. 1224 usque ad A. 1724, vel potius, si documenta computes, ad 1727, atque adeo ad nostram ætatem producto, quo omnia ex Codicibus, membranis ac Scriptoribus optimæ notæ corroborat. Præmittuntur huic Tomo Dissertationes Prolegomenæ tres, in quibus partim agitur de quibusdam dubiis occasione Tomi I hætenus obortis, partim asseruntur aliqua, quæ ad illustrandum Tomum II pertinent. Prima Dissertatio antiquitatem Ecclesiis Salisburgensi atque Frisingensi vindicat, in qua solide evincit, S. Rupertum Episcopum Salisburgensem non A.

623, sed potius A. 718 esse defunctum, S. Corbinianum vero primum Frisingensis Eccl. Antistitem A. 720 obiisse, adversante licet Ottone Frisingensi. In altera de quorundam antiquorum Episcoporum & Monachorum Frisingensium sacro cum aliis foedere, ut & de Monachorum industria differit, hosque contra Monacho - Maltigem quendam defendit. In tertia denique adjutores hujus Tomi II, ac censores aliquos externos Tomi I exhibet, junctis quibusdam ad lectorem monitis. Prædicat inter adjutores præsertim *Placidum*, Abbatem Ettalensem, *Lietbardum*, Fürstenfeldæ Abbatem, *Anton. Cajetanum ab Unertl*, insignibus in Ecclesia officiis maxime conspicuum, cui ex copioso S. Petri Ecclesiæ Monachii tabulario multa præclara instrumenta, qualia ibi latere nemo fuerat suspicatus, liberalissime communicanti, collaborante *Phil. Saller*, Canon. Pollingano, plurimum se debere, gratissimus profitetur Noster. Sed nunc potissima ex hoc Tomo lectoribus ob oculos ponamus. Geroldus Fris. Episcopus Liupoldo Austriæ Stiriaque Duci feudum in Marchia ab Henrico Marchione Ystriae quondam possessum, A. 1229, testante diplomate concessit. Idem postea Geroldus, cum bona Ecclesiæ dilapidasset, autoritate Imperatoria & Pontificia sede sua depositus, & in Canonicorum ordinem reductus est. Conradum I Ep. a Friderico Bellicoso Austriæ Duce A. 1237 fuisse captum, aliunde constat, eundem vero eodem anno libertati iterum fuisse redditum, Tabulæ fide asseritur. Istum Conradum præterea non Pontifici, sed Cæsari totum fuisse addictum, ejusque ope de Ottone Bojoriarum Duce triumphasse, ex Traditionum, libris evincitur. Idem Perchtoldum Abbatem Tegernseentem, vitio electum, & monasterii bona cuncta fere dissipantem, loco movit. Ceterum obiter notamus, Autorem veneratione sedis Pontificiæ nimia adductum, hic illic in Fridericum II aliosque Imperatores, ut & in Concilium Basileense plura sparsisse convicia, licet in reliquis partes fide Historici satis expleverit. Conradus I Ep. mortuus est Monachii, cum no-
lisset Frisingæ vivere, periculum sibi timens a Canonicis suis, quorum concubinas ejecerat. Conradus II Episc. ex Wildgravi-
orum ac Witelzbacensium stemmate originem ducens, plura
Eccle-

p. 5.

9.

15.

17.

20.

48.

49.

- p. 68. Ecclesie sue bona recepit. Illo tempore nec nobilibus nec ignobilibus Principum vel Præfulum subditis sine illorum concessione singulari permissum erat, promiscue contrahere matrimonia cum ministerialibus aut colonis, alteri Principi aut Domino subjectis. Unde & Principes ac Prælati cum vicinis Dominis sæpius pacti sunt, ut subditi utriusque partis matrimonio conjungi quidem possent, sed hac lege, ut liberi ex tali matrimonio procreati inter Dominos æqualiter dividantur, quod ex plurimis tabulis asseritur. Ob alapam a famulo Nobilium de Hertenberg inflictam cuidam Frisingensi subdito, Nobiles hi promiserunt, si impoſterum a suis injuria vel damnum incolis Frisingensibus inferretur, se Episcopo feuda quædam tanquam vacantia tradituros. Errorem vulgarem de bello inter hunc Conradum II & Ratisbonensem Ep. gesto confutat Autor, cum lites & rapinas potius inter utriusque Ministros ac Vasallos aliquos intercessisse, ex laudo a Ludovico Bav. pronuntiato putet perspicuum. Quod ad translationem castri Randek, eoque pertinentium prædiorum, primum instrumentum Archivi Frisingensis Germanico idiomate exaratum, quod Ecclesie Frisingensi favet, integrum heic apposuit. Notandum vero, hoc instrumentum aliquot menses præcedere vulgatam illam Rudolphi Habsburgici constitutionem de instrumentis impoſterum vernaculo sermone conscribendis. Annum emortualem Conradi II, rejectis aliorum erroribus, tabularum fide, ad A. 1279 recte refert. Successorem Fridericum ortum dicit ex Comitibus de Montalban, quæ familia, judicio Comitis de Prandis, ejusdem sanguinis erat cum hodiernis Comitibus de Schlandersperg. Errori vulgari inhæsisse Nostrium miramur, quando Rudolphum Imperatorem Bohemo demum locum inter Electores concessisse, dissidentibus reliquorum suffragiis, existimat. Enichonem Ep. memorat Comitatum Partenkirchensem & Mittenwaldensem, ut & Tölzenſe municipium cum castro adſito, ut & caſtris Kransperg, & Queſtorf, pretio soluto Ecclesie sue junxisse. De Godfrido Ep. non ex Hachſenkeriana, sed, quod vero propius, ex Greiſſenbergiorum gente orto refert, dura expertum esse regiminis initia, melioribus tamen fatis poſtea uſum. Excepit hunc Con-
- 73.
- 75.
- 81.
- 88.
- 89.
- 95.
- 92, 105, 106.
- 115.

Conradus IV, ex gente Gentlingeria, Patriciis Monacenſibus adſcripta, Juris Canonici Doct̃or, qui Dominium Guttonwerdenſe contra Scherffenbergios arbitrorum ſententia obtinuit. Num Conradus III Ep. veneno obierit, ambiguus hæret Autor. Conſtitutus poſtea a Pontifice Johannes de Güttingen, nobilis Suevus, Decretorum Doct̃or, non ſeptem tantum ſeptimanis A. 1324, ut quidam volunt, ſed a die VII Januarii A. 1323, uſque ad menſem Aprilem ſedi præfuit. Hic aliis Wilſingus nomine, ac Brixia oriundus dicitur; de quo Autor non diſputat, cum de Joanne iſto obſcura fere ſint omnia. Primus exiſtimatur, qui armis ſuis gentilitiis Æthiopem Friſingenſem conjunxit, uti lapis ſepulchralis oſtendit. Suffectus eidem a Pontifice Conradus IV Ep. qui demum A. 1340, diſſidentibus falſo ſcriptorum plurimis, diem obiit. Poſt hunc ſedes Romana præfecit Friſinga Johannem II, nobilem Weſphalum de Weſterhold, vel aliorum judicio ex Oetingana gente procreatum, Medicæ artis & Aſtrologiæ peritiſſimum. Interea adverſus hunc a Canonicis non Leutoldum Com. de Schaumburg, ſed Ludovicum de Chamſtein fuiſſe electum, & Electi titulo uſum Noſter oſtendit. Huic ſubita morte deſuncto eligentium quidem votis ſubrogatus Leutoldus, a Pontifice tamen admiſſus non eſt. Succedit non A. 1357, uti fruſtra perhibet Rainaldus, ſed A. 1359 Paulus ex Harrachiorum gente ortus, Cancellarius quondam Auſtriæ Ducum, poſt Episcopus Gurcenſis: quem ſecutus Leopoldus ex familia Sturmbergiorum, Styriæ ſive Carinthiæ nobilium, qui caſtrum Inching ab antecellore oppignoratum redemit. Hunc excepit Bertoldus de Wahingen, quæ gens fuit origine Sueva. Juvenis fuiſſe inemoratur tam præſtantis ingenii, ut primus ſcholæ Viennenſis Magiſter renunciaretur. Ep. Conradum V non ex gente Trautmannsdorſia, ut ſuſpiciantur nonnulli, ſed ex Hebenſtreithiana ortum traxiſſe manuſcriptum facit Autor. Hermannum Ep. Comes Ciliæ Hermannus ex pellice ſuſcepit, qui autoritate Papali a ſede Friſingenſi ad Tridentinam translatus, eam morte præventus nunquam adiit. Johannem a Capitulo electum, a Pontifice non ob ætatem minorem reſuſatum eſſe ait, ſed quod beneficia in Curia vacantia ab iſſis Pontificibus diſpenſanda eſſent. Hinc

p. 137.
139.

140.

142.

147.

148.

149.

154 ſq.

165.

171.

185.

186.

194.

195.

- p. 201. Nicodemus a Papa Præful constitutus, Johannes autem A. 1424
 annua 200 fl. pensione, proventibus officii Vicarii Generalis, &
 Cathedralici nomine solvi solitis contentus vixit, donec fors
 251. melior arrideret. Nicodemus ille *insignis probitatis*, & *vir*
præstantissimus vocatur ab Ænea Sylvio, cujus consiliis fidelissi-
 232 sq. mis sapius usus fuerit Fridericus III Imperator. Præfuerat Ec-
 clesie suæ ultra annos 22; post ejus obitum lites obortæ inter
 Joannem antea memoratum a Canonicis censura notatis ele-
 ctum, & Henricum Schlick, a sede Apostolica confirmatum,
 quem proinde Noster Præfulum Frising. numero inseruit. Ve-
 239. rum A. 1448 Henricus jure suo cessit, acceptis mille aureis Hung-
 & dominio Wellii superioris ad dies vitæ. Successit Joannes
 261. Tuelbeck, Monacensis Patritius, qui omne æs alienum Ecclesie
 suæ redemit eamque, oppignorata reluendo, & plura compa-
 rando, eximie auxit. Addit his Autor singularia quædam, quæ
 vel ad historiam vel dignitatem Frisingæ suæ pertinere judicabat.
 294. Zelo ejus, quo contra Protestantes fertur,tribuendum est, quod
 Divæ Hildegardis vaticinia de nidulo, ubi Deus Ecclesiam sit
 servaturus, non de Bavaria, quod aliis solenne est, sed de Frising-
 ga sua interpretatur, cujus Ecclesie merita contra Protestantes
 summis laudibus exornata undique compilavit. Ex litteris Mat-
 297. thæi Card. & Archi-Ep. Salisb. apparet, primum inter illius me-
 309 sq. tropoleos Præfules locum Frisingæ deberi. Philippus Ep. ex
 Palatina domo, plurimis bonis comparatis Ecclesiam suam dita-
 320. vit. Henricus Ep. ultima die anni 1551 mortuus est, ut adeo,
 qui mortem ejus ad A. 1552, vel 54 differunt, graviter fallantur.
 342. Waidhoviana Austriæ inferioris urbs, sub Diocesi Frisingensi
 sita ob Catholicorum sacra denuo ibi introducta, & erepta Prote-
 stantibus templa, maxime turbata est, donec variis artibus fontes
 comprehensi, perpetuo carcere, partim quoque exilio, aut pecunia
 pœnas luerent. Dum plura & antiqua & recentiora Ducum Ba-
 varie diplomata hinc inde deprehendimus inserta, observamus,
 pœne in omnibus Comitibus Palatini titulum Ducali Boico præponi,
 cum Boicum alias Palatino præferri a Bojis, vulgo asseri soleat. In
 384. bello tricennali Frisinga Gattavo Sueciz Regi 30000 flor. nume-
 rare coacta, frumenti insimul & vini insignis copia vel absunta vel
 effusa,

effusa, præterea pagi plures cum castris quibusdam exusti. Vi-
nariensi deinde Frisinga denuo quinque flor. millia exsolvit, an-
nona insuper, quæ supererat, consumpta. Sub finem belli Fri-
singa bis iterum a Succis est direpta, & Collegiata præsertim D.
Andree Ecclesia multis chartarii sui instrumentis spoliata. Al-
bertus Sigismundus Ep. otii impatiens tempus sefellit venando,
ad metam jaculando, fundendo gemmas fictitias, hodiernum ma-
xime æstimatas, inprimis vero arte tornandi, præterea operam
dans, ut tubi optici, ab exteris frequentissime expetiti, optime
construerentur, licet miraculum, quo artificium hoc Frisingæ de-
tectum refert Autor, nobis persuaderi haud patiamur. Successor
Josephus Clemens e Boica domo, paucos post annos hoc Epi-
scopatu abiit, ad sedem Coloniensem evectus. Hinc Episco-
patui præfectus Joh. Franciscus Ecker B. a Kapfing & Lichte-
neck, cujus summa merita in Ecclesiam & literas elegantiores
in promovendo præsertim Opere hoc ipso miris laudibus Autor
merito exornat. Nec illud nobis omittendum, quod cum in-
tra arctum temporis spatium in Opere pertexendo vires haud
sufficerent Nostro, junctus ipsi fuerit sodalis Benedictoburanus,
P. *Leonardus Hochenauer*, qui omnia instrumenta fideliter ex-
scripsit, & Indices Operis magno labore concinnavit. Ceterum
cum millenario Jubilæo Frisingensis Episcopatus A. 1724, (cujus
festivitatem vernaculo sermone enarravit Autor in libro, cui tit.
das danckbare Freisingen,) saltem Prior Toinus hujus Historiæ
potuerit ad finem perducere; id tamen actum, ut integra Historia
in compendium redacta vernaculo sermone tunc in publicum
prodiret. In Mantissa Tomo II annexa, acta residua ab A. 1724
usque ad obitum Jo. Francisci 1727, & primordia felicissimi
regiminis Joh. Theodori successoris ex Ser. Domo Bojorum
exhibentur. In Parte Instrumentaria, quam vocat Autor, subji-
ciuntur documenta ultraquadringenta, quibus veritas præmissio-
rum collustratur.

p. 389.

396.

408.

414.

472.

476.

492.

JO. BURCHARDI MAJI, ELOQU. ET
Hist. quondam Prof. de Romani Pontificis electione, Cæs-
rumque circa eam jure Commentatio; Accessit ejusdem

Disquisitio de Friderico I Ænobarbo Imp. ab Alexandro III Pontifice pede non conculcato. Edidit & Dissertationem præmisit D. HENRICUS MUHLIUS, Theologus in Ecclesia & Academia Holsatica Primarius &c.

Kiliz, impensis Jon. Kortzen Bibliopol. Altonav. 1729, 4.

Alph. 1 pl. 10.

POSThumus hic quidem B. *Maji* factus est, sed felici fidero editus, quippe cui ab Autore ad prelum prorsus parato obstetrices manus attulit Celeb. *Muhlius*, qui & prologum addidit, quo nihil & argumento convenientius, & beatis *Maji* manibus dignius concinnari poterat. Nos igitur de utriusque Viri doctissimis commentationibus, quantum instituti nostri ratio permittet, nonnulla commemorabimus.

Primus ergo, qui præfatur, Cel. *Muhlius*, peroraturus causam Cæsarum, Regum ac Principum adversus Pontificum R. varias molitiones, haut sane perfunctorie hoc labore defungitur; & quamvis ordinarios fere prologi limites excessisse quodammodo videatur, cum præcæmium hoc ad eandem fere, ad quam ipsa B. *Maji* tractatio, molem excreverit; huiusmodi tamen eruditam solidamque prolixitatem animo hoc æquiori feret Lector, quod tanti argumenti amplitudinem vix aliter exhaustire licuerit, & si insignem rerum hic in compendium missarum varietatem spectemus, brevius ac concinnius ea omnia dici haud potuerint.

Orditur scriptor Cel. rem velut ab ovo, ac primum Pontifices molitionum ejusmodi architectos a Bonifacio III ad Gregorium VII usque recenset. Hoc autem pacto personarum ratione habita p. 1. ad methodum modumque, quo in istis molitionibus usi sunt Pontifices, describendum progreditur; hucque comparatum erat D. *Petri* nomen titulusque, quin & *Papa*, alias Episcopis reliquis communis, itemque *sanctissimi Patris* p. 20 sq. Qua his aliisque titulis sibi vindicata prærogativa, ad excommunicationis fulmen p. 24, interdicti Ecclesiastici poenam p. 26, clavis ligantis atque solventis potestatem p. 33, viam sibi muniverint. Quarum rerum omnium fidem sicut productis ido-

neis

neis ubique testibus abunde facit, ita inter alia jucundum est legere Papale aliquod diploma ineditum adhuc, quod ex autographo A. 1331 Magno, Sueciæ Norvegiæque Regi dato, Cel. Editor p. 34 sq. subjecit. Sequuntur alii molitionum modi, expeditiones cruciatæ p. 36, leges Ecclesiasticæ promulgatæ & ad morem Civilium jurium in peculiare corpus redactæ p. 40, jus quoque convocandi concilia, inque iisdem præsidendi & decidendi p. 43, Pallii item conferendi mittendique p. 45, quin & Cæsares sibi ad obedientiam & fidelitatem obstringendi p. 49 sq. a Pontificibus sibi arrogatum, ereptum porro Cæsaribus jus eligendi confirmandique Pontificis p. 52 sqq. de quo tum ea, quæ B. Majus operose edisseruit, hic brevissimis repetit, tum quoque documenta ejus causæ nova quædam exhibet. Indicatur inde, quomodo tam priscis, quam nostris temporibus in sacratissima Cæsarum, Regum Principumque jura involare, iisdemque sese immiscere sedis Romanæ Præsules non dubitaverint, ac p. 75 de tentata hodie Gregorii VII apotheosi nonnihil commentatur. Sed hæc hæcenus de S. R. *Mublii* prologo.

Equidem & e *Maji* historia de electione R. Pontificum, atque Cæsarum circa eam jure, non licet multa referre per compendium, quod omnia hic continuo chronologicæ nexu coherent; quem si discerpas, ægre scriptoris mentem intelliges, si vero retineas, vulgaria tantum & omnibus nota memorari poterunt. Generatim autem ejus historię institutum eo redit, ut non tantum ea, quæ ad eligendi Pontificis rationem Cæsares inter & Pontifices acta sunt, referat, sed & cum argumento hoc singulari conjungat, quicquid unquam inter Cæsares Papasque tractatum & conclusum fuit, cumque adeo Autor inde a Papatus initio usque ad Papam Cæsaremque præsentem progressus sit, plura omnino præstet, quàm in rubro pollicitus est, dicique adeo hoc novum Opus suo merito possit: *Historia contentions inter sacerdotium & imperium*. Ut autem appareat, quibus fundamentis jura Cæsaris in Papam R. ejusque electionem potissimum superstruxerit, multum præsidii in tribus præcipue SCtis Romanorum positum ab eo deprehendimus. Hæc tria SCta p. 18 in not. b. enumerat; 1) quo Carolo M. summa potestas

in Romam data est Seculo IX; 2) Quo Ottoni M. & Germanis eadem Seculo X concessa respectu Carolingicæ stirpis aut acquisitionis ab illa derivatæ; 3) Quo summa illa potestas confirmata est Henrico III Seculo XI. His namque tribus SCtis adversari docet p. 26, quod jura Cæsarea circa Pontificum & aliorum Episcoporum inaugurationem Henrico V Imp. eripere Seculo XII Calixtus II Papa annisus sit, cujus proinde cessionis, contra eadem SCta factæ, vim irritam fuisse contendit. Atque sic etiam Fridericum I Seculo XII hoc jure stetit; Henricum VII vero Seculo XIV jura sua apud Italos repetentem id vigore superiorum SCtorum fecisse, novumque tum præterea SCtum addidisse p. 62 affirmat. Atque in his SCtis diligentius excutiendis Autorem nostrum præ aliis in hac causa scriptoribus peculiare quid præstitisse existimamus, cum multa alia & ab aliis passim monita etiam a Nostro repetita sint.

De Disquisitione, quæ in calce hujus Operis accessit, & in qua B. *Majus* Imperatorem Fridericum I Ænobarbum ab Alexandro III Pontif. pede non conculcatum probavit, non opus est, ut multa hic afferamus, cum illa, ex quo primum ante hos viginti circiter annos fuit edita, jam multorum eruditorum calculum meruerit, ac nostra adeo commendatione non egeat. Bene interim prudenterque fecit Ven. *Mublius*, quod pauca hæc folia, quorum vix amplius copiam habere licuit, hic loco haut incommodo recudendi consilium inivit; de quo nec illud prætermittendum, quod ipse in laudata supra Dissertatione præmiali hoc argumentum pluribus retexere, sententiamque *Maji* negativam p. 84 sq. novis præsidiiis quibusdam firmare laboraverit.

PHILIPPI FRIDER. HANE, HIST. ECCLES. & CIVIL. PROF. PUBL. ORD. COLLEG. PHILOSOPH. P. I. DECANI, ATQUE ACAD. KILONIENS. b. a. PRO-RECTORIS, HISTORIA SACRORUM A B LUTHERO EMENDATORUM A SUI INITIIS AD RELIGIOSÆ PROFANÆQUE PURIFICATIONIS AUGUSTANÆ æVUM DEDUCTA, AC ITA METHODICE CONCINNATA, UT RECITATIONIBUS ACADEMICIS

micis longe commodius adhiberi, ususque ejus pragmaticus inde ad quoscunque studiorum cultores redundare possit.

Lipsiæ, apud Joh. Frid. Gleditschii B. Fil. 1728, 4.

Alph. 2 pl. 14.

INter utilissima summeque necessaria studia, quæ nostra cumprimis tempestate incredibili ardore coluntur, locum haud postremum historia sibi vindicat ecclesiastica. Atque hoc suo quoque exemplo non parum luculenter declarat, qui præsentem historiam concinnavit, celeberrimus Academix Kiloniensis hodie doctor *Hanius*, Collega noster perindustrius. Nostrium in præsentem erit, præcipua, quæ hoc volumine continentur; exhibere momenta. Initio præmittitur *Consilium de studio Historia Ecclesiastica inter Protestantes Nostrates promovendo*, quod jam ante duos annos primum lucem adspexit, & nobis prolixè satis Anno superiori M. Febr. p. 94 sq. recensitum est, ut eo nunc iterum recensendo facile supersedeamus. Cum vero in eo spem fecerit Historiæ Eccles. Novi Test. conscribendæ, nunc prodromum ferme ejus dedit, & a quarto Commentariorum, quos molitur, *Tomo*, rationibus, quas in Præfatione exposuit, adductus, initium capit. Is in *tres partes* divisus, universam beatæ Reformationis Historiam exhibet. *Prima*, quæ *Parascevastica* dicitur, ejusdemque *Cap. I fontes & subsidia* commendat, ac Ill. *Seckendorffii* Commentario de Lutheranismò, cui conscribendo Ex-Jesuita Gallus, *Lud. Maimburgius*, causam dederat, primas decernit. Tum autoribus Actorum ac documentorum publicorum, hinc scriptoribus coævis, porro iis, qui res Germaniæ, & reliquarum terrarum attigerunt, licet religionis negotium ex iustituto non pertractaverint, nec non illis, qui ævo paullo sequiori ad scribendum animum appulerunt, & denique Pontificiis annalium Conditoribus, justum statuitur pretium, deque *Gothofr. Arnoldo* brevis fertur sententia. Cum vero civilis & sacræ historiæ consociatio insigni prorsus utilitate se commendet, in *Cap. II status orbis politici circa ipsam Reformationis ævum* consideratur, & curatius

tius inquiritur, quinam in Germania Cæsares, in Saxonica domo Electores ac Duces, in Brandenburgica Electores & Marchiones, quales Electores & Comites Palatini, Duces Brunsvico-Luneburgenses, quis Hassiæ Landgravius, quinam Würtenbergici & Badenses Principes, Anhaltini item, Pomerani, Megapolitani atque Saxo-Lauenburgici, & quales denique Bavari Duces, Septem-Viri Ecclesiastici, & ex Præsulibus aliis præcipui, eo vixerint tempore. *Cap. III de Historia Litteraria facie differitur, atque ut generatim literarum παιδαγωγία, sic speciatim Theologia, ejusdemque Dogmatica, Polemica, Exegetica, & Moralis, nec non Jurisprudentia ac Medicina, Philosophia & Philologia restituta commemoratur cultura.*

In Altera Parte, quæ Exegetica inscribitur, ejusque *Cap. I Initia Reformationis ad Comitata usque Wormatiensia, A. 1521 celebrata, Cap. II illius progressus, ab hoc tempore, ad exhibitam usque Confessionem Augustanam, A. 1530. Cap. III Res Ecclesiæ à Comitibus Augustanis ad mortem usque Lutheri, A. 1546, & Cap. IV Acta ultima Reformationis in Pace Religiosa A. 1555, ex optimæ probatæque notæ documentis describuntur.*

In Tertia, eaque Pragmatica, H. E. parte, tria specimina inveniuntur, quorum primum Theologicum, *de restituta Clerogamia*, alterum e Jure Publico decerptum, *de Principe Protestante*, ejusque origine, nomine, juribus, & prærogativis in Imp. Germanico, tertium vero ad prudentiam Consultatoriam specialem pertinens, *de Memoria Mercurini Arberci de Gattinara*, qui Caroli V a literis olim, & a Consiliis sanctioribus fuit, ac in salutaris Reformationis opere egregias partes sumisit, in Disputatione Academica A. 1728 renovata multis verbis differitur. Natus ille est dimidio Sæculi XV, anno circiter LXV supra millesimum quadringentesimum, Gattinaræ, Pedemontii oppidulo, in tractu Vercellensi ad Sessim fluvium sito. Ac in superiori Italiæ parte, qui Gattinaræ nomen gerunt, hodieque superesse perhibentur. Parente suo in ætate adhuc tenera orbatus, matris cura, præter alias honestas artes, Jurisprudentiam inprimis Civilem coluit. Ob singularem, qua polluit, dexteritatem, aulicæ munera, & quidem apud Sabaudum Principem primum, tum vero

vero etiam apud Maximilianum Imp. in Burgundiis, obiit. Tandem a Carolo V R. I. & Hispaniarum Rege ad summas dignitates aulicas evectus, ejus a secretis & consiliis fuit, supremique Cancellarii spartani duodecim ipsos annos ornavit. Consilia non modo politica eidem dedit, sed in causis etiam ecclesiasticis fidelem se prudentemque arbitrum exhibuit, prolixumque suum erga Protestantes animum ita declaravit, ut ipsi B. *Luthero* carus esset. Qualem is se in celebri Caroli V & Clementis VII R. P. Bononiensi congressu gesserit, quo fato Cardinalitiam acceperit dignitatem, quo tempore diem supremum obierit, & quis ei successor datus sit, hæc omnia usque ad finem Dissertationis persequitur Cl. Autor. Sed & ipse præsens liber, subjuncto duplici, & Autorum, & rerum indice, hac ratione finitur.

JOANNIS TILEMANNI, DICTI SCHENCK,
Professoris Philosophiæ Practicæ, Vitæ Professorum Theologiæ, qui in Academia Marburgensi ad nostra usque tempora docuerunt.

Marburgi Cattorum, sumtibus P. C. Mulleri, 1727, 4.

Alph. I pl. 13.

Historiæ literariæ cum præcipua pars sit Historia scholarum primæ magnitudinis, magnam ineunt ab ejus historiæ cultoribus gratiam, qui Vitas Professorum diligentius exponunt, ac vel singulos librorum ab iis compositorum posteritati exhibent. Nec proinde debita laude fraudabitur Cl. Autor, qui, quicquid de Academiæ Marburgensis doctoribus invenire in aliorum libris potuit, curate hic congeffit, adjecto e Petri Nigidii *Elenco Professorum Marburgensium* elogio cujusque metrico, & e Wilhelmi Dilichii inedito *de urbe & Academia Marburgensi* Opere vita cujusque breviter descripta, annexo catalogo librorum & Disputationum ab unoquoque editarum. Laudantur igitur hic *Franciscus Lamberti*, Avenionensis Gallus, Reformator Hassiæ; *Adamus Crato*, *Erhardus Snepsius*, *Joannes Draconiter*, *Gerhardus Geldenbaurius*, *Andreas Gexardus*

Hyperius, Theobaldus Thamerus, Henricus Orthius, Joannes Lonicerus, Bartholomaeus Meierus, Joan. Garnerius, Wigandus Orthius, Joannes a Waltemannshausen, Henricus Victor, Daniel Arcularius, Georgius Sobnius, Nicolaus Rhodungus, Aegidius Hunnius, Joannes Winckelmannus, Joan. Moltberus, Christoph. Cramerus, Balthasar Menzerus, Georgius Schonfeldius, Caspar Sturmius, Raphael Eglinus Iconius, Georgius Cruciger, Joannes Crocius, Justus Feurbornius, Joannes Steuberus, Meno Hannekenius, Joan. Henricus Tonsor, Sebastianus Curtius, Joannes Heinicus, Gregorius Stannarius, Jo. Georgius Crocius, Henricus Duyfingius, Reinholdus Pauli, Samuel Andrea, Philippus Joannes Tilemannus, dictus Schenck, Thomas Gauterius, & Laurentius Crollius. Pauca more nostro hinc excerpimus. E pug. 3 & 8 discimus, Franciscum Lamberti initio cum Luthero sensisse in articulo de S. Coena, sed A. 1526 Zuinglii doctrinam amplexum esse. Idem p. 51 traditur de Geldenhaurio, & p. 59 de Hyperio. P. 68 sqq. turbulentum & fanaticum ingenium Theobaldi Thameri, tandem in Papae castra transgressi, describitur. P. 99 sqq. exhibetur Barthol. Meieri scriptum Germanicum, quo declarat, se non posse subscribere *Libro Concordiae*. Hunnium Cl. Autor p. 149 vocat *Ubiquitariorum antesignanum*, & p. 151 scribit, eum, cum multa moliretur nova, a Landgraviis abdicatum esse munere Professoris: idque ad probandum literas Landgravii Wilhelmi ad Ludovicum senioreni datas exhibet p. 151-156. Quando vero p. 157 scribit, Hunnium Wittebergae diem suum obiisse, non sine circumstantia singulari, quam lubens praetereat; magnopere veremur, ne futuri sint, qui vitio ipsi vertant hoc scribendi genus. Cum enim historici sit, omnia fideliter transcribere, & satis appareat, Cl. Autorem non favere laudibus Hunnii; gravi suspicioni fenestram aperuisse videbitur. P. 202 sqq. exhibetur lectu dignissimum Joannis Crocii judicium; nomine Collegii Theologici conscriptum, de Durzi consiliis henoticis. Illud ultimo loco adjicimus, sex adhuc vivere Theologos Marburgenses, quorum vitas Cl. Autor non exposuit, Ludovicum Christianum Miegium, Joan. Henricum Hottingerum, Jo. Henr. Schrammum, Joan. Christianum Kirchmeierum,

meierum, Bernhardum Duyfingium, & Joan. Sigismundum Kirchmeierum. Horum tres posteriores adhuc ibi funguntur munere Professorio: ceteri inde translati sunt alio, & duo quidem Heidelbergam, unus Dillenburgum. Optamus, ut brevi etiam videamus promissas in Præfatione Vitas Jurisconsultorum, Medicorum, & Philosophorum ejusdem Academiz.

HISTORIA MICHAELIS SERVETI,
quam Præfide JO. LAURENTIO MOSHEMIO,
Abbate Mariævallenfi & Michaelsteinensi, Sereniss. Ducis
Brunsvic. & Luneb. a Consiliis sanctioribus, Theol. D. &
Prof. P. O. publice exponit Autor HENRICUS AB
ALLWOERDEN, Stadenfis.

Helmstadii, Stanno Bucholziano, 1727, 4.

Alph. i pl. 9.

AUtor hujus libri doctissimus in Præfatione commemorat singulos, qui ante ipsam aggressi sunt conscribere historiam Serveti, interque eos principem locum tribuit Michaeli de la Roche, quanquam desideremus, omissam hic esse editam Lutetiz A. 1723 *Historiam Socinianismi*, cujus Autorem copiose persecutum esse historiam Serveti, in his *Actis* observavimus A. 1726 p. 260 & 262. Cum vero nondum exhausta sit a quocunque hæc historia, statuit & accuratius, & uberius persequi singula ejus capita, præsertim cum ipsi a Summe Reverendo suo Præfide amplissima darentur collectanea, quæ ipse pluribus ab hinc annis eodem consilio studiosissime congesserat. Nec tamen hinc exhibet nisi *historiam vitæ & scriptorum Serveti*, alio tempore daturus cetera, quæ disputari de Serveto possunt, quæque sub finem Præfationis enumerat. Initio igitur facto a nomine Serveti, docet, quo anno quibusque parentibus natus sit. Docet item, ei Reformationem Lutheri occasionem præbuisse investigandi in sacro Codice veritatem, & aliis ea tradendi, quæ sibi persuaserat esse verissima. Profectus igitur in Helvetiam Oecolampadium adiit, cumque eo multas disputationes habuit. Hinc eodem finē Argentorati collocutus est cum Bucero & Ca-

pitone: quo tempore (scilicet A. 1531) librum edidit *de Trinitatis erroribus*. At cum ea re se incurrisse animadverteret offensionem spectatissimorum viro- rum, sequenti anno mollius scriptos *duos de Trinitate dialogos* publicavit. Postea Lugduni vixit, partim corrigendis typographorum erroribus vitam sustentans, partim libros componens. Inde Lutetiam se contulit, ubi, postquam prius Magister Philosophiæ, deinde Doctor artis medicæ factus esset, non solum medicinam fecit, sed & mathematicas artes studiosis juvenibus tradidit. Nec vero nuntium ideo misit theologiæ studio: imo vero acrius in id ipsum incubuit. Postquam hinc in oppido quodam Galliz, cui nomen Charlieu, biennio circiter commoratus esset, in Delphinatum, & quidem Viennam, se recepit, ibique agrorum saluti consuluit. Inter hoc etiam cum Calvino instituit literarum commercium, itemque cum aliis, de argumentis theologicis. Verum summum Calvini odium suis literis provocavit, quod majorem in modum auxit edita A. 1553 *Restitutio Christianismi*. Tum enim impulsu Calvini Viennæ conjectus est in carcerem, & ignis supplicio adjudicatus. Ex quo cum aufugisset, effigies ipsius pro ipso fuit combusta publice. Delatus hinc Geneviam, non ut ibi subsisteret, sed ut statim alio tenderet, productus a Calvino, & in carcerem deductus, ac post longum examen superatasque maximas carceris molestias, instinctu Calvini damnatus est ad ignem. Ipsa Senatus Genevensis sententia hujus loci producitur. Combustus igitur est die 27 Octobris A. 1553. Hæc singula a doctissimo Autore describuntur copiose, adjectis luculentissimis autoritatibus. Præterea multorum, maxime Calvini, mala fides notatur: multorum etiam errores corriguntur. Errant scilicet, qui Andream Servetum cum nostro confundunt: qui referunt, eum aliquando in Africa fuisse versatum, ibique partim a Judæis, partim a Muhammedanis accepisse doctrinas impias: qui putant, in primo Augustanæ Confessionis articulo innui dogmata Serveti: qui negant, Calvinum fuisse autorem captivitatis Serveti Viennensis. Inter hæc dignum cognito est, Theologos Helvetios a Senatu Genevensi rogatos non sustinuisse capitis poenam in Servetum decernere. Nec minorem in gratiam

§. 43 & 44.

nam Autor doctissimus, cum §. LXI excerpta exhibet ex inedita Guiljelmi Posselli *Apologia pro Serveto*; & cum §. LXII disserit de præfixa huic Disputationi effigie Serveti, eamque veram & germanam esse, contendit; denique cum §. LXIII ex libro quodam rarissimo brevem edit Historiam Serveti. Sequitur hinc tractatio de libris a Serveto scriptis, qui cum sint rarissimi, non est, quod dubitemus, omnibus fore pergratam copiosam hanc & accuratam de iis commentationem. Scripsit vero infelicis ingenii vir primo *de Trinitatis erroribus libros septem*, quos multi perperam confundunt cum *Restitutione Christianismi*. Et septem quidem illorum librorum etiam Belgica versio prodit A. 1620. Tum edidit *Dialogorum de Trinitate libros duos, & de iustitia regni Christi Capitula quatuor. Cl. Ptolemai Geographiam* cum notis suis ex eo tempore publicavit: nec ita multo post *Syruporum universam rationem ad Galeni censuram diligenter explicatam*, una cum *Disceptatione de concoctione, & vera purgandi methodo*. Hinc auspiciis ipsius edita sunt *Biblia sacra ex Santis Pagnini translatione, sed ad Hebraicae linguae amussim ita recognita & scholiis illustrata, ut plane nova editio videri possit*. Ac in hæc quidem scholia, monstri non nihil alenia, censuras aliorum proferendas merito duxit Autor doctissimus. Ultimum Serveti opus erat *Christianismi restitutio*. Cujus omnia exemplaria, partim Viennæ, partim Francofurti combusta per carnificem, adeo sunt e medio sublata, nemo ut hodie gloriari possit, se opus illud typis exscriptum vidisse. Super sunt tamen exemplaria ipsius exarata calamo: e quali codice hic repræsentantur argumenta operis, itemque fragmenta nonnulla: e quibus illud potissimum commemoramus, quod p. 230 sqq. deprehendimus, & ex quo doctissimus Autor apparere judicat, Servetum diu ante Harvæum cognovisse ac docuisse circulationem sanguinis.

Das Gedächtniß der Ehren, ic.

hoc est,

ELOGIUM ALBERTI DURERI, AUTORE
HENRICO CONRADO AREND, Pastore
Ecclesie Grundensis.

Goslariz, apud Jo. Christ. Koenig, 1728, 8.

Plag. 9.

9. 6.

8-13.

14.

15.

16.

17.

18.

Princeps Germaniz pictorum habetur *Albertus Durerus*, cuius vitam & ingenium nitido, amœno & oratorio stylo hic describit Rev. Autor. Natus is erat Noribergæ d. 20 Maji A. 1471. Ingenium nactus est tam pictorium, ut & affines picturæ artes ad miraculum usque calleret. Nam czlatoriz artis, in qua autodidactos fuisse videtur, fuit peritissimus, nec æri solum, verum etiam ligno figuras incidit scitissime. Optima utriusque artis specimina, a *Durero* edita, recenset copiose Autor doctissimus, cui felicitate haud vulgari contigit plurimas oculis suis usurpare & picturas & czlaturas *Durerianas*. Commemorat item imagines stanno & ferro incisas a *Durero*, nec minus factas ab eo artificiosissime modo calamo, modo creta, designationes: & loca laudat, ubi ad hanc usque ætatem aservantur earum exempla omnium admiratione dignissima. Pari modo pictoriz ejus artis eximia laudat & digito quasi demonstrat specimina: simul docens, eum statuariz quoque artis tantam habuisse peritiam, ut nemini suo ævo esset secundus. Vulgo vero artificum eximendum esse *Durcrum*, libri ipsius doctissimi facile persuadent, quos omnes (erat enim Latine lingue non satis peritus,) patrio sermone conscripsit. Edidit scilicet A. 1525 *Institutiones Geometricas*, quarum Latina versio Lutetiz decem annis post prodiit in publicum; A. 1527 librum *de arte muniendi urbes*, qui & ipse A. 1535 Latinum translatus est in sermonem; libellum *de varietate figurarum in flexura partium ac gestibus imaginum*, qui anno demum 1534 emissus est; A. 1528 libros quatuor *de symmetria partium corporis humani*. Et hoc quidem Opus tam magni fuit habitum, ut A. 1534 ederetur interpretatio ejus Latina, a *Joach. Camerario*, clarissimi viro nominis, facta; A. 1591 Italica, A. 1614 Gallica, A. 1622 Belgica. Quantum quamque illustre nomen tanta ars tantumque

quæ ingenium pepererit *Durero*, facile intelligitur. Nec tamen
fama, quæ, *Durero* a Maximiliano Imp. in censum Equitum
relatum fuisse, vulgavit, assentiendum ducit Historicus noster.
Una summi artificis calamitas fuit uxor, cujus & avaritia & su-
perbia perpetuo molesta fuit marito illorum vitiis vacuo.
Qui cum A. 1528 d. 6 Aprilis vita excessisset, summus ipse ami-
cus, *Bilibaldus Pirckheimerus*, metricum ejus elogium vulgavit:
quod & hic repræsentatur lectoribus una cum aliorum breviori-
bus epitaphiis, claudente hoc agmen epitaphio publico, quod
adhuc in cæmeterio Noribergensi omnium patet conspectui.
En illud:

§. 19.

20.

21.

22.

Vixit Germania sue decus
ALBERTUS DURERUS
Artium lumen, sol artificum,
Urbis patriæ Norib. ornamentum,
Pictor, chalcographus, sculptor
sive exemplo, quia omniscius,
dignus inventis, exteri
quem imitandum censerent,
Magnas magnatum, cos ingeniorum.
Post sesquiseculi requiem,
quia parem non habuit,
Solus hec cubare jubetur.
Tu feres sparge, viator.
A. R. S. M D C L X X X.
OPT. MER. F. CUR.
L. D. E. S.

ARTERIÆ COELIACÆ TABULAM
ejusque descriptionem communicavit **AUG. FRID.**
WALTHER, S. M. Polon. Regis & Elect. Sax. Ar-
chiater, Anatomæ & Chirurgiæ in Academia Lipsiensi
Professor Publicus.

Cum ea inter, quæ hac etiam ætate exquirenda diligentius in
anatomie superesse videntur, emendatam ac luculentiorẽ
arte-

arteriæ cœliacæ descriptionem tabulamque desiderari olim animadverteremus, tum, quoties cadavera incidendi, nobilissimæque arteriæ ramos præcipuos pernoscenti se nobis obtulit occasio, operam pro virili dedimus, ut quid crebrius, quid verò rarius in cœliacæ divisione, perinde ac ramorum, inprimis gastricorum, hepaticorumque principalium numero visum a nobis esset, qua decet cura studioque, annotaretur. Quæ quidem ita observata fuerunt, ea, quanquam omnia icone exprimi ac satis comprehendi, & pro dignitate sua representari nequeunt; tamen in hac rerum insigni varietate & copiam pluribus ex arte præparatis humanorum cadaverum arteriis cœliacis, talem seligendam delineandamque duximus, qualem, rariori in observatione ac nova major hepaticarum arteriarum notabiliorumque numerus nobis commendavit, quippe commodum satis erit deinde supplere verbis, quicquid nec capere tabula adjecta, nec distincte exhiberi potuit.

Claud. Galenus L. Diss. Ven. & Art. cœliacam quidem prope originem diduci bifariam & in hepar ventriculumque ac jecur converti retulit. *Andr. Vesalius* L. III de Corp. Hum. Fabr. cap. 13, hanc distinctionem confirmavit, dixitque: „a dextro „ramo duodenam ad intestinum hujus cognominis, deinde autem epiploicam in superiorem omenti membranam, ac porro „gastricam ad dextram & mediam usque fundi ventriculi partem promitti, denique reliquam illius dextri rami portionem „ad hepar procedere; verum antequam hæc eo perveniat, duos ipsam furculos cysticos producere. At sinistrum arteriæ cœliacæ ramum, mox gastricam reddere sinistram, quæ ex „parte una in mediam ventriculi sedem, ex altera vero in orificium sinistrum proferatur, & inter hos ramulos unum ad dextrum orificium porrigi, qui in progressu prospiciat furculis „tam anteriori quam posteriori ventriculi ledi: Inde juxta inferiorem omenti membranam propaginem diffundi, unde & „colon numerosam arteriarum sobolem accipiat: tandem vero reliquam splenis arteriam in duos ramos, & hos rursus in „longe plures minores dividi, ut & frequenti serie lienis cavo, „secundum rectam lineam arteriæ implantentur, & antequam „ita

ita fiat, rami tam omento, impertiantur, quam ad fundum venter-
 triculi sinisteriorem reflectantur. “ *Vesalium* excellentem ce-
 teroquin anatomes usu secuti sunt, & hanc ejus divisionem
 arteriæ celiacæ in ramum dextrum & sinistrum, longeque
 plura, quasi vero constans & observatio esset, & doctrinæ nor-
 ma, anatomici & physiologi acceperunt omnes, maximeque
 illi, qui iconibus artem illustrarunt, nec ultimo scriptore *Joh.*
Palsino excepto; præterquam quod diaphragmaticam ex cœ-
 liaca oriundam, & cum hepate communicantem plures anno-
 taverunt; & quod apud Cl. *Morgagnum* Epistola I n. 71 rela-
 tum legimus, quondam ante novem annos, arteriarum hepati-
 carum duos se invenisse truncos; porro, quod Cl. *Fantonus*
Anat. Corp. Hum. Diss. VI tradit, se duas semel iterumque ar-
 terias hepaticas vidisse: denique, quod apud Cl. *Ruyschium*
Adv. Dec. I p. 21 cysticæ arteriæ, ex arcuato flexu aortæ oriun-
 dz, duo rarissima commemorantur exempla. Duos celiacæ
 ramos, ad hepar delatos, *Bartb. Eustachium* delineasse *Jo. Mar.*
Lancisus opinatur; sed an cystica una arteria, an vero, uti ma-
 gis cum observationibus convenit, hepatica dici altera debeat,
 id inde non adeo liquet. Geminas si quidam scriptores cum
Vesalio cysticas retulerunt, aut contra alii ab eodem aliquantum
 recesserunt, id nunc haud ex omnibus referre, nedum observa-
 tiones defendere ac conciliare operæ pretium erit. Placet e re-
 centioribus notissimum, & cum quo fere plurimi conveniunt,
 proferre scriptorem *Phil. Verheyenum*, qui *Anatom. Tract. VII*
Cap. I ita loquitur: “ Abscedit autem arteria cœliaca trunco “
 simplici a parte anteriori aortæ, paulo inter diaphragma, sta- “
 timque dividitur in ramum dextrum & sinistrum. Ramus “
 dexter producit gastricam dextram ad ventriculum, ad omen- “
 tum, epiploicam dextram, deinde pancreaticam dextram, & “
 duodenam, cysticam & hepaticam. Ramus sinister germi- “
 nat sinistras gastricas, epiploicam, & quosdam exiguos ramos “
 ad pancreas; deinde maxima ejus pars arteria splenica lieni “
 impenditur. “

Quare nos integram, & altiore abdominis loco pluribus
 explicatam involucris humani corporis celiacam, cum notabi-

lioribus ramis, omnia vero, ut cera liquata fuerunt impleta, & Anatome publica cadaveris masculini d. d. 2 April. A. 1729, a nobis demonstrata, vel ideo selegimus proponenda, quod ad hocce nostrum exemplum, quo tres trunci habentur hepatici, quodve nondum alii memoriz prodiderunt scriptores, facile accommodentur plures in cadaveribus, quicunque occurrunt casus. Igitur tabula, quam adjecimus, truncus visitur arteriz celiacæ Q, cujus diameter partes nostri digiti duodecimas, seu lineas quinque cum semisse conficit; & is, inter unam vel duas superiores diaphragmaticas, scilicet illas exiguas, & hoc in exemplo P litera notatas, quæ ad dexteriores partem transversæ tendunt septi, deinde inter meseraicam superiorem R, quæ cœliaca quodammodo crassior est, ex aorta A egreditur, adeoque inter fines diaphragmatis, adhuc dum carneos visos, magis vero inter radices mesenterii membranosas erumpit. Inde hic noster truncus, scilicet ab origine sua septem circiter lineis pergit, ac primum offert diaphragmati notabiliorem præ alteris arteriam S, posteriori magis loco a se emissam, lineamque cum semisse crassam; & hæc prima omnium propago ad majorem, sed sinisteriorem partem diaphragmatis E pergit, eidemque ramificationibus suis prospicit. Abhinc exiguo intervallo & duabus circiter lineis truncus cœliacus dextram versus producit, quindecim lineas longam mittens arteriam, duasque lineas atque semissem crassam, quam hepatico-gastricam primam nuncupamus T; quippe hæc abit versus sinistram, & edit, præter b hepaticam primam, quoque gastricam insigniorem primam X, quæ duarum linearum diametrum habet, & utrinque superiorem ventriculi partem ab orificio sinistro fere ad dextrum usque perreptat; deinde mox eadem T, ad locum in ramo U, octo lineis continuatur, gastricamque minorem prioris sociam, a, crassitie quinque quartarum lineæ partium, aliamque minorem profert, quæ, cum extremam gulam & orificium sinistrum, tum subjectos ventriculi superiores fines, sinistrosque, ramis suis coronant: Tandem quod inde superest b, arteria hepatica prima a nobis vocatur, quæ duarum linearum crassitiem videndam exhibet, & dimidii pollicis intervallo;

lo, ab illo hepatis loco, ubi inseritur, in duos ramos majores, ac totidem circiter exiliores dividitur. Distat insertionis locus a divisione prima hepatico-gastricæ, duos pollices atque semissem. Vasa, quæ modo proposuimus, propria obductione transversa & membranosa, O, quæ plinguis, sed a *Glissonii* capsula remotior est, abscondita latent, facileque in Anatome sub parvo, quod ita *Cl. Winslow* vocat, omento visui se subducunt, ac negliguntur.

Sed redimus ad truncum celiacum, qui septem linearum intervallo a loco, quo arteriam T is ablegaverat, in duas principales dividitur partes, seu in hepatico-gastricam alteram T, & splenicam superiorem Z. Hæc demum trunci ita reliqui divisio, cum illa, quæ sola vulgo animadvertitur, propemodum convenire videtur, quando eum in celiacam dextram atque sinistram, fere omissis pluribus ex iis, quæ modo retulimus, auctores diviserunt. Dexterior altera, crassitie, nondum quatuor lineas, sinisterior vero lineas quatuor cum semisse refert. Ista cum lineis circiter octodecim processit, hepaticam alteram c, duas lineas & duas partes tertias crassam porrigit, relinquens in hoc exemplo nostro hepatico-gastricam continuatam e, duarum linearum & trium partium quartarum diametri; quippe, quæ ita dicitur, quod præcipue in hepaticam tertiam lineæ unius cum parte quarta diametri, d, mox a divisione abeat, & porro in gastricam dextram ee duarum linearum definat. Postquam ita nunc duas, nunc tres impertiri hepatis arterias insignes vidimus, nisi aliæ quoque rationes nos hoc monerent, vel tamen ideo magis ad juvandum sanguinis progressum per cavæ venæ hepaticas propagines, quam duntaxat ad nutriendum viscus per quascunque arterias, cruoris ad hepar derivari copiam contra opinionem a multis receptam arbitramur. Sed hi majores eminentesque sunt rami, quos hæcenus descripsimus, & in quot a parte dexteriore nostra cœliaca dividitur omnis. Trium supersunt ultimarum arteriarum rami, neque ideo jam negligendi, quod partibus aliis, & quidem insignibus destinentur. Itaque arteria hepatica altera c, mox ubi hepatis causa dividitur, & fere viscus subit, arteriam cysticam lineæ diametri a se dimittit, quæ decem lineis ab ortu suo in duos discescit

ramos ; qui utrique folliculi fellis lateri, tam anteriori quam posteriori prospiciunt, & anastomosis inter se pluribus conveniunt. Sequitur arteria hepatica d, quæ non solum in transitu versus hepar ramum minorem eo ablegat, sed etiam prope ee, gastricam dextram exiguam, k, ad superiorem partem pylori ventriculique ea mittit, cujus rami quoque proferuntur ad ventriculi sextam circiter longitudinis partem, quippe Anastomoses paraturi cum ramis X trunci, quem superius exposuimus. Reliquum est, ut de gastrica dextra ee, quæ in ordine nostro tanquam tertia ad ventriculum pertinet, nunc etiam aliqua addamus. Hæc juxta arteriam hepaticam tertiam, mox duodenam g quinque quartarum lineæ partium diametri educit, quæ plures illico ramos ad intestinum desert, & quatuor circiter digitorum intervallo ab origine sua, seu post finem ductus cholidochi, anastomosin cum ramo arteriæ meseraicæ superioris format; cujus generis anastomoses plures inprimis inter minores utriusque fontis ramos subinde fiunt. Post duodenam, hæc gastrica dextra a parte priori, & dexteriori, unam alteramque gastricam atque epiploicam f, sed a parte sinisteriori, & posteriori, duas vel tres notabiliores pancreaticas, i, reddit, & porro cum socio venæ portæ ramo hæc gastrica arteria omento, juxta pancreatis ampliorem partem, & dexteriori loco innectitur, mox cum eodem ramo venoso fundum ventriculi consequitur, cujus directionem viamque cum servat, tum gastricas, & gastro-epiploicas arterias plures suppeditat, ventriculumque adeo suis ramificationibus ad usque partem, quæ lienem respicit, longissime coronat.

Jam de splenico cœliacæ ramo Z tria adjicimus verba: Hæc arteria circiter parte quarta amplior arteria Y est, & statim, ut aliam ab origine insignem, ita in progressu longe plures pancreaticas, h, sibi adhærenti glandulæ tribuit; notatuque dignum est, quod ex his pancreaticis duæ vel tres posteriores, m, quæ membranæ ipsius innectuntur glandulæ, hanc quoque transeant, & ad colum intestinum cum sociis insignioribus meseraicæ superioris ramis proferantur. At in arcum quodammodo versus sinisteriora abdominis loca, ducitur, qui hac nostra icone exhiberi

beri ob longitudinem integer non potuit splenicus coeliacæ ramus, ipseque jam, & in medio itinere suo, arteriam primam emittit; quæ propago longior, & admodum juxta splenem flexa, torta que, etsi spleni superiori tandem reddatur, tamen duas vel tres gastricas ad eam partem ventriculi quasi a se reflecti patitur, quæ & sinisterior, & spleni superiori eo propinquior, quo ab ante laudatis gastricorum vasorum originibus remotior est. Tandem truncus arteriæ splenicæ, quo loco cuspidatum definit pancreas, splenemque inferius attingit, torquetur iterum ac retorquetur, statimque serpentino ductu per longitudinem visceris in superficie, quæ ventriculum spectat, pergit, ramisque insignioribus in splenem penetrat, & ad superiorem finem visceris, cum ramo, quem ante in medio itinere suo ablegaverat, de novo conjungitur. Illo pariter loco, quo finiri pancreas diximus, epiploicas sinisteriores arterias, crassioresque, prodire a splenico trunco cernimus, quæ humiliori inprimis omenti membranæ prospiciunt, quemadmodum hæc atque plura de eodem ramo *Andr. Vesalius* exposuit.


Sed nunc omnia, quæ a nobis, anatomen exercentibus, circa coeliacæ truncum in multis cadaveribus visa fuerunt, magis connectere & ad certos referre casus studebimus. Ac de phrenicis arteriis id exploratum tenemus, quod crebrius ex coeliaca dux orientur arteriæ, qualis e loco S ducitur, earundemque ad dextram una, sed altera ad sinistram diaphragmatis partem procedat. Neque vero eæ semper æqualem magnitudinem habent, sed aliquando dexterior & major visa, plerumque post principium coeliacæ nata, simul atque hæc ad dexterio rem partem diaphragmatis promittitur, tum quoque parte sui in thoracem penetrat, ramosque gulæ, & locis vicinis præbet, perinde ac hepatis, nunc majores, nunc minores, pluresque, aut pauciores, propagines tradit, prout aliter natura hepatis, aut etiam minus arteriis prospexit; quemadmodum non ita multo post patebit. Rarius præ illo, quem diximus casu accidit, ut dexterioris vices gesserint dux minores, ex aorta prolatae, P, & ita cum altera, quæ ex loco S producitur diaphragmati suffecerint, quemadmodum in nostro exemplo pingitur; sed aliquando in locum

plurium phrenicarum natura singulorum & majorem truncum, qui ex aorta loco circiter P nascitur, substituit, septoque transverso impertivit. Rarissimum denique illud esse deprehendimus exemplum, & quidem novissima Anatome publica a nobis visum, quo dexterior phrenica arteria in primo casu, quem supposuimus, e loco inferiori, & ex splenica, prope hujus ipsius originem provenisse observata fuit. Tres itaque quatuorve phrenicarum arteriarum varietates magis esse obvias nunc animadvertimus; sed tot pariter hepaticarum differentias, præter illum *Vesalii* casum modo percensemus. Ac primum in illis maxime cadaveribus, quibus plures phrenicæ soboles ad hepar delegatæ fuerunt, in his arteriam U defecisse observatur; sed locuples natura ut hunc defectum assidue suppleret; eo tum crassiorẽ Y arteriam celiacam dextramque fecit, quæ duos hepaticos truncos in tractu Y laudato promeret, quorum hepaticorum alter, sicuti c, in capsula *Glissoni* prorepat, & aliam, e, mittit; alter vero & celiacæ propinquior Y ab ductu deflectit, & communiter extra capsulam *Glissonii*, usque ad locum, quo b inferi in viscere diximus, produci spectatur. Ad secundum vero casum quod attinet, priorem frequenter inveniri, sed hunc vix rariorem esse, toties iteratæ observationes nos monuerunt, quo scilicet casu, ut etiam tabula demonstrat, arteria T, quæ in multis corporibus tantum in ventriculum convertitur, nihilominus in totidem fere aliis subjectis hepaticam primam, sæpe vix altera c minorem profert, qualem U atque b literæ in nostra icone fere designarunt. In tertio, sed rarius viso exemplorum genere tres hepar truncos, distinctosque accipit, & similia fere omnia visuntur illorum, quæ tabula nostra exhibentur. Plures circa minores cystidis, aut omenti, aut duodeni intestini, aut pancreatis arterias varietates, & reliqua, quæ observavimus, ea nunc mittimus, nec verbis declaramus; verum ordinarie non ex splenica arteria, sed ex trunco cœliaco gastricam sinistram T X provenisse adjicimus, & ita observationes, quas fecimus, contra *Vesalium* & reliquos pugnare anatomicos testamur. Quæ tandem cuncta si non omnem primæ celiacæ varietatem exhaustisse videntur, majorem duntaxat in doctrina veluti movisse lapidem, sed & aliorum ita

ex-



TAB. I ad A. 1730 M Jan. pag. 31



Rugner sculpit

excitasse anatomicorum industriam sufficere nunc poterit. Nam nisi vel nobis ipsis quartum, sed minimum frequens exemplum hepaticarum arteriarum nominare magis, quam exponere fufius nunc placeret, tum rem, quantum nos scimus, neque ab aliis, nisi fortassis a celeberrimo *Heistero* in Comp. Anat. obiter notatam, nedum a *Cbeseldeno*, cum ordinarios, non vero rarissimos meseraicæ enumeraret ramos, observatam, non prætermitteremus; scilicet truncum hepaticum, c, qui communiter innotuit, non a cœliaca, sed a meseraica superiore, & quidem immediate processisse, ita nos novissimæ Anatomæ publicæ d. d. 29 Octobr. 1729 exemplo cognovisse. Eandem enim observationem, & melioris notæ alteram, qua in eodem cadavere ductus thoracicus, pro utraque vena subclavia insigniter bipartitus demonstratus fuit; hæc & nonnulla alia, in singulo illo subiecto visa, mereri exillimamus, ut alio tempore & luculenter exponantur.

TABULÆ EXPOSITIO.

TAB. I.

- A. Arterix magnæ pars producta ante ventriculū.
- B. Ventriculus, quam fieri potest, versus sinistram reclinatus.
- C. Ejus orificium sinistrum.
- D. Venz cavæ portio unde hepaticæ venz prodeunt.
- E. Diaphragmatis portio.
- F. Hepar cum lobo FF.
- G. Folliculus fellis.
- H. Ductus cysticus.
- J. Ductus hepaticus.
- JJ. Ductus cholidochus.
- K. Arteria cystica, non duplex, sed singula, & in duos ramos præ utroque latere divisa.
- L. Intestini duodeni aperti & reflexi rugosique pars.
- M. Officium ductus cholidochi & pancreatici in duodeno intestino.
- N. Pancreas.
- O. Membrana remota, quæ obducit hoc loco arteriam hepaticam primam, ac gastricas sinistras a dextra ortas & diaphragmaticam cœliacæ.
- P. Arterix diaphragmaticæ ex Aorta duæ.
- Q. Arteria cœliaca.
- R. Arteria meseraica superior.

S. Arteria

- S. Arteria ex cœliaca diaphragmatica major.
 T. Arteria ex cœliaca hepatico - gastrica prima.
 a. Gastrica minor ab dextra orificium ventriculi sinistrum versus
 ablegata.
 U. Portio T unde a editur.
 b. Arteria hepatica prima.
 W. Truncus venæ portæ.
 X. Gastrica prima & insignis orificium ventriculi sinistrum versus
 ablegata.
 Y. Arteria hepatico - gastrica altera.
 Z. Arteria splenica.
 c. Arteria hepatica altera.
 d. Arteria hepatica tertia.
 e. Arteria Y continuata hoc loco offerens hepati arteriam d.
 ee. Arteria gastrica, quæ dextra dicitur.
 f. Arteriæ ad omentum & duodenum delatæ.
 g. Arteria duodena.
 h. Arteriæ pancreaticæ plures a splenica arteria.
 i. Arteriæ pancreaticæ a gastrica dextra ortæ.
 k. Gastrica minor dextra.
 m. Arteriæ splenicæ propagines ad intestinum colon sub pancreate
 tendentes.

OBSERVATIONES METEOROLOGICÆ,
factæ Lipsiæ, 1729, a G. F. R.

QUod superiori anno exhibui Diarium meteorologicum, nunc continuandum duxi. Nihil fere mutatum, nisi quod observationes adjectæ thermometricæ, horis in columna dierum, quod angustia spatii sic postulare videbatur, prætermisissis; de quibus hoc unum monere satis est, primam cujuslibet diei observationem, æstate factam esse circa horam septimam, hyeme circa octavam matutinam; alteram hora IV pomeridiana; tertiam denique sub noctem, post horam X. Altitudines hydrargyri in barometro, ut antea, digitis Londinensibus, eorumque partibus centesimis expressæ. Facta digitorum mutatione sub tempus tertiarum vel etiam secundarum observationum, si illa mutatio ad sequentes dies perduravit, ut d. V. XIV, XV Jan. XVI Jun. XIII Aug. tum partes centesimæ, ope uncæuli [, ad digitos lineæ proximæ relatæ; sin minus, totæ obser-

observationes, adjectis ipsis digitis, duobus uncinulis [] incluse, ut d. XIV & XXV Nov. Thermometro usus sum mercuriali, quod cum barometro fere convenire, faciliq; negotio vel ex eo fieri, vel in illud mutari constat, dummodo aer externus vel admittatur vel arceatur, & (quod caput rei est) alia adhibeat graduum divisio; quæ in meo quidem ad hunc modum se se habet: Totum spatium, a loco supremo, quem in aqua bulliente attingit hydrargyrum, ad ejusdem in inferiori vasculo stagnantis superficiem, in tres partes æquales, harumque supremam (nam in duabus reliquis id minime opus est, cum ad eas non descendat hydrargyrum) in 100 gradus, ac postremo singulos gradus in 4 particulas minores divisi. Gradus sursum numerantur; itaque summo loco adscriptus numerus 100, vel potius 300, nam duæ partes inferiores 200 gradus similes complecti judicandæ sunt. Decimus octavus (supra ducentesium) est gradus congelationis: circa trigesimum calor nostro sensu quam maxime temperatus indicatur: ad primum, ut opinor, nunquam, multo minus infra illum, in nostris regionibus, hydrargyrum delabitur, nisi in mistura nivis & salis posito thermometro, ubi duos fere gradus profundius subsistere mercurium observavi. Jamque sensus numerorum, in columna thermometro destinata, non potest esse obscurus. Die 1 Jan. mane, hydrargyrum duabus partibus quartis supra gradum quartum, vesperi vero, tribus partibus quartis supra sextum (& ducentesium) elevatum fuit: d. VIII Aug. circa horam IV pomerid. mercurius gradum attingit (supra ducentesium) quadagesimum primum: atque ita porro. Videor autem affirmare posse, ut in barometro diversas aeris gravitates, sic in isto thermometro diversos caloris gradus, diversis altitudinibus columnarum hydrargyrearum, si non accuratissima, at satis propinqua proportionem respondere, ob eamque rem calorem aeris, qui (exempli causa) d. VIII Aug. hora IV obtinuit, ad calorem, mane d. I Jan. observatum, (nam frigus quantumvis intolerabile nihil aliud est quam calor diminutus) non majorem habuisse rationem, quam numerum 241 ad numerum 204½. Sed & thermometra satis congruentia ubivis terrarum construi

hac methodo posse palam est. Quæ de re alio loco plura. Nunc de meteoris & tempestatibus anni proxime elapsi dicendum. Et quidem hyeme ac primo vere intensissimum regnasse frigus, ac subinde vires relumisse, nemo nescit: fervores æstatis satis mediocres: pluviz nimis raræ: venti frequentissimi ac prævalidi: tonitrua pauca & fere longinqua: autumnus medius subfrigidus: extremus vero remissus, valdeque pluvius ac turbulentus. Dies primus Jan. st. v. ac duo præcedentes gelidissimi; quibus proxime accesserunt dies VIII, IX, X Jan. itemque dies XIX, XX, XXIV, XXV & XXVI superioris Decembris. Æstus hoc anno maximus observatus d. VIII Aug. nec multo minor diebus I, VI, VII, XXIV & quinque sequentibus ejusdem mensis. Altitudo summa columnæ mercurialis in barometro, d. XXVI Febr. fuit digitorum Londinens. 30, 47; minima, d. XI ejusdem mensis, rursusque d. XXVII Novemb. digitorum 28, 81. Die XII Jan. mane, tempestas opaca & satis frigida; meridies serenior; post horam IV procella cum grandine minori; sub mediam noctem denuo procella, cælum squalidum, gelu solutum. Dies XXV Maji principio serena, mox nubila, cum vento invalescente atque ex subsolano in zephyrum mutato; vesperi, circa horam sextam, tantillum pluviz cum aliquot tonitruis longinquis; hora IX rursus pluvia parca & brevis, deinde cælum subnubilum. Die XII Jun. ante meridiem, tempestas nubila, post serenior & magis ventosa; hora secunda nubes cum tonitruis & procella; hora IV cælum serenum, sexta nubilum & inquietum, octava leviter pluvium, deinde iterum serenum cum vento remissiori. Die XXVIII Jun. post parcam pluviam serenitas; meridie pluvia & tonitrus; hora III pluvia; post septimam rursus pluvia & tonitrus; deinde nubes dispersæ: Hydrargyrum barometri, quod hora VII ad signum 29, 60, (a 69) delapsum, post horam X ad 65 denuo ascendebat. Vespere diei V (vel st. n. XVI) Novemb. & tota nocte sequente, insigne observatum lumen boreale, simul cum ardente cælo; quod cum neque viderim ipse, neque mutationes barometri annotare potuerim, quippe tum temporis absens, nihil nunc præter hæc pauca de tempestate addo, fuisse eam diebus præ-

precedentibus plerumque serenam ac frigidiusculam, die ipso commemorato admodum ventosam, post tranquilliores, subnubilam, pauloque remissius frigidam, deinceps vero perquam pluviam & procellosam, ut ex Diario constat. De cetero quæ mea sit de hoc genere meteororum sententia, duobus schediæmatibus, in novis litterariis, quæ A. 1721, sermone Latino & forma minori, in supplementum Actorum nostrorum, edita sunt, occasione similis maximeque notabilis meteori, quod a me ipso tunc temporis observatum est, exposui; cujus me sententiæ nec dum pænitere profiteor.

Diarium meteorologicum Lipsi. ad A. 1729.

Dies ß. v.	Barometrum.	Thermometrum	Ventus.	Tempestas.
Dec. XXI	29. 26 — 37	16.1 — —	W N W 1	nubila c. nive.
XXII. XXIII	53 — 68	— — —	W. 1	nubila.
XXIV	67 — 69	— — —	N O. 2	nubila, perquam frigida.
XXV	68 — 52	9.2. — —	N O. 2	nubila.
XXVI	45 — —	8.3 — 11.1	N O. 1	pl. nubila, c. nive.
XXVII	43 — 45	13.2 — —	N O. N. 1	nubila c. multa nive.
XXVIII	45 — 56	15 — —	W S W. S. 1	nubila.
XXIX	60 — 59	14, 13, 11.2	S. 1	nubila, serenior.
XXX	58 — 59	7.3, 10, —	S. 1	serena.
XXXI	59 — —	6.2, 7.2, —	S. W. 1	serena, subnubulosa.
Jan I	55 — 50	4.2, 6.3, —	S S W. 1	serena, subnubila.
II	48.46. 48	11, 12, 13	S W. 1	pler. nubila.
III	48 — —	14 — 15	S W. W. 1	nubila c. nive.
IV	70. 78. 85	15 — —	W. 1	nubila & nebulosa.
V	92. 99. 04	12.2 — —	W. W S W. 1	subserena, pl. nubila.
VI	30. 09. 15. 20	12.2 — 3	S W. 1	opaca, subnebulosa.
VII	20. 15. 13	13 — 9.3	S. O. N. 1	nebulosa, serena.
VIII	06 — 09	8, 10.2, 9.3	S. 1	serena, nebulosa.
IX	11 — 12	6.3 — 9.1	S. W. 2	serena, subnubila.
X	12 — 10	9. — 11.2	S. W. 1	nebulosa, nubila.
XI	00 — 05	12.1 — 14	S W. 2	nubila.
XII	29. 86. 61. 34	14.2, 16, 18	S S W. 2.3	inconstans, grandinosa.
XIII	18 — 11	18.2 — 19	S W. — 2.4	inconstans.
XIV	28. 04 [81	18.2 — 19.2	S W. 2.3	inconstans, pl. nubila.
XV	28. 90. 99 [21	20 — 21	S W. 2.3	subserena, squalida.

<i>Dies st. v.</i>	<i>Barometrum</i>	<i>Thermometrum</i>	<i>Ventus.</i>	<i>Tempestas.</i>
XVI	29. 61. 68. 50	20, 21, 19	W. S W. 2.4	serena, subnubila & numida.
XVII	27. 38. 32	20.1 — —	W. 2.3	subserena, nubila & humida.
XVIII	28. 95 — (29	21, 22.1, 21.3	W. 3.4	subserena, pl. nub. & humida.
XIX	29. 44. 40. 29	22 — 22.2	W. S W. 2.3	nebulosa, pluvia, subserena.
XX	29 — 38	22.2, 24, 22	W. 2.3	nubila subserena.
XXI	59 — 71	21 — —	W. 2	serena, subnubila c. nive.
XXII	59 — 62	20.2 — —	S. S W. 1	nubila, c. pauca nive.
XXIII	78.98. (09	19, 18.2, 17	N O. 2	nubila, serenior.
XXV	30. 09 — 03	15, 18, 16.3	N O. 2	serena.
XXV. XXVI	04 — 17	16 — 17.2	S W. 1	nubila, serenior.
XXVII	13 — 02	15.2 — 19	S. 1	serena.
XXVIII	01 — 02	18 — — 20	S W. W. 1	pler. serena.
XXIX	29. 97 — 88	19.2 — —	W. 2.3	subserena.
XXX	77 — 80	18 — — —	W. 2	pl. serena.
XXXI	67 76 93	18.1 — 16.3	W. W N W. 2	nubila c. nive.
Febr. I	67. 76. 93	18.1 — 16.3	N O. N. 1	nubila c. nive, subserena.
II. III	99 — 70	16, — — —	W. 2.3	nubila c. nive.
IV	74 — 60	16, — — 15.2	W S W. N O. 1	subnubila, pl. serena.
V	38 — 22	15.2 — 17.2	O S S O. 1	nubila, subserena.
VI. VII	22 — 53	17.3, 18, 16	S W. 2	nubila, subserena.
VIII	53 — 50	15 — — 15.2	W. 1.0	pl. nubila c. nive.
IX	40. 29. 36	17.2, 19.2, 21	S W. 2	nubila & pluvia.
X	— 00. 02	21, 22.2, 21.2	S W. 2.4	pl. nubila.
XI	28. 99. 81. [02	21.2, 22, 21.2	S S W. 2	pl. nubila & pluvia.
XII	29. 03 — 15	21.2, 23, 22	S W. 2	subserena.
XIII	30 — 55	21.2, 21 —	S W. 1	nubila c. nive, subserena.
XIV	60 — 61	20.2 — —	S W. W. 1	pl. nubila & nebulosa.
XV	54 — 52	20.2 — —	N W. 2	nivosa.
XVI	61. 68. 73	20.2, 21 —	S W. N. 1	nebulosa & nub. c. nive.
XVII	85. 91. 93	20.2 — —	N W. N O. 1	nubila.
XVIII	30. 00. 03. 10	19.2 — —	N O. 1	nubila.
XIX	11. 14. 15	19.2, 21, 19	N N W. N O. 1	nubila, subserena.
XX. XXI	15 — 04	17 — — —	N O. O. 1	serena.
XXII	29. 91. 84. 82	16 — — 19	S W. 1	serena, subnubila.
XXIII.	78. 87. 95	19.2 — 19	W. N W. N. 2	nubila & nebulosa.

<i>Dies ft. v.</i>	<i>Barometrum.</i>	<i>Thermometrum</i>	<i>Ventus.</i>	<i>Tempestas.</i>
XXIV	30. 16. 24. 29	16.2 — —	N.O.	2 serena.
XXV	31. 33. 37	15 — — —	N.O.	2 serena.
* XXVI	* 42. 45. 47	12.2, 15, 14	O.N.O.	2 serena. *
XXVII	43. 34. 30	13, 15.2 —	N.O.	2 pl. serena.
XXVIII	20. 9. 06	15, 18.1 —	N.O.	1 serena.
<i>Mart. I</i>	29. 99. 93. 89	17, 20, 19	SO. NO.	1 serena.
II	87. 82. 77	18, 24, 21	S.	1 serena.
III	75 — —	20.2, 23, 22	SSW.	1 serena, nubila.
IV	74 — 77	22 — — 21	SW.	1 nebulosa & pluvia, serenior.
V	76 — 88	21 — — —	W. N VV.	1 nebulosa & nub. subserena.
VI	91 — 89	20.2, 24, 21.2	N. N.	1 nubila, pler. serena.
VII	78. 66. 61	20.2, 25, 22.2	N.O.	2 serena.
VIII	49. 36. 35	21 — — 22	WNW. VV.	2 nubila.
IX	44. 36. 37	20.2, 21 —	W. SVV.	1 pler. serena.
X	38 — 43	20.2, — —	W. NW.	1 varia, pl. nub. c. nive.
XI	49 — 55	19 — — 18	W. NW.	1 serena, subnubila.
XII	55. 45. 39	16.2, 19. —	SO. NO.	1 serena, nubila.
XIII	26. 37 —	19 — — —	NNW.	2, 3 nivosa.
XIV. XV	41 — 59	17.2, 19 —	WNW. SW.	2 subnubila c. pauca nive.
XVI	60. 66. 77	18, 19 —	N.O.	2 pler. serena.
XVII	29. 93. (02 14	17.2, 20.2 —	NO. NW.	1 serena.
XVIII	30. 15. 04 00	19, 22 —	SW.	2 serena.
XIX	29. 91. 82. 75	21.2, 24.2 —	SVV WSW.	1 subnubila, serenior.
XX	68. 53. 40	24, 33, 30	S. SW.	2 pl. serena.
XXI	45 — 52	29.2, 34, 31	SW.	1 nubila & pluvia.
XXII	50. 41. 51	29, 33, 32	SO. SW.	2 nubila, serena.
XXIII	60 — 55	30, 31.2 —	S. W.	1 subnubila, pl. serena.
XXIV	55. 49. 44	30.2, 31.2 —	SO. SW.	1 pl. nubila, subpluvia.
XXV	58. 73. 80	27, 26 —	W.	2, 3 nubila.
XXVI	80. 72. 66	24 — —	W. SW.	2, 3 nubila c. nive, subserena.
XXVII	58. 53. 50	22.2, 24 —	SW.	2 pl. nubila c. nive.
XXVIII	46. 45. 48	24, 25.2 —	S. W.	2 subnubila.
XXIX	51 — 55	25.2, 27 —	W.	1 pl. serena.
XXX	56. 48 —	25, 29, 28	SO. O. NO.	1 nebulosa, serena.
XXXI	42 — 43	27, 28, —	N.O.	2 subserena.

<i>Dies, ft. v.</i>	<i>Barometrum.</i>	<i>Thermometrum</i>	<i>Ventus.</i>	<i>Tempestas.</i>
<i>Apr. I</i>	43 — 49	26, 27 —	NO	1 pl. nubila & pluvia.
II	50 — 52	26, 27 —	W. N. NO.	1 subnebulosa, nubila.
III	52 — —	26 2 — —	NO.	1 nubila, subserena.
—	— — —	— — —	O. N. O. W.	2 3 pl. humida & turbida.
<i>Maj. X</i>	60 — 58	28, 29 —	W. O. N. O.	1 nubila, subserena.
XI	55 42 —	28, 30 —	SO NO.	1 pler. serena.
XII	45. 60. 62	30, 31 —	SW. W. N.	2 3 subnubila, serena.
XIII	70. 62. 60	30.3, 34, 33	O. SO.	2 serena.
XIV	70. — 68	32, 34, 33 2	W. S. SO.	2 1 subnubila, serena.
XV	66. 74. 84	33.1 — —	SW. W.	2 serena, nubila & pluvia.
XVI	30. 00. 02 —	32, 33, —	W. N. W.	3 pler. nubila.
XVII. XVIII	29. 99 — 93	32, 33, 36	N. O. O. N. O.	1 serena & pulchra.
XIX	91 — 83	34, 39, 37	SO.	1 serena, subnubila.
XX	83 — 84	35, 39, —	W. N.	1 pler. serena.
XXI	86 — 87	35, 38, 36.2	NO.	1 subnubila, pl. serena.
XXII	90. 88. 89	36, 39.1, 37	SO.	1 serena & pulchra.
XXIII	91. 92. 97	36, 40, 39.1	N. W.	1 serena.
XXIV	97. 94. 88	36, 39.1, 37	NO.	1 subnubila, serena.
XXV	80. 73. 78	36, 39.1, —	O. S. W.	2 3 ser. nub. & subpluvia c. toni
XXVI	76 — 80	34.1, 35 —	W.	3 4 nub. subpluvia. (tru.
XXVII	73 — 88	34 — —	W.	3 4 nub. subpluvia, subserena.
XXVIII	87. 72 —	32, 33, 32	W.	3 pl. nubila & pluvia.
XXIX	75. 82. 84	29, 32, 30	W. N. NO.	3 1 nubila, serena.
XXX	87. 77. 78	28, 31.3, 31	SW. NO.	1 pler. serena.
XXXI	80 — 84	30, 33, 32	NNW. WNW.	2 serena.
<i>Jun. I</i>	83. 75 —	31, 32, 31.1	N. W.	2 serena, nub. & pluvia.
II	74. 71 —	31, 33, 31	N. W.	2 pl. nubila & pluvia.
III	82 — 94	30.2, 31 —	WN. W.	1 nubila, subserena.
IV	99 — 98	30, 33, 31	N. W. NO.	2 subnubila, pl. serena.
V	96. 86. 83	31, 33, 32	NO.	1 nubila, serena.
VI	83. 81. 87	31.2, 34, 33	NO.	2 subnub. & pluvia c. tonitru.
VII	87 — 89	37.2, 35, 34	NO. W.	1 subnub. & pluvia, c. tonitru.
VIII	91 — 94	33, 36, 35	W. NO. S.	1 serena, subpluvia.
IX.	96 — 94	34.1, 37.3, 37	SW.	1 serena & pulchra.
X	93. 86. 83	36, 38, 37	S. SO.	1 serena & pulchra.

<i>Dies, ft. v.</i>	<i>Barometrum.</i>	<i>Thermometrum</i>	<i>Ventus.</i>	<i>Tempestas.</i>
XI	76. 65. 72	36, 40, 37	S W. W.	2 ser. subnub. c. tonitru.
XII	60. 45. 55	36, 39, 37	S W.	2. 3. 4 subser. nub. c. tonitru.
XIII	55. 39. 36	35, 37.1, 36	W S W.	3. 2 serena, subnubila.
XIV	33. 30 —	34.2, 36, 34.3	S W.	2 subnub. serenior.
XV	40. 60. 74	34, 34.3, 34	W.	3 subser. pl. nub. c. tonitru.
XVI	93. 02. 03	32.2, 34, 33	W. N.	2 subnub. pl. serena.
XVII	30. 04. 02. 01	30.3, 34, 33	S W.	1 varia.
XVIII	29. 95. 85. 81	32, 35, 34.1	S. S O.	1 pler. serena.
XIX	76 — 90	34, 35.2 —	W.	1 nub. & pluvia, subserena.
XX	94 — 92	34.2, 36.2 —	W N W.	2 serena, subnubila.
XXI	96 — —	36, 37 —	W. N W.	2 subnub. pl. serena.
XXII	90 — —	37, 39, 36	W N W.	2 pler. serena.
XXIII	90. 93. 92	35, 38, 36	W. W N W.	2. 3 nubila, serena.
XXIV	99 — 93	33.2, 36.2, 35	W. N W.	2 serena.
XXV	84. 76. 80	33, 36, 35	S W. N O.	2 pler. serena.
XXVI	90 — 95	33.2, 35, 34	W. W N W.	2. 3 nub. & pluvia, serenior.
XXVII	94. 89. 82	32, 34.2, 33	W. N.	2. 3 pl. nub. & pluvia, subser.
XXVIII	69 — 65	33, 34, 33	W S W.	2 pl. nub. & pluv. c. tonitru.
XXIX	69 — 76	30.2, 32, 31.1	W.	3. 4. 2 pl. nub. & pluv. serenior.
XXX	83. 79 —	31.1, 34, 33	W.	1. 2 nubila, serena.
Jul. I	79. 75 —	31.2, 33, 32	W.	1. 2 pl. nub. & pluv. serenior.
II	79 — —	31.2, 34, 33	W N W.	2 pl. nub. & pluv. subserena.
III	79. 77. 84	32, 34.3, —	N W.	2 pl. nub. & pluv. c. tonitru.
IV. V	83. 82. 76	32, 36.2, 35	W. S. O.	1. 2 pler. serena.
VI	78 — 80	33.2, 35.3, 34.1	W.	2 nubila, serenior.
VII	82 — 79	33, 35.2, 34	W.	2 nubila, serenior.
VIII	75. 65. 58	31.2, 34, 33	W.	2 nubila, serena.
IX	51. 60. 62	31.2, 34, 33	N W.	2 serena, subnubila.
X	72. 68. 66	32, 35, 34.1	W. S W.	2. 1 pl. serena, subnubila.
XI	66. 59. 44	33, 36, 35	S. N O.	1 serena, pl. nubila.
XII	36. 34. 45	34.2, 37, 34.1	S O. S W. W.	3. 4 subser. nub. & pluvia.
XIII	82. 85. 87	32.2, 34, —	W.	2. 3 subnub. serenior.
XIV	94. 92. 90	31, 34.2, 34	W. S W.	2 pler. serena.
XV	88. 72. 65	32.3, 37, 36	S W.	3 pler. serena.
XVI	60. 55. 55	36, 37.1, 36	S W. S.	3 pl. nub. subpluvia, serenior.

<i>Dies, R.v.</i>	<i>Barometrum.</i>	<i>Thermometrum</i>	<i>Ventus.</i>	<i>Tempestas.</i>
XVII	57. 59. 65	35.1, 37.1, 36	SW.W. 3	subnubila, serenior.
XVIII	65. 60. 62	35.1, 36, 35	SW.W. 2.1	nub c. tonitru, subserena.
XIX	60. 61 —	34, 35.2 —	WSW. 1	nub. & pluv. c. tonitru.
XX	— — —	34.1 — —	SW. 1	nubila, serena.
XXI	61 — 66	33, 35, 34	SW. 1.2	serena subnubila.
XXII	74. 71. 69	33.2, 35, 34	SW.W. 2.3	serena, subnub. & pluv.
XXIII	73 — —	33.2, — —	W. 2	serena.
XXIV	70. 66. 68	34, 36, 35	SW.S. 1	pler. serena.
XXV	69. 66. 63	34, 37, 36	S.S.W. 1	pl. serena, subnub. c. tonitru.
XXVI	62. 59. 62	36, 37.3, 36	W.S.W. 2	varia c. tonitru.
XXVII	65 — 69	35.2, 37.1, 36	SW. 2	pler. serena.
XXVIII	76. 79. 85	35, 37, 36	WSW.SW. 2.1	pler. serena.
XXIX	89 — —	34, 36.3, 36	SW.W. 2	pler. serena.
XXX	84. 75. 76	35, 38, 37	O.S.O. 1	pler. serena.
XXXI	75. 69. 66	36, 39, 37	W. N. 1	pler. serena.
Aug. I	50. 40. 41	36.2, 40, 37	S.O.SW. 2	serena, subnubila.
II	50. 52. 56	55, 36.2, 35.3	SW.W. 2.3	nub & pluv. subserena.
III	65 — 86	35.2 — —	SW. 2.3	serena, pluv. & nub.
IV	88. 86 —	33.2, 36, 34.2	W. 1	nub. pler. serena.
V	85. 83. 80	33.2, 37, 36	S.S.O. 1	serena & pulchra.
VI.VII	78. 75. 80	36, 39.2, 38.1	S.S.O. 2	pler. serena.
* VIII	75. 61. 59	37, 41, 39.1	O. 2.3.1	serena. *
IX	70. 73. 76	37, 37.2, 37	SW.S. 2.3	varia.
X	68 — 81	35, 36, 35	SW. 3	pler. nub. & pluvia.
XI	89. 91. 96	33.2, 34.3, 34	SW.W. 2	nubila.
XII	30. 00 — 01	33, 35, 34	W. N. 2	pler. serena, subnub.
XIII	00. (93. 90	33, 35, 33.2	W. N.W. 2	pler. nub. subpluvia.
XIV	29. 76 — 85	33, 34, 33	N. 1	pler. nub. & pluvia.
XV	93. 92. 93	31, 33.2, 32	N. N.W. 2.1	pl. ser. subnub. & pluv.
XVI	91. 89. 90	31, 33, 32.1	W N.W. W. 2	nubila, serenior.
XVII	97 — 99	30.2, 34.1, 33.1	W. 2	pl. serena, subnubila.
XVIII	99 — 93	32, 35, 33	W. 3	pler. serena.
XIX	95 — —	32, 36, 34	W. 1	serena & pulchra.
XX	95. 93 —	33, 37, 35.2	W. N. 2	serena & pulchra.
XXI	95 — 99	33.2, 37, 35.2	WSW.WNW. 1	serena.

MENSIS JANUARIJ A. MDCCXXX.

Dies, st. v.	Barometrum.	Thermometrum	Ventus.	Tempestas.
XXII	30, 03 — 01	33, 36.2, 35.2	SVV. N. -1	serena.
XXIII	01. 00. [98	34, 38, 36	SVV. S. 1	serena.
XXIV	29, 94 85 —	34, 40, 38	SSVV. SVV. 2	serena.
XXV	85. 81 —	35, 40.2, 38.2	SVV. VV. 2	serena.
XXVI	87 — 90	35, 40, 38.2	SVV. 1	pler. serena.
XXVII	90. 93. 92	36, 40, 38	SW. W. N. W. 2	serena.
XXVIII	91. 85. 83	36.1, 40.1, 38.2	S O. 1	pler. serena.
XXIX	76. 73. 75	36.2, 40.2, 38	S. SVV VV. 3	ser. nub. & pluvia.
XXX	85. 92 95	36, 37, 36.2	VV. 2	nub. & pluv. subserena.
XXXI	94. 90. 87	32.3, 36, 35	SVV. S. O. 2	pler. serena.
Sept. I	77. 71 70	33.3, 36, 35	O. N VV. 1	serena.
II	70 — —	33.1, 35, 32.2	VV. N VV. 2.3	pler. serena.
III	67. 61. 59	31.2, 32 —	VV. 1	nubila.
IV	58 — 64	31, 32, 31.1	VV. VV S VV. 2	nubila, serenior.
V	72. 80. 83	29.2, 31.2, 31	VV. 2	nubila, subserena.
VI	97 — 94	30, 33, 31.2	S. S. O. 1	pler. serena.
VII	94. 89 —	29, 34, 32.2	S. O S. O. O. 1	serena.
VIII	93. 98 —	31, 34, 31.2	ONO. NNO. 2.1	nubila, serenior.
IX	99 — 90	29.2, 33, 30.2	N O. 2	nubila, serenior.
X	81. 71. 70	30, 33, 31	N O. 2.3	subnubila, serena.
XI	67. 66. 69	30.2, 33.2, 31	N O. 2	subnubila, serena.
XII	71 — 73	29.3, 33.2, 31.2	O S. O. S. 1	pl. nubila, subpluvia.
XIII	78. 74 —	29.3, 34, 32	VV S VV. VV. 1	subnub. pl. serena.
XIV	78. 74. 73	30, 35.2, 33	SSVV. S. O. O. 1	serena.
XV	73. 72 —	30.2, 35, 33	S. O. S. 1	serena.
XVI	67. 58. 43	30.3, 34.2, 33	S. S. O. 1	pler. serena.
XVII	30 — 32	32.2, 35.2 —	S. SSVV. 1	nub. & pluv. subserena.
XVIII	36 — —	32, 35, 33.2	SSVV. SVV. 3.4	pler. serena, subpluv.
XIX	39 — 37	32.2, 35, 34	SSVV. 2	nubila & pluvia.
XX	36 — 44	32, 34, 32	SVV. 2	pl. nub. & pluv. subserena.
XXI	65 — 69	30, 34, 32	SVV. 2	subnub. pler. serena.
XXII	62. 61 —	31, 33, 32	S. S. W. W S W. 2	nubila, serenior.
XXIII	62. 55. 50	31, 33, 32	S. SVV. 2	subnub. pler. serena.
XXIV	44 — —	30, 32, 31	S. 2	pl. nub. & subpluvia.
XXV	40 — 44	28, 31, 30	S. SVV. 2.1	subnub. pler. serena.

<i>Dies, n. v.</i>	<i>Barometrum.</i>	<i>Thermometrum</i>	<i>Ventus.</i>	<i>Tempestas.</i>
XXVI	44 39. 37	28.2, 30, 29	S.	2 pl. nub. subpluv. subserena.
XXVII	37. 31. 36	27.2, 31, 29	S.	2 subser. pl. nubila.
XXVIII	42. 47 —	28, 30.2, 29	S VV. VV.	2 nub. subpluv. subserena.
XXIX	56. 59. 60	28.2, 30, 29	S VV.	2 nub. subnebul. varia.
XXX	75. 78 —	27, 30, 28.2	S VV. VV.	1 subnub. pler. serena.
<i>Oct.</i> I	29, 79 — —	24.2, 28.2 —	S.	1 subser. pl. nubila.
II	80 — 82	29, 31.2, 30	SS VV. VV.	2 varia, subpluvia.
III	90, 00 — 01	29, 31, 29	VVS VV. VV.	1 subneb. & nub. pl. serena.
IV	01. 00 [93]	25, 30, 28	SO. O.	2 serena.
V	29, 75. 65. 62	25.2, 29, 28	ONO. SSO.	1 pler. serena.
VI	62 — 60	28, 30, 29	S. S VV.	2.3 pler. nub. subpluvia.
VII	45. 47. 45	28, 30, 29	S VV. VV.	2.3 nubila & pluvia.
VIII	51. 70 —	27, 29, 28	VV.	3.4 varia & turbulenta.
IX. X	86 — 94	27 2, 28 —	VV. S VV.	3.4 squalida, subpluvia.
XI	84. 67. 53	26 2, 28 —	S VV.	3.4 pler. serena.
XII	30. 12. 10	27.3, 30, 28.2	S VV.	3.4 subnub. pl. serena.
XIII	30. 19. 30	26.2, 28, 27	SSO. O. S VV.	1 nub. & pluvia.
XIV	49. 50. 61	26.2, 27.2 —	S VV.	1.2 pler. nubila.
XV	60. 51. 47	26.2, 27 —	VV NO.	1.2 nub. & pluvia.
XVI	43. 49. 59	25.2, 28, 27	S. VV. S VV.	2.3 nub. & nebul. serenior.
XVII	70. 69. 68	23.3, 27, 25.2	S.	1.2 serena.
XVIII	64. 59 —	24, 25.2, 25	S VV. VV.	1 subnebul. subpluv. serenior.
XIX	59 — 56	24, 25, 25.2	SSO.	1 nub. & nebul. serenior.
XX	60 — 66	23. 25, 24.2	SS VV.	1 pler. nubila.
XXI	59 — 58	24.2, 26. 25.1	SS VV. O.	1 pl. serena.
XXII	69 — —	25, — —	S.	1 serena.
XXIII	— — —	— — —	—	— — —
<i>Nov.</i> VIII	— — 71	— — 21	S.	1 pl. serena.
IX	58. 35. 10	21, 22, 21.2	SO.	1 subser. pl. nubila.
X	28, 83. 85. 91	21.2, 22 —	SO. SS VV.	1 subser. pl. nubila & pluv.
XI	29, 05. 12. 14	22, 22.2 —	VVS VV.	1 nebulosa, pluvia.
XII	18. 12. 06	22.2, 23 —	VVS VV.	2 squalida & pluvia.
XIII	06. 15. 24	23.2, 24 —	VVS VV. VV.	1 nub. & pluvia.
XIV	17 — [28, 83]	24.2 — —	S VV. SO.	2 nub. subser. pluvia.
XV	29, 26. 36 —	24, — 23.2	VVS VV. VV.	2 nub. & pluv. subserena.

<i>Dies, ft. v.</i>	<i>Barometrum.</i>	<i>Thermometrum</i>	<i>Ventus.</i>	<i>Tempestas.</i>
XVI	04 — 54	23.1, — 23	VV. 2.3	nebul. pluv. subserena.
XVII	67. 71. 67	22.1, 22.2, 22	VV. SVV. 1	pler. nubila, pluv.
XVIII	55. 57. 55	22.1, 23.3, 23	SVV. VV. 2	nubila, subser. pluv.
XIX	38. 30. 23	24.2, 25.3, 25	SVV. S. 3.2	pl. nub. & turbulenta.
XX	28. 38. 40	25.2, 26, 25.1	SVV. 2	subnub. subpluv. pl. ser.
XXI	50. 60. 75	24.2, 25.3, 25	S. 1	pler. serena & nebulosa.
XXII	30. 00. 10. 20	24, 24.2, 23.2	VV. NVV. 1	nub. & nebul. subserena.
XXIII	17. 15. 08	23, 23.2, 22	NO. 1	nubila, serenior.
XXIV	29. 94. 84. 80	21, 21.1, 21	NO. O. 1	nub. c. pauca nive.
XXV	59—[28.95]	20.2, 21 —	SSO. SVV. 2.3 4	pler. nub. subserena.
XXVI	29. 00. 20. 37	21.2, 22.3, 21.3	SVV. 3.2	nubila, serenior.
XXVII	28. 98. 81 [07]	21.2, 22.2, 22.1	SSO. SVV. 3.4	nub. subpluv. subserena. *
XXVIII	29. 12. 09. 34	22.1, 23, 22.3	S. VV. 2.3	nub. subpluv. serena.
XXIX	60 — 64	22.1, 23, —	SVV. 2	pler. serena.
XXX	53 — 39	22.2, 23 —	S. 1	subser. nub. & pluvia.
Dec. I	17. — 31	22.1, 23.3, —	S. SVV. 2.3	subpluv. subserena.
II	17. 09. 16	22.2, 24, 23.1	S. 2.3	nubila, serenior.
III	27. 34. 48	23.2, 23.3, 22.3	SSV. 2	subnubila, pler. serena.
IV	52 — 49	21.3, 23, 22	SSV. 1.2	pler. serena.
V	59 — 58	21.3, 22.3, 22.1	SSV. 2.3	pler. subnubila.
VI	64. 60. 63	22.1, 24, —	SSV. 3.2	pler. nubila.
VII	63. 57 —	24.2, 25.3, 26.3	SVV. 2.3	pluv. & opaca.
VIII	72. 75. 68	27, 27.3, 26.3	VV. 2	nub. pluv. subserena.
IX	59 — 58	26.1, 26.2, 25.2	SVV. 3.2	nub. subserena.
X	59. 48. 35	24.2, — —	SVV. 2	subnubila.

THE LIFE OF ROBERT, EARL OF LEICESTER,

i. e.

VITA ROBERTI, COMITIS LICESTRÆ.

Londini, apud Woodman & Lyon, 1727, 8.

Alph. i pl. i.

Qui *Parsoni* librum *de Statu Licestria* eolverunt, Robertum illum proditione, superbia, dissimulatione, impietate, injustitia, adulteriis, homicidiisque insignem fuisse sibi persuadebunt. Verum calumnias scriptoris produnt, quod *Burleighus*, Roberto infensissimus, multa *Parsono*, omnia undique conquirenti, communicaverit, ipse *Parsonus* vero autorem libri

- se profiteri haud fuerit ausus, imo libellum typis apud externos vulgari curaverit. Mirum tamen videri posset, Licesirii Eruditorum Mæcenatis & ipsius Reginae tantopere a suis commendatæ famam ab aliis non fuisse vindicatam, nisi indignum fuisse vilem istum scriptorem consutatione solida existimes, seu quod vero videtur similis, Licesrium virtutibus pariter ac vitiis excelluisse fatearis. Nos interim Autorem soli veritati litantem sequemur ducem, potiora inde proposituri. Natus fuit Robertus Dudlejus, patre Joanne, Duce Northumbriæ, matre Joanna, Eduardi Guilfordi filia & hærede. Sub Eduardo VI Cubiculariis Regiis adscriptus est, quo paullo post extincto, Janæ Grajæ partes secutus, cum res non ex voto succederent, ad Mariam transiit, sed carceri mancipatus, & perduellionis reus A. 1553 condemnatus est, ut e furca suspenderetur, ejusque corpus in quatuor partes divideretur, sed precibus quorundam libertati restitutus, mox Anglis in oppugnatione Fani S. Quintini præfuit. Jam tum animi corporisque dotes in Roberto elucebant eximie; faciem habebat venustam & corpus membris aptissimæ congruentibus ornatum; moribus præterea venustis ac liberalibus, & singulari humanitate omnium in se oculos animosque convertebat; quibus accedebat sermo suavissimus, quo gestus ita temperabat, ut cujusvis genio scitissime se accommodaret. Verum voluptas & ambitio, quibus se totum dederat, haud levem maculam famæ ipsius inusserunt. Elisabetha, cum ad regnum pervenisset, tanto ipsum favore complectebatur, ut plures causam a siderum influxu peterent. Primo namque regiminis anno Equitatu præfectus, & in Ordinem Periscelidis est allectus, edito paullo ante decreto, ut quisquis ob crimen læsæ majestatis condemnatus fuerit, si Rex ipsi ignoverit, Ordinis hujus capax esset. Hinc spe Reginae ducendæ inductus, uxorem, quam veneno frustra tentaverat, per scalas deijci clam curavit, quo lapsu gravissime læsa, brevi expiravit. Postea Comes Licesriæ creatus est, ut suasu Cecilii, ut creditur, Mariæ Scoticæ jungeretur, frustra quidem, Darlejo quippe mox intercedente. Cancellarius Academiæ Oxoniensis factus summo conatu barbariem oppugnavit, & artes liberales suo nitori restituit. A. 1571 Nicolaus Trogmortonius ex ulcere pulmonum intra paucos dies est extinctus, quem a Licesirio

strio herbis venenatis ipsi propinatis fuisse peremptum, fama erat, quod paullo ante cum Cecilio, Licestrii inimico, in gratiam redisset; plura ejusdem generis facinora tacemus. Idem Licestrius, Puritanis addictus, simultates exercuit cum Archi-Episcopo Cantuariensi, Stowelum inprimis, adulterii accusatum, liberare conatus; sed Archi-Episcopus in sententia perstitit. Accedit, quod Bartholomaeus Clericus, qui Reginae partes contra Sanderum de visibili Monarchia egregie defenderat, Decani officio ab Archi-Episcopo fuerat ornatus, quem tamen Regina, a Licestrio, ipsi adverso, permota, multis licet dolentibus, munere illo privari iussit. Defuncto Suffexio, adversario nostri acerrimo, genio suo magis indulgere videbatur Licestrius, adeo ut quendam vitia ipsius liberius propalantem ultimo supplicio affici curaret. De rebus Licestrii auspicio in Belgio gestis, aliunde satis constat; ceterum notari inprimis meretur Diploma, quo Foederati Belgae potestatem amplissimam in eum contulere; & proditio, qua Lugdunum Batavorum sibi subicere tentaverat, quae res tamen successu caruit. Hispanis, classe invincibili in Angliam missa, extrema A. 1688 huic genti minitantibus, Licestrius exercitum ad fines tutandos duxit, sed redux brevi post, febris correptus, die 4 Sept. ejusdem anni vitam cum morte commutavit. Post mortem deprehensus est, ipsum valde obæratum decessisse, unde Reginae jussu plurima ejus bona hactenus publicæ sunt subjecta, ut inprimis Thesaurus Regio debita exsolverentur. In Appendice comparet descriptio ceremoniarum, quibus Licestrius in Baronem & Comitem evectus, & inter Equites Periscelidis & S. Michaelis est cooptatus, & alia instrumenta authentica, ex quibus antea prolata firmanantur; in ipso quoque Opusculo testes fide digni singulis paginis subjiuntur.

Versuch einer Critischen Dicht-Kunst vor die Deutschen u.

p. 98. 103.
86.

88.

112.

133 sqq.
159.
265.

281.

282.

i. e.

TENTAMEN POETICES CRITICÆ, IN Germanorum gratiam conscriptæ, in quo, p. st g. neraliores Poeseos regulas, præcipua Poematum genera explicantur, & exemplis illustrantur. Præmissa est Horatii Ars Poetica, carmine Germanico reddita, & annotationibus aucta; Autore JO. CHRISTOPHORO GOTTSCHED, A.M.

F 3

Lipfiz,

Lipfiz, apud Bernh. Christoph. Breitkopf, 1729, 8 maj.

Alph. 1 pl. 17.

UT justum de arte Poetica Opus conderet Cl. Autor, multos annos studio huic se impendisse fatetur in Præfatione. Perquirenda sibi inprimis duxit summorum Criticorum Opera, a plerisque Poetis Germanis neglecta hæcenus, priusquam tradendis veræ Poeseos regulis se accingeret. De titulo Operis rationem reddit pariter in Præfatione. Censet nimirum, veri nominis Criticum non tantum litteris syllabisque inhærere, sed liberalium artium principia philosophica eruere debere: quare, præeunte Comite de Schaffsbury, Criticum vocat eruditum, de liberalibus artibus philosophantem; & proinde in hoc Opere tradere constituit Philosophiam de Poesi. Versio artis Poeticæ Horatianæ antea quidem jam ab Ill. *Eccarto* tentata fuit; verum Noster in nova, quam præmisit, versione mentem Poetæ luculentius & ornatius exprimere versibus conatus est. Subjectæ textui notæ versionis nunc rationem pandunt, nunc antiqua explicant, & Latinis olim utilia, Germanis quoque reddunt familiaria. Quod Opus ipsum attinet, abit illud in duas partes, quarum prior generalia Poeseos fundamenta tradit. Notamus vero, singulas propositiones exemplis optimorum Poetarum ubique illustrari, & nonnunquam testimoniiis Horatii & Boilavii confirmari. Primum Caput sistit *historiam de origine & incremento Poeseos*. Præter jam dicta ab aliis, novæ hic quædam apparent conjecturæ. Nimirum a cantu veterum Poetarum derivat carmina, in quem pronos fuisse primos homines supponit, unde primo vacuos mente sonos ediderunt, post vero tonis Musicis voces junxerunt, ut & suos exprimerent affectus, & in aliis excitarent similes. Metra nulla primo, post inculta, tandem cultiora, id est, certo conflata numero credit. Ac Græcos quidem syllabarum quantitati primos attendisse; unde longiores brevioresque tardioribus vel velocioribus tonis aptarint: unde melodiz ortæ; neglecta vero metra ab aliis populis fuisse, ex antiquissimis constare putat carminibus. Soli tandem Germani rhythmorum artificium sibi, sensimque toti Europæ intulerunt. Ceterum finem veterum Poetarum fuisse, ut, animi sui affectibus manifestatis, auditores suos in admirationem raperent, sicque eos docerent simul & delectarent. Cap II *Poeta character* describitur.

Pro-

Producit Noster Aristotelem, qui Poësin in humanarum actionum imitatione consistere contendit, & quæ a bono Poeta requirantur, ut felix sit imitator, inde latius deducit. C. III *Sanum gustum* ita evolvit Cl. Autor, ut nihil addi posse videatur. Observat vero vocem gustus tantum de artibus liberalibus, de scientiis nunquam usurpari. Varia hic ingeniose satis traduntur ab Autore & imprimis ad quæstionem, annon sui ævi locique gustum sequi præstet, quam regulas artis? responder, pulchritudinem rei non ab humano pendere arbitrio, sed ab innata rei perfectione, atque in Poësi nil pulchrum esse, quia placet: sed ideo placere poema, quia pulchrum, atque adeo Poetam merito non ventosæ plebis suffragia sequi, sed veterum regulas, meliorumque exempla Poetarum. Cap. IV agit de *triplici imitatione Poetica*. Prima est *descriptio*, quæ, difficilis licet, omnium tamen imitationum est vilissima. Altera est, ubi Poeta personæ cujusdam verba & affectus decenter imitatur: ubi probatur sapiens Homeri consilium, ut doctrinæ Moralis sciens sit Poeta, & ad experientiam attentus; simulque hac in re summos quandoque dormitasse Poetas, Virgilium, & ex nostris Canitium, Besserum, Hoffmannswaldau notat. Denique datur imitatio per *fabulam*, ut quæ princeps Poetæ occupatio esse debet. Defensa definitione fabulæ Aristotelica contra R. P. Bossu, quod sit *connexio rerum*; putat tamen accuratius describi posse, quod sit *eventus*, sub certis conditionibus possibilis, quo utilis aliqua moralis veritas tegitur, & varias fabularum species explicat. Cap. V agit de *admirabili in Poësi*, & ut admiratio excitetur in lectore, erudite docet. C. V. exponit *probabilitatem* in Poësi: quæ est fabulæ cum natura convenientia. Est vero vel absoluta, vel hypothetica, id est, quæ non probabilis, nisi sub certis quibusdam, sed qualibuscunque circumstantiis. Hinc tot errores deteguntur Poetarum, ipsius Homeri, circa clypeum Achillis, tripodas &c. Virgilii, Sophoclis & recentiorum, Camæns, Lusitani, Tassi, Ariosti, Marini, Voltaire. C. VII agit de *vocabulis Poeticis*: atque hic multa in medium prolata videas de habitu Poetæ ad vocabula usitata, peregrina, nova, epitheta, quæ tantam gratiam carmini conciliant, exquisita & cum Poetæ affectu convenientia. Tandem & de lusibus verborum agitur, quos tanquam pueriles Autor rejicit. C. IIX occupatur circa *diCTIONES tropicas*. Contendit hic Autor, nisi Poeta sit ingeniosus, illum prosaicos versus scripturum; & tropos sigillatim considerat, usumque eorum nimium & ridiculum detestatur. C. IX agit de *periodis Poeticis, earumque ornatu*, ubi inter alia res ipsi est cum R. P. Cerceau, qui essentiam Poeseos in vocabulorum transpositione posuit; & ea in re reprehendit Besserum,

quam-

quamvis largiatur, multa hic aurium judicio relinquenda esse. C. X de *figuris Poeticis* tractat; in quo, præter figuras a R. P. Lami in Oratoria traditas, addit gradationem & iurjurandum. C. XI exponit *stilum Poeticum*, ad quem requirit meditationem Poeticam, quæ quidem rationi non adversa, sed ingeniosa valde sit, tropis ornata atque figuris; ubi usum varium ostendens styli vulgaris, sublimis, & affectuosi, simul plures Lucani, Senecæ & Lohensteinii errores detegit. Cap. XII agit de *euphonia stili poetici, diversis versuum generibus & rhythmo*. Euphonia quidem a Poetis observata, primo in certo syllabarum numero: tum in determinata quadam brevium longarumque variatione constare cæpit: quales syllabas natura breves & longas in Græca, Latina, immo & Gallica lingua dari, contra Rollinum aliosque Gallos demonstrat. Pergit inde ad genera versuum, quæ inter primum fuit iambicum, omnium maxime naturale; tum agit de trochaicis: post de dactylicis, & anapæsticis.

Pars altera specialior totidem Capita complexa, quæ, paucis exceptis, propriis poematibus elegantissimis exornat; C. I de *Odis*, earum origine, compositione, & stilo; C. II de *Cantatis* Germanorum differit, inprimisque observat, eas vulgo ad Musici genium accommodari, quo omnes Menantis regulas collinere, ait, & innumeras Musicorum Italorum in cantatis protensiones, tanquam rem, plane a natura rei alienam, ridet. C. III de *Eclogis*: quæ omnium antiquissimæ; elegantiam earum in imitatione tranquillæ vitæ pastoralis ponit, deque eclogarum scriptoribus variis judicium perhibet. C. IV de *Elegiis* notat, quod fluide scribenda sint stilo, non fastoso: quo eas nimium fœdavit Hoffmannswaldau. C. V de *Epistolis Poeticis*; eas dividit in serias & jocosas, seu satyricas, eoque in genere excelluisse observat Horatium, Boilavium, Canitium, Neukirchium & Güntherum. C. VI de *Satyris*, adducta earum historia & definitione, innocentiam illarum probat, & simul notat, Satyricum debere esse Philosophum. C. VII de *Epigrammatibus & poematibus jocosis* inscriptum est. In illis verum acumen quærit, falsum vero, ex allusionibus puerilibus resultans, rejicit. Ad posteriora vero refert *Madrigalia, Quodlibet & similia* &c. C. IIX de *Poematibus dogmaticis aliisque majoribus*. Dogmatica tradiderunt plurimi, Empedocles, Lucretius & alii, sed auctores horum poematum ab Aristotele inter Poetas non recensentur, quia absunt a fabula, nisi ob ornatum suum ac stylum sublimem ad Poësin referri queant. Non negat tamen Cl. Autor, illis vim & gratiam inesse singularem, modo nimia prolixitas caveatur. C. IX de *carmine Epico seu Heroico* agit, cujus autor fuit *Homerus*: cujus *Iliados* & *Odyssæ* ideam Noster exponit. Illum imitatus est, quin & vicit *Virgilius* in *Æneide* Statius vero & Lucanus, idem aggressi opus, multum errarunt. Hinc porro de poematibus heroicis Lusitanorum & Hispanorum; de *Paradiso* amissio Miltoni & *Puella* Capellani differit, & quæ requirantur in hoc poematum genere, copiose exponit. Nec minus requisita & virtutes *Tragædiæ* C. X, *Comædiæ* C. XI, & *Opera*, quam vocant C. XII, eleganter & erudite tradit, iustis ubique horum poematum æ-

stimatoribus, de la Bruyere, Racine, Boilavio, S. Evremontio, des

Callieres, aliisque in partes vocatis.



ACTA ERUDITORUM,

publicata Lipsiæ

Calendis Februarii Anno MDCCXXX.

HISTOIRE DES PROVINCES-UNIES DES
Pais-Bas par Mr. LE CLERC.

i. e.

*HISTORIA FOEDERATARUM BELGII
Provinciarum inde ab A. MDLX usque ad pacem Ultra-
jectinam & Conventionem vulgo Traité de Barrière di-
ctam, & A. MDCCXVI conclusam; Autore JO. CLERI-
GO. Accessit Explicatio Numismatum præcipuorum, quæ
in memoriam rerum in Belgio gestarum cusa sunt.*

Tomi III.

Amstelodami, apud Honoré & Chatelain, T. I 1723,
T. II & III 1728, fol.

Alph. 17 cum Tabula Geogr. aliaque, qua confessus Statuum re-
presentatur, ut & Tabb. numismaticis 52.

Qui non ignorat, Celeb. Clericum tot scripta, Philoso-
phica, Historica, Theologica, Critica, Litteraria, vel
emississe in lucem, vel adhuc, etiam ad senium vergen-
tem, parturire, (quis vero vel leviter in re Litteraria versatus
ignoraverit?) mirabitur haud dubie, ei otium ad universam Bel-
gii, in quo tam diu vixit, Historiam ab initio conditæ Reipubli-
cæ ad nostra tempora non infeliciter producendam superfluisse.
Uti vero secutus est ubique duces fide dignos, Grotium, Rai-
danum, Meteranum, Aizemam, Brantium, ad quos ubique pro-
vocat, & in recentioribus Commentarios & epistolas Legatorum;

G

Estra-

Estradii, Templii aliorumque, quamvis non raro etiam utatur
 verbis, creditur, fertur, traditur; ita, prout bonum historicum de-
 cet, Vitos cordatos & prudentes probat, improbos vero & ma-
 le in Reipubl. animatos detestatur, ne desint Lectori exempla,
 quæ vel fugiat, vel sequatur. Præliis & obsidionibus urbium
 operose ac graphice describendis non admodum delectatur,
 quod nec illis, qui interfuerint, minutissimas rei gestæ cir-
 cumstantiis perspectas habere integrum sit semper. Contra in-
 ter Legatos de pace ultro citroque tractata prolixius refert, &
 turbarum inprimis intestinarum, quæ vel Republicam agita-
 runt, vel Ecclesiam, causas & eventus diligentius rimatur, & Ar-
 minianorum, ut facile credas, causam ubique defendit, ita ta-
 men, ut nec ab his minus prudenter acta dissimulet, & simul
 tolerantiam itidem commendet. De styli cultu non admodum
 fuit sollicitus, quod historia non fucatum, qualis Rhetorum,
 sed simplicem sermonem desideret; quem quidem subinde suc-
 cinctis observationibus ethico-politicis distinxit, quibus medi-
 tandi materiam attento Lectori suppeditavit. Deduxit vero
 Autor historiam Libris XVI ab A. 1560 ad finem A. 1712, et si ti-
 tulus sequentia quoque usque ad A. 1716 promittere videatur,
 quod ideo haud dubie factum, quoniam additus sub finem li-
 bri comparet Tractatus inter Imperatorem Carolum VI Regem-
 que M. Britannix & Belgas d. 15 Nov. 1715 conclusus, quem *de*
Barriere vocant.

p. 263.

Ne nihil speciminis proponamus, pauca saltem ad A. 1672,
 Belgis maxime fatalem, quæ non ubivis obvia nobis visa sunt,
 ex Autore repetemus. Cum Gallia jam non obscure Belgia
 bellum minaretur, vicit demum ea pars, quæ Guilielmo Prin-
 cipi Arausionensi, jam annis maturo, supremam belli terra mari-
 que præfecturam decernebat, concepta simul formula, qua ju-
 ratus promitteret ea, quibus leges & jura Reipubl. in tuto collo-
 cata viderentur. Hæc dum in membrana descripta in publico
 Statuum confessu prælegeretur, quidam interea ex Deputatis
 urbium Hollandiæ cultello discindebat veterem quandam for-
 mulam similem Wilhelmo Henrico præscriptam & in charta
 exarata, cumque ex eo quæreretur, quorsum id spectaret, re-
 spon-

spondebat: *se tam facile cultello chartam scindas, quanto facilius membranam ense secaveris?* Interim Wilhelmus se vitam & facultates omnes pro Republ. lubenter profuturum testabatur, idemque repetebat, cum abrogato Edicto perpetuo avitæ dignitati restitueretur; quo loco fatetur Autor, fuisse omnino Principem imperterritum ac vitæ prodigum, sed observatum fuisse a belli ducibus, eum consilium repente e re capere non potuisse, eoque vincendi occasionem sæpe e manibus dimisisse. Cum Carolus II Rex Angliæ Regni Senatui bellum Belgis inferendum proposuisset, Regni Cancellarius Shaftsbury inter alia verbis utebatur Catonis Censoris: *delenda est Carthago*, quamvis idem postea se invitum his consiliis accessisse fateatur. Et facta est belli denuntiatio in Anglia eodem die, quo in Gallia. Jam Rupefortius, capta urbe Naerda, imminebat Amstelodamo, modo statim ad Muydenam, oppidum haud procul Amstelodamo situm, perrexisset, & jam Muydenses, appropinquantibus forte naviculis, quibus præcursores exercitus Gallici contineri putabant, claves urbis propius accedentibus offerebant; interea ancilla quædam, sola in arce relicta, attollebat pontem, cives vero cum posito terrore panico recepissent animos, & quatuor tantum milites Gallos adesse intelligerent, eis bene potis facile claves iterum extorquebant: ita ut urbem, paulo post Belgicis copiis firmatam, frustra deinceps tentaverit Rupefortius. A Wittio Pensionario, boni publici admodum studioso, in eo quidem peccatum fuisse non dissimulatur, quod nullos plane sumtus impenderit in exploratores, unde factum, ut sero intellexerit, quæ Galli Angliæ contra Rempubl. meditarentur. De arario Amstelodamensi, vulgo *Banck*, notatur, sub initium motus Gallici mercatores, qui pecunias illic deposuerant, metu percussos eas repetiisse, & jussu Senatus statim illis omnia fuisse soluta, plures nempe myriades (*millions*) ubi observatum quoque, nummos plures ex incendio, quod pridem ante passa erat curia Amstel. nigredinem contraxisse, certissimo indicio pecuniam perpetuo eodem in loco asservatam fuisse; de quo multi antea dubitaverant. Cornelii de Witt, cædis Principi intentatæ accusati & tormentis subjecti, constantiam prædicat Autor Celeb. quod in-

p. 292.

264.

265.

277.

298.

287.

302.

ter acutissimos dolores illud Horatii Carmin. Lib. III Od. 3 repetisse memoretur :

*Iustum & tenacem propositi virum
Non civium arder prava iubentium,
Non vultus instantis tyranni
Mente quatit solida.*

Ceterum non dissimulandum, Nostrium aliquando repetere jam antea dicta, quo spectat observatio Tomo I p. 161 facta & T. III p. 481 repetita, quod Belgarum insurrectio principiis Theologorum Hispanorum minime repugnet, cum ipse Mariana in libro *de Regis institutione &c.* Toleti 1598, vel, ut alibi ait, 1599 cum approbatione censoris Regii edito, imo ipsi Philippo III dedicato, Monarchomachorum partes suscepit & Principem legibus omnino subesse statuerit.

Sed dicendum nobis nonnihil restat de nummis Historiam Belgicam illustrantibus, qui seorsim jam Tomo I accesserunt cum succincta explicatione. Etenim notum satis est institutum Bizoti, qui Opus haud inelegans sub tit. *Histoire Metallique de la Republique de Hollande*, Paris. 1687, fol. edidit, nummos complexum CLXII, & in nova editione Amstel. 1690 tribus Voll. in 8 maj. parata, figillatim Volumine III, quod & seorsim sub titulo Supplementi Bizotiani prodiit, nummis CCXXII auctum: quo utroque opere nummi ab A. 1565 ad A. 1689 cusi exhibentur. At Autor noster, qui se *Atlantis Historici*, apud eandem typographos excusi & non sine plausu excepti, Autorem in Praefatione prodit (nihil enim hic sibi vindicat *CL Clericus*) multo altius ascendit, inde a nummo in memoriam nuptiarum Maximiliani cum Maria Burgundica cuso atque adeo ab A. 1477 exorsus, desinitque deinceps in A. 1716, ut mirum non sit, eum in universum collegisse nummos CCCXCVI; in quibus explicandis ita versatus est, ut eos apte inprimis inter se connecteret, & quomodo facta illustria sese exceperint, & alia ex aliis nata sint memoria digna, Lectorem edoceret. Praeterea ita laborem partitus est, ut cujusvis plagulae alterum latus nummos repraesentet, alterum ex opposito explicationem absolvat, magno Lectorum commodo. Et quamvis a Bizoto suppetias acceperit

rit haud contemnendas, non tamen tam religiose illum secutus videtur, ut nihil omiserit eorum, quæ ille attulit. Ita enim ex gr. illud maximi moduli numisma perelegans, a Bizoto p. 216 edit. Paris. productum, quod *Amelia, Dei gratia Princeps Austraica, Comes Salmensis*, in memoriam mariti defuncti *Friderici Henrici, Dei gratia Principis Austraica, Comitis Nassovia*, A. 1649 cudi curavit, latemur nos haud reperisse apud Nostrum. Quod reliquum est, nihil omisere Typographi, quod ad typorum & chartæ nitorem & ad nummorum elegantiam exprimendam pertinet, ut nihil omnino desiderari posse videatur, nisi quod optabunt forte nonnulli, compendia rerum ad marginem apposita fuisse, quo magis Lectorum, quibus non omnia legere integrum est, commoditati consuleretur; quamvis defectus ille, siquis est, quodammodo pensetur Indice satis accurato sub finem Operis addito.

RERUM ITALICARUM SCRIPTORES
ab Anno Aere Christ. D ad MD. LUDOVICUS
ANT. MURATORIUS, *Ser. D. Mutinae Bibliothecae Praefectus, collegit, ordinavit & Praefationibus*
auxit.

Tomus XIV.

Mediolani, ex typographia Societatis Palatinae, 1729, fol.

Alph. 6 pl. 15.

Tomi hujus, qui Eminentissimo S. R. E. Cardinali *Alvaro Cienfuegos* inscriptus est, præcipuam partem occupat *Matthæi Villanii*, ejusque filii *Philippi, Historia ab A. 1348 ad A. 1264*. Nam cum Cl. Editor Tomo præcedenti inseruisset *Johannis Villanii Historiam*, quæ ad A. 1348, quo mortuus autor, pertingit, non potuit non hic iis locum dare, quæ ab eo anno Pater ejus *Matthæus*, *Johanni* non quidem dexteritate & prudentia, sed sermonis tantum elegantia inferior, usque ad annum æmortualem 1363 deduxit, quibus deinde filius *Philippus* quædam addidit, quæ tamen annum 1364 non excedunt. Et quamvis

hæc jam antea, & quidem Libri IX priores Florentiæ apud Jun-
tas 1562 & 1581, reliqua vero apud eosdem 1577 excusa essent,
tamen cum raro obvia essent, eo digniora Noster censuit, qui-
bus locus hic concederetur, quod varias lectiones e Codicibus
duobus Florentinis obtinisset, quas non exigui momenti esse
intellexit, quod singulari specimine demonstrat. Nimirum
neminem latet, Nostro quondam controversiam intercessisse cum
Reverendiss. hodie Archiepiscopo Ancyrano, Justo Fontanini,
de clavo crucis Christi Medoetiensi Italiæ coronæ impacto, quod
hic asseruerat, argumento inter alia usus, quod Matth. Villani-
us sanctam (*santa*) alicubi vocaverit hanc coronam; cui etsi op-
poneret Cl. Muratorius in Epistola ad Jo. Burch. Menckenium
nostrum, Thesauro Italiæ Burmanniano illata, etiam alias Re-
gum coronas, quæ clavum non continent, sanctas seu sacras dici
posse, nunc tamen magis in sententia sua confirmatus est, post-
quam in altero Villanii Codice neutiquam *santa* sed *seconda co-
rona*, scilicet altera post Aquensem, seu Colonensem, legi com-
perit, ut plura, quæ eodem pertinent, taceamus. Sequitur a
Jacobi Malvecii, quem Noster e nobili Mutinensium familia
deducit, *Chronicon Brixianum ab origine urbis ad A. 1332*, quod
Autor, A. 1412 se, ob pestem in Brixienfes grassantem in amœ-
nas Benaci oras profectum, conscripsisse testatur. Etsi vero id,
jam Vossio de Hist. Lat. Lib. III Cap. 9 minus laudatum, No-
ster quoque fateatur, in vetustis vulgatissimos scriptores, Pau-
lum Diaconum imprimis, describere, tamen se rem non ingra-
tam Lectoribus fecisse putat, quod primus in tanta Brixien-
sium scriptorum penuria Malvecium, non incultum aut barbarum
scriptorem in lucem produxerit, dolens, longius haud processisse
ad sua tempora Autorem, in quibus meliora haud dubio exspe-
ctanda fuissent. Nec multo majores laudes meretur, quan-
quam laudum ipso suarum minime parcus, *Antonius Aslesanus*,
cujus succedit 3 *Poema de varietate fortuna*, sive de vita sua &
gestis civium Astensium, ab origine urbis usque ad A. 1342, in
quo se secutum maxime fatetur Ogerium Alferium & Guil. Ven-
turam, a Nostro Tomo XI jam editos; nec tamen lectu indigna
sunt, quæ de suo addidit, maxime de moribus conterminarum
gen-

gentium, quos diligenter annotavit, dolendumque, in fine nonnulla videri desideranda, quæ ad ipsam auctoris ætatem propiora forte fuere. Natus enim fuit Auctor A. 1412 Villanovæ, Astensis agri oppido, patre Petro, Scriba publico, h. e. Notario & Grammaticæ ac Geometriæ Magistro, a quo missus A. 1429 Ticinum, sub clarissimis præceptoribus in Arte Oratoria & Poetica non mediocres fecit progressus. Inde ludum litterarium ipse in Astensi civitate aperuit, & post varia fata Capitaneus Castellæ Montis Raynerii & Caroli Ducis Aurelianensis Secretarius factus, circa A. 1450 poema, quod Noster nunc primum prodit, composuit. His demum accedunt 4 Anonymi *Annales Casenates ab A. 1162 ad A. 1362* nunc primum editi, in quibus annorum imprimis, mensium & dierum accurata ratio habetur, atque universa Romanicæ ac vicinarum regionum historia continetur, non ab uno, ut videtur, sed a pluribus successive auctoribus composita. Esti vero Scipio Claramontius, auctor egregius Latinæ Casenatis historię, in ea ipsa urbe 1641 editæ, hac historia perpetuo usus sit, bene tamen factum, quod ipsum nunc fontem nobis dederit Cl. Muratorius, cujus thesauros nondum exhaustos esse minime dubitamus.

THEODORI REGNERI DE BASSENN DE

Jurejurando veterum imprimis Romanorum Liber singularis.

Trajecti ad Rhenum, apud Melch. Leon. Charlois, 1728, 8.

Alph. 1 pl. 7.

HAudquaquam absterruerunt Nostrum commentationes aliorum, qui de jurejurando ex præscripto egerunt. Nondum enim exhausta & congesta in unum omnia esse, sentiebat, quæ ex Romanis præsertim moribus & legibus ad hoc argumentum perferre absolvendum conducere poterant. Quare hanc sibi navandam existimavit operam, utilissimam certe, seu Jurisprudentiam, seu literas elegantiores ac disciplinas alias & Auctorum imprimis veterum lectionem species. In Proœmio, quod Vir doctus lucubrationi suæ præmisit, id agit, ut perjurium esse

- p. 14. mendacio gravius demonstret argumentis quibusdam, tum & veterum testimoniis & gentium moribus: laudat dein Imperatorum quorundam legislationem, qui certis & quibusdam nominatis casibus perjuros gravioribus poenis subjecerunt, sed defectum simul juris Romani, non in omnes omnino perjuros poenam statuentis, notat. Ipsam tractationem octo Capitibus absolvit. Orditur a verborum explicatione, ac iusjurandum, quasi *Jovis jurandum* a Jove deductum, præcipuo iusjurandi præfide ac vindice, mavult dici, quam a *jure jurando*. Dissertit inde de Jovis *Opis* cognomine, ac tandem synonyma iusjurandi, *dejurium*, *juramentum*, *jus jurandum*, *sacramentum*, *religio*, item *iurisjurandi vel sacramenti religio*, seu *fides*, *exsecratio*, *obtestatio*, partim evolvit, partim vindicat. Convertitur hinc ad definitionem iusjurandi Capite II: esse *invocationem Divini Numinis in testimonium, cum exsecratione sui, si jurans sciens fefellerit*. Dum singulas hujus definitionis partes illustrat, iusjurandum esse speciem adorationis cultusque Divini, admonet, unde complura manasse observat. Scilicet hinc formulam extitisse putat, ut, quemadmodum in sacris & sacrificiis rem divinam agentibus animi intentio commendaretur, *hoc agerent*, sic etiam juraturi, Censorum aliorumque Magistratuum voce, publice admonerentur, *ex animi sui sententia jurarent*. Multis hanc formulæ significationem usumque istum confirmare satagit, ut ii demum jurejurando obligarentur, qui ex animi sententia, i. e. animo deliberato & sui compote, quo in rem præsentem consensissent, juraverant. Idem esse, *liquido jurare*, i. e. liquido & bene intelligente animo jurare. Porro, quia iusjurandum pertineat ad cultum & adorationem Numinis, consequens fuisse, ut omnes gestus & externi corporis motus a jurantibus adhiberentur, qui alias adorantibus solennes erant. Hinc ritus, tangendi aras & mensas quotidianas, hinc manuum, aut folius dextræ ad cælum porrectionem esse: ut oscitanter scripserit Hansenius, hunc morem ævo recentiore originem traxisse. Apud veteres idcirco, *promittere clavis alte manibus*, idem esse, ac jurejurando promittere. Superstitiosas nunc iusjurandi per sanctos & per Angelos, item per

per alias res extra Deum, per Solem, per terram, per caput, per
 liberos &c. concepti formulas perstringit & Hug. Grotium ha-
 rum defenforem notat, ac deinde res, per quas præsertim Ro-
 mani præter Deos jurare soliti, recenset, ut per cineres ossaque
 defunctorum, per signa militaria, per Genios, per Genium Cæ-
 saris, per sceptrum Jovis, per hastas, per res cuique charissimas.
 Romanos etiam, ex veteri jure Pontificio, passim post insignio-
 rum Numinum appellationes per Deos omnes generatim ju-
 rasse, aliquando generalem hanc Deorum invocationem præ-
 misisse: Pontifici Romano, cum per Deos jurare recte posset,
 per liberos jurare non licuisse: Gellium vero, qui mulieres per
 Herculem, viros per Castorem nunquam dejerasse scribit, & ra-
 tionem a sacris & sacrificiis Herculis allatam prolixè confutat
 Noster, ac tandem de magno Deorum per aquas Stygias sacra-
 mento nonnulla subjicit. Discrimine inter jusjurandum, præ-
 ces, postulationes, devotiones, execrationes, constituto, finem
 jurisjurandi explicat. Omne jusjurandum in perjurii execra-
 tionem definere, cujus propterea in definitione fiat mentio: esse
 tamen execrationibus aliquando adjectas faustas preces, imo
 frequentissimum esse jurisjurandi genus, quo fausta omnia
 ita sibi precatur jurans, uti ex animi sui sententia loquitur, &
 huc pertinere jurisjurandi conceptiones, quibus verba per futu-
 ros rerum eventus, quos maxime sperarent cuperentque, effere-
 rentur. Hinc emendandum esse Festi locum: *Mensa frugi-
 busque jurato, significat per mensam & fruges*: ut legamus:
Messe frugibusque juratis, significat per messem & fruges:
 quam quidem lectionem & editiones quædam suggerunt. Post
 enarratas adhuc jurisjurandi formulas nonnullas, suo, non al-
 terius periculo jurandum esse, monet, & hinc tralatitia quædam
 de sacramentalibus, ad quos jurisjurandi credulitatis originem
 referendam putat, nec non de jurejurando per alium præstando
 affert, atque finit in explicatione formulæ: *Si sciens fallo*. Per-
 git Capite III ad species jurisjurandi: ubi primum agit de jure-
 jurando corporali. Veteres Numina sacris rebus magis præ-
 sentia credidisse, ac propterea *corporaliter*, i. e. tacto quocun-
 que corpore sacro, jurare consuevisse, tactis aris, igne, extis, si-

p. 61.

75.

77.

87.

90.

94.

98.

107.

- mulacris Deorum ; pedibus instillisse hostiis macclatis ; in fœderibus feriendis dextras junxisse super exta in aris ardentia ; tetigisse faces, altariibus appositas, imo & mensas familiares & domesticas, tanquam sacras, caput aliave corporis membra, Diis certis dicata & sacra, ossa quoque & cineres mortuorum. Investigat & refellit Christianorum morem jurandi manibus impositis in reliquias sanctorum, sacrosancta Evangelia, reliquasve res, opinione sua sacras. Subnectit his nonnihil de jurejurando incorporali, quod in instrumento vel nuda voce & verbatenus præstatur, & suspicionem addit, corporale jusjurandum forsitan apud antiquos dictum fuisse, quod quis ipse corpore præsens & viva voce jurat, incorporale, quod absens & in scriptis aut per procuratorem præstat. Capite IV aggreditur divisionem jurisjurandi in publicum & privatum. Illud, publicam utilitatem spectans, ulterius discernit in paganum & militare. Observat vero, jusjurandum publicum non semper conceptum esse in Capitolio, verum etiam in Curia, ad aram Victoriæ, in Rostris, in Comitio ad Puteal & in Campo Martio in villa publica. Publice & privatim promiscue jurasse Romanos ad aram maximam Herculis in foro boario. Explicat, quid sit, *præire verba jurisjurandi*, item *præcuntem sequi*? quid, *concupere*? quid, *præjurare*? quid, *præjurationes*? Prævisse jurisjurandi verba Pontifices, Prætores, Proconsules, Imperatores five Duces: præjurasse, qui ex pluribus ante alios juraret, quem cæteri sequerentur, dicentes tantummodo: *idem in me*. Omni iurijurando publico præmissam esse formulam: *Ex animi tui sententia*. Sigillatim nunc tractat de diversis jurisjurandi publici speciebus, ut de jurejurando Candidatorum, cum ordinario & consueto, tum extraordinario, Consulum designatorum aliorumque Magistratum honorem ineuntium, Cæsarum, initio Magistratus alicujus suscepti, itemque post assumptum Principatum, Magistratum majorum, peracto honoris tempore, Judicum & populi judicaturi jusjurandum in leges, item Prætorum & Præsidum in provinciis. Porro explicat jusjurandum eorum, qui sacris initiarentur, præcipue de sacris non vulgandis, unde *mysteriorum & sacramentorum* appellationes, postea ad
- p. 131.
138.
141.
142.
151.
153.
158.
161.
166 sqq.
182.
188.

ad Christianorum sacra translata; item jusjurandum in cooptandis per collegia sacerdotibus, & in ordinandis Christianorum Episcopis usitatum; denique jusjurandum, quo se quorundam Philosophorum sectæ addicentes, ad mystarum exemplum adstrinxerunt. Sequitur jusjurandum tutorum & curatorum, item Advocatorum, quos in scholis affectantes declamatores idem suis declamationibus præmiserint; denique jusjurandum, quo acclamationes suas, qui publice applaudebant, asseverare consueverint. Succedit jusjurandum populi, quo leges sanciret, Patrum patratorum & Fecialium populi nomine jurantium; Senatorum jusjurandum de fide sua & silentio, Prætorum iudices eligentium, item de religione referentium ad Senatum, jusjurandum, quo omnes Magistratus, Senatus, populus, in urbe & in provinciis adigebantur in verba Principis Rempublicam capessentis, quotannis repetitum. Jurijurando publico ulterius accensetur, quod de calumnia jurabant accusatores; jusjurandum de donis & muneribus, nec datis, nec dandis, nec promissis: ejuratio Judicum: testium jusjurandum, qui inde *juratores* cadente Latinitate appellati, quibus solennis formula: *se arbitrari*: jusjurandum maritorum, a censoribus publice exactum; civium, bona sua in censum deferentium, unde Censores quoque *juratores*, quia jusjurandum exigent, cives, qui jurassent, *jurati* dicti: jusjurandum in arrogationibus a Q. Mucio Pont. Max. conceptum; ac tandem publici jurisjurandi, & quidem pagani, species claudit, quod principes civitatis jurant, qui ludis Megalensibus mutitarent. Caput V destinavit Auctor jurijurando publico militari, cujus duplicem animadvertit usum, principalem in auctorandis militibus, adjuvantem in promovenda disciplina militari. Milites auctorandi necessitatem ex sanctitate militiæ Romanæ fuisse, inde milites dictos *sacratos*. Gladiatorum jusjurandum a militibus translatum fuisse. *Conjuratorem* olim fuisse genus militiæ, imminente bello Italico vel Gallico: *jusjurandum militare & sacramentum*, quæ Livius alicubi discernit, ita differre, quod illud sit necessarium & coactum, hoc voluntarium, contra, quam Sigonius & Lipsius senterint: *sacramento adigere*, esse idem, ac dele-

p. 191.

203 sqq.

207.
210sqq.

218.
222.

228 sq.

249.

256.

264.

267.
272.

- et instituto militem conscribere : inde a militie vinculo tra-
 ctata figura *sacramentum* vocari , omnem agendi vel patiendi
 necessitatem , ac speciatim belli suscipiendi necessitatem dici *bel-
 li sacramentum*. Ad iurijurandi , quod disciplinam militarem
 contineret , species refert illud , quo de furto non faciendo , item
 p.287. quo de praeda non intervertenda vel avertenda milites obstrin-
 291. gebantur , porro , quo milites in re subita , vel ingenti dimicatio-
 ne imminente , juraverint ; nec non iusjurandum , quo segniori-
 bus nota inurebatur ; itemque quo exercitus reddebatur ala-
 crior & animosior , jurantibus aliquando etiam Imperatori-
 297. bus spem & alacritatem. Milites una cum paganis quoque
 in verba Principis , imperium auspicantis , adactos , & similiter
 quotannis Kalendis Januariis in principis castrorum , ubi tribu-
 302. nal erat , jurasse. Denique refertur iusjurandum Ducis vel Im-
 peratoris ex Lege Maria Porcia de numero castrorum hostium
 & amissorum civium praestando. Subnectitur appendix Capi-
 304 sqq. tis IV & V de iuratis excusationibus eorum , qui Consulatum re-
 liquave munera publica deprecari vellent , item Augurum ad
 caenam novi Augusti non venientium , ut & qui iustum militie
 impedimentum allegarent. Progreditur Noster Capite VI ad
 iusjurandum privatum. Hoc vel in pollicitationibus , vel in as-
 311. sertionibus versari. Ad iusjurandum promissorium , praeter il-
 lud , quod futura quavis negotia respicit , ejus exempla
 illustria ex historia Romana producit , ac praeter illud , quod a
 contrahentibus velut fidei pignus exigitur & accipitur , refert
 315. etiam iusjurandum a vidua , ex Novella XXII Cap. 44 , praes-
 standum , si ad secunda transferit vota , quod surrogatum in lo-
 319. cum iurijurandi ex Lege Julia Miscella olim praestandi , porro
 321. cautionem iuratam de iudicio sistendo. Lusit deinde iusju-
 randum assertorium , ejusque species diversas , scilicet primum ,
 quod iuratur de veritate a litigatoribus , & discernitur in volun-
 323. tarium , necessarium , & judiciale , porro illud , quod iuratur ex
 animi affectione , cujus usum observat in actionibus injuria-
 rum , quo se reus purgaret , non injuriandi animo fecisse : *ma-*
 328. *lam* vero *mentem* excusantes , omnem injuriae culpam conta-
 bilisse in Deos & malos genios. Praeterea , qualemcunque crimi-
 nis

nis suspicionem jurejurando amovisse veteres, exemplis illustrat, unde sacramentum *purgationis* originem traxerit. Postremam jurejurandi partitionem facit in illud, quod in judicio, & alterum, quod extra judicium præstatur. Capite VI descendit ad affectus jurejurandi. Et contractum quidem valori nihil exinde virium accedere: æquiparari jurejurandum nudo pacto, neque adeo ex eo actionem nasci, nisi sit legitimum. Recenset proinde species jurejurandi legitimi, ut, illud liberti, quod præstabat ex Lege Julia & Papia inter manumittendum, jurejurandum minoris, quo renuntiat restitutioni in integrum, transactionem juratam, item si quis moriens jurato modum suæ substantiæ definiverit, ac tandem jurejurandum assertorium veritatis & affectionis. Pluribus nunc jurejurandi delati vel relati jam præstiti effectus persequitur, ac subjungit de remissione jurejurandi, qua dicimur *jurejurandi gratiam facere* vel ante, vel post præstitum sacramentum, simulque in fundamentum juris Principum in solvendis jurejurando civibus inquirat, hisque annexit quædam de verborum *obsecrare, refectare, adjurare*, usæ & potestate. Ultimo Capite tractat de pœnis perjurii. Olim Feciales & cognovisse & expiasse, si quid Imperatores contra jurejurandi religionem patrassent, de reliquorum perjurii cognitionem fuisse penes Pontifices, ita saltem, ut *piaculum* commissum expiarent. Hinc Imperatoribus, Pontificatu maximo suscepto, competiisse jus solvendi jurejurandi religionem. Quos perjurium commisisse pronuntiassent Pontifices, in libera Republica, subiisse pœnam Censoriam, scilicet infamiam, quæ sub Imperatoribus observari desierit, ita tamen, ut qui per Genium, salutem aut venerationem Principis falso jurassent, inciderent in Legem Juliam Majestatis, dum fustibus extra ordinem plecterentur, quod contra Anton. Matthæi asseritur: fuisse autem hujus animadversionis autores Imp. Severum & Antoninum, sed eam temperasse Alexandrum, fervorem animique impetum distinguendo a cogitatione & deliberato consilio. Ante Severi & Antonini Rescriptum pœnam ordinariam irrogatam videri. Denique Honorium & Arcadium primos ex Imp. Christianis pœnam sanxisse de his, qui per Deum pejerassent,

p.330.

331.

332.

341.

347.

354.

361.

365.

368.

378.

- in *l. 41 C. de transact.* scilicet, ut, qui transactiones jurejurando munitas non servaverit, infamiz notam subiret, omnique transactionis emolumento careret ac præterea poenam pactis insertam præstaret. Huic novam sanctionem adiecisse Honorium & Theodosium in *l. 17 C. de dignitat.* ut viri illustres, cautionem juratoriam iudicii sistendi causa negligentes, in pecuniariis causis rerum possessionem amitterent, in criminalibus dignitate spoliarentur & inconsulto Principe damnari possent. Tertio addidisse Imp. Justinianum in *Novella CXVII Cap. 2*, ut Chartularius vel Tribunus milium, fallo jurans mulieri, de morte mariti inquirenti, militia dimitteretur & X auri libras penderet ei, quem mortuum erat mentitus. Hisce tribus casibus potissimum sanxisse Imperatores perjurii in Divinam Majestatem commissi poenam. Ceterum mansisse sub Imperatoribus Christianis illud inter perjuria, quæ simpliciter in Deum, & quæ in Majestatem Principis commissa essent, discrimen. Neque Modestinum in *l. 4 D. de stellionatu*, de poena perjurii, sed insignioris fraudis & calliditatis extraordinaria loqui, neque alias locum habuisse stellionatus accusationem. Publica vero perjuriorum impunitate non fuisse ablatum privatis jus suum, quibus inde sine culpa sua læsis doli mali litem intendere liceret, atque sic explicandam *l. 13 C. de testib.* secus, si delatum fuisset iusjurandum, quorsum spectent *l. 21 D. de dol. mal. l. 28 §. 10 D. de jurej.* Sed jam perfunctus videtur sibi Autor consideratione juridica, & postquam veterum de perjurii poenis, quæ corporibus inflictæ divinitus pejerantes manifestarent, inter quæ sunt *ψευδὴς ὄψος*, sive *mendacia nasi*, scilicet pustulæ & maculæ in naso pejerantium protuberantes, superstitionem perstrinxit, finit Commentationem suam in Hesiodi & Servii de poena Deorum pejerantium narrationibus conciliandis. Quemadmodum vero in ipso Opusculo variz insertæ sunt digressiones, ut Capite IV, de lege Domitia, qua jus sacerdotum creandorum a collegiis translatum ad populum; item historia Legis Cinciz: & Capite VI observatio de Lege Julia Miscella; ita in calce adhuc quatuor Noster dedit auctaria, unum ad Caput IV, in quo demonstrat, Puteal Libonis idem esse ac Puteal, quod in comitio ei

ei loco impositum fuit, sub quo Navii novaculam & cotem defossas perhibent Cicero & Halicarnassensis. Scribonianum Puteal non fuisse ædificium, sed aram, Prætoris tribunali quam proxime adjunctam, propter quam loci propinquitatem veteres ipsam tribunal sæpissime Puteal dixerint: altero ad Caput V docet, abrogato penitus sacramento prisco, five voluntario, nihilominus tamen & militiam Romanam & ipsum illud jusjurandum necessarium & coactum, quod in prioris locum successerat, sibi *Sacramenti* nomen retinuisse; tertio, ad idem Caput, expendit varias pœnas, quibus facta militum expiabantur in castris: ultimo, ad Caput VIII, etymologiam perjurii & compositionem verbi *perjurare* investigat. Satis itaque laboriose conquisivit, quæ de jurejurando veterum præsertim Romanorum dici observarique merebantur: ac, licet vix pauca dixerit, quæ non dicta sint aliis; gratissimum tamen officium fecit etiam colligendo, quæ dispersa apud singulos requirenda erant. Cumque ingenuè laudare soleat autores, ex quibus profecerit; sane mirari convenit, præclarissimam Viri Celeberrimi, Everardi Ottonis, *de perjurio per Genium Principis* Dissertationem ne nominari quidem, ex qua tamen egregia nonnulla profecisse certò videtur Noster, nisi, occulta quadam ingeniorum conspiratione forsitan, eadem meditati feliciter in mentem venisse, suspicandum est. Poterat & plura, quam fecit, in Jurisprudentiæ usus transferre, majorem inde laturus diligentia & fructum & laudem. Sed contenti firmus hac, quam navavit, opera, &, quoniam ita jubet, more majorum demus plausum postrema in comædia.

P. 410.

414.

421.

PHILOSOPHICAL TRANSACTIONS &c.

hoc est,

TRANSACTIONES PHILOSOPHICÆ,
quibus referuntur molimina, studia & labores ingenio-
rum nostri temporis in variis Orbis partibus. Volumen
XXXIII pro Annis 1722 & 1723.

Alph. 3 pl. 3 Tabb. æn. 18.

Quæ -

QUæ ad A. 1722 referuntur, de iis diximus anno superiore mense Aprili p. 169 & seqq. nunc igitur recensenda veniunt, quæ ad annum 1723 spectant.

Num. 375 pro mensibus Januarii & Februarii *Hallejus* determinat longitudinis *Portus regii* in *Jamaica* & *Londini* differentiam $76^{\circ} 37' 30''$, *Carthagena* autem in *America* & *Londini* $75^{\circ} 30'$. *Christfridus Kirchius* exhibet observationes Cometæ A. 1718 visi, accuratiores iis, quas cum amico festinanter communicatas, ut etiam ille Cometam quæreret, legimus in *Novis litterariis Lipsiensibus*, vitio insuper typographico deformatas. Ecce tibi eas in compendio:

Dies	Longitudo	Latitudo	Dies	Longitudo	Latitudo
18 Jan.	27. 26. 69	69. 18 S.	30 Jan.	3. 4. 8	28. 23½ S.
21	16. 25½. 8	48. 42	31	2. 43.	27. 40
23	9. 28½.	39. 45	1 Febr.	2. 25.	27. 1
26	5. 25½.	32. 55	2	2. 10.	26. 22
27	4. 41.	31. 24	5	1. 19.	24. 53
28	4. 4.	30. 13			

Die 23 Jan. mane Cometa cum stellis Θ & Φ Cassiopeæ constituebat triangulum æquicrurum & vesperti Φ Persei, Cometa & Θ Cassiopeæ erant in linea recta. Via ejus transit supra tergum Ursæ minoris prope polarem, per crura & genua Cephei, Cassiopeæ & Andromedæ. Nodus descendens fuit in $21^{\circ} 30' R$, angulus orbitæ & eclipticæ $69^{\circ} 30'$, perigæum in $6^{\circ} 6' m$. Fuit autem Cometa in perigæo cum latitudine septentrionali $62^{\circ} 7'$, d. 18 Jan. h. 3 mal. 9. Orbita secuit æquatorem in $20^{\circ} 30'$ a puncto æquinoctiali. Motus diurnus in perigæo $22^{\circ} 8'$; ultimis apparitionis diebus $32'$. Locum ejus physicum intra Martis sphaeram probabiliter colligit observator. *Langwith* plus simplici vice intra iridem primariam observavit secundam, immo tertiam colorum seriem primæ contiguam. *Henricus Pemberton* in rationem phaenomeni inquit, quam ex principiis *Newtoni* dari posse confidit, nempe quod radius interius a gutta reflexus dispergatur. Variis observationibus confirmatur se-

lic

lix variolarum implantatio, hodie in Anglia usitata. *Desaguliers* experimentis docere conatur, vires corporum vivas esse ut celeritates, non autem ut quadrata eorundem, quemadmodum visum *Leibnitio*.

Num. 376 pro mensibus Martio & Aprili exhibetur catalogus quinquaginta plantarum a pharmacopolis Londinensibus Societati regiz oblatas. *Desaguliers* examinat experimenta *Peleni* pro confirmanda mensura virium *Leibnitiana* facta, & alia affect, quibus sententiam communem probare intendit. *Taylorus* experimento probat expansionem liquoris in thermometro esse calari proportionalem. Ita autem divisit thermometrum, quo in eodem usus est, ut non longitudines portionum tubi, sed capacitates essent æquales. Inmisit autem tubum aquæ frigidæ in data ratione cum calida permixtæ. *Dudlejus* describit genus serpentis, quod omnium terribilissimum, Angliæ *Rattelnake*, Latine *Bacisniga* dicitur, & quo nullum magis terret cum homines, tum animalia bruta. Descriptio continet varias observationes notatu dignas. Hac data occasione *Sprengellius* alias communicat de viperis observationes, earum imprimis morfu. *Langwith* figuras nivis contemplatus est, qui cum observationes suas cum iis conferret, quas *Cartesius*, *Grewius* & *Mortonus* dedere, pleraque jam ab iis observata esse cognovit. Exhibentur etiam observationes auroræ borealis per quadriennium *Lennæ Regis* in *Norfolcia* factæ. Nihil in iis singulare occurrit, nisi quod aliquando lux se in acervum collegerit atque fulgorem coloribus iridis tinctum exhibuerit, iterumque se dilataverit, luna licet lucide splendente: immo aliquando lux tam intensa fuit, ut characteres in libro perquam distincte videri potuerint. Dignum vero imprimis est, cujus hic mentio fiat, telescopium catadioptricum a *Jeanne Hadlejo* feliciter perfectum. Constat tubo octangulati, cujus longitudo sex pedum. In eo collocatum est speculum concavum metallicum, cujus focus est 62½ digitorum, crassities digiti dimidii. Intra eundem tubum comparat speculum planum ovale, ex eodem metallo confectum, cujus crassities est ½ unius digiti, latitudo paulo minor digito dimidio & ad longitudinem ut 1 ad 7 3.

Diffantia speculorum variat pro diverſitate vitrorum ocularium, quibus utitur inventor: unum enim eorum habet diffantiam foci circiter $\frac{1}{3}$, alterum $\frac{1}{8}$, tertium $\frac{1}{6}$ digiti unius. Præter iſta vitra ocularia convexa adſunt duo vitra ocularia concava. Notum eſt, teleſcopium catadioptricum inveniffe *Newtonum* & in Optica deſcripſiſſe. *Hadlejus* autem ſtructuram ejus mechanicam plurimum perfecit, ut ad obſervationes cœleſtes ac terreſtres commodè adhiberi poſſit. Ingens fane eſt apparatus mechanicus, quem addidit, ut paucis deſcribi nequeat. *Scheuchzerus* anatomiam ſenis decrepiti aunorum 109 Tiguri factam communicat. Sterni coſſoſas prominentias, quæ alias cartilagineæ ſunt, oſſeas & cum iſſis coſſis tantum non continuas; cor ſatis amplum, inprimis auriculas præter modum dilatatas atque ventriculos ſanguine concreto reſertos; valvulas ſemilunares, inprimis aortæ, pene cartilagineas præcipue media ſui parte; cranii ſubſtantiam præduram; duram meningem propemodum coriaceam deprehendit.

Num. 377 pro menſibus Maji & Junii *Georgius Mackenzie* deſcribit animal quoddam Braſilienſe, cui *Coati mundi* nomen eſt: quod cum cultro anatomico ſubjiceret, plurima aliter ſe habere deprehendit, quam in Commentariis Academiæ Scientiarum Regiæ Pariſinis deſcribuntur. *Vaterus* deſcribit effectum ſingularem aquarum Pyrmontanarum. Vir nunquam antehac calculum expertus & alias perfecte ſanus ab earum uſu calculos ultra quadraginta præter alios minores quatuor vel quinque dierum ſpatio inter mingendum excluſit, ſubſecuto miſcu cruento tandemque veſicæ ulcere. *Perrotus Guilielmus* & *P. Hardisway* alias de calculo obſervationes exhibent. *Horsley* obſervavit quantitatem aquæ pluviæ a d. 1 Aprilis A. 1722 uſque ad 1 April. 1723 Widdringtoni in Northumbria, quemadmodum Tabula ſequens indicat:

<i>Aprilis</i>	1. 015 dig.	<i>October</i>	0. 600 dig.
<i>Majus</i>	3. 532	<i>November</i>	2. 205
<i>Junius</i>	2. 570	<i>December</i>	1. 780
<i>Julius</i>	4. 350	<i>Januarius</i>	1. 225
<i>Augustus</i>	2. 132	<i>Februarius</i>	0. 485
<i>September</i>	1. 155	<i>Martius</i>	0. 195

Robertus

Robertus Simson propositiones duas *Pappi Alexandrini* restituit, quibus plura ex *Euclidis* Porismatis complexus est. *Antonius a Leuvenbæk* sanguinem examinans expertus est 4 diametros globulorum sanguineorum convenire cum diametro fili argentei, quælium 485 duodecimam pedis Londinensis partem faciunt, quemadmodum ante repererat *Jurinus*. Anguillas, squillas, pisces conchatos & varias muscas omnes scæmellas esse arbitratur, quæ instar arborum fructus edunt. *Colinus Mac Lartius* sætum monstruosum bicorporeum describit. Omnia fuere gemina præter pudendum muliebre & pedes. Trunci coherant in communi umbilico, erantque pedes ad truncum rekti, ita ut, si monstrum pedibus insisterent, utrumque corpus cum capitibus esset horizonti parallelum. Exhibet quoque scæleta, ex quibus apparet, quomodo duo sætus in unum cohererint. *Joannes Brown* observationes quasdam & experimenta commemorat de Sale cathartico amaro, quod vulgo epso-miense appellatur: ubi verum ejus præparandi modum communicat. Cum vero prolixum sit istud schediasma; altera ejus pars numero sequente continetur.

Num. 378 pro mense Julio & Augusto præterea reperies Flo- rum Geometricorum manipulum, Regiæ Societati a *Guidone Grandi* exhibitum. Flores isti sunt figuræ curva quadam per aliquot foliorum sese ab uno centro expandentium perimetrum recurrente circumscriptæ. Hic autem eas contemplatur, quas *Rhodoneas* appellat, & quarum genesis per ramos a centro floris prodeuntes, æquales vero sinibus angulorum, iis angulis, quos cum data positione linearum rami comprehendunt, in data aliqua ratione proportionalium, procedit. *Jacobus Pound* describit observationes ope telescopii *Hadlejani* factas. Cum *Bradlejo*, Professore Astronomiæ Saviliano telescopium istud, cujus longitudo fuit 5½ pedum, cum *Hugeniano* pedum 123 comparavit, & quicquid per *Hugenianum* in Jove & Saturno observarunt, idem etiam per *Hadlejanum* observare potuerunt, ita ut quinque etiam Satellites Saturni per idem in conspectum fuerint producti. Ipse *Hadlejus* observationes quoque Satellitum Jovis & Saturni describit, quas eodem telescopio instituit.

Distinctissime vidit umbram satellitis primi & tertii in disco Jovis projectam, eamque *Folkeſio* & *Jurino* monſtravit. Vidit quoque umbram Saturni in anulum projectam & tres ejus Satellites, ſed nunquam quinque. Vidit præterea primum & ſecundum Satellitem inſtar maculæ in diſco Jovis. *Robertus Hownſoun* foetum offert extrauterinum, qui annos quinque cum diſſidio in abdomine delituit, & cujus ſkeleton matre mortua inde fuit extractum.

Num. 379 pro menſe Septembri & Octobri *Rogerus Gale* exhibet inſcriptionem Romanam curioſam Ciceſtriæ inventam. Marmori nempe ſub terra deſoſſo hæc verba inſcripta legebantur:

NEPTVNO. ET. MINERVAE.
 TEMPLVM
 PRO. SALUTE. DOMVS. DIVINAE
 EX. AVCTORITATE. TIB. CLAVD.
 COGIDVBN. R. LEG. AVG. N. BRIT.
 COLLEGIVM. FABROR. ET. QVI. IN. EO.
 — — — D. S. D. DONANTE. AREAM
 PVDENTE. PVDENTINI. FIL.

ejus Inſcriptionis verba paullulum immutata dedimus jam ſupra in his Actis A. 1729 p. 184. *Antonius a Leeuwenbæk* in diaphragmatis ſtructuram inquit, quod ope microſcopii ex parte ex tenuiſſimis fibrillis compoſitum deprehendit, quæ ſine microſcopio conſtructæ latum circiter capillum inter ſe diſtant. Fibrillæ iſtæ oriuntur ex partibus carnoſis, quæ diaphragmati circa coſtas intexuntur & Obſervator eas eidem vico tendinum inſervire judicat. Inter fibrillas membrana exporrigitur, quæ innumeris angulis exiguiſve plicis ſcatet, ut diaphragma in inſpiratione expandi, in expiratione contrahi queat. Membrana permultis inque exiguiſſimis foraminibus pertuſa, quæ ab abdomine in pectus & a pectore in abdomen patent. Quoniam magna adipis copia in diaphragmate gignitur, ipſum utrinque ita craſſeſcere poſſe arbitratur, ut in tumorem exuberet, atque inde in obefis ſpirandi difficultatem derivat: modico vero adipe expansionem & contractionem ſingulis horis nongenties abſolvendam adjuvari.

Se.

Secundum longitudinem fibrillarum vascula sanguinea extenduntur : major adhuc vasculorum numerus in membrana occurrit. Testem allegat chirurgum suum, qui singula oculis suis usurpavit eodem microscopio armatis. *Joannes Huxham* & *Guilielmus Cliverus*, præternaturalem quandam genitalium in muliere structuram describunt; *Hofmannus* sanguinem sincerum per penem d. 30 Jun. & 31 Jul. A. 1716 fluentem commemorat. Fluxus iste cohibitus est venæsectione in brachio celebrata atque medicamentis quibusdam adhibitis. *Holloway* in conspectum producit strata terræ cretaceæ, qua fullones utuntur, & quæ in agro Bedfordienſi effoditur. Ultimo loco *Jacobus Furinus* rerum naturalium curiosos ad observationes meteorologicas invitât : quæ invitatio in his etiam Actis legitur. Appendicis vice fungitur recensio adversariorum Anatomico-Medico-Chirurgicorum Decadis tertiæ, autore *Friderico Ruysch*.

Num. 380 pro mense Novembri & Decembri *Davia Martineau* calculos a muliere quadam paupere per annum exelufos delineat. *Antonius a Leeuwenbæk* in agone versatus ad se vocari iussit *Joannem Hoogulietium*, eumque rogavit, ut duas epistolas ex vernaculo sermone in Latinum verteret, atque *Jacobo Jurino* illustris Societatis Regiæ Secretario mitteret : id quod cum ab eo factum fuisset, epistolæ istæ posthumæ, quarum altera de globulis in sanguine & vini fecibus, altera de generatione animalium & palpitatione diaphragmatis agit, hic insertæ leguntur. Globulorum in sanguine magnitudinem eandem prorsus reperit cum *Jurino*. Animalicula per tubam *Fallopianam* ad ovarium & fecundatum ovulum per eandem ad uterum deferri negat, quod ipsi videatur absurdum, sed nulla addita ratione. Cibos in ventriculo motu diaphragmatis communi & chylum non per oscula, sed per tunicas in venas lacteas transire affirmat. *Jacobus Douglas* florem & capsulas seminales Croci autumnalis sativi depingit. *Leeuwenbækius* microscopia sua cum omni apparatu testamento legavit illustri Societati Regiæ, quæ *Martinus Folkeſius*, Vice-Præses, hic describit. Microscopia sunt numero 26, quæ *Leeuwenbækius* propria manu paravit : cuilibet aptatum fuit aliquod objectum. Apparatus admodum simplex

& conveniens. Singula microscopia simplicia sunt, quorum unumquodque constat vitro intra duas laminas argenteas exiguo foraminulo pertusas contento. Objectum infigitur acui argenteæ ope cochleæ argenteæ admovendum, donec conveniente loco constituatur. Objecta solida glutine ad acum firmavit. Vitra admodum clara sunt & objecta valde aucta distincte exhibent. In eligendo vitro & in figura exacta eidem inducenda suam passus non est desiderari diligentiam & ex pluribus vitris politis ea servavit, quæ ceteris præcellere didicit. Objecta diversa ratione amplificant, prout eorum diversitas postulat. Cumque singula sint vitra polita, nullum eorum adeo minutum, quales sphaerulæ microscopice esse solent, neque eadem ratione objecta auget, qua ab hisce amplificantur. Objecta tamen adeo distincte repræsentantur, qualia per microscopia alia, quæ pro exquisitissimis habentur, minime constarent: id quod *Folkefius* facta sedula inquisitione testatur. Et sane id unice *Lecuwenhækius* intendebat, ut objectum exhiberetur clare ac distincte, parum sollicitus de gradu amplificationis. Longa enim experientia edoctus didicit, vitra, quæ in moderate augment objecta, ea clarissima & distinctissima exhibere, cum vitrorum exilium, quæ valde eadem amplificant, nullum experiretur usum in observationibus suis. Monet tamen *Folkefius*, tot egregia inventa, quæ *Lecuwenhækius* detexit, non solum præstantiæ vitrorum, verum imprimis magno Observatoris iudicio & experientiæ in iis utendis ac indefatigabili industriæ in eodem objecto contemplando tribuenda esse, ita ut paria præstare nequeat, experientia ista & exercitio tam diuturno destitutus. In objectis quoque præparandis excelluit, ut ad contemplationes microscopicas essent commoda: ingenue enim fatetur *Folkefius*, se notabilem differentiam percepisse in apparentia ejusdem objecti, quod a se præparatum eidem microscopio subjectum fuerat, & *Lecuwenhækiana* manu ad idem applicati. Notent hæc sibi, qui nimis festinantes iudicia deproperare solent, & viri de scientia naturali optime meriti inventa sugillant, quod observationibus suis non respondeant, microscopiis non modo imperfectioribus, sed nullo quoque per assidua demum exercitia favente

natu-

natura comparato habitu institutis, discantque, quantum discrepent judicia matura virorum gravium & cordatorum a judiciis communibus. Sub finem denique ex Actis Uratislaviensibus exhibentur Catalogi variis in locis annis singulis mortuorum & natorum, quorum usum jam olim ostendit *Hallejus*.

DECADIS II ACTORUM MEDICORUM
Berolinensium in Incrementum Artis & Scientiarum collectorum & digestorum Volumen VII & IIX.

Berolini, apud Godofredum Gedickium, 1727 & 1728, 8.

Plag. 12.

PRæmittitur Volumini VII effigies & vita *Martini Willibii*, Ser. ac Pot. Elect. Brand. *Friderici Wilhelmi*, *Friderici III*, nec non Ser. Elect. Brunsv. Episcopi Osnabrugensis, *Ernesti Augusti*, Consilarii & Archiatri. Continetur autem in eo I Epititis in Conspectum mortuorum Berolinensium per A. 1724, ubi docetur, apoplexiam etiam in infantes cadere, quæ tamen sæpe cum epilepsia confundatur; in adultis non alligari statis anni periodis, causamque sæpe impeditum mensium vel hæmorrhoidum fluxum esse; insitionis variolarum effectum præservatorium manere dubium, in Germania certe hanc operationem non æque succedere; paucissimos longævos senio, sed quæcumque proprio morbo consumi, atque inde mechanismi rationem in morbis cadere; quod infantes adeo crebro motibus convulsivis inereant, rationem esse, non debile quidem genus nervorum, sed naturam, quæ febres in corpusculo inepto excitare non valens, spasmodicum & convulsivum motum pro morbis solvendis inducat; rhachitidem denique intra primum septenarium non solvi, nec esse hæreditariam. Sequitur II Status morborum epidemicorum per annum eundem Berolini alibique grassantium, ubi mentio fit salivationis infaultæ, hæmoptyi instante institutæ. Medici reprehenduntur, qui Innocentio XIII Pontif. Max. humores ad pectus congestos per hæmorrhoidum aperturam revellere male conati fuerant; casus allegatur de puerpera, sub lochiorum suppressione diarrhœa choleroide ex usu

usu decocti foliorum Sennæ concitata laborantis, & alius de impune administrata venesectione in diarrhœa cum febre catarrhali. Porro asseritur, rupturas vasorum interiorum abdominis quandoque mentiri dolores colico-iliacos; hydrophoborum in mare submerfionem subinde frustraneam esse, vel quia temporis opportunitas neglecta, vel corporis & humorum præparatio debita omissa fuit, a qua tamen venesectio eximitur; & Ludovico I Regi Hispaniæ, variolis cum febre intermittente laboranti, venam male toties sectam fuisse.

Volumen IIX effigiem non solum & vitam *Matthæi Flacci*, Med. D. & Physici Berolinensis, sed & nummum cum effigie *Adolphi Occonis*, Medici quondam Augustani famigeratissimi, qui temporibus Cratonis & Gesneri vixit, ejusque vitæ curriculum exhibet, & describit I Historiam hydropæ pectoris ex ossificata aorta laborantis cum sectione post ejus fata. II *Theod. Val. Crameri* Epheueridem vulneris thoracici in malignum ulcus degenerantis cum insequente empyemate, sed feliciter curati. Vultus hoc licet non solum ad cavitatem pectoris sed & ad pulmonem penetraverit, nullam tamen admotæ candelæ sub inspiratione ægri attulit alterationem. Legitur hic de *cheli-donii* majoris loco *Theæ* usurpati virtute diaphoretica, diuretica, balsamica & alexipharmaca observatio; hinc usus ejus in catarrhis, podagra, calculo & omnibus ferè morbis malignis admodum celebratur. Sequuntur III Casus & operationes chirurgicæ A. 1724. Vulnere scilicet capitis ex casu ab alto cum cranii depressione in adulto, per retentionem halitus restituta; excrescentiarum infantum recens natorum in occipite extirpatio funesta, ubi mentio fit infantis medulla spinali carentis, aliquot tamen dies superstitis; Paracenthesis hydropicum ad quartum annum conservans; fungi oculi carcinomatosi extirpatio, succrescente novo fungo; extractio fœtus mortui; amputationes brachiorum, unius ob meliceridem imprudenter tractatam, alterius ob vulnus arteriæ brachiali inflictum, sed fatalis; ut & pollicis pedis interno sphacelo scorbutico confecti, itidem fatalis; embryulcia eo successu mortua matre instituta, ut fœtus sacro lavacro initiari potuerit; abscissus umbilicalis post partum

tum contractus & in ulcus fistulosum degenerans, ad quod menses ruentes per fluxum hæmorrhoidalem revellebantur; denique observatio de ovario steatomatoso piloso in mania; qua occasione docetur, non illud, sed conformationem cerebri præternaturalem manie causam fuisse, quemadmodum & lienem obstructum non causam sed effectum existere melancholiz conficit. IV Historia recensetur amputati brachii, de cujus dolore & ardore ægra constanter fuit conquæsta, hujusque phænomeni ætiologia in eo consistere perhibetur, quod anima corpori coextensa sentiat vel doleat in partibus corporis absentibus, quibus æque coextensa fuit. V Depositiones Medico-Legales per A. 1734 a D. Glockengiessero exhibitæ recensentur, de morte putæ flagris immerito imputata; de delirante jugulum sibi præcincidente, in cujus cerebro magna aquæ flavescentis copia & hydatides fuerunt repertæ; de infanticidio culposo, fœtus scilicet vivi, linteis mox involuti & in aquam projecti. Agmen claudunt VI Depositiones Medico-Legales per eundem annum a D. J.D.G. traditæ, de morte subitanea cholera, non veneficio extincti, & de vulnere sclopetario diaphragmatis & hepatis absolute lethali.

PHILOSOPHIA PRIMA, SIVE ONTOLOGIA, *methodo scientifica pertractata, qua omnis cognitionis humane principia continentur*; Autore **CHRISTIANO WOLFIO**, *Consiliario Aulico Hassiaco, Mathematicum ac Philosophiæ in Academia Marpurgensi Professore Primario & Ordinis Philosophorum p. i. Decano, Professore Petropolitano Honorario, Societatum Regiarum Britannicæ atque Borussicæ Sodali.*

Francof. & Lipsiæ, in officina libraria Rengeriana, 1730, 4.

Alph. 2 Tabb. zn. 2.

QUamprimum Celeb. Autor sibi proposuerat Philosophiam & certam, & generi humano utilem efficere, huncque in finem de ratione evidentiz demonstrationum *Euclideanarum* disquirebat,

rebat, præter formam, quam hactenus non satis perspectam, nuper in Logica delineavit, eam a notionibus ontologicis pendere deprehendebat, cum prima, quibus *Euclides* utitur, principia sint definitiones nominales, quibus per se nulla inest veritas, & axiomata, quorum pleraque sunt propositiones ontologicæ, ut adeo nullus dubitaret, Mathesin omnem certitudinem philosophiæ primæ acceptam referre, ex qua principia prima desumit, unde omnis tandem evidentia emanat. Cum deinde in philosophia theoremata demonstrare conaretur, prædicatum ex determinationibus subjecti legitimis ratiociniis deducturus, & principia per iteratas demonstrationes ad indemonstrabilia reducere tentaret; ipso opere didicit, in omni veritatum genere perinde ac in Mathesi tandem perveniri ad principia philosophiæ primæ, ut adeo denno nullus dubitaret, non ante philosophiam, adeoque multo minus ea, quæ ad Facultates vulgo superiores dictas spectant, methodo scientifica tradi posse, quam philosophia prima ad eandem formam esset reducta. Denique ubi primum Mathematicorum tam veterum, quam recentiorum, atque deinde quoque Physicorum præsertim in Philosophia experimentalis inventa singulari studio examinaret, quomodo ex aliis quibusdam præsuppositis per certa artificia analytica fuerint deducta, aut deduci saltem potuerint; præcepta quoque artis inveniendi generalia ex notionibus ontologicis demonstranda esse intellexit. Immo cum & Logicæ probabilium, quæ in desideratorum numero est, notionem quandam formaret ac specimina quædam investigaret; non minus reperit, absque notionibus ontologicis illius præcepta demonstrari minime posse. His rationibus inductus animum ad philosophiam primam, quam *Ontologiam* vocant, emendandam appulit. Quæsit itaque notiones distinctas cum entis in genere, tum eorum, quæ ipsi conveniunt, prædicatorum, sive ens, quæ tale, in se consideres, sive ad entia alia, quatenus entia sunt, referas: ex istis notionibus deduxit propositiones determinatas, quas solas ad ratiocinandum esse utiles in Logicæ abunde docuit: in demonstrandis denique propositionibus non admisit principia nisi in antecedentibus stabilita. Quoniam
vero

verò terminorum ontologicorum notiones vulgo non nisi confusas habemus, distinctæ autem abstractorum notiones non infrequenter diversæ judicantur a confusis; ideo notionum suarum distinctarum identitatem cum confusis aut minimum incompletis vulgaribus demonstrat, ut appareat, terminorum receptorum significatum minime mutari: notiones enim suas distinctas ex rebus ipsis derivat, quibus etiam confusæ communes respondeant, nisi quod male eloquantur Autores, quæ bene cogitent. Hisque speciminibus simul patere confidit, quomodo sua lucem affundant iis, quæ obscurius dicta sunt ab aliis, ut plenissime intelligantur, qualia etiam videre liceat in *Oratione de Sinarum Philosophia practica* cum Notis a se edita, & in *Horis suis subserviis*. Notiones ontologicas, quas in presente Opere offert, directrices appellat ob adjumentum prorsus inexpectatum, quod meditantæ ac docenti afferunt. Ostendit autem, quod philosophiam primam methodo scientifica pertractans philosophiam scholasticam non postluminio in scholas revocet, sed eam emendet, etiamsi terminos Scholasticorum retineat, & non accurate definitos accuratius definiat. Notiones ontologicas confusas vulgares constituere quandam Ontologiæ naturalis speciem, quam Scholastici magis completam effecerint; distinctam vero naturalis explicationem dici posse Ontologiam artificialem, quam cum ad scientiam, tum ad vitam utilem non esse Lexicon philosophicum, multo minus barbarum demonstrat, sed principem illam, quam *Leibnitius* vocat, scientiam. Dividit autem Cel. Autor Opus suum Ontologicum in duas partes, quarum prima de notionæ entis in genere iisque proprietatibus tractat, quæ inde consequuntur; altera vero de speciebus entium & eorum ad se invicem respectu agit.

Partem primam a principio contradictionis & principio rationis sufficientis orditur. Dum notionem contradictionis evolvit, in demonstrandis propositionibus novo quodam Analytico genere utitur, quo per summationem individuorum colliguntur genera & species, & cujus usus multo latius patet, amplissimus nempe in veritatibus universalibus a posteriori eliciendis. Vi principii contradictionis alia possibilia sunt, alia

impossibilia, & sumi possunt, quæcunque sibi mutuo non repugnant, seu a contradictione libera sunt. Talia inesse omni enti & essentiam rei constituere Autor probat; principium vero rationis sufficientis ita explicat, ut, præter essentialia, quæ sibi mutuo quidem non repugnant, nec tamen per se invicem determinantur, non insit, nisi quod vel per essentialia, vel per ea, quæ enti cuidam alteri insunt, intelligi possit, cur insit. Quamobrem observat, claram & distinctam perceptionem *Cartesii*, si res ad vivum resecetur, esse eandem cum ratione sufficiente, & *Cartesium*, dum qualitates occultas ex philosophia arceri & clare ac distincte philosophari jussit, rationem sufficientem in philosophiam introduxisse. *Leibnitio* attendenti ad differentiam, quæ inter explicationes phaenomenorum naturalium scholasticas & *Cartesianas* intercedit, affulsisse notionem rationis sufficientis in abstracto, ut intelligeret, rationem sufficientem esse aliquid amplius quam causam. Ceterum Autor non modo probat veritatem principii rationis sufficientis; verum etiam ostendit, principium rationis sufficientis experientie consentire, a singularibus tanquam universale abstrahi posse, ipsum instar axiomatis absque probatione, non refragante exemplo *Euclidis*, sumi, eam esse mentis nostræ naturam, ut in casu singulari non facile quis admiserit aliquid esse sine ratione sufficiente, & sublato principio rationis sufficientis mundum verum abire in fabulosum, in quo voluntas hominis stat pro ratione eorum, quæ fiunt, & qui vernacula nobis lingua das *Schlaraffenland* appellatur. Dum notionem impossibilis & possibilis explicat, diversos imprimis modos possibilitatem & impossibilitatem probandi exponit: id quod maximi momenti est in discernendis notionibus deceptoribus a veris. Clarissime etiam docet, si in demonstratione apogogica ex propositione alia falsa directe colligitur ejus contradictoria vera; non ex impossibili, sed ex possibili colligi, quod possibile est. A notionem possibilis ad notionem determinati evolvendam digreditur, quæ distincta hætenus desideratur. Monet autem indeterminatum esse, de quo nihil adhuc affirmari possit, etsi de eo quid affirmari posse non repugnet, ut adeo notio determinabilita-

litatis prior sit notione determinati. Indeterminatum adeo non esse nihilum, sed ut aptum spectari ad aliquid determinandum, ut potentia sit id, quod actu est, quamprimum determinatur. Determinatum nimirum Nostro est, de quo aliquid affirmari debet. Determinatur autem per id, quo de quodam affirmato ipsum etiam affirmari necesse est, ut adeo determinata sint, quamprimum sunt determinantia. Etsi adeo determinantia sint ratio sufficiens determinati, ac ideo posita ratione sufficiente ponatur id, quod per eam potius est, quam non est, atque in mundo reali non sit determinans absque ratione sufficiente; rationem tamen sufficientem a determinante distinguere debere ostendit, cum determinans afferat rei, quæ per ipsum determinatur, necessitatem sive absolutam, sive hypotheticam, prout casus tulerit; ratio autem sufficiens saltem efficiat, ut, cur aliquid sit, intelligibili modo explicari possit. Quemadmodum vero Autor ubivis Philosophiam ad vitam & incrementa scientiarum utilem efficere studet, ita notionem quoque determinati pragmaticam reddidit, dum demonstravit, si demonstrari possit subiecto sive absolute posito, sive sub adjecta conditione tribuendum esse aliquod prædicatum, hoc in casu priori per definitionem subiecti, in posteriori per adjectam conditionem determinari, & in priori casu rationem sufficientem, cur prædicatum subiecto tribui debeat, esse definitionem, in posteriori conditionem adjectam, adeoque posita definitione poni prædicata subiecto absolute tribuenda, & posita conditione seu determinatione subiecti poni quoque prædicatum sub eadem eidem tribuendum. Notionem itaque entis formaturus sumere debet, quæ sibi mutuo non repugnant, quorum tamen neutrum per alterum determinatur, atque ea sunt essentialia entis, per quæ alia determinantur actu, alia vero tantummodo quoad potentiam. Illa Autor attributa; hæc modos appellat. Unde attributa constanter insunt & rationem sufficientem in essentia habent: modi vero inesse & non inesse possunt & rationem sufficientem, cur insint, vel in modis antecedentibus, vel in ente alio ab eo, cui insunt, diverso, aut pluribus istiusmodi entibus, vel denique partim in modis antecedentibus, partim in ente alio ab eo, cui

insunt, diverso, vel pluribus etiam entibus aliis querenda. Atque ex hisce deducit notionem fecundam eorum, quæ potentia vel proxima, vel remota insunt, ac inprimis ostendit (id quod maximi momenti est) si ens in potentia remota rationem existentia sufficientem non nisi in serie entium sibi mutuo succedentium habet; ipsum quidem existere non posse, nisi integra ista entium series præextiterit. Antequam vero ex his notiones generum, specierum ac individuorum deducit, notionem identitatis ac similitudinis explicat: ubi denuo varia theoremata ad praxin profutura demonstrat, veluti quod in utroque casu, in quo eadem ratio sufficiens ponitur, idem ponatur quod propter eam est; quod entibus eandem definitionem habentibus eadem convenient prædicata absoluta, & sub eadem conditione eadem quoque hypothetica; quod in omni propositione vera eadem semper sit ratio, cur prædicatum subjecto conveniat in casu singulari, etsi non eadem semper sit causa. Varios affert modos, quibus similia distinguere licet, & similitudinem omnem ex identitate determinationis proficisci ostendit, quemadmodum dissimilitudo a diversitate determinationis ortum trahit. Jam quatenus entibus eadem determinationes insunt, eatenus entia universalis formantur, quæ generum & specierum nomina fortiuntur. Ostendit autem determinationes omnes, quæ generum ac specierum notiones ingrediuntur, esse essentialia, ut adeo singularia essentialia eadem habeant, quatenus sub eodem specie continentur, & species atque genera inferiora eadem essentialia habeant, quatenus istæ sub eodem genere, hæc sub eodem genere superiori continentur, hincque species & genera differant per essentialia, quæ manentibus essentialibus ceteris iisdem diversimode determinari possunt. Monstrat præterea, singularia ejusdem speciei eandem genesis habere, cumque eam nihil indeterminati ingredi possit, determinationes numericas esse, sine quibus genesis actu dari nequit; específicas vero, per quas rei genesis sufficienter intelligi, non tamen actu dari potest. Evinct denique, possibilitatem generum & specierum agnosci per genesis rerum sub iis contentarum & ex genesis non minus, quam definitione nominali deduci posse omnia, quæ vel con-

vari-

veniunt, vel convenire possunt, cum speciei, tum generi dato, atque rationem reddit, cur ex genesi communi determinationes quantitatum, immo ex notionibus generum ac specierum rationes quantitatum exulent, & cur res ejusdem speciei eadem habeant attributa eademque modorum possibilitates proximas, itemque remotas conditionate enunciatas; quæ vero sunt ejusdem generis, eadem habeant attributa communia eademque modorum possibilitates, quæ attributorum communium instar sunt. Entis notione sufficienter stabilita ad notionem necessarij & contingentis evolvendam sese confert. Sumit illud necessarium dici, cujus oppositum impossibile. Atque hinc deducit, si qua subjecto necessario conveniunt, & directe, & indirecte demonstrari posse, quod eidem convenient & contra; necessarium unico modo determinabile esse & contra; idem esse immutabile & contra. Contingens necessario oppositum definit per id, quod necessarium non est: unde contingens mutabile esse colligit & contra. Evincit deinde nexum necessarium inter determinans & determinatum, atque rationem sufficientem & id, quod per eam potius est, quam non est. Ne tamen quis causetur, sic absolutam introduci rerum omnium necessitatem; ideo distinctius docet, qualis insit rebus necessitas. Nimirum essentias rerum, attributa & modorum possibilitates, quas proximas vocat, & quarum ratio sufficiens in essentialibus vel attributis continetur, absolute necessaria esse; modos vero non nisi hypotheticè necessarios esse, nec eorum possibilitates aliam, quam hypotheticam necessitatem agnoscere, si earum ratio sufficiens non in solis essentialibus, sed simul in modis quibusdam præcedentibus continetur. Inde porro modorum contingentem inexistentiæ & mutabilitatem, attributorum vero & modorum possibilitatis proximæ immutabilitatem derivat. Necessitatem absolutam oriri ex essentia entis, quod tamen hoc non obstante contingenter existit, quando existentie ratio sufficiens in essentia minime continetur: hypotheticam vero esse, quæ aliunde provenit. Solam necessitatem absolutam contingentie repugnare; hypotheticam non item. Isprimis vero notatu dignum est, quod ratio sufficiens ne hypotheticam quidem rebus affe-

afferat necessitatem, sed saltem efficiat, ut, cur aliquid sit, intelligibili modo explicari possit; determinans vero afferat rei, quæ per ipsum determinatur, necessitatem sive absolutam, sive hypotheticam, prout casus tulerit: absolute tamen necessarium intelligatur, cujus ratio sufficiens in essentia rei continetur, hypothetice vero necessarium sit, cujus ratio sufficiens in alio, quod ab essentia diversum, reperitur. Maximi autem momenti sunt theoremata, in serie rerum contingentium, quarum una per alteram determinatur, non contineri rationem sufficientem, cur quælibet earum potius sit, quam non sit, eamque non nisi contingenter existere & rationem existentiz sufficientem in ente alio extra seriem habere, eoque necessario. Multæ quoque utilitatis est theorema, quod absolute necessarium in se immutabile sit; hypothetice autem necessarium in se quidem mutabile sit, tamdiu tamen mutari nequeat, quamdiu salva est conditio, sub qua necessarium. Dum de quantitate agit, non modo axiomata omnia, quæ *Euclides* tanquam notiones communes sumit, ex aliis notionibus simplicioribus a priori demonstrat, verum insuper alia, quæ in Mathesi vulgo supponuntur. Huc referas, quod omnis numerus, cum rationalis & irrationalis integer, tum fractus, eam habeat ad unitatem relationem, quam recta quædam ad rectam datam habere potest, quod numeri rationales integri exponant rationes quantitatum multiplices, quod numeri fracti seu fractiones exponant omnes rationes; quod omnis numerus sit unitati homogeneus, quod numeri fracti & irrationales sint veri numeri; quod quantitibus distincte intelligendis inserviant numeri, quodque alia assumpta in hoc casu unitate alius prodeat numerus; quod quantitates sint numeri indeterminati, quodque per lineas rectas exponi, earumque mutuz relationes, quas curvæ lineæ determinant, exhiberi possint, & quæ sunt alia hujusmodi. Quoniam vero Autor notiones agnitas simul explicat, ubi notionem quantitatis evoluit; ideo hic etiam de mensura & mensurato agit, inter alia ostendens res omnes mensurari posse, in quibus partes distinguere licet totum quoddam constituentes, & mathematicam earum cognitionem comparari, quatenus eas metimur. Mittimus theore-

mata

mata artis metiendi generalia, communi usu approbata, et si di-
 stincte non animadversa. A quantitate ad qualitatem pedem
 movet Noster, per quam intelligit determinationem omnem in-
 trinsecam, quæ sine alio assumpto intelligi potest, consequenter a
 quantitate diversa est. Distinguit autem qualitates in primiti-
 vas & derivativas, quarum illæ se priores in ente non agno-
 scunt; hæ autem rationem sufficientem in se prioribus habent,
 cur vel actu insint, vel inesse possint. Per primitivas & deri-
 vativas necessarias res constanter a se invicem distinguuntur;
 dato autem tempore per contingentes. In rebus similibus qua-
 litates omnes eadem sunt; in congruentibus præterea ipsæ et-
 iam quantitates. Ultimo loco in Parte prima notiones ordinis,
 veritatis & perfectionis explicat Autor, longe utilissimas, hæte-
 nus tamen fere prorsus neglectas. Per ordinem intelligit si-
 militudinem in modo, quo res juxta se invicem collocantur, vel
 se invicem consequuntur. Hinc loca rerum coexistentium vel
 sibi mutuo succedentium eodem modo determinari, si in illo
 ordo detur, & in modo, quo loca ista determinantur, contineri
 rationem, cur unicuique hic potius, quam alius assignatus fue-
 rit locus. Quoniam regula Nostro est propositio enunciatis
 determinationem rationi conformem, in omni ordine regulam
 agnoscit, per quam loca rerum determinantur. Nascuntur au-
 tem regulæ plures simul observandæ, si ratio sufficiens in plu-
 res resolvi potest, quæ quidem sibi mutuo non contrariantur,
 per se invicem tamen minime determinantur. Quod si regulæ
 ordinis salva rerum ordinatarum essentia aliæ esse nequeunt, or-
 do absolute necessarius; in casu autem opposito contingens est.
 Determinationem regulæ contrariam defectum appellat Noster,
 ut adeo ordo defectu quodam laboret, si inter res ordinandas
 locus alicui assignatur, quem vi regulæ ordinis obtinere nequit:
 non tamen ideo defectum in altero ordine esse ostendit, quod
 defectum in uno arguit, si res eadem diversis modis ordinari
 possunt. Docet deinde, quomodo ordo cognoscatur; quando
 sit numeris suis absolutus; quando loca rerum ordinatarum
 permutari possint; quando in rebus ordinandis rationibus ex-
 trinsecis sit locus. Veritatem transcendentalem definit per or-
 dinem

dinem in varietate eorum, quæ simul sunt ac se invicem consequuntur. Hanc enim veritatis a somnio differentiam tradit, quod in somnio omnia fiant absque ratione sufficiente & contradictoriis sit locus; in veritate rerum singula sunt & fiant cum ratione sufficiente nec contradictoriis sit locus. Ex hac veritatis definitione demonstrat, ens omne esse verum, & fontem omnis in rebus veritatis esse principium contradictionis & principium rationis sufficientis, nec ullam dari propositionum veritatem logicam, nisi detur in rebus veritas transcendentalis. Ab eadem pendere disciplinarum possibilitatem. Diximus jam alias Autori perfectionem esse consensum in varietate, seu plurimum a se invicem differentiam in uno. Appellat autem consensum tendentiam ad idem aliquod obtinendum seu actuan- dum. In omni perfectione agnoscit rationem quandam generalem, per quam intelligitur, cur ea, quæ perfecto insunt, ita se potius habeant, quam aliter. Unde inferit, omni perfectioni suas convenire regulas, per quas intelligi potest, cur tales potius sint determinationes intrinsecæ, quam aliz. Quodsi ratio determinans unica tantummodo fuerit, perfectionem simplicem vocat; si plures fuerint, compositam. In perfectione composita exceptionem admittit, quæ ipsi est determinatio regulæ contraria ob regularum simul observandarum collisionem facta. Negat adeo, quod parlat imperfectionem, & verum gignat defectum, simulque docet, quænam regula in exceptionibus alteri sit præferenda, ut perfectio in toto conservetur, & quomodo gradus perfectionis sint æstimandi. Rebus autem perfectionem tribui demonstrat, quatenus determinationes intrinsecæ per certas regulas explicari possunt.

Satis prolixè diximus de Parte prima, et si palmaria saltem indicaverimus. Videamus etiam, quænam in Parte altera tradat Noster. Primo loco exponit theoriam entis compositi, ubi una nodos difficiles de extensione, continuo, spatio & tempore extricat. Distinguit hic sollicitè imaginarium a reali, quorum istud Mathesi convenit; hoc Philosophiæ. Explicat denique qualitates & magnitudinem entis compositi. Quoniam vero mutationes in composito contingere nequeant sine motu, notio-

notiones quoque generales motus evolvit, etsi hic de causa & communicatione motus non sit sollicitus, ne ad Ontologiam trahat, quæ ad Cosmologiam pertinent. Theoriz entis compositi jungit theoriam simplicis, quod a composito quantitibus prorsus differre probat. Negat sine entibus simplicibus composita existere posse, cumque nec ex composito, nec ex simplicibus oriri queant, quemadmodum dudum agnovere, qui propagationem animæ per traducem rejecerunt, Noster autem clarissime demonstravit, ens simplex, si existit, aut necessario existere, aut rationem existentiz suæ sufficientem in ente necessario habere ostendit, ita ut ex nihilo ab eodem producat. Exponit deinde differentiam, quæ inter interitum entis simplicis & compositi intercedit & hinc ad theoriam omnium difficillimam progreditur de modificationibus rerum, præsertim simplicium, ubi imprimis potentialium, virium, actionis & passionis notiones evolvuntur una cum notione substantiæ. Substantiam definit per subjectum perdurabile & modificabile, atque inde deducit, in ente composito, cujus essentia meris accidentibus constet, nihil dari substantiale præter entia simplicia, quæ sola vere sint substantiæ, unde composita aggregantur. Substantiis simplicibus inesse aliquam vim &, si qua in composita detur, eam ex viribus simplicium resultare debere. Sequitur differentia, quæ inter ens finitum & infinitum intercedit, ubi Autor infinitum imaginariam Mathematicorum a reali, quod Metaphysicus considerat, sollicite distinguit ac evidentissime monstrat, quomodo infinite parvum & infinite magnum Mathematicorum sit tantummodo modus loquendi. Notatu digna sunt duo theoremata, quorum primum hujus tenoris: infinite parvum Mathematicorum indefinite exprimere partem inassignabilem in dato quodam quantatum genere, quæ in casu quolibet singulari varietur, & numerum infinitum indefinite exprimere eum, per quem dividenda illa quantitas, ut prodeat pars inassignabilis; alterum vero tale est: infinite magnum indefinite exprimere quantitatem, cujus respectu alia quædam data pro nihilo haberi potest, ut in dato casu non oriatur error assignabilis. Quod dari nequit, pro nihilo haberi non minus in

praxi communi, quam Mathematicorum. Infinitum reale dum explicat, inprimis evincit, quomodo ea per eminentiam eidem tribuantur, quæ enti finito conveniunt, v. gr. quomodo per eminentiam sit substantia, eidemque actio & modificatio tribuatur. Quemadmodum itaque in ente simplici finito vim limitatam concipit, qua status continuo mutatur ea quidem lege, ut præsens contineat rationem sequentis; ita in ente infinito simplici vim illimitatam concipit, qua simul actuantur, quæcunque per essentiam ejus actu eidem inesse possunt. Superest causarum & signorum theoria. Priori intelligendæ præmittit Autor doctrinam de dependentia & relatione. Dependet A a b B, quatenus ejus, quod ipsi A inexistit, ratio in hoc altero B continetur. Ens autem A referri dicitur ad alterum B, si A & B simul consideramus atque ea, quæ ipsis in se spectatis conveniunt, perpendentes porro inquirimus, an inter ea, quæ ipsi B conveniunt absolute, quidpiam occurrat, per quod aliquid de A intelligi possit, quod absque eo intelligi non poterat, adeoque non nisi præsupposito B. Relationem vero appellat Noster id, quod rei absolute nonconvenit, sed tum demum intelligitur, quando ad alterum refertur, ut adeo enti nullam superaddat realitatem, quam in se spectatum non habet, sed non nisi in dependentia quadam entis unius ab altero, five vera, five ficta consistat. Causa cum definiatur per principium, causarum theoriâ a principio orditur, quod definit per id, quo in se continet rationem alterius. Unde deducit vim esse principium mutationum, consequenter substantiam finitam continere principium mutationum formaliter, infinitum vero per eminentiam. Definit autem causam in genere per principium, a quo actualitas entis alterius ab ipso diversi dependet, tum quatenus existit, tum quatenus tale existit, ac in specie efficientem appellat, si causalitas, hoc est, ratio ista consistat in actione. Revocat etiam causas reliquas ad notiones distinctas & inter alia demonstrat, in causa efficiente dari vim & potentiam agendi, adæquatam actualitatis cognitionem consistere in distincta notione subordinationis causarum, in explicandis effectibus subsistendum esse in causa proxima, si tantummodo intelligere velimus, quomodo ipsi actum

actum fuerint consecuti; ad remotas vero progrediendum esse, ubi intelligere volueris, cur causa proxima fuerit apta ad effectum producendum, seu unde eas habuerit determinationes, quæ ad actionem effectui sufficientem edendam requiruntur; in serie causarum subordinatarum proxime præcedentem disponere sequentem ad agendum; quod contingenter exiit, a causa quadam efficiente productum esse; effectum partim ab hac, partim ab ista causa socia produci, a nulla earum vero totum; eadem posita causa efficiente eundem poni effectum plenum & vi gradus determinati determinatum respondere effectum; in serie rerum contingentium, quarum præcedens est continuo causa sequentis, res ita invicem subordinari posse, ut sequentes referantur ad præcedentes sicuti finis ad medium & quæ sunt alia huiusmodi. Nota est divisio signi in naturale & artificiale. De utroque principia generalia demonstrat Autor, quæ utiliter in casibus specialibus, ubi nobis cum signis res est, adhibentur. Ita de signo artificiali monet, ex ejus notione nihil colligi posse, quod signato conveniat, cum signatum aliunde notum tantummodo in memoriam revocet, ubi ante edocti fuerimus, cujusnam sit signum. De naturalibus vero ostendit, causam efficientem esse signum effectus & vicissim effectum signum causæ efficientis, & in genere causatum quodlibet esse signum causarum sufficientium, causam vero unam vel alteram signum probabile causati, nec minus unum esse signum alterius, si qua a communi causa pendent. Majoris momenti est distinctio signi in simplex & derivativum, quæ vulgo negligitur: quorum illud sumitur, hoc vero ab aliis signis se prioribus ortum trahit. De signis hisce derivativis demonstrat, quando definitionibus, quando propositionibus æquipolleant. Et hæc principia sunt fundamentum artis characteristicæ, quatenus arti inveniendi ac demonstrandi inservit atque methodo discendi & docendi superpetias fert, quam Autor se explicaturum promittit in Arte inveniendi. Hinc etiam pendet notio linguæ philosophicæ & essentialiter significantis, nec non Logicæ speciosæ universalis, hætenus desideratæ. In genere autem notandum est, dum Auctor totum hoc Opus in definitiones exactas & propositiones de-

praxi communi, quam Mathematicorum. Infinitum reale dum explicat, inprimis evincit, quomodo ea per eminentiam eidem tribuantur, quæ enti finito conveniunt, v. gr. quomodo per eminentiam sit substantia, eidemque actio & modificatio tribuatur. Quemadmodum itaque in ente simplici finito vim limitatam concipit, qua status continuo mutatur ea quidem lege, ut præsens contineat rationem sequentis; ita in ente infinito simplici vim illimitatam concipit, qua simul actuantur, quæcunque per essentiam ejus actu eidem inesse possunt. Superest causarum & signorum theoria. Priori intelligendæ præmittit Autor doctrinam de dependentia & relatione. Dependet A a b B, quatenus ejus, quod ipsi A inexistit, ratio in hoc altero B continetur. Ens autem A referri dicitur ad alterum B, si A & B simul consideramus atque ea, quæ ipsis in se spectatis conveniunt, perpendentes porro inquirimus, an inter ea, quæ ipsi B conveniunt absolute, quidpiam occurrat, per quod aliquid de A intelligi possit, quod absque eo intelligi non poterat, adeoque non nisi præsupposito B. Relationem vero appellat Noster id, quod rei absolute nonconvenit, sed tam demum intelligitur, quando ad alterum refertur, ut adeo enti nullam superaddat realitatem, quam in se spectatum non habet, sed non nisi in dependentia quadam entis unius ab altero, sive vera, sive ficta consistat. Causa cum definiatur per principium, causarum theoriâ a principio orditur, quod definit per id, quo in se continet rationem alterius. Unde deducit vim esse principium mutationum, consequenter substantiam finitam continere principium mutationum formaliter, infinitum vero per eminentiam. Definit autem causam in genere per principium, a quo actualitas entis alterius ab ipso diversi dependet, tum quatenus existit, tum quatenus tale existit, ac in specie efficientem appellat, si causalitas, hoc est, ratio ista consistat in actione. Revocat etiam causas reliquas ad notiones distinctas & inter alia demonstrat, in causa efficiente dari vim & potentiam agendi, adæquatam actualitatis cognitionem consistere in distincta notione subordinationis causarum, in explicandis effectibus subsistendum esse in causa proxima, si tantummodo intelligere velimus, quomodo ipsi actum

actum fuerint consecuti; ad remotas vero progrediendum esse, ubi intelligere volueris, cur causa proxima fuerit apta ad effectum producendum, seu unde eas habuerit determinaciones, quæ ad actionem effectui sufficientem edendam requiruntur; in serie causarum subordinatarum proxime præcedentem disponere sequentem ad agendum; quod contingenter existit, a causa quadam efficiente productum esse; effectum partim ab hac, partim ab ista causa sociâ produci, a nulla earum vero totum; eadem posita causa efficiente eundem poni effectum plenum & vi gradus determinati determinatum respondere effectum; in serie rerum contingentium, quarum præcedens est continua causa sequentis, res ita invicem subordinari posse, ut sequentes referantur ad præcedentes sicuti finis ad medium & quæ sunt alla huiusmodi. Nota est divisio signi in naturale & artificiale. De utroque principia generalia demonstrat Autor, quæ utiliter in casibus specialibus, ubi nobis cum signis res est, adhibentur. Ita de signo artificiali monet, ex ejus notione nihil colligi posse, quod signato conveniat, cum signatum aliunde notum tantummodo in memoriam revocet, ubi ante edocti fuerimus, cujusnam sit signum. De naturalibus vero ostendit, causam efficientem esse signum effectus & vicissim effectum signum causæ efficientis, & in genere causatum quodlibet esse signum causarum sufficientium, causam vero unam vel alteram signum probabile causati, nec minus unum esse signum alterius, si qua a communi causa pendent. Majoris momenti est distinctio signi in simplex & derivativum, quæ vulgo negligitur: quorum illud sumitur, hoc vero ab aliis signis se prioribus ortum trahit. De signis hisce derivativis demonstrat, quando definitionibus, quando propositionibus æquipolleant. Et hæc principia sunt fundamentum artis characteristicæ, quatenus arti inveniendi ac demonstrandi inservit atque methodo discendi & docendi suppetias fert, quam Autor se explicaturum promittit in Arte inveniendi. Hinc etiam pendet notio linguæ philosophicæ & essentialiter significantis, nec non Logisticæ speciosæ universalis, hætenus desideratæ. In genere autem notandum est, dum Autor totum hoc Opus in definitiones exactas & propositiones de-

monstrativas digessit, non modo id egisse, ut notiones ontologicas efficeret determinatas atque fixas, verum etiam omnem iisdem affudisse lucem, qua claritas earum indiget. Cumque Philosophia *Wolfiana* ad se rapiat animos eorum, qui certam ac utilem rerum cognitionem appetunt; ideo Metaphysica germanica, de qua ex instituto diximus in Actis A. 1720 p. 371 & sqq. anno superiori quarta vice prodit. Huic editioni Autor discursum præliminarem præmisit, in quo clarissime ostendit, quænam in ea arma suppeditaverit ad religionem naturalem defendendam & quænam fiat ea, quæ in aliis libris frustra quæstiveris. Docet etiam, quomodo institui debeat Operis illius lectio, ut arma ibidem proposita agnoscantur. Philosophiam primam, quam tanquam Operis sui metaphysici partem primam orbi erudito offert Autor, proxime excipiet Cosmologia transcendentalis eadem methodo pertractata.

OBSERVATIONS MATHÉMATIQUES &c.

i. e.

OBSERVATIONES MATHEMATICÆ,
Astronomicæ, Geographicæ, Chronologicæ & Physicæ, partim ex antiquis Chinesium monumentis excerptæ, partim etiam in Indiis & China recens factæ, a Patribus Societatis Jesu; quas in ordinem digessit & publicavit P. E. SOUCIET, ex eadem Societate.

Parisiis, 1729, 4.

Alph. 1 pl. 18 & 8 Tabb. ænex.

CUM nequaquam ignoraret celeberrimus Autor, quantæ essent utilitatis in rebus physicis & mathematicis observationes, sæpe ac diligenter, in remotissimis quoque terrarum partibus institutæ, atque inter se collatæ, tum vero ægerrime tulit, post duo illa observationum, in Indiis, Siam, & China, a Patribus Soc. Jesu factarum Volumina, quæ P. *Gouye* 1688 & 1692 Parisiis edidit, nihil amplius de hoc genere hucusque comparuisse. Scilicet tantum temporis & laboris impendendum postea illis

Pa-

Patribus Missionariis fuit, partim in instruendo ipso Chinesium Imperatore, partim etiam in variis libris Mathematicis ac Philosophicis, sermone Chinesi & Tartarico conscribendis, ut observationibus incumbere atque eas rite continuare nullo modo possent. Sed & aliae occupationes, & ex ipsa, quae observationes mathematicas necessario requirunt, impedimento fuerunt, quo minus aliqua harum collectio in Europam & Galliam transmitti ex China hactenus potuerit. Jussit quippe Chinesium Imperator, ut mappam geographicam totius Imperii conficerent Patres Societatis Jesu; ex quorum proinde numero decem vel duodecim per complures annos vastissimas illas regiones peragravit, multasque fecerunt observationes, cum ipsa mappa aliquando in lucem edendas; quanquam etiam nonnullae earum in praesenti collectione jam compareant. Interim de summa observationum utilitate persuasissimus Autor, cum eos omnes, qui aliquid conferre in hanc rem posse videbantur, tum ipsos praecipue Missionarios, qui denuo in Chinam contendebant, identidem sollicitare non destitit, ut ad novas colligendas atque publicandas observationes omne studium serio applicarent. Tandemque sui se voti compotem vidit, postquam A. 1721 in Chinam profecti essent P. *Gaubil* & P. *Jacob*, de quorum dexteritate, eruditione, atque animi ardore non exiguam spem cum *Soucietus* noster tum & alii conceperant: nec frustra: nam & in itinere passim, etiamsi pleraque necessaria instrumenta deficerent, & postea in ipsa urbe *Peking*, assidue observationes coelestes, aliasque, persequi instituerunt, adjuti etiam ea in re ab antiquis Missionariis, imprimis a P. *Keglero*, Germano, & Collegii Mathematicorum Praeside, & P. *Slavisek*, itidem Germano & excellentissimo Mathematico, qui suas cum illis communicare observationes non omiserunt. Itaque singulis deinceps annis, a P. *Gaubilio*, quicquid in promptu erat, collectum & Celeb. P. *Soucieto* est transmissum, cumque rogasset Noster, ut antiquissimae quoque Chinesium observationes ex ipsorum monumentis excerpterentur, porroque & illae adderentur, quae reperiri possent a Patribus Soc. J. superioribus annis factae, neque in collectionibus antea laudati P. *Gouye* comprehensae, etiam haec petitione ab-

abunde a P. *Gaubilio* satisfactum est. Ex quo facile nunc intelligere licet, quid de præsentis libro judicandum sit, quippe in quo tam variaz & utilissimæ cum recentiores tum antiquiores observationes, ordine commodo digestæ, & annotationibus nonnullis Cl. Autoris celeberrimorumque Mathematicorum, *Cassini* & *Maraldi*, illustratæ exhibentur. Et primo quidem loco comparent generales quædam observationes de Astronomia Chinesium & Indorum; quorum illi, ut ex antiquissimis eorum libris constat, jam ante 2000 annos, & amplius, multa Astronomiæ capita, quantitatem anni solaris, motum diurnum Lunæ & Solis, magnitudines mensium, revolutiones planetarum, ascensiones rectas stellarum, maximam solis declinationem, & alia, satis bene cognovisse videntur, quamvis ipsorum regulæ de retrogradationibus, directionibus, & stationibus planetarum, parum sint distinctæ atque accuratæ; hi vero, etsi Astronomiam, præsertim antiquis temporibus, non plane neglexerunt, atque etiamnum Eclipses mediocriter computant, de systemate tamen mundi conceptus habent oppido absurdos; terram ut discum planum imaginantur cum octo punctis cardinalibus, quibus totidem deos & gigantes & elephantos præficiunt; mundum ipsum ab ingenti serpente sustentari fingunt; septem majores insulas, septem maria, octo montes, septem magnos fluvios commemorant; lunam sole altiolem censent; de obliquitate Eclipticæ dubium est an aliquid comprehenderint; cetera pleraque omnia ignorant. Sequuntur observationes solares, de akitudinibus hujus sideris meridianis, itemque de Eclipsibus ejus & maculis. Inter eclipses reperiuntur decem & sex antiquæ, quas ex Chinesium monumentis desumpsit & calculo comprobavit P. *Gaubilius*. Earum prima contigit *Pekini*, die Primo lunationis nonæ, anno primo Imperat. *Tchong Kam*, non longe a stella *Fang* dicta, quæ est secunda ad austrum lucidæ in fronte scorpii, juxta *Sinas*, hoc est, A. 2155 ante Chr. nat. Octob. d. 10 compl. hor. 18 min. 46, loco vero solis & lunæ existente (secundum *Tabb. de la Hire*) in 0° , $24'$, $3''$, ☿. Altera observata est ibidem, lunationis decimæ die prima, cujus diei nota est *Sin Mao*, anno sexto Imperat. *Yeouvam*, hoc est, A. 776 ante Chr. Mense Sept. d. 5

d. 5 h. 23, min. 4, sole & luna in $4^{\circ} 53' 20''$ mp existente. Ceteras hic omittimus. Ut vero intelligerentur temporis notæ in eclipsibus illis consignatæ & ex Autoribus Sinis desumptæ, cyclum Sinarum duplicem explicandum censuit laudatus *Gaubilius*, quorum alter annorum est, alter dierum, uterque sexagenarius, & iisdem literis ac nominibus (e. g. *Sin Mao*) insignis. Observationibus solaribus succedunt lunares; inter quas nullæ antiquæ: nam omnes ad eclipses spectant, & insigniores quosdam lunæ cum fixis congressus, quos observarunt PP. Soc. J. ab A. 1708 ad 1727. Jam inter reliquorum planetarum observationes ex imprimis notabiles sunt, quæ ad Jovem pertinent; nam & accessus hujus planetæ ad stellas fixas, numero XXI, complectuntur, ex antiquis Chinesium libris Astronomicis desumptos, & complures satellitum immersiones & emersiones, a PP. *Keglero*, *Gaubilio* & *Jacobo*, Pekini diligentissime observatas, atque cum iis comparatas, quæ eodem tempore Parisiis a *Cassino* & *Maraldo* observatæ sunt: ex quo differentia Meridianorum utriusque urbis deducitur 7 hor. 35', 26". Die XI Octob. 1723, paullo ante quartam horam matutinam, Chineses, quibus vigiliæ ad turrim tribunalis mathematicorum erant demandatæ, primi conspexerunt cometam, inter navem & canem majorem, paullo supra stellam, quam in puppi navis litera G denotat *Bajerus*. Caudam porrigebat satis longam, ad plagam inter Septentrionem & occasum mediam, perveniebatque ad meridianum hora 5, min. 15, cum altitudine 11 graduum. Die sequente apparebat longe infra columbam, meridianumque attingebat post horam quartam & dimidiam matutinam. Inde curso maxime præcipiti partes cœli pervagabatur australes, dieque decimo septimo ejusdem mensis, circa horam 7 vespertinam, infra capricornum conspiciebatur. Longitudinem ejus tunc inveniebant Missionarii Galli in duodecimo gradu xx , latitudinem vero graduum 12, cum 50 scrupulis primis. Die XIX, eadem hora, sub Ecliptica observabatur, in gradu 8, 49' xx . Sequentium dierum observationes, in domo Jesuitarum Gallorum, hora VIII vesp. factæ, exhibentur peculiari tabula, juxta methodum *P. Perdies*. In epistola a *Cassino* & *Maraldo* ad *P. Gaubili-*

am data, ægre ferunt celeberrimi isti viri, quod Chineses, qui primi viderunt cometam, die XI & XII Octob. in ipso crepusculo matutino, non accuratius situm ejus determinaverint. „Nam, exhibent quidem, inquit, transitum comete per meridianum, sed verosimillimum est, aut horologium eorum non satis fuisse ordinatum, aut parum exactum meridianum; quippe cum rite computatz illæ observationes nec cum sequentibus observationibus Pekini factis, neque etiam cum Parisiensibus concordent.„ Hactenus Astronomica. Ad Geographica nunc progredimur, quæ tantum summatim in præsentia attingenda, hæc sunt: Descriptio insulæ *Poulo-Condor*, itemque urbis *Canton*; diarium itineris *P. Gaubili* & *Jacobi* ab urbe *Canton* ad metropolim Sinensem, *Pekinum*; epistola *Gaubili* de longitudine urbis *Astracan*; lehnographia & descriptio *Pekini*; situs metropolis *Coreæ*, *Kong-Ki-Tao*; Commen-tatio de origine fluviorum *Irtis* & *Oby*, itemque de regionibus Septentrionalibus & orientalibus circa mare Caspium; Relatio Chinen-sis de itinere ab urbe *Pekin* ad oppidum *Tobel*, atque inde in regionem *Tourgoutorum*, qui ad Septentrionem maris Caspii incolunt, cum annotationibus, ad pronunciationem & descriptionem nominum propriorum, more Chinesi, potissimum spectantibus; Descriptio regionis *Tse-wang-raptan*; Excerpta ex literis R. P. N. de mappa geographica regionis circa promontorium *Comorinum*, itemque Insulæ *Ceilani*. In observationibus Chronologicis primo loco agitur de initio anni apud Chineses, quod nunc quidem fixum est in die primo lunæ, gradui 15 æ proximæ: habetur autem constantissime pro primo lunæ die is, in quo vera contingit solis & lunæ conjunctio, numerarique dies, ut apud plerosque Europæos, a media nocte solent. Deinde compendium Chronologicum annectitur historię priorum V Imperatorum *Mogolorum*, quod ex historia Chinesi excerptis sæpe laudatus *P. Gaubilius*. Observationes physicæ paucae sunt, inter quas illæ primariæ videntur, quæ ad acus magneticæ passim ac sæpius annotatas declinationes pertinent, cum Hallejanis quippe satis conformes, & easdem curvas concentricas exhibentes, quarum genus & naturam in posterum fortassis

tassus accuratius definire licebit. Hactenus commemoratis observationibus additamenti loco subnectit Celeb. Autor alias nonnullas ecclipsium recentiores observationes, partim Romæ, a R. P. *Borgondio*, S. J. partim etiam alibi locorum a Patribus Societatis suæ habitas, polliceturque, se in posterum, ubi novæ Collectiones edendæ fuerint, non modo in China & exteris regionibus, sed & in ipsa Europa, & ubivis terrarum, a Patribus Soc. Jesu institutas observationes, comprehensurum esse. Post illud additamentum observationes quædam supra omissæ reperiuntur, de oris peninsulæ intra Gangem, de Zodiaco Indorum, deque nominibus, quæ ista gens tribuere astris ac planetis solet. Denique postremum libri locum occupat tabula satis ampla, in qua longitudes & latitudes cum præcipuarum urbium Chinesium & Indicarum, tum & omnium aliorum locorum in universo terrarum orbe, ex optimis autoribus collectæ exhibentur.

JUSTI FONTANINI, ARCHIEPISCOPI
Ancyranæ, de Corpore S. Augustini Ticini reperto
Disquisitio.

Romæ, ex typographia Rochi Bernabo, 1728, 4.

Plag. 18.

CONSTAT ex novellis rerum publice gestarum relationibus, non ita pridem Augustinianos monachos ubique terrarum ac gentium supplicationes instituisse ob repertum Ticini S. Augustini corpus & sepulchrum. Nec vero caruit ea res controversia. Per multos enim in ipsa Italia, imo in urbe Ticino, negare, hoc esse sepulchrum sancti viri, quem diximus, Illustrissimus Autor hujus libri in ipsa Præfatione (§. I) commemorat, simul (§. II p. 13, & §. IV p. 18) docens, *typis edita exstare scripta partis adverse*. In ipso Opere (§. XVII p. 33, & §. XIX p. 37, 38, ac §. XLIII p. 103) refert, Canonicos regulares Ticinenses negare ac pernegare, inventum nuper esse corpus Augustini: quos quidem jubet animis secum reputare illud Christi, *nemini præbendum esse offendiculum, eique, qui hoc faciat, expedire, ut suspendatur mola asinaria in collo ejus, & demergatur in pro-*

fundum maris. Etiam §. XLIII p. 106, recitat historiolum de corpore quodam jam A. 1627, pro corpore S. Augustini exhibito a Præposito quodam. Noster vero Autor, vir inclytæ doctrinæ, ab ipsa Papa hujus temporis, Benedicto XIII, jussus hunc librum conscribere, omnes intendit nervos, ut nemini non persuadeat, omnino verum Augustini corpus nuper fuisse e terra erutum. Producit ejusdem Papæ literas ad Ticinensem Episcopum, quibus hic jubetur facta quamprimum per idoneos viros de hoc sepulchro inquisitione finem huic imponere controversiæ.

Nostrium est, accurate recensere viri eruditissimi argumenta. Narrat igitur §. 2, sæculo quinto corpus Augustini delatum fuisse in Sardiniam ab Episcopis ex Africa ejectis a Trasamundo, rege Vandalorum. Inter illos vero testes, quos adducit de hoc exilio, nemo unus est, qui adjiciat translationem exuviarum Augustini in Sardiniam: ac fatetur Noster §. 6 cum *Ruinarto*, niti hanc rem traditione, eaque vetusta. Putat autem, veritatem hujus traditionis ex eo probari, quod sæculo octavo ineunte Luitprandus, rex Langobardorum, corpus Augustini e Sardinia advexisse legatur Ticinum. Testes hujus rei producit satis graves, *Bedam & Paulum Diaconum*: etsi, quod iisdem plane verbis utuntur, aliquid dubitationis afferre potest lectoribus. Adducit etiam Petri, qui sæculo octavo Mediolani Archiepiscopus fuit, literas hac de translatione scriptas: quas tamen non diffitetur pro supposititiis rejici & a *Baronio & a Pagio*. Hinc alios scriptores commemorantes hanc Luitprandi in Augustini ossa pietatem profert, qui post illa tempora tam gratam illi ætati narrationem suis libris inseruerunt: quos quidem facile constat non propria fulgere auctoritate, sed antecedentes historicos exscripsisse. Relata tum §. 17 sed simul rejecta multorum fabula de sex translationibus corporis Augustini, ob metum hostium factis; §. 18 docet, basilicam S. Petri in cælo aurea a Luitprando rege constructam esse ob unum Augustini corpus in ejus Confessione deponendum. Non quidem habet testes hujus rei *συγχοῦντες*, sed tamen ex sæculo XIII & XIV par testium ei in promptu est. Sed & illis §. 24 responderet, qui statuat, eo loco, ubi nuper repertum dicitur corpus Augustini, sepultum esse regem aliquem Gothum vel Lan-

Langobardum. Regum namque corpora non consuevisse sepeliri intali loco, sed solos martyres aut confessores, inanifestum facit. §. 31 adducit Papas, qui statuerunt, eo loco, ubi nuper repertum est sepulchrum, condita esse ossa Augustini. Imo §. 42 *sqq.* docet, Papas omnes inde a Paschali II., qui ineunte sæculo duodecimo vixit, usque ad Urbanum VIII persuasum habuisse, Augustini corpus jacere in eo loco, ubi nuper, hoc est, A. 1695 repertum est. Denique §. 44 viginti quinque Theologos nominatim laudat, qui nuper *pro Augustini exuviis, ab se in longum examen vocatis, suffragium & sententiam suam literis tradiderunt.*

Habes, Lector, demonstrationem Reverendissimi Fontanini historicam, qua effici posse putavit, ut Italia credat, se omnino Ticini & habere & venerari veras sanctissimi Patris exuvias. Præterea vero hic reperies §. 19, 20, 21, 22, perfectam relationem de reperto A. 1695 corpore Augustini pretiosissime sepulti; accuratam item tractationem de Trasamundi regis persecutione in Africanos Episcopos. Docet etiam Noster §. 16 & 17, quis locus templorum dictus olim sit *confessio*; & §. 25 exemplis probat, thecis argenteis includi consuevisse ossa eorum sanctorum, qui patroni essent cuiuspiam Ecclesie. De ritu vetere, sepeliendi sanctos sub ara maxima, disputat §. 28, 29; & §. 33 *sqq.* de phialis oleo plenis, in sepulchris sanctorum reperiri solitis; §. 38 *sqq.* de velis, ibidem locorum conspicuis. Qua de causa urbs Ticinum dicta sit *Papia*, (id quod Cluverius in *Italia* sua *antiqua* ignoravit,) docet §. 45. Fuit scilicet hæc urbs colonia ex tribu *Papia*, cujus mentio fit in aliquot pervetustis Inscriptionibus. *Ingruente enim barbarie* (sic ait Noster,) *Papia*, nomen tribus, pro altero nomine civitatis acceptum est, mediaque syllaba producta, ita hoc nomen obtinuit, ut *primævum* tantum non obruerit. Denique §. 44 p. 108 & 109, duos alios scriptores laudat, Jo. Casparem Berettam, monachum Benedictinum, S. Theol. Professore, & Michaelem Collium, item S. Theol. Prof. & Clericum regularem Congregationis S. Pauli: quorum ille singularem librum, hic plures scripsit pro veritate corporis S. Augustini. Quibus quidem nos facile carebimus, perhistrato eruditissimo hoc Fontanini Opusculo.

**HISTORIA UNIVERSITATIS SALISBUR-
gensis, opera & studio R. P. * Presbyteri & Monachi Bene-
dictini e Congregatione S. Blasii in Sylva Nigra.**

Francof. & Lipsiæ, apud Onophr. Scillerum, Bibliopolam

Scaphus. 1728, 4.

Alph. 3 pl. 8.

EX Præfatione discimus, *Romanum Sedelmayr*, Benedictinum, scribendam suscepisse hanc historiam: eo mortuo nostrum Autorem accepisse ejus collectanea, eaque studiosissime auxisse. Hic igitur, postquam in Præfatione illa perdocte disseruit de monasterialibus Germanicæ scholis Ordinis Benedictini per singula sæcula, historiam Academice Salzburgensis exhibet in tres libros ductam. Ac libro quidem primo annalium more describit ortum, foundationem, & incrementa illustris hujus scholæ; secundo recenset Academice Præsides, Assistentes, Rectores, Procancellarios, ac Professores; tertio sistit illustiores harum Musarum alumnos.

Lib. I. Cap. I. Nostrum est, potiora inde excerptare. Cognitu igitur dignum, A. 1617 conditam esse hanc Academiam & Ordini Benedictino commissam a *Marco Sittico*, Archiepiscopo Salisburgensi, summo literarum patrono. Is, cujus & literæ foundationis hic exstant, pri-

II.

mos Professores delegit e monasterio Ottoburano. Ejusdem auspiciis A. 1618 ædificatum est Collegium Academicum, S. Caroli Boromæo sacratum. Eodem anno complures Abbates Benedictini fœdus inierunt de Academia hac studiosissime adjuvanda & ornanda: atque ex his A. 1619 unus electus est Præses Academice, aliquot alii Assistentes. A. 1622 novus Archiepiscopus, *Paris Lodronius*, impetravit ab Imp. Ferdinando II privilegia Academica, & quod antea Gynnasium fuerat, mutavit in perfectam Academiam. Solennis inauguratio Academice A. 1622 facta describitur *Capite III*, exhibitis una privilegiis Imperatoris & Pontificis. Illud notatu dignum, ritum *depositionis* initio statim ab hac Academia exclusum esse in perpetuum; itemque solam Thomæ Aquinatis doctrinam pro norma docendi præscriptam esse Professoribus. A. 1621

IV.

statutum, ut nonnisi ex Ordine Benedictino in hac Academia Professores essent Logicæ, Physicæ, Metaphysicæ, Casuum conscientiarum,

tiz, Controversiarum fidei, Linguarum peregrinarum, Ethicæ, Mathematicæ, S. Scripturæ, Theologiæ, & Juris Canonici: utque nunquam alius, quam Benedictinus monachus, dignitate Rectoris Magnifici fruatur. A. 1634 cum hostis Suecus sæpe propius accederet ad hanc urbem, Studiosis arma data sunt, iique imbuti militari-
bus exercitiis. *In armis itaque*, inquit Noster, *Studiosi lectionibus interesse compellebantur.* Cumque paulo ante scripsisset, *Studiosi antea non licuisse gestare gladium*, non ita multo post docet, A. 1639 rursus hic loci adepta Studiosis fuisse arma Decreto sive Pro-
grammate publico. Cognoscimus hinc, non admodum veterem esse morem, qui nunc viget in Academicis, ut insigne Studiosi habeatur gladius. Libeat duo adungere loca, e quibus lucide intelligitur, ante bellum illud Germanicum, quod tricennale appellari so-
let, Studiosos non incessisse gladiatos, sed palliatis. Scilicet edita nuper est in *Novantiquis Theologicis*, quæ Lipsia nostra partitione edere solet, A. 1728 p. 1030 sqq. celeberrimi Theologi Jenensis, Jo-
annis Gerbarði, Oratio, eo tempore habita, cum se abdicaret magi-
stratu Academico. In hac p. 1032 hæc verba reperies: *Belli hujus intestini incendio deberi existimo, quod militare hoc seculum mi-
litarem etiam habitum velut quodam contagio Studiose juventu-
ti affricuerit, ut gladiis accincti, palliis exuti, passim obambulare
gestiant, ac auditoria, templum ipsum hoc habitu ingredi non re-
formident, adeoque sese Martis potius, quam Musarum, alumnos
exhibeant.* In exitu Orationis hujus p. 1047, ita exclamat Gerbar-
dus: *Gladios deponite, pallia resumite.* Jam tamen ante Studiosos aliqui cepisse cingere se gladiis, ex Gymnasii Coburgensis Legi-
bus colligimus A. 1605 publicatis, & nuper in *Historia istius Gy-
mnasii P. II* evulgatis. En eam, quæ huc pertinet, p. 44 exhibitam: *Gladiis non accingantur. Studiosorum arma sunt non pugiones,
sæcæ, gladii, sed charta, stylus, libri.* Verum ad historiam Aca-
demiz Salzbουργensis redeundum est. A. 1652 hæc Academia, cui non-
nihil calamitatis attulerat bellum tot annorum, renovata fuit, no-
væ etiam Statuta Academica promulgata. A. 1658 Bibliotheca Aca-
demica certam accepit formam, coem:is jam A. 1649 libris a Be-
soldo relictis. A. 1660 theatrum Comicum accepit hæc Academia:
pulchrumque duxit Autor, exhibere hic periochas singularum
Comæ-

Cap. V.

P. 78.

76.

79.

VI

VII.

- Cap. VIII. Comœdiarum usque ad A. 1727 in hocce theatro a Musis Salisburgensibus actarum. A. 1669 alumnorum Archiepiscopaliū Seminarium ruina vicini montis ita oppressum est, ut amplius ducenti homines interirent. Eodem anno *Celestinus Sfondratus*, S. Galli monachus, Professor factus Juris Canonici, tantum nactus est discipulorum affluxum, ut auditorium, licet per amplum, non sufficeret capiendis auditoribus. Eodem tempore maximam consecuta est celebritatem Facultas Juridica. A. 1697 juravit hæc Academia in Mariz Deiparæ immaculatam conceptionem. A. 1707 dedicatum est templum Academicum *majestate nulli secundum*. XI. Ultimo Capite descripsit Autor Jubilæum Academicum A. 1717 celebratum.

In *Libro secundo* non solum Vitz Professorum exponuntur breviter, sed singulis quoque subjicitur catalogus librorum ab ipsis compositorum. Nobis nominare tantum libet polygraphos, *Agidius Rambeck*, *Alanum Pfeiffer*, *Amandum Pachler*, *Ambrosium Ziegler*, *Augustinum Rheding*, (factum deinceps Principem & Abbatem Einsidlensem,) *Benedictum Schmier*, (cujus *Philosophiam quadripartitam* in his Actis recensuimus A. 1716 p. 461 sqq.) *Bernardum Ruedorfer*, *Carolus Jacobum*, *Carolus Schrenck*, *Christoph. Blumlacher*, *Celestinum Meyer*, *Celestinum Pley*, *Celestinum Sfondratus*, (factum Abbatem S. Galli & Cardinalem, cujus Vitam & scripta Autor persequitur p. 323—333) *Franc. Ignatium de Wolleren*, *Franc. Josephum Herz*, *Franc. Matthiam May*, *Franc. Mezger*, *Franc. Schmier*, *Gregorium Kimpfner*, *Henr. Heinlin*, *Hermannum Hermetem*, *Joan. Balb. Braun*, *Joseph. Bernardum Glettle*, *Joseph. Bonaventuram Franz*, *Josephum Mezger*, *Ludovicum Babenshuber*, *Matthæum Weiss*, *Maurum Liechtenbeim*, *Maurum Oberascher*, *Ottonem Aicher*, *Paulum Mezger*, *Romanum Muller*, *Sebast. Koehr*, *Simonem Firbas*, & *Simonem Rettenpacher*. Nec omittendum ducimus *Sigismundum*, Abbatem Seonensem, qui & plures conscripsit libros contra *Fratres roseæ crucis*, & p. 238 memoratur edidisse *Vindicias Trithemii*, seu *Defensionem apologeticam Steganographiæ a quibusdam male interpretatæ*.

Libri tertii Cap. I sistuntur Statuta Academica pro Studiosis; *Cap. II* exhibetur catalogus eorum, qui in hac Academia creati sunt Baccalaurei, Licentiati, & Doctores; *Cap. III* nominantur Professores ac Convictores postea in Abbates electi; *Cap. IV* produuntur nomina Comitum & Baronum, in Salisburgensem Matriculam receptorum. Postremo loco sistitur hodiernus Senatus Academicus.



ACTA ERUDITORUM,

publicata Lipsiæ

Calendis Martii Anno MDCCXXX.

JO. FRIDERICI SCHANNAT HISTORIA
Fuldensis, in tres Partes divisa &c.

Francof. ad Mœnum, apud Jo. Benj. Andreæ & Henr. Hort,
1729, fol.

Alph. 7 pl. 19, Tabb. æn. 6, & plures passim textui insertæ.

PAuci Fuldensium rerum extitere Scriptores, siquidem præter domesticos illos, quos *Codex probationum* hic sistit, exterorum unicus est *Christoph. Browerus*, quem sequitur Noster in Historia hac Fuldensi & passim emendat. Patrio quidem idiomate eandem congestit *Valentinus Münzerus*, Scriptor exsanguis, & metro satis eleganti *Eberhardus Fabritius*, qui tamen nihil Cel. *Schaunato* profuerunt. *Tritheimius* quidem vidisse semet testatur *Meginfridi Monachi Fuldense Chronicon*, XXIV Libris ad Seculi XI finem usque perductum, cujus tamen hodie extat nihil. Promiserat quoque *Christ. Franc. Paulini* opus historiam Fuldensem complexurum, sed in promissis substitit. Hos vero defectus supplevit tabularium Fuldense, ex quo chartas & diplomata eruit Autor tam grandi numero, ut ea nonnullis Voluminibus præmittere duxerit necessarium. Hinc prodire *Traditionum sive Donationum tabula*, una cum *Buchonia veteri*, hinc *Clientela Fuldensis* beneficiata elucidata, nobis A. 1725 p. 296, & A. 1727 p. 24 memoratæ. Adversantes habuit *Clientela* Viros Cel. *Eccardum* & *Estorem*, ex quibus hunc ad Jo. Bapt. *Casaris Consilia* P. II p. 39 remittit, unde *Sereniss. Hassiæ Principum* Majores concordem cum

N

Schan-

- Schannata* sententiam fovisse constet. Nunc livorem aliorum haud veritus, *Historiam Fuldensem* sistit, tanta fide, ut virtutes Præsulum commendet, nec tamen vitia eorum dissimulet, quorum & monumenta sepulchralia æri incisa repræsentat. Partis I Capite I sistit Monasterii Fuldenfis initia, structuram, fundamenta atque fata. Fundavit illud A. 744 S. Bonifacius autoritate Carolomanni: Sturmii Abbas primus Monachorum numerum brevi 400 excessisse vidit; Baungulfo, Ratgario, Eigile Abbatibus templum variis structuris auctum, quod Rabanus & Helmsfridus ad finem perduxere, A. 937 subito incendio consumptum. Augebatur indies restaurati Abbate Marquardo I monasterii fama, & deductis inde coloniis, secundum *Ordinem Fuldensem*, uti tunc vocari sueverat, alia cœnobîa foris exstruebantur. Structura recentior debetur Joachimo Abbati, quam ex successoribus, A. 1713 addita insigni Basilica, ampliavit Adalbertus. Hinc recensentur Viri clari, qui ex Fuldensi Monasterio ad diversas insulas sunt promoti, Archi-Episcopi, Episcopi, Abbates. Cap. 2 agit de veteri disciplina Fuldensi, C. 3 de Fuldensium olim Monachorum sorte, conditione, victu, habitu, tonsura & ritibus, ubi *oblatorum, conversorum, monachorum ad succurrendum, barbatorum, inclusorum* nomina curatius, quam ab aliis factum, videbis exposita. C. 4 agit de œconomia Fuldensi ob plures possessiones ipsis oblatas, & *cellas* sive monachorum habitationes hinc inde exstructas, instituta, & nonnunquam insignibus detrimentis affecta; & C. 5 de officiis claustralibus.
- 34- Clausum Fuldense, *urbis* tunc temporis, *veteris urbis* nomine hodie insignitum, sceminis intrare non licuit, unde Lothario II quoque & Friderico I Imperatoribus ingressus non fuit concessus, quia Reginæ in comitatu essent, donec Bonifacius IX Pont. A. 1397 sceminis aditum patefaceret. Inter officiales recensentur *Circatores*, monasterium circumneutes, ne Monachi vagarentur foras, *Exactores* quoque vocati, qui pueros ad Magistrorum nutum virgis castigarent. Deinde *Fideliores, Magistri Fidelium, Testamentarii, Seelgeretber*, penes quos piarum donationum fuit dispositio. C. 6 sistit veterem Academiam Fuldensem, sive Scholam a Bonifacio institutam, paulo post religionis

nis simplicitate, ne scientia inflaret Monachos humiles, neglectam, a Carolo M. tamen strenue restitutam, quæ temporum calamitate, exeunte Seculo XII, deficere cœpit. Sequuntur Viri Illustres Academiz Fuldenfis, magistri & discipuli, monumentis ingenii eandem condecorantes; & descriptio veteris Bibliothecz Fuldenfis. Partis II Capite I expenduntur antiquorum Abbatum jura, prerogativæ & privilegia secularia, quo spectat, quod territorio gaudeant X milliaria Germanica in longum, totidemque in latum porrecto, ac summo territorii jure instructo; quod seculo jam XI S. R. I. Principum axiomate sint insigniti; quod fruantur jure conductus, in vicinas usque regiones olim protenso, Archi-Cancellariatus item dignitate apud Imperatricem, a Ludovico Pio & Infante repetenda, indeque olim dependente post Moguntinum Sessione, jure monetandi, una cum Telonio, ac vectigalium exactione, publicoque mercato, ex Henrici II Imperatoris indulgentia, qua occasione æneæ numerorum figuræ hic exhibentur: his accedunt remissio laudemii in insula Cæsarea; donatio Judæorum Abbatibus ab Imperatore facta in traditionem Fuldensem; assignata in Augustæ coronatione nova ratio, ac munus, ex Autoris mente, præcellentius demandatum, de quibus constat ex Jure Publico; jus metallicum, denique quod jus gerendi vexilli Imperialis & munus Archi-Mareschallatus sub Otone M. Cæsare quondam Fuldenfi fuerint commissæ. C. 2 sistit Advocatos Fuldæ primarios, Subadvocatos & Ministeriales. Advocatia ipsis tandem Abbatibus formidanda ab eisdem A. 1344 in Comitibus de Ziegenhayn, qui hæreditario eandem jure possidebant, ære non modico persoluto est suppressa. Pars III exhibet Historiam Abbatum Fuldenfium, ex qua potiora saltem seligemus. Ratgarius Abbas primus fuit, qui inconsultis Monachis Canonorum Secularium Collegium, ab Haichione Abb. bonis post ditatum, in erecto a se Delphatæ templo instituit. Error *Gretseri* in *Catalogo Episcoporum Eschtedensium* corrigitur, qui Altuwini initia Episcopatus deducit ab A. 841, cum Altuwinus jam A. 819 Monasterii Solenhovenfis Ecclesiam Fuldenfium rogatu consecraverit. Rabano, Abbati Ludovici Pii partibus addictissimo, Remorum Archi-Epi-

p. 58.

68.

73.

119.

99.

101.

N 2

scopus

- p. 106. scopus Ebbo, qui detestandæ factionis contra Imperatorem auctor primarius extiterat, ab Episcoporum concilio Theodonis villæ dignitate privatus, custodiendus fuit traditus. Rabanum hunc Moguntiz A. 788 IV Non. Febr. natum, patre Walurammo, matre Waltrata, contra plurium hallucinationes monstratur. Hatto prid. Id. April. denatus est A. 856, unde erroris convincuntur tabulæ Pistorianæ, quæ mense Junio A. 857 ab hoc ipso Hattone conscriptæ finguntur. Ceterum miramur, quod
108. Autor Cl. tradere haud vereatur, Johannem XII Pontificem, auctoritate Ottonis M. sede Romana fuisse dejectum, *more novo, nec*
126. *satis probato*, nec Hattonem Abb. Fuld. in conventu isto tulisse suffragium; quemadmodum & alio in loco schismatis accusat Henricum V Imperatorem, ob litem Pontifici de investitura Episcoporum motam; quæ satis ostendunt Autorem suæ sectæ studio facile abripi. Interim recte fabula de Hattone, qui ab
127. Abbatis postmodum ad sedem Moguntinam translatus fuit, a muribus devorato, & iniquum de eodem Præsule *Trithemii* iudicium confutantur. Ottonis M. precibus datum, ut Johannes
128. XIII Pontifex Primatu per Germaniam & Galliam Ecclesiam Fuldensensem donaret, vi cuius jus pronuntiandi in Synodo, nec non in Conciliis & conventibus publicis seu generalibus supra omnes Abbates assidendi, Fuldensi perpetuo competit. Branthoum
131. Abb. A. 981 suscepisse regimen, Noster contra *Trithemium* negat, idque A. 983 contigisse ostendit. Cum Erkanbaldus doleret,
136. se simul cum Præsulatu Moguntino Abbatiam Fuldensensem retinere non posse, nequissimos esse Fuldensium mores criminatur, Henricum S. Imp. permovit, ut direpto Fuldensi Monasterio ac cœnobitis expulsis, Laurisheimenses Monachos in locum surrogaret, quod paucis notum. Donatio Paderbornensi Ecclesiz A. 1118 ab Henrico II facta, apud *Sebaten. Annal. P. I p. 429*, ex eo redditur dubia, quod Bobbo Abb. Fuld. interfuisse eidem dicatur, aliquo tempore jam ante defunctus. Wolkmarus, quem *Ditmarus L. 8* Abbatem Fuldensensem obiisse A. 1118 tradit, plane expungendus Nostro videtur, cum nulla usquam ejus occurrat mentio. Baronius ad A. 1014 exhibet Diploma Henrici S. quo possessiones omnes Rom. Ecclesiz confirmantur,

tur, sed cum inter testes deprehendatur Richardus Abb. Fuld. qui 1018 demum regiminis initia capeffivit, falsitatis illud merito convincitur. A. 1127 Udalricus autoritate Legati Pontificii Abbatia Fuldensi privatus est, non ob pravorum mores, ut volunt malevoli, sed quod a partibus Lotharii Caesaris alienus fuerit. Gernotus Abbatibus Fuldensibus merito annumeratur, cum & sepulture locum Fuldæ invenerit, licet ob festinatam nimis ejus mortem a Pontifice non fuerit confirmatus. Heinrichi III Abb. gesta, quæ atro plerique carbone notarunt, non dubitat Autor immensis prædicare laudibus. Canonis Abb. mors in A. 1222 incidit, unde corrigendi sunt, qui obiisse ipsum anno præcedenti in Apulia tradunt. Extinctis Burgaviz Marchionibus terras, quas in feudum tenuerant possessores a Fuldensibus, sibi vindicavit Arthous IV Abb. quod adeo displicuit Rudolpho Imp. eadem filio Alberto asserere volenti, ut Abbatem occultis artibus ad privatam vitam amplexandam adigeret. Marquardum II Abb. mulier chirotecis venenatis ipsi oblatæ vita privavit. Philippus Comes Cattimelibocensis, prole mascula destitutus, & a Fuldensibus bona plurima possidens, opportuno egit cum Abbate, quæ opus habebat ejus auxilio, ut filia in iis succederet. Hartmannus Abbas ob Abbatiam Hersfeldensem furtim possessam, pluribus involutus turbis, Fuldensibus quoque odio esse cœpit, unde conciliatione frustra sæpius tentata, lis tandem autoritate Caesaris A. 1521 fuit composita, ut annuis aureis 600 contentus esses & Johannes Henneberg. Coadjutor ipsi subveniret, a quo tempore ad ipsius usque excessum Diplomata hanc formulam continebant: *Nos Hartmannus D.G. Abbas Fuldensis, & Nos Johannes de eadem Gratia Coadjutor Ecclesie Fuldensis.* An Johannes Bernhardus Abb. strenui simul militis maxime in prælio prope Luzenani reportaverit laudem, dubitare sane nos jubet & Autorum fides, qui singularia hujus pugne consignarunt, & militare quoddam proverbium, quod nostris non ignotum. Bernardi Gustavi Abbatis A. 1673 ab itinere Leodiensi, cujus Præsulatum ambierat, redeuntis supellex universa insidianti militi Gallo in prædam cessit; ipse diligenter licet quæsitus, vix cum paucis effugit; damnum ergo plus quam 300000 florenorum passus Bernardus in pertinacem morbum

p. 163.

178.

186.

190.

206.

209.

242.

249.

282.

294.

- p.297. incidit, sibi postea letalem. In consecratione *Eleonoræ* Imperatricis, ut præ reliquis Abb. Placidus Augustæ diadema imponeret, Cæsar pronunciavit. Albertus Abb. 1712 immunitatem a jurisdictione Herbipolensi, tum atque olim in dubium vocatam, Rom. Pontificis decreto obtinuit. Historiæ huic Fuldensi subnectitur *Codex Probationum*, in quo ex Chartis antiquissimis, Diplommatibus, & id genus scriptis aliis, & ex MSC. partim nunc primum vulgatis, veritati historicæ lux clarior accenditur, unde hic memoranda censuimus: *Acta vetusta* Abbatum Fuldensium ab A. 744 ad A. 916; *F. Cornelii* Monachi Breviarium Fuldense historicum, ex editione *Christ. Franc. Paullini*, ab A. 744 ad A. 1468; *Christoph. Broweri*, Soc. Jesu, *Acta* Abbatum Fuldensium ab A. 744 ad A. 16. 6; *Vitam Sturmii* primi Abbatis Fuldensis, per *Ægilem* Abb. ex *Broweri* Syd. Ill. Sanct. per Germaniam; Excerpta ex vita *Sanctæ Liobæ*, Abbatissæ Bischoffshelmii, scripta a *Rudolfo* Fuldensi Monacho sub initium Sec. IX; *Vitam Ægilis* Abb. Fuld. autore *Candido* Monacho, ex eodem *Broweri* Syd. *Vitam Rabani* Abb. Fuld. per *Rudolfum* Presb. ex *Broweri* Antiqu. Fuld.; Literas *Henrici* Abb. Fuld. de A. 1253 ad Leodiensem & Lobiensem Abbates, ut juxta statutum Francofurti, ab Innocentio Pont. confirmatum, adversus *Margaretham* Flandriæ Comitissam ob non petitam a *Wilhelmo* Rom. R. investituram feudorum, terris privandam procedant; Anon. *Vitam Henrici VI* Abb. Fuld. ex MSCto; *Notitiam de bello* inter Abb. Fuldensem & Nobiles a *Riedesfel* exorto, ex veteri Chron. MSCto; *Fundationem Ordinis Equestris* utriusque sexus, in honorem S. Simplicii a *Joanne* Abb. instituti; *Mandatum Maximiliani I* Imperatoris, quo vetat subditos Ecclesiæ Fuld. citari ad Dicasterium Provinciale Ep. Herbipolensis; *Vitam Joannis II* Abb. Fuld. ex *Spangenberg*. Chron. Henneb.; *Acta publica* circa litem inter *Joannem*, Coadjutorem Fuld. & *Philippum* Hass. Landgravium A. 1526 *Erico* Brunsv. Duce mediante compositam; *Vitam Joannis III* Abb. Fuld. ex *Spangenberg*. Chron. Henneb.; *Philippi* Abb. Constitutionem de moribus Religiosorum observandis, in qua se vocat: *Abbatum ordinis S. Benedicti per Germaniam & Galliam Primatem*; *Joachimi* Abb.

Abb. deductionem juris sui adversus Equestrem Ordinem Buchoniz A. 1648; Indicem emortualem Abbatum Fuld. ex MSCto; Necrologium Fuldense autographum ab A. 779 usque ad A. 1065.

p. 463.
464.

RECUEIL DE DIVERS VOYAGES CURIEUX
faits en Tartarie, en Perse & ailleurs &c.

i. e.

COLLECTIO CURIOSA VARIORUM ITI-
nerum in Tartariam, Persiam & alias provincias
susceptorum.

Tomi II.

Lugduni Bat. apud Petrum vander Aa, 1729, 4.

Alph. 3 pl. 14 Tabb. Geogr. 5 & fig. xn. aliz., passim textui
insertæ.

Idem Typographus, qui Itinerum in Indiam Orientalem & Occidentalem Collectionem maximam triginta in 8 & octo in fol. Voluminibus lingua Belgica dedit, jam novam aggreditur Gallico idiomate exaratam, cujus Tomi duo priores (neque vero dubitamus plures prodituros) itinera quædam eaque antiquissima in Tartariam & vicinas provincias suscepta complectuntur. Præmittitur Dissertatio elegans ac lectu digna *de Navigatione & Itineribus ad detegendas & subigendas terras incognitas*, a Gallis maxime & Batavis, *susceptis*, dubium an nunc primum edita, diversa certe ab iis, quæ celeberrimus Huetius, in Historia commerciorum & navigationis veterum Par. 1716 & Anonymus in libello: *Memoires sur le commerce des Hollandois* Amst. 1717 commentati sunt. Sequuntur deinde 1) *Benjaminus Iter circa mundum* cæptum A. 1173 & Hebraice primum descriptum, atque inde a Bened. Aria Montano Latine, nunc vero ex eo Gallice versum, quo multa memorabilia passim ab Autore observata continentur, & imprimis Judæorum illo tempore conditio exponitur. 2) *Johannis du Plan Carpin & N. Ascelini*, Nuntiorum Apostolicorum Innocentii IV ad Tartaros & alios Orientis populos, *Itinerarium* admodum curiosum, quo harum regio-

regionum status ecclesiasticus & civilis accurate exponitur. 3) *Guilielmi de Rubruquis*, Ludovici IX Gallie Regis ad Tartaros ac Chinenfes A. 1252 ablegati, *Iter* non minus ob singularia multa lectu dignum, quod *Petrus Bergeronius* ex Anglico sermone Gallice traduxit. 4) Ejusdem *Bergeronis* *Tractatus de Tartaribus* eorumque origine, regione, populis, moribus, religione, bellis, victoriis, Principibus inprimis, quorum seriem Autor ad sua usque tempora dedit. 5) Ejusdem *Historia* succincta *Saracenorum & Mubamedanorum*, quorum maxime Regna & Imperia diversa, hic illic constituta, contemplatur, 6) *Baconis*, Monachi, *Observationes* quædam *de Partibus mundi Septentrionalibus*, quibus accedunt *Relationes de Tartaria*, ex Historicis *R. Wendoveri & Matth. Paris* scriptis excerpta, una cum aliis, quibus harum gentium crudelitas accurate depingitur. 7) *Marci Pauli*, Veneti, Scriptoris fide digni, *Iter in Asiam & Africam susceptum & A. 1252 absolutum*, cum MSpto Codice Bibliothecæ Regiæ Berolinensis collatum & multis Notis & Additionibus partim ex eodem Codice, partim ex editionibus Ramusii, Purchasii & Vitriarii auctum; quo uti de aliorum gentium Orientalium moribus, ita de Tartarorum præsertim potentia & dominatione per Chinam exacte traditur. 8) *Haitonis*, Regis Armeniæ cognati, *Historia Orientalis sive Tartarorum*, manu *Saltoni* descripta & ex Latina editione *Andreae Mülleri* Gallice versa, qua status regionum Orientalium, qualis circa A. 1300 fuit, graphice describitur. 9) *Compendium Observationum a Johanne de Mandeville*, Equite & Professore Medicinæ, A. 1332 & seq. per Asiam, Africam &c. factarum, a *Balao* digestum. 10) *Ambrosii Contareni*, Reipubl. Venetæ Legati, *Iter in Persiam* A. 1473 susceptum. Ceterum quamvis his maxime præsidiiis eum fructu usus fuisse in Præfatione dicatur *Nicolaus Witzem* in excellentissimo Opere, quod *de Tartaria Septentrionali & Orientali* conscripsit, non erit tamen injucundum ex ipsis fontibus haurire, iis inprimis, qui harum provinciarum faciem, qualis inde a Seculo XII ad XV fuit, cognoscere cupiunt. Cum vero hæc Itineraria singula jam pridem seorsum prodierint, non est, ut excerpta inde desideret Lector.

LA GEO.

LA GEOGRAPHIE MODERNE, NATURELLE,
Historique, dans une Methode nouvelle & aiée.

h. e.

GEOGRAPHIA MODERNA NATURALIS,
*Historica & Politica ; Autore ABRAHAMO
DU BOIS, Geographo.*

Tomi IV.

Lugduni Bat. apud Petrum vander Aa, 1729, 4.

Alph. 5 pl. 10 Tabb. Geogr. 92 & 4 aliz.

LE CURIEUX ANTIQUAIRE, OU RECUEIL
Geographique & Historique.

h. e.

ANTIQUARIUS CURIOSUS, SEU COLLE-
*ctio Geographica & Historica rerum maxime notabilium,
que in IV Mundi Partibus occurrunt. Ex Itinerariis
celebrioribus collegit P. L. BERKENMAYER.*

Tomi III.

Ibidem, apud eundem, 1729, 8 maj.

Alph. 3 Tabb. Geogr. 2 & 24 aliz.

ABREGE DE LA VIEILLE ET NOUVELLE
Geographie &c.

h. e.

JOHANNIS HUBNERI, RECTORIS SCHOL-
*le S. Johannis Hamb. Geographia antiqua & nova ad no-
stra tempora continuata, & e Germanica lingua
traducta.*

Tomi II.

Ibidem, apud eundem, 1729, 8 maj.

Alph. 2 pl. 5 Tabb. Geogr. 21 & 4 aliz.

TRes libros ejusdem argumenti, ab eodem Typographo, eodem loco & anno editos uno obtutu vides, rerum Geographicarum cupide Lector : de quibus tribus saltem, quod ajunt, verbis agemus. Ut de Celeb. *Hübnero* plane taceamus, cujus Compendium Geographiæ vernacula nobis lingua impressum toties, ut plus quam quadragies mille ejus exempla vel in sola Germania distributa sint, tantoque plausu etiam ab exteris exceptum, ut jam pridem in Belgicam atque Anglicam, & nunc etiam in Gallicam linguam translatus & Tabulis insuper Geographicis notabilioribus, quibus antea plane caruit, instructum comparuerit; ceteri duo, & in his primus maxime, haud ultimum inter systemata Geographica locum obtinent. Autores sunt diversi, *Duboisius* & *Birckenmayer*, quorum ille Introductionem generalem præmisit in universam Geographiam, qua simul usus globi accurata methodo ostenditur; hinc quatuor Orbis partes ita descripsit, ut, quid ubique notatu dignum gestum sit, diligenter exponatur, erroresque Geographorum identidem ex relationibus hominum fide dignorum, qui passim iter fecerunt, emendentur, maxime in notulis subjectis; hic vero hodieporicos alios plerumque secutus, methodo fere Hubneriana, non tam Antiquarium agere voluit, qui inscriptiones & nummos sectetur, quam viæ ductorem, quales sunt passim in urbibus, qui advenis res singulares & curiosas solent demonstrare, vulgo *Antiquarii* hodie dicti. In omnibus his libris eadem comparent Tabulæ Geographicæ, in aliis quidem plures, ut supra in titulis apparet, in aliis pauciores. Excerptis in hac novorum Librorum copia facile superfedemus.

TRAITE' SUR LES MIRACLES DANS LE
quel on prouve, que le Diable n'en sauroit faire &c.

h. e.

TRACTATUS DE MIRACULIS, IN QUO,
diabolum ea erroris confirmandi causa edere posse, negatur, & non tantum exemplis, ex historia tam sacra quam profana petitis, ea, quæ eidem tributa sunt, fraudis & soler-

solertia hominum esse effectus ostenditur, sed etiam systema contrarium D. Sam. Clarkii, in libro ejus de religione naturali & Christiana Vol. II C. XIX proditum, examinatur; Autore JACOBO SERCES, Vicario Applebyensi in Comitatu Lincolnensi.

Amsteladami, apud Petr. Humbertum, 1729, 8.

Alph. 1 pl. 3.

Serenissimo Principi Valliæ Cl. Autor hunc librum dedicavit, & si ipsum in Præfatione audimus, jam ante novem annos eum scribere in animo habuit, illius autem editionem usque ad hoc tempus distulit, ut sua cogitata cum viris doctis prius communicaret, aliorumque scripta hoc argumentum illustrantia consuleret. Ut autem constet, se in explicanda re magni momenti versari, certum habet & exploratum, miracula inter ea, quæ veram religionem confirmant, præcipuum tenere locum, neutiquam autem existere posse certissima veritatis testimonia, si errorum firmandorum gratia edantur. Etenim Cel. Clarkium docere, miracula esse effectus ordini naturæ contrarios, atque extraordinario entis intelligentis & homine præstantioris interventu productos; quæ ab Angelis, quorum ministerio mundus gubernetur, & quidem cum a bonis, ut scopus Magistri seu summi Numinis obtineatur, tum a malis, ut hominibus errores & vitia suppedientur, proficiantur; ad utraque vero discernenda facere dogmata, una cum iisdem proposita, quæ cum sint vel falsa & impia, vel lumini naturæ convenientia, vel cum ad verum tum ad falsum indifferentia, ea in illis nihil, in his autem plurimum valere; & si duo doctores edant miracula, alter confirmandi, alter destruendi boni dogmatis causa, illum pro cœlitus misso habendum esse, qui magnitudine & copia miraculorum alterum superet. At Nos ter miracula ex se & sine collatione cum alio, certissima esse veritatis testimonia contendit. Hoc Art. I eo confirmat, quod terminos vis & virtutis Angelorum ignoremus, & illi in facultatum exercitio a Deo pendeant. Si igitur se offerant facta spirituum, quos cognitos habemus, virtutem superantis, cursui

naturæ adversantia, nullumque characterem, quo eorum Autor clarissime pateat, secum vehentia, illa Deo Opt. Max. æque ut resurrectionem mortuorum, lepræque sanationem & alia minoris generis opera, prout circumstantiæ ferant, tribuenda esse; non diversas miraculorum causas in S. Codice tradi, & si omnia Angelis assignentur, multa ex eo absurda secutura esse; nec iis dona primitivæ Ecclesiæ peculiaris, vel Prophetarum & Apostolorum deferri; & si quorundam miraculorum soli habeantur auctores, statuendum esse, illos a Deo vim ea perficiendi consecutos esse, & eum æque eorum, ac a Prophetis & Apostolis editorum, esse causam. Art. II negat, ab Angelis malis edi miracula, quia, virtutem, qua antea fuerint præditi, lapsu amiserint, & si eam retinuerint, & Deus illis potestatem exercendi eam concederet, simplices in discrimen salutis perducere, quippe qui non polleant scientia exquirendi rationes, quibus Deus suam doctrinam probet. Porro cum miracula gentilium æque ac eorum oracula varia fraudum indicia secum ferant, nec ullum idololatriæ causa editum sit, ut certamen Baaliticorum sacerdotum cum vate Elia, somnium Nabuchodonosoris & scriptura in pariete Regi Balthasari comparens ostendant, neque ullum ad impediendum Evangelicæ doctrinæ progressum sit productum, ex eo conficit, neque Deum permisisse, ut tempore, quo se Israelitis per nomen *Jehovah* manifestaret, a Magis Ægyptiacis quicquam efficeretur. Art. III argumentum suæ causæ a perfectionibus Dei depromit. Cum enim nihil in animos hominum ita influat, quam miracula, iisque facile moveantur, ut postulata faciant, non posse non sequi, ait, Deum ipsum in errorem inducere, id quod repugnet & ejus veritati, qua errores aversatur, qui tamen ejusmodi miraculis stabiliantur, ut si ex gr. sacerdotes Portugalliæ cultus Sanctorum causa vera ederent miracula; & bonitati, quæ non concedat, ut cum aureo miraculorum poculo errorum venenum præbeatur, hique veritati exzquentur; & sapientiæ, pro qua apta & convenientia ad finem obtinendum media adhibenda, nec destruendum altera manu, quod altera ædificatum, nec concedendum, ut a spiritibus malignis

lignis ea a præstigiatoribus miracula, quæ Mosaica infirment, producantur. Ostendit inde, in S. Codice verum Deum solum miraculorum perhiberi autorem, Diis ea denegari, atque uti salvationem, productionem ex nihilo, remissioneinque peccatorum, ita & miraculorum productionem esse Dei opus, etiam si per ministerium hominum fiant; Jesum in probanda sua missione adhibuisse miracula, nulla etiam mentione doctrinæ suæ facta, eundemque discipulis Johannis Baptistæ quærentibus, num sit promissus Messias, ea contemplanda præbuisse; Paulum cum Pseudo-Apostolis disputantem nixum esse miraculis, *1 Cor. IV, 19, 20*; resicientem miracula, & quæ Jesu fiat, diabolo tribuentem, flagitium committere, gravissima pœna luendum; miracula non dici opera diaboli, sed Dei, brachium item & sigillum Dei, finemque eorum esse, ut videntes illa, proposita dogmata, quorum confirmandorum causa sint edita, recipiant & approbent. Art. IV absurditatem contrariæ opinionis expositurus, Sect. I contendit, eum, qui nixus adversa sententia miraculis pondus inesse defendat, oportere statuere, vel inter ea nullum esse discrimen essentiale, & sic divina non plus habere virtutis, quam diabolica, vel si sit discrimen, quod tamen lateat, semper verendum, ne error existat, & quæ sunt Dei, diabolo assignentur. Ac cum constet, probationes æquivocas, quæ ad veritatem pariter & falsitatem applicari possunt, nullius esse momenti, & Romano-Catholicæ Ecclesiæ characteres, amplitudinem, gloriam, & unitatem ad ejus veritatem demonstrandam adhibitos, nihil roboris habere, quoniam ad paganismum, Arianismum & Ecclesiam Græcam applicari pariter possint; ex eo conficit, idem judicium de miraculis ferendum esse. Quod ad dogmata, quorum probandorum causa sint adhibita, constare, ait, ea prorsus ad nullum confirmandum facere posse. Cum enim concessum sit, ea nihil certi addere veris, ex ratione evidenter cognitis, nec implis & absurdis, etiam hoc dandum, eadem nec possibilia & indifferentia, quorum veritas aut falsitas ex lumine naturæ & recta ratione cognosci non queat, corroborare. Neque controversiam vel per magnitudinem vel per copiam miraculorum tolli prolixè probat. Postremo vult, ut

in consideratione miraculorum ratio personarum habeatur : Doctorum enim hominum, non indoctorum esse, gradus verisimilium & probabilium discernere. Alterum, quod adversam premat sententiam, ait Sect. II, esse circulum vitiosum, qui probatione doctrinae, per miracula, & miraculorum quae per doctrinam committatur ; cui Sect. III illud addit, quod systematis adversi autores pugnantia inter se statuant, cuius rei probandae causa varia *Clarkii* loca in medium profert. Art. V accedit ad refellenda ea, quae contra dicuntur, & inprimis miracula Magorum Egyptiorum cum Mosaicis comparata operose examinat. Tum tradit *Deut. XIII, 1, 2, 3, 5*, vel conditionem imposibilem, vel miram intelligi ; historiam Pythonissae *1 Sam. XXVIII*, Samuelem evocantis e mortuis, nil nisi fraudes & imposturas continere, mulierem conjecturis pleraque assecutam, multa ex Regis Saulis ministris intellexisse, particulam vero *cras* in ejus sermone *posthac* significare. In verbis Servatoris *Matth. XII, 27*, quod si ego Beelzebulem ejicio per demonia, per quem ejiciunt filii vestri ? vel argumentum καὶ ὁ ἄνθρωπος latere, vel si revera demonia a filiis Judaeorum sint ejecta editaque miracula, ea tamen neutiquam vel errorum vel vitiorum confirmandorum causa esse patrata, quin concedi posse, Deum quibuscunque causis inductum, etiam inter gentiles aegrotos miraculose sanasse, & extra ordinem nonnunquam eos a malis liberasse. *Matth. XXIV, 24*, non actiones legibus naturalibus contrarias & a supremo Numine ortas, sed admiratione dignas intelligi, & Josephum, res gestas falsorum vatum exponentem, nullius miraculi ab eis editi mentionem facere. His expositis pergit ad decantata gentilium miracula, docetque, quaedam fuisse solum effectus naturales, quaedam ridicula, puerilia, & ambigua quaedam saepius iterata, ut pluvia sanguinea, monstra, & loca remota fulmine tacta, quibus ad animos populi commovendos imperantes pro arbitrio usi sint, multa ab iis, qui ea literis consignarunt, *Livio, Valerio Maximo, & Curtio* in dubium vocata, & a *Cicerone, Hannibale, & Alexandro* contempta ; duces belli ea pro nihilo putantes secunda omnia, e contrario illa magni aestimantes adversam expertos esse fortunam. Sigillatim monet,

net,

act de curationibus morborum in templo *Aesculapii* factis, eas
 in theatro publice ludibrio expositas, & fraudes sacerdotum in
 illis adhibitas, simul esse detectas; de Imperatore *Vespasiano*
 cæco visum, claudo cruris usum conferente, observat, hæc par-
 tim esse ministrorum ejus commenta, qui Jesum in contemptum
 adducere, Imperatorem verò evehere studuerint, partim Ale-
 xandriæ, ubi hæc acta perhibentur, incolas clementiam Impera-
 toris captasse, partim Imperatorem in instituendis curationibus
 istis cum a Medicis tum ab ægrotis ipsis adjutum fuisse. *Ha-*
driani miracula ipsi *Spartiano* esse suspecta; *Apollonii Thyanæi*
 miracula a *Philostrato*, centum demum annos post eum vivente,
 & quidem ex Commentariis ejusdæm *Damæ*, qui cum eo iter
 fecisse fertur, jussu *Julia*, conjugis *Severi Augusti*, literis man-
 data, qui *Pythagoreorum* sectam fictionum amantem sit secutus,
 Imperatoris benevolentiam aucupatus sit, stylum non Historici
 sed Oratoris affectaverit, necessaria cum rebus gestis connexa
 omiserit, atque autoritati *Apollonis* parum consuluerit, dum eum
 jactasse refert, se omnes linguas intelligere, voluisseque, ut Dei
 instar coleretur, quibus accedit, quod ingens inter Jesum Apo-
 stolosque, & hunc *Apollonium* discrimen intercedat. Neque
 prætermittit Noster plurima, de quibus Romano-Catholicorum
 cæcus gloriatur, miracula, quæ ideo respuit, quod plurima in-
 sint absurda, ut ex vitis Sanctorum constet; quod multa
 plane fieri non potuerint, qualia sint, quæ de iisdem reliquiis
 multis in locis existentibus feruntur; quod quædam ab homi-
 nibus credulis literis consignata, sed a prudentioribus contem-
 ni; quod tanta & tam varia nonnullorum Sanctorum narren-
 tur miracula; ut non tantum vates V. T. sed etiam Jesum & A-
 postolos iis cedere oporteat; quod ea proxime ad gentilium ac-
 cedant miracula, ut alia taceamus. Tractat etiam figillatim de
 sanguinis S. *Januarii* apud Neapolitanos fluxu, qui quotannis
 conspiciatur, variaque lectu digna de eo affert. Tradit primo,
 omnes fere latere, quatuor præter illam liquefactiones hujusmodi
 sanguinis, nimirum S. Jo. Baptistæ, S. Stephani, S. Pantaleonis &
 S. Patritiæ, diebus iisdem consecratis singulis annis Neapoli con-
 fici, ut a *Parrino Celano*que sit traditum, quæritque, qui fiat, ut
hu-

huic præcipue loco virtus liquefaciendi sanguinem congelatum inest, num forte ea a calore montium ignivomorum ei proximorum pendeat, & annon hæ sanctæ personæ honori S. Januarii quodammodo inviderint, doletque, iis rem ex voto non successisse, atque attribuit omnia impossitæ avaritiæque sacerdotum, quorum quidam callidiores & artis excitandi fermentationem peritiores aliis existant. Tum pronunciat, miraculosum sanguinis S. Januarii fluxum ideo suspectum falsumque sibi videri, quod in præparandis iis, quæ ad eum ciendum pertinent, septem vel octo dies consumantur, isque conficiatur in separato templi loco, ad quem creduli propius admittantur, non autem peregrini, quibus hoc prodigium e longinquo tantum conspiciendum concedatur. Deinde dubitat non tantum, an hic sit verus S. Januarii sanguis, sed etiam an plane hic aliquid veri sanguinis existat; refertque, sibi Neapoli commoranti permissu æditui templi S. Johan. Carbonaræ licuisse sanguinem S. Baptistæ, tenenti in manu ampullam, in qua is inclusus erat, cum eura examinare, ac tum comperisse se, non fuisse verum sanguinem, sed speciem olei concreti seu condensati (*pommade*) colore subrubicundo tincti, sanguinem mentientis, qua in sententia a Presbytero Congregationis Oratorii Italo, in colloquio hac de re cum eo Augustæ Taurinorum habito, sit confirmatus. Postremo observat, miracula, postquam cætus Domini ab erroribus abusibusque liberari cœperit, non ita copiose apud Romano-Catholicos edi, consulitque iisdem, ut, cum non suppetat melius remedium, reducendi hæreticos ad suum cœtum, miracula publice sub oculis Protestantium edant. Alloquitur etiam eos, qui præ aliis ingenio forti & subtili præditi videri volunt, monendo, ne ideo quia multa fingantur miracula, etiam vera, quibus religio Judaica vetus & Christiana nitantur, negent; denique characteres miraculorum falsorum a *Werenselfio* exhibitos repetit, & ad eos nonnulla illustrationis gratia adjungit.

D. GOTTLIEBII GERHARDI TITII JCTI
Sereniss. ac Potentiss. Regis Polon. & Electoris Saxon. in
Summo Provocationum Consilio Consilarii, Supremæ Curie
Pro-

Provincialis Lipsiensis, nec non Facultatis Juridicæ Assessoris, Codicis in Academia Lipsiensi Professoris publici &c. Disputationes Juridicæ varii Argumenti, publice sub Præsidio ejus in Academia Lipsiensi habitæ, nunc conjunctim editæ, cum Præfatione vitam B. Autoris complectente & Indice triplici locupletissimo.

Lipsiæ, apud Joh. Samuel. Heinsum, 1729, 4.

Alph. 3 pl. 12.

Vivit adhuc scriptis, fama, memoria B. Titius, Jctus excellentissimus. In manibus omnium versantur libri ejus philosophici & juridici, quibus de re literaria, præsertim de Jurisprudencia immortaliter meritus est. Ast Disputationes ejus doctissimæ a multis avidæ, sed, cum paucissimæ amplius prostant, frustra adhuc quæsitæ sunt. Orbem igitur eruditum & posteritatem bonam mirum in modum sibi devinxit Cons. *Ferdinandus Augustus Hommelius*, dum easdem in unum Volumen collegit, sueque cura collectas in publicum rursus prodire jussit; præmissa etiam vita Autoris satis proluxa, quam nos quidem breviter exposuimus in his Actis A. 1714 p. 390. Quandoquidem vero laudatus Titius nihil in lucem emittere posse videbatur, nisi quod ingenium sublime spiraret ac solidiori Jurisprudenciæ insignem utilitatem afferret; intererat ad decus & emolumentum Reip. literariæ, publicas tanti Jcti Disputationes velut aureas variarum veritatum particulas pretiosasque rerum præstantissimarum geminas conquirere passim, recuperatasque conservare sollicitus. Sunt illæ numero *tredecim*, quas strictim recensere operæ pretium judicamus.

In Disputatione I quæstionem: *An plus valeat, quod est in veritate, quam quod in opinione vel contra?* occasione §. 11 *J. de Legat.* in qua prius, & *l. 15 de Acqu. vel omitt. hered.* ubi posterius asseritur, Noster explicat & decedit, suæque decisionis fundamentum adstruit. Tota Dissertatione in quatuor Capita divisa Cap. I expendit quæstionis præcognita de intellectu, voluntate, veritate & errore § 1 seqq. ac postea de quæstione laudata fert judicium, brevemque simul totius Dissertationis delineationem

nem facit. Ex ejus igitur doctrina §. 12 sensus quæstionis est: *An ad actionem errore susceptam conservandam vel infirmandam adeoque agenti imputandam vel non, potior habenda sit ratio illius, quod est in veritate, quam quod est in errore?* Ad difficultates, quæ ex diversitate legum modo hoc modo illud asferentium oriri videntur, amovendas §. 15 supponit, decisionem quæstionis absolute dari non posse, sed modo prævalere, quod est in veritate, modo quod est in opinione, prout scilicet ratio diversæ decisionis subest, ut adeo, si veritati in hoc, errori in illo textu prærogativa decernatur, ubique propositiones sint particulares, inter quas nulla contradictio. Fundamentum vero decisionis §. 17 ita breviter repræsentat: scilicet decisionem hic derivandam esse ex consensu agentis. Ut igitur constet, quousque is vel consentire potuerit, vel reipsa consenserit, vel consensus ejus exclusus sit, respici tum ad id, quod est in veritate, tum quod est in errore, & prout agens vel illud vel hoc valere voluit atque velle potuit, ita vel veritatem vel opinionem prævalere dici, rationem autem valoris nec a veritate nec opinione, sed a consensu agentis dependere; de consensu igitur agentis nos esse sollicitos non tantum, sed & de facultate consentiendi: de qua ut constet, videndum esse, utrum ad actum aliquem certa quædam requisita desiderentur, nec ne: nam illo casu in valorem actus agentem demum consentire posse, si requisita adsint, si vero absint, frustra consentire, nisi sit ipse superior vel in actibus privatorum lex consensum juvet, §. 17, 18. Applicatio in sequentibus deinde Capitibus instituitur. Cap. II Auctor differit de Prærogativa veritatis & opinionis *communis*, Cap. III de Prærogativa veritatis & opinionis *singularis*, in *ultimis voluntatibus*, Cap. IV in *contractibus*, variisque exemplis doctrinam antea memoratam illustrat. Inter alia occurrit ex *l. 3 ff. de offic. Præt.* exemplum servi fugitivi Barbarii Philippi, qui communi errore liber habitus, ad summum Prætoris fastigium evehctus fuerat. Quærebatur de valore actuum in Prætura editorum? Valuisse affirmat Ulpianus. Quod recte pronunciatum Noster existimat, quia populus Romanus hoc voluit & velle potuit, ex eo autem causa valoris dependit, error occasionem

nem

nem solum præbuit, & utilitas publica concurrens impulit, C. 1 §. 26—38. Verum si quis rem suam quasi alienam leget, valet legatum juxta §. 11 *J. de legat.* Hic enim sive species, quod est in veritate, sive quod in opinione, legatum exitum habere potuisset, cum proprietas legantis requisitum necessarium ad actum legandi non sit per §. 4 *J. de Leg.* adeoque sola quæstio de consensu seu voluntate legantis hic agatur, nec veritate nec opinione prævalente, §. 53. Aliud est in §. 50, ex *L. 1 d. Jur. Codicill.* ubi testamentum conditurus putat, se debitam adhibuisse solennitatem, cum adhibita non sit, vultque ut testamentum sub ista conditione valeat, actus non valebit, quia & necessaria qualitas & consensus deficit, adeoque veritas prærogativam tenet; si autem agens velit, ut actus subsistat, utut deficiat qualitas necessaria, voluntas hæcenus inefficax erit. Ceterum uti Cap. 1 §. 24 libere judicat, Jctos quæstione de prærogativa veritatis & opinionis utilem, planam & elegantem de valore & imputatione actuum humanorum errore susceptorum materiam fecisse obsecram, difficilem & tædiosam, idque demonstrat ibidem: ita præter ea, quæ hic enodaverat optime, planius tamen & accuratius rem totam explicat in *Jure priv. L. 1 c. 2 §. 3*, ubi, mentione facta præsentis Dissertationis, quæstionem illam de prærogativa veritatis & opinionis ad difficiles Romanorum iugas refert.

In Disputatione II de *Obligatione ex testamento imperfecto*, lis, quæ de obligationis & juris indole hic supponi debent, præmissis §. 1—21, quæstio, quæ semper interpretum ingenia exercuit, an ex tali testamento naturalis oriatur obligatio, nec ne? deciditur. Primo Noster expedit quæstionem præjudicialem: *An lex positiva impedire possit, ne obligatio naturalis ob factum præcedens oriatur?* eamque tam intuitu delictorum, quæ aliquando unice ob aliquam circumstantiam superioris voluntate mutandam talia sunt, quam intuitu factorum licitorum, affirmat: ratione delictorum, quia circumstantiam tollendo factum alias illicitum ad conditionem indifferentem reducere potest atque sic efficere, ne lex naturalis ad hoc factum applicari, nec obligatio illicita factum sequi solita locum hic ha-

bere queat: ratione factorum licitorum, quia modus impediendi est idem, qui in delictis, inversus tantum, propter factorum diversitatem, & sicut in delictis obligationem impedit legislator, ea ad statum indifferentem reducendo, ita vice versa in factis licitis obligationem oriri haud patitur, eadem prohibitionem sua efficiendo illicita. Illam autem prohibitionem habere vim legis positivæ solidis rationibus amplius demonstrat §. 22-31. Deinde obligationis perfectæ & imperfectæ, itemque testamenti indole exposita §. 32-43, Clariss. Autor transitum facit ad quæstionem principalem: *An non heredes legitimi naturaliter seu vi conscientiæ obligentur ad hereditatem heredi in testamento imperfecto nominato relinquendam, vel si eam possideant, restituendam?* §. 42-48. Totius quæstionis cardinem in iusta potestatis, quæ Imperanti circa obligationis naturalis existentiam competere potest, explicatione, ejusdemque voluntatis suppositione verti docet §. 49 & cum ea omnia, quæ ad impediendam obligationis naturalis existentiam requiruntur, *potestatem* nempe, *voluntatem* & *modum*, hic facile demonstrari posse existimet, *negativam* quæstionis *decisionem* amplectitur atque ab omni obligatione heredes ab intestato absolvit. Quod obligationis naturalis ortum in actibus licitis, quorum exemplum est testamentum, impedire possit Imperans, & quomodo hoc fieri soleat, antea §. 27, uti etiam nos annotavimus, demonstraverat; nunc vero quod Imperans intuitu testamenti imperfecti hoc facere voluerit, probandum erat. Quam probationem §. 50 sic instruit vir iudicio validissimus: „Scopus, inquit, ob quem solennia introduxit, superior, fuit, ne temere jus heredum legitimorum interciperetur iique ad relinquendam aliis hereditatem obligarentur, arg. *l. 19, 24, 28 in f. C. d. Testamentis*. Quod si jam præscriptis solennibus testaturo reliquit facultatem, solennia ista negligendi, ac heredibus legitimis naturalem obligationem testatione imperfecta imponendi, ejusdem legislatio vel superflua vel injusta est. „Aut enim vult, ut heredes obligationi satisfaciant, aut ut eam negligant: si prius, superflua est, vult enim, ne heredes facile re-stituire vel relinquere debeant hereditatem, & tamen, ut semper

per ad arbitrium testatoris id faciant, maxime cum teneret, conscientiz hominibus obligatio naturalis eodem loco sit, quo, civilis; si posterius, injusta est, dum suadet, ut heredes peccatum committant; oportuit igitur legislatorem prohibere testamentum imperfectum, siquidem noluit nihil agere aut injustitiz notam incurrere. Immunes ita ab obligatione naturali heredes legitimos habere jus, ob quod non tantum in foro externo, sed & salva conscientia hereditatem petere possunt, eique in herede minus solenniter scripto respondere obligationem, ob quam non tantum hereditatis petitionem, si in possessione sit, recipere, sed & ultro hereditatem restituere teneatur, ita ut secus faciendo peccet in conscientia, ostenditur, rejectis *Soti*, *Grotii* & *Huberi* opinionibus §. 51. Posthæc additur decisionis limitatio, nonnullarum legum explicatio, Triboniani contra *Bachovium* defensio, & Præjudicium Helmsladiense §. 52—56. Denique Autor §. 55 usque ad finem pro decisione sua tam illustranda quam confirmanda consentientium (*Soti*, *Covarruvia*, *Hilligeri*, *Hahnii*, *Struvii*, *Huberi*) & dissentientium (*Molina*, *Mantica*, *Amesii*, *Fachinai*, *Ludwelli*, *Bachovii*, *Franski*, *Vinnii*) rationes adducit, & quid in iis desiderari, his opponi queat, erudite ostendit.

Disputatio III plane contra communem Doctorum opinionem de *Contractu literali* directa est. Vulgo existimant *datione Chirographi* peculiarem *contractum literalem* esse initum. Auctori nostro sententia *Bachovii* contraria placuit, eique penitus persuasum est, *Chirographum datum saltem pertinere ad probationem, contractum autem vel nullum, vel mutui similemve subesse, ac inde obligationem debitoris oriri*. §. 1, 2, 3, 4. Cujus sententiz veritatem probat 1) ex intentione actoris, in mutuo vel simili negotio actionem fundantis, rei, exceptione sua fundamentum illud negantis, ac processus exitu, cum, prout vel actoris vel rei intentio ad liquidum deducta, ita vel condemnatio vel absolutio sequatur; 2) ex eo, quod datio chirographi etiam occurrat circa negotium liberatorium, manifesto indicio, eum per se non esse contractum, sed tantummodo negotium probatorium, quod circa negotia obligatoria & liberatoria ver-

satur; 3) ex silentio veterum JCtorum. §. 5, 6, 7. Quæ huic doctrinæ opponi solent, discutiuntur §. 8, & rationes sententiæ communis prolixè refelluntur, addita simul conjectura, qui factum sit, ut peculiaris Contractus Chirographarius assereretur, nimirum juris civilis sanctionem, qua actori intra biennium a tempore dati chirographi necessitas probandi imponitur, fabulæ ansam præbuisse, cum, si chirographum sub consuetis probandi regulis fuisset relictum, nemini tale quid in mentem venisset. §. 9, 10, 11, 12, 13. Missa deinceps negotii qualitate, Autor ad secundum Dissertationis Caput progressus, *quid circa dationem chirographi sit justum*, explicat. Quæ quæstio secundum ejus doctrinam tria continet 1) *an ex chirographo conventus, exceptionem non numeratæ pecuniæ opponere vel alio modo se defendere queat?* 2) *quis probare debeat?* 3) *an reus condemnandus vel absolvendus?* Prima quæstio, ex præcepto de nemine lædendo tam jure naturali, quam civili asseritur, *tertia* utroque jure secundum probationem faciendam deciditur, numeratione probata, reus condemnatur, non probata, absolvitur. Verum quoad *mediam* attinet, secundum naturalem æquitatem, excipiens probare debet, quia chirographum contra ipsum pro actore facit præsumptionem. Sed jus civile ab ordinaria probandi regula hic recessit, actori intra biennium a tempore dati chirographi agenti necessitatem probandi imposuit, addita simul contra reum mendacii conveniente pœna §. 14, 15, 16. Ad istam juris civilis sanctionem quatuor notavit Autor, 1) *moralitatem*, æquam illam esse plerique contendunt, sed id falsum & ex contraria parte exceptionem naturalem seu non privilegiatam æquam quidem esse, non hanc civilem seu non privilegiatam, luculentis rationibus Noster evincit §. 17, 18, 19, 20, 21; 2) *Sensum*, quæritur enim vel de circumstantiis confessionis vel de personis, a quibus, & negotiis, in quibus fit confessio, quæ omnia latius discussa §. 22 seqq. usque ad §. 40, ac speciatim §. 26, 27, 28 demonstratum, instrumentis paratam executionem habentibus non posse opponi exceptionem non numeratæ pecuniæ privilegiatam, obstante natura processus executivi,

cutivi, aliud esse in exceptione non privilegiata, si reus hanc in continenti probare queat. 3) *Usum*, nempe obtinere illam dispositionem, si recepta, quæ fufius iterum deducta §. 41 usque ad 51. 4) *Epicrisin*, esse illam sanctionem *iniquam*, *inutilem*, *incertam*, hinc rectius prospici negotiis humanis, si ea neglecta merum jus naturæ observaretur. §. 52. 53.

Disputatio IV de *Fictionum Romanarum Natura & Inconciinnitate*, occupatur circa fundamenta Jurisprudentiæ a nexis vindicanda. Nimirum Jus Romanum ejusque interpretes, præcipue antiquiores, fictionibus abundant, quod institutum a plerisque (si non præsentis, tamen illius temporis interpretibus, quo scripta Dissertatio) censetur elegans & necessarium, ab Autore ineptum & inutile; hinc in præsentî Dissertatione 1) *Naturam fictionum explicat*, 2) *earum inconciinnitatem ostendit* §. 1. 2. Memorata diversa illa suppositione, Noster observat, fictiones Romanas dupliciter accipi, vel pro ipsa falsi assumptione, vel pro lege, quæ istam falsi assumptionem habet adjunctam; hinc primo respectu eam definit, quod sit *assumptio falsi pro vero scienter & aperte facta, mediante qua ultro dispositio aliqua legis proponitur*; secundo autem *ipsa legis dispositio sub memorata falsi assumptione ultro proposita*, §. 3. 4. 5. 6. Priorem definitionem Autor amplius explicat ac deinceps contra vulgaria præjudicia asserit, quod *fictionis circa leges ferendæ aut explicandæ nulla plane sit necessitas*, idque duplici modo probat, ostendendo, primo quod in potioribus exemplis fictiones abesse potuerint, secundo quod leges similes adhuc sub fictionibus non proponitur, sub ejusmodi etiam commento proponi possint, §. 7. 8. 9. 10. seqq. Ex hoc supposito porro concludit, *Azonis*, fictiones ad decem prædicamenta revocantis, aliorumque sollicitudinem de varietate fictionum v. g. affirmatarum, negativarum, translativarum, supervacaneam esse, vana etiam & inepta Brocardica aliaque dogmata vulgo tradi solita v. g. quod in Statutis fictiones locum non ha beant, impossibile fingi non possit, fictio fictionis non detur &c. §. 31 usque 71. Quando vero interpretes causam fictionum impulsivam faciunt *aquitatem & necessitatem*, Noster ex iis, quæ antea supposuit, ista

ista omnia falsa & inepta pronunciat, & majori forte jure *Imperitiam*, aut leges antiquas, licet iniquas aut inutiles, *custodiendi pervicaciam* fictionum causam allegari posse existimat §. 40. Postquam hæc de *natura* fictionum juris disseruit, earum quoque *Inconcinnitatem* probat. Licet enim magnis elogiis illorum usum extollant v. g. quod, uti *Alteserra* putat, totum corpus Juris, maxime Digestorum, fictionibus ut cælum stellulis micet, qualia §. 72-75 Dissertatio refert; Noster tamen, *fictiones nullam habere utilitatem, rem vero planam & cognitu necessariam involvere, ac ineptiis ansam præbere* §. 72 seqq. demonstrat, illoque Disputationem obfignat: *Turpe est, difficiles habere nugas, & stultus labor est ineptiarum.*

Disputatione V de *Jure Metallorum*, B. Autor post varios aliorum labores, egregiam utilissimamque præstitit operam. Multa enim in tractatione aliorum hic desiderari poterant, sive ordinem tractandi, sive tractationem ipsam consideres: quamobrem id inprimis negotii sibi sumsit Noster, ut *Utile & Justum*, quod hic frequenter misceri solet, recte distingueret, ac deinceps summa capita methodo plana & naturali constitueret, ad quæ omnes quæstiones, ad moralitatem rei spectantes, facile referri queant. Exposito metallorum nomine primo agit de *Utili*, seu de quæstione, quæ sit metallorum habitudo intuitu vitæ civilis, ubi regulas prudentiæ circa metalla investiganda, eruenda ac ad usum vitæ civilis præparanda expendit §. 1 usque ad 10. Deinceps Noster progreditur ad expositionem ejus, quod *circa rem metallicam justum aut injustum est*, ubi primo expedit quæstionem de dominio metallorum originario, & cui illud in civitatibus sit tribuendum? quod is Reip. & Imperanti tribuit, quo fundamento idem nitatur, quid sub se comprehendat, quid Germanos impulerit, ut ad Imperantem illud referrent, exponit, Jus Romanum, quod metalla rem nullius esse putat, cum Germanico comparat, dominium metallorum privatum apud Romanos non fuisse universale existimat, *Linckium* aliosque qui Romanorum sententiam juri naturali magis consentaneam in Germania receptam statuunt, refutat §. 11 usque 23. Postea docet,

docet, Imperantem aliquando sibi dominium reservare, plerumque vero privatis concedere, ac posita hac Imperantis concessione *Jus Regale Metallicum* constare 1) aliqua particula, *qua ex Dominio originario* superest, quo pertinet jus exigendi Canonem metallicum, jus protimiseos, aliaque, 2) *Imperio*, vi cujus exercitium metallurgicum dirigit Imperans, dum leges metallicas fert, officiales ac operarios constituit, rationem fodinas acquirendi determinat, quid alios facere oporteat, ostendit, ac denique modum procedendi definit, §. 24. Idcirco Noster §. 25 usque ad finem considerat 1) *Officiales*, 2) *Metallicos*, 3) *Jura eorum, qui fodinas colunt*, 4) *Obligationem reliquorum subditorum*, 5) *Processum metallicum*, quibus per modum appendicis subicit 6) *Obligationem Imperantis*, ac tandem 7) *Quid nam metallicam destruat*, atque hæc capita singula ordine accurato, expositione distincta, decisione solida pertractat. Et hæc hactenus: reliquarum Dissertationum recensitionem alio tempore inferemus.

JO. FRIDERICI WEIDLERI COMMEN-
tatio de Aurora Boreali, d. XVI Novembris,
A. C. 1730.

Vitembergæ, sumptibus hered. Gerdesian. 1730, 4.

Plag. 9.

CONspectus auroræ borealis perinsignis, quæ mense Novem-
bri anni proxime elapsi longe lateque per Europam enituit,
occasionem subministravit Clarissimo hujus Commentationis
Autori, illius lucis nocturnæ indolem & causas, studiosius, at-
que ab aliis adhuc factum esse constat, pervestigandi. *Capite*
igitur libelli *primo* historia auroræ borealis nuper visæ con-
tinne traditur, ex qua intelligere licet, eam inter illustriores &
durabiliores esse referendam. Nam præter arcum atrum sub
septentrionibus, albo margine cinctum, & auroram admodum
luminosam isti imminentem, columnas & undas lucidas, mira
varietate per maximam cœli partem distribuit, & lucidis sursum-
que acuminatis virgis, umbellam tentorii specie prope verti-

Q

cem

cem subinde produxit; inprimis cœli spatia rubicunda, eaque amplissima, prope boreum cardinem, stuporem spectatoribus incusserunt. Motus autem & fluctuatio hujus lucis ab hora sexta vespertina per totam noctem fuit observata. *Capite secundo* disseritur de statu aeris, qui nuperam auroram præcessit & secutus est, & p. 19 index meteorologicus totius mensis Novembris ob lectoris oculos ponitur. Memoratu digna est mutatio status auræ terrestris, quam diebus XVI & XVII Novembris barometrum prodidit. Nam cum die XVI Novembris mane argenti vivi perpendiculum fuisset 27 dig. 6½ lin. pedis Parisini, vespera ejusdem diei idem crevit usque ad 27 dig. 11½ lin. totoque die XVII Novembris, qui inusitatam præ se tulit serenitatem, ibidem substitit. *Capite tertio* legitur historia brevis luminum borealium antehac observatorum, fecitque eodem operæ pretium Autor, dum ex scriptoribus antiquis pariter ac recentioribus auroræ borealis indicia collegit. Quem in finem refert testimonia *Aristotelis, Plinii, Seneca*, & ex sequiori ævo exempla plurima luculentissimaque laudat, ex quibus nonnulla ad seculum Christianum VI, IX, X, XI pertinent. Ex seculo XVI enumerat sequentia: A. 1518, 1523, 1560, 1564, 1574, 1580, 1581, 1582. Ex seculo XVII A. 1621, 1629, 1672, 1682, & ex seculo præsentē XIX A. 1707, 1710, 1716, 1717, 1719, 1721, 1726, 1727, 1728. Hac recensione defunctus p. 34 de phænomenis lucis septentrionalis, quemadmodum in Suecia, Norwegia, Spitzberga, Grœnlandia, Lapponia & Russia apparuerunt, uberius exponit. Tandemque progreditur ad *Caput quartum*, quod causis laudatorum antea spectaculorum destinatum est. Injuncta igitur hypothesium, quales a *Cartesio, Gassendo, Hallejo* & aliis pro lumine arctico declarando excogitatae fuerunt, suam postea sententiam affert, & phænomenis illustrandis accommodat p. 53. Scilicet probat experimento simili effluviorum lucidorum, supra Vesuvium & Ætnam, nocturno tempore, etiam tum, quando montes illi ignes non eructant, conspекtorum, lumen aquilonare spargi a materia sulphurea revera incensa. Porro ex Islandiæ, Grœnlandiæ & vicinarum terrarum partium descriptionibus, quas viri fide digni dederunt, ostendit, illius generis materiam

riam maxima copia in regionibus arctois reperiri, & inde in aerem imminuentem, aliarum more expirationum, solis, vel, cujus major in illis locis potestas esse videtur, intestini caloris aestu attolli, & a frigore condensatam, ulterius protrudi, in arcus formam componi, & a radiis solaribus, qui pluribus refractionibus & reflexionibus longius propagati sunt, accendi. Postquam sic inflammata est sulphureorum halituum congeries, primum quidem lumen ejus passim a vaporibus aliis congelatis, multumque in atmosphæra remotis, repercute, & sic auroræ speciosissimum tractum, aliasque lucidas & quietas nebulas in conspectum proferri existimatur. Ad explicandam autem mirabilem virgarum, columnarum, & undarum luminosarum diffusionem, commendatur sententia *Halleiana*, secundum quam motu atomorum magneticarum, ex regione poli magnetici, cui fere arcus atri medium, qui totius luminis fontem continet, incubat, exeuntium, adhærentes iisdem halitus lucentes, longe lateque per atmosphæram dissipantur, & speciatim in meridiem & ortum, diriguntur, ut, dum idem contingit, etiam tentorii prope verticem effigies monstretur. Altitudinem vaporum lucentium supra terram ægre definiri posse *Cl. Weidlerus* censet, quia tanta spectrorum varietate & subita eorum progressionem, incerta omnis & dubia redditur observatio. Interim concedit, quod supra atmosphæram, vi materię magneticę, halitus inflammabiles valde attenuati in ipsum usque ætherem abripi possint, quemadmodum cometarum prope solem vehementer incalescentium effluvia, caudarum figura longissime per cælum porriguntur. Hæc & alia eodem spectantia argumenta copiosius in libello, quem laudamus, explicantur, & sub finem aliqua de hujus luminis infrequentia, & observationum defectu, nec non de vi, qua ad aerem commovendum polleat, in medium proferuntur.

MATTHIÆ GLANDORPII, BREMENSIS
Medici Clarissimi, Opera omnia, antehac seorsim edita, nunc
simul collecta & plurimum emendata.

Londini, impensis F. Gyles, C. Davis & Vandenhœck, 1729, 4.

Alph. 2 pl. 9 Tab. 22. 1.

DE pretio horum Operum si non aliunde constaret, satis esset ad eorum commendationem, quod nunc primum junctim ab Anglis recudi meruerunt. In Epistola Amici, Præfationi inserta, ex his ipsis Operibus docemur, natum fuisse Autorem A. 1595 Coloniz Agrippinz, patre Ludovico, celebri Chirurgo; Breinz studiis incubuisse, ac postea in Academia Colonienfi, in prius vero Patavii, ubi in dissectorum publicorum numerum receptus, ac Doctorali laurea insignitus est; hinc ex Italia reducem anno ætatis 23 Bremæ Medicinæ & Chirurgiæ faciendæ causa sedem fixisse, & postea Celsiss. Principis Archi-Episcopi Breinensis Medicum ac Reipublicæ Physicum constitutum, ibidem, quæ propria experientia & librorum præstantissimorum assidua lectione didicerat, subinde in lucem edidisse. Prodiere vero quatuor illius scripta, nimirum A. 1619 *Speculum Chirurgia*, A. 1623 *Methodus medendæ Paronychia*, cum *Decade Observationum*, A. 1628 *Traçtatus de Polypo narium affectu gravissimo*, *Observationibus illustratus*, & A. 1633 *Gazophylacium Polyplustum Fonticulorum & Setonum*: quæ adeo hic uno Volumine continentur.

MULIEBRIA HISTORICO-MEDICA.

i. e.

PARTIUM GENITALIUM MULIEBRIUM
Consideratio Physico-Medico-Forensis, Autore D. MARTINO SCHURIGIO, Physico Dresdenfi.

Dresdæ & Lipsiæ, apud Christoph. Heckelii B. Filium, 1729, 4.

Alph. 2 pl. 74.

Post *Parthenologiam*, quam superioris anni mense Decembri pag. 543 commendavimus, *Muliebria* nunc sistit Clariss. Schurigius, organa scilicet mulierum, humani generis propagationi primario dicata, id est, pudendi muliebris tam externas quam internas, ut & interiores partes genitales investigando. Inveniet hic Lector curiosus varia de Clitoride, & Tribalismo, de Hymene & Nymphotomia seu fœminarum circumcissione & castra-

stratione, tam probatorum Autorum quam propriis *Schurigii* observationibus illustrata. Quas e propria penu suppeditavit observationes Nosler, paucis pro more videbimus. Pag. 19 commemorat puellam, quæ a quinto ætatis anno sæpissime labia oris magna, turgida, atque inflata quasi habuit, hocque tumore subinde, imprimis decrecente luna, evanescente, vel subidente, pudendi labia tumida patiebatur, hancque vicissitudinem ad ænos pubertatis usque experiebatur, donec apparente demum mensium fluxu ab utroque labiorum & oris & pudendi tumore fuerit liberata. Pag. 65 rupto abscessu intestini recti excrementa alvina simul per pudenda alvina, & urinam per anum prodisse refert. P. 84 puellam vidisse se refert triennem, cui ad fabæ magnitudinem extra vulvæ labia prominuerit clitoris, a crebriore partis hujus contrectatione & vellicatione tantam molem nacta; quemadmodum & pag. 135 nympharum extra pudendi labia pro-pendentium bina allegat exempla: & autopsia edoctus, uteri substantiam in gravidis non modo in fundo, sed etiam circa latera tempore partus incrassari, pag. 244 asseverat. Mentionem etiam pag. 289 facit foemina, quæ post editum foetum ingentem hydatidum, uvarum racemorum ad instar sibi invicem connexarum, cumulum ex utero eiecit. Denique quæstionem Medico-Forensem pag. 117 dirimit: an matrimonium foeminae, nimia clitoride vel alia excrescentia præternaturali, cauda dicta, laboranti, sit interdicendum vel dissolvendum?

DE LA MANIERE D'ENSEIGNER ET D'ETU-
dier les belles lettres.

id est,

METHODUS DOCENDI AC DISCENDI
literas elegantiores, Autore CAROLO
ROLLINO.

Tomus III & IV.

Lutetiae, apud Jac. Stephanum, 1728, 12 maj.

Alph. 2 pl. 91.

Q 3

Prio-

PRiores duos hujus Operis Tomos, quos A. 1727 p. 117 sqq. recensuimus, eo favore excepit Gallia literata, ut altera jam, eaque emendatior & paulo locupletior, editio prodierit. Tertius hic Tomus quicquid boni habeat, Cl. Autor in Præfatione fatetur, se ab aliis autoribus sumxisse mutuum, atque hic congestisse in unum. Quare nos erimus in recensione breviores, maxime cum iterum p. 19 doceat, se hæc scripsisse in usum tironum, neque ideo mirandum, quod, quæ afferat, eruditis jam sint cognitissima. Tractaturus autem hoc Tomo studium historię, in *Libri IV* (is enim nunc sequitur,) præmio persequitur utilitatem historię, & quicquid statuit, subjectis elegantissimis locis veterum sibi suffragantium perdocte illustrat. Ceterum in *prima* hujus libri *Parte* informat judicium (*gustum* more patrio vocat,) *de vera gloria*. Scilicet visum est Cl. Autori initio ponere fundamenta, e quibus adolescentes historię studium tractantes vere judicare queant de pretio humanarum actionum, & veram honestatem discernere a falsa. Docet igitur, magnum gloriaque dignum hominem non facere divitias, luxum, dignitates, nativitatis nobilitatem, victorias, imo ne ingenii quidem doctrinæque excellentiam, sed unam virtutem. Singula hæc illustrat exemplis insignioribus ac testimoniis maximi ponderis copiosissime: nec dubitamus, moralem hanc Dissertationem lectoribus fore per jucundam. *Secunda Pars* est *de historia sacra*. Hujus priore *Capite*, postquam istius historię prærogativam præ cetera historia exposuit, indeque confecit, esse hanc historiam omnium minime in scholis negligendam, imo ita tractandam, ut discipulorum animi convertantur ad admirandum & colendum Numen, & ad agnoscendum e typis Veteris Testamenti Christum; regulas præscribit historiam sacram persecuturis. Hic itaque docet, Chronologiæ habendam esse rationem, exclusis tamen subtilioribus Chronologorum disputationibus; Israelitarum ritus & mores cognoscendos esse tironibus, itemque ingenium & indolem illius populi; denique exemplis in sacro codice propositis manuducendos nos esse ad omne vitæ genus sancte & prudenter agendum, & contemplandas Dei virtutes. Illustriora hæc *Capite II* facit exemplis. Ac pri-

primo quidem Josephi patriarchæ historiam pertractat, atque ex ea docet, errare eos, qui pios putent felices esse in hac vita debere; Deum in maximis calamitatibus dedisse Josepho indicia suæ providentiæ; Josephum in sua miseria non fuisse miserum, sed æquissimo & tranquillissimo animo; Deum casibus Josephi usum esse ad optimum finem, ut scilicet fratres ejus in Ægypto victum haberent; tentationes ad peccandum superari debere cogitatione legis divinæ & metu Numinis; non esse odio prosequendos eos, qui nos multis affecerunt malis & incommodis; Deum suos subinde diu relinquere in malis, ut firmiorem reddat ipsorum virtutem; pietatem facere optimos Reip. administratores. Ultimo loco plures ostendit similitudines inter Josephum & Christum. Eodem modo pertractat historiam liberationis Hierosolymæ regnante Hiskia factæ: concionatoribus etiam exemplum præbens, quomodo e sacra cathedra sacram tractare debeant historiam. Tum demonstraturus, quem in modum sint tractanda Veteris Testamenti varicinia, Danielis explicationem statux Nabuchodonosori per somnum oblatæ considerat, ac simul ostendit, confirmari inde lucidissime divinam religionis nostræ originem. *Pars tertia dicta est historia profana.* Etiam hic prius modum commonstrat recte tractandi historiam, deinde exempla sistit ejus, quam veram justamque censet, tractationis. Docet igitur *Cap. I* ordinem hic servandum esse, ut in certa intervalla discerpatur historia; Chronologiam cum Geographia esse cognoscendam; noscendas leges & consuetudines singularum gentium; veritatem rerum narratarum esse investigandam; rimandas causas eventuum; cognoscendas naturas & ingenia populorum, itemque singulorum hominum in historia eminentium; (quod quidem argumentum ita tractasse ait *Bosfuetum* in libro suo de *historia universali*, ut satis digne laudari nequeat:) ex historia deduci oportere conclusiones ad sapienter formandos mores & prudenter agendam vitam; denique observari in historiis debere, quæ nos confirmant in vera religione. Exemplis aliquot hæc universa persequitur in *Capite II*. Unam de Cyro historiam, quæ primo loco ponitur, considerabimus: ex qua

p. 263.

283.

con-

p.347.

517.

259.

concludit, a bona educatione pendere & sanitatem corporis & rectitudinem animi; sobrietatem esse magnum decus Principis; regum magnitudinem non consistere in magnificentia vestium, conviviorum, comitatus, sed in virtute, in humanitate, liberalitate, fortitudine, scientia militari, sobrietate, continentia, pietate erga Deum, prudentia, studio felices reddendi cives suos. Hinc judicium fert de *Cyropædia Xenophontis*, & de *Herodoti* narratione de Cyro, hanc pro fabulosa rejiciens, illam tanquam cum Scriptura S. convenientem veris adjungens historiis. Missas facimus, quas Cl. Autor noster deinceps exponit similibusque meditationibus exornat historias de Rep. Atheniensi, (ubi & exhibet characteres, quos vocant, *Themistoclis*, *Aristidis*, *Cimonis*, & *Periclis*,) de Rep. Lacedæmoniorum, de Rep. Thebanorum tempore Epaminondæ, & de liberatione Syracusarum per Dionem facta & Timoleontem. Illud libenter agnoscimus, pragmaticam historię tractationem hic habere specimina egregia. Quale & sequitur, cum Autor defertur ad Romanam historiam, ejusque imperii contemplatur foundationem per Romulum & Numam, itemque priscorum Romanorum fortitudinem, sapientiam, frugalitatem, religiositatem, ac libertatis acerrimum studium.

Tomi quarti, ejusdemque ultimi, initio pergit *πραγματικῶς* tractare historiam Romanam, & quidem ex ea primo bellum Punicum secundum, deinde bellum Macedonicum primum, tum bellum adversus Antiochum M. gestum, hinc secundum bellum Macedonicum, postremo conversionem Romanæ Reip. in monarchiam. Hinc Dissertationem exhibet *de fabulis & antiquitatibus*. Et fabularum quidem cum de origine, tum de utilitate disputat paucis. Ortas videlicet fabulas esse existimat partim e corruptione sacræ historię, partim ex falsa interpretatione doctrinæ de angelis deque divina providentia, partim ex nimia veneratione Principum & singulari sapientia prædicatorum hominum, partim ex studio peccata sua excusandi similibus flagitiis Deorum. Utilitatem vero fabularum in eo ponit, ut agnoscamus nostram a tam absurda religione ad veram traductorum felicitatem: ut compositos a Patribus ecclesiæ libros de veri-

veritate religionis Christianæ & falsitate contrariarum religionum intelligere possimus: ut præstantissimos cum Græcos, tum Latinos scriptores, imo & picturas veteres, possimus intelligere. De antiquitatum studio perbrevis est Cl. Autor, differens de ejus abusu pariter ac vero usu. Speciminis gratia ostendit, ex antiquitatibus disci, priscos equites caruisse usu stapedum, veteres item non habuisse vitreas fenestras, non linea indusia. Agit etiam de honoribus, quos vetus ætas viris doctrina claris tribuit, itemque de mensuris temporum & locorum, deque veterum moneta.

Sequitur *Liber quintus*, quo Autor agit de Philosophiæ studio, & adolescentes studiosos exhortatur ad id colendum, representans iis variam ejus utilitatem ad recte formandos mores, ad acuendum judicium, ad cognoscendas causas rerum, denique ad firmandam religionem. Multa hic præfert loca ex Autore *Artis cogitandi*, aliisque Philosophis, simul dolens, se adolescentem parum operæ posuisse in Philosophiæ studio.

p. 317.

Libro denique *sexto* tam præscribit institutionem scholasticam, quæ ipsi videtur optima. Initio, postquam docuit, plurimum interesse reipublicæ, ut sapienter instituantur juventus, pluribus disquirat, publica an domestica puerorum institutio sit præferenda, subscribens tandem *Quintiliano*, addens tamen, utramque institutionem commode posse conjungi. Hinc rem aggressurus ipsam, monet, se duces hic secuturum esse *Fenelonium* & *Lockium*, quorum illum constat de filiarum, hunc de liberorum educatione pulcherrimos libros reliquisse. Cum igitur hi libri satis noti sint, etiam in Germanicam linguam conversi conjuncteque editi, brevissima esse debet nostra recensio. Indicamus proinde, doctissimum Autorem differere 1) de fine & scopo educationis, 2) de cognoscendo educandi pueri ingenio, 3) de necessitate autoritatis magistri apud discipulos, 4) de penis & castigationibus puerorum, 5) de tempestiva laudatione discipulorum, 6) de affuefaciendis pueris ad veracitatem, itemque ad morum elegantiam, 7) de modo studium literarum reddendi jucundum & amabile, 8) de officio magistrorum. Speciatim hinc persequitur officia Rectoris scholæ, (quod munus

413.

439.

531.

R

per

perdiu se gessisse, Cl. Autor profitetur,) Præceptorum, parentum, atque discipulorum. Illud postremo loco observamus, p. 609 *sqq.* comedias scholasticas rejici satis longa hujus argumenti tractatione.

MEMOIRES POUR SERVIR A L'HISTOIRE, &c.

h. e.

COMMENTARII HISTORIÆ CELEBR-
um in Rep. literaria virorum inservientes. Accedunt
Catalogi librorum a quoque scriptorum, de
iisque judicia.

Tomus V, VI & VII.

Lutetiz Paris. apud Briassonium, 1728 & 1729, 8.

Tomus quisque habet pl. 18 & totidem plag. dim.

CUm jam supra satis cognoverimus doctissimi Autoris con-
siliū, posthac tantummodo nominandi erunt lectoribus
nostris ii, quorum vitæ in hisce libris describuntur, addito li-
brorum a singulis editorum catalogo, qui variis distinctus est
eruditorum hominum, imo & Autoris ipsius, judicia. Tomo
igitur hoc quinto habes vitam & libros Martini Aspilcueta,
vulgo dicti Navarri, m. 1586 anno ætatis nonagesimo quinto;
Æmilii Ferreti, m. 1552; Joannis Seldeni, m. 1654; Petri Pi-
zhei, (cujus & sapientissimum testamentum hic exhibetur,) m.
1596; Antonii Varillassi, (quem non esse historicum fide di-
gnum, fatetur Autor, ejusque rei causas producit,) m. 1696;
Octavii Ferrarii, m. 1682; Octaviani Ferrarii, m. 1586; Dio-
nyssi Sammartiani, m. 1725; Jacobi Usserii, m. 1655; Andrea
Vesalii, m. 1564; Josephi Antelmii, m. 1697; Gerardi du Bois,
m. 1696; Titi Livii, historici Romani; (statuit scilicet Cl. Au-
tor, posthac singulis suis Tomis inferere vitam vetusti cujusdam
scriptoris) Papirii Massonii, m. 1611; Mellini de S. Gelais, m.
1558; Francisci Villonii, qui sæculo XV vixit; Marfilii Ficini,
m. 1499; Henrici Valefii, m. 1676; Augustini Valerii, m. 1606;
Antonii Teissierii, m. 1715; Christoph. Cellarii, m. 1707; Fran-
cisci

cisci Eudæsi Mezerai, m. 1683; Jo. Petri Maffæi, m. 1603; Richardi Cumberlandi, m. 1719; Philippi de la Hire, m. 1718; Laurentii Bellini, m. 1703; Joannis Hudsoni, m. 1719; Francisci Seraphini Regnerii Desmarais, m. 1713; Theophili Boneti, m. 1689; Joan. Baptista Boissoti, m. 1694; Thome Erpenii, m. 1624; Michaelis Angriani, vulgo dicti Banoniensis, m. 1400; Josephi Texeira, m. 1620. Docendus ultimo loco Lector noster est, tres hic vitas exhiberi nunc primum singulari studio elaboratas, Titi Livii, Emilii Ferreti, & Michaelis Angriani. Ac hujus quidem de vita & libris potiora repetere volebamus, cum recordaremur, jam satis copiose de eo differuisse Oudinum, cujus Opus de *Scriptoribus ecclesiasticis* hac in urbe paucis abhinc annis editum est, T. III p. 1035 sq. quem locum non indicavit Cl. Autor inter eos, quos de Michaelis illo scriptores commemorat.

Tomus sexto exhibetur vita Claudii Casp. Bacheti de Mezeriac, m. 1638; Gilberti Burneti, (cujus *Historiam sui temporis Pontificis* non probari, prodit,) m. 1715; Jacobi Ozanami, m. 1717; Joannis Wowerii, Hamburgensis, m. 1612; Joannis Wowerii, Antverpiensis, m. 1635; Renati le Bossu, m. 1680; Francisci Philalphi, m. 1481; Gilberti Cuperi, m. 1716; Bernardi Lamy, m. 1715; Casparis Bartholini, m. 1629; Thoma Bartholini, m. 1680; Petri Alcyonii, m. 1527; Joannis Begatii, m. 1572; Antonii Gallandi, m. 1715; Philippi Callimachi Experientis, m. 1496; Olivieri Patru, m. 1681; Honorati Durfei, m. 1625; Bernardini Ramazzini, m. 1714; Petri Cunæi, m. 1638; Gerardi Croësi, m. 1710; Petri Balii, m. 1706; Alexandri Marchetti, m. 1714; Joannis Lightfooti, m. 1675; Nicolai Perroti Ablancurtii, m. 1664; Alexandri ab Alexandro, m. 1523; Cornelii Taciti; Friderici Commandini, m. 1575; Isaaci Jaquelotti, m. 1708; Joannis Francisci Sarasini, m. 1657; Nicolai Bergierii, m. 1623; Petri Sylvani Regis, m. 1707. Hoc in Tomo sola Taciti vita a quodam, cujus nomen literis initialibus indicatur, novo labore composita est.

Tomus septimus continet vitam Bernardi Justiniani, m. 1489; Petri Regis, m. 1726; Casparis Barthii, m. 1658; Pom-

ponii Leti, m. 1497; *Francisci Malberbe*, m. 1628; *Francisci Pagi*, m. 1721; *Jacobi Marsollierii*, m. 1724; *Thomæ Campanella*, m. 1639; *Georgii Merula*, m. 1494; *Claudii Burdelini*, m. 1699; *Claudii Burdelini*, filii, m. 1711; & hujus fratris, *Francisci Burdelini*, m. 1717; *Georgii Wolfgangi Wedelii*, m. 1721; *Antonii Bynæi*, m. 1698; *Gottfridi Bidloo*, m. 1713; *Nicolai Fabri*, m. 1612; *Francisca Bertalta de Mottoville*, mulieris doctissimæ, m. 1689; *Friderici Frezzi*, poetæ Itali, m. 1416; *Joannis Francisci Niceronii*, m. 1646; *Caroli de Saint Evremond*, m. 1703; *Pauli Colomesii*, m. 1692; *Christiani Lupi*, m. 1681; *Georgii Buchanani*, m. 1582; *C. Plinii Secundi*, majoris; *Georgii Paschii*, m. 1707; *Philippi Guadagnoli*, m. 1656; *Auberti Mirai*, m. 1640; *Joannis Dominici Cassini*, m. 1712; *Andrea Duchesnii sive Quercetani*, m. 1640; *Joannis Mabillonii*, m. 1707; *Jacobi Bracellii*, m. 1450; *Bernardini Corii*, m. 1519; *Davidis Ancillonii*, m. 1692; *Caroli Ancillonii*, m. 1715; *Gottfridi Olearii*, m. 1715; *Augustini Patricii*, m. 1496; *Adriani Junii*, m. 1575. Ex his tres novam nacti sunt vitæ suæ elaborationem, *Plinius*, *Franciscus Pagi*, & *Marsollierius*. Ceterum cum hoc in Tomo reperiamus vitam *Joannis Francisci Niceronii*, quem non dubitamus Cl. Autoris cognatum esse, temperare nobis non possumus, quin honorificam ejus hic repetamus mentionem. Natus is Lutetiæ A. 1613, receptus est in Ordinem sacrum Minimorum undevigesimo ætatis anno. Inter studia literarum post Theologiam maximo ardore incubuit in eam Matheseos partem, quæ Optica vocatur. In hac tantos eum fecisse progressus, ideo mirum videri potest, quod multis implicatæ negotiis vitam egit. Tradenda enim ab eo in schola fuit Theologia, bis Romam iter faciendum, aliquando etiam juxta cum Vicario generali Ordinis sui singula obeunda Galliæ monasteria. Tamen, etsi anno ætatis trigesimo tertio exstinctus, præclarum composuit Opus, Lutetiæ A. 1646 editum, cui hic titulus: *Thaumaturgus opticus, sive admiranda Optices, Catoptrices, & Dioptrices*. Dolendum vero, primam duntaxat hujus Operis partem editam esse; reliquas una cum autore suo morti succubuisse. Ediderat autem jam A. 1638 primas totius

tius Operis lineas ac veluti rudimenta. Nec silentio prætereundum, eum A. 1641 publicasse Gallicam interpretationem libri Italice scripti, quem *de arte decifrandi*, quam vocant, emiserat Ducis Florentiæ Secretarius, *Antonius Maria Cospius*. Multa vero de suo adiecerat *Niceronius*, artemque illam potissimum aptaverat epistolis Gallica vel Hispanica lingua conscriptis.

DE STUDIIS LITTERARIIS MEDIOLANENSIVM ANTIQVIS & NOVIS
Prodromus ad historiam litterario-typographicam Mediolanensem, Autore JOSEPHO ANTONIO SAXIO, SS. Ambrosii & Caroli oblato, Collegio & Bibliothecæ Ambrosianæ Præfecto.

Mediolani, apud Joseph. Richinum Malatestam, 1729, 8.

Plag. 17.

DEbetur merito hæc laus præstantissimis ætate nostra Italorum ingeniis, quod, cum nullam omnino doctrinæ liberæ huius partem industria ac scriptis inexcultam relinquant, cum illam præcipue, quæ studiorum historiam ac fata curiose inquirat, hædæritimo instituto & æmulatione quasi quadam incensi exercent, ut majores non minus ipsi suos quam externos etiam diligentia laude multum quidem hac in re superare videantur. Non sunt enim vero, qui has cognitionis amœnioris delicias sectantur, nullam fere esse Italiæ provinciam, urbem, scholam paulo nobiliorem, quæ sæculo nostro, & quod proxime antecessit, scriptorem non habuerit, qui luculentis Commentariis ad posteritatis memoriam transmitteret, quid in unaquaque illarum ab antiquissimis inde, ad nostra usque, temporibus pro excolendis optimis bonarum litterarum studiis gestum fuerit. Quæ quidem re quemadmodum ipsarum artium culturam mirifice promotam atque auctam fuisse intelligentes probe cognoscunt; ita mirum videbatur, defuisse hætenus nobilissimæ Liguriæ metropoli Mediolano Commentatorem, qui scientiarum hac in urbe non minori atque alibi cum industria meritorumque laude exercitarum historiam scriptis conderet. Equidem tentarunt

ex parte hoc argumentum *Philippus Picinellus* atque *Erycius Puteanus* ; minus vero pro dignitate operis præstiterunt. Illius etenim *Athenæum Litteratorum Mediolanensium* vernaculo sermone scriptum, præterea quod plurimos viros doctrina & scriptis patriæ suæ nomen collustrantes incurioso silentio prætermittat, in illorum etiam, quos exhibet, vitis describendis adeo imperfectum apparet, ut amplius haud possit ; nihil insuper plane de studiorum apud Mediolanenses initiis, propagatione, factis, institutis artium scholis & similibus habet, quæ tamen, studiose recensita, tum ipsi operi, tum urbi etiam, ornamento esse potuissent. Hujus autem *de Rhetoribus ac scholis Palatinis* historica Commentatio, si flosculos oratorios liberalissime sparsos demas, nihil fere ostendit, quod ad historię, titulo tamen promissæ, delucidationem utcunque faciat. Derelicta itaque hæcenus provincia ista exstimari poterat non nisi illi subeunda, qui pari cum Clariss. *Saxio* tum doctrinæ apparatu instructus, tum vero patriarum rerum amore incensus, ad perficiendum opus accessurus esset. Ille enim vero, cum *litterariam typographiæ Mediolanensis historiam*, a Clariss. *Maittaire* in luculento alias *Annalium Typographicorum* Opere parce nimis delibatam, condere apud animum instituisse, neque tamen siccam adeo atque exsanguem tantum lectori de librorum in hac urbe ab artis inde initis impressorum titulis narrationem proponere vellet, factum est, ut ad indaganda simul studiorum præclare sub illud tempus incolis exaltorum vestigia cogitationem adverteret. Quæ autem licet optime cederent, nimis angusta tamen iterum ipsi videbatur unius sæculi historia, quam ut lectorum curiositati satisfacere posset, qui quidem cognoscere etiam desideraturi essent, quid præterito & recentiori tempore in litteris ibi actum fuërit. Enata hinc illi est præsens observationum ad historiam Mediolanensis urbis litterariam pertinentium farrago ; quæ si minus amplissimi Operis ambitum exhaustient, insinuati tamen laude & modesta *Prodromi* inscriptione Autorem apud cordatiores facile excusabunt. Nos vero illud jam agimus potissimum, ut pro annalium nostrorum conditione summas præclari Operis, quod splendido excellentissimæ Comitissæ *Clelie Grillo-*

Bor-

Borromea nomine is exire voluit, lineas jucunda brevitate describamus.

Quo tempore litteras quidem colere cœperint Mediolanenses, & quodnam studiis in hac urbe initium statuendum sit, uti reliquarum rerum origines fere consueverunt, obscurissimum longe est. Placuit nobis doctissimi Autoris sententia, qui non ampullosam, sed solidam atque veram patriæ gloriam vindicaturus, repudiavit *Alciati* commenta atque *Pussani* rhetoricationes, quorum ille ex nomine *Mediolani*, ob cultum *Minerva* Deæ antiquissimis temporibus ibi celebratum, unde *Meydland* seu *Medelland* h. e. *Virginis* seu *puella tellus* primum appellata sit, ab ipsis urbis initiis artes liberales illic floruisse non hariolari, sed asserere confidenter ausus est, risu magis quam confutatione dignus: hic vero, proprio potius ingenio, quam ulla testium auctoritate usus altissima studiorum Mediolanensium exordia constituit. Præsto interim sunt firmiora argumenta, quibus *Octaviani* *Cæsar*is *Augusti* ætate, imo proximo ante illam tempore, *Gymnasium* quoddam *Mediolani* exstitisse, in quo ad facundiam aliasque disciplinas juvenes erudirentur, evincatur. *Constantinus* enim atque perpetua scriptorum viget traditio, præter alios hospites ingenio nobiles, *Virgilium* præcipue *Maronem* juventutis tyrocinia in illo posuisse, atque *amileam* consuetudinem cum *Afinio* suo *Pollione*, qui *Proconsulare* tum imperium apud *Mediolanenses* exercebat, primum contraxisse; & *Plinii* insuper *Jacobi* *Luculentum* omnino exemplum confirmat, jam primo ære *Christiane* sæculo declinante propriis sumatibus publicam *Bibliothecam* *Mediolani*, dum *Proconsul* *Liguriæ* provinciam regeret, instituentis, cujus quidem insignis munificentie monumentum marmoreum, *Alciati* industria restitutum, exstare idem voluit. Neque refriguisse posthæc civium horum in colendis studiis ardorem, *Inscriptio* *Hadriani* *Imp.* ævo condita, quam princeps exhibuit *Petrus* *Apianus*, insigni documento est, in qua ædificiorum *Athenarum* honorifica admodum cognominatio municipio huic imposita, quod idem de *Durocotoro*, *Remorum* urbe, olim factum fuisse narrat *Strabo*; unde patet, litterarum tum illud fuisse domicilium non e multis unum; quicquid

in contrarium dixerint *Jos. Scaliger*, *Isaac. Casaubonus*, *Joannes Meursius* atque alii, quorum argutias solide hic atque ex instituto refellit vir Clarissimus. Equidem abiit vetustate memoria studiorum Mediolanensium ad quartum usque seculum, si unum *Flagrium Manlium* Mediolanensem, *Valentiniani Caesaris* præceptorem, qui eloquentiam ibi publice professus, & *Georgicorum Virgilii* interpretatione celebre nomen consecutus est, exceperis: splendidior tamen iterum exsurrexit divi *Augustini*, quo magis illustrem doctorem nunquam complexus est, nomine; qui Roma tum, ut facundiam ibi publice profiteretur, solenni legatione fuit evocatus. Imo vero neque alios plures tunc defuisse scholæ illi viros doctrinæ laude præstantissimos, *Ausonius*, clarissimi poetæ, ætati huic *οὐρανός*, in Mediolanum epigramma, pario lapide posthæc insculptum & Gymnasii parieti insertum, luculentissime comprobat, in quo præter alia urbis ornamenta *facunda virorum* præcipue *ingenia* commendat. Quod quinto ac sequenti sæculo barbarorum irruptionibus Italix universæ ac litterarum studiis ferale incubuit fatum, hanc quoque urbem non ferire non poterat; quamvis sub mitiori Theodorici regis imperio aliquod adhuc vigentium ibi artium vestigium superesset, quas *Deuterius Grammaticus*, publicus urbis præceptor, summis passim *Ennodii*, *Episcopi Ticinensis*, elogiis celebratus, unice fere adhuc sustentare videri poterat, dum magnus ad ipsum audiendum nobilissimorum juvenum numerus longè lateque conflueret, Athalarici etiam auspiciis, singulari Edicto, teste *Cassiodoro*, caventis, ut non honos tantum, sed & annua stipendia disciplinarum professoribus integra atque illæsa constarent, adhuc litterarum res utcunque bene comparata esset. Enimvero sub Athalarici successore Theodato, feroci principe, omnis earum felicitas in extremam prolabi ruina occæperat; penitus mox sub *Vitige* rege subvertenda, qui una clade trecentis civium Mediolanensium millibus crudeli ferro absumptis deplorabilem urbi vastitatem intulit. Neque melior sub regibus Langobardis litterarum conditio; qui, cum ipsi summa rerum omnium ignorantia laborarent, nullam unquam de collustrandis subditorum scientiarum cultu animis cogitationem alebant.

bant. Serenior tandem post infigne temporum intervallum sub Regibus Francis pacatiori rerum in Italia statu lux affulgebat litteris, instauratis passim, atque *Mediolani* etiam, publicis doctrinarum scholis, in quibus, si non omnium, amceniorum saltem disciplinarum, Grammatices puta, Rhetorices atque Poeseos studia reviviscere sensim sensimque incipiebant. Neque historię nullum plane cultum ibi tum fuisse, *Landulphi* duo, *senior* atque *junior*, *Arnulphus* item atque *Anonymus* opusculi *de situ civitatis Mediolanensis* Autor, seculis circiter IX atque X clari; exemplo sunt admodum luculento, quorum de rebus hujus urbis *Commentarios* primo *Tbesauri* sui Tomo inseruit *Cel. Muratorius*. Poeticę artis seculo XIII specimen edidit *de vita scholastica* libello *Bonvicinus de Ripa Mediolanensis*, carmine elegiaco scripto & *Venetis* MDVII excusō. Jurisprudentię hęc culturę vestigia ante XII seculum non succurrunt, Medicę autem artis initia ad annum demum MCCCLXXVIII referenda esse, demonstravit *Bartholomęus Curtius* in vernacula *Medicorum Mediolanensium Historia*. Eadem hęc temporis periodus splendorem reddidit in hac urbe studiis Galeatorum *Vicecomitum* auspiciis atque liberalitate, qui viros doctos in pretio non tantum habuerunt maximo, sed & ipsi bonis litteris excultissimi variis artium scholis instituendis operam dederunt & convocatis præstantissimis hominum ingeniis, quos inter *Franciscus Petrarca*, & sequenti seculo *Emanuel Chrysoloras*, fere eminent, infigne studiis Mediolanensibus tum augmentum, tum ornamentum conciliarunt. Exstincta demum *Vice-Comitum* sæculo XV stirpe, cum ad *Sfortiarum* Ducem illustrem familiam imperii summa tandem transiret, nihil illi quicquam decessoribus amore litterarum concedebant; quos inter *Lodovicus Maria Sfortia*, *Francisci I* filius, maxime hac laude undiquaque celebratissimus perhibetur. Malumus illustria hanc in rem horum Principum facta apud ipsum Autorem luculenter exposita legi, cum strictim recenseri vix possint, & hoc saltem addimus, istud præter alia singulare decus *Sfortię* familię contigisse, quod sub ipsius principatu *Typographia* recens a Germanis inventa *Mediolani* primum A. MCCCC LXV introducta fuerit; tantis rerum successibus, ut decennio fere elapso, primi omnium

Mediolanenses typis exscribere instituerent libros Græcos integros, quod ante illos tentaverat nemo; licet singulas voces aut periodos quandoque minutiores antea excuderent quoque alii. Sæculo XVI sub auspiciis feralibus bellis denique res Mediolanensium adeoque litteræ etiam misere affligebantur, & armorum strepitu pene suffocabantur; respirare tamen aliquantum cœperant circa medium illius; uti ex *Transformatorum Academia* A. MDXLVI instituta apparet. Post intervallum denique viginti circiter annorum salus ipsis integre restituta videbatur opera potissimum fulgidissimi Præsulis *Caroli Borromæi*, cui merita in Ecclesiam summa & vitæ inculpatissime transactæ ratio Divi nomen inter suos pepererunt. Ille enim, quæ verba sunt vitæ ipsius scriptoris, *Joannis Petri Glusiani*, cum rudem in sacris rebus populum, rudiorum quoque Clerum, ac primis etiam Latine linguae rudimentis destitutum, regendum accepisset, brevi quidem temporis intervallo, sed improbis laboribus expensisque, tanto divinæ simul humanæque sapientiæ lumine illustravit, ut ceteris Catholicæ imperiæ urbibus ecclesiisque in pietatis ac doctrinæ speculum & exemplum etiam in præsens trabatur. Præterquam enim, quod propriam domum doctrinæ omnis officinam & Academiam quasi quandam constitueret, primus Societatis Jesu Patres in urbem illam introduxit, qui publicis scholis institutis scientiarum magisterium exercebant; seminaria insuper aliaque collegia formandæ ad disciplinas juventuti condidit; singularem denique *Oblatorum*, quos vocant, *Congregationem*, reliquis moderandis, A. MDLXXVIII instantavit. Sæculo ad finem propius vergente *Mutius Sfortia Columna Marchio Caravagii* Academiam literariam fundavit, ejus socii, stemmatis omnes claritate illustres, *Inquietorum* titulo appellabantur. Exordium sequentis sæculi XVII studiis Mediolanensibus tanto magis auspiciatum accidit, quanto majorem illa patronum ac statorem in *Federico Borromæo* Cardinali, *Caroli* Consobрино, repererunt. Is enim summa magnificentia usus, Bibliothecam publicam primus condidit, nulli omnino, quas plurimas Italia ostentat, inferiorem, & erudito *Petri Pauli Bosæ* calamo de origine & statu *Bibliothecæ Ambrosianæ* luculento Commentario celebratam; quod scilicet cognomentum illustris conditor,

ditor, loco proprii nominis, per modestiam suppressi, a S. *Ambro-
sio*, ecclesie illius olim doctore, & provincie præcipuo patrono, il-
li imposuit. Præter hæc idem *Federicus Collegium doctorum* du-
plex largis stipendiis instruxit, & peculiare Typographeum, plu-
rimis in lucem vulgaris libris, Orientalibus maxime, celebre in al-
terius usum magno sumtu erexit: quod posterius tamen insignè
urbis decus, post obitum autoris munifici paulatim rursus interit.
Hoc tam illustri exemplo excitati per ejusdem, quod diximus, se-
culi detursum quam plurimi sive sacri ordinis eruditi homines, si-
ve opulentiores alii, singulares *Academias, Societates, Collegia* pro
amplificandis divinæ humanæque sapientiæ terminis, quasi æmu-
latione quadam, insisterunt. Abstinemus merito ab earundem
operosiori recensu, postquam in clarissimi *Joan. Jarkii specimine
historiæ Academicarum Italiæ eruditæ* secundo capite fuisse
jam satis hoc de argumento expositum fuisse novimus; unde si-
mul, qualis nostra ætate, post sæculi scilicet XVIII initia, studiorum
Mediolanensium facies exsistat, hauriat, cui volupe est, licet. Nec
tacemus hac occasione, *Celeb. Gottlieb Krausium*, Histor. in Aca-
demia Vitemberg. Professore Publ. verum autorem speciminis
illius, quod Cl. *Jarkio* suo nomine edendum permiserat, jam meo
esse, ut illud accuratius recenscat & paulo pleniorẽ Academia-
rum Italiæ superioris Historiam in lucem proferat. Ceterum ut
promissum *de historia typographiæ Mediolanensis* luculentum o-
pus solliciti fidere absolvat Clariss. *Saxius*, civitatis eruditæ causæ
maximis votis exoptamus.

LIBRI NOVI NUPER EX ANGLIA ADVECTI.

A complete Body of Divinity consisting of five Parts: 1) of the
Being, Nature and Attributes of God and the Evidences of
divine Revelation, 2) of the Works of Creation and Providence;
3) of the most memorable Transactions from the Beginning of the
World to the coming of Christ, with proper Dissertations upon
each; 4) of the Mysteries of our most holy Faith; 5) of the great
Precepts of Moral and Evangelical Righteousness: the whole ex-
tracted from the best Ancient and Modern Writers, but chiefly
from the Works of such, as have been reputed the most able Divine
and celebrated Preachers amongst us; with two Tables, of the

Matters and Texts of Scripture explain'd. Lond. 1729, fol.

The Works of the Right Reverend Father in God Dr. William Beveridge, late Lord Bishop of S. Asaph. In two Volumes; with a Preface and three useful Tables. Lond. 1729, f.

The sacred and prophane History of the World connected. Vol. I. from the Creation of the World to the Dissolution of the Assyrian Empire &c. By Samuel Shuckford, M.A. Rector of Shelton. Lond. 1728, 8.

A Vindication of the Defence of Christianity from the Prophecies of the Old Testament, in Answer to the Scheme of literal Prophecy considered; by the Right Rev. Father in God Edward, Lord Bishop of Coventry and Lichfield. In two Volum. Lond. 1728, 8 maj.

A serious Call to a devout and holy Life adapted to the State and Condition of all Orders of Christians; by William Law, A. M. Lond. 1729, 8.

Origenis de Oratione liber, Gr. & Lat. ex nova collatione cum Codice MS. Holmieni, in Bibliotheca Collegii S. Trinitatis Cantabrigiæ reposito, recognitus & emendatus; una cum Anonymi Scholiis in Orationem Dominicam, quibus subjunctæ sunt eruditi ejusdam Viri Notæ partim Criticæ, partim locorum difficultum exegeticæ, ab Editore Gulielmo Reading, A. M. Cleri Londin. in Collegio Sionensi Bibliothecario. Lond. 1728, 4.

Novatiani Presbyteri Romani Opera quæ supersunt omnia, a multis mendis expurgata, & copiosissimis observationibus & notis illustrata. Præmittitur Dissertatio de Filii Dei Homousio, five coessentialitate uni Deo Patri. Studio Joannis Jackson, Eccl. Angl. Presb. & de Wherwell Comitatu Hantonix Præbendarii. Lond. 1728, 8.

A new Law Dictionary, containing the Interpretation and Definition of Words and Terms used in the Law; and also the whole Law and the Practice thereof, under all the Heads and Titles of the same; together with such Informations relating thereto, as explain the History and Antiquity of the Law, and our Manners, Customs and original Government; by Giles Jacob, Gent. In the Savoy, 1729, f.

A View of ancient Laws against Immorality and Profaneness, under the following Heads: Lewdness, profane Swearing, Cur.

Cursing and Blasphemy; Perjury; Prophanation of Days devoted to Religion; Contempt or Neglect of divine Service; Drunkenness; Gaming; Idleness, Vagrancy and Begging; Stage-Plays and Players; and Duelling; collected from the Jewish, Roman, Greek, Gothick, Lombard and other Laws, down to the middle of the Eleventh Century; by John Disney, M. A. Vicar of St. Mary's in Nottingham. Cambridge, 1729, fol.

Ordo Judiciorum sive Methodus procedendi in negotiis & litibus in Foro Ecclesiastico - Civili Britannico & Hibernico, ubi, quæ mendis olim cum innumeris edita fuere, castigata nunc & dilucide digesta, juxta Normann ordinis Judiciarii exhibentur ac Notis & Observationibus illustrantur. Per Thomam Oughton, Almaz Curie Cantuariensis de Arcubus, London, Procuratorum generalium unum & a multis retro annis supremæ Curie Delegatorum Registrarium Regii Deputatum. Londini, 1728, 4.

A new System of the Spleen, Vapours and Hypochondriack Melancholy, wherein all the Decays of the Nerves and Lownesses of the Spirits, are mechanically accounted for; with a Philosophical Essay concerning the Principles of Thought, Sensation and Reflexion, by Nicholas Robinson, M. D. and of the College of Physicians, London, Lond. 1729, 8.

Dictionarium Botanicum or a Botanical Dictionary for the use of the curious in Husbandry and Gardening; containing the Names of the known Plants, in Latin, English &c. their Description; their Culture and Menagement, rendered easy and familiar, whether Domestick or Exotick, so that the Name of a Plant being known, the proper Direction for its Improvement in the Garden is to be found in the same Article; the Terms used in every Branch of Botany explain'd. A Work never before attempted. II Volumes. By R. Bradley, Professor of Botany in the University of Cambridge and F. R. S. Lond. 1728, 8 max.

Pomona, or the Fruit-Garden illustrated, containing sure Methods for Improving all the best Kinds of Fruits now extant in England, calculated from great Variety of Experiments made in all Kinds of Soils and Aspects, wherein the Manner of Raising Young Stocks, Grafting, Inoculating, Planting &c. are clearly and fully demonstrated; with Directions for Pruning, Nailing, Thinning,

ning, Preserving &c. likewise several Practical Observations on the Imbibing Power and Perspirations of Fruit - Trees ; the several Effects of Heat and Moisture tending to the Growth and Maturity of Fruits : to which is added a curious Account of the most valuable Cyder-Fruits of Devonshire. The whole illustrated with above 300 Drawings of the several Fruits, curiously engraven on 79 large Folio - Plates. By Batty Langley of Twickenham. Lond. 1729, fol.

An Attempt towards a Natural History of the Fossils of England, in a Catalogue of the English Fossils in the Collection of J. Woodward M. D. containing a Description and historical Account of each, with Observations and Experiments. T. I. Lond. 1729 &

Fossils of all Kinds, digested into a Method, suitable to their mutual Relation and Affinity, as also several Papers tending to the further Advancement of the Knowledge of Minerals &c. by John Woodward. M. D. &c. Lond. 1728, 8.

An Introduction to a general System of Hydrostaticks and Hydraulicks philosophical and practical, illustrated and explained by Sixty Copper-Cutts. Two Volumes. By Stephen Switzer. Lond. 1729, 4 c. fig.

Atlas coelestis ; by the late Reverend Mr. John Flamsteed, Regius Professor of Astronomy at Greenwich. Lond. 1729, f. max. fig. 28.

A general coasting Pilot, containing Directions for Sailing into, and out of, the principal Ports and Harbours thro'out the known World, with a Set of Sea - Charts, some laid down after Mercator, but the greater Part according to a new globular Projection, adapted for Measuring Distances (as near as possible) by a Scale of Equal Parts, and authorized by Letters patent under the Great Seal of Great Britain. The use of the Projection justified by Dr. Halley. Also two large Hemispheres on the Plane of the Equinoctial, containing all the Stars in the Britannic Catalogue ; of great Use to Sailors for finding the Latitude in the Night. To all which are prefixed Directions to Mariners, whereby the Use of the Globular Charts is made plain and easy to the meanest Capacity ; sundry Examples laid down on the said Charts and the Arithmesical Computations added, whereby the Mariner will be able to judge of the Truth of the said Charts ; and the Er-

rorr

vers of the Plain Chart shewn, that so the Mariner may avoid them. By Nathanael Cutler. Lond. 1728, fol. reg. max. cum Fig. plur.

Isaac Newtoni, Eq. Aur. in Academia Cantabrigiensi Matheseos olim Professoris Lucasiani, Lectiones Opticæ A. 1669, 1670 & 1671 in scholis publ. habitæ & nunc primum ex MSS. in lucem editæ. Lond. 1729, 4.

A View of Sir Isaac Newtons Philosophy (by Henry Pemberton.) London 1728, 4 maj. c. fig.

The Chronology of ancient Kingdoms amended, to which is prefix'd a short Chronicle from the first Memory of Things in Europe to the Conquest of Persia by Alexander the Great. By Sir Isaac Newton. Lond. 1728, 4

Animadversions upon Sir Isaac Newton's Book, intitl'd: The Chronology of ancient Kingdoms amended; by Arthur Bedford M.A. &c. Lond. 1728, 8.

A new Treatise of the Construction and Use of the Sector, being a Work of the late Mr. Samuel Cunn's, now carefully revised by Edmund Stone. Lond. 1729, 8.

Two Dissertations concerning Sense, and Imagination, with an Essay on Consciounes. Lond. 1728, 8.

The Procedure, Extent and Limits of Human Understanding. Lond. 1729, 8.

The Lives of several ancient and illustrious Men, omitted by Plutarch, viz. Aeneas, Tullus Hostilius, Aristomenes, Tarquin the Elder, L. Junius Brutus, Gelo, Cyrus, Jason, faithfully extracted from the Greek and Latin Historians by Tho. Rowe. Lond. 1728, 8.

The History of Great-Britain from the first Inhabitants thereof till the Death of Cadwaladar, last King of the Britains; and of the Kings of Scotland to Eugene V; as also a short Account of the Kings, Dukes and Earls of Bretagne, till that Dukedom was united to the Crown of France, ending with the Year of our Lord 68; in which are several Pieces of Taffin, an ancient British Poet, and a Defence of the Antiquity of the Scottish Nation, with many other Antiquities, never before publish'd in the English Tongue. By John Lewis, Esq. Barrister at Law. Now first publish'd from his original Manuscripts. Lond. 1729, f.

The History of England during the Reigns of the Royal House of Stuart, wherein the Errors of late Histories are discover'd and corrected, with proper Reflections and several original Letters from K. Charles II, K. James II, Oliver Cromwell &c. The whole collected from the most authentic Memoirs, MSpt and printed; by the Author of the Critical History of England. Lond. 1730, fol.

Collections relating to the History of Mary Queen of Scotland, in four Volumes, containing a great Number of original Papers never before printed, also a few scarce Pieces reprinted. Revised and published by James Anderson, Esq. with an explanatory Index of the obsolete Words,

Words, and Prefaces shewing the Importance and Usefulness of these Collections. Lond. 1729, 4.

A Register and Chronicle Ecclesiastical and Civil, containing Matters of Fact, delivered in the Words of the most authentick Books, Papers and Records; digested in exact Order of Time with proper Notes and References towards discovering and connecting the true History of England from the Restauration of King Charles II. 11 Volumes. Faithfully taken from the Manuscript Collections of the Lord Bishop of Peterborough. Lond. 1728, fol.

Historia vitæ & regni Richardi II Angliæ Regis a Monacho quodam de Evesham consignata. Accesserunt præter alia Joannis Rosii Historiola de Comitibus Warwicensibus, Jo. Berebloci Commentarii de rebus gestis Oxoniæ, ibidem commorante Elisabetha Regina; & D. Richardi Wynni, Baroneti, Narratio historica de Caroli Walliæ Principis famulorum in Hispaniam itinere A. 1623. E Codicibus MSS. nunc primus edidit Tho. Hearnius. Oxon. 1729, 8.

Memoirs of the English Affairs, chiefly Naval, from the Year 1660 to 1673, vvrritten by his Royal Highness James Duke of York, under his Administration of Lord High Admiral &c. published from his original Letters and other Royal Authorities. Lond. 1729, 8.

Memoirs of Queen Anne, being a compleat Supplement to the History of her Reign, wherein the Transactions of the four last Years are fully related etc. from original Papers and other sufficient Vouchers. Lond. 1729, 8.

Regni Angliæ sub Imperio Serenissimæ, piæ & potentissimæ Reginz Elizabethæ Religio & Gubernatio Ecclesiastica. Lond. 1729, 4.

The History of the Revolutions in the Empire of Marocco upon the Death of the late Emperor Muley Ishmael; with Observations Natural, Moral and Politick relating to that Country and People, vvrritten by Captain Braithwaite, with a Map of the Country. Lond. 1729, 8.

Batavia illustrata, or a View of the Police and Commerce of the United Provinces, particularly of Holland, with an Enquiry into the Alliances of the States General, in two Parts; by Onslow Burrieh, Esq. Lond. 1728, 8.

The History of the Parthian Empire from the Foundation of the Monarchy to its final Overtbrow, compiled from the Greek and Latin Historians and other Writers and the Chronology settled; by Thomas Lewis, M. A. Lond. 1728, 8.

Joannis Cassi, Britanni, de Canibus Britanniz liber unus; de rariorum Animalium & Stirpium historia liber unus; de Libris propriis Liber unus; de pronuntiatione Græcæ & Latinæ linguæ cum scriptione nova, libellus, recogniti a S. Jebb, M. D. Lond. 1729, 8.

M. Tullii Ciceronis de Finibus bonorum & malorum Libri V, ex recensione Joannis Davissii, Coll. Regin. Cantabr. Præsidis, cum ejusdem Animadversionibus & Notis integris Petr. Victorii, P. Manutii, Joach. Camerarii, D. Lambini & Fulvii Ursini. Cantabr. 1728, 8.



ACTA ERUDITORUM,

publicata Lipsiæ

Calendis Aprilis Anno MDCCXXX.

ATLAS COELESTIS; BY THE LATE RE-
verend Mr. JOHN FLAMSTEED &c.

h. e.

ATLAS COELESTIS; AUTORE JOHAN-
NE FLAMSTEED, *Astronomiæ quondam*
Professore Regio Grenovici.

Londini, 1729, fol. maj.

Constat Tabulis xxi incis. xxviii max.

Præf. & Dedicat. pl. 4.

Mentionem fecimus duorum priorum Voluminum Hi-
storiz cœlestis *Flamstediana*, in Actis nostris, mense
Octob. 1721; rursusque idem Opus laudatissimum
tertio Volumine auctum recensuimus mense Augusti 1727. In
quo quæ hucusque desiderabantur mappæ cœlestes, seu novæ
atque accuratæ omnium asterismorum, quæ apud nos conspi-
ciuntur, tabulæ, a Celeb. Autore ex ipsius Catalogo constructæ,
nunc tandem seorsim prodierunt, cum inscriptione comme-
morata. Coram earum revidendarum ac denuo delineanda-
rum in se suscepit *Abrahamus Sharpius*; idemque duas adjecit
mappas generales, seu planisphæria, quæ tamen, nescio quo pa-
cto, si formas imaginum cœlestium spectes, cum ceteris tabu-
lis non prorsus conveniunt. Neque enim, exempli causa, ra-
tionem perspicere possumus, cur ursam minorem cauda trun-
candam, stellasque ad eam hucusque relatas, cum ipsa polari,
in pedes extensi Cephei transferendas duxerit, plene contra fi-
guras.

guras, quas speciales tabulæ *Flamstedianæ* exhibent. Ceterum quod ad has ipsas tabulas attinet, quadruplex potissimum est discrimen, quod eas inter & *Bayerianas*, hucusque notissimas atque usitatissimas, intercedit. Etenim præterquam quod majori forma sunt expressæ, majoresque imagines cœlestes, neque harum quamlibet separatim, sed interdum duas pluresve integras simul, ubi id quidem commodè fieri potuit, una cum partibus earum, quæ proximæ sunt, paullo rudius delineatis, consistunt; primo quidem numerum stellarum complectuntur altero tanto fere majorem quam *Bayerianæ*; deinde vera stellarum loca multo accuratius, juxta proprias ac diuturnas Autoris observationes, notant; porro plerasque humanas asterismorum figuras, a *Bayero* perperam inversas, quod B. *Schickhardus*, aliique, jam diu momuerunt, in pristinum situm restitunt; ac postremo juxta aliam ac novam quandam projectionis methodum sunt constructæ, de qua methodo mox plura dicemus. Nunc illud silentio prætereundum non est, artificis, a quo hæc tabulæ æri sunt incisæ, non nimiam apparere industriam: inde factum, ut & ipsæ asterismorum formæ, & magnitudines stellarum, quæ haud paullo minores sunt, quam apud *Bayerum*, & litteræ denique adscriptæ, quæ cum *Bayerianis* de cetero satis conveniunt, atque in tertio libro *Historiæ cœlestis Flamstedianæ* explicantur, possint multo minus distinctè compareant, quam in *Uranometria* & tabulis sæpius jam laudati *Bayeri* nostri. Quæ in Præfatione, sermone Anglicano ab Editore conscripta, atque huic Operi præmissa, continentur, partim de origine figurarum cœlestium, ac de variis fixarum catalogis, breviter agunt, partim ad reprehendendum *Bayerum* propter imaginum humanarum conversionem spectant, partim novam projectionis methodum, qua usus est *Flamstedius*, explicant, partim denique in collaudando celeberrimo Autore versantur. Est autem nova illa methodus, partes superficiei sphericæ internæ in plano exhibendi, hujusmodi: Omnes paralleli declinationum, per singulos gradus ducti, exprimuntur lineis rectis, æqualiter (& in his ipsis quidem mappis quatuor partibus decimis digiti *Londinensis*) a se invicem distantibus, gradus-

duque longitudinis in quovis parallelo sunt semper proportionales sinibus distantiarum a proximo Polo, atque adeo omnes, qui ad unum eundemque parallelum pertinent, inter se æquales. Meridianus, qui per medium cujusvis asterismi, & per mediam mappam transit, est recta ad parallelos normalis: ceteri meridiani ad utrumque latus positi sunt curvæ, ex eorum genere, quas *Wallisus*, in tractatu de cycloide, curvas sinuum vocat. Quæ ut eo facilius intelligantur, concipe (inquit Præfationis Autor) sphaeram circumdatam esse infinito subtilissimorum filorum numero, cum æquatore exacte parallelorum; sint omnes circuli, quorum in sphaera usus est, ut Æquator, Ecliptica, Meridiani, rite ducti ac divisi, ipsæque constellationes decenter expressæ; sit denique etiam ductus meridianus ac subtili filo tectus, qui per mediam quamque constellationem transit, cum tot adjacentibus circulis, quot opus esse videtur. Quo facto intelligantur illa fila, quæ constellationem quamcunque regunt, a globo auferri, eoque, quod meridiano medio respondebat, in media charta extenso, reliqua utrinque normaliter, sed permutatis partibus dextris ac sinistris, (si scilicet constellatio, ut in interiori sphaeræ superficie conspicua, representanda est) eadem distantia, quam in globo habebant, in rectas lineas extensa applicentur, ita ut quibuslibet eorum punctis eadem stellæ ac reliquorum circularum partes etiamnum adhæreant, quæ cum iisdem antea in globo erant conjunctæ. Ita constellatio, methodo *Flamstediana*, in planum rite projecta concipietur. Et hujusmodi projectione usus est Autor in omnibus suis mappis celestibus, si polares excipias, in quibus construendis, cum non ita commode eandem adhibere methodum posset, communem retinuit projectionem stereographicam. Atque ita tandem absolutum est Opus illud *Flamstedianum* egregium ac diu desideratum; de quo non vane sibi polliceri videtur doctissimus Editor, fore, ut per illud nomen ac fama Autoris, in honorem totius nationis Britannicæ, ad feram posteritatem transferatur.

PETRI VAN MUSSCHENBROEK, A. L. M.

T 2

Med.

Med. & Phil. D. Phil. & Mathes. Profess. in Acad. Ultraj. Physicae experimentales & geometricae de Magnete, Tuborum capillarium vitreorumque speculorum attractione, magnitudine Terrae, cohaerentia corporum firmitate, Dissertationes, ut & Ephemerides Meteorologicae Ultrajectinae.

Lugduni Batavorum, apud Samuelem Luchtmann, 1729, 4.
chart. aug.

Alph. 3 pl. 18 Tabb. zn. 29.

CL. Autor recto tramite incedit, dum Philosophiam naturalem per experimenta promovendam esse censet, applicata ad ea, quae per experimenta stabilita sunt, principia. Admiranda prorsus sunt Magnetis phaenomena, eorumque accurata cognitio navigationi per mare plurimum adjumenti affert. Etsi autem integra de iis volumina publice proflent; nondum tamen omnia explorata sunt, ita ut nec theoriae accuratae condendae, nec usui, quem in navigatione promittit acus magnetica, prorsus sufficient, nec hujus lapidis theoria mathematica in potestate sit, quae Mathesin applicatam nova disciplina augeat. Laudandam igitur operam sumit Cl. Autor, qui multo studio in phaenomena Magnetis inquisivit; non modo proprio examini subjiciens, quae ab aliis facta fuerant, verum etiam plurima addens haecenus non tentata ab aliis. Quamvis autem farraginem 146 experimentorum accuratissimorum exhibeat; ingenne tamen (quod praeclaris ingeniis solenne est) confitetur, se Magnetis examen tantum iachoasse, & in observationibus ac experimentis adhuc quotidie occupari. Etsi autem olim non plura hisce adderet, quae jam publicavit; non exiguam tamen gratiam meretur a rerum naturalium curiosis, quod haec experimenta iis invidere noluerit, sed precibus amicorum adductus publici juris fecerit. Primo loco agit de vi attractiva Magnetis, ubi inter alia ex factis a se experimentis colligit, duos magnetes se attrahere diversis viribus in variis distantis a se invicem, ita ut quidem crescente distantia vires decrescant; esse autem

antem vires attrahentes in ratione minore, quam quæ est inversa distantiarum: in quo consentientem sibi habet *Cl. Taylorum*. Idem observavit de viribus repellentibus. Ab attractione Magnetum mutua progreditur ad attractionem ferri, ubi ante omnia ferro ex libra una & magnete ex altera suspenso ostendit, actiones ferri & magnetis in se invicem esse mutuas. Colligit deinde ex factis a se experimentis, magnetem fortius ad se trahere ferrum quam alium magnetem; dari in attractionibus ferri ad magnetem maximum aliquod & minimum, seu ferri quandam massam determinatæ magnitudinis & formæ maxime attrahi a magnete magnitudinis determinatæ, ferri massam aliam majorem vel minorem minus attrahi ab eodem, &, quo massæ tam quoad excessum quam defectum plus differunt a massa, quæ maxime attrahitur, eo etiam minus attrahi; non tamen ad eandem distantiam agere magnetem in ferrum, quam quidem agunt duo magnetes in se invicem; vires magnetis attrahentes ferrum esse in ratione reciproca distantiarum; non fieri attractionem ferri ad Magnetem in ratione superficiei, quæ magneti opponitur, sed dari hic quoque maximum aliquod & minimum. Docet porro, nec metalla, nec alia remorari vires magneticas, ubi *Gilbertum*, *Kircherum*, *Philosophos Florentinos* & *Wolffium* sibi consentientes laudat, quem in sua Philosophia experimentalis optime detexisse judicat *Sturmii* ab ære classico effectus magneticos deducentis errorem. Impugnat autem hypothesein atmospheræ magneticæ, vi cujus efficiantur attractiones, utpote attractionibus propriè sic dictis favens; & veram phaenomenorum magneticorum causam adhuc latere agnoscit. Magnetem variis experimentis chymicis exercuit, lectu sane dignissimis, neque ullo modo efficere potuit, ut vi attractiva prorsus privaretur. Certe in vitrum confectus æque manifesto versorium attraxit, quam ante ullam igne factam operationem. Inquit etiam in vinum communicativam vi attractricis per experimenta plurima & methodum armandi magnetes accurate exponit. Hinc digreditur ad directionem magnetis & ferri super ipso ducti, ubi de declinatione docet, eam in eodem loco terræ non esse temporali proportionalem;

nalem; eam non semper progredi, sed aliquando etiam retro gradi, motum medium progressus declinationis quolibet anno esse 14 circiter minutorum, progressum a vero septentrione ad occasum esse celeriores, quam ab ortu ad verum septentrionem. Multo studio congeffit observationes declinationis acus magneticæ, quotquot reperire potuit, ut ex earum collatione pateat, quid hæcenus de ea pro explorato haberi queat. Nec minori industria in phænomena acus inclinatricis inquirat. Deprehendit inter alia, acus inclinatricis diversæ longitudinis etiam varia inclinatione agi eodem tempore & eodem in loco, positas in Meridiano magnetico; atque hinc reddit rationem, cur tanta deprehendatur differentia inter observationes, quas *Noellius Poundiusque* per mare *Æthiopicum & Indicum* navigantes instituerunt. Ipse profecto vidit, suarum acutum unam inclinari 72, alteram non nisi 60 gradibus, nec inclinationem ferre unquam esse eandem, licet uno die decem tentamina instituantur, ut adeo certo certius existimari debeat, vim magneticam perpetuis mutationibus esse obnoxiam. Evidentissime ostendit, quantum fallantur, qui ope acus magneticæ inclinatricis longitudinem maris determinari posse sibi persuadent: id quod etiam visum fuerat *Wolffio*. Plurimum quoque falli existimat eos, qui interella magnetica declinationes & inclinationes eodem modo sese habere arbitrantur, quo in terra observantur. Explicat versiorum fabricam, nihil omittens, quod circa eam observari meretur. Ultimo denique loco actionem ferri viribus magneticis donati in aliud ferrum sive purum, sive viribus magneticis imprægnatum examinat. Virtutem magneticam eandem manere in ferro, etsi vim similem, sua tamen minorem, in alio generet, experimentis luculentis probat. Considerat quoque vim magneticam, quæ per se ferro inest: ubi inter alia rationem reddit, cur *Reaumurio* non successerit experimentum, quod *Gilberto, Robaulo, Boyleo & Wolffo* sibi que successit, quo virga ferrea in igne candefacta & aquæ immersa situ ad horizontem parallelo & in Meridiano magnetico vim magneticam acquirit.

In Dissertatione de tubis capillaribus vitreis, primo loco examinat

aminat ascensum fluidi in tubos diversarum longitudinum & ejusdem diametri. Notatu dignum est, aquam in eodem tubo eadem profundius immerso non altius ascendisse, quam antea ascenderat: unde colligit, in aqua vasculo contenta non reperiri ascensus hujus causam. Reperit autem causam istam equipollere vi, quæ aquam ad 20 linearum altitudinem evehere potest, usus tubo perfecte cylindrico, 3½ pollices longo, cujus diameter interna erat $\frac{3}{8}$ pollicis. Observavit quoque aquam eo altius ascendere, quo tubi vitrei fuerint longiores, quamvis *Quadratus* contrarium se expertum fuisse commemoret: unde vim aquam elevantem per totam tubi longitudinem diffusam esse infert. Observavit porro, aquam eo lentius ascendere, quo ad majorem altitudinem pervenit & per hæc experimenta apparere opinatur, quomodo aqua in plantis ascendat. Secundo loco describit experimenta in tubis æque longis diversarum diametrorum capta, quæ ipsum docuerunt, altitudines aquæ esse in ratione inversa diametrorum tuborum in tubis æque altis, consequenter in ratione superficialium internarum, ut adeo tubi ampliores majorem quantitatem aquæ elevent, licet ad minimam altitudinem. Tertium locum sibi vindicant experimenta de ascensu variorum fluidorum in eundem tubum, quibus ostendit ascensum fluidorum non fieri in ratione inversa gravitatum suarum, cum alcohol omnium levissimum ad minimam ascenderit altitudinem, oleum vitrioli admodum grave ad majorem, quam aqua. Unde infert, ascensum fluidorum in tubos capillares non pendere ab aere premente, quemadmodum visum fuit *Quadrato*, *Petito* aliisque. Succedunt quarto loco tubi recti, sed diversam diametrum in sua longitudine continentes: ubi didicit, posito uno extremo diversorum tuborum æquilato, altero autem inæqualis latitudinis, altiore fieri ascensum in angustioribus, quam in latioribus, & experimentis Cl. *Farini* repetitis probare conatur, causam suspendentem non posse esse pressionem alicujus fluidi ambientis majorem circa tubum, quam intra eundem. Quinto loco comparent tubi ubi æque lati, sed vario modo inflexi, ubi vim, qua aqua in tubos elevatur, æqualem gravitati altitudinis perpendicularis aquæ

aquæ deprehendit & siphonum quoque capillarium phænomena recenset. Sexto loco hos excipiunt tubi vario modo inflexi & inæqualis diametri, & septimo denique tuborum capillarium in vacuo phænomena collocantur: constat enim, fluida quoque in vacuo sponte in tubulos capillares ascendere, modo ea fuerint ab aere repurgata, ne bullulæ ascensum impédiant. Hinc autem denuo concludit, aerem non esse ascensus fluidorum in tubos capillares causam, sed eam cum Anglis nonnullis a vi attractiva vitri arcessit.

In Dissertatione de attractione speculorum planorum vitreorum experimenta potissimum *Hauksbeji* & *Jurini* repetit, quibus vim vitri attractricem probare conati fuerunt. Scilicet si vitrum planum utrinque politum aquæ puræ immittatur, ea utrinque ad superficiem vitri æque alte ascendit, curvam quandam superficiem formans. Succedit experimentum etiam in vacuo.

Dissertationem de magnitudine Terræ in duas partes dividit. Prima continet ex Eratosthene Batavo *W. Snellii lib. 2 c. 6, 7, 8, 9, 10, 11*, quibus de magnitudine Terræ agit Geometra. Edidit autem hæc capita ex MSC. Autoris, in quo angulos triangulorum secunda vice dimensus multa emendavit. Reperit autem *Snellius*, quantitatem unius gradus in maximo terræ circulo 28500 perticarum Rhinlandicarum. Iteraverat autem laborem, quod in practica Geometria in campo demonstranda occupatus adverteret, angulos nonnullorum triangulorum non accurate fuisse captos, atque male in suo Eratosthene descriptos, imo qui cruribus sinistris interjacebant, inter crura dextra locatos fuisse, confusionemque ingentem in toto opere fuisse commissam. Anno 1622 aquæ omnia pascua camposque circa Lugdunum jacentes inundabant, quas mox gelu mense Januario in glaciem politissimam planissimum æquor æmulantem coegit. Hac opportunitate usus intervallum inter pagum Voorschoten & domum Doufianam super glacie assumens id accuratissime mensuravit & ter mensuram repetiit, atque ita basia omnium longitudinum emendavit. Enimvero cum jam bis calculum trigonometricum absolvisset, tædebat ipsum, tertia illum vice repe-

repetere atque adeo contentus fuit monuisse, quod ultimæ modo mensuræ fidendum sit, non primæ, quam in Eratosthene statuit. Observat autem Noster, *Snellium* in computandis triangulis usum fuisse canonibus Sinuum & Tangentium haud accuratis, & præterea, propter operationes arithmeticas longissimas, commisisse alios errores, ut ipsius calculo sive primo, sive postea instituto, non semper confidi possit. Quamobrem ne labor ingens, quem bis terve impendit *Snellius* in peragrandis plurimis fœderatarum provinciarum urbibus, mensurandisque earum distantis, irritus maneret; Cl. *Muschenbrækius* ex mensura supra glaciem capta, quam commendat *Snellius*, triangulorum calculos denuo subduxit parte secunda Dissertationis. Reperit autem quantitatem gradus terrestris 29514 perticarum Rhinlandicarum, qui juxta *Picardum* est 57060 hexapedarum. Quare cum 29514 perticæ Rhinlandicæ æquantur 57033 hexapedis Parisinis, differentia tanta non est, ut ideo omnis *Snellii* labor pro inutili prorsus sit habendus, quemadmodum visum fuit Mathematicis Academiæ Regiæ Scientiarum Parisinis. Nonnullos triangulorum angulos ope accurati Quadrantis telescopicisque ornati ipse exploravit, & plurimos accuratissime fuisse captosprehendit, aliquos uno alterove minuto aberrasse, quos ideo correxit. Admiratur autem dexteritatem *Snellii*, qui absque telescopio tam accurate angulos turrium valde dissitarum & vix nudo oculo distinguendarum observavit.

In Introductione ad cohærentiam corporum firmorum de ea tractat Mechanicæ parte, quæ de resistentia solidorum dici solet. *Galileus* primus fuit, qui de ea cogitavit, quamvis ex hypothesi a natura aliena bene ratiocinatus in errorem incidit. *Blondellus* A. 1661 epistolam edidit, in qua ostendit, non solidum parabolicum, quemadmodum vult *Galileus*, sed ellipticum requiri, ut utrinque fulcrum impositum ubivis æqualis resistentiæ habeatur. A. 1669 *Alexander Marchettus* librum de resistentia solidorum edidit, in quo doctrinam hanc amplificare conabatur: ostendit autem *Grandus* in Responsione Apologetica A. 1712 idiote Italico edita, eum ad veritatem liquidam non pervenisse. Similiter *Honoratus Fabry*, non multo

felicior *Marchetto*, eodem A. 1669 in Tractatu Physicæ secundo resistentias solidorum geometrice supputavit: de qua etiam paucas quasdam propositiones in medium affert *Pardies* in Mechanica sua. Enimvero *Mariottus*, memor *Paulum Wurtsum* propositiones *Galilaanas* experimentis explorantem eas, referente *Blondello*, falsas reperisse, per experimenta rem aggressus est atque deprehendit, resistentiam absolutam esse triplam, aut fere quadruplam interdum resistentiæ respectivæ, quia corpora omnia flexilia sunt & successive rumpuntur, cum *Galilaus* perperam omnia rigida eodemque tempore frangi totam crassitiem corporum supposuisset. Hisce innisus *Leibnitius* in his Actis A. 1684 nova demonstratione evicit, resistentiam absolutam esse respectiva triplo majorem. A. 1686 *Franciscus de Lanis* in Magisterio naturæ & artis de hoc argumento egit; sed nihil attulit, quod non desumeret vel ex *Galilao*, vel ex *Honorato Fabry*. In Gallia *Varignonus* regulam universalem dedit A. 1702 determinandi resistentias corporum respectivas ex absoluta, sive ex hypothesi *Galilæi*, sive ex altera *Mariotti* aut alia quacunque: qua usus *Parentius* resistentias corporum cavorum examinavit, erroresque *Galilæi* ostendit, & *Mariottum* imitatus in Historia Academiæ Regiæ A. 1702, 1707, 1708 & 1710 experimentis coherentiam variorum lignorum exploravit. *Joannes* autem *Bernoullius* A. 1705 aliam regulam coherentiæ generalem bene cum experimentis *Mariotti* congruentem dedit. Idem argumentum attingunt *Paulus Hoste* parte altera libri Gallici, cui titulus: *Manœuvre des Vaisseaux*, & *Grandus* in Responsione apologetica adversus *Marchettum*. Noster perpensens desiderari fundamenta, quibus a Geometris regula universalis superstruatur, & experimenta *Mariotti*, quibus hactenus unice inhærent omnes, tanto negotio non sufficere; per experimenta incoherentiam variorum corporum inquirendum esse duxit. Atque sic enata est præsens Introductio. Postquam igitur modos diversos expendit, quibus corpora soluta secum invicem in massam unitam abeunt, veluti vi externa ad se invicem compressa, vi magnetica vel alia quacunque attractrice ad se invicem tracta, frigore aut calore indurata, & pluribus aliis modis

modis minus obviis, sed per experimenta in aprium productis; de resistantia corporum absoluta propositiones demonstrativas condit, quae nempe resistunt, ne frangantur &, ubi Geometram egit, Physici quoque muneris partes adimplet, experimenta fundamentalia describens, quibus resistantiam absolutam confirmari posse existimat. Capta sunt experimenta in variis lignorum generibus numero 47. Hisce subjungit alia in omnibus metallorum speciebus facta, ut eorum quoque pateat coherentia absoluta, atque ex iis probat, *Francisum Tertium de Lanis* sua, quae ea de re profert, experimenta tantum ex cerebello suo finxisse, nihil vero tentasse; rectius *Mersennum lib 3 Harmon. prop. 7* experientia metallorum coherentiam determinasse. Exhibet deinde experimenta de coherentia funis intorti atque corii, & hinc ad coherentiam corporum respectivam examinandam digreditur, ubi experimentis in omni lignorum specie sumtis probat, nec regulam *Galilaei*, nec *Mariotti*, quem secutus est *Leibniti-ur*, nec aliorum, esse universalem, cum dentur corpora, in quibus coherentia absoluta est ad respectivam ut 18 ad 1, item ut 16 ad 1, & ut 12 ad 1, nec desint, ubi ea est ad hanc ut 3 ad 1 vel ut 2 ad 1, quemadmodum vult *Galileus*, cujus proportio obtinet in corporibus rigiditati proximis, veluti in vitro, quemadmodum *Mariottiana* in aliis, quae magis flecti possunt. Fundamentis istis praemissis, *Galilaei* doctrinam de coherentia respectiva tradit in gratiam tyronum a prima origine repetitam, Geometrae partes in se suscipiens, in subsidium vocato calculo algebraico, ut demonstrationes evaderent faciliores. Hisce absolutis de coherentia corporum agit, quibus fulcrum supponitur, atque eorum, quae duobus fulcris imponuntur, nec non de coherentia corporum compressorum. Sub finem denique exhibet tentamen de corporum duritie, ubi per experimenta determinat numerum ictuum, quibus corpora discissa fuerunt.

Restat denique, ut de Ephemeridibus meteorologicis Ultrajectinis A. 1728 dicamus. *Hippocrates* morbos epidemicos a ventis, aeris varia constitutione & anni tempestate derivat: quod cum Nostra verisimile videatur, observationibus meteorologicis opus esse judicavit. Ne vero tædiosa sit integrarum

ephemeridum descriptio; observationes compendiosa quadam ratione in tabulam æri incisam redigit, ut uno conspectu exhibeantur per totum annum notatu digna occurrentia. Adjiciuntur quoque morbi epidemici, si qui grassati fuerint, & brevitati signorum ope consuliuntur. In ipso autem contextu non nisi singularia tempestatis phænomena & statum morborum describit.

GEORG. ERH. HAMBERGERI, PHIL. ET
M. d. Doct. & Prof. Publ. Med. Provinc. Saxo-Vinar.
*Uberior dilucidatio legum suarum adhesionis, atque trans-
itus ignis ex uno corpore in aliud, quas simul ad
ea, quæ nuper contra disputata sunt,
respondetur.*

Jenæ, apud Francisc. Bortoletti, 1728, 8.

Plag. 94.

EXpertissimus Hambergerus in *Elementis suis Physicis*, A. 1727 M. Decembri in Actis nostris recensitis, novas leges adhesionis & transitus ignis ex alio corpore in aliud attulit; quas refutare tentavit Nob. Perlicius in *Præfatione, Theoriae suæ caloris Mathematicæ* præmissa. Operæ jam erit pretium, ex præsentis responsione Hambergeri ad Perliciana, pauca, sed quæ sunt præcipua, adducere. Noster ergo totus in eo est, ut ostendat, adversarium per experientiam certa cum demonstratis, vel cum iis, quæ in arbitrio hominis posita sunt, vel cum propositionibus theoreticis confudisse, sua obscure & corrupte adduxisse; nonnullaque dilucidet uberius. Argumentatus est Nob. Perlicius: si principium adhesionis Hambergeri universale est, omnes adhesionum magnitudines se habere debent, ut quantitates differentiarum inter gravitates específicas: quia gravitas specifica est unica relatio, ob quam adhesiones inter se differunt. Ad quæ responsurus Noster, probat, illa enim falsa esse, tum ex suis nullatenus sequi. Necessum ergo duxit, magis explicare §. 157 Phys. suæ. Gravitas ergo diversa specifica Autori est conditio, qua præsentis semper adest cohesio: quam diversam vocat, non quo gradus adhesionis inde de-

determinet, sed quia, quousque corpus æqualem vel majorem fluido habet gravitatem specificam, eoque fluidum iidem adhæret: quando vero gravitas specifica corporis minor est gravitate specifica fluidi, hoc illi non adhæret. Gravitas ergo specifica minor fluidi adducta tanquam signum, ex quo cognoscere liceret, an cohæsiō fluidi & solidi fieri possit, minime vero ideo, ut cohæsiōis gradus secundum gravitatem specificam solidorum mensuretur. Objecerat ulterius *Perlicius*, olea, ex legibus Autoris, in densiori gossypio facilius, quam in rariori contra experientiam ascendere debere: id quod vero Autor a numero punctorum contactus majore deducit, simulque annotat, dubium se non ferire. Illa vero *Perlicii* objectio, qua arguit, calcem fortius marmori adhærere debere, quam ligno, quod ob excessum gravitatis specificæ majorem major adlit cohæsiō, placuit Nostro: qui & inde experimentum recenset, quo calx marmori adhærens impetratur, & aliud, quo illi non adhæret. Decidit de marmore calx, si tenuis marmori applicetur calcis crusta: eidem vero adhæret, quoties semper plura calcis strata eidem applicantur. In progressu elegantem solvit Autor quæstionem: an scilicet corpora, fluidis innatantia, habere possint partes, fluidis specificè graviores? Cujus affirmativam ubi asserit, eleganter ostendit, ♀ & ♂, Mercurio innatantia, tamen habere partes, Mercurii partibus specificè graviores. Ac primo quidem ex amalgatione eorum deducit, illas his specificè leviores esse non posse: illas vero his re vera specificè graviores ex destillatione eorum demonstrat: quam in rem multas necessarias in hoc libello videas cautelas, multaque dubia soluta. Circa alteram vero adhæsiōis legem notandum, *Perlicium* omisisse conditionem, sub qua lex valet, tantopere necessariam, ut Autor ea in re hic multus esse debuerit. Lex vero illa ita se habet: Nullum fluidum specifica gravitis, paullo majore quantitate collectum, (quæ conditio omissa a *Perlicio*) adhæret solido specificè graviori. Coronidis loco adstruit Autor differentiam, quæ inter suas adhæsiōis & Anglorum attractiōis & repulsiōis leges intercedit: cuius cognitio tanto sit gratior, quo facierius fatetur Autor, Anglos, & qui eos sequun-

tur, ex iisdem fere phaenomenis suas derivasse, e quibus suas deduxit Expert. Autor. Est vero differentia illa quadruplex. Ac prima est, quod fautores attractionis statuant, illam se quoque in distans extendere: quod vero Autor non nisi in electricis & magnetis concedit. Altera est hæc, quod illi vel ex experimentis nullam forment regulam universalem, vel saltem, respectu corporis, quod versus fit actio, indeterminatam. Tertiam notat, quod illi repulsionem nonnullorum corporum largiantur, ab Autore solis electricis & magneti concessam. Ultima est, quod illi tantum individua repulsionis phaenomena adducant: Autor vero rem generaliter determinarit. Præquam finiamus, dicendum est, Clar. Autorem persæpe reprehendere adversarium, quod toties scripserit, se hanc vel illam rem facile demonstraturum, ni paginarum angustia vetaret. Quæ occasione insignem Lactantii errorem ita rectum recenset: qui, cum aliis usui esse possit, & ab aliis in scriptis Eristicis hodie repeti soleat, hic annotari meretur. Lactantius nempe facile demonstrasset, terram non esse sphaericam, nisi liber ejus fuisset finiendus. Ita ergo se excusant, qui, demonstrare nescientes, demonstratores tamen haberi volunt.

SILESIACARUM RERUM SCRIPTORES
aliquot adhuc inediti, quibus Historia ab origine Gentis ad obitum usque Rudolphi II recensetur; accedunt Tabule Genealogicæ Serenissimæ Celsissimarumque Gentium Lobsharungicæ, Lichtensteinensis, Lobkowiczæ, Auersbergicæ ex Monumentis fide dignissimis. Confecit Tomum hunc II, non Silesiæ modo sed & vicinarum gentium res illustrantem, FRIDERICUS WILHELMUS DE SOMMERSBERG, Eques Silesius.

Lipsiæ, sumptibus Mich. Huberti, 1730, fol.

Alph. 6.

Fidem, quam Illustris Sommersbergius in primo Scriptorum Sile-

Silefiacorum Tomo, a nobis superioris Anni Mense Martio p. 134 memorato, dederat, opinione nostra fere citius servavit, spes vero nostras, ex prioris Operis præstantia conceptas, abunde implevit hoc secundo Rerum patriarum Volumine. Nostrium nunc est, nostro quoque officio fungi, & quas Generosissimus Autor bono publico non invidit gazas, harum deliciarum cupidis ex instituto indicare. Sunt autem illæ triplicis naturæ: Scriptores hæctenus inediti, Tabulæ Genealogicæ multo studio confectæ, Diplomata.

Inter Scriptores primum locum occupant *Anonymi Annales Silesiæ* breves quidem sed antiquissimi, utpote seculo XIII concinnati. Hos excipit *Boguphali II Episcopi Poznanienfis Chronicon Poloniae cum continuatione Baczkonis Custodis Poznanienfis*. Opus Polonis & Silesiis diu expectatum. Autores suam ipsi ætatem non reticuerunt, quorum ille ad A. 1249: Eodem tempore prima nocte post diem B. Joannis Baptiste Ego Boguphalus Episcopus Poznanienfis audiui, licet peccator, per visum quendam Religiosum mihi dicere, & reliqua; hic ad A. 1257: Qualibet quadragesima ut dicebatur cilicia utebatur (Przemislaus Dux Bosnaniensis) sub vestibus aliis & hoc secreto quidem. Cilicium Ego Pasko Custos Poznavienfis Ecclesiæ post mortem ipsius vidi ferre sacerdotem x. r. x. & ad A. 1265. narratis post Boguphali III Episcopi Poznanienfis mortem in Capitulo exortis dissidiis, Dominus, inquit, Joannes Decanus, & Petrus Scholasticus & alii Fratres Canonici miserunt me Glodzlauum Custodem ejusdem Ecclesiæ Baczkonein cognomine, cum literis Domini Papæ & Episcopi Vratislaviensis ad Curiam & cetera. Tercio loco legitur *Brevius Chronicon Cracoviæ Anonymi Autoris*, sed quem e media plebe unum non fuisse, Archidiaconi Ecclesiæ, ut videtur, Gnesnensis dignitas, quæ se exornatum ipse ad A. 1372 profitetur, satis confirmat. Pone sequitur *Vita Thomæ I Episcopi Vratislaviensis*, sive ut rectius dicamus, ea quæ ad preces Simonis ab Hanniwald Sereniss. Polon. Regis Maximiliani Archiducis Austriæ & Ordinis Teutonici supremi Magistri Consilarii & Secretarii, magno illius Antillitis res noscendi studio accensi, addam insolita felicitate usi, Episcopus Vratislaviensis.

p. 17.
18.

78.

155.

- sis Andreas, Capitulum ejusdem Ecclesie, & Joannes ad S. Vincentium Vratislaviæ Abbas, in suis Archivis quæsitæ, inventæ, & totidem Diplomatis insertæ, ad posteritatem transmiserunt.
- p. 158. Quintum locum occupant *Joannis Lonini* Canonici Cracoviensis *Episcoporum Smogorzoviensium & Pitzinensium, quæ nunc Vratislaviensis, Ecclesiarum Historia & Acta*, quibus suum unusquisque pretium statuet, qui in animum suum revocaverit, hunc Joannem Loninum sive Longinum esse eundem cum Joanne Dlugosso Polonicarum Rerum Scriptore celebratissimo. Novissimas Episcoporum Joannis IV & V Vitas ab alia esse manu, obitus Dlugossi, Michovio teste, in A. 1480 incidens satis indicat.
172. Sextus est Codex *Annalium Vratislaviensium* A. 1514, ex vetustissimis libris Civitatis Vratislaviensis, ut verisimile est, a Viro docto, officio apud Vratislaviensium Curiam publico fungente conscriptus, res in Silesia gestas ab A. 1149 ad A. 1491 continens. Majoris momenti opus est septimo loco collocatum, *Anonymi Vita Episcoporum Ecclesie, quæ olim Smogrovienfis deinde Rytzinensis, mutato loco & nomine Vratislaviensis appellatur*, nempe a primo Silesiorum Episcopo Gothofredo ad XXXVI usque, Jacobum a Salza, quibus, quod arma singulorum Antistitum gentilitia suis etiam coloribus distincta in Codice bonæ notæ essent adpieta, hæc ipsa junctis reliquorum Episcoporum, ad Eminentissimum usque Moguntinæ sedis Archiepiscopum & Electorem, qui rara felicitate ab A. 1683 Ecclesie Vratislaviensis insulam gerit, insignibus, una tabula ænea scite expressa exhibentur. Superest ultimum sed illud quantivis pretii Historiæ Silesiæ Monumentum, ordine octavum, *Nicolai Henelii ab Hennenfeld Annales Silesiæ*, quibus Vir ille ob alia in Jurisprudentiam pariter atque Patriam merita laudatissimus & quem ad publica & magna Silesiæ negotia adhibitum, nihil fere Monumentorum latuit, universam Patriæ historiam ab Origine Gentis ad annum usque 1612, sive ad obitum Rudolphi II Imperatoris est complexus. Hos Annales, nemini ex iis, qui Henelii vitam tradidere, visos, nec Operum ab eo vel editorum vel confectorum numero unquam illatos, primus ex obscuro loco eruit Vir longiori vita dignissimus *Ferdinandus Ludovicus*

dovicus de Bresler & Aschenburg, S. C. M. Confiliarius & Reipubl. Patriæ Senator, a nobis etiam aliquoties celebratus, post cujus obitum præmaturum, cum emtionis jure ad Generosissimum Agnatum, *Joannem Gottlieb de Bresler*, post studia in nostra Academia cum laude tractata illorumque perficiendorum causa confectas longinquas peregrinationes in virtutis semita suæ genti jam trita ad similes adoreas pulchre contendentem, pervenissent, pro ingenita humanitate facile Illustri Nostro Autori eximium opus ad editionem concessit.

Tabulæ Genealogicæ sunt plures, sed quæ non nisi quatuor gentes illustrissimas exhibent, quibus aliquæ Silesiæ partes regnantur. Prima est Serenissima *Lotharingica*, cui Ducatus superioris Silesiæ *Tessinensis* paret, Tabulis explicata sex, quibus illa gente sati a Leuthario I Alemannicæ Duce, circa A. 554 mortuo, ad Franciscum Stephanum usque hac tempestate Lotharingicis feliciter imperantem recensentur. Altera est Celsissima *Lichtensteinia*, quæ Ducatu *Oppaviensi & Cackoviensi* gaudet, ab Azone Marschallo & Pincerna Austriæ, A. 1086 vivente, ad Josephum Joannem Adamum Principem ac Regentem domus Lichtensteinensis, Silesiæ Ducem, Tabulis tribus deducta. Tertia est Celsissima *Lobkowitzia*, quæ Ducatum in Silesia *Saganensem* habet, a Joanne I de Lobkowitz & Zasada Imp. Wenceslai Aulæ Marschallo ad Philippum Principem ac Regentem Domus de Lobkowitz Silesiæ Ducem Tabulis duabus tradita. Quarta est Celsissima *Aurspergica*, quæ Ducatum *Monsterbergensem* possidet, Tabulis quinque, ducto ab Adolpho I Domino ab Aursperg, A. 1060 defuncto, initio, in Henrico Josepho Joanne Principe ab Aursperg Duce Silesiæ exeuntibus.

Superfunt Diplomata, præter Civitatis Suidnicensis Statuta lingua Latina & Germanica ex vetusto Codice membranaceo desumpta, omnino pauca, Mantissæ instar habentia, Bolconis II Ducis Suidnicensis de Aurifodinarum Reichsteinensium acquisitione Przemislai Tessinensis & Bythomiens. Ducis, quo se Vassallum Regis Bohemiæ profitetur, & alterum, quo alteram urbis Glogoviensis partem, & præterea Stinaviam & Gorano feudi

P. 485.

nomine accepisse fatetur, sœdus Ducum Pomeraniz cum Joanne R. Bohemiz A. 1337 sancitum, Guntheri Comitis Schwartzburgici testimonium, Henricum Javoriensem suum Ducatum ab Imp. Ludovico Bavaro feudi nomine accepisse, Literz foundationis Templi Vratislaviensis S. Dorothez sacri, Literz Henrici ab Haugwitz, quibus pignoris titulo se terram Francofleinensem habere fatetur, Ladislai denique Ducis Opoliensis & Palatini Hungariz, & Laudgraviorum Leuchtenbergensium Literz, pauca, inquam, Diplomata, sed omnino eximia, & quorum numerum multum augere Amplissimo Senatori facile fuisset, nisi ex justis causis, Diplomatarii Bohemico-Silesiaci continuationem, Tomo III vel ut ipsi Illustri Autori Volumen novum inscribere placet, Supplemento in Scriptores suos Silesiacos, servare malit, in quo, cum præterea Supplementum in Historiam Ducum Silesiz Genealogicam, Tabulas Genealogicas Excellentissimorum Comitum, qui liberas Silesiz dynastias sex habent, Henelii Breslographiam renovatam, & Episcoporum Vratislaviensium Catalogum sperare jubeat, avide illud Supplementum expectamus, & læto ex indefessa diligentia hætenus demonstrata capto augurio, hariolamur.

HERMANNI SCHYN, NUPER MEDICINæ Doctoris, & verbi divini Amstelodami Ministri, Historiæ Mennonitarum plenior deductio.

Amstelædami, apud Janssonio-Waesbergios, 1729, 8.

Alph. 1 pl. 14.

EDiderat A. 1711 Reverendus Autor *Brevem historiam Menonitarum* lingua Belgica, a nobis recensitam *T.V. Supplem. p. 85*. Postea A. 1723 eam edidit auctiorem, & quidem, ut legi ab exteris quoque posset, lingua Romana. Cujus recensionei A. 1724 p. 216 factæ cum adjecissemus, desiderari hoc in libro accuratam & copiosam narrationem de vita & scriptis Mennonis, de præcipuis Mennonitarum doctoribus, de sedibus denique ac fatis Ecclesiæ Mennonitz; admonitio ista nostra tantum pon-

ponderis apud Autorem habuit, ut singulari libro persequenda susciperet ea, quæ modo diximus, argumenta. Cum vero ante editionem hujus libri vita excederet, amico ejus singulari, Mennonitarum doctori Harlemensi, eidemque Medicinæ Doctori & Practico, *Jacobo van Zanten*, placuit, præmissa sua Præfatione, publicæ luci Opus hoc exponere, nobisque, quod grati agnoscerimus, dedicare. *Cap. I* docet Autor, sectæ suæ autorem non esse Mennonem Simonis, sed eam descendere a Waldensibus, idque cum ex *scriptis de Zeyls* Mennonitarum & Waldensium communibus, tum ex communi utrisque sanctitatis & humilitatis studio apparere. Qui vero contendunt, Mennonitas esse reliquias seditiosorum Monasteriensium, eos allatis argumentis oppugnat: nec intactum omittens Celeb. Cypriani *Compendium Historiæ Ecclesiasticæ*, in quo falsa tradi de Mennonitis plurima, lectoribus persuadere conatur studiosissime. *Cap. II* de hodierno Mennonitarum in Belgio statu differens, rejecta etiam vult *Anabaptistarum* & *Catabaptistarum* nomina. Illud concedit, olim eos jure vocatos fuisse Anabaptistas, cum re nondum satis perspecta rebaptizabant adultos: at hodiernos refert non solere eos novo baptismo afficere, qui transeant ad ipsos ex alia quapiam secta. Catabaptistarum appellationem ideo ferri posse negat, quod ritus immersionis apud plurimos Mennonitas non sit in usu, & baptismus adspersione factus satis fundamenti habeat in sacris literis. Hinc de Mennonitarum schismatibus agens, eorum partem ait esse sublatam, reliquam partem etiam facile tolli posse, cum dissensus non versetur in dogmatibus, sed in disciplina ecclesiastica. Speciatim describit tres Mennonitarum greges sive Ecclesias Amstelodamenses. *Cap. III* quatuor ipsorum dogmata propria, scilicet de baptizandis non nisi adultis, de non gerendo munere magistratus politici, de non jurando, de non militando, quibus fundamentis nitantur singula, uberius exponit. *Cap. IV* ex Mennonitarum sex Confessionibus, quas amice inter sese conspirare ait, quartam exhibet totam, instructam quippe probationibus e sacro codice petitis. *Cap. V* est de *Mennonis Simonis* vita & scriptis. Hic, A. 1496 natus, & A. 1561 d. 13 Jan. mortuus, ipse su-

- p. 135. am vitam descripsit, quæ hic loci inseritur, indeque ostenditur, nullam Mennoni communionem fuisse cum Monasteriensibus illis Anabaptistis. Hinc Mennonis librorum, qui omnes Belgico sermone conscripti, catalogum sistit Autor, simul docens, A. 1681, fol. prodisse Amstelodami optimam editionem Operum Mennonis omnium. Nec vero solum titulos librorum exhibet, sed recenset etiam singulorum argumenta: simul confessus, Mennonem more sui sæculi in theologicis concertationibus stylo usum esse duro & acri. Inter alia proponit Mennonis de Christi incarnatione sententiam, quæ, diversa cum videatur a recepta plerisque omnibus Christianis doctrina, logomachia potius est, iudice Nostro, quam verus dissensus. Finita recensione librorum Mennonis, Autor exhibet excerptos ex iis omnes articulos fidei, tanquam Confessionem aliquam fidei Mennonianæ. *Cap. VI de Diderico Philippi*, collegæ Mennonis, disserit. Unicum is librum reliquit, inscriptum *Enchiridium Christianæ doctrinæ*: cuius, undecim Opuscula & tres epistolas complectentis, argumenta hic recensentur, observante etiam Autore, Philippium illum in sua *Explicatione tabernaculi Moysi* tam pulchre & ingeniose Coccejanizasse, ac si Cocceji auditor & præcipuorum discipulorum unus fuisset. *Cap. VII de Protocolis* agitur sive libris, in quibus fuerunt confignata colloquia Mennonitarum cum Reformatis. Ea sunt tria, Frankenthalense, Embdense, & Leuwardiense. Recenset Autor singula, & necessariis sibi visis annotationibus illustrat. *Cap. VIII Nicolaum Nicolai* sistit, qui lacesitus ab Herm. Faukelio, Reformato, singulari libro A. 1624 edito exhibuit Confessionem fidei una cum Apologia, in qua, errores Mennonitis a Faukelio tributos non esse Mennonitarum, ostendit. Plures scripsit libros, qui hic recensentur. *Cap. IX vita & fata Joannis Riefii* describuntur, & scripta commemorantur. Natus is Antverpiæ 1553 decessit 1638 Aлемariæ, ubi fere quadraginta annis fuit Doctor Ecclesiæ. *Cap. X* occurrit Regnerus Wybrantius, qui Amstelodami unitorum Vlamingorum & Waterlandorum Mennonitarum Minister fuit, & A. 1640 edidit *Catechesin in Symbolum Apostolorum*, cuius potiora hic recensentur argumenta.
- 162 sq.
- 197.

ta. *Cap. XI* multorum librorum scriptorem offendimus, Petrum Joannis Twisckium, Doctorem ecclesie Mennonitarum Hornanum, A. 1636 mortuum. Hujus *Concordantiam Bibliorum* Autor tradit magno fuisse in pretio ante *Concordantiam Trommianam*. *Cap. XII* Tilemannus a Bracht laudatur, Doctori Doctore Mennonitarum, cujus inter libros eminet *Theatrum Martyrum Mennonitarum*, A. 1660 in fol. editum, & iterum A. 1685 eum nitidissimis figuris zincis. *Cap. XIII* Adrianus van Eeghem, Medioburgi Minister, mortuus A. 1709, prius Mennonitarum edidisse scribitur *Systema Theologicum*, *Cap. XIV* scripta recensentur Angeli Arnoldi a Dooregeest, quem Nosler vocat virum admodum doctum acrisque judicii, & nulli inter Mennonitas secundum. *Cap. XV* justo brevius nota videtur de Galeno Abrahami de Haan, qui per quinquaginta octo annos Amstelodami docuit, & multa edidit, extinctus A. 1706. *Cap. XVI* Autor valde laudat Jo. Phil. Schabaelie, Ministri Amstelodamensis, *Harmoniam Evangelistarum* A. 1716 editam. *Cap. XVII* agitur de Petro Petri, Alcmariæ A. 1574 nato, ejusque libris moralibus. *Cap. XVIII* de Samuele Apostolio, a quo secta *Apostolicarum* accepit nomen, discitur. Fuit in Ecclesie Minister Amstelodamensis, & egregiam edidit *Catechesin*. *Cap. XIX* sequitur Douwenus Friderici, Harlingæ prius, dein Emdæ Minister, qui æque, ac Apostolus, scripto impugnavit quodam Galenæ Abrahami, tanquam in multis recedentem a doctrina verorum Mennonitarum. *Cap. XX* commemoratur Cornelius van Huyzen, Minister Emdanus, plurimum librorum scriptor, quorum ultimus A. 1715 lucem alexit. *Cap. XXI* prodit Fridericus Toger, qui Lugduni Batavorum docuit suam ecclesiam. Editum est A. 1726 ejus præclarum Opus posthumum, *Systema Christianæ Theologiæ*, in quo theologiam tractat ita, ut simul eximium se præstet philosophum. Unde id recenset Autor copiosius. *Cap. XXII* ii laudantur doctores Mennonitarum, qui tantummodo Conciones typis vulgarunt, Et eorum nomina: Julius Henricus, Wilhelmus Wynants, Godofridus Tobias a Wyngaard, Joannes Wilhelmi, Omnis Jacobus Diderici, Wilhelmus Martini, Joannes Gerardi Buyser,

p. 361.

Michael Fortgens. Hic loci & Autor noster Conciones a se editas commemorat. Denique *Cap. XXIII* Autor producit *Brevem Catechesin religionis Christiana*, ex speciali autoritate Synodi Amstelodami d. 12 Junii A. 1697 habitæ conscriptam a se & Angelo Arnoldi Dooregeest, & Petro Beets; itemque edita a se *Rudimenta religionis Christiana*, hoc est, Catechesin priore breviorē magisque perspicuam.

Habemus igitur, quam optavimus magis, quam speravimus, Historiam Ecclesiasticam Mennonitarum, eo nobis gratiorem, quod plurima tradit, maxime de libris eorumque scriptoribus, quæ vel doctissimis antea fuerunt incognita. Unum in hoc Theologorum Mennonitarum censu frustra quærivimus, Antonium van Dale, quem certum habemus aliquo tempore docuisse in sacris Mennonitarum concionibus: id quod ipsi A. 1709 p. 192 commemoravimus.

COLLECTIONS RELATING TO THE
History of Mary Queen of Scotland &c.

h. c.

COLLECTANEA AD HISTORIAM MARIE
Reginae Scotiae pertinentia, revisa & publicata a
JACOBO ANDERSON, Equ.

Volumina IV.

Londini, apud Fletcher Gyles, Th. Woodward & rel. 1729, 4.
Alph. 7.

CAve putes, hanc Collectionem cum *Febbiana* illa, quam in his Actis T. IX Suppl. Sect. X p. 385 recensuimus, convenire. Nam cum illa libros jam dudum editos, quamvis raro prostantes, eosque vel Latino, vel Gallico idiomate compositos contineat; in hac Acta fere tantum & documenta e publicis tabulis nunc demum protracta, cum paucis libellis rarissime obviis, & omnia quidem, si unicum Latinum excepias, Anglica vel Scotica dialecto exarata exhibentur. Quantis vero præfidiis instructus *Andersonius* noster ad hanc operam accesserit, vel
ex

ex eo dijudicari poterit, quod jam pridem a summo Regni Scotici Senatu dignus fuit habitus, qui ad Archiva & Musca secretionem admissus Regni hujus Diplomata vetusta, sigilla item & numismata vasso ac splendidissimo Opere, cujus jam Tabulae aeri incisae sunt centum & quinquaginta, in lucem ederet, quod ut favente Lucina quamprimum prodeat, haud dubie nobiscum universa optabit Britannia. Quamvis vero in scriniis Scotiae publicis, quod ad res Mariae Reginae attinet, ingentem hiatum deprehenderit Noster, quod num ex eo factum sit, quod Cromwellus pleraque Scotiae documenta in turrin Londinensem transferri jussit, quae licet a Carolo II remissa, maritimo tamen itinere non exiguum detrimentum passa sunt, in medio relinquit; attamen non modo e Bibliothecis Scoticis, Advocatorum Edinburgensium, Universitatis Glasgovienfis aliisque, sed imprimis etiam ex Anglicis, Cottoniana maxime, rebus Scoticis instructissima, (quo loco Noster observat, ipsum Rob. Cottonum e Bruceorum Scotiae Regum familia ortum, insigni quoque eorum usum, & Bruceum vulgo dictum, & a Jacobo Angliae Scotiaeque Rege honorifica cognati, *Cousin*, voce compellatum esse) tum ex Comitibus Oxoniensis, Vice-Comitibus Malpasii aliorumque Bibliothecis non modicas suppetias habuit. Quae praeterea in eadem Praefatione Noster de Parlamento Scotici facie subinde mutata, de Ducibus, Comitibus &c. inde a tempore Jacobi modo dicti usque ad Regem Georgium I creatis, de Regiis titulis & juribus, ut & de principio anni apud Scotos, quod olim in diem 15 Martii incidebat, sed postea decreto Senatus Regni sub finem A. 1599 facto Calendis Januarii celebrari cepit, observavit, iis haud immerendum videtur. Nec lemmata omnium, quae hic continentur, moni mentorum (sunt totae prope octoginta, majores, minores) describere operae pretium fuerit; de nonnullis tantum, raritate & argumenti dignitate imprimis se commendantibus, quae ab Autore passim observantur, annotabimus. Primo statim loco comparat *Vita Jo. Leslie* Episcopi Rossensis, Mariae Reginae quondam ad varios Principes Legati ac Consilarii, ab ipso, ut videtur, composita, quam, cum Alberto Austriaco de felici adventu ad regimen pro-

Praef.
p. 6.

15-

vin-

vinciarum inferioris Germaniæ gratularetur, eidem simul obtulit Bruxellis 1536 editam, quod quidem rarissimum atque unicum Opusculum Latine conscriptum huic Collectioni illatum est. Sequitur post alia Tractatus Anglicus *Defensio Honoris Mariæ Scoticæ* ex editione Leodiensi A. 1571, quæ nomen præfert *Morgani Philipps*; quamvis Noster evincat verum Autorem utique fuisse *Leslaum*, cujus & nomen alibi præfixum legatur. Tomo II. eminet Buchanani *Detectio gestorum Mariæ Scotiæ Reginæ*, ab ipso Autore e lingua Latina, qua primum conscripserat, in dialectum veterem Scotorum, dubium quo tempore, translata, hactenus inventu difficillima; cujus libri versio quoque Gallica in Collectione illa *Febbiana* exstat. Tomus III, præter vitam *Leslei* Anglicam, complectitur ejusdem *Narrationem de rebus in Legatione sua Anglica ab A. 1568 ad A. 1572 pro Mariæ Regina Scotiæ gestis*, cum proluxa ad illam Epistola dedicatoria, nunquam antea editam & nunc primum partim e Bibliotheca Advocator. Edinb. partim e Cottoniana productam, quæ multa continet, quæ alibi frustra quæsieris. Nec minori cura legi meretur Tomus IV, quo ut alia ex archivis nunc primum producta, ita literæ imprimis Mariæ & Elisabethæ reciproæ & pleraque, quæ ab utriusque partis Commissariis Eboraci, Westmonasterii & Avendonii gesta sunt, exhibentur, quæ etsi omnia Guil. Cambdenus habuerit ante oculos posita, multa tamen singulari in Mariam affectu, aut omisisse aut leviter saltem tetigisse deprehenditur; cujus Viri *Britanniam* uti alibi Noster cet. opus incomparabile extollit maxime, ita in Annalibus cum nonnihil parvum studio dedisse, non diffitetur. Ceterum nec illud nobis omittendum est, Cl. Editorem Tomo statim primo subjunxisse Indicem vocum veterum obsoletarum, maxime Scotticarum, passim in hoc Opere occurrentium, quas brevi & luculenta simul explicatione exornavit.

REGNI ANGLIÆ SUB IMPERIO SERENISSIMÆ, Piv & Potentissimæ Regine Elisabethæ Religio & Gubernatio Ecclesiastica.

Londl.

Londini, typis T. Wood, impensis Editoris Guilielmi Wekett,
 Rectoris Bransgethæ in Episcopatu Dunelmi, & prostat apud
 Guil. Innys, Fr. Fayram &c. 1729, 4 maj.

Plag. 14½.

Libellos duos sub hoc titulo conjunctos, & ingenti Subscripto-
 rum primi ordinis numero quodammodo commendatos,
 tibi sistimus, nempe *prima Lineamenta*, seu Tabulas XVI,
presentis Politie Ecclesiastica Anglia, Opus posthumum *Ri-*
chardi Cosini, Legum Doct. Decani Curie de Arcubus & Archi-
 Episc. Cantuar. Cancellarii, A. 1589 primum vulgatum, postea
 vero auctum emendatumque a *Joanne Cosino*, Episcopo Dunel-
 mensi, & nunc ex autographo ejus recusum, cui præmissus est
 ejusdem Joannis libellus non inelegans, *Regni Anglia Religio*
Catholica prisca defacata, inscriptus, qui compositus creditur
 jussu Caroli II, cum is in exilio ad varios Principes Catholicos
 divertens ab iis ad reditum ad Ecclesiam Romanam sollicitaretur.
 Quamvis vero utrumque Opusculum jam pridem prodie-
 rit, nihil tamen exinde vel in politia Ecclesiastica vel in formu-
 lis fidei Ecclesie Anglicanæ mutatum est, & quæ in Liturgia im-
 mutata sunt, haud magni momenti videntur, ut adeo has pla-
 gulas vel nostri homines cum voluptate, nec sine fructu, legere
 possint.

MARTINI WARREN AD AMICUM EPI-
stola, in qua curandi methodus & ratio in febribus nuper
grassantibus, ac corticis Peruviani periculum, in-
certitudo & insalubritas breviter
explicatur.

Cantabrigiæ, apud C. Crownfield, G. Innys, & Joh. Crown-
 field, 1729, 4.

Plag. 7½.

Cum superioribus annis febres versatiles & incerti genii
 hinc inde grassatæ, illam, qua olim polluit Cortex Peruvia-
 nus, sanandi vim & certitudinem illusissent, ansam inde arri-
 puit Autor Clariss. de cortice hoc differendi. Cujus usum licet

in debellandis febribus intermittentibus non satis se prædicare posse profiteatur, periculosum tamen eum & insalubrem pronuntiare nullus dubitat; ita ut his crura & venter intumescant, illis tonsillarum aliarumque partium dolores, inflammationes, abscessus, gangræne, sphaceli, cephalalgie, cardialgie, phthisis, icterus, rheumatismus, infantibus rachitis, senibus diabete, scæminis manie species, puerperis nulla non mala inde accidant. Causam sinistrorum horum effectuum rejicit in præposteram febrifugi exhibitionem, quatenus scilicet vel in nimia quantitate, vel justo maturius propinatus fuerit cortex. Communem enim Medicorum approbat sententiam, chinam chinam inducias potius morbo impetrare, quam eundem debellare, materiamque febrilem, quæ expelli debuerat, tanquam hostem intra mœnia inclusum, nisi illius usus debitis intervalis repetatur, certo certius novos daturam tumultus. Quapropter illi insistendum existimat medendi rationi, quæ materiam istam omnino eliminat, plusque habeat certitudinis, minus autem fastidii & moræ. Consistit autem hæc in eo, quod data febris remissione, imo etiam urgente febre, ubi diutius inhæserit, nec integra aliqua intervenerit crisis, potio cathartica alternis diebus ad duas vel tres vices cum haustu paregorico repetenda præbeatur; qua sola methodo res ægri magis magisque in tuto collocabitur, aut saltem Medico ansa concedetur, ut opportunius & certius corticis usu morbum feriat, & confodiat. Imo ipsi cortici rhabarbarum admiscet Autor, crebra experientia edoctus, eo certius & efficacius hac ratione expugnatum iri febrem. Quo facto ut eo magis in tuto collocetur, & a recidiva securus servetur æger, ad ipsas materię febrilis reliquias everrendas & radicitus extirpandas, vel in brachiorum vel crurum alterutro fonticulum inurit, & virium imbecillitati subveniendæ coronidem curationi imponit. Ceteris vero omnibus remediis, quæ ad sanguinem exaltandum, spiritus refocillandos & firmitudinem partibus solidis conciliandam faciunt, palmam præripere dicit Vinum Viperinum sequens: Rec. Viperas scæmellas N. x. limat. Mart. unc. ij. succ. Aurant. N. ij. Nuc. Mosch. Cinam. ana drachm. j semis, Vin. Hispan. lib.

lib. x. Digere in balneo arenæ per 12 dies, & filtrati liquoris unciz duæ bis terve in die capiantur.

D. MARTINI SCHURIGII GYNÆCOLOGIA
Historico - Medica,

h. e.

CONGRESSUS MULIEBRIS CONSIDERATIO
Physico - Medico - Forensis.

Dresdæ & Lipsiæ, in officina Heekeliana, 1730, 4.

Alph. 2 pl. 9.

UT promissis suis satisfaciat Clariss. Schurigius, quæcunque supererant de sexu sequiore dicenda, præsentî *Gynacologia* exhibet, duabus Sectionibus circumscripta, quarum prima tam marium quam fœminarum salacitatem, imo & castitatem ac pudicitiam exhibet. Sectio secunda congressum mulierum delineat, & septem Capitibus absolvitur; quorum 1) de coitus voluptate, de virginum ante nuptias coitu licito, de co hæ sionis in coitu causa, nec non de coitus moderati usu medico, ac immoderati noxa agitur, simulque disquiritur, num virgo tempore menstruationis coitum admittens virgo maneat? seu an virginitas actu venereo perdat? *Caput 2)* coitum ob vaginæ uterinæ obstructionem vel imperforationem impeditum, atretarum imprægnationem, matrimonium, divortium & curam variis exemplis & relationibus proponit. Alia ab uteri prolapsu & variis ejusdem morbis dependentia coitus impedimenta cum certi casus & divortii relatione ob oculos ponit *Cap. 3. Cap. 4)* vero coitum ob virorum salacitatem membrique virilis nimiam crassitiem, item ob aversionem vel odium conjugum ab uxoribus denegatum cum relatione & casu Juridico communicat. *Cap. 5)* coitus violenti differentiam, exempla, signa & pœnas declarat. De stupratione vero in somno exempla cum Facultatum Medicarum Responsis atque Jureconsultorum Deductionibus varia ex Actis publicis collecta in *Cap. 6)* reperiuntur, & in *Cap. 7)* coitus nefandus seu Sodomiticus v.g. fœminarum cum fœminis, mulierum æque ac virorum cum brutis & personis

peste infectis, cum cadaveribus, cum dæmone, statuis &c. commissus, taliterque peccantium poena, item Sodomia cum Baal Peor & peccatum Onaniticum huic Tractatui finem imponit. Ex observationibus Clariss. *Schurigii* propriis sequentes allegasse sufficiet. Pag. 25 virginem commemorat, quæ juvene quodam potiundi spe alebatur, post ejus vero tergiversationem ad amorem insanum adacta, frustra adhibitis aliis, frequentiori amassii facta mentione & præsentia sanitati restituta fuit. Pag. 83 foeminam refert, quæ rarissime in coitu voluptatem perpeffa, ideoque quovis modo & precibus cohabitationem viri deprecata, aliquot tamen liberorum mater facta est. P. 108 cohaesionem in coitu, postquam fitula aqua frigida plena neonymphi natus fuit affusa, solutam dicit. Pag. 151 foeminæ mentionem facit, quæ secunda vice puerpera ex partu difficili coalitum puendorum passa, largam quidem postmodum a Chirurgo factam incisionem admisit, paulo tamen post consolidatas iterum partes observavit, ut per aliquot annos nullam viderit menstruationem. P. 168 atretam allegat, quæ imprægnata, facta paulo ante partum membranz incisione, foetum vivum in lucem protulit. Et pag. 388. Chirurgum cum sponsa peste infecta insuflum celebrasse coitum perhibet.

FRUTEX, AD VERUM SUUM GENUS relatus a J. F. S.

Habitum diu jam notus Botanicis frutex, ob inconspicuum florem, ad nullum speciatim genus recte, pro rigore cujuscunque systematis Botanici, hactenus referri potuit. Primus ipsi ex habitu nomen imposuit *Plumier*, notante *Tournefortio* p. 654, qui & illum in eo secutus, dum *tithymaloidem*, *frutescentem*, *foliis nerii*, dixit. Primus ejus iconem dedit *Plucknet Phytogr.* 304. 3. Ic; sed nec hic florem ejus viderat unquam. *Boerhaavius* vero in *Indice altero plantarum, quæ in horto Lugduno-Batavo aluntur* T. I p. 259, fruticem illum dubius ad *tithymaloidem* retulit. Evenit tandem, ut frutex ille in ornatissimo horto Ampliss. *Kleinii*, qui a secretis civitatis Pantisca-

na,

Fig. 5.



Fig. 4.



Fig. 7.



Fig. 6.



Fig. 1.

Fig. 3.

Fig. 2.



sz, haud ita pridem floruerit : unde jam ejusdem ad verum suum genus facilis reddita reductio. Communico ergo hic Gedano transmissam iconem, licet, ob tabulae angustiam, ad minorem formam reductam. Patet ex inspectione ipsius figurae, stirpem hanc recte a Botanicis dictam fuisse frutescentem, nam in fruticis modum adsurgit : ut & nerii foliis, quae multis conspicua nervis. Fig. 2 totum florem exhibet, cujus calix *a* est cylindricus, integer, ad margines quinaequefidus *d*, (vide Fig. 3) plures flores, discum conficientes, includens. Flosculus quisque est quadrisfidus, unde duae tubae recurvae exeunt *e*. Flosculum quemvis inferius ambit pappus *b*, perianthii instar, qui pappus hic ita se habet, prout in planipetalis descriptus a Botanicis. Interim & hoc notandum, omnes ramos floriferos semper esse dichotomos; uti in valerianella observatur. Fruticem hunc quicumque jam expendat : experietur, illum ex systemate Botanico quam proxime ad *cacalia* accedere : unde jam ab Ampliss. Kleinio vocatur *Cacalia, aizoides, nerii foliis* : quibus tamen a *cacalia* in immensum differt. Unde non inconvenienter novum condi potest genus, quod, ex systemate Boerhaaviano, *cacaliastrum* appellari potest. Ceteroquin eundem fruticem hic Lipsiae in instructissimo horto Bosiano lustravi, qui nec ibi floruit unquam, ibidemque, titulo *tithymali, nerii foliis*, notus est.

TAB. II.

Fig. 1.

2.

3.

HIERONYMI RORARII, QUOD ANIMALIA bruta saepe ratione utantur melius homine, libri duo : quos recensuit, Dissertatione de anima brutorum, annotationibusque auxit GEORG. HEINR. RIBOVIVUS, Lib. Art. M.

Helmstadii, impensis C. F. Weygandi, 1729, 8.

Alph. 2 pl. 74.

OMnino non debebat liber hic recudi, nisi adjectis annotationibus, in quibus non solum fontes indicarentur, e quibus exempla sua hausit *Rorarius*, sed etiam illa exempla illustrarentur pluribus. Laudandus igitur hoc nomine est Cl.

Ribovius, qui nihil reliqui fecit, quod ad ornandum *Rorarii* opus pertinere videretur. Initio igitur *Vitam* exhibet *Rorarii*, quantum quidem ejus haurire licuit ex ipso hoc *Rorarii* opere; docetque, eum patriam habuisse Portum Naonis, præceptoribus puerum usum esse *Franc. Amalthæo & Sabellico*, juvenem in Academia Patavina operam dedisse juri civili, tum in aula Papæ tantam adeptum esse gratiam, ut & ad Ferdinandum, Romanorum Regem, & in Poloniam mitteretur legatus; ad ultimum in patriam se recepisse, ibique octogenario majorem, incertum quo anno, exstinctum esse. Sequitur Editoris Præfationem Naudæi, qui primus hunc librum A. 1645 edidit, Præfatio; hinc epistola *Rorarii* ad *Ant. Gravellanium*, cui legendum hoc suum opus mittit; denique Dedicatio. Ex utraque discimus, quam levi momento impulsus fuerit *Rorarius* ad conscribendum tam longum Opus. Scilicet audiverat nonnullos, qui negarent, Carolum V Imp. Ottonibus Fridericove Ænobarbæ comparari posse. Cum igitur sibi persuasisset, longe majorem iis esse Carolum, ira incensus judicavit, istos homines brutis animalibus esse ratione inferiores: ac statim se accinxit ad componendos duos hosce libellos de præstantia rationis brutorum. Hi complent paginam 17 & sequentes usque ad p. 296. Ad dicendi quidem genus quod attinet, facile apparet, *Rorarium* non modicam orationi poliendæ navasse operam; at simul patet, huic elaborationi defuisse manum ultimam. Occurrunt enim subinde periodi haud satis connexæ, & quasi hiantes, quas accuratæ retractatione Autor fuerat emendaturus: nisi forte credere libet, codicem illum MS. e quo Naudæus hosce libros edidit, minus diligenter fuisse scriptum, vel a typographo eum non expressum esse fideliter. Argumentum ipsum lectu jucundum est. Affert enim initio exempla hominum crudelitate feras superantium, hinc exempla ferarum studio laudis & honoris flagrantium, ferarumque insigni amore prosequentium fœtus suos, dominos item suos, vel parentes, vel alios bene de se meritos. Tum aliis solertiæ & prudentiæ animantium exemplis productis, libro primo imponit finem. Secundo libro adducit exempla amoris summi belluarum erga homines, etiam fœminas; casti-

castitatis; intelligentiæ; longæ memoriæ & recordationis; amoris erga musicam. Hinc exemplis docet, animalia nos præstare sensibus, visus acrimonia, &c. Quid? Allatis aliquot exemplis efficere studet, in brutis sæpe rationem dominari appetui. Hæret inde diu in admiratione *apum*, omnis generis p. 242-254. virtutibus instructarum. *Singula si ponderemus*, inquit p. 254, *haud ambigo, quin, ut hominem parvum mundum, sic apem parvum hominem nuncupemus: imo aliquid homine majus, quando nullus adeo perfectus, in quem ad unguem cadant, quæ de apibus retulimus.* Postea describit solertiam aranearum formicarumque: ostensoque, brutis nonnullis inesse sensum Numinis, postremo loco disserit de brutorum arte medica, deque eorum præscientia tempestatum. Hæc omnia ex antiquorum monumentis deprompta (perpauca enim profert suæ ætatis suæque experientiæ exempla,) eleganter exponit *Rorarius*, non tam philosophi, quam oratoris & dialectici, summa persona.

Dissertatio Historico-Philosophica, quæ *Rorario* subjungitur, maximam libri partem constituit. Quantos fecerit Cl. *Rebboius* in Philosophia, Historia literaria & Theologia progressus, abunde docuit, cum causam Celeb. *Wolfsi* ageret contra adversarios ipsius in scripto Germanico, quod sub titulo: *Yersnere Erläuterung der vernünftigen Gedancken Herrn Hofrath Wolffens von W. Ott, der Welt und der Seele des Menschen* publici juris faceret. Etenim non modo thesium in perversum sensum adductarum sensum genuinum dilucide exposuit atque rationibus firmis stabilivit, verum etiam ab objectionibus Anti-Wolfianorum vindicavit earumque cum doctrinis Theologorum orthodoxorum consensum commonstravit. Nec alium se probat in præsentem, quam de anima brutorum conscripsit, Dissertatione, ubi cum eruditione multa scientiam solidam conjunxit. Docuit *Wolffius* tum in Logica minore, quæ Germanico idiomate prodiit, tum imprimis in Opere Latino majore, quænam in Historia literaria conscribenda observari mereantur, ut nomen suum tueatur, eaque in re consentientem habet Cel. *Bulfingerum* in specimine doctrinæ veterum Sinarum

narum moralis & politicæ. Eam igitur ideam secutus est in historia dogmatis de anima brutorum conscribenda *Ribovius*. Primum igitur ostendit, quomodo contigerit, ut veteres animam brutis tribuerint, tanquam principiis usus asserto *Wolfiano*, omnes scientias ortum a notitiis vulgi trahere, cum primi inventores non alias habuerint notiones, quam vulgi notitias, unde prima scientiarum flamina deduxerunt, & argumento ab analogia tantopere commendato ab *Hugenio*, *Newtono* item atque *Leibnitio*. Ut vero appareat, in quibus analogia querenda sit & quænam ad species atque genera constituenda sufficiat, evolutione notionis entis *Wolfiana* utitur, quam in Opere Logico, mox autem in Ontologico pleniorē dedit. Hinc diffusa ipsi enata est de argumento ab analogia ducto ejusque multiplici in disciplinis usu tractatio. Hisce præmissis ad veterum sententiam de anima brutorum confirmandam digreditur. Inquiri autem in sententiam Sinarum, Ægyptiorum, Chaldæorum, Indorum, Persarum, Scytharum, Celtarum, Germanorum, Gallo- rum aliorumque populorum, inprimis etiam Sabæorum, Phœnicum, Hebræorum, scholæ Orphicæ, antiquorum Poetarum, inprimis Græcorum, scholæ Jonicæ, Italicæ, Eleaticæ, Heraclitæ, Academiæ, Cynicorum, Stoicorum, scholæ Peripateticæ, Scepticæ & Epicuræ, Cartesianorum, Eclecticorum & recentiorum. Nimis prolixum foret de his singulis dicere: remittimus adeo lectorem ad ipsam Autoris Dissertationem lectu dignam. Sufficiat igitur exposuisse, quænam sit ipsius de anima brutorum sententia. Ne quid in ea sit lectori obscurum & ut vis concludendi percipiatur, terminorum explicationem præmittit, quibus in eadem explicanda utitur. Retinet definitiones, quas dedit *Wolffius* in *Metaphysica Germanica*: absolum est, mutare velle, quæ ab aliis bene posita sunt. Dudum mos ille obtinuit inter Mathematicos, qui adeo continuo ad ulteriora progrediuntur, usi inventis antecessorum tanquam principiis, cum ex adverso philosophi constanter in limine hæreant, propterea quod sibi persuadeant, ab aliis dicta vel reperta ita esse immutanda, ut ab aliis accepta non videantur. Monet etiam in ceteris, quibus utitur, principiis, *Metaphysicam Wolfianam* esse

esse consulendam, ne quid gratis supposuisse videatur. Suppo-
 sitis adeo istis principiis a *Wolffio* evictis ostendit, bruta habere
 animam, esse sibi conscia, non tamen habere rationem, sed tan-
 tummodo sensum & imaginationem, appetitum sensitivum &
 affectus, nullam vero libertatem, neque virtutes, in quo ultimo
 demonstrando utitur quoque principiis ex philosophia morali
Wolffii desumptis, quem laudat. Refellit metempsychosin: ani-
 mam autem brutorum vegetativam & vim plasticam rejicit.
 Unionem inter animam & corpus brutorum non aliam admittit,
 quam quæ per harmoniam præstabilitam explicari potest, cum
 hæc hypothesis ipsi semper probabilior visa fuerit. Sed cum
Cl. Büßfingerus de harmonia præstabilita ex instituto commen-
 tatus sit, lectorem ad ejus libellum remittit. Ceterum e Præsa-
 tione *Cl. Autoris* cognoscimus, ipsum de anima bruti plura di-
 scurum in annotationibus propediem edendis ad *Cl. Apini* Dis-
 sertationem *de causis nondum finita controversia, an bruta ha-*
bent sensus & rationem.

DI SANTA COLOMBA, VERGINE SACRA

Commentario.

h. e.

DE SANCTA COLUMBA, DEO DEVOTA
 Virgine, Aquilejensi, quæ tempore Leonis M. Pont. Max.
 & Acrile Hunnorum Regis floruit, Commentarius;
 Autore JUSTO FONTANINI, Archi-
 Episcopo Ancyrano.

Romæ, apud Pagliarinum, 1726, 4.

Plag. 18 cum fig.

QUod solenne esse consuevit Reverendissimo *Fontanino*, ut
 in libris, quos plurimos hactenus quidem vulgavit, exqui-
 sitissimæ doctrinæ, antiquariæ præcipue, apparatus liberaliter
 profundat; idem hoc præsentī etiam de *S. Columba* Commenta-
 rio cum laude præstitit. Illum adornandi occasio inde ipsi enata
 fuit, cum A. 1717 Octobri Mense sacellum virgini huic divæ sa-
 cratum ad Osopi montis radices in Foro juliensium tractu forte

inviferet. Curioso hic oculo Epitaphium Columbæ perillu-
strans, dignum illud censuit, quod scripto expositum singulati
publicaret, varique generis observationibus, quæ tum historiz
Italiz universæ, tum vero antiquitati sive sacræ sive profanz lu-
cem afferunt, exornaret copiose. Nos, quæ ad ipsius virginis
notitiam luculentiores pertinent, illis relinquentes, quibus me-
moriam ejus sancta habetur, aut qui supplendis *Sanctorum Actis*
operam addixerunt; ex illis tantum aliqua jam decerpemus,
quæ ad monumenti, quod diximus, intelligentiam & antiquariæ
rei illustrationem potissimum comparata, maximæ lectorum
partis attentionem promereri nobis quidem videbuntur; quem
in finem ipsum quoque *Epitaphium* aeri incisum exhibendum
non importune statuimus.

†

† H I C I N P A C I R E Q V I
E S C I T C O L V B A V I R C O
S A C R A T A D I Q V E V I
X I T I N D Ñ O A N N O S
P Ī M N O N A G I N T A
D Ē S V B D V I I I I D V S
A C V S T A S O P I L I O
N E V C C O N S I N S E C

†

Equidem quo minus geminum illud habeatur, nihil plane
impedire existinat Vir celeberrimus; cum notas omnes ac for-
mulas, quibus ætatis illius, sæculi scilicet quinti, feralia inter
Chri-

Christianos monumenta instruebantur, ostendat. Videas enim hic simplici sermonis genere defunctæ conditionem, ætatem, obitus definitum Consule tempus, rel. exposita breviter ac distincte, & additam in fine piam acclamationem. Ad externam scripturæ formam quod attinet, maxime illa abesse deprehenditur ab antiqua litterarum Romanarum elegantia; sed talis omnino apparet, qualis declinante ad occasum æternæ urbis imperio jam ante sæculi quinti fere initium esse occæpit, inæqualis scilicet, impolita rudis ac barbara. Littera A triplici modo hic expressa cernitur, vel ad antiquum Latii morem, vel linea transversa destituta Λ , vel denique linea intermedia divisa \mathcal{A} , & sinistra hasta longius propendente, eodem plane modo, quo *Gothar* hanc litteram pinxisse in *Alphabeto Masogothico* ostendit *Georgius Hickesius*, & in *Runico* *Olaus Wormius*. Linea litteræ L transversa, quam æquali ductu extensam effingebant Romani veteres, brevior hic aliquanto & extra versus spatium propendens deprehenditur, (L) quam tamen figuram jam in sæculi tertii monumentis observavit *Philippus Buonarotti*. Similis est litteræ G formatio atque τ & C ut difficulter utramque invicem dignoscas; rel. Exulant porro ex hac Inscriptione diphthongi omnes; quem morem ita ætate illa invaluisse, ut ad Poetas quoque transierit syllabam diphthongo instructam pro brevi adhibentes constanter, *Casaubonus* atque *Salmasius* in *Spartiani* *Pescennium* observant. In vocibus COLVBA pro *Columba* & DI pro DEI perperam omissæ litteræ error sculptori tribuitur ex Autoris nostri sententia; qui studio neglectas potius contendit, quod tum minime ad illas in pronunciando homines attendere consuevissent; & innumera fere similibus scriptionis prostant exempla. Hoc quoque attendi meretur, singulas lapidis voces, non singulis punctis, uti alias fieri haud raro consuevit, interdistinctas conspici; lineolas etiam vocibus abbreviatis superimponi solitas DNO, PLM, VC & DP minutas hic valde apparere. Ad triplicis crucis figuram quod attinet, observat doctissimus *Fontanini*, præterquam quod familiaris maxime illius usus prisceis Christianis fuerit, sepulchris præcipue atque sarcophagis imponi in memoriam Servatoris crucifixi pia religione

confueviffe. Præmissis his ad ipsas Epitaphii formulas collustrandas Celeb. Autor procedit, atque primo quidem, cum *in pace requiescere* dicitur defuncta, annotat, tum illud indigitari, quod non interuisse penitus, sed *dormituro* tantum, olim iterum excitanda, pie crederetur; tum vero quod ecclesiæ catholicæ membrum mortua sit; unde alibi hæc etiam formulæ: *in pace fidei catholica, in pace cum sanctis, in pace Domini, in pace & Christo* &c. eodem sensu occurrant. Antiquissimi itidem in ecclesiâ usus est formula, qua *virgo sacrata* DI hoc est *Dei* appellatur *Columba*, ut significetur, divino cultui sub perpetuæ virginitatis voto dedicatam fuisse. Qua occasione plura de more velandi & consecrandi virgines apud veteres usitato erudite afferuntur. Quæ claudunt Inscriptionem verba *IN SEC* acclamationem exprimunt solennem *in sacula vivas*, quam superstites defunctorum tumulis inscribebant, partim ut affectum atque benevolentiam erga illos testarentur, partim ut spei, quam de ipsorum beato statu concepissent, indicium exhiberent.

ACHATES ISIACUS ANULARIS, COMMENTARIO explicatus. Prodit ex Museo Illustrissimi Marchionis ALEX. GREGORII CAPPONII.

Romæ, e Typogr. Rochi Bernabo, 1727, 4 maj.

Plag. 24 Tab. 20.1.

TAB. II.
Fig. 4 & 5.

AUctorem hujus scripti nisi multiplex doctrina, atque rerum antiquarum peritia, quæ undique elucet, eruditis proderet, certe subscriptio ignorare non patitur. In fine enim notatur absolutum hoc esse, *Roma ex aedibus palatinis in Quirinali, & deinde: J. Archi-Episcopus Ancyranus*. Unde intelligimus, Virum modo memoratum & aliis libris dudum celebratissimum, *Iustum Fontaninum*, ad Ancyram, nobilem satis Galatiæ urbem, Archiepiscopum, hujus gemmæ interpretationi vacavisse. Scilicet is antiqui operis achatem, ea magnitudine, quæ annulo includi, digitoque commode gestari posset, (cujus duplicem imaginem, alteram gemmæ adæquatam, alteram grandiore, per-

perspicuitatis causa, addimus,) invenerat in museo Marchionis Alex. Gregorii Capponii, quod nomen inter eruditos obscurum non est. Ea jam ante oculos eorum, quicumque in urbe Roma antiquitatis eruditæ studiosiores sunt, mire paverat : & est sine dubio antiqui operis, eleganterque exsculpta, ideo dignissima, cujus emblemata ab eruditis consideretur. Docet elegantiam exemplum ejus, quod delineatione exhibitum a Daniele Antonio Bertoli, municipe suo, laudat celeberrimus Fontanini. Aliquantum vero gratiæ venustatisque, ut ea quidem in typo minutula conservata est, in imagine majori, augendo singula, deperisse videtur. Caput mulieris non invenit in sculptum est, Egyptio habitu, a Numidica obtectum, atque variis concharum & unionum argutis oneratum. Ideo Isidem adornari Celeb. Fontanini putat, egregiaque doctrinæ abundantia evincit. Nec vel nobis dubium esset; nisi in hac gemma desiderarentur *lunaria* illa *cornua*, quæ, præter tabulæ Bembinæ lineamenta, unde hic simul exemplum dedimus, Isidis simulacro diferte tribuit etiam Ovidius, qui *Metamorphoseon* Libro IX versu 687:

TAB. II.
Fig. 6.

— — — *inserant lunaria fronti*
Cornua, cum spicis nitide flavescentibus auro,
Et regale decus.

Deinde 782: — — — *imitataque lunam*
Cornua fulserunt.

Et ne quidem *Persicæ* cum fructu *folia*, quæ & ipsa vertici supposita in illam speciem, veluti cornua, sinuantur, (ut est sæpius in *Leonardi Augustini* præsertim gemmis hæc Dea) nec fistri aliquid hic apparet; nisi tres illos clavos, e summo vertice prominentes, quos interpretari supersevit Nolter, esse aut fistri extrema, aut foliorum, intelligas. Ea autem omnia, cum in umbilico mensæ illius Isiacæ, quam *Pignori* interpretatus est, valde accurate expressa habeantur, non credibile est, vel universa, vel saltem aliquid eorum, facile omissum esse in hac gemma, quæ de cetero imaginem exhibet magna cura elaboratam. Numidicam, quæ expansis alis caput Isidis foveat, satis evidenter agnoscimus; nec suspicamur, hanc mulieris imaginem ex-

dem ratione ave insignitam, qua futura esset Pici, Latinorum regis, si extaret, secundum Ovidium Libro XIV v. 313:

Illam mihi niveo factum de marmore signum

Ostendit juvenile, gerens in vertice picum.

Neque dubitamus, quod & doctissimus *Fontanini* monuit, debuisse hac imagine vultum reginæ alicujus Ægyptiorum adumbrari: verum de Iside, an per omnia hinc appareat, in medio relinquimus. Postquam de Iside sententiam suam confirmavit hujus Commentarioli Autor; de Numidicis quærit, & qua ratione a Meleagridibus distinguantur, disputat: refutataque *Josephi Scaligeri* ad *Varronem* sententia, reprehensoque *Plinio*, ejusque interprete *Harduino*, decernit, Africanas atque Numidicas gallinas speciem esse Meleagridum. Nobis contra, si liceat, videtur, admitti posse judicium atque emendationem *Scaligeri*, nec erroris accusari debere in re domestica & quotidiana *Plinium*: potius & hunc & *Varronem* judicio critico atque emendatione quadam adjuvandos esse. Id si persuaserimus, in *Varrone* quidem de re rustica Libro III Cap. 9 autore *Josepho Scaligero*, modestissima interpunctione adhibita, legemus: *Gallina Africana sunt grandes, varia, gibbera. Quas Meleagrides appellant Græci, hæ novissima in triclinium genianum introierunt e culina, propter fastidium hominum.* In *Plinio* autem Libro X Capite 26, postquam unum versum, quem suo loco esse motum censemus, in ordinem restituimus, hac potissimum ratione: *Hæc idem quinto quoque anno facere eas in Æthiopia circa regiam Memnonis, exploratum sibi Cremutius tradit. Africa hoc est gallinarum genus, gibberum, variis sparsum plumis. Simili modo pugnant Meleagrides in Boeotia, quæ novissima sunt peregrinarum avium in mensas receptæ propter ingratum virus. Verum Meleagri tumultus nobiles eas fecit.* Id si admittamus, jam non adversatur his autoribus *Columella*, & quæ sententia est maxime expedita, apparet, secundum ea, quæ *Scaliger* tradidit, Meleagridum genus plane esse diversum a gallinis Numidicis atque Africanis, has quidem exquisiti habitas fuisse saporis, inter epulas Romanorum, pro testimoniis Poetarum sat frequentibus, quæ accurate in medium produxit *Noster*: Meleagrides contra fastidio gulonum

non

non æque a principio æstimatas, propter aliquid peregrini nidoris, qui carni inesset, quemque Plinius *ingratum virus* vocat, nobis ein wilbet Geschmack, qualis forte hodie nostro palato in Anatesylvestri deprehenditur. Nec desunt hodieque, qui delicato fastidio ea tanquam virosa aspernentur, quæ ceterorum consensu inter delicias epularum numerantur: possitque facile contingere, ut Romanorum palatum in iis carnibus saporem gravem atque virosum deprehenderit, quæ nobis hodie non eodem modo ingratis sapiant. Ut & illis quædam impendio exquisita, veluti glires, quæ nobis sine dubio virosa habentur. Potuerunt etiam, quæ revera virosa, ideoque ante tempora Varronis jure fastidita fuerant, deinde, ut hodieque sit, cum gula quasi in gratiam redire, atque stulto Gnathonum studio, æque impense commendari, ac antea spreta jacuerant, quemadmodum hodie testudines, cochleas, ostreas, conchas, ranarum lumbos, alia id genus, a quibus proavi nostri nimium quantum abhorruerant, multi vulgo, ut exquisiti saporis, liguriunt. Ne Plinium in re adeo pervulgata peccasse putemus, Ceterum conferri atque legi de Meleagridibus meretur *Laurentii Begeri* libellus (qui fugit, nisi fallimur, notitiam *Fontanini* nostri) singularis, *Meleagrides & Ætolia* inscriptus, editusque Coloniae Brandenburgicæ A. MDCCXCVI.

De capite autem Isis ut dispicere sit integrum eruditis lectoribus, ipsam, ut innuimus, geminæ *Capponianæ* imaginem æro czelato expressam exhibuimus, & una aliud idque locupletius ejus Dææ simulacrum, collo tenus, desumpto e tabula *Bembina* exemplo. Quo pacto, si contulisse liceat, facilius suum cuique antiquitatis studio arbitrium constabit.

ANASTASIS VETERIS GERMANI GER-
manæque feminae, cum integro vestitu comparentis; quorum effigies rarissima in urna prope Bostampium cum aliis reliquiis inventa est, explicata a GOTTL. SAMUELE TREUERO, Polit. Moral. & Histor.

Prof. Publ.

Helmstadii, sumptibus Christiani Frid. Weygandi, 1739, 4.

Plag. 6 c. fig. æn. 2.

Annus

TAB. II.

Fig. 7 & 8.

A Nnus jam tertius agitur, ex quo Generosiss. Dominus *de Marwitz*, Vir apud Brandenburgicos sago in primis inclutus, prædii suburbanum ad Bostampium partem renovari curans, urnam sub tumulo quodamprehendit. Hæc quanquam a fossoribus incautis fracta, integrum tamen Germani Germanæque simulacrum aliquod, quod in Figura 7 & 8 exhibemus, cum nonnullis fibulis exhibuit. Ex orichalco fustum erat, pondere trium unciarum & semidrachmæ, quod Experientissimo *Heistero* pro cura donatum pervenit tandem ad manus Cl. *Treueri*, Collegæ, antiquitatum scientissimi. Hic itaque sibi visus est in hac imagineprehendisse, quod vestitus antiqui apud Germanos rationem, rem hæctenus sere ignotam, pulchre illustraret. Observat vero Germanos veteres artis mechanicæ fuisse studiosos, idque jam temporibus Taciti; nam & ipsius icunculæ præsentis memoriam prope ab hujus Romani scriptoris temporibus repetit. Germanum nostrum gente Suevum fuisse, tunc temporis mortuum, quo Suevi Marchiam mediam occupassent. Antiquitatem certe ultimam confirmare illud existimat, quod carbones nulli in urna fuerint inventi. Viri vestimentum Rhenonum genus dicit, cujus Tacitus Lib. VI C. 21 de M. G. meminit. Addit, vestimenti hujus partem superiorem tam in longum fuisse porrectam, ut capiti tegendo quoque sufficeret, quæ in re Plutarchum de Cimbris in Mario differentem habet consentientem. Verosimile autem est, ejusmodi vestis genus tunc temporis invaluisse, cum milites belluarum pelles ita corpori adaptarent, ut pars pellis de capite animali tracta capiti tegendo inserviret; quæ vestimenti ratio antiquissima fuit. Porro cum Germanus, icuncula expressus, frontem revelet, & barba destituatur, recte Noster ex Diodoro Siculo animadvertit, non omnes Germanos fuisse incomtos, barbaque horridos; & jamdudum probasse Rhodium observat, etiam apud Cimbros cultum elegantiorum locum invenisse. Reliqua pars Germani nostri, quemadmodum ex icuncula patet, braccis involvitur, quæ tibialibus soleisque, in rostrum desinentibus, adsutæ sunt. Convenire vero braccas has cum illis, quas in Actis nostris 1684 p. 355 sq. in Achate Tiberiano exhibuimus ipsi, nisi quod strictiores paululum dixeris, Noster putat; quanquam nec ipsi

ipsi eo loco quicquam de bracciis notavimus, & adhuc sub judice
 lis est, an Germani in inferiore parte gemmæ, an potius Armeni
 captivi represententur. Germanos autem multo ante Christi-
 anismi initia rostratis pedum tegumentis incessisse; inde inter alia
 probat, quod Concilium Parisiense demum A. 1212 habitum homi-
 nes eorum usu interdixerit. Deinde ubi Cl. Autor ad feminæ ha-
 bitum venit, comprobatur, non omnes nudato capite incessisse, orna-
 tas etiam fuisse amictu laxiore ad pedes usque pertingente: quam
 posteriorem sententiam Tacitus confirmat, Plinius atque Strabo
 illustrent. Quo loco non immerito Noster *Cluverium* & *Lazium*
 notat, quippe nimia audacia in fingendis veterum Germanorum
 vestibus usos. Etsi vero vix putaveris, Germanos veteres, pro sum-
 ma ipsorum simplicitate, honori quoque manuum dextræ & sini-
 stræ locum fecisse, confirmat tamen Noster, sinistræ locum dextræ
 fuisse honoratiorem: propterea, quod ad sinistram viri in icuncu-
 la feminam positam videmus. Habuisse enim Germanos feminis
 ab antiquo summum honorem, probat: utpote quas divinandi ar-
 tis capuces quoque judicaverint. Qua de causa vero sinistræ quam
 dextræ major dignitas fuerit concessa, sibi haud constare fatetur.
 Fortetamen aliquid præsidii hæc sententia inveniret, si cum *Pic-
 zarte* asseramus, Germanos esse fratres Persarum, huncque mo-
 tum ad Germanos pervenisse a Persis, qui non nesciebant, lævam
 corporis partem magis infidiis expositam esse, quam dextram. Fu-
 sis deinde probat, Germanum nostrum e Suevorum gente fuisse,
 quippe quibus cadavera mortuorum cremare solenne fuit, quod
 quidem de Slavis & Venedis asseri haud possit: ubi simul contra
Celch. Schurzleischium disputat, & ejus argumenta, quibus Slavis
 ritum cremandi cadavera addixerat, destruere nititur. Inventus e-
 rat præterea prope urnam cuneus, ex lapide griseo sculptus, de quo
 animadvertit, bellicum id fuisse instrumentum ad similitudinem
 mallei contusoris Dei *Thor*, tonitruum apud Germanos præsidis,
 cujus in Edda Islandica memoria injicitur, fabricatum; & fluxisse
 inde sententiam eorum, qui ejusmodi cuneos pro malleo fulmina-
 ri habuerint, quos quidem Noster a vero longe abesse evincit.

כל הנביאים לפני משיח נזהרים בקרנם:

hoc est,

**BIBLIA HEBRAICA ACCENTUATA, SI-
ve Codicis Hebræi, accentuum radiis collustrati, ultra bis
mille specimina, quibus vexatissima loca, reliqua herme-
neusi non neglecta, nodis solvuntur; præmissis IV Dissertationibus in hanc rem, cum accentuationis utriusque ta-
bula. Additis, post spicilegium, conjecturis de accentuum
origine divina, & obsignationis ratione apud priscos.
Opera & curis M. GEORG. CHRISTOPH. DACH-
SELII, Past. Technitii prope Dæbelam. Accedit Præ-
fatio SALOMONIS DEYLINGII, SS. Th. Doct.
& P. P. Celeberr. Lips. Præsulis &c.**

Lipsiz, in ædibus Riesianis, & apud Joh. Sam. Heinsium, 1729, 4.
Alph. 9 pl. 10.

UT suspecta sæpius & tantum non nauseosa videtur accen-
tum Codicis Ebræi indagatio, quam inter lusus & crepun-
dia eruditorum numerandam, aut non magis ac fecundioris in-
genii gymnasium, admirandam esse, arbitrantur nonnulli: ita
egregium profecto & commemorabile opus inolitus est Pl. Rev.
Autor, Technitensis primum, nunc Geringswaldensis Ecclesiæ
meritissimus Pastor, dum proluxa hæc commentatione, a sæculi
tædio vindicare eandem, facemque & lumina plurimis Scripturæ
effatis accentuum imprimis jubare, præferre fuit aggressus. Non
præcipitatum opus, sed deliberatus labor; viginti & quod excur-
rit annorum sortus est, multis vigiliis, indefesso studio, varia
doctrina & laudabili perspicacia perpolitus. Ornat eundem
præmissa S. R. Deylingii Præfatio, de accentuatione quædam dis-
serens. Excipit illam Autoris *de differentia interpunctionis*
p. 1—10. *V. & N. T. Dissertatio, distinctionum beneficio plura N. T. ora-*
11—52. *cula illustrans: quam Anti-Bromsmannianarum Disputatio-*
53—76. *num biga comitatur; & alia de unctione Elisai & reliquorum*
Prophetarum ex 1 Reg. XIX, 6, disceptatio, illud gloriæ genus
Prophetis denegans. Adjecta tandem utriusque accentuatio-
nis tabula est. Opus ipsum ultra bis mille S. Codicis pensa, per
ordi-

ordinem librorum sacrorum disposita, in aciem producit. Eru-
ditorum, quos recentior ætas vidit, doctas de oraculis quibus-
dam & enarrat diligenter & dirimit quandoque lites. Ea hic
reperies, quæ inter S. R. *Abichtium* & *Job. Franckium* de accen-
tibus & locorum quorundam interpretatione fuerunt disputata;
allatas *Buddæi*, *Zeibigii*, *Starckii*, *Rustii*, *Clerici* aliorumque
Philologorum, & in compendium nullas expositiones, quo vel
unico de exegetica theologia bonisque litteris præclare meri-
tus est Autor doctissimus. Neque tamen tenax adeo accentuum
est, ut non varia simul inspergat, quæ grata Lectori & accepta
perquam, non poterant non esse.

Initium a commate primo *Genesios* factum, & in jura præ-
cipue Athnachi inquisitum; quem in voce אֱלֹהִים, ad signifi-
candam personarum in essentia divina unitatem, adjectum sta-
tuit Cl. Autor; cum alias, si gentis Israeliticæ ingenium ad ido-
latriam adeo proclive spectes, vix sine periculo plurale nomen
fuisse adhibendum. *V. 7* aquas supraccelestes, nubes notare ad-
struit & confirmat; *v. 20* aves ex undis prodiisse negat; *v. 26*
voces קוֹר וְקוֹל & קוֹל וְקוֹר non per hendiadyn, sed *κλίμακα* poti-
us, accentuum virtute interpretari mavult. *Cap. III, 3*, illud
וְאֵן quod interdicto divino addere videbatur Eva, pro verbo
prægnante habet, ut non generatim attingendi libertas negetur,
sed tactus saltem ad degustandum comedendumque pomum
compositus interdicatur. *V. 8* וְאֵן non ad Jehovah, sed
vocem per hortum ambulantiem spectare, iterum interpunctio
docet: *Aura diei* vero, live וְאֵן Autori tempus vesper-
tinum est, quo ingruente latebras quæsierint Protoplasti, non
quidem ut Deum laterent, sed ut tremendum ipsius conspectum,
fulgura ac tonitrua, quantum daretur, effugerent. Ad *v. 14*, quam
iusta fuerit Numinis in serpentem animadversio, docet; in eam
tamen pronus est, quod mirabamur, opinionem, aliquam cor-
poris mutationem execrationis divinæ vigore illum subisse:
Quidni vero etiam, ait, *potuit amittere pedes?* *V. 21* Denm il-
lico ipsam vestes Protoplastis, & ex lana quidem confecisse, ut,
quam promptus sit ad salutis vestes concedendas, hoc ipso decla-
raret. *Clericum* simul confutat, cui tunicæ istæ tabernacula

p. 104.

106.

108.

p. 122.

125.

funt pellibus tecta. Quæ v. 22 occurrunt: *ecce homo factus est sicut unus ex nobis*; dolentis & commiserantis eloquia esse pronuntiat. *Cap. IV, 1* Evam medios inter partus dolores inconcussam in Messiam fidem profiteri, neutiquam vero, quod per omnem modum absit, pro Messia habuisse Cainum, opinatur. *V. 7* contra *Hederi & Abichtii* inprimis sententias insurgit. *V. 13* Cainum non desperantem, sed de gravitate *py* s. pœnæ peccati conquerentem sistit. *V. 15* ita exponit, ut de posterorum impietate & pœna vaticinium tradi, priori tamen hemistichio prædicatum, alteri subjectum deesse existimet, hoc modo: *Certe propterea omnis occidens Cainum scilicet iterum occidetur: Cain vero, per septimam generationem vindicabitur*; h. e. non violentum Caini aggressorem, sed Cainum ipsum vindicandum & in septima generatione pœnas fratricidii Caini a posteris esse sumendas; eam vero in diluvii tempora incidere, cum in Lamechi prosapia, spurcissima mortalium feces, sanguinera undis ulcisceretur Jehovah: coll. *Sap. X, 4*, *Signum Caini* Autori Cl. promissio Numinis est, de vita Caini adversus invasoris injurias tuenda. Lamechi verba v. 23 *num quid ego occidi virum?* pro negantibus habet. Occurrit *Cap. V, 29*, duabus distinctionum notis instructa vox *וְהָאֵל* quæ quidem accentuum geminatio ipsi emphaseos singularis, Nobis diversæ tantum lectionis nota est; uterque enim ex consecutionis lege accentus sedem illam occupare poterat. Noachus *Cap. IX, 25* in verba tam dira, ex hariolatione Cl. Autoris erupit, non quod nudum viderat patrem Chaimus, sed quod lascivioribus forte in parentem verbis usus fuerat. Ad *C. X, 14* notat, Philistinos neutiquam ex Kaphthoræis ortos, sed ex provincia Caphthor eductos esse. *Comma 24 Cap. XIV* accentibus prævisis ita reddit: *Abfit a me, tantum quod comederint isti pueri s. servi, grandævi Patriarchæ intuitu ita dicti, isti habeant; imo portionem accipiant homines, qui iiverunt mecum: Aner, Escol, & Mamre quod concernit, ipsi accipiant portionem suam. Cap. XV, 13* Athnachus docet, quadringentos annos, non servitutis modo, sed & peregrinationis tempus complecti. Angeli ad Abrahamum orationem *Cap. XVIII, 10*, ita reddit: *revertar ad te וְהָאֵל* h. e.

secun-

secundum tempus puerperæ & obstetricis, exactis novem mensibus. Eodem sensu Ægyptiacas obstetrices de Ebrzorū sceminis pronunciare, eas חיות, non quidem vivaces & robustas, aut cum b. Luthero, *harte Weiber*; sed potius *obstetricandi notitia instruat*, sicque sine omni Ægyptiarum ope pueros enixas esse. Ex. I, 19, coll. 2 Reg. IV, 16. De uxoris Lothi fato ad C. XIX, 26, statuit, eam in perpetuam salis statuam fuisse conversam. Difficile illud draculum C. XX, 16 ונת כל ונכת ita transfert: *Et hoc omne*, scilicet, ut reprehenderetur, & præcedens חות, vel ad maritum, vel ad argenteos referre jubet. Ad Cap. XXII, 14, an nomen Jehovæ monti accreverit? docte disquiri. Capituli XXIII, c. 18, emendationi hac versione, ab immeritis & precariis plane Clerici criminationibus liberat, absona nempe & imperfecta ratione propositionem distingui: *Abrahamo* scilicet cessit, vel emancipatus est ager in possessionem eorum filiis Chet: Et quidem ipsi cessit inter omnes, qui ingrediuntur portam urbis illius. Circa Haaci nuptias C. XXIV, 63, 64, observat, eum לשון meditationis causa egressum esse: illo autem conspecto Rebeccam procidisse, h. e. sponte sua cum sedili ex camelo in terram se demisisse. In Jacobî voto C. XXVIII, 21 verba ויה יהיה לי לאלהים ad Protasiam rectissime refert. Felix non minus, quam ingeniosa est C. XLIV, 5, translatio: *nonne hoc* scilicet poculum vel scyphus est, *ex quo bibit Dominus meus?* Et nonne illud est, *de quo observando observaverit*; i. e. prudenter colligit Dominus meus, non indigenas, sed ævenas & peregrinos scyphum abstulisse? Cum incurvasse se super caput lecti, scilicet pulvinar & cervical dicatur Jacobus C. XLVII, 31, illud ita factum fuisse contendit, ut coll. Ebr. XI, 21, super baculum summi suum se imposuerit. Nec ultima Patriarchæ hujus verba, quæ C. XLIX nobis servata leguntur, intacta dimisit doctissimus Commentator. Potiora dabimus. V. 3, *Ruben, primogenitus meus tu es, virtus mea, & primitia roboris mei: Excellentia dignitatis, & excellentia potentia*, scilicet es, vel esse deberes, primogenituræ beneficio, quæ sacerdotii & Imperii jura tibi decernit. V. 4 *Rapiditas seu festinatio sicut aqua*; i. e. verum, tam inconsiderato & præcipiti animo in peccatum, in belluinam libidinem illam ruisisti; *ne excellaris*; i. e. ut minime obtineas sacerdotium & in fratres imperiunt, quia *conscendisti cubilia Patris tui: Tunc*

- polluisti te nefando facinore; *stratum enim meum ascendit* scil. Ruben! *V. 18 in salutem tuam, o tribus vel fili mi, Dan, expecto Dominum. V. 19 Gad quod attinet, turba populabitur eum; sed ipse populabitur tandem alios. Comma 22 ad duas tribus e Josepho oriundas pertinere credit, longe lateque vitis instar aut hederæ ad murum plantatæ, ac super illum eminentis, ultra & cis Jordanem diffusas; & ipsum Jordanem per hæreditatis portionem manantem. Sensus inde talis prodit: *בן פרט Ramus* (ob Masc. G.) crassior & fecundus, *fructifera arboris*, est Joseph, imo *ramus fructifera arboris, juxta fontes, Jordanem puta, plantatæ, ut sic rami ejus super aquam se extenderint: בנטי Ramusculos tenuiores* (ob Fœm. G.) quod attinet, *prominebat* quilibet eorum *super murum*, ut arbos vel hedera, in muro surgens. *V. 24 ad Josephum ita fatur venerandus Senex: E manibus potentis Jacobi, i. e. ab ipso Deo, inde pascens, scil. tu Joseph in Ægypto lapidem Israelis angularem* Syr. 49, 17, i. e. me meosque, 74 illas animas, & deinceps longe plures, quas in Ægypto aluisti, & quæ fundamentum domus Israelis, & totius populi Judaici erant. *Exod. II, 10, onomatheian Mosis non filiz Pharaonis sed matri infantis deberi judicat h. m.: Sed vocaverat ipsa mater, jam antea, quam ad filiam Regis adduceret puerum, nomen ejus Moysen, & dicebat; quia ex aquis extraxisti, vel ex aqua extrahendum curasti; scil. tu filia Pharaonis, eum. C. XX, 3 illud פני-לך interpretatur prater personas meas; i. e. prater filium meum & Sp. S. non habebis Deos alienos; vel generatim: prater me, i. e. Deum Patrem, Filium & Sp. S. Ubi de præcepto IX v. 14 agendum est, Calvinianam decalogi distinctionem impugnat, simulque de accentuatione decalogica egregie differit. Ex. XXI, 8 ita illustrat: *si mala visa fuerit ancilla in oculis Domini sui, quam non desponsavit sibi; redimere faciet eam. Germ er muss machen, dass sie sich lösen kan; simulque de Keri & Kibh circa נל & נל varia docte disputat. Cap. XXXII, 24 Aaronis sermonem ita exponit: Cumque dicerem ad illos, cui est aurum, scil. offerat illud; abruperunt statim monilia aurea, & dederunt mihi; sie lieffen mich nicht einmahl recht ausreden, so war Gold schon hauffenweise da.***

Sed nimis prolixum foret omnes huc transferre lepores, & felicia perquam in difficiliore Codicis S. sententias, meletemata.

Ita

Ita sane comparatum deprehendimus *Dachselianum* hoc Opus, ut sine voluptate & singulari fructu illud a nemine eruditorum lectum iri, prorsus existimemus. Restant memorandæ de origine accentuum conjecturæ. Adjecta nimirum calci sunt *Excerpta ex P. II, p. 622.* *conjecturis sanctioribus de accentuationis Ebraeae autore divino, ejusdemque solenniori introductione, ubi obsignationis ritus apud priscos deteguntur; item scopo & usu; & de Keri & Cbetib origine atque usu; ex amici epistola, ejusdem præsenti communicata.* Res eo redit. Accentus, pronuntiationis vivæ imagines, a Patriarchis ante diluvium divina ope esse inventos, ut distinctiones & pausa, sedes toni, emphasis & pondus, elevanda & demittenda vox, notis hisce indicarentur. Attollendam vocem, accentus supra lineam positos, demittendam subjectos lineæ postulare; & si in uno vocabulo junctim occurrant, altum & imum tonum sociandum esse. Sakeph gadol majorem inprimis vocari, quod fratre suo majorem inter pronuntiandum vim habeat. Metricam accentuationem prosaica antiquiorem esse, canticis forte filiorum Dei in sacris conventibus usitatis accommodatam. Hoc ipsum librum Jobi, post priorem Geneseos partem antiquissimum, testari, ejus uni quidem parti metricos accentus autor ipse; alteri prosaicos aliena manus adjecerit. Idem & primævorum Patriarcharum hymnos confirmare, Henochi aliorumque, in Psalmorum volumen relatos, v. c. *Pf. I, II, XL, XLV, L, LXXV, XCVII*, quod *§. V p. 628* uberius peroratur. Metricam ergo, Prosaiç ab *Henoch* vel *Semo* cum litteris excogitandæ, occasionem dedisse; utramque autem ante diluvii tempora viguisse. Metricæ vestigia Mosis tempore *Ex. XV, 1 sqq. Josue, c. X, 13, Davidis 1 Sam. XVIII, 7, 2 Sam. I, 18,* quarit Autor, per *משנה סוד* sive *librum recti*, tabulam Psalmodicam intelligens, ad quam in circo gesta heroum fuerint decantata. Accentuum antiquitatem 1 ex duplici decalogi accentuatione adstruit. Eam duplicis pronuntiationis argumentum esse: *Irata s. Preceptiva*, Deique irati detonantis, & hanc in prioribus frædisque tabulis solam fuisse conspectam; & *gratiosa s. versularis*, Christi digito in posterioribus tabulis adscriptam & priori superadditam *Gal. III, 19, 20*. Eandem distinctionum vetustatem 2 ex historia obsignationis librorum apud veteres hebræos solennis. 3 Israelitarum erga Libros sacros reverentia, 4 & 5 sapientia tandem &

624. §. 2, 3.

4, 6.

p. 630:
627.

§. 8.

p. 632,

§. 9.

- §. 10. & providentia Dei, deducit. Sed & quo pacto inveci fuerint in omnes librorum sacrorum codicillos, accentus, monstrandum erat. Scilicet *Pentateucho*, *Josue*, *Danieli*, *Efra*, *Jobo*, *Psalms*, *Proverbiis*, *Jesaiæ* ipsos autores; reliquis *Esdræ* adjecisse interpunctionis notas pronunciatur. Hinc de obfignatione librorum agitur. Scribebant in tabulis singula veteres, ne tamen arcana, tabellariis aliisque paterent, obfignatione cavebatur. Divellebantur a quadratis litteris vocales & accentus, membranosis ligamentis inscribendi, quæ convolvi seorsim & substerni iterum litteris poterant. Ligamentis illis clavium codicillarium nomen erat. Tales 1 voce *תחת* *Jes. VIII*, 16, 20 innui putatur: probari non minus 2 punctis, quæ sine litteris in textu sacro apparent, ex ejusmodi codicillo seu clavi depromptis: 3 verbo *דח* quod separationem vocalium a litteris sub excisionis tropo sistit: 4 *Ap. X*, 4, ubi Johannes hebraicis characteribus elementa quadrata scribens, voces tonitruum separatim consignare, & scriptione non manifesta, libello Apocalypitico inferere, ex Anonymi nostri fictione, jubetur. Huc & 5 historiam emtionis agri anathotzi *Jer. XXXII*, 10, 12, 14, 44, detorquet. Tria se volumina hic invenisse sibi visus, instrumentum obfignatum, stipulationis librum & clavem convolutam: quæ ex mente ejus, post reditum ex captivitate fuerunt reperta. Plura sententiarum præsidia 6 in verbo *דח*, 7 in Keri & Chetib; quin & 8, 9 locis Scripturæ de obfignatione præcipientibus conquirat. Nominat *Gen. I*, 4, coll. *Zach. IV*, 10, 2 *Tim. II*, 19, it. *Ex. XXVIII*, 11, 36, *XXXIX*, 6, 14, 30, *Deut. XXXII*, 34, *Job. IX*, 7, *XIV*, 17, *XXIV*, 17: ex N. T. *Luc. XI*, 52, *Job. III*, 33, *VI*, 27, *Rom. IV*, 11, 19, alia plura. Keri & Chetib, obfignationis codicis a Deo per Jesaiam mandatæ deberi ait: & Keri quidem ex clavi ad minus solennem codicem spectante depromptum, quæ ad antiquissime obfignatum Codicem non pertinuerat. Alia quoque occasione ex *Mal. II*, 4, 7, *Pf. LXXXI*, 6, &c. demonstraturum se Noster promittit, Geneseos librum a Josepho continuatum & ad umbilicum perductum esse, cum Jobi forte libro, certe cum canticis quibusdam antediluvianis, maxime cum Henochi Psalmo Prophetico Ep. Judæ citato; eumque in manus Levi, una cum sacerdotio totius gentis a Josepho nutu divino traditum, & in Amrami familia ad Aaronem usque fuisse asservatum. Plurima omnino in his conjectanciis monenda essent. Indubie Codicis auctoritati & *βεβαιότης* cordis adeo necessariz, an hoc pacto consuli possit? ipse Autor videat: Et si quidem serio hæc protulit, ut in justum systema sententias compingat; solidius confirmet; ab intestina, qua laborare videntur, simultate liberet; justasque cordatiorum accusationes amoliat; sedulo allaboret. Eam ad ultimum seculo nostro exoptamus felicitatem, ut prudeat tandem Vir quidam doctus, qui Accentuationem Ebraicam indubiis principiis muniat, & quicquid adhuc difficultatum, non sane levium, superest, tollat aliquando nebulasque pellat.



ACTA ERUDITORUM,

publicata Lipsiæ

Calendis Maji Anno MDCCXXX.

ATLAS MARITIMUS ET COMMERCIALIS;
or, a general View of the World &c.

h. e.

CONSPECTUS GENERALIS TOTIUS
terrarum orbis, in relatione ad commercium & naviga-
tionem, describens omnia littora, portus, & insigniores
fluvios, juxta recentissimas explorationes & exactissimas
observationes; una cum amplissima descriptione commer-
cii, quod inter varias orbis nationes per mare & navi-
gabiles fluvios exercetur, itemque originis, incrementi &
decrementi ejusdem. Additæ sunt Directiones naviga-
tionum ad omnia nota littora & insulas globi terrestris,
cum insigni apparatu mapparum maritimarum, partim
juxta methodum Mercatoris, partim juxta novam proje-
ctionem sphericam, ab HALLEJO approbatam, con-
structarum. Denique etiam adjuncta sunt duo ampla
Hemisphæria cœlestia, quibus omnes stellæ catalogi
Britannici continentur.

Londini, apud Knaptonos, Guil. & Jo. Innys, &c. 1728, fol.
forma Atlantica maxima.

Const. Alph. 6 pl. 2 & 55 Tabulis.

Splendidum ac plane eximium Opus hic exhibemus, quod
in duas præcipue Partes dividendum duxerunt Autores. In
una res propositæ ita historice pertractantur, ut primo
Bb qui-

quidem de ora maritima Europæ, de regionibus ac urbibus ad
 oram istam ac prope insigniores fluvios sitis, commercioque
 opportunis, deinde de ipso Europæorum commercio, de rebus
 cum naturalibus tum arte factis, quantum in commercio usus est;
 porro de ora Asiæ, & de commercio regionum ibi sitarum;
 post de ora Africæ, commercioque Africano; denique simili-
 ter de America atque ejus commerciis, copiose, diligenter, ac-
 curate, & juxta recentissimorum præstantissimorumque scripto-
 rum fidem, agatur. Pars altera Directiones navigationum ex-
 hibet versus insigniores portus orbis cogniti, cum compluri-
 bus mappis nauticis, quantum pleræque juxta novam projectio-
 nis methodum sunt constructæ, præmissis Directionibus in u-
 sum nautarum, ubi variis problematibus docetur, quo pacto
 mappis utendum sit. Tota inscriptio hujus partis ita se habet;
 „*A general coasting Pilot &c.* I. e. Naclerus littora legens; quo
 „directiones navigationis exhibentur, ad præcipuos portus or-
 „bis cogniti, itemque ex iisdem; cum fasciculo mapparum ma-
 „ritimarum, quarum nonnullæ juxta *Mercatoris* methodum,
 „sed pleræque juxta novam projectionem sphericam sunt con-
 „structæ ita ut distantia locorum, ope scalæ partium æqualium,
 „quantum fieri potest, accurate mensurari possint, approbante
 „hanc projectionis methodum *D. Hallejo*. Addita sunt duo he-
 „misphæria per planum *Æquinoctiale*, quibus universæ stellæ ca-
 „talogi Britannici continentur; præmissæque sunt Directiones
 „in gratiam nautarum, ubi usus mapparum sphericarum faci-
 „li methodo traditur, exemplisque & computo arithmetico
 „illustratur; opera & studio *Nathanielis Cutleri*. „ Direction-
 „um igitur nauticarum Autor est *Cutlerus*; mappas invenerunt
 „& construxerunt *Joh. Harris, Joh. Senex, & Heinricus Wilsonius*;
 „num qui etiam alii, præter hos, in conficiendo hoc opere studi-
 „um suum contulerint, quique illi sint, incertum. Indices quo-
 „que, ne quid deesse videatur, adjuncti sunt satis copiosi atque
 „accurati. In Præfatione diligentiam a se adhibitam animum-
 „que a partium studio alienum exponunt collectores. Sed &
 „aliam adjecit succinctam Præfationem *Hallejus*, ubi imprimis de
 „mappis earumque accurata constructione & projectionis me-
 thodo

thodo differit. Scilicet dubium non est, quin exacta descriptio
 oræ maritimæ, portuumque orbis habitabilis, iusto loco & di-
 stantia exhibitorum, inter summa numeranda sit, ad quæ pertina-
 gere humana industria ac scientia queat: maximeque hanc ar-
 tem ac scientiam perfici earum interest nationum, quarum sa-
 lutis & felicitatis non minima pars a flore commercii depen-
 det. Neque vero infitiandum iudicat Celeb. *Hallejus*, quin Lati-
 nis ac Germanis plurimum hac in re debeatur, qui primi ejus-
 modi littorum descriptiones, & navigandi vias exhibuerunt.
 Ceterum cum his recentissimis temporibus, ope observationum
 Astronomicarum, sub directione cumprimis Societatis Regiæ
 Anglicanæ, & Academiæ Scientiarum Parisiensis, quamplurimi
 sint detecti ac correcti errores, circa verum locorum situm in
 globo terrestri, utique his correctionibus atque observationibus
 rite utendum est; quibus etiam adjutus ipse Celeb. *Hallejus*, cir-
 ca annum 1700, occasione novi sui systematis variationum ma-
 gneticarum, egregiam exhibuit universi Oceani tabulam, harum
 rerum studiosis satis superque notam. Nunc his rebus com-
 moti atque excitati præsentis Operis collectores etiam longius
 progrediendum duxerunt. Itaque novas construxerunt map-
 pas nauticas, cum recentissimis observationibus quam accura-
 tissime respondentes, ac præterea juxta commodiorem proje-
 ctionis methodum, quam quæ hucusque fere in usu fuit, elabo-
 ratas. Etenim vulgo nautæ mappis sive tabulis planis uti so-
 lent, quibus ita exhibentur partes etiam majores globi terraquei,
 tanquam ipsa terrarum ac marium superficies non spherica sed
 plana esset. Atque id non aliam ob causam faciunt, quam quia
 hoc modo locorum quorumque distantias ope scalæ partium
 æqualium se dimetiri posse confidunt, rejicientes ideo mappam
 vere nauticam, quæ *Mersatoris* vocatur, propterea quod cre-
 scentibus in ea continuo gradibus latitudinis (meridiani enim
 rectis parallelis, ac lineæ rhumbicæ itidem rectis designantur)
 non licet unam atque eandem scalam in omnibus ejus partibus
 adhibere. Ceterum cum absurda inapparum planarum intel-
 ligentibus satis pateant, ut & hæc evitarent nostri Autores, & si-
 mul tamen iis, quantum licet, satisfacerent, qui una eademque

scala distantias metiri cupiunt, nova atque artificiali quadam projectione in conficiendis tabulis suis usi sunt, ab ea non multum discrepante, de qua Ptolemaeus in extremo primo Geographiae meminit. Scilicet gradus latitudinis sunt omnes inter se aequales, perinde ut in ipso globo; meridians per mediam fere mappam transiens linea recta designatur; meridiani ceteri sunt curvi, polos versus ad se invicem inclinati, & in ipsis polis, ut par est, concurrentes; gradus longitudinis in circulis parallelis sensim decrescunt; atque ipsi illi paralleli non rectis lineis sed curvis designantur, eamque habent inter se & cum meridianis proportionem, ut distantiae locorum, saltem non nimis magnae, satis certo mensurari possint scala partium aequalium. Postremo, ut hae mappae omni nautarum scopo respondeant, insertae etiam sunt loxodromiae, seu lineae rhumbicae, quae curvae spirales sunt, in ipsis polis terminandae. De cetero primarium pretium mapparum hujus generis in eo positum est, ut rectissime judicat Celeb. *Hallejus*, quod littora, portus, & loca rebus designata, juxta veras ipsorum longitudines & latitudes sunt expressa; neque adeo multum refert, cujus generis sit projectio, dummodo istud ipsum rite obtineatur.

ISAACI NEWTONI, EQ. AUR. IN ACADEMIA Cantabrig. Matheseos olim Professoris Lucasiani, Lectiones Opticae, Annis 1669, 1670, 1671, in Scholis publicis habitae, & nunc primum ex MSS. in lucem editae.

Londini, apud Guil. Innys, 1729, 4.

Alph. I pl. 16 Tabb. 22. 24.

NULLA commendatione opus esse libro, qui magnum *Newtonum* autorem habet, non injuria censere videntur doctissimi hujus Voluminis editores. Continentur in eo Praelectiones publicae, quas Vir immortalis memoriae in Academia Cantabrigiensi habuit, postquam *Barrovius* A. 1669 ipsi concessit cathedram *Lucasianam*. Notissima jam sunt orbi erudito egregia ejus inventa de luce & coloribus, quae tunc primum publi-

publicis hisce lectionibus proposuit, ac postea maximam partem in opus incomparabile *Optices*, A. 1704 publicatum, transtulit, multisque novis repertis auxit. Quamvis vero hoc ipsum, & immaturæ quædam, statim ab initio exortæ imperitorum cavillationes, in causa fuerint, quo minus ab ipso Autore adhuc superflite hæ lectiones ederentur, rem tamen gratissimam harum rerum peritis præsentī editione factam esse, nulli dubitamus, partim quod summorum ingeniorum præclarissima inventa in ipsa origine intueri jucundum est, partim quod omnino non pauca hic reperiuntur egregie demonstrata atque explicata, quæ in libro *Optices* sunt omīssa, & quorum etiam nonnulla in Lectionibus opticeis *Barrovi*, sed sine demonstrationibus, jam sunt proposita. Et cum ipse olim *Newtonus* exemplum harum prælectionum *Gregorio* dedisset, id inprimis sequendum atque exprimendum editores duxerunt; qui tamen, cum post impressum jam librum audivissent, atque ex ipsa collatione invenissent, codicem manu exaratum & in Academiæ Cantabrigiensi archivis asservatum, magis esse absolutum, quam ipsum quidem exemplar *Gregorianum*, differentias etiam istius codicis, una cum erroribus typographi sat multis, sub finem libri annotarunt. Denique ne quid deesse videretur, paucae quædam annotationumculæ, partim post Præfationem, partim sub ipso textu adjunctæ sunt. Nunc ut ipsam libri dispositionem ac tractationem paullo luculentius exhibeamus, sciendum est, eum in partes duas, rursusque unam partem in quatuor, & alteram in duas Sectiones dividi. Et statim quidem in Sectione prima prioris partis de radiorum diversa refrangibilitate, de imagine solis, in obscuratam cameram per exiguum foramen rotundum intromissa, ac deinde per prisma vitreum trajecta, de imaginis hujus figura, magnitudine & distinctione, agitur. Sectione altera mensuræ refractionum, variique modi explorandi rationes sinuum & ipsas vires refractivas corporum cum solidorum tum fluidorum, exponuntur ac demonstrantur. Positisque hoc pacto genuinis refractionum legibus, in sequentibus duabus Sectionibus ad explicandas varias refractionum affectiones progreditur Autor, ita ut in Sectione tertia de planorum refractionibus,

itemque de punctis, ad quæ convergere, & per quæ transire debent radii omnis generis refracti; Sectione autem quarta de refractionibus curvarum, & imprimis sphaericarum superficierum, de determinando foco istarum superficierum ope radii curvaturæ, tandemque de radiorum refractorum a principali foco errore, partim ex ineptitudine figuræ sphaericæ, partim ex inæquali refrangibilitate radiorum heterogeneorum oriundo, disquirat. Reperit autem utrosque errores inter se comparans, priorem in parvis sphaerarum portionibus, atque adeo etiam in vitris telescopiorum objectivis, longe minorem esse quam posteriorem, quippe cum hic ad illum se circiter habeat ut 1521, vel potius (ut editores errorem, qui in hunc calculum irrepsit, correxerunt) ut 984 ad 1. Ex quo concludit, heterogeneitatem lucis, non vero ineptitudinem figuræ sphaericæ in causa esse, quod telescopia in maiorem perfectionis gradum nondum promota habeamus, eamque perfectionem a conicis sectionibus frustra expectari. Jam in altera harum lectionum parte ad exponendam & per multa prismatis experimenta demonstrandam naturam atque originem colorum pergit *Newtonus*, principioque aliorum hac de re opiniones, an errores, breviter perstrinxit, quippe in communi illo ac plane falso dogmate inter se plane consentientes, quod modificatio lucis, qua singulos colores exhibet, ei non sit insita ab origine sua, sed inter reflectendum vel refringendum acquiratur. Inter radios lucis nullum hi discrimen agnoscunt, priusquam incidant in corpus aliquod colorificum, opinati tantum, quod, pro varia dispositione corporis istius, variis modis reflectantur vel refringantur, & pro specie modificationis, quam sic acquirunt, varia deinde colorum phantasmata spectantibus exhibeant. Mixtura lucis & umbræ, gyratio globulorum, vel varia vibratio mediæ, non supponuntur inesse radiis antecederet ad eorum reflexiones vel refractiones, sed per istas actiones generari creduntur; quemadmodum & Peripatetici statuunt, colores a corporibus originem ducere, quorum dicunt esse qualitates. At contrarium in sequentibus demonstrat *Newtonus*, quippe qui reperit, modificationem lucis, unde colores originem sumunt, luci omnino connatam esse, ut

que

que a reflexione aut refractione oriri, neque a qualitatibus corporum aut modis quibuscumque, nec denique ab iis vel destrui posse, vel ullo modo mutari. Ostendit igitur 1) quod radiis diverse refrangibilibus competant diversi colores, maxime refrangibilibus purpura seu violarum color, rubor minime refrangibilibus, mediocribus vero viriditas vel potius confinium viridis & virentis caerulei; ipso caeruleo purpuræ & viriditati, flavo autem viriditati & rubori intercedentibus; 2) quod nullius radiorum generis forma sive dispositio colorifica, vel refractione vel alia quacunque causa, mutari possit, sed quod potius unicum tantum sibi proprium colorem unumquodque radiorum genus semper conservet & exhibeat, si modo a radiorum diversi generis mixtura non conturbetur; 3) quod color albus & niger una cum cinereis seu fuscis intermediis fiant ex radiis cujusque speciei confuse mixtis, & similiter quod ceteri omnes colores, qui non sunt ex primitivis, per varias horum radiorum mixturas producantur; 4) quod etiam primitivi colores per mixturam radiorum alterutrinque confinium exhiberi queant; viridis e. g. ex flavo & caeruleo, flavus ex adjacente viridi citreoque, & sic porro; 5) denique quod omnes omnium corporum colores non aliunde generentur, quam e dispositione quadam, qua apta sunt, ut alios radios reflectant, & intromittant alios; ita ut corpus rubrum sit, quod radios ad rubedinem aptos reflectat maxime, & plerosque ceteros intromittat; purpureum, quod radios isti colori generando proprios reflectat, intromittat alios; album, quod fere omnes reflectat; & nigrum, quod omnes pene intromittat, paucissimis, sed omnium tamen specierum radiis receptis. Positis hoc modo fundamentis, quibus colorum phenomena nituntur, jam deinceps in altera hujus partis Sectione nonnulla istorum phenomenon atque effectuum sigillatim tutor persequitur. Et primo quidem de iis agit, quæ cum prismata tum alia corpora pellucida, planis superficiebus terminata, exhibent; deinde etiam de iis, quæ a refractione curvarum superficieum, ipsarumque partium oculi, imprimis tunice corneæ, oriuntur. postremo de iridis sive arcus cælestis vera constitutione solidissime disquirat. Imaginem solis oblongam & colo-

coloratam, quæ in pariete obscuratæ cameræ ope prismatis depingi solet, quam curiosissime dimensus, reperit, spatia a singulis coloribus occupata non æque magna esse, sed proportionem quandam musicam, a certa alia proportionem geometrica non magnopere discrepantem, inter ea locum habere. Prismate ante oculos collocato, non modo in aliis locis apparere res quasque visas variisque coloribus tinctas, sed interdum etiam contra fieri ostendit, scilicet ut res colorata, velut imago solis jam sæpius commemorata, si per aliud prisma, e iusta distantia aspi-ciatur, coloribus istis plane denudata appareat. Irides sive coronas coloratas, quales nonnunquam circa candelarum flammam videntur, a rugis quibusdam seu plicis tunicæ corneæ (quas etiam aliquando in crystallini superficie existere posse non prorsus negandum putat,) accurate deducit. De radiis a lucidis corporibus hinc inde ad instar trabium in longum protensis, cum oculis pæne clausis ea aspicimus, ita censet: humiditatem, quæ inter cilia & tunicam corneam versatur, secundum extremitates ciliorum, velut aquam ad parietes vasis, quibus terminatur, nonnihil assurgere; atque hinc fieri, ut aliqui radii ab hac humiditate prius refringantur, quam attingant tunicam corneam, & sursum detorqueantur in confinio superioris cili, ac deorsum in confinio interioris. Jam quod admirum illud cælestis arcus spectaculum attinet, cuius originem post *Antonium de Dominis* egregie demonstravit *Cartesius*, sed causam physicam minus feliciter indagare aggressus est, ea hic a *Newtono* commemorantur, quæ plane rem omnem conficiunt. Ostenditur nimirum, radiorum in sphaeram pellucidam incidentium nonnullos quidem statim transire, alios vero post unam, alios post duas, alios post plures reflexiones demum emergere; porro propter parvitatem guttarum pluvialium solos angulos considerandos esse, quos radii incidentes cum emergentibus comprehendant: nam ubi anguli illi sunt maximi vel minimi, emergentes radios esse confertissimos, atque adeo prævalere ad colores proprios exhibendos. Itaque angulis istis maximis vel minimis, quos singulorum generum radii, post unam vel duas reflexiones emergentes, cum incidentibus possunt constituere,

ex

ex doctrina superiori accurate determinatis, determinantur etiam diametri & crassities utriusque iridis, cum interioris tum exterioris. Sub finem harum lectionum paucis verbis etiam eorum phaenomenorum meminit Autor, quae observari solent, dum per tenues lamellas pellucas radii transeunt, quaeque hic praetermissa in ipso postmodum *Optices* Opere copiose satis ac praeclare explicuit. Ita igitur statuimus, si cum Lectionibus, hoc loco propositis, ipse liber *Newtoni* de Opticis, *Barrowique* similes Lectiones conjungantur, accuratissimum ac plane perfectissimum universae theoriae opticae systema haberi.

A NEW TREATISE OF THE CONSTRUCTION
and use of the Sector,

hoc est,

TRACTATUS NOVUS DE CONSTRUCTIONE
& usu Circini proportionum, Autore SAMUELE
CUNN, Matheseos Lectore, revisus ab EDMUNDO
STONE.

Londini, apud Joannem Wilcox & Thomam Heath, 1729, 8.

Plag. 14 Tabb. 2n. 2 cum figuris multis ligno incis. is.

CL. Autor jam A. 1714 edidit tractatum omnibus numeris absolutum de doctrina fractionum vulgariarum & decimalium, in quo ipso *Hallejo* iudice doctrinam de fractionibus decimalibus plurimum promovit & multas regulas novas easque utilissimas dedit, quae in hac Arithmeticae parte desiderabantur. Idem Circinum proportionum nova ratione construxit, omissis lineis, quarum non adeo frequens erat usus, & in ceteris ejus usum multo ampliorem fecit, ut adeo praesens tractatus plurima contineat, quae in aliis ejusdem generis frustra quaesiveris. Ita ope lineae sinuum ellipsin, parabolam & cycloidem describere & in Geographia, ex duorum locorum latitudine ac differentia longitudinum, distantiam eorum invenire; ope lineae tangentium ex iisdem datis locorum distantiam reperire, hyperbolamque intra asymptotos & mappas hydrographicas describere;

bere; imo ope circini proportionum omnia Trigonometria tam planæ, quam sphæricæ, problemata solvere, projectionem sphæræ perficere & horologia solaria construere docet. Ne tamen quicquam prætermisisse videatur, illarum quoque linearum, quas ex circulo suo omisit, usum breviter capite ultimo exponit. Omisit autem lineam tetragonicam, lineam corporum sphæræ inscribendorum, lineam reductionis corporum regularium, lineam segmentorum, lineam superficierum, lineam solidorum, lineam metallicam. Inscrisit autem lineam logarithmicam, non modo pro numeris vulgaribus, verum etiam pro sinibus & tangentibus.

JOANNIS POLENI AD VIRUM CELEBERRIMUM JACOBUM HERMANNUM, in Imperiali, quæ Petropoli est, Academia Matheseos Professorem eximium Epistola, in qua agitur de organica curvarum Tractoria atque Logarithmica constructione. Accedunt problematum ac theorematum de curva tractoria a celeberrimis Geometris propositorum Demonstrationes.

Patavii, typis Seminarii, 1729, 4, chart. aug.

Plag. 14 Tabb. æn. 6.

CURVÆ tractoriæ descriptionem & naturam a se detectam primus publici juris fecit *Hugenius*. Primam hujus ideam sibi venisse a *Perralto* monet *Leibnitius* in Actis A. 1693 mense Februario: neuter tamen constructionem dedit, quæ judice *Poleno*, Mathematico celeberrimo, harum rerum peritis satisfacere potest. Quamobrem ipse cogitavit de instrumento, quo curvam hanc utilissimam accurate describere daretur. Nec infelici sydere rem aggressus est: reperit enim instrumentum, quo non modo tractoriæ accurate describuntur, sed simul didicit, eodem parumper immutato Logarithmicam quoque describi posse. Instrumentum utrumque satis accurate describit, idemque æri incidi curavit, ut facile ejus fabrica intelligatur. Demonstrat etiam, quod cur-

ut sic descriptæ sint tractoriæ, & logarithmicæ, nimirum quod illæ habeant tangentem, hæ vero subtangentem constantem. Descriptio instrumenti prolixior est, quam quæ commodè huc transferri possit: lectorem adeo ad ipsum Autorem remittimus. Ostendit etiam, quomodo priore instrumento describatur curva, cujus æquatio differentialis $2aydx - 2yxdx + 2ady + xxdy - 2axdy - ydy = 0$, hoc est, cujus abscissa, subtangens (jacens a parte opposita ei, a qua abscissa proficiscitur, & extra hanc atque etiam in directum cum hac producta) & tangens æquales sint ubique rectæ datæ lineæ constanti. Similiter ope instrumenti alterius curvam describere quoque docet, cujus æquatio differentialis est $adx + bdy = aody : y$. Quamvis autem Cel. Autor sibi conscius esset diligentiz suæ; suum tamen iudicio stare noluit, sed oculos testes, omni exceptione majores, esse voluit Mathematicos clarissimos, Abbatem *Antonium* Comitem de Comitibus, Patricium Venetum, *Gabrielem Manfredum*, & *Jacobum* Comitem Ricatum, missis ad illos instrumentis ipsis, quibus uterentur ad explorandum. Testantur literæ, quæ subjiciuntur, viros præstantissimos instrumenta illa exactissima deprehendisse. Primus eorum testatur, in Logarithmica per instrumentum *Polenianum* descripta sumtis tribus continue proportionalibus, quæ media illarum erat, ne punctum quidem defecisse a media proportionali, quæ ducebatur in semicirculo, cujus diameter ex duabus aliis ordinatis constabat. Alter aperte profitetur, nihil in organica illa descriptione curvarum ad simplicitatem, nihil ad utilitatem praxisque geometricæ incrementum desiderari, ita ut ipsarum sectionum conicarum per vulgata illa instrumenta delineationem nequaquam cum *Poleniana*, quoad operis facilem tutamque executionem, comparandam esse judicet. Tertius idem prorsus cum *Manfredio* sentit, instrumentis nempe *Polenianis* Logarithmicam ac Tractoriam adeo clare ac distincte describi, ut ne notæ quidem vulgo coni sectiones certius in plano ac luculentius delineari ratione ulla ipsi posse videantur, nec illis quidpiam ad rem aptius vel utilius excogitari possit. Quamobrem & inventorem hortatur, ut ad alia quoque instrumenta excogitanda ani-

num applicet, quibus Cyclois, Linea finuum, aut alia quædam analogæ describatur, ut rectificationes circularium arcuum perinde obtineantur, ac quadratura hyperbolæ datur, tractoria descripta. Epistolæ subjungitur Commentariolum de Tractoria, quo problemata ac theorematum demonstrat, quæ a celeberrimis Geometris, *Leibnitio, Grando & Hugenio* absque demonstratione propositæ fuere. Utitur autem in hisce demonstrationibus concinnandis æquationibus differentialibus, quibus curvam hanc definire licet, prout eam vel ad asymptotum, vel ad axem retuleris: neque enim curva transcendens æquatione algebraica definiri potest.

METHODUS GENUINA ET GEOMETRICA, diu satis multumque hætenus desiderata, quantitatem fluidi in dolio ex parte jam evacuato adhuc contenti, in hypothesis compositionis dolii ex duobus conis truncatis, inveniendi, *eruta a JOH. WILH. THEOD. LEICHNERO, Erfurtensi, Pb. M. & Dicastrior. Electoral. Erfurtens. Adv.*

Ord.

Non est ignotum, quantopere Mathematici talem Methodum ob insignem in praxi usum exoptarint, nemini tamen, quantum mihi constat, hunc usque in diem hanc adire licuit Corinthum, quod etiam novissime testatus est Celeberr. *Wolffius* in *Elem. Mathes.* tam lingua Latina, quam vernacula vulgatis. Præsertim miratus sum, quantam operam circa hanc rem nuper insumserit Clariss. *Da. Haasius* in *Theoria sua nova Stereometrice*, cum nihilominus genuinum scopum attingere ipsi haud licuerit, cui interim laudes suas non diffiteor deberi, ob haud spernenda complura Mathematica meditamenta, hinc inde in scripto ejus obvia: unde etiam gratum mihi est, quod per tantum temporis spatium inventum meum (liquidem jam ante decennium, & quod excurrit, eodem sum potitus) presserim, cum procul dubio, si nulla interposita mora illud vulgassent, *Cl. Haasius* laboribus suis hocce in argumento supersedisset.

At

At ulterius premere quaecunque hoc meum inventum ne-
queo, ne nimirum plane illud mecum intercidat, siquidem ha-
ctenus cum morbo chronico satis periculoso conflictatus sum
& etiamnum conflictor, cui, quam facillime, ut succumbam, fie-
ri potest, insuperque Amici, quibus de hocce meo invento con-
stat, cunctationem meam iniquitatis tum erga Rempubl. litera-
riam, tum erga me ipsum dudum accusarint. En igitur ipsam
hanc meam methodum. Primitus duos esse casus in hoc pro-
blemate ab invicem distinguendos monendum mihi est: aut
enim suprema fluidi in dolio adhuc residui superficies est in-
ferior suprema circularis fundi ora, aut non est. Prior casus fere
frequentius in praxi occurrit, quam posterior, ejusque etiam
solutio non parum operosior est solutione posterioris casus,
quare primo loco illum absolvam.

A Representent $ABIF$ conum
truncatum medietatem dolii
constituentem. Sit AD , dislan-
tia liquoris ab A orificio, $=a$;
 GD , senissis longitudinis do-
lii, $=b$; $ED=c$; area hyper-
bolæ, cujus axis ED , basis vero
chorda arcus, circuli doliaris
B maximi, ad sagittam AD perti-
nens, $=r^2$; area segmenti circuli maximi, cujus AD idem sa-
gitta, $=m^2$; DH autem $=n$, & $CH=p$. Hæc enim omnes
quantitates partim sunt cognitæ, partim facile cognoscendæ.
Ita multiplicetur m^2 per $\frac{1}{3}p$ & r^2 per $\frac{1}{3}n$, posteriusque pro-
ductum a priori subtrahatur, eritque differentia $\frac{1}{3}m^2p -$
 $\frac{1}{3}r^2n$. Porro sit $FG=q$, & $EG=r$; area autem hyperbolæ, cu-
jus axis EG , basis chorda arcus circuli, cujus diameter FI ,
pertinens ad sagittam FG (cujus adeo hyperbolæ asymptoti sunt
 CF & CI) sit $=u^2$; & area segmenti, cujus FG sagitta, sit $=d^2$.
tandemque $CK=b$, & $GK=k$. Multiplicetur d^2 per $\frac{1}{3}b$, & u^2 per
 $\frac{1}{3}k$, productaque ut antea ab invicem subtrahantur, ut habe-
atur differentia $=\frac{1}{3}d^2b - \frac{1}{3}u^2k$; atque hæc ipsa a priori illa, ni-
mirum $\frac{1}{3}m^2p - \frac{1}{3}r^2n$, subtrahatur, eritque residuum $\frac{1}{3}m^2p -$
 $\frac{1}{3}r^2n$

$\frac{1}{3}c^2n - \frac{1}{3}d^2b + \frac{1}{3}nu^2 =$ capacitati semissis vacui spatii in dolio, nimirum AFGD, cujus adeo duplum si subtrahatur a capacitate totius dolii, habebitur quantitas liquoris inibi adhuc contenti. Cum vero dolia ob curvitem tabularum paulo sint capaciora duobus conis truncatis, (quorum bases, major quidem circulus doliaris maximus, minor autem ipse dolii circularis fundus) & quidem ea proportionem, teste experientia, (vid. *Celeb. Wolfi Elem. Arithm. §. 525*) qua cylindrus, cujus diameter medix arithmetice proportionalis inter diametrum fundi & circuli doliaris maximi, altitudo autem æqualis distantie fundorum doliarium, superat prædictos duos conos truncatos; ut methodus hæc nostra magis ipsi praxi attemperetur, repertæ quantitati liquoris in dolio adhuc contenti addatur differentie inter prædictum cylindrum & totius dolii, in ante memorata hypothese, capacitatem, talis pars, quæ se habeat ad reliquam, uti circuli doliaris maximi, (cujus nimirum diameter AB) arcus ille, cujus sagitta BD, se habet ad reliquum arcum, cujus sagitta AD. In posteriori casu sit distantia liquoris ab orificio AM, axis superficiiei hyperbolice ejusdem (nimirum liquoris) LM, sitque $AM = a$ $LM = b$; hyperbolæ modo dictæ, cujus axis LM, basis, chorda circuli doliaris maximi, cui (chordæ nimirum) respondet sagitta AM, area sit $= o^2$; area autem segmenti circuli doliaris maximi, cujus sagitta AM sit $= o^2$, $MH = n$, & CH , ut antea $= p$. Multiplicetur jam o^2 per $\frac{1}{3}p$ & o^2 per $\frac{1}{3}n$, eritque differentia horum productorum $\frac{1}{3}o^2p - \frac{1}{3}o^2n = ALM$, capacitati semissis spatii vacui in dolio ex duobus conis truncatis composito, cujus adeo duplo subtracto a capacitate totius dolii, residua erit quantitas liquoris adhuc contenti.

In praxi subtractio hæc fieri debet a capacitate cylindri antea descripti, insuperque subtrahenda adhuc erit differentie, inter illum cylindrum & dolium ex duobus conis truncatis compositum, ea pars, quæ se habeat ad reliquam, uti quantitas liquoris, quam capere potest spatium vacuum in dolio, ad quantitatem in dolio residuam.

Demonstrationem hujusce methodi meæ certis ex causis in-
præ-

presentiarum non addo, sed elapso demum circiter spatio abhinc annuo eandem suppeditabo, ni interim eandem Geometrarum quis proprio Marte eruat & publico communicet, quod sane gratissimum foret, & eapropter eos ad id ipsum quam humanissime invitatos volo. De problemate meo mense Majo A. 1726 in his Actis proposito, & Celeb. Prof. *Hausenii* solutione pluribus agam in *Bibliotheca Schediasmatica Erffurtensi*, futuris nundinis autumnalibus, si Deus vires & sanitatem concesserit, a me edenda.

THE PRINCIPLES OF THE PHILOSOPHY
of the expansive and contractive Forces &c.

hoc est,

PRINCIPIA PHILOSOPHIÆ DE VI EX-
pansiva & contractiva, Autore ROBERTO GREEN,
M. A. & A. C. S.

Cantabrigiæ, typis Academicis, 1727, fol.

Alph. 11.

POSTquam de prima Operis hujus parte mense Junio anni superioris diximus, quæ curiositati Lectorum satisfacere existimabamus: nunc eodem instituto dicemus de altera. Libro igitur quinto Cl. Autor examinat principia metaphysica & logica, seu systema idearum *Lockii*. Primum impugnat tabulam ream *Aristotelis*, quam *Lockius* tanquam fundamentum philosophiæ suæ absque omni probatione sumit, propterea quod iudice Nostro suam ignorantiam ultro confiteatur de mentis natura. Non tamen miratur hypothesin istam precariam a *Lockio* sumi, propterea quod ideas mentis ex materia resultare posse existimet: quo tanquam primis rationis principiis adverso nihil absurdius cogitare licet. Examinat deinde singulas ideas, quas a sensu in mentem venire affirmat *Lockius* atque ostendit, quantum a vero aberret & in principia philosophiæ impingat. Ita ostendit, quam infeliciter ideam soliditatis examinet & quantam ignorantiam prodatur, dum ideam soliditatis a tactu arcessit & in numerum idearum simplicium refert. Peccat *Lockius* in eo, quod
signi-

significatum vocis soliditatis in ambiguo relinquat, utrum per eam intelligi velit vim istam, qua corpus alterum ab aditu in locum suum prohibet, donec ipsum deseruerit, quemadmodum definitio insinuare videtur; an tantummodo id, quod tactu percipimus, manu ad corpus applicata, quemadmodum origo ideæ asserta præ se fert. Si priorem significatum admiseris, *Lockium* falli, quod ab uno sensu ideam soliditatis repetat, cum non minus visu, quam tactu percipiamus, corpus unum non posse ingredi locum alterius, nisi ab ipso ante derelictum, nec unum posse accedere ad contactum alterius, nisi intermedio excluso. Perperam quoque ideam tunc vocare simplicem, cum sit abstracta & complexa. Abstractam esse ideam probat inde, quod hic consideretur vis in genere, præcisè determinationibus specificis, quibus vires in casibus singularibus a se invicem differunt in materia: eandem esse complexam ex eo arguit, quod involvat relationem corporis unius ad alterum spatium, quod corpus occupat, remotionem ex spatio, antequam alterum ingredi possit. Ecquis vero dixerit ideam esse simplicem, quæ in alias plures easque minus simplices resolvitur? Si posteriorem significatum expenderis, quem inconstantiz loquendi deditus *Lockius* in origine ideæ soliditatis assignanda tuetur; tunc non amplius sermonem esse de soliditate abstracta, quam in definitione supponit, cum tactu tantummodo percipiatur resistentiæ gradus præ diversa corporis duritie, mollitie vel fluiditate varius, quemadmodum varius est color respectu visus, quo percipitur, color autem in genere non videtur. Salse igitur ridet *Lockium*, quod varias resistentiæ species, quas experimur, confundat cum resistentia in genere & resistentiam in genere tactile quid simplex efficiat. Id vero in singulis, quæ de idearum simplicium origine tradit *Lockius*, Noster agit, ut doceat, quam superficialia sit illius doctrina & quanto intervallo distet ab acumine, quod ad res metaphysicas perspicendas requiritur: imo in ceteris quoque capitibus non maiore acumine uti *Lockium* operose adstruit. Nihilis vero prolixum foret de singulis dicere: quamobrem susecperit speciminis loco unum alterumque in medium attulisse. Ita in notione spatii *Lockiana*, quod sit idea simplex, quam visu

&

& tactu acquirimus, triplicem errorem notat, nimirum quod idea spatii dicatur simplex, quod eam consequamur visu & tactu, quod denique extensio corporis sit eadem cum spatio, cum idea spatii sit abstracta tum ab eo, quod videmus, tum ab eo, quod tangimus, adeoque neque tactu, neque visu acquiratur, quia abstractum nec videri, nec tangi potest, sed id, quod tangitur atque videtur, extensio materiæ est. Absurdum videtur Nostro, quod *Lockius* sibi persuadeat, ideam immensitatis ex repetitione mensuræ finitæ nasci, cum sic obtineamus ideam majoris, finiti, nequaquam vero negationis finiti. Notionem spatii immensi ratiocinando colligi ex natura ipsius, quæ limites respuit, nec ullius limitationis capax est: communem autem magisque usitatam viam perveniendi ad hanc notionem esse respectum ætheris interminatum. Neque fert Noster *Lockii* de notione durationis sententiam, quod ex idearum successione nascatur, propterea quod idæ nostræ sunt a se invicem distinctæ, quemadmodum verba, quibus exprimuntur, adeoque interruptæ, non continuæ, duratio tamen sine continuitate non concipitur; præterea idearum successio inæquabilis, utpote non eadem celeritate sibi mutuo succedentium; idearum denique successio respectu durationis a voluptate atque tædio alteratur, attentione nunc magis, nunc minus ad eandem conservata, ita ut idem tempus nunc longius nobis appareat, nunc brevius. Respondet sigillatim ad singula argumenta *Lockii*, quibus sententiam suam confirmat &, quam parum firmitatis iisdem adsit, ostendit. Nasci ideam durationis ex eo, quod nobis conscius sumus existentia nostræ continuæ, dum idæ nostræ sibi invicem succedunt & res aliæ continuo mutantur. Constat ex recensione priore, Cl. *Greenium* defendere plenum, sed alio sensu, quam philosophos corpusculares. Monet *Newtonum*, etsi in Principiis vacui existentiam sibi demonstrasse visus fuerit, perspectis tamen rationibus Autoris, in ejusdem Principiis philosophiæ naturalis jam olim propositis contra vacuum, in secunda editione Opticæ admisisse plenum universale sive ætherem, & in secunda Principiorum editione propositionem, quod detur vacuum, convertisse in aliam, quod res omnes non sint æqualiter plenæ. Observat tamen, notionem pleni

Cartesiani esse fortum imaginationis atque idem a *Newtono* & ejus sequacibus refutatum esse concedit, etli in eo eos reprehendat, quod principia philosophiz corpuscularis amplexi errores magistri Galli retineant & veritatem rejiciant. Nec sine ratione ridet *Lockium* imaginationi nimis indulgentem, quod infinitudinem modum quantitatis esse affirmet, qui primario conveniat rebus ex partibus constantibus, veluti spatio, durationi & numero, atque ideo contendat, infinitatem Deo potissimum tribui respectu durationis & ubiquitatis, metaphorice autem ad sapientiam, potentiam & bonitatem aliaque ipsius attributa transferri, quatenus sunt inexhausta atque incomprehensibilia, cum contrarium verum deprehendatur, ubi secundum principia rationis notionem infiniti examinaveris. Unde facile intelligitur, quam parum probetur Nostro modus perveniendi ad notionem infiniti a *Lockio* assignatus. Ostendit idem, quam parum conducat *Lockiana* notio boni atque mali ad philosophiam moralem, dum more suo non ultra sensus sapiens res bonas & malas dici affirmat, quatenus voluptatem & dolorem respiciunt, cum sic natura virtutis ac vitii pro diversitate subjeutorum, imo pro uno eodemque subjecto diverso tempore instar vertumni mutabilis esse debeat, quasi vero errores vulgi ex notionibus confusis per precipitantiam judicantis deceant philosophum. Ridiculum atque absurdum Noster pronunciat, quod libertatem consistere contendat *Lockius* in potentia mentis sese ad quid cogitandum determinandi, vel non determinandi, prout volupe visum fuerit, cum de eo nunquam fuerit quaestio, ubi de libertate inter philosophos disceptatum fuit: secundum illam enim notionem hominem non esse liberum respectu suarum cogitationum, quando impeditur, quo minus quid cogitet, nec liberum respectu suarum actionum, quando in vincula conjicitur, ut ambulare non possit, consequenter eandem mentem nunc libertate esse indutam, nunc eadem carere, prout circumstantiae externae corporis tulerint. Notionem substantiae *Lockianam*, quod ea sit substantiatum seu sustentaculum quoddam obscurum qualitatum, quae potentiam habent simplices ideas in nobis producendi, hoc est, qualitatum sensibilem, non abs ratione fortum imaginationis

vocat

vocat per arbitrariam compositionem notionum abstractarum productum. Errare *Lockium*, quod substantiam distinguat a proprietatibus essentialibus, cum quibus ceteræ connectuntur, & quod substantiam in genere consideret, ante substantiarum species. Noster primo loco considerat substantias particulares, atque inde abstrahit notionem substantiæ in genere. Ita observat essentiam mentis humanæ consistere in vi quadam particulari percipiendi, unde pendeat vis particularis volitionis, memoriæ aliarumque facultatum, quæ cum illa perinde connectantur ac attributa auri cum proprietate aliqua essentiali, per quam aurum tanquam substantia concipitur: mentem autem brutorum in vi percipiendi ac appetendi inferiore consistere. Et hinc colligit, mentem in genere esse vim percipiendi & appetendi, præciso gradu omni, qui in naturis & essentiis particularibus eidem conveniat. Ne unica quidam in toto opere *Lockiano* occurrat notio, quæ non sit imaginaria, quemadmodum Noster probat: id quod non mirum, cum notiones rerum abstractarum, quæ ab imaginibus prorsus sejunctæ sunt, immediate a sensu deducere voluerit.

Quando libro sexto Ethicam & religionem naturalem ad examen revocat, cum *Cartesio*, *Lockio*, *Clarkio* & *Wollastono* ipsi imprimis negotium est. Primo loco exponit, quænam in Theologia naturali *Cartesii* desideret, quam in Meditationibus suis proposuit Theologus. Ita negat existentiam Dei demonstrari ex eo, quod in notione entis perfectissimi existentia necessaria contineatur, quemadmodum tres anguli in notione trianguli, cum tantummodo sit proprietas ideæ, perperam autem inde concludatur existentia entis, cui idea ista competit. Merito enim in dubium vocari, quod idea entis perfectissimi sit menti humanæ innata. A demonstratione *Cartesiana* progreditur ad *Lockianam*, in qua nullum consecutionis filum agnoscit. Etenim *Lockius*, cum a forma syllogistica abhorreat, sine qua genuinæ demonstrationis forma concipi nequit, talia profert, quorum unum ex altero non colligitur. Omissis nimirum vocabulis generalibus & nihil significantibus, quibus fucum facit lectori imperito, omnem ipsius demonstrationem huc redire: Certi

sumus, nos percipere. Perceptio ista a se produci nequit. Pro-
ducitur ergo ab alio quodam: quod, quid sit, ignoramus, adeo-
que æternum est. Idearum connexionem hic non reperturum
existimat Autor, si quis vel maxime habuerit ingenium enthu-
siasticum in philosophia, quale aliis tribuitur in Theologia. Ex-
aminat deinde in particulari singula, quæ prætentam istam, si fu-
peris placet, demonstrationem ingrediuntur, atque ostendit,
Lockium contra naturam demonstrationis sumere, quæ evi-
dencia non sunt. Perceptiones mentis nostræ existere ultro lar-
gitur. Sed evidens esse non concedit, quod originarie menti
non infint. Quod si ergo contrarium ejus sit verum, quod tanta
confidentia sumit *Lockius*, totum argumentum ejus ruere: quod-
si verum non sit, perceptiones rerum externarum vi insita mentis
produci posse, idem omnino probandum est, quod *Cartesius* non
sine ratione idem affirmet. Difficultate hac superata secundo
loco probandum fuisse a *Lockio*, illud aliud, a quo producantur
perceptiones, esse Deum. Onittimus alia, quibus probat, *Lo-
ckium* perperam sibi persuadere, quod res arduæ adeo levi ne-
gotio confici possint, cum in omnibus sibi semper similem re-
præsentet, nempe acumine ad tractandas res metaphysicas desti-
tutum. Quamobrem non mirum, quod alteram quoque *Lo-
ckii* demonstrationem iisdem rævis obnoxiam esse ostendat,
quibus primam laborare ostenderat. Eam in compendio huc
redire ait Noster. Si non supponatur aliquod primum vel æ-
ternum, materia existere nequit; si materia iners supponatur abs-
que motu æterno, motus existere nequit; si supponimus tantum
materiam & motum tanquam primum illud & æternum, cogita-
tio existere nequit. Ergo necessario ens cogitans & intelligens
exitit ab omni æternitate. Postquam in genere *Lockium* repre-
hendit, quod ex Cartesiana philosophia in suam transcripserit,
normam certitudinis esse idearum connexionem, & hoc tamen
non obstante absque idearum connexionem probet res extra nos
existere, cum id perinde sit ac affirmare, quod omnis certitudo
dependeat a connexionem idearum & detur tamen hoc non ob-
stante certitudo quædam, quæ inde non dependeat, hoc est, quod
contradictoria simul sint vera; sigillatim singula expendit, ex-
qui-

quibus *Lockius* demonstrationem suam construit. Reprehendit eum, quod principiis nitatur, quæ nec intelligat, nec probare possit: etsi enim nemo non concedere debeat, aliquid extitisse ab æterno, probandum tamen fuisse, si non supponatur aliquod primum vel æternum, materiam existere non potuisse: id quod tamen a *Lockio* fieri non potuerit, utpote terminos, qui propositionem ingrediuntur, sufficienter explicare minime valente. Suppositum secundum de materia inerte absque motu niti notione materię imaginaria, quam esse falsam in anterioribus ostendit. Cumque *Lockius* ignoret, quid sit materia, & in quo consistat, eundem quoque gratis affirmare; quod cogitatio existere nequeat, si ab æterno existat materia cum motu: neque enim concedi posse tanquam verum, quod ex notione imaginaria rerum natura abhorrente colligitur. Denique ex eo, quod ens cogitativum sit æternum, nondum sequi, quod idem sit Deus. Tum enim demonstratum esse, quod ens aliquod sit Deus, ubi eviceris, eidem convenire omnipotentiam, omniscientiam, bonitatem infinitam, benignitatem summam & quæ sunt alia hujusmodi attributa. Hæc ideo potissimum adversus *Lockium* urget, quod is nuncupare crepet idearum connexionem, tanquam fontem omnis certitudinis, de ideis tamen parum sollicitus sit, ut rebus suis convenient, ab evolutione idearum totus alienus, sine qua tamen idearum connexio nulla appareat. Quoniam Cel. *Clarkii* demonstratio de existentia Dei non modo inter Anglos celebratur, sed extra Britanniam quoque non sine applausu excepta fuerit; ideo operæ pretium duxit, ut eandem quoque examinaret. Ipse *Clarkius* eam in propositiones digessit, quas adeo singulas Noster expendit. Monet itaque, propositionem primam, quod aliquid existat ab æterno, & Deistas, & Atheos, & Christianos concedere; omnem autem rei cardinem in eo versari, an ens istud æternum sit universum ipsum atque natura ipsius, qui atheorum error est; an sit ab eo diversum, infinitum, intelligens ac independens, quæ Christianorum & Deistarum sententia est. Propositionem secundam, quod ab æterno vel extiterit ens immutabile atque independens, vel infinita detur successio rerum mutabilium & dependentium, quorum unum

productum fuerit ab altero, absque causa originaria, quod posterius tamen sit absurdum, atheismo non esse adversum, cum quaestio primaria, quae inter atheos & Christianos atque Deistas agitur, per eam non solvatur, an mutua illa rerum a se invicem dependentia ex necessitate naturae rerum illarum seriem constituentium proficiat, an a causa suprema & intelligente ab illa distincta derivetur. Praesentem mundi & universi statum esse statum mutuae dependentiae rerum a se invicem: in eo autem versari cardinem quaestionis, utrum ista mutua dependentia sit a natura intrinseca rerum ipsarum, an ab arbitrio entis infiniti, sapientissimi & providi: quae autem ratiocinii Autoris metaphysici non dirimi possit. In naturam rerum inquirendum esse, ut inde eruatur nexus ejus cum autore naturae. Propositionem tertiam, quod ens immutabile ac independens, quod ab omni aeternitate existat, absque ulla causa externa existentiae suae, sit ens a se, seu necessario existat, tanquam veram concedi etiam ab atheo, qui necessariam connexionem ex natura rerum resultantem propter necessarium, immutabile ac independente habeat. Id contra atheos probandum esse, ens immutabile, independens ac necessarium esse a natura & mutua ac necessaria rerum a se invicem dependentia diversum: ad quod probandum majorem in philosophia profunditatem requiri existimat, quam quae Clarkio fuit. Ostendit deinde in tota demonstratione nulla occurrere principia, per quae atheus convinci possit, mutuam rerum a se invicem dependentiam non esse naturis rerum una cum motu essentialem, etsi nihil agat, quamdiu id non evincat. Propositionem quartam, quod substantia & essentia entis a se & necessarii a nobis comprehendi nequeat, quodque ejus nullam habeamus ideam, lubenter concedi ab atheo, cum atheismo non sit adversa. Propositione quinta, quae urget nexum inter ens aeternum & necessarium seu ens a se, nil contineri, quod ab atheo non perinde admittatur ac a Deista. In eundem censum refert propositionem sextam, quod ens a se sit infinitum & omnipraesens. Et quamvis in propositione septima parum firmiter unitatem entis a se ex aeternitate inferat; eam tamen ab atheo facile concedi existimat, qui naturam necessariam nonnisi unam ad-

mit-

mittat. Propositionem octavam, quæ ens a se & causam originariam rerum omnium esse ens intelligens enunciat, palmariam esse observat, ipso *Clarkio* consentiente, quæ atheismus evertitur; sed tantum connexionis idearum patronum hic recurrere ad argumenta topica, dudum ab omnibus autoribus usurpata, imprimis a *Grotio* & *Rajo*, ut in iis nudum repetitorem agat, ab idearum connexionione destituta. Ceterum probat Noster argumenta *Grotii* atque *Raji*, neque adeo habet, quod repetitori amplius opponat, ubi in viam tritam tandem redire cogitur, frustra alia quaesita. *Wollaston* argumentum de existentia Dei desumptum a subordinatione causarum & effectuum in *Lockianam* recidere ostendit. A demonstratione existentiae Dei progreditur ad examinanda principia moralia *Lockii*, quæ in Tentamine de intellectu proposuit, ubi simul rationes ejus expendit, ob quas moralia demonstrari posse affirmat. Supra jam monuimus, quod notionem boni & mali *Lockianam* minime probet; hic autem imprimis reprehendit, quod *Lockius* sibi persuadeat, lege civili naturam actionum immutari posse. Et ex iis, quæ de principiis moralitatis *Lockii* attulit, concludit, demonstrationes moralitatis non fuisse in ipsius potestate, ut adeo non mirum sit, quod amico suo *Molyneusio* ipsum hortanti, ut moralia demonstraret, non præbuerit aures benignas. Neque etiam Nostro probantur *Wollaston* notionem boni atque mali, quod illud consistat in actione veritatem, hoc vero in actione falsitatem exprimente, quemadmodum verbis vera & falsa exprimimus. Singulas illius propositiones sigillatim expendit & quid in iis desideret, candide exponit. A *Wollastono* ad *Lockium* redit, ubi contra eum probat, non omnes ideas a sensatione & reflexione derivari, notionem identitatis & diversitatis impugnat, & de entusiasmo disputat. Nihil adeo in toto opere *Lockiano* occurrit, quod non ad examen revocet tum ratione veritatis, tum ratione methodi, propterea quod *Lockii* assidue & rerum subtilem profunditatem, & methodi accuratorem admirabundi prædicare solent. *Greenius* adeo id agit, ut clarissime ostendat, in utroque eos oppido falli, cum nec rerum, nec methodi veritas *Lockio* innotuerit.

Libro tandem septimo de Algebra agit, quam scientiarum,
quot-

quotquot hactenus inventæ sunt, nobilissimam esse judicat, ita ut ab intellectu humano nunquam proficisci possit, quod majorem ejus perfectionem sapiat. Eam veteribus non ignotam fuisse, propositionibus Elementi secundi *Euclidis*, præsertim undecima, atque decima quarti probat, in quibus Algebræ vestigia satis comparere exillimat. Explicat autem præter algorithmum litteralem doctrinam de æquationibus, quæ proprie loquendo Algebram constituit. Docet resolutionem æquationum simplicium, quadraticarum, cubicarum & biquadraticarum affectarum, quatenus nempe ea in potestate est: deinde approximationes pro quibuscunque æquationibus *Stevini*, *Harrioti*, *Viete*, *Newtoni*, *Halleji* & *Raphsoni* addit. Ab Algebræ ad Geometriam applicatione prorsus abstinet. Ceterum in modo problemata solvendi *Kerscum* sequitur, qui *Newtono* etiam probatur, ut ex uno latere algebraice repræsentetur, quod ex altero verbis anglicis describitur. Caput ultimum instar appendicis miscellanea continet. Primo hic respondet ad *Cotesii* objectiones, contra Dissertationem suam de seriebus infinitis *Newtoni* & contra quadraturam circuli, quam in Geometria solidorum proposuerat, nempe quod quadratum diametri sit ad aream circuli ut 5 ad 4. Tradit etiam nonnulla de longitudine maris investiganda, quam computandam esse docet a puncto quodam cœli fixo, quemadmodum in latitudine determinanda moris est. Pro puncto autem fixo assumi posse monet Martem, Jovem atque Saturnum, ac fixam quamlibet. Quodsi nullus ponatur motus primus, longitudo eadem facilitate determinatur, qua latitudo, hac nimirum præsupposita. Etenim quadrante æquatori parallelo observare jubet distantiam loci a fixa, quam tanquam quiescentem considerat & cujus longitudo nota sit: longitudinem loci fore distantiam ejus a stella additam longitudini stellæ vel ab eadem subductam. Addit nonnulla de usu acus magneticæ in hoc negotio. Hypothesin suam de fulgure ac tonitru ex vi contractiva & expansiva deductam explicat, & observationem iridis quondam suam describit. Ex iis, quæ de circulatione succi nutritii in plantis earumque perspiratione in Statica vegetabilium experimentis probat *Stephanus Halafius*, colligit ob analogiam plantarum cum brutis tribuen-

*Systematis omnium philosophorum libri IV. JOANNI V
Lusitaniae Regi dicati ab JOH. BAPTISTA
CAPASSO, Phil. & Med. Doct.*

Neapolitano.

Neapoli, typis Felicis Musca, 1728, 4.

Alph. 2 pl. 15.

CLarissimus Autor, qui Serenissimo Regi Lusitaniae, Joanni V, summo literarum patrono & in regno suo veluti novo parenti, (qui Mathematico utitur fratre ipsius, Dominico Capasso, & Soc. Jesu,) dedicavit suum hoc Opus, in Praefatione refert, eam sibi causam fuisse id concinnandi, quod in nulla Bibliotheca repererit librum, in quo historia philosophiae inde ab ortu suo usque ad hanc nostram aetatem descripta sit; cum vero satis otii non suppeteret, sibi laborem hunc intra compendii cancellos fuisse constringendum. *Libri primi Cap. I* de philosophiae definitione ac divisione loca veterum profert selectiora. *Cap. II* eodem modo disserit de philosophiae nomine, origine, & fine. *Cap. III* memorata disputatione, utrum Graeci, an barbari fuerint inventores philosophiae? hanc dicit sententiam: *Nobis, qui ex Fide vivimus, id certo certius constat, Adamum sicut & primum parentem, ita & primum sapientem existisse.* Hinc *Cap. IV* agit de philosophiae progressu ab Adamo usque ad Abrahamum, docens, nepotes Adami duabus columnis, uni lapideae, alteri lateritiae, inscripisse doctrinas philosophicas; Enochum libros astronomicos reliquisse; Noachum ex arca egressum in Assyria, Arabia, & Aegypto Gymnasia instituisse celeberrima; Japetum Gymnasiis illustrasse Graeciam & mediterraneas provincias a patre acceptas. *Cap. V* Abrahamum tradit rudem antea astrorum scientiam percoluisse, & Aegyptios edocuisse disciplinas mathematicas. Denique *Cap. VI* de Moysi ac Salomonis studio philosophandi agit, & hunc quidem ait in *Proverbiis* tractasse philosophiam moralem, in *Ecclesiaste* Physicam, in *Cantico Canticorum* Contemplativam sive Theologicam sapientiam.

P. 190

*Liber secundus philosophiam considerat Barbaricam. Et
Capite*

Capite quidem *primo* de Hebræis differens, agit de scribis Hebræorum, de Rabbinis, de Rechabitis, de Essenis, de Phariseis, de Sadduceis, quos etiam Bajethusæos vocat & Karræos, de Samaritanis, de Gaulonitis, de Herodianis, de Nazaræis, de Hellenistis, de Alexandrinis. Ac de singulis quidem hisce sectis agitur per breviter. *Cap. II & III* in compendium redegit, quæ Stanlejus attulit de Chaldæorum, Persarum, & Sabæorum philosophia. *Cap. IV* de sectis Indorum, & *Cap. V* de Sinenfium philosophia agit: & hanc quidem copiose exponit, ex relatione potissimum Jesuitarum. *Cap. VI* de Phœnicum, *VII* de Ægyptiorum, *VIII* de Æthiopica & Libyca, *IX* de Scytharum, Thracum, atque Galorum philosophia profert cognitu digniora.

Libro III Cl. Autor occupatus est in philosophia Græcanica, quem non perlustrabimus, cum p. 173 scribat, se, cum hoc argumentum ab aliis jam sit copiose pertractatum, non nisi potiora lectoribus suis posuisse ob oculos.

p. 59.

Quartus Liber recentiores sistit Philosophos. *Recentiorum* vero nomine præfatur se comprehendere omnes, qui in philosoph. studio fuere Græcis recentiores, adeoque & Romanos antiquissimos. *Durum* hic ait se aggredi opus ac perdifficile & omnibus intentatum adhuc. Igitur *Cap. I* agit de Philosophis Romanorum, *Numa*, *Ennio*, *Nigidio Figulo*, *Varrone*, *Cotta*, *Cicerone*, (cujus totam vitam persequitur,) *Antiocho*, *Lucullo*, *Bruto*, *Plutarcho*, *Galeno*, *Athenagora*, *Max. Tyrio*, *Justino Martyre*, *Philone*, *Demetrio Cynico*, *Catone minori*, (cujus vitam diligenter descriptam exhibet,) *Strabone*, *Seneca*, (cujus & ipsius vitam copiose exponit,) *Epicteto*, *Arriano*, *Mufonio*, *M. Antonino Imp.* *Favorino*, *Athenaeo*, *Themistio*, *Boetio*, *Georgio Trapezuntio*, *T. Pomponio Attico*, *Lucretio*, *Luciano*, *Virgilio*, *Horatio*, *Plotino*, *Porphyrio*, *Jamblicho*, *Juliano apostata*, aliisque; *Cap. II* de Pythagoricis recentioribus, maxime de *Apollonio Tyaneo*; *Cap. III* de recentioribus Platonicis, *Dionysio Arcopagita*, *Apulejo*, *Tauro*, *Valentino hzresiarcha*, *S. Augustino*, *Macrobio*, *Synefio*, *Hierocle*, *Georgio Gemisto*, *Bessarione*, *Mufuro*, *Joanne Wesselio*, *Marsilio Ficino*, *Joanne Pico*, *Francisco Patricio*; *Cap. IV* de Cynicis, *Peregrino*, *Sallustio*, *Oenomaio*, aliisque; *Cap. V* de Stoicis, *Euphrate*,

p. 174.

Ec 2

Mar-

*Marcione, Damascio, Justo Lipsio ; Cap. VI de Peripateticis, Didymo Alexandrino, Simplicio, Alcuino, Rabano Mauro, Joanne Scoto Erigena, Mich. Psello, Avicenna, Averroc. A quibus descendens ad Scholasticos, disserit pauca de Joanne Damasceno, Lanfranco, Abelardo, Petro Lombardo, Alexandro de Ales, Alberto M. Thoma Aquinate, Bonaventura, Egidio Romano, Rob. Grossetio, Jo. Duns Scoto, Franc. Maironio, Thoma Bradwardino, Durando a S. Porciano, Oecamo, Gualthero Burleo, Gabriele Biele, Franc. Philelpho, Argyropylo, Angelo Politiano, Rud. Agricola, Hermolao Barbaro, Savanarola, Dominico Soto, Augustino Nipho, Leonardo Aretino, Jac. Fabro, Cardano, Scaligero, Georg. Agricola, Ulysse Aldrovando, Joanne Caso, Thoma Cajetano, Antonio Goveano, Ludovico Septalio, Zabarella, Guil. Xylandro, Franc. Toletio, Piccolomineo, Joach. Perionio, Sebast. Foxio, Gerh. Jo. Vossio, Gisanio, Julio Pacio, Petro Fonseca, Cesare Cremonino, Petro Petito, Jacobo Thomasio, Jac. Schegkio, aliisque. Cap. VIII Antischolasticos exhibet & Antiperipateticos. Horum agmen ducere jubet Buddeum nostrum, quem vocat *magnum philosophiae praeceptorem*. Adjungit ei plures Academiarum Germaniae Professores ætatis recentissimæ, qui scriptis editis illustrarunt philosophicam historiam. Hic vero fallitur Cl. Auctor, *Jonsium* de iis testem citans, cum laudandus esset Cl. *Dornius*, qui uberrima supplementa adjunxit Jonsiano operi *de scriptoribus historiae philosophicae*. Venit hinc Noster ad *Lud. Vivem, Laur. Vallam, Bernardinum Telesium, Petrum Ramum, & Theodorum Zuingerum*. Cap. VIII producit in medium Philosophos Eclecticis, *Demonacten, Stobaeum, S. Hieronymum, Gregorium Nyssenum, Jac. Mazzonium, Leonem Allatium, Dan. Heinsum*, paucosque alios ; Cap. IX Philosophos chymicos, *Raym. Lullum, Arnoldum Villanovanum, Theophrastum Paracelsum, Rogerum Baconum, Basilium Valentinum, Corn. Agrippam, Helmontium, Dan. Sennertum, Fratres roseæ crucis, Robertum Fluddium, Jordanum Brunum* ; Cap. X Philosophos mathematicos, *Copernicum, Tychonem Brahe, Galilaum, Guil. Gilbertum, Joan. Bapt. a Porta, Verulamium, Athan. Kircherum, Rob. Boyle, Claudium Perraultium*. Cap. XI est de incertæ se-*

ctæ

et Philosophis, *S. Basilio, Gregorio Nazianzeno, Nemesio, Antonio Galateo, Lud. Regio, Ottone Heurnio, Sim. Grynao, Scipione Capycio, Thoma Campanella, Pag. Gaudenzio, Mersenno, Joanne Clerico, Spinoza.* Cap. XII prodit *Gassendus* cum suis asseclis, quos Cl. Autor nominat *Epicureos emendatos*, quia scilicet Epicuri philosophiam ab erroribus Christianæ religioni contrariis expurgatam professi sunt. Sistentur igitur hic *Peirescius, Bernierius, & Hobbesius.* Prælongum est Caput XIII de *Cartesio & Cartesianis.* Hic enim exhibet Cl. Autor Epitomen philosophiæ *Cartesiana*, in eorum maxime gratiam, quos ait opera *Cartesii* legendi jus amisisse, quippe a Romano Indice prohibita. Logicam ejus describit p. 409 sq. Metaphysicam p. 411 — 417; Physicam p. 417 — 442; Ethicam p. 442 — 446. Inde nominatim laudat *Cartesianos* celebriores, *Henr. Regium, Ant. Arnaldum, Robaultium, Antonium le Grand, Petrum Sylvanum Regis, Malebranchium, Jac. Bernullium, & Jo. Christoph. Sturmium.* Tandem Cap. XIV index exhibetur Academicarum universi orbis. Addit Cl. Autor p. 454 — 461 Appendicem *Παράρτημα*, in qua commemorantur *Leo Byzantius, Dion Syracusanus, Aristoxenus, Aristobulus, Adrastius, Zosimus, Ocellus Lucanus, Cratippus, Hermippus, Cebes Thebanus*, atque e recentioribus *Mr. Peyssonel*, de cujus *Philosophia mechanica* plura affert, & *Emanuel Magnanus*, cujus & vitam exponit & philosophiam.

Fatendum nobis est, Autorem in hac Synopsi Historiæ philosophicæ ex innumero librorum numero summa industria congestisse, quæ vel varietate sua lectores delectare queant, adeoque Italis suis, apud quos frigere videtur studium historiæ Philosophorum, præclarum hoc labore præstitisse officium: ut spes nobis affulgeat, ipsum plures civium suorum excitaturum esse suo exemplo ad agrum huncce colendum. Observavimus etiam, p. 287 laudari ab eo opus nostra lingua a Collega nostro maxime industrio S. Rev. *Heumanno* conscriptum, & *Acta Philosophorum* inscriptum. Sed obstitisse Cl. Autori videtur patriæ nostræ linguæ imperitia, quo minus id opus, tribus Tomis constans, & in *Actis* his nostris recensitum, suum in usum conver-

teret. Certe si ve ea legisset, quæ is de philosophia Patriarcharum & Hebræorum commentatus est, futurum erat, ut aut veteres opiniones repudiaret complures, aut hunc autorem admodum crebro refutaret.

JOSEPHI BINGHAM, ANGLI, ORIGINES
sive antiquitates Ecclesiasticæ, e lingua Anglicana in latinam translate a JOHANNÉ HENRICO
GRISCHOVIO, Halberstadiensi.

Volumina X.

Halæ, sumtibus Orphanotrophii, 1723—1729, 8.

Alph. 25½.

QUOD olim in his Actis Supplem. T. VIII Sect. X p. 464 communi Eruditorum nomine optavimus, ut doctissimum de antiquitatibus Ecclesiasticis *Binghamii* opus eruditorum aliquis luculenta interpretatione in linguam Latinam transferret, illud a Viro Clarissimo doctissimoque *Joh. Heinricho Grischovio*, Halberstadiensi, præstitum nunc esse, omni ex parte gratulabundi significamus. Inceperat, multorum precibus ac superiorum voluntate invitatus, hanc telam A. 1723 binosque primos libros, docta beati nunc Theologi, *Joh. Francisci Buddei*, Præfatione comitatos, ex orphanotrophii Hallensis bibliopoli in publicum emiserat, ambiguo tum consilio edendorum reliquorum. Quod tamen ut communi eruditorum plausu, superiorumque autoritate, confirmatum sensit, favente Numine viresque sufficiente, continuato labore, sollicitaque opera, nuper admodum Kal. Dec. 1729 decimum idque ultimum volumen ex eadem officina lætus exire jussit. In quibus id, quod interpretis est, omni studio felicique successu egit, ut verbis autoris sui non tantum alienum sensum non daret, sed ut ea etiam perspicua & plana redderet, erroremque hic (cujus, si quis occurrat, veniam humanissime petit) quam posset enixissime evitare: latinitatis puræ studiosus, sed ut in rebus imprimis ad Ecclesiam pertinentibus latiusque purioris vocibus deslitutis non supersticiosus

fas esset ; & si res aliud non ferret , interdum minus latine quam minus significanter loqui maluit.

In testimoniis ab Autore copiosissime allegatis, præcipuam industriam, negotiosissimum studium, ab amicis harum rerum intelligentibus monitus, sæpe non sine ingenti molestia collocavit, Cum enim *Binghamius* ad calcem cujusque paginæ plurima Autorum loca, quibus a se asserta superstruxerat, notasset, ex hisque ea præsertim, quæ ex Patribus & autoribus latinis citarat, lectoris conspectui, interdum plene, ut plurimum autem carptim descripta exhibuisset, pleraque vero ab ipso lectore evolvenda saltem nominasset, interpretes in translatione utile id omnino ac necessarium ratus, omnia testimonia integre summaque fide describi curavit, cum paucissimis datum sit, ut tot libros evolverent, in eorumque allegatis locis probationes quærerent & examinerent. Quod dum præstare conaretur, difficilem sæpe ac salebrosum viam ingressum se esse agnovit: quod sæpe Autores quosdam, licet instructissima optimis libris orphanotrophii Halensis officina libraria, & rarissimis referta libris Bibliotheca pluresque privatorum sibi paterent, deesse deprehenderet, Anglicos imprimis nullibi inveniret: in evolvendis etiam libris non parum difficultatis ipsi editionum diversitas, & vagæ sæpius nimis *Binghamii* citationes, (*Athanasii* exempli causa, & *Justini M.* apologias, *Nazianzeni* orationes, *Cbrysoستي* homilias, *Hieronymi* epistolas &c. appellantis) apparerent, ita ut aliquot sæpe horarum spatium unico quærendo dicto impendendum foret. Superavit tamen istud etiam molestiæ Clarissimus *Grischovius*, & inventum, quem quæsierat, locum ita ubique annotavit, ut editionis suæ librum, sectionem, paginam, & id genus alia judicia adscriberet, ubi omnem investigatio operam fulleret, appposito signo † indicaret. In ipsis autorum testimoniis transcribendis ita versatus fuit, ut si illa e Græcis Patribus autoribusque fuerunt petenda, ipsa illorum verba Græca poneret, Latinamque eorum versionem in gratiam linguæ græcæ expertum, nisi hæc in ipso auctoris sermone jam extaret, simul adderet, & quod lectoribus non ingratum fore putaret, loca nonnunquam paulo longiora describeret, cum intentus auctori probandi nervus paucioribus verbis

haud

haud indicari posse videretur. Triplicem denique, quod promiserat, sub calcem libri vicesimi tertii, qui ultimo volumine continetur, indicem, unum rerum, alterum autorum, tertium conciliorum, illis, quos operi suo *Binghamius* addidit, multo, ut usus docebit, locupletiores & curatiores adjecit, adeoque non minus accuratam, publiceque profuturam huic *Binghamii* Operi, quod sigillatim olim in his Actis recensuimus, operam impendit, quam olim aureolis libellis, *Speneri* quidem de *Natura & gratia*, quem A. 1715, doctissima *Gottfridi Olearii* Theologi nostratis Præfatione ornatum, & *Franckii* monitis *Pastoralibus & Christo, Scriptura S. nucleo*, quem librum A. 1723 Latino sermone in publicum emisit.

THESAURUS JURIS ROMANI, CONTI-
nens rariora meliorum Interpretum Opuscula. Cum
Præfatione EVERARDI OTTONIS, Jcti
& Antecessoris.

Tomus IV.

Lugduni Batavorum, apud Jo. vander Linden, juniorem,
 1729, fol.

Alph. 9 plag. 23.

Claudit hic Tomus splendidam præstantiorum Juris interpretum collectionem, raros maximam partem exhibens autorum septendecim libellos, sine ætatis, dignitatis ac præstantiæ ratione collocatos, in quibus formosiores propria eminent virtute, ultro invitantes lectorem rerum elegantium curiosiorem. Primo itaque loco extat *Henrici a Suerin liber singularis Repetitarum Lectionum Juris Civilis*, in quo præceptorum suorum, quos Valentis Cavarum audiverat, lectiones repetiit & receptas lectiones ab illorum vel aliorum emendatione, ingenii, ut ait, gratia vindicare tentavit, præsertim vero Cujacium sibi adversarium diligens, pleraque disputationum suarum capita libris ejus Observationum, tecto licet nomine, opposuit, id quod exemplis & animadversionibus doctissimis conspicuum facit in Præfatione

Vir

Vir Præclarissimus, *Everardus Otto*, qui & reliqua pleraque hujus Tomi Opuscula, more suo, præstantissimis observationibus haud parcus illustravit & passim emendavit, quam sinceris elogiis singula convestivit. Sequitur vero ejusdem *Suerinii* alter libellus *singularis Questionum de Usufructu accrescendo*, in quo novam in primis *legis ii D. isto tit.* molitur interpretationem. Proxime datus est locus *M. Antonii Mureti* scriptis, quotquot edidit, juridicis: & in his primum occurrit *Observationum liber singularis*, plus fortasse ingenii, quam eruditionis solidæ quindecim Capitibus ostendens. Præstat igitur *Commentarius ad l. 2 D. de Orig. Jur.* in quo lucem Pomponio affundit quibusdam in locis non pœnitendam, est tamen in *ἀντιστοιχίας* & naves ejus accusandos iusto proclivior, quem defectum pariter ac varios *Mureti* errores passim notavit Amplissimus *Bynkershækius* in *Præterminissis* ad Pomponium. Reliqua *Mureti* de Jure Civili sunt *ad titulos Pandectarum de Legibus, de Jurisdictione & de officio ejus, cui mandata est jurisdictio, Commentarii*. Excipit hos *Theodori Marcilii Collecta & Interpretamentum legis XII Tabb.* optimum sane Professoris hujus Parisiensis Opusculum, in quo nunquam sibi præeuntem *Franciscum Pitheum* laudat, in significationibus tamen vocabulorum illustrandis, quam verbis Decemvirorum legitimis restituendis, præstantior, & Cujacii luminibus plus, quam proficitur, adjutus. Succedit *Adriani Pulvai*, in suprema Curia Parisiensi quondam Advocati, *ad Legem Atiniam, de rei sur-tive prohibita usucapione, liber singularis*, insertus quidem olim *Tractatui Tractatum*, sed more Ziletti & in titulo & contextu ipso corruptus, ac epistola dedicatoria, ad historiam libri non parum faciente, truncatus, quam ideo una cum ipso Opusculo ex editione Parisiensi restituit Vir Conf. D. *Franciscus Carolus Conradi*, nunc Juris in Academia Vitemb. Prof. Collega noster per-industrius, in Triga libellorum ante biennium hic Lipsiæ edita, atque in Præfatione, totum hoc scriptum ad famam Cujacii minuendam publicatum esse, & qua id occasione, quo consilio factum, luculenter exposuit. Sistitur deinde *Friderici Lindenbergii Commentarius in l. un. C. si quis Imp. maledixerit, cum Notis brevioribus ad l. 8 tit. 1 lib. II Legum Wis-Gothorum;*

de non criminando Principe, doctus labor, sed a Jac. Gothofredo ad lib. 9 C. Theod. tit. 4 longe superatus: Scipio vero Gentilis, Oratione de maleactis in Principem disertissima, quæstionem, num satius sit Principi hujusmodi verborum & dictorum licentiam prætermittere, an vero vindicare? præcipue tractavit. Proximus in hac serie libellus est Marquardi Freberi Sulpicius, sive de Æquitate Commentarius ad l. 1 C. de Legib. in quo eam præsertim excutiendam sumsit ambiguitatem, cui parti, in conspectu justi & æqui, Judex vel Jctus accedere debeat? Post hunc collocata est Pardulphi Prateji Jurisprudentia vetus, sive Draconis & Solonis, nec non Romuli Romanorum Regis, ac XII Tabb. leges collectæ interpretatæque, laudandus utique, si tempus æstimetur, quod eum peperit, labor, multa vero spuria minusque intellecta continens. Melioris & ævi, & ingenii fœtus sunt Jac. Constantini, Consiliarii Christianissimi Francorum Regis, Vice-Comitis ac Præfecti Constantiensis, Subtilium Enodationum, seu Elucidationum, libri duo, quibus difficiliora Prudentum Responsa & Constitutiones Imperatorum, quæ Cujacium, Rævardum, aliosque male habuerunt, enodantur, conciliantur & ab intempestivis emendationibus vindicantur, nec non Pontificum quædam Rescripta enucleantur. Vicinum locum tenet Francisci Zoannetti, patria Bononiensis, Professoris Ingolstadiensis, liber singularis Restitutionum Juris, unus e reliquis ejus scriptis dignus visus, qui huic Thesaurο infereretur. Observationes in hoc libro obvias de negationibus detrahendis vel adjiciendis docte sub examen revocavit Cl. Fauchius in Opusculo de Negationibus Pandectarum: neque prætereundum est, quod præclarissimus Otto animadvertit, Zoannetti, hominis doctissimi elogio a Cujacio laudati, plurimis impudenter superbire Jacobum Gallum, Jctum Neapolitanum, in Apicibus Juris. Sequuntur Thoma Papillonii, Parisiensis Jcti & in suprema Curia Advocati, eruditi & rariores Tractatus, de directis heredum substitutionibus & de jure accrescendi. Post hanc Autorum decadem exhibentur Philippi Perterii, Consiliarii Regis Galliarum, & in Senatu Tholosano Præsidis, Diatribæ duæ Pitbanon, quibus civilis Imperii Romani notitia & Ecclesiæ Politi-

tia

tia illustrantur; *Petri Pantojæ de Ajola*, Jcti Toletani, *Commentaria in tit. D. & C. de Aleatoribus*; *Cesaris Costa*, Jcti Maceratensis, Professoris Romani, demum Campanorum Archiepiscopi, *Variarum Ambiguitatum Juris libri tres*; *Scipionis Gentilis libri duo Parergorum ad Pandectas, & Originum liber singularis*; *Antonii Augustini Emendationum & Observationum libri IV, & ad Modestinum de Excusationibus liber singularis*; *Lalii Taurelli ad Gallum & legem Velleam, ad Catonem, & Paulum, ut & de Militiis ex casu, Enarrationes*; quas excipit dispar satis fœtus, *Francisci Husmani Paradoxa ad Legem Falcidiam*. Dignissimus tandem *Emundi Merillii Obscurorum, sive de Jure accrescendi & conjunctionis, liber singularis*, à Bernardino Gessari in editione Operum Merillii Neapolitana ne verbo quidem memoratus, tantoque acceptior eruditus futurus, colophonem imponit Opèri huic amplissimo. Adjecti sunt *Indices quatuor* instructissimi; tres *legum & Autorum veterum*, qui in tota Collectione & in Præfationibus illustrantur, emendantur, aut explicantur, quartus vero omnium *Opusculorum* circiter septuaginta, quæ quatuor Thesauri Voluminibus sunt comprehensa. Indicem materiarum desiderantibus, si Indices plerisque libris apppositi non sufficiunt, cogitandum est, quod Cujacius dicebat: *Nescire libris uti, qui nesciat uti sine repertorio*. Neque possumus non, quod fecimus, cum primum Volumen prodisset, iterum laudare fidem & industriam nobilissimi bibliopolæ, qui nullis sumtibus aut operæ pepercit, quo minus hoc Opus, sive, quæ in illud redigenda promiserat, spectemus, omnino perfectum, imo quibusdam superpondiis locupletatum, sive typorum atque operarum rationem habeamus, nitidissimum &, quam fieri poterat, emendatissimum prodiret, id quod exiguus mendorum in calce adjectus numerus satis loquitur. Quod restat, Viro Celeberrimo, *Everardo Ottoni*, palmam nobilem, quam insigni cura & ornatissimis eruditissimisque præloquiis, hujus Thesauri opes plurimum ugentibus, meruit, impense gratulamur, eique & novis, quas apparat, lucubrationibus precamur bene, ad Jurisprudentiæ melioris incrementum.

**M. TULLII CICERONIS DE FINIBUS
Bonorum & Malorum Libri V, ex recensione JOAN-
NIS DAVISII, Colleg. Regin. Cantabr. Præsidis, cum
eiusdem Animadversionibus & Notis integris P. VI-
CTORII, P. MANUCII, JO. CAMERARII,
D. LAMBINI ac F. URSINI.**

Cantabrigiz, typis Academicis, sumt. Corn. Crownfield, 1728. 8.

Alph. 1 pl. 5.

EO jam tempore, quo *Tullii* Libros de Legibus cura Celeber-
rimi *Davisi* emendatos & illustratos in his Actis laudaba-
mus, de his, quos nunc in manibus habemus, simili studio ejus-
dem doctissimi viri perpolitæ fama acceperamus, eoque avidius
rem ipsam expectavimus. Neque falsa fuit spes nostra: adeo
sibi semper similis est præstantissimus *Davisius*. Quod cum o-
mnibus paullo humanioribus jam pridem cognitum sit, de insti-
tuto autem Viri, quod in emaculandis Tullianis scriptis servat,
toties dixerimus; supervacuum foret, latius hic excurrere aut
singula persequi. Pauca dixisse sufficiet. Libros manu exara-
tos adhibuit octo numero, duos nempe *Elienses*, unum *Balliolen-
sem*, *Meadianum* & *Cantabrigiensem* ex Bibliotheca Collegii
Corporis Christi, tres denique *Parisienses*, quorum excerptas Le-
ctiones discrepantes suppeditavit *Jo. Walckerus* V.C. Neque
Editiones veteres neglexit, ex quibus memoria digna est Veneta
A. 1471. Præterea diligenter etiam ad eas lectiones attendit, quas
ex suis libris alii interpretes protulerunt. Porro & solo ingenio
sæpe usus est, ubi omnes libros ineptire animadvertit: quo casu
& earum conjecturarum, quas ceteri interpretes tentarunt, ratio-
nem habuit. Postremo non emendationi tantum, sed illustratio-
ni quoque intentus fuit, & ex omni genere scriptorum hic illic
adscripsit, quæ gravissimas in hoc scripto sententias declarare aut
confirmare possunt. Verum hanc illustrandi rationem facile per-
se quisque concipiat; de altera autem ratione exempla quædam
proferamus. Sic ex libris manuscriptis Lib. II Cap. XVII in textu
reposuit: *nemo nostrum* credebatur; ubi vulgo, contrario sensu, le-
gebatur: *nemo nostrum* negabat. Ex iisdem & conjectura **CL**

Tb.

Tb. Bentleji Cap. II Ciceroni reddidit: *Hunc vos beatum; ratio quidem vestra sic cogit. At ego huic quem antepōnam, non audeo dicere, ubi olim circumferebant: Hunc vero beatum oratio quidem vestra sic cogitat: ego huic &c.* qui merus librariorum stupor est. Cap. XXVI nunc legas: *summas familiaritates pradiorum fructuolorum mercede superari.* Omnes Edd. præter Victorianam, offerebant *pradiorum pretiosorum.* Optime etiam Cap. XXXI ex tribus MSS. recepit istam lectionem: *Ita redarguitur ipse a sese, vincunturque scripta ejus probitate ipsius ac moribus, cum vulgata, sed putidissima, esset: veneuntque scripta ejus.* De Epicuro sermo est, quem vixisse melius, quam docuisse aut scripsisse ianuit. Et nollemus sane, virum optimum coniecisse: *convincunturque scripta ejus. Vincere, quod hic membranz habent, sæpiissime apud Tullium est evincere, demonstrando superare, adeoque & refellere: plane ut Græci, ad quos ille pro suo convincere provocat, κερῶν adhibere solent.* Apposite sane Thucyd. Lib. I, cap. LXIX καὶ τοὶ ἀδύναστοι ἀσφαλεῖς εἶναι, ὡς ἀπὸ λόγου τοῦ ἐπὶ τῶν ἐχθρῶν. Et sic Marius: *Nam me quidem ex animi sententia nulla oratio ladere potest: quippe vera necesse est bene prædicet; falsam vita moresque mei superant, id est, refellunt, confutant, prorsus ut apud Tullium.* Lib. III Cap. I ex quinque suis Codd. recte confirmat istam lectionem: *Quare illam quidem dimittamus & suis se finibus tenere jubeamus; cum aliorum suis se finibus potere jubeamus ne Latinum quidem timent.* Lib. IV Cap. XXIV duorum Codicum autoritate edidit: *Itaque usque eadem ratione, qua sum paulo ante usus, barbaris, ubi antes legebatur: Itaque usi eadem ratione.* Lib. V Cap. XXX nunc duo MSS. confirmant venustam hanc scripturam: *si avenam ipsam videris, quam etiam Victorius, Lambinus & Aldus nepos expresserunt, quæque aliter: si avenam ipsam videris, longe superat.* Sæpe etiam solam impressorum librorum fidem secutus est, ubi scriptor nitro & elegantie Tullianæ minus respondere credidit. Habes sane ex Lambini & Aldi Editionibus Lib. II Cap. VII: *Et tamen quid attinet luxuriosis ullam exceptionem dare, aut fingere aliquot cet. licet vulgo, et cum MSSis, legeretur dari: quod in numeris exemplis defendi poterat.* Habes eandem Enallagen

mox Cap. XV: *Si enim ad honestatem omnia referantur, neque in ea voluptatem dicant inesse.* Sed & illic vir doctissimus cum Cl. Th. Bentlejo corrigit *referant.* Ita ex sola Editione Victoriana Cap. IX expressit: *Qualis ista philosophia est, quae non interitum afferat pravitati, sed sit contenta mediocritate vitiorum?* quod ita Latinae linguae rationem postulare credebatur. Putarem tamen latinitatem æque tolerare aliorum & omnium MSSorum lectionem: *quae non interitum afferat pravitatis.* Equum profecto est, non ita membranis adhærescere interpretes, ut illos nulla elegantia, nulla ratio abstrahat. Ita videbis Lib. III Cap. XIV laudatum quidem ex membranis: *Omnis ista rerum corporearum æstimatio;* in textu tamen servatum: *rerum in corpore sitarum æstimatio.* Et hujus generis permulta enumerare possemus, quæ omnia acutum Cl. Davissi judicium indicant. Nihilominus unico MS. Palatino, quantumvis probo, plus justo tributum esse dicas, quando Lib. II Cap. XXII ex illo receptum est: *illud quæro, quid ei, qui in voluptate summum bonum ponat, consentaneum sit dicere,* cum Edd. omnes, ac MSS. ceteri uno ore occinant: *qui in voluptate summum bonum putat,* quæ scriptura verissima, altera autem sciolli interpretatio nobis quidem videtur. Sæpius ita Sallustius, ut B. Catil. Cap. II: *maximam gloriam in maximo imperio putare;* Cap. XXX: *quia boni quamplures præsidium in eo putabant;* Cap. XLIII *maximum bonum in celeritate putabat.* Et B. Jug. Cap. LIII: *dum in elephantis auxilium putant.* Ita recte Tullius *in voluptate summum bonum putat:* neque opus est conjectura viri doctissimi: *voluptatem summum bonum putat;* neque Palatini codicis *ponat* admitti meretur. Hic est ille Palatinus, cujus auctoritatem Cap. XVIII facile neglexit vir optimus. Illic enim omnino cum istis membranis scribendum est: *ut hodie est noster Pompejus, cui recte facienti gratia est habenda: esse enim quam vellet iniquus, justus, poterat impune.* Perquam venuste, si quid videmus. Friget vulgatum: *esse enim quamvis vellet justus, iniquus poterat impune,* nec friget tantum, sed prorsus absurdum est. Illud alterum ex formula dictum videtur pro *iniquus nec ne,* ut alibi *honestus & inhonestus, sacra profanaque omnia, avaritia neque copia, neque inopia minuitur, alia.* J. Fr. Gronovius idem pro-

pro-

probavit, sed paullo aliter explicuit. De conjecturis Cl. *Davisi* nunc dicendum est. Sed ut ille receptas lectiones, si commodè & aptè videantur, non facile sollicitat, quod cum aliis locis pluribus, tum ex Lib. IV Cap. XXIII cognoscas, ubi antiquos barbaros optime tuetur: sic conjecturis non ita indulget, ut ubique ingenium suum ostentare quærat. Quando vero necessitas flagitat, satis habuit, conjecturas proponere, nec statim Ciceroni obtrudere. Sic Lib. I Cap. II pag. 4, probam legas licet emendationem, quæ vero ingenio Cl. *Davisi* maximam partem debetur. Decore etiam Lib. II Cap. VII duas voces *genere voluptatis* expungendas esse coniecit. Si vero stuporem *Is. Verburgii* cujusdam manifestare cogitur, facit id quidem modeste, & pro solita humanitate, ut docebit nota ad Lib. II Cap. XXXIV pag. 186. Videbimus tandem, an aliquot lectiones vulgatæ, quæ minus probæ vilæ sunt, site vindicari queant. Lib. II Cap. III legitur: *Verum hoc loco sumo, verbis his eandem certe vim voluptatis Epicurum nosse, quam ceteros.* Parum hæc sincera videntur Cl. Editori, lubensque, inquit, discerem, quid sit *verbis nosse*. Legit itaque *notasse*, i. e. significasse. Nos vero si in aliis libris *nosse*, in aliis *notasse* reperissemus, hoc certe Glossatoris esse censeremus. *Verbis nosse* est verbis intelligere, idque eo loco eleganter satis, ubi præcessit: *Quid ergo, istam voluptatem, inquit, Epicurus ignorat? Non semper, inquam: nam interdum nimis etiam novit.* Et ut hic *verbis nosse*, sic cognitiones verborum Tullius dixit Lib. II Cap. V: *Hoc est vim afferre, Torquate, sensibus, extorquere ex animis cognitiones verborum, quibus imbuti sumus.* Similiter Lib. III Cap. XVI vulgata lectio est: *quorum ordo proxime accedit, ut secundus sit ad regium principatum;* sed Cl. Editor legendum statuit: *ut secundus sit a regio principatu,* qui modus loquendi frequentior quidem est, sed cur ille alter improbetur, causa nulla est. Exponitur hic, quid sit *προνυπὸς* Stoicorum, & paullo ante legitur: *produhum esse ad dignitatem, cui melius secundus ad principatum respondet.* Nec minus Latinum esse debet *secundus ad*, quam *primus ad*, quo Sallustius, Lucanus atque alii sunt usi. Lib. V Cap. XV offendeat virum præstantissimum: *Est enim natura sic generata vis hominis, & deleta vocabulo vis* malebat, ista *natura homi-*

hominis conjungi, aut *vis* in *omnis* mutari. At nobis *vis hominis* tam opportune illic expressa esse videtur, ut Codices etiam, nedum conjecturas ob illam deferere debeamus. *Vis* enim Cicero ni permultis locis idem est ac *natura & essentia*, & propterea toties *vim & naturam* conjungit. Est autem quaedam veluti descriptio *vis hominis*, pro *homine*: ut Lucretius & Virgilius *vis canum*, pro *canibus*, & ipse Tullius *vis equi* pro *equo*, alii alia dixerunt. Idque eo magis hic admittendum fuit, quod Cicero his ipsis libris *naturam hominis*, pro *homine* sese dicere annotaverit. Lege Lib. V Cap. XI. Addamus & illa ex Lib. V Cap. XVI: *quod preceptum quia majus erat*, quam ut ab homine videretur, *idcirca assignatum est Deo*, quæ, siue intelligas *ab homine profectum esse*, siue *ab homine preceptum*, siue interpreteris *quam ut hominis videretur*, semper Ciceroniana sunt. Notum est illud ex Epistolis ad familiares: *quibus a tali viro contentus esse poteram*; item ex Historia Augusta: *cui dictum ab Druide retulerat*, & plura talia, quæ conjecturas (tres tamen quatuorve hic reperias) omnes ab isto loco removeant. Sequitur Cap. XIX: *Mibi quidem Homerus hujusmodi quiddam vidisse videtur*. Hic vic celeberrimus: „Nisi fallor, sententiæ magis conveniret *indicasse*, vel *prodidisse*, vel aliud ejusdem potestatis vocabulum.„ Sed, si nihil hoc loco amplius curandum, salva est sententia, etiamsi *vidisse* retineas, quod est respexisse, intendisse, significare voluisse: nec potuit aptius verbum adhibere. Ita Cap. XXII ubi de Oreste & Pylade: *Cum autem etiam exitus ab utroque datur conturbatque errantique regi*, optime ita scribitur, hoc sensu, cum æstus errantis regis explicatur, cum finis errori & turbis imponitur, eaque notione *exitum dare*, *exitum habere* apud Senecam aliosque non semel occurrit. Considera itaque, quid de conjecturis sit statuendum: *Cum autem etiam exitus utrique datus a conturbato errantique rege*; item: *Cum autem etiam exitus alterutri datus a conturbato hærentique rege*. Atque hæc hæc hactenus. Veremur adire istam aleam: aliter & domi natas conjecturas quasdam hic subjungere poteramus. Certe quod Lib. II Cap. VI *ratione ac via disputandi* vulgatur, in nexum orationis vehementer peccat. Substitueremus levissima mutatione; *rationem ac viam disputandi*.

tandi. Elueremus aliam quoque maculam, quæ Lib. I Cap. V in-
hæret. Sed jam nimii sumus.

THOMÆ WOPKENS LECTIONUM TUL-
LIANARUM, sive in Opera quædam Ciceronis Phi-
losophica Animadversionum Criticarum

Libri III.

Amstelodami, apud Balthas. Lakeman, 1730, 8.

Plag. 22.

Scripta Tullii, quæ his Animadversionibus tanguntur, sunt
Academica ac Tusculana Disputationes, Libri de *Natura Deo-
rum*, de *Divinatione*, ac de *Fato*. Animadversiones ipsæ ita com-
paratæ sunt, ut major pars vindicias locorum, ab Interpretibus
male, ut putabat Doctiss. Wopkens, sollicitatorum contineat. Ita-
que Cl. Editor nonnunquam ab Grutero, Lambino aliisque, sæ-
pissime tamen a viris Celeberrimis Walckero & Daviso dissentit,
scripturamque olim vulgatam adversus novas emendationes de-
fendit. Et sic fere solent, qui primum in arte Critica ingenium
suum experiuntur: antequam intelligunt, quantum sibi permi-
serint librarii, & quam cultum atque subactum requiratur judi-
cium, ut facinora sciolorum deprehendamus. Hoc tamen in
Doctiss. Wopkens singulari laude dignum existimamus, quod
non tantum modeste dissensum suum exposuerit, sed etiam regia
via ad artem interpretandi & emendandi processerit. Peritiam
enim haud vulgarem utriusque linguæ, laudabilem attentionem
ad figuras aliaque ornamenta orationis, quæ res in his litteris uni-
ce necessaria est, ostendit: ut aliquando majora & meliora, si u-
sum veterum membranarum ceterorumque subsidiorum addide-
rit, ab tali ingenio merito exspectare queamus. Non tamen so-
lummodo vindiciis, aut libris istis, quos supra nominavimus, in-
tendit: sæpe etiam ipse emendationes suas tam in his, quam aliis
Tullianis scriptis proponit, multorumque præterea autorum si-
miliem rationem habet. Hoc studium ipsi non semper infeliciter
cessisse, unico exemplo demonstrabimus ex Ciceronis Lib. II de
Legg. Cap. VI, ubi in verbis: *Q. quid quod Zaleucum istum negat*

ullum fuisse *Timaeus M.* At *Theophrastus* autor baud deterior, aliud *Lipsius*, aliud *Celeb Davissus* tentavit. Noster levissima, & vera, ut arbitramur, mutatione reponit: negat ullum fuisse *Timaeus M.* ait *Theophrastus*. Exstat hæc emendatio Lib. I Cap. VIII pag. 40. Aliter longe evenit, quando Lib. II Cap. XIII pag. 200 in *Sallustii B. Cat. Cap. IV* vocabulum *hominis* exterminat, ut formulæ *de cuius moribus* ille autor faveat. Hoc enim *hominis* & omnes libri scripti, & perpetua *Crispi* consuetudo tuentur: quippe apud quem nihil frequentius, quam *hic homo, hæc mulier, hic vir, omnes homines*, ubi alii solo provocabulo contenti fuissent. Certe statim Cap. XXIII ejusdem *B. Catil.* ita scribit: *Huius homini non minor vanitas, quam audacia.* Neque mirum est, si homines in arte Emendatoria novi a vero aberrant, quando alios, quam quibus proprie intenti sunt, autores obiter emaculare volunt, cum idem sæpe accidat iis, qui magis sunt exercitati. Suis enim cujusque autoris genius & scribendi consuetudo non nisi longo usu & propria ac diutina consideratione addiscitur. Igitur ista quidem omittamus, & quæ ad *Vindicias Tullianas* spectant, consideremus. Lib. II *Academ. Cap. V* receptam lectionem: *Tum ad hos notiores, C. Flaminium, C. Cassium, L. Pompejum, non male interpretatur per ellipsin verbi veniunt, quasi esset: tum ad hos notiores veniunt; idque eo magis probabile est, quod præcessit: Repetunt a S. Valerio.* Celeberrimus *Davissus* præpositionem inducendam, vel potius *tum &*, vel autem *hos notiores*, scribendum esse conjecerat, quia proxime auditum erat verbum *commemorant*. Legimus hæc Lib. I Cap. V. Eodem Lib. I Cap. XI pag. 62 & 63 in *Tusculan. Lib. II Cap. XXII* vulgatam scripturam *vir fortis ac sapiens* contra conjecturam viri doctissimi: *vir fortis ac sapiens* ita defendit, ut doceat *sapientiam* sæpe ab autoribus nominari, ubi de fortitudine perferendisque rebus adversis sermo est. Cap. XIII pag. 75 & 76 locum *Ciceronis* ex III *Tuscul. Cap. III* contra *Jac. Gronovii* & *Bentleji* novationes ea sola observatione vindicat, quod apud Latinos *&* ac *que* sæpius oppositioni inserviunt. Cap. XIX pag. 105 & sequ. ordinem verborum in his *Tuscul. Lib. V Cap. V*, ut *ad eas cursim perrectura, nec eas beata vita a se desertas passura videatur*, pluribus exemplis munivit

COR-

contra transpositionem Viri clarissimi, qui malebat: *perfectura beata vita, nec eas a se* cet. Lib. II Cap. V pag. 145 sqq. verba Ciceronis ex Lib. II de Nat. Deor. Cap. IX, *eaque* (terra) *hieme fit densior, ob eamque causam calorem insitum in terris contineat arctius*, salva conservare jubet ab emendatione Viri celeberrimi, qui, ne Cicero *terra calorem insitum in terris continet* dicere videretur, *insitum* intra se *contineat* reponebat, aut voces *in terris* plane expungi malebat. Ipse autem ostendit, Tullium alibi dixisse: *sensus percipere res sensibus subjectas; artes habere artum; dolorem doloris, & alia talia, a quibus nec alii satis casti scriptores abstinerunt*. Lib. III Cap. I pag. 237 Ciceronis locum Lib. I de Divinat. Cap. VIII: *Demersit caput, & fluctum cervice recepit*, contra Guilielmium, qui *demersat & receptat* malebat, defendit, quod tempus perfectum sæpius pro præsentis ponatur: & hujus quidem generis observationes bene multas; nec pauciores, quæ tantummodo ordinem & positum verborum, aut usum aliquem singularem particularum spectant, istæ Lectiones Tullianæ subministrant. Lib. III Cap. III pag. 252 Tullium verbis *obtumesce*, & *obtumesacta*, quæ Lexicographi fere ignorant, usum esse demonstrat. Lib. ejusdem Cap. IV pag. 260 Tullium etiam, quod alii frequentius fecerunt, *vitam*, pro hominibus cum maxime viventibus, usurpassè monet, eaque occasione Virum Celeberrimum in Commentario ad Phædrum aliquid humani passum esse dicitur, qui negaverit apud Ciceronem & ejus æquales hoc vocabulum eo sensu reperiri. Sed nos in eruditissimo isto Commentario illum lapsum Viri maximi non reperimus: contra paullo iniquiorem Cl. Editorem (forte in gratiam Cl. Clerici, cui hoc Opusculum est dicatum) & hic, & aliis aliquot locis in primarium illud sæculi nostri ingenium observavimus: quod sane nollemus factum. Ejusd. Libri Cap. VII pag. 276 insullam *Verburgii* contra Celeb. *Davisi*um notam rectè confutavit. Denique & hoc addendum, permulta loca veterum Græcorum Latinorumque scriptorum, quæ in doctissimis annotationibus suis produxit Celeb. *Davisi*us & comiter emendavit, hic etiam sub examen vocari.

EVERHARDI DAVIDIS HAUBERI, SOCIETATIS Scient. Boruss. Collegæ, Möglicher Discours &c.

hoc est,

DISSERTATIO DE HODIERNO STATU
Geographiae, potissimum in Germania. Accedunt Supple-
menta & Emendationes Prodromi Historiae mappa-
rum Geographicarum.

Ulmæ, apud Dan. Bartholomæi, 1727; 8.

Alph. 1 pl. 3.

ALIQUOT abhinc annis Max. Reverendus Autor in animum in-
duxerat, amplissimam contexere studii Geographici histori-
am, & jam A. 1724 edidit recensitam in his *Actis* eodem anno p. 138
sq. *Scitographiam historiae mapparum Geographicarum*. Nunc
propius ad scopum suum accedit, exhibens hoc libro hodiernum
statum studii Geographici. *Capite igitur primo*, mentione facta
duorum librorum, quorum alter inscribitur *Essai sur l'Etat pre-
sent de la Geographie*, alter *Essai sur l'origine & les progrès de la
Geographie*, cujus tamen utriusque scopum a suo diversum esse
ait, docet, quam florenti in statu hodie versetur studium Geogra-
phicum. Hic primo considerationi nostræ subjicit Cosmogra-
phiam, eamque ostendit tanta cepisse nostris temporibus incre-
menta omnibus in suis partibus, ut prioris ævi scientia Cosmogra-
phica multis parasangis fuerit inferior. Deinde Geographiam
contemplatur, & quantum ad fastigium hæc scientia evecta sit æ-
tate nostra, demonstrat perspicue. Veteribus namque nec vera ma-
gnitudo nec vera figura terræ nostræ erat perspecta, nec veram
ejus faciem ii cognoverant, neque adeo sciebant, quantum ejus
mare tegat, & cujus generis incolæ quamque partem incolant.
Hodie vero nihil horum ignoratur: eamque in rem Cl. Autor
præcipue commendat *Varenii Geographiam generalem*, & Cl.
Liebknichtii Compendium Geographicum. Ad historicam Geo-
graphiam quod attinet, notitiam amplissimam hodie nobis pande-
re ait itineraria per omnes orbis partes conscripta a viris curiosis-
simis doctissimisque. Nominat hic multa itineraria, adjecta & eo-
rum honorifica mentione, qui totum orbem navigando emensi
sunt. Ad felicitatem nostri ævi denique refert multitudinem ac
præstantiam mapparum Geographicarum, Systematum Geogra-
phiæ, (quorum præcipua nominatim laudat) & Lexicorum Geo-
gra-

graphicorum. *Cap. II* de incrementis hodiernis studii Geographici differere pergit, & ita quidem, ut descendat ad specialiora. Initio igitur regiones Europæ singulas perlustrat, docens, quam pulchræ Geographicæ descriptiones exstent Portugalliz, Hispaniz, Galliz, Italiæ, Germaniz, (cujus quidem singulas partes a doctissimis viris descriptas esse Geographice, doctissime demonstrat) Helvetiz, Magnæ Britanniz, Daniz, Sueciz, Poloniz, Prussiz, Hungariz, Turciz, Russiz, Persiz, &c. Laudat ubique præcipuos libros, deteriores nota perstringit censoria. Tum docet, quam bono in statu hodie sit Hydrographia, Geographia item antiqua & media, Biblica denique Geographia & Ecclesiastica. *Cap. III* monet, multum tamen imperfectionis superesse in studio Geographico, & quid jure desideretur, exponit. Deesse igitur orbi literato censet justum Systema Cosmographiz, cum permultæ quæstiones cosmographicz nondum sint ad liquidum perductæ; justum item & perfectum Systema Geographiz, cum multa adhuc in Geographia sint incerta, e.g. situs plerorumque locorum, observationes Astronomicæ. Adducit etiam errores defectusque Itinerariorum & Mapparum Geographicarum, adjectis tantæ errorum multitudinis causis. Paucis quoque ostendit defectus Geographiz antiquæ & mediæ, sacræ item atque ecclesiasticæ. *Cap. IV* consilium proponit de ulterius emendanda & perficienda Geographia. Scilicet opus esse ipsi videtur Societate eruditorum Geographica, ejusque officia hic curate descripta legimus. Cognoscimus etiam, jam *Tenzelio* in mentem venisse ejusmodi Societatem. *Cap. V* consilium aperit, qua ratione tractari oporteat Geographiam, & quomodo sit utendum mappis Geographicis. Docet igitur, quo ordine Atlas exhibere debeat mappas singularum regionum, simul reprehendens illum earum ordinem, quem proposuit *Polyc. Lyserus* in sua *Commentatione de vera Geographiæ methodo*. *Cap. VI* exhibetur Sciagraphia Atlantis Germanici, ac magnus proferitur catalogus pertinentium huc, quas ipse possidet, mapparum. Venimus ad *Supplementa & Emendationes historia mapparum Geographicarum*, A. 1724 in his *Actis* recensitæ. Commemorantur hic recentissima scripta Geographica, pluresque speciales mappæ Geographicæ regionum Germaniz. Præterea inferuntur ob-

observationes eruditissimæ, e quibus hæ nobis imprimis arriserunt. *Pag. 5* antiquitatem mapparum Geographicarum ostendit ex *Josue XVIII, 9*. Addit, jam ante Josuam Sefostrin, regem Ægypti, in tabula describendas curasse suas regiones. Ibidem docet, *Tabulam Peutingerianam* nunc esse in Bibliotheca Herois Eugenii, magno redemptam pretio. *P. 8-10* observat, Nicolaum Cusanum, Cardinalem, falso tradi communiter vita excessisse A. 1464, cum demum A. 1500 d. 11 Aug. sit mortuus. Repetit id superiori in Dissertatione *p. 133*. Describit & *p. 11 sqq.* incomparabilem *Astuntem Augusteum*, auspiciis *Augusti*, Regis Pol. & Elect. Sax. confectum ab ipsius Geographo, Zurnero, constantem LXXX mappis Geographicis, Saxoniam Electoralem exhibentibus. *P. 44* (& in præmissa Dissertatione *p. 49 sq.*) ait, optimam omnium mappam, qua tota terra representetur, esse eam, quam edidit Regis Galliz Geographus, A. 1726 d. 25 Jan. mortuus, Guilielmus de l'Isle. *P. 83* putat, Cl. *Hardtii*, Prof. Helmst. *Geographiam sacram* non esse prodituram in publicum: idque dolendum esse, negat. Nos vero dolemus, Auctorem nostrum, sacro nunc muneri præfectum, (vivit enim *Stadt-baga* Superintendens & Illustriss. Comitis Schaumburgici Confiliarius Ecclesiasticus) non posse cœptam telam pertexere. Illud tamen habemus cognitum, eum collectanea sua traditurum alteri, qui cum idoneus, tum paratus sit ad præclarum hoc opus perficiendum.

NOVA LITTERARIA.

EAdem fere nuper fata habuere duæ in Germania Bibliothecæ instructissimæ, de quibus aliquid hoc loco memorare operæ pretium putavimus. Primus Vir Ampliss. *Zach. Conradus ab Uffenbach*, Reipubl. Francofurt. ad Mœnum Consul & Consiliarius sacri Assessor, cum se ita paulatim negotiis gravari sentiret, ut Bibliothecæ suæ amplissimæ curam habere amplius vix posset, & aliz, quas publice exposuit, eum causæ urgerent, totam supellectilem librariam, exceptis saltim, quæ spectarent ad Historiam literariam, divendere constituit, atque adeo Tomum I, variarum Facultatum libros cum insigni prohibitorum copia complexum, Francofurti edidit anno superiori in 8, apud Jo. Benj. Andreæ & Henr. Hort, quorum opera uti & pecuniam ad eos dirigere pos-

possunt, quibus volupe est quoscunque libros pro pretiis, quæ singulis adscripta sunt æquissima, sibi comparare. Apud eosdem prodit & nuperrime Tomus II, qui Historicos, quos potissimum amavit Prænobiliss. Possessor, tum & Antiquarios & Nummarios, sistit, cum duplici Appendice, quarum altera supellectilem antiquariam (nummariam quidem jam pridem Viro Cl. *Jo. Bapt. Otisio*, Archidiacono ac Bibliothecario Tigurino permutationis jure cessit) statuas nempe, gemmas, urnas, lampades, pateras & similes antiquitatis reliquias, altera incunabula artis typographicæ, seu catalogum libros CCCCXIII primis ab artis inventione annis typis exscriptos exhibentem continet. Tertius Tomus, mox proditurus, MSptos Codices complectetur, quorum quam insignis copia suppetat, facile existimabunt, qui non ignorant, Partem I Bibliothecæ hujus MSptæ jam A. 1720 satis magno volumine in fol. prodixisse, a nobis quoque in Actis 1721 p. 233 recensitam, quique adeo, Partem quoque II, quæ ingenti historiarum apparatus destinata erat, prodire, frustra licet hæcenus ob acerba Typographi fata, optarunt.

Nec incelebris fuit huc usque Viri Cl. *Jo. Burchardi Menckeni* nostri Bibliotheca, quæ Lipsiæ apud Jo. Frid. Gleditschii B. Fil. bis, nempe A. 1723 iterumque longe auctior A. 1727 in 8 accurato ordine edita, non sine plausu excepta fuit. Etsi vero copiam librorum suorum nemini adhuc negaret, multorum tamen malam fidem sæpissime expertus est, qui, quos antea, satis etiam importune & quasi pro imperio, a Cl. Possessore postulaverant & acceperant, vel sero vel nunquam plane reddiderunt, quo factum, ut non sine summa molestia quotidie libros desideraret, quos non modica pecunia redemerat. Itaque ut tandem hoc onere se levaret, maxime cum ob fractam nimis hoc biennio valetudinem cura Bibliothecæ defungi ægre posset, statuit, servatis tantum iis, quibus opus habet, reliquos omnes divendere, eoque minores hæcenus catalogos evulgavit, quibus addidit pretia haud iniqua, integrum præterea relinquens Bibliophilis, num ex majori Catalogo excerpere aliquos & de pretio secum convenire velint. Etsi vero jam potissima ejus pars Dresdam in Bibliothecam Viri Illustriss. & Excellentissimi, Dn. *Henrici de Bünau*, Potentiss.

Regis

Regis Pol. & El. Saxoniz Consilarii intimi, tum & non pauci libri in Schœmbergicam Dresdensem & Senatoriam nostram, atque ad alios Viros eruditos, in Saxonia tamen imprimis, (quod pergratum accidit Possessori) pervenerint, superest tamen adhuc numerus haud exiguus optimorum librorum, qui vendi curiosis, justo pretio oblato, poterunt.

Prodiit etiam nuper Hagæ Comitum Catalogus Bibliothecz longe instructissimæ, quippe plusquam centum millia volumina, quæ ad omne genus literarum, historiam maxime, spectant & partim linguis exoticis conscripta sunt, complexæ, quam longis annis & incredibili sumtu collegit *Samuel Hulsius*, Consul Hagiensis, hodieque superstes. Constat Bibliotheca, die 4 Sept. hujus anni hastæ subjicienda, sex Voluminibus, & vendent Catalogum typographi in omni fere Europa celeberrimi, Romæ Pagliarini, Salviani, Andreoli, Ficaroni, Barbiellini, Neapoli Risponi, Cicarelli, Gessari, Venetiis Coletti, Pizzana, Albrizzi, Manfre, Baglioni, Veronæ Tummermanni, Mutinæ Soliani, Florentiæ Tartini & Franchi, Liburni Mornini, Mediolani Cairolo, Taurini Fontana, Parisiis Marietti, Rollin, Londini Brevoft, Basileæ Thurneiser, Genevæ Bousquet, de Tournes, Argentorati Dulssecker, Viennæ Straube, Francofurti Varentrapp, Ulmæ Bartholomæi, Noribergæ Lochner, Monath, Stein, Casellis Cramer, Augustæ Bencardi vidua, Dresdæ Gerlach, Lipsiæ Gleditsch, Fritsch, Weidmann, Augustus Martini, Wittebergæ Ludovici, Jenæ Bielke, Halæ Sellius, Magdeburgi Seidelius, Berolini Haude, Guelferbyti Meisnerus, Bremæ Saueremann, Hanoveræ Fœrsteri, Lubecz Bæckmann, Hamburgi Felgineri vidua, Hafniæ Rothe, Holmiæ Weidmann, Coloniz Huisch, & in Belgio typographi fere omnes.

Ceterum eruditos ignorare nolumus, Virgilium uberrimis Nic. Heinssii notis illustratum, & tot eruditorum votis expetitum, sed jam pro deperdito habitum, tandem a Viro Celeberrimo, *Petro Burmanno*, ex tenebris nuper protractum esse. Is nunc notas istas describi curat, dabitque propediem Virgilium illis Heinssianis, ut & Servii, Philargyrii, Pierii, forsan & aliorum, integris observationibus ornatum, ut editione Masei in posterum secure possimus carere. Invenit idem ille simul Libros quatuor *Adversariorum*, in quos Heinssius conjecit infinitas conjecturas in Statium, Propertium, Tibullum, Lucanum, Senecam Tragicum & alios, quos ipse edere noluit. Hi etiam describuntur & quamprimum, cum orbe literato communicabuntur.

* * *

ACTA ERUDITORUM,

publicata Lipsiæ

Calendis Junii Anno MDCCXXX.

SCRIPTORES RERUM GERMANICARUM,
precipue Saxonicarum, &c. e Tabulario Regio & Electo-
rali Saxonico Dresdensi maximam partem collegit JO.
BURCHARDUS MENCKENIUS, Potentissimo
Regi Pol. atque Electori Sax. a Consiliis Aul. & Historia,
Hist. in Acad. L'ps. Prof. Publ. & Societat. Reg. Britann.
& Boruss. Socius: cum Indice in omnes tres
Tomos.

Tomus III.

Lipsiæ, impensis Jo. Christlani Martini, 1730, fol.

Alph. 12 pl. 10 c. fig. zn. 7.

Desideria igitur ex asse explevit & patriæ suavissimæ &
orbis litterati Vir de re litteraria meritissimus, *Men-*
ckenius noster, dum Tomum III Scriptorum Saxoni-
corum, eumque ultimum, ita comparatum in publicum emittit,
ut cunctationem illius, si qua in libris optimis allegari meretur,
gravitas contentorum ingenti commodo penset. Obtinuit enim
jam editis Operis hujus Tomis prioribus, hanc gratiam a Poten-
tissimo Sarmatarum Rege, ut præter multa alia lectu dignissima,
Chronica quædam vetustiora e Tabulario Regio & Electorali
Dresdensi in publicam lucem protrahere ipsi liceret. Alia sup-
peditavit Bibliotheca Academicæ Lipsiensis, cujus thesauros Viri
eruditissimi in squalore reconditos fere dereliquerant. Ortho-
graphia Codicum, minus licet accurata, hic quoque, ut in priori-
bus Tomis, ubique fuit retenta, ne quid ipse sinxisse videretur &

H h

ut

Regis Pol. & El. Saxoniz Consiliarii intimi, tum & non pauci libri in Schœmbergicam Dresdensem & Senatoriam nostram, atque ad alios Viros eruditos, in Saxonia tamen imprimis, (quod pergratum accidit Possessori) pervenerint, superest tamen adhuc numerus haud exiguus optimorum librorum, qui vendi curiosis, justo pretio oblato, poterunt.

Prodiit etiam nuper Hagæ Comitum Catalogus Bibliothecæ longe instructissimæ, quippe plus quam centum millia volumina, quæ ad omne genus literarum, historiam maxime, spectant & partim linguis exoticis conscripta sunt, complexæ, quam longis annis & incredibili sumtu collegit *Samuel Hulsius*, Consul Hagienfis, hodieque superses. Constat Bibliotheca, die 4 Sept. hujus anni hastæ subjicienda, sex Voluminibus, & vendent Catalogum typographi in omni fere Europa celeberrimi, Romæ Pagliarini, Salviani, Andreoli, Ficaroni, Barbiellini, Neapoli Risponi, Cicarelli, Gessari, Venetiis Coletti, Pizzana, Albrizzi, Mansre, Baglioni, Veronæ Tummermanni, Mutinæ Soliani, Florentiæ Tartini & Franchi, Liburni Mornini, Mediolani Cairola, Taurini Fontana, Parisiis Marietti, Rollin, Londini Brevoft, Basileæ Thurneiser, Genevæ Bousquet, de Tournes, Argentorati Dulssecker, Viennæ Straube, Francofurti Varentrapp, Ulmæ Bartholomæi, Noribergæ Lochner, Monath, Stein, Casellis Cramer, Augustæ Bencardi vidua, Dresdæ Gerlach, Lipsiæ Gleditsch, Fritsch, Weidmann, Augustus Martini, Wittebergæ Ludovici, Jenæ Bielke, Halæ Sellius, Magdeburgi Seidelius, Berolini Haude, Guelpherbyti Meisnerus, Breinæ Sauermann, Hanoveræ Fœrsteri, Lubecæ Bœckmann, Hamburgi Felgineri vidua, Hafniæ Rothe, Holmiæ Weidmann, Coloniz Huisch, & in Belgio typographi fere omnes.

Ceterum eruditos ignorare nolumus, Virgilium uberrimis Nic. Heinsii notis illustratum, & tot eruditorum votis expetitur, sed jam pro deperdito habitum, tandem a Viro Celeberrimo, *Petro Burniano*, ex tenebris nuper protractum esse. Is nunc notas istas describi curat, dabitque propediem Virgilium illis Heinsianis, ut & Servii, Philargyrii, Pierli, forsan & aliorum, integris observationibus ornatum, ut editione Mæsvicii in posterum secure possimus carere. Invenit idem ille simul Libros quatuor *Adversariorum*, in quos Heinsius conjecit infinitas conjecturas in Statium, Propertium, Tibullum, Lucanum, Senecam Tragicum & alios, quos ipse edere noluit. Hi etiam describuntur & quamprimum, cum orbe literato communicabuntur.

* * *

ACTA ERUDITORUM,

publicata Lipsiæ

Calendis Junii Anno MDCCXXX.

SCRIPTORES RERUM GERMANICARUM,
*precipue Saxonicarum, &c. e Tabulario Regio & Electo-
rali Saxonico Dresdensi maximam partem collegit JO.
BURCHARDUS MENCKENIUS, Potentissimo
Regi Pol. atque Electori Sax. a Consiliis Aul. & Historia,
Hist. in Acad. L'ps. Prof. Publ. & Societat. Reg. Britann.
& Boruss. Socius : cum Indice in omnes tres
Tomos.*

Tomus III.

Lipsiæ, impensis Jo. Christiani Martini, 1730, fol.

Alph. 12 pl. 10 c. fig. æn. 7.

DEsideria igitur ex æsse explevit & patriæ suavissimæ &
orbis litterati Vir de re litteraria meritissimus, *Men-
ckenius* noster, dum Tomum III Scriptorum Saxoni-
corum, eumque ultimum, ita comparatum in publicum emittit,
ut cunctationem illius, si qua in libris optimis allegari meretur,
gravitas contentorum ingenti commodo penset. Obtinuit enim
jam editis Operis hujus Tomis prioribus, hanc gratiam a Poten-
tissimo Sarmatarum Rege, ut præter multa alia lectu dignissima,
Chronica quædam vetustiora e Tabulario Regio & Electorali
Dresdensi in publicam lucem protrahere ipsi liceret. Alia sup-
peditavit Bibliotheca Academice Lipsiensis, cujus thesauros Viri
eruditissimi in squalore reconditos fere dereliquerant. Ortho-
graphia Codicum, minus licet accurata, hic quoque, ut in priori-
bus Tomis, ubique fuit retenta, ne quid ipse finxisse videretur &

H h

ut

- ut de ætate illorum melius posset judicari. Exhibetur vero primo loco *Matthæi Daringii Doct. Ord. Minor. Continuatio Chronici Theod. Engelbussii ab A. 1420 usque ad A. 1498 ex Codice MS. in Bibliotheca Acad. Lips.* Engelhusium, de quo plura in *Leibnitii Script. Brunsvic. Tom. II p. 54*, ejusque binos Continuatores insertos quidem videmus isti Collectioni Leibnitianæ; sed Continuatores isti diversissimi fuerunt a Nostro, ceteros longe post se relinquentes. Fuerat ille *Daringius* Minister Saxoniz in pago Kiriz, oppido Marchiz Prignitzianæ, testante illud manu antiqua sub hujus Continuationis initium, ac literis *Friderici Thuringiz Landgravii A. 1451 ap. Reinhardum in Mediat. de jure Princ. Sax. circa Reform. p. 141.* Ex istis & Continuatione ipsa, quæ Thuringicis, Misnicis ac Brandenburgicis rebus inservit, elucet, virum fuisse cordatum, seculi sui vitia libere castigantem, dum schismatis neglecti culpam & in *Fridericum III Imp. ignavum, avarum, divitiis immersum, & vulgo Regem Judæorum potius, ob familiaritatem cum illis, quam Romanorum dictum, & in Præfules, qui in turbis istis Papa potius, quam Episcopi videbantur*, rejicit, ac Episcoporum ignorantiam, & Capistrani arrogantiam indulgentiasque false ridet; veram quoque causam capti a fratribus *Sigismundi Ducis Sax. ad A. 1436* suggerit, quod tria castra, quæ pro *vitalitio* possidebat, hostibus fratrum tradere conaretur. Ceterum integra hæc Continuatio a *Daringio* haud videtur profecta, cum, quæ post *A. 1464* sequuntur, alia manu scripta sint in Codice, ac stylus & veritatis amor contra pravos Cleri mores a prioribus discrepent, & initia belli Prussici, a *Daringio* jam exposita, incaute hic repetantur. Neque veri est simile, hominem, rerum jam *A. 1421* publice gestarum testem oculatum, qualem se profitetur, vitam ad *A. 1498* usque, quo finitur Continuatio, produxisse. Succedit, uti succedebat in Codice, *II Chronicon breve de quibusdam novissimis temporibus actis in partibus Misnia & Thuringia*; ab *A. 1301* ad *A. 1497* porrectum, cujus Autor, licet in rebus seculi *XV Daringium* ejusque Continuatores sequatur, passim tamen singularia quædam, Misniam Saxoniamque & imprimis Lipsiam spectantia immiscuit, ut *Lipsiense* dici queat. In fronte Codicis scri-

scriptum est: *Libellus Magistri Thoma Weneri de Brunfsbergk in Lipczk scriptus A. 1480*, & ex ipso opere patet, Autorem A. 1448 venisse ad studium in Lipczk, neque tamen, certo constat, utrum autor, an possessor tantum hujus Chronici fuerit ille Wernberus. Ex eadem Bibliotheca producitur III *Anonymi Saxonis Historia Imperatorum a Carolo M. ad Fridericum II Imperatorem, speciatim ad A. 1235*. Saxonein recte vocari Autorem, res ipsa loquitur, cum in rebus Saxoniz inferioris plurimum versetur, & de Henrico Auc. loquens, addat; *quod de cetero hereditatem, quam Nos (i. e. Saxones) Hergbewede dicimus, ex hoc obtineret*. Autor hanc quoque Collectionem ut intraret, dignus est visus, quod subinde res Misnicas & Thuringicas non leviter attingat. Vixisse eum sub Friderico II illa persuadent, quod in A. 1235 desinat, & sub eo annos regiminis Imperatorii, ut alias fœvit, non exprimant, vacuo tantum spatio relicto, ac de schismate inter sedem Apostolicam & Imperium adhuc durante, ut & lite de terra Mathildis indeterminata scribat, Francigenas quoque testatus, adhuc hodie Antiochiam possidere. Utilitatem operis paucissima specimina monstrabunt. Conradum II ad Imperium pervenisse scribit, *quod Episcopis proprietates & laicis Principibus alta fœda permiserit: ex tunc autem Principes in tantum avaritia fuisse deditos, quod de cetero propter pecuniam solum Rom. Reges sint electi*; postea tamen addit, Imperatorem omnia in Principes collata revocasse. Eodem in loco clarissima de civitatis Noribergensis libertate occurrunt indicia, unde Ill. Ludewigii sententia, eandem nunc Bavariz nunc Sueviz municipalem fuisse asserentis, haud parum labefactatur. Quod Lotharius Henrico V tantopere fuerit adversatus, hanc arcanam subfuisse causam docet, quod is sororem Lotharii Gertrudem de Brunschwig Marchionissam hæreditate sua privasset. Ceterum ex hoc Anonymo hausisse quædam videtur *Chronographus Germanicus* apud Eccardum Script. T. I ex. gr. p. 1380. Quæ sequuntur IV, *Collationes Chronici Pegaviensis, ejusdemque continuationem ab A. 1125 ad A. 1236* Tabularium Regium & Electorale Dresdense suppeditavit. Chronici Pegaviensis nomine vulgo venit *Historia de vita & rebus gestis Viperti, Marchionis Lusatia, Burg-*

p. 58.

63.

76.

85.

86.

103.

127.

- gravii Magdeburgensis & Comitum Groicensis, Pegaviensis Cœnobii fundatoris, a Monacho Pegaviensi, Viperto ferme cœvo, scripta, & post editionem Reineccii ab Ill. Hofmanno inter Scriptores Lulaticos recusa, quam incudi denuo subicere noluit Cel. Menckenius, sed collationem tantum inter Codicem Dresdensensem & Hofmanni editionem instituit, & in hac minus emendata vel plane omissa feliciter restituit. Continuatio integri ferme seculi, nunc primum producta, haud dubie debetur Monachis Pegaviensibus, quia Monasterii sui cum Episcopo Martisburgensi lites studiose repetunt, & Abbates Pegavienses continuo suos vocant. Noverat jam Reineccius Continuationem illam, sed studio eandem neglexerat, quod de Friderico Barbarossa ad A. 1138 & 1153 testimonium Petrarchæ adducatur, qui seculo XIV demum vixerit; at vilem Glossam, e margine in textum receptam, facile agnosceret prudens lector, & Continuationi huic rebus haud vulgo obviis refertæ suum statuet pretium. Edidit quidem & Maderus libellum de fundatione cœnobii Bigaugiensis, ex Vita Viperti & Continuatione hac confarcinatum, verum ita vitiosum, ut & emendationem & supplementa ex hoc Codice desideret. Occurrit V Fragmentum Chronici Chemnicensis ex Codice quondam Petri Albini, nunc Tabularii Reg. & Elect. Dresdensis, cujus partem maximam fuisse deperditam dolebunt, qui vel fragmentum hoc exiguum inspicient. Cl. Schwarzius infra memorandus existimat, esse hanc partem posteriorem Chronici, quod Jo. Monsterbergius, Cœnobita Chemnicensis, ad A. 1515 usque produxerit, allegans testem Fabritium Lib. I Annalium Misnæ; quod licet veri sit simile, nullo tamen extante vestigio illius rei in ipso Codice, nomen Viri addere ausus non est*
- p. 157. Menckenius noster. Habentur VI Emendationes & Supplementa ad Chronicon Martisburgense, inter Reliquias MSC. editum ab Ill. Viro Jo. Petro a Ludewig Tomo IV p. 329. Nimirum cum Vir Ill. nec optimos semper Codices nec scribas satis fidos nactus videatur, collatio ejus cum Codice Regio hic est instituta, emendatis quibusdam, aliis suppletis. Sequuntur VII Memorabilia quadam in Chronico terra Misnensis, aliis Thomano Lipsiensi dicto, quondam desiderata. Laudaverant Albinus aliique Chronicon
159. Lipsi.
- 165.

Lipſeum Thomanum, cujus tamen nullum in Bibliotheca Thomanana Lipſienſi occurrebat veſtigium, cum editis jam prioribus hujus Collectionis Voluminibus, Vir Ill. *Car. Frid. Goldbeck*, Regiæ Maj. Bor. a Conſiliis Aulæ, copiam illius e Codice quondam Freheriano ſuppeditaret. Verum ſtatim agnovit Noſter, Chronicon hoc cum illo, quod ſub titulo *Chronici terra Miſnenſis*, poſt Cel. *Struvium*, emendatius Scriptorum horum Tomo II p. 323 jam ediderat, de verbo ad verbum concordare, niſi quod e Struviano Chronico non modica lacinia ad A. 1193 cum paucis alijs, quæ hic ceu Supplementa illius Chronici exhibentur, exciſiſſet, ubi de initio monaſterii Thomani Lipſ. & primis quatuor Præpoſitis diligentiffime exponitur, ut adeo vere *Thomanum Script. Sax.* Tomo II l. c. exhiberi Chronicon, evinci poſſit. Neque adeo Ill. *Struvio* aſſentitur, qui autorem hujus Chronici fuiſſe civem Erfurtenſem, cenſuit, quia varia ultimis ſeculis in iſta urbe geſta attigerit, niſi dicas, monachum quendam Lipſ. illud inchoaſſe, Erfurtenſem vero continuafſe. Goldbeckianum enim deſinit in A. 1451, cum Struvianum uſque ad A. 1486 excurrat. Pergimus VIII ad *Chronicon Quedlinburgenſe ab anno circiter 370 uſque ad A. 1025* ex Codice P. Albin, nunc Tabularii Drendenſis. Chronicon hoc Quedlinburgenſe recte inſcribi in Codice Drend. ſeu more veterum, *Zuedlinburgenſe*, inde patet, quod res cœnobii hujus ab ipſis initijs curioſe exponat Autor, imo ad A. 1020 Quedlinburgum vocet *noſtram Metropolin*. Interim plurimis in locis illud Chronicon concordat cum Chronographo Saxone, in *Leibnitii* Aceſſionum hiſt. Tomo I edito. Nam initium hujus Chronici a temporibus Valentiniani I Imperatoris petitur, a Chronographo quidem prorsus differt, multa ſingularia de rebus Carolingorum in primis continens, in anno vero 884 ſequ. paſſim cum illo conſpirat, ita tamen, ut & ſæpe ab eodem diſſentiat, & multo plura contineat memoratu digna. Hinc Chronicon integrum nunc non recuſum, ſed Emendationes tantum & Supplementa, quæ in Chronographo non extant, hic reperies. Chronici hujus Autorem ſub Ottone III & Henrico S. vixiſſe, ex verbis illius ad A. 999 & 1013 certum evadit, cumque adeo ultra A. 1025 vix progrediatur, *Leibnitii* Chronographus, ad A.

p. 169.

p. 201.

1488 usque pertingens, recentior sane videbitur. Sistitur hinc IX *Chronicon S. Petri, vulgo Sampetrinum Erfurtense ab A.C. 31 sive potius 1036 usque ad A. 1055*. Depromptum est illud e Codice Regio, dignum profecto, quod præ tot levioris momenti Chronicis Erfurtanis in lucem protraheretur. Equidem *additiones paucarum plagularum*, tanquam a *Monacho Erfurtenfi* scriptas, *Pistorius* Script. Germ. T. I p. 425 edit. Struv. Lamberto Schaffnaburgensi subjunxit, ex particula tamen hujus Chronici decerptas: plane vero diversa sunt a nostro *Chronica S. Petri Erford.* a Cl. Schannato in Vindemiis literar. Collect. I vulgata. Usus tamen est hoc Codice Petrus Albinus, ut ex scriptis ejus patet, & ex Bibliotheca ipsius migravit in Tabularium Dresdense. Præmittitur in eodem Codice aliud breve Chronicon Erfurtense ab A. 1078 ad A. 1181 longe vetustius hoc nostro, unde huic inscriptum *Chronica moderna*; ast cum pleraque ex vetustiori in moderno sint repetita, ad oram paginarum saltem hic adscripta suis locis deprehendes, quæ in moderno Erfurtenfi non extabant. Plures hujus Chronici fuisse autores, rebus quidem a se descriptis coævus, indicat formula: *nostris temporibus*, similesque. Pauca ex illo delibasse sufficiat. In electione Adolphi, Alberti I, Henrici VII, Guntheri, aliquam adhuc plerorumque Principum Germaniæ in eligendis Regibus fuisse auctoritatem patet, licet Electorum jure non uterentur. De Friderico II Imp. memoratur, ipsum largitionibus meruisse favorem Principum, Austriæ imprimis & Zeringiæ, etsi plures non Henrici VI Imp. sed Morbotonis, Aulæ Apostolicæ officialis, filium esse dicerent. Landgravium Thuringiæ Hermannum, Philippo Regi addictum, refert, 234. *Regias villas, Northusen, Mühlhusen, Salvelt, cum finibus Orlan & castrum Ranis in feudum accepisse*: sublato Alberto I, Fridericum Admorsum March. Misniæ regnum, ut rumor erat, ambivisse, quod Gothæ Archi-Episcopum Moguntinum laute exceperit; Friderico Severo Marchioni A. 1330 Rochlitiæ natum fuisse primogenitum Fridericum, unde emendandus Tenzel. in *Bibl. Cur. p. 333*, qui primogenitum illius Sigismundum vocat. Subjunctum hinc est X *Chronicon parvum vernaculum rerum in Misniæ ab A. 1175 ad 1349 gestarum*, ex Tabulario Dresd. Dignum fuit hoc

225 sq.

226, 258,

291.

301, 303.

319, 340.

241.

234.

319.

330.

345.

Chro-

Chronicon, ut prelo subjiceretur, licet breve sit, & membrana, cui inscriptum, per incuriam ita esset detrita, ut literæ fugientes difficili labore distinguerentur. Ad membranz quidem marginem notatum fuerat: *videtur esse Chronicon Oschazense*: sed *Drederense* rectius dicendum, cum hujus urbis sæpius, Oschazii nulla in eo fiat mentio. Fridericum Severum A. 1349 obiisse in vigilia S. Elisabethæ, testatur Autor hujus Chronici coævus; unde corrigendus iterum *Tenzelius* loc.cit.p.335 & 1170. Ducimur XI ad *Epkonis de Repkau breve Chronicon Magdeburgense, ab Anon. Germanice versum*. Nobilissimum est inter JCtos nomen Epkonii, seu Eccardi de Repkau, seculo XIII sub Friderico II florenti, siquidem coævum habuit Hoyerum Comitem de Falckenstein, cujus monitu Speculum Saxonicum, Latino primum idiomate compositum, Germanico exaravit, & quocum subscripsit Diplomati A.1215 dato, teste *Becmanno* in Hist.Anhalt. T.I p.312. Eundem Repkovium Chronicon hoc Magdeburgicum latine conscripsisse, sed Comitis Falckensteinii jussu idem a Monacho quodam synchrono Germanice versum fuisse, Præfatio rhythmica Codici hujus Chronici præmissa docet; namque pro nomine *Franckensteinii*, ut scriba mendoso scripserat, *Falckensteinii* legendum est; quod & perspexerat *Jac. Frid. Ludovici*, in editione sua *Weichbildi* Præfationem hujus Chronici sistens, quasi *Weichbildo* præmissam, ipso tamen Chronico omissa. Equidem alias *Weichbildo* idem præmittitur Chronicon sub titulo: *Chronica de tempore creatienis mundi*, cum Glossa aliquoties ad illud provocaverit; hoc tamen loco, velut magis opportuno, illud cum aliis ad res Magdeburgicas pertinentibus repetitur, maxime cum Bibliotheca Academiæ Lipsi. Codicem suppeditaverit, qui præter Epkonis de Repkau Speculum Saxon.*Chronicon Magdeburgicum* ejusdem cum Præf. illa contineret, quod ipsi debere editores Speculi hætenus ignorarunt: siquidem ex editione de A.1537 plane exulat illa Præfatio, & quamvis *Zobelius* in sua de A. 1589 illam afferat, eam tamen post Chronica demum posuit, quasi Codici *Weichbildico* præmissam; unde fallentur, qui propterea *Weichbildi* compilationem Repkavio tribuerunt. Progreditur in illo Autor usque ad Wilhelmum Rom. Regem, & Rupertum

p. 350.

349.

tum

p. 370.

373.

tum Archi-Episcopum Magdeburgensem, quibus temporibus ipsum, cum A. 1215 jam testis fuerit adhibitus, haud multum fuisse superstitem, credere proclive est. Ceterum cum inter alia Juris ministerialium meminerit, hinc ex alio ejusdem Bibliothecæ Codice membranaceo Chronico huic adjecta sunt *Jura Ministerialium Magdeburgensium*, quæ Cl. Lunigius in Corp. Jur. Feud. T. II p. 2022, sed vitiosa nimis & mutila, dederat. Sequuntur XII *Collationes Chronici Magdeburgici a Meibomio Script. Germ. T. II editi*, cum Codice MSC. Tabularii Dresdensis institutæ, unde locis prope quingentis emendatus est & auctus Codex Meibomianus. De autore Chronici nihil habet Meibomius; patet vero, eum vixisse circa A. 1350, quandoquidem sub Ottone Archi-Episcopo refert, eum Pseudo-Waldemarum pro genuino Principe vendidisse, *se audiente*, cumque hic Codex finiatur in vita Alberti III Archi-Episcopi, reliqua in Meibomiano videntur ab alio Autore profecta. Exhibetur XIII *Georgii Torquati, Magdeburgensis, Pontificum Ecclesia Magdeburgensis series & ordo, ab exordio foundationis suæ usque in præsens seu ad A. 1513, ex Chronicis Archi-Episcoporum quam brevissime A. 1562 excerptus passimque auctus*. Hic libellus a laudatissimo Goldbecio communicatus, e modo dictis Chronicis præcipue est excerptus, verum & meliori Codice usus est Torquatus, quam vel Reginus noster vel Meibomianus fuit, ut hic ex collatione cum utroque instituta patescit, & in numero ac denominatione Episcoporum, ut Boccardi, Hildebrandi aliorumque a Chronicis illis subinde recedit, & sæpe alias Episcoporum res gestas, quæ in illis non comparent, stylo etiam limatiori, recenset, uti patet e vita Wichmanni, Ludolphi, Alberti I, Henrici II, Friderici de Hoym, Theodorici, ubi de pugna Hildesienfi habet, quæ illic frustra quæriveris. De Autore nil certi constat, nisi quod Theologum & Historicum fuisse testatur Meibomius de *Irminsula Sax.* ubi etiam locus producit ex Annalibus ejus *Magdeb. & Halberst. MSC.* unde patet, Evangelicæ doctrinæ eum fuisse addictum. Reliquit enim, ut ex Chronico Bergenfi aliisque constat, Annales etiam Magdeburgenses paullo prolixiores, cum Annalibus Halberstadiensibus, quos fama est,

Capi-

Capituli Magdeburgensis insignibus notatos, in Bibliotheca Meibomiorum adhuc extare. Profertur XIV *Ja. Latomi, Collegii S. Bartholomaei apud Francofordiam Decani, Catalogus Episcoporum & Archi-Episcoporum Moguntinensium usque ad A. 1582.* Dubitaverat Cel. *Georg. Christ. Johannis* opus hoc adhuc ineditum Scriptoribus Moguntinis inserere, quoniam Serrario maximam partem esset intextum; dignum tamen pluribus ex causis idem visum Nostro, quod in lucem hic prodiret; maxime cum Praenob. *Hermannus Ulricus de Lingen*, Ser. Duci Saxo-Isenacensi a Secretis, Codicem suum suppeditaret, Autori corvum & Domini Possessoris notis hinc inde illustratum. Autorem, qui Catalogum hunc, ad A. 1582 deductum, e centum libris compilasse fertur, Pontificium fuisse, sed satis moderatum, opus ipsum loquitur: plura vero historica, *Antiquitates* nempe *Francofordiae, Historiam Austrasiae*, aliaque eum reliquisse, & A. 1609 e vivis excessisse, post *Boissardum* in Icon. Viror. Illustr. P. II p. 191 plures testantur. Ceterum errores populares in Historia Moguntina passim acute corrigit: Canones & Decreta Concillorum Germaniae diligenter allegat: Autores, quibus usus est, in margine commemorat, & quamvis ipse fateatur, se MSCtis prae fuisse destitutum, rarum tamen & hactenus ineditum Diploma inferit de miserando carcere Adelberti Archi-Episcopi Moguntini, & crudelitate Henrici V erga obsides Moguntinos, ut alia taceamus. Optandum fuisset, ut Nob. *Lingenio* elegantissimas suas toti libro notas affundere licuisset, verum cum inter concatenata negotia spes omnis decollaret, vel istae tamen, quas dedit, historiam Moguntinensem mire illustrabunt. Habemus hinc XV *Broderi Boissen Chronicon Slesvicense ab initio Christianae religionis in provinciam introducta usque ad A. 1530.* Chronicon hoc sub uno *Broderi* nomine, haud insueto Saxoniae inferiori praenominis, transierat non in Bibliothecam Menckonianam tantum, verum & in publicam Hamburgensem aliasque; ita tamen, ut quis Autor, & quod verum ejus cognomen fuerit, nec Nostro, nec aliis satis constaret. Detexit id autem *Anton. Helmreich* in syllabo Autorum, Chronico Frisiae Borealis adjecto, quo Autorem hunc, quem saepius secutus, vocat *Broderum Boissen*. Addit, qui eundem

p. 407.

418.

497.

553.

cum viderat, *Jo. Mollerus in Introduct. ad Cimbr. Slesvic. & Holsat. Historiam* p. 132, fuisse hunc Boissenium nativitate Strandfrisiū, Jo. Adolphi Duc. Holsat. Consiliarium. Usus vero eo videtur præcipue *Jo. Ad. Cypræus* in Annalibus Episcoporum Slesvic. raro obviis, quod tamen pretio hujus Chronici nihil derogabit. Primus enim Broderus Diplomata, aliaque monumenta excussit, passimque res Germanicas & Danicas optime illustravit. Sed hæc hæc: nam cum de scriptis omnibus hic contentis simul edisseri brevis nostræ non patiatur, de reliquis dicemus Mense proximo.

CATALOGO CHRONOLOGICO, HISTORICO,
Genealogico, e Critico das Rainhas de Portugal e seus
Filhos,

h. e.

CATALOGUS CHRONOLOGICUS, HISTO-
ricus, Genealogicus & Criticus Reginarum Lusitaniæ &
earum Filiorum, dispositus a JOSUA BARBOSA,
Clerico Regulari, Academico Historiæ Lusitanæ, &
Serениssimæ domus Bragantiniæ Historio-
grapho.

Ulyssip. Occid. apud Jos. Ant. de Sylva, Typogr. Reg. 1727. 4 maj.
Alph. 2 pl. 20 cum figuris insignium passim insertis.

Non mediocri laude digna est præstantissimi hujus Academi-
ci industria, qua hucusque incerta aut plane falsa in
Vitis Reginarum Lusitaniz, ex antiquis monumentis discutere,
aut argumentis non contemnendis refellere, maculamque non-
nullarum gloriæ adpersam detergere studuit. Equidem pro-
dierunt jamdudum Catalogi Regum Lusitaniz, cujusmodi sunt,
Dioci Peres Cinza, Anonymi a Francisco Aranha publicatus,
du Valli, Martini de la Puente, Regis Sebastiani Vitæ, a Johan-
ne de Baena Parada scriptæ, adjunctus, Cajetani de Lima, qui
in Præfatione cum judicio de iis recensentur, attamen nullus
adhuc dum Reginarum Catalogus lucem publicam vidit, præ-
ter

ter tunicam, fini alicujus libri Gallici additum, cujus se non amplius meminisse Autor noster ait. In hoc autem Antonium Brandanum, Monachum Cisterciensem, summis encomiis mactatum, inprimis sequitur, ac ejus sententiæ vel adheret, eamque repertis posthac novis documentis confirmat, vel aliis certioribus impugnat, sed Annum Historicum, Diarium Lusitanicum Francisci de S. Maria, rejicit, ac quamplurimos ejus errores perstringit. Reginas viginti & unam complectitur, ea methodo usus, ut insignibus uniuscujusque oculis primum expositis, Tabulam genealogicam adjiciat, ac dein breviter illius conjugium, hujusque annum, Filios aut Filias, annum ac diem mortis, locum sepulture, actiones illustres, quæ plerumque in Ordinum religiosorum aut Monasteriorum fundatione consistunt, denique autores, quos consuluit, ubique indicet. Postea dubiis quibusdam in singularum historia clariori luce perfundendis, aut plane falsis removendis, operam impendit, ac vulgaria argumenta justo pondere examinat. Itaque in prima illarum, *Theresia*, Comitis Henrici conjuge, momenta quædam historica valde controversa, magno cum eruditionis apparatu prolixè excussit. Primo enim monstrat, illam Alphonso VI Regis Castellæ ac Legionis filiam legitimam fuisse, quam vulgo ex concubina aliqua, *Ximena Munboz* dicta, eum suscepisse perhibent. Sed hanc Alphonso veram conjugem fuisse, ex duobus antiquis Chronicis, & ex nomine Reginæ aut Infantis ipsi dato probat; Epitaphium vero illius, huic asserto contrarium visum, omni autoritate ac fide spoliatur, & Sandovalum ei innixum refutat. Cum tamen a quibusdam Historicis Concubina appelletur, hanc vocem, ut Arabicam *Barragana* a Mauris invecram, olim legitimam quoque uxorem notasse doctissime evincit. Id ipsum porro ex Jure successionis in regno Castellæ, bellisque ejus causa a marito, Comite Henrico, & hoc mortuo, ab ea cum sorore Urraca gestis demonstrare conatur. Discus-

p. 15.

at seqq.

- bus probat. Dein magni omnino ponderis quæstionem judicis historici lance trutinat, cum olim diuturna inter Castellanos & Lusitanos lis ex ea fuerit orta, multis pro utraque parte scriptis libellis, quos allegat, & gladio decidenda: scilicet quærit, utrum Lusitanæ regnum, quod Comes Henricus dotis loco accepit, absolute & libere, an cum aliqua dependentia & restrictione ei a Rege Castellæ cum Theresia fuerit datum, & relatis amplissima digressionem utriusque partis argumentis, ipse tandem Lusitanæ regnum Castellano nunquam tributarium fuisse contendit. Porro Alphonsi Henrici primi, Regis Lusitanæ, diem natalem investigat, ac rejectis aliis Chronologorum sententiis, A. 1109 ei assignat. Tandem secundum Theresiæ matrimonium cum Comite Ferdinando Peres de Trava, ejusque ex confectis documentis probationem firmissimis argumentis destruit. Secunda Regina est *Mafalda*, Alphonsi Henrici primi Lusitanæ Regis uxor, cujus filia Urraca Ferdinando II Regi Legionis nupsit; cum vero tam hujus conjugii quam ejus dissolutionis annus dubiis sit involutus, utrumque definit, nempe A. 1165. & 1171. Alteram filiam Mafaldam contrahendum cum Alphonso II Rege Aragoniæ matrimonium non consummasse, adversus Diarii Lusitani autorem & alios ostendit. Tertia Regina *Dulcia Sancti* I uxor, filiam inter alios habuit Berengellam, Regi Daniæ Valdemaro II nuptam, quod accurate demonstrat. Quarta *Urraca* Alphonsi II conjux A. 1201 facta, quod contra alios Chronologos probat, ex quo conjugio A. 1202, non obstante aliorum dissensu, Sanctus II Rex prognatus est. Hunc vulgo *Capello* cognominant, ejus rei originem circumspicte & variis collatis monumentis scrutatur, ac refutata communi opinione, a caputio (v. *Helvet Hist. des ordres Relig. T. 7 c. 36*) Tertiariorum (Terceros) Ordinis Franciscani, super scapulis suspensio, quod, velut ei addicitur, cum ipso vestitu gestare consuevit, id nominis illi hæsisse contendit. Neque tamen adeo imbellis fuit, ut vulgus Historicorum eum describit, sed fortitudinis suæ non unum specimen dedit; at uxorem nunquam duxit, & quod de conjugio ejus cum nobili femina, Mecia Lopes de Haro, memoratur, a veritate historica alienum est, ubi & Raynaldum refutat, qui in An-
- nali-

salibus Ecclesiasticis, Pontificem hoc matrimonium ob affinitatem damnaſſe, ait. Nihilominus per nimium ejus amorem infelix fuit, cum multis in regno perturbationibus anſam dederit; unde Innocentius IV Pontifex ſingulari Bulla, p. 187 inſerta, illis ut obviam iret, cum exhortatus eſt, & tandem alia Bulla ipſam de throno deſecit. Inter filios Reginæ hujus Urracæ ſunt Alphoſus, Comes Bononiæ, quem tamen ex uxore Mathilde, Comitatus illius domina, nullam prolem ſuſcepiffe, contra alios diſſentientes probat. Robertum autem, heredem illius Comitatus, non illius filium, ſed conſobrinum fuiſſe, atque adeo Jus ſucceſſionis in regno Luſitaniz a Catharina de Medices Regina Galliz ex eo derivatum ſubruit, nec Alphoſum Dionyſium ex illa genitum fuiſſe, contra autorem *Nobiliarii* D. Pedro, de quo p. 222 fert judicium, evidenter aſſerit. Una præterea ex filiabus Urracæ reginæ Eleonora, Regi Daniæ Valdemaro III nupta, ſine liberis deceſſit, nec hanc ob cauſam familiæ Lobkoviæ origo inde deduci poteſt. Quinta Regina *Beatrix* (Brites) Alphoſi III uxor, filiam habuit Blancam, cujus famam adverſus Hiſtoricos quosdam mendaces tuctur, & ex illegitimo ejus concubitu familiam dos prados nuncupatam, ortum trahere inſitiatur. Mortis ejus annum & diem inquitit, quam A. 1303 d. 26 Octobr. contigiffe reſert. Sexta Regina, *S. Ifabella*, fuit Regis Dionyſii conjux, cujus patriam dubiam inveſtigare ſtudet, dum alii Saragoſſæ, alii Barcelonæ natam eſſe perhibent. Septima *Beatrix*, Alphoſi IV conjux, cujus filia Maria Alphoſum X in legitimo matrimonio habuit, etiamſi id Mariana Hiſtoricus Hiſpanus & Luſitanus inſeſtus cum aliis negare audeat. Octava *Conſtantia*, prima uxor Infantis Petri, poſtea Regis, cujus conjugii & mortis annum ac diem controverſum definire all borat. Altera uxor *Agnes de Caſtro* (Igneſ) quam vulgares Hiſtorici pro concubina tantum venditant, p. 307 ſeqq. prolixè reſutati, mandato patris Alphoſi IV clam capite truncata periit, nec multa tamen, poſtquam maritus ad imperium perveniſſet. Nona *Eleonora* R. Ferdinandi conjux. Decima *Philippa de Lancaſtro*, R. Joannis I uxor. Undecima *Eleonora*, R. Eduardi (Duarte) qui ipſe Annales p. 356 allegatos ſcripſit, conjux. Inter filias ejus

p. 176.

193.

204.

218.

237.

257 ſq.

261.

269.

278.

295.

308 ſq.

- p. 359. est *Eleonora*, Friderico III Imperatori nupta, A. 1434 nata, licet alii dissentiant. Duodecima *Isabella*, R. Alphonfi V uxor. Decima tertia *Eleonora*, R. Johannis II uxor. Decima quarta *Isabella*, R. Emanuelis (Manoel) conjux prima, & secunda *Maria*, inter cujus filias est una homonyma, quam vulgo cum alia, ex tertia uxore *Eleonora* genita, confundunt. Decima quarta *Catharina*, R. Joh. III uxor. Decima quinta *Anna*. Decima sexta *Margarita*. Decima septima *Isabella*. Decima octava *Francisca de Gusman*. Decima nona *Francisca Isabella*. Vigesima *Maria Sophia*. Vigesima prima *Maria Anna*. Ultimis his & aliquot præcedentibus Reginis nihil præter insignia, tabulas genealogicas, matrimonia, Filiorum ac Filiarum nomina, mortis ac sepulturæ annum ac diem locumque adjecit, ad alios scriptores in singulis lectores ablegans. Index rerum notabilium Operi subjunctus est. Ceterum Opus lectu dignum ac curiosum, in quo nec ordinem, nec judicium Autoris, nec styli elegantiam, (habet enim & Lusitanicus sermo suas veneres) desideres.
- 389.

ACADEMIA TERTIA ANGLICANA, OR THE
Antiquarian Annals of Stanford.

h. e.

ANNALES ANTIQUARII URBIS STANFORDIÆ, in Provinciis Lincolnæ, Rutlandiæ & Northamptoniæ, quibus continetur historia Universitatis, Monasteriorum, Tribuum, Templorum, Sacellorum, Xenodochiorum & Scholarum, una cum enumeratione Magnatum, Magistratum, Fundatorum, Largitorum, Clericorum aliorumque veterum incolarum prædictæ civitatis. Adjiciuntur observationes variæ novæ, curiosæ & singulares, circa res Britonum, Romanorum, Saxonum, Danorum, Franco-Gallorum & Judeorum, ut & circa historiam Ecclesiasticam, Parliamenta, Concilia, causas judiciales, resque, cum in bello Baronum, tum in bello inter familiam Eboracensem & Lancastriensem, gestas: nec non facta

&

& progenies diversorum Cancellariorum, Equitum Ordinis Periscelidis, Equitum Balnei, Abbatum Petroburgensium, Priorum Durbamensium, Episcoporum Lincolnienfium aliarumque personarum illustrium & familiarum antiquarum; Autore FRANCISCO PECKIO, Rectore Collegii Godebientis, prope Meltoniam in Provincia Leicestriensi.

Londini, apud Jacobum Bettenham, 1727, fol.

Alph. 6 pl. 10, Tabb. æn. 28.

QUam laudem docti inter Anglos præ reliquis dudum sibi acquisivere, quod rerum patriarum studiosissimi sint curiosissimique, hanc Cl. *Peckius* strenue tnetur Opere isthoc historico, quod, sive molem & internam rerum, quas pertractat, ordinationem varietatemque species, sive externam speciem, chartæ pulchritudinem, characterum elegantiam, Tabularum æri insculptarum splendorem contuearis, nulli in hoc genere alteri quidpiam concedit. Prolixa inscriptio, quam præmissimus, loco recensitionis esse posset, nisi libri raritas, quem, præter subscriptores, videre & evolvere paucis continget, postulare videretur, ut paulo curatius de iis, quæ hic continentur, lectorem instruamus. Dedicatus est Viro Principi *Johanni Duci & Comiti Rutlandia*, cum ob insignia ejus in rempublicam literariam merita, tum quod castella, prædia, & latifundia quamplurima prope Stanfordiam possidet; ut adeo res Stanfordienses ad eum præcipue spectare videantur. Dedicationem sequitur Præfatio Autoris, quæ occasionem, qua ad scribendum impulsus est, nec non ordinem & rationem scribendi, quam sequitur, pluribus exponit. Ipsa totius Operis compositio ita comparata est, ut generaliter consideratum *Chronicon contractum regni Angliæ* dici possit: speciatim autem *Annales urbis Stanfordiæ* exhibeat. Tot enim res memorabiles, ad historiam Angliæ universalem pertinentes, aut in hac urbe, aut in ejus vicinia acciderunt, ut pleraque negotia quantivis momenti, quæ sub singulis Regibus gesta sunt, relationem quandam habeant cum historia ejus particulari. Cum porro vitæ & actiones quamplurimo-

morum illustrium virorum, qui vel domos religiosas Stanfordiæ extruxerunt, vel extructas largitionibus ditaverunt, vel domini & proprietarii urbis fuerunt, vel summis muneribus illic functi sunt, vel denique tumulos, sepulchra & epitaphia illic meruerunt, in hoc libro operose satis enarrentur, non potest non ejus lectio & suavis esse & ad cognitionem historiæ Anglicæ plurimum utilitatis afferre.

Libris XIV totum Opus absolvitur, in quorum *primo* Autor inquit, num vetus quædam Britonum civitas, vel Romanorum statio in eodem loco, ubi nunc Stanfordia conspicitur, quondam extiterit; & illius quidem varias conjecturas, hujus autem certissima indicia in medium affert: ceterum historiam hujus urbis ab anno mundi M M M C, usque ad A. D C V post Christum natum, hoc libro perccuset & fabulam de *Academia Britannica*, quam *Bladudus Rex* in urbe Stanfordia instituisse, *Augustinus Monachus* autem destruxisse perhibetur, examinat. Liber *secundus* incipit a tempore dissolutionis suppositæ illius universitatis Stanfordiensis, sive ab anno 222 Christianæ 605, usque ad mortem *Vilifridi* Episcopi Eboracensis, fundatoris Prioris Benedictinorum S. Leonhardi prope Stanfordiam, qui decessit A. 709, de cujus vita quædam notatu dignissima Cl. Autor affert, fabulasque, quibus ab antiquis scriptoribus contaminata est, discutit. Liber *tertius* exhibet historiam Stanfordiensem a morte Episcopi *Vilifridi* sive ab A. 709 usque ad adventum *Wilhelmi Conquestoris*, qui incidit in A. 1066, ubi multa de bellis, quæ Saxones inter & Danos, in isto temporis spatio, gesta sunt, enarrantur. Libro *quarto* continuantur Annales Stanfordienses ab adventu *Wilhelmi* usque ad mortem Regis *Stephani*, quæ contigit A. 1154. Hic varias artes, quibus Normanni Angliam obruerunt, nunc Gallis, nunc Judæis in insulam accersitis, dextre Autor detegit. Liber *quintus* sistit regnum *Henrici II*; *sextus* autem *Richardi I*, atque ita singuli libri sequentes singula regna, & quæ sub illis fata Stanfordiam vel afflixerunt, vel adjuyerunt, explicant, usque ad finem regni *Henrici VI* Anglorum Regis, cum quo & Annales nostri finiuntur, nec longius procedunt. Hanc rem quomodo Cl. Autor noster

excuset, audiamus, queso, ex ipsius Præfatione: Cum in eo essem, inquit, ut *Antiquitates* hæc colligerem, & ne per somnium quidem in mentem mihi veniret, fore, ut rerum abundantia (quæ raro *Antiquarios* turbat) laborare possim, adeo excreverant sub manibus collectiones meæ, ut opus integrum, pro isto pretio, quod proposueram, publici juris facere me non posse perspicerem. In hac rerum ambiguitate decrevi res antiquas præferre recentioribus, & librum hunc cum exitu Regni *Henrici VI* Regis concludere. Inquient forte malevoli: liber imperfectus est, quoniam ad nostra usque tempora non decurrit. Sed his respondeo, me nunquam audivisse, hanc dicam esse scriptam *Antiquitatibus Parochialibus doctissimi Viri, Episcopi Petroburgensis*, qui libri sui eundem finem fecit, quem ego mei. Promittit tamen continuationem cæpti operis, modo inveniat laboris incitamenta, i. e. ut conjicimus, novos subscriptores. Post librum XIV Autor addidit brevem Appendicem, quam *the Close* five *Conclusionem* inscripsit, nec non *Tabulam Chronologicam* 24 paginarum. Coronidis loco tandem adjiciuntur, tum auctior & correctior editio *Antiquitatum Stanfordinensium Richardi Butcheri*, quæ jam A. 1646 Londini typis divulgata fuerunt, tum binæ *Epistolæ Wilhelmi Forsteri* ad Tannerum: de origine & antiquitatibus urbis *Stanfordiæ*. Indicem forte quis jam desideret, & certe videbatur necessarius; maxime in tam vasto Opere ac tanta rerum, verborum & nominum varietate: sed nusquam apparet, & si conjecturis indulgere licet, prætermisus est, ut labori & sumptibus parceretur, nec quicquam detraheretur de lucro subscriptionis; nisi fortasse alteri parti hujus Operis adhuc reservatur.

Apocalyptisches Licht und Recht,

b. i.

Richtige und erbauliche Erklärung der H. Offenbarung Johannis.

i. e.

APOCALYPTICUM URIM ET THUM-

K k

mm

*mim s. accurata & nervosa explicatio Apocalypseos Jo-
bannae &c. Autore D. JOACHIMO LANGIO,
Theol. in Acad. Frid. P. P. O.*

Halz, impensis Christ. Petr. Francklii, 1730, fol.

Alph. 4.

SUMMAE Reverendus *Langius*, qui nuper merita sua, quæ in ex-
egesi sacra luculenta exstant, practico & succi pleno in
omnes N. T. epistolas Commentario lingua vernacula edito
auxit, jam illi quoque Commentarium in Apocalypsin Johannis
adjunxit. Sequitur inprimis lineas systematis apocalyptici,
quas magnus ille in scriptis Propheticiis declarandis *Vitringa*
in *Anacrisi Apocalypseos*, in Belgio plus vice simplici typis ex-
scripta, & apud nos Leucopetræ 1721 in 4 recusa, exhibuit. Præ-
cognita Operi præmissa rationem hujus Commentarii seorsim
editi reddunt: tum vero felicem Celeberrimi *Vitringa* nava-
tam in exponendis SS. Vaticiniis, inprimis etiam Apocalypsi Jo-
hannis operam eo quoque nomine prædicant, quod meliora ec-
clesiæ fata expectanda exemplo Seb. Castellionis, B. Speneri, alio-
rumque apud nos & Reformatos celeberrimorum virorum ac-
curatius perviderit, quippe quibus positus, tum demum emphasi
oraculorum divinorum de benedictione in Christo omnibus
gentibus impertienda, & regno ejus ad fines omnis terræ exten-
dendo satisfieri queat. Quæ in re consensum suum testans Au-
tor §. XI *Præcognitorum* propositiones mentem suam hac de re
declarantes ex parte IV systematis sui Antibarbari a pag. 646 ad
728. excerptas, ita quidem exhibet, ut mediam viam inter præ-
cipitia ad dextram & sinistram ineat. Expendi hic meretur,
quæ §. XII & XIII observavit, quippe quæ veritatis a Deo re-
velatæ studium cum prudentia conjunctum in S. R. Au-
tore luculenter commendant. Succedit Præcognitis plenior
Isagoge, Partibus duabus distincta, lectorem ad facilius intelligen-
dum dijudicandumque systema Apocalypticum præparans.
Prior pars *Isagoge* systema *Vitringianum* breviter recenset, ita
quidem, ut Sect. I oracula apocalypseos, & quæ impleta & quæ
adhuc implenda *Vitringa* credit, enarrentur: Sectione ve-

Isag. p. 2.

ro II S. Rev. Autoris cum *Vitringa* consensus quantum
 ad præcipua 15 momenta, exceptis paucis, quæ huc pertinent,
 declaretur. Tum vero Parte altera Illogos præcipua quædam,
 in quibus Celeb. *Vitringa* systema emendandum esse existimat,
 exponit, & seriem inprimis eventuum futurorum, quos *Vitringa*
 inter præterita retulerat, præeuntibus vaticiniis apocalypti-
 cis, texere studet. Pertinent huc Sect. I quinque priora sigilla
Apoc. VI v. 1-9, & Sect. II sex priores buccinæ *Apoc. VIII v. 2 &*
XI v. 15 descriptæ, quæ omnia impleta *Vitringa*, implenda
 adhuc esse *Langius* judicat. Denique & Sect. III in visione
 mulieris parturientis & pugnæ, quæ Michaeli cum dracone in-
 tercessit *C. XII*, visis item duplicis bestię *Cap. XIII*, & quinque
 priorum phialarum a *Cap. XV v. 7* ad *Cap. XVI* declarandis diver-
 sam a *Vitringa* viam *Langius* inlit. Liceat exempli loco ad-
 ducere interpretationem visi mulieris parturientis ex *Cap. XII*
sq. Exposuerat hoc visum *Vitringa* de ecclesia Christiana, quæ
 post tormina persecutionis sub Diocletiano enixa sit sætum, Im-
 peratores nempe Romanos, præcipue Constantinum M. Contra
 vero *Langius* adductis sententiæ *Vitringianæ* incommotis mu-
 lierem hanc apocalypticam populum Judaicum sub typo fœmi-
 næ *Hos. I, II, III*, imo etiam parturientis *Jes. XXVI, 17, Mich. V,*
3, & alibi exhibitum; vestitum solis illuminationem futuram
 populi ex *Jes. LX, 1*; lunam sub pedibus umbratiles ceremo-
 nias ab hoc populo post conversionem relinquendas; coronam
 duodecim stellarum tribus illos duodecim; gravidam mulierem
 & partus doloribus laborantem, populum, qui inter medios animi
 de peccatis dolores ad Deum convertitur; draconem fœminam
 aggredientem, satanam & qui sunt a partibus ejus, conversionem
 populi omni nisu impedire conantes & conversum persequen-
 tes; masculum denique prognatum virgæ ferreæ in gentes ar-
 bitrum ipsum Messiam, Jesum nostrum, ex *Pf. II, 9, Ap. II, 27,*
XIX, 15, & hunc ex muliere hac Apocalyptica natum, non tam
 qua ex Maria humanam naturam assumpsit, sed qua fide per re-
 generationem receptus in fidelibus ex Judæis secundum *Gal. IV,*
19, & Gal. 3, 29, esse credit; cui quidem sententiæ reliqua hujus
 Capituli, accersitis in subsidium *Dan. XII* aliisque Prophetarum lo-

p. 5.

20.

22.

32.

40.

43.

40.

Comment.
48.

- cis, magna cum cura conciliat. Quod dum facit S. R. Autor, tanti tamen suum a *Vitringa* dissensum non habet, ut illum caput systematis Vitringiani tangere, hujusque laudes imminuere judicet, liberum lectoribus, quæ sit alteri præferenda interpretatio, judicium relinquens. Excipit *Isagogen Historica Commentatio* de Apocalypseo autore & aliis, quæ huc pertinent. Sequitur *Analysis totius libri Apocalypseo*, visa XII præcipua ordine exhibens, quam *Commentarius* excipit, singulos versus notis subjectis dilucidans, cui Autor *observationem de discrimine regni lucis & tenebrarum*, quantum in primis ex Apocalypsi patet, *harmoniam trium priorum capitum genesios* cum ultimis tribus Apocalypseo Capitibus, denique *Programma in festum nativitatis Christi* A. 1728 editum, quo loca Ap. IV, 4 sqq. & Ap. V, 11 sqq. illustrantur, addidit. Accedit *Operi Parallelismus rerum Apocalypticarum Propheticus*, in quo ea omnia, quæ ad visiones Apocalypseo illustrandas in magno *Vitringa* in Esaiam Opere leguntur, excerpta ordine capitum Jesaie succincte ipsis plerumque *Vitringa* verbis exponuntur, addita brevi duarum Dissertationum recensione, quas A. 1696 *Petr. la Roque*, Gallus, postea Clivæ verbi divini minister, sub præsidio *Campegii*, *Vitringa* & *Hermannii Alexandri Roell* de futuro regno Christi in hisce terris gloriosa habuit. Præter hæc in fine Præcognitorum Operi præmissorum S. Rev. *Langius* *Commentarii pragmatici in omnes V. T. libros*, Deo vitam viresque largiente, IV Tomis in Folio a se edendi illiusque, si morte præventus colophonem operi imponere nequeat, a venerando genero, celeberrimo *Rambachio*, ad finem perducendi spem facit. Sequetur in illo methodum, quam in *Commentario* in omnes N. T. epistolas tenuit, singulosque versus ita quidem interjecta per parenthesis interpretatione notisque subjectis, emphasi vocum, ubi opus, dilucidandæ destinatis, illustrabit, ut prolixæ erronearum sententiarum confutatione, ad aliena digressionem, & nimia philologiæ & oritices ostentatione vitatis, sensum potissimum literalem exhibeat, Christum ejusque regnum, in typis & promissionibus V. T. obvium, ubique indicet, & ad usum sacrum lectoris in fide vitæque Christiana omnia transferat. *Com-*

mentæ-

mentario in Pentateuchen venerandus Autor Dissertationem de veritate & excellentia religionis a Deo per Moſen revelata, per Prophetas declarata, & in Chriſtianismo plena luce manifeſtata præmittet: tum vero in calce Commentarii in Leviticum argumentum de ſatisfactione Chriſti, & juſtificatione peccatoris coram Deo, imprimis contra injurias Chriſtiani Democriti, quas nuper admodum in libello, vera demonſtratio Evangelica inſcripto, doctrinæ evangelicæ denuo intulit, vindicabit, qua occasione novam quoque editionem libelli Grotii de ſatisfactione Chriſti, cum notis Anti-Crellianis, Crellii confutationi oppoſitis, pollicetur.

IDEA JURIS DIVINI DE EO, QUOD
Theologorum eſt, in convincendo & refutando, illustrata
& deducta ex exemplo Chriſti redarguentis Sadduceos
Matth. XXII, 23--33, expoſita & vindicata ab
J. C. H. R. G.

Sine loco impressionis, 1729, 8.

Plag. 12.

IN eo S. R. Harenbergii, quem hujus libelli Autorem ferunt, scopus vertitur, ut nervum diſputationis Chriſti cum Sadduceis oſtendat, eumque expoſitum doctrinis illis muniat, quæ prono alveo inde fluere ei videntur, & momentis temporum noſtrorum ſunt accommodatæ. In Præfatione igitur exemplum Chriſti Doctoribus Eccleſiæ & Theologis unice commendat, quod, excepto redemptionis munere piaculari, orientalium nequaquam formularum indole, ſed veritatis amore & robore ſit tuendum. Submittit ſeſe ingenuæ Theologorum examini, ſiquidem monarchica veritatis profitendæ & applicandæ ratio ei diſplicet. Poterat ſeſe tutari doctrina Juſti Henningii Bahmeri, viri omnino celeberrimi, Diſſ. III de confederata Chriſtianorum diſcipline, & Meditationibus Anonymi de Origine, indole, effectibus atque hiſtoria Juris reſormandi Regum ac Principum nec non Scaturum Imperii Romano-Germanici circa religionem, quas in hiſ Actis A. 1729 p. 504 ſqq. reſenſuimus, ſiquidem veritatis de-

monstrationem & defensionem legibus modestæ Christianæ circumscriptam a Deo & cœtus Christiani jure, non e fonte politico, depromit ac deducit. Potissima & nova cum lectore communicabimus, vulgatoribus omisiss. Jus exponendi & vindicandi moderate veritates theologicas ex exemplo Christi existimat deducendum, qui ecclesiam sibi collegerit ejus naturæ, in qua veritatem exponi & in animos fructuose demitti omnino fas sit §. I. Deinceps, Christum sincere & aperte veritatem theologicam citra accommodationes ad errorem humanum proposuisse, docet, & illud Pilati: *quid est veritas!* ex indifferentia ejusdem, per avaritiæ luem orta, derivat. Scribas in N. T. memoratos habet pro Karæis cum Triglandio & J. C. Wolfio. Sadduczos putat negasse resurrectionem lapsi corporis crassi, quippe quibus placuerit animæ oberratio & μεταψύχωσις intra corpus quoddam subtile seu ὄχημα. Herodianos habet pro Sadduczis ex collatione *Marc. VIII, 16, & Matth. XVI, 6, & ob ἔργον ἐκ νεκρῶν Marc. VI, 14, Matth. XIV, 1, Luc. IX, 7*, quam Joanni Baptistæ tribuerit Herodes Antipas, probe gnarus, Joannis corpus extitum tunc nondum resurrexisse e sepulchro. Ἀναβίωσιν, Chaldæis, Magis, Homero, Democrito, Ægyptiis, Pythagoræ, Platoni & Druidibus probatam, credit fuisse receptam a Sadduczis. Eidem classi inserit Simonem Magum, qui negaverit resurrectionem, teste *Augustino in Catal. Hæreseon* c. 1, ita ut transmigrationem animarum adniserit, teste *Irenæo* L. I c. 20 *ed. Grab.* c. 23 *ed. Massueti*. Sadduczos, addit, statuisse cum Chaldæis & Magis principia duo cœterna, quippe qui mali gubernationem, i. e. permissionem & directionem, Deo bono subtraxerint. Josephus, *Kingio* notante in *Historia Symboli Evangelici* c. IV §. 15 p. 157, sententiam Sadduczorum opponit opinioni Pharisaicæ *Ant. L. XVIII c. 2*. Unde inferre Noster, Sadduczos negasse animæ perseverationem in eodem statu post mortem & supplicia ac præmia in loco certo subterraneo, ψυχῆς τε τὴν διαμονὴν καὶ τὰς κατ' αὐτὴν τιμωρίας καὶ τιμὰς. Illud κατ' αὐτὴν exponi notat a Josepho per ὑπὲρ χρόνον. Unde patet, animis separatis Phariseos assignasse domicilium sub terra. *Facilem bonis ad vitam reditum, Phariseis probaturum,*

tum, exponit de resurrectione corporis crassi, & τὸ μεταβαίνειν
 αὐτὸν ἐκ τῶν σῶμα, transitionem bonorum ad corpus alterum, capi-
 tit de corpore eodem resurgente, splendidis affectionibus orna-
 to, adductus testimonio Pauli, qui suam de resurrectione cor-
 poris sententiam non distinguat ab opinione Phariseorum *Act.*
XXIII, 6, 7, ac consensu Ven. Joannis Georgii Walchii Prof. Jen.
 in *Observ. in N. T. libros Observ. III p. 28*, Karzos eadem sensisse,
 comprobatur ex *Act. XXIII, 9*. 'Adhuc de subterraneo sumi rece-
 ptaculo, demonstrat ex Scholiaste Euripidis in *Hecabem p. 18*,
Euripidis exordio Hecabes, Theocriti Idyllio II v. 1534, ejusque
 Scholiaste Zacharia Calliergo p. 220. Addit consensum Pearso-
 ni in *Exposit. Symb. Apostol. p. 403, 414*, Kingi. c. c. 4 §. 12 p. 153
 liqq. Joannis Marshani Can. Chron. ad *Sec. XI §. 3 p. 274 liq.*
Grabi in Annot. ad Urbani Regii formulas caute loquendi p.
189, 202, Lutheri præcipue *T. VI. Jen. ad Gen. XLII, 38, p. 630,*
631. 'Adhuc secundo ei notat conditionem animarum separata-
 rum. Exemplum adducit ex *Æschyli Prometheus p. 14*, ejusque
 Scholiaste, *Persis p. 169*, & Scholiaste ed. Henr. Stephani 1557
 maj. 4. Ne quis tamen hæc ad descensum Christi ad inferos
 transferat, intercedit, omittens rationem. Persas statuisse ob-
 servationes animarum, a corpore crasso solutarum, ostendit ex
Æschyli Persis p. 155, & Thoma Stanlejo de *Philosoph. Chald.*
Scit. I c. 10. Hinc descendit ad ea, quæ Christus tanquam vera
 posuit in disputatione sua contra Sadducæos §. 4, negans, Chri-
 stum & Apostolos argumentatos esse unquam καὶ αὐτοὶ ποτε, 'eu
 ex concessis erroribus, nisi distincte id indicetur in N. T. quo-
 niam hoc ei §. 5 non videtur quadrare ad sinceritatem & sco-
 pum doctoris Christi. Repudiat igitur secus sentientes. Ut
 ostendat nervum argumenti a Christo contra Sadducæos adhi-
 biti, duo format theoremata. Prius sic habet una cum demon-
 stratione: *Eadem numero corpora resurgunt & cum animis olim*
sibi junctis iterum conjunguntur. Demonstratio additur hunc
 in modum: 1) Deus alloquitur Moisen *Ex. III, 6, 16*: Ego sum
 Deus Abrahami. 2) Deus dicitur illius Deus, cui favet. 3)
 Cui Deus favet gratiamque conferre studet, ille existit. 4)
 Deus, Moisi ætate, erat Abrahami dudum extincti Deus n. 1,
 ergo

ergo eidem favebat n. 2, ideoque Abrahamus tum exstitit gratiz-
 que fuit capax n. 3. 5) Nomen humanum imponitur toti hu-
 manæ substantiæ, compositæ ex animo, intellectum & volunta-
 tem liberam complexo, & corpore organico. 6) Corpus Abra-
 hami, Moſis ætate, dudum erat morte functum. 7) Exſiſtebat
 tum Abrahamus gratizque erat capax n. 4, ergo ex parte animi
 conſcientia ſui ac Dei inſtructus. 8) At ſola anima non erat
 Abrahamus n. 5, nec corpus aliud eidem vel diverſæ animæ
 junctum dici poteſt ille Abrahamus, illa Abrahami perſona. 9)
 Cum igitur Deus Abrahamo faverit, corpore dudum mortuo
 n. 4, totique illi ſubſtantiæ, cui nomen illud erat inditum n. 5, 8;
 ergo idem numero corpus n. 8, jungitur cum eadem, olim ſibi
 juncta, in unam perſonam anima, ſeu, quod idem eſt, datur re-
 ſurrectio ejusdem numero corporis in conjunctionem cum ani-
 ma, quacum olim fuit junctum. Sic immortalitas animæ & re-
 ſurrectio a Chriſto ſimul fuit comprobata. Agnoſcit eundem
 probandi nervum ex *Ex. III. 6 Menaffe ben Iſrael lib. de reſur-
 rectione mortuorum* p. 68, quem indubie ex N. T. didicit, ut
 præclare obſervat Celeberr. *Maturinus Veyſſiere la Croze in En-
 tretiens ſur divers ſujets* p. 187. Mirum, eum non agnoſci
 hic a multis Chriſtianorum! Poſterius theorema per ſe patet
 per legem Logicam propoſitionum contradictoriarum: *Fal-
 ſum eſt, animas defunctorum corporum oberrare per varia cor-
 pora & per ea nominatim, quæ a corpore lapſo differunt.* Sum-
 mam argumenti Autor ita ſeſe putat expediſſe, notans §. 7 eos,
 qui μετεμψύχωσιν illam Sadducæorum inſtaurare contende-
 runt, nominatim *Franciſcum Mercurium van Helmont*, ſcripto-
 rem libri *Seder Olam* ſeu *Ordinis ſæculorum* 1693, 12, cujus ad-
 dit refutatores & vaticinium de anima ſua poſt mortem corpo-
 ris in canem atrum transmigratura. Notat ſimul *Joannem*
Tolandum, qui *Ep. II ad Serenam* ſcripſerit, dogma de immor-
 talitate animæ ab Ægyptiis ethnicis inventum eſſe, merito con-
 futatum a Ven. Viris *J. Fr. Buddeo* & *J. L. Moſhemio*. Confeſ-
 ſionem divinæ veritatis publicam exemplo Chriſti munit §. 8. 9,
 notans §. 9 Indifferentiſtas, in quibus eminent *Apelles*, *Rhe-
 torius*, *Gnoſimachi*, *Puccius*, *Spinoza*, *Cherburius*, aſſe-
 tores Chri-

Christi interni seu spiritus communis in Turcis & ethnicis, Eia-
lerum, Dippelium aliosque. Laudat *G. Wernsdorffii* libellum de
Indifferentismo religionum. Repudiat abusum distinctionis in-
ter res majoris & minoris momenti ratione librorum nostro-
rum Symbolicorum, indicans ex *Guilielmi Saldeni Otis Theo-
logici* L. II Exerc. 8 §. 13 p. 381 sq. meliorem distinctionem in
dogmata, probationes eorum e sacris litteris, & illustrationes
aliunde adscitas. Adjungit corollarium §. 10, religionem paga-
nam, qua talem, non sufficere obtinendæ salutis æternæ, siquidem
eam ratione animæ secuti sint Sadducei. Laudat *J. F. Buddenm.*
qui verbum Fanaticorum internum gentibus commune explose-
rit in *Instit. Theol. Dogmat. L. I c. 1 §. 15 p. 12* seqq. Idem perspicui
docet, ex *Ebr. XI, 6, Rom. X, 14*. Objectionem e Patribus, qui
gentium Philosophis nonnullis salutem æternam non denega-
runt, sedulo diluit. Platonis scripta esse fere supposita, pronun-
tiat p. 57, si genuina sit ejus epistola II ad Dionysium p. 7. 7 ed.
Lugd. 1590, qua declaret: Οὐδ' ἐστὶ συγγραμματα Πλάτωνος ἄδαν,
ἀδ' ἐστὶν. Luget turbatam ecclesiam Christianam per Platonicos
recentiores. Platonem judaizasse e sacris litteris, negat, quia in-
de nihil excitet. Patrum addit testimonia, qui infitiatii sint, Pla-
tonem ac Philosophos alios legisse diviniore litteras, *Laërentii*
Div. Instit. L. II §. 20 & L. IV §. 2, *Cypriani, Hieronymi, Augustini*,
quorum loca sunt apud *Vossium* in *Historia Pelagiana* L. III P. II
§. 12, & *Baldum* in *Judicio Patrum de Moralitate Philosophiæ* L.
II c. 1. Repudiat fidem implicitam Scholasticorum & *Theobaldi*
Tanneri Jesuitæ librum Moguntiz 1561 editum, quo defendit,
ethnicos honestiores etiam sine fide & agnitione Christi servatos
æternum esse. Rejicit eandem *Jacobi Andradii & Dominici So-*
lonis sententiam. Ortum ejus erroris in ecclesia Pontificia de-
rivat ex merito bonorum operum. Subdit *Petrum Poirctum*, qui
male idem senserit in *Oeconomia divina* L. III c. 13, & defende-
rit in *Vindiciis veritatis & innocentiz* L. IV Opp. Amstelodami
1721 excusorum Cap. 7. Confer Acta nostra Anni 1721 p. 420. Sad-
duceis habet §. 11 pro semi-ethnicis, putans Sadduceorum de
anima sententiam exstare in Judæis credita *revolutione anima-*
rum הנשעים צלזל, postea Kabbalistice propagata ob metum,

ex XIII articulis *Maimonida* conceptum. Demonstrationem veritatis revelatae instituendam docet §. 12 e principiis ab adversario concessis, ob exemplum Christi & Apostolorum. Religio, iudice Nostro, Christiana non constat principiis rectae rationis in nobis residuae §. 13. Iudaeos quosdam sacrificiorum finem typicum novisse, idem probat ex לוחות הברית f. 338. Notat *Spencerum* ideo & Arminianos, praecipueque *Philippum Limborgium* in Theol. Christ. L. IV c. 4. Repudiat eos, qui doctrinam Christianam e posito astrorum dependere existimant, nominatim *Petrum Pomponatium* de Incantatione p. 308 sqq. *Julium Caesarem Vanninum*, *Hieronymum Cardanum*, a G. G. *Leibnitio* excusatum in Miscellaneis p. 187. Veritatem divinam negat §. 15 deducendam ab arbitrio imperantium tanquam fonte ultimo, ponens Jus circa sacra in potestate conformandi actiones externas Christianorum, ne saluti publicae creetur noxa; Jus Episcopale constituendi fidei fundamenta asserens soli Deo, Jus Episcopale ad illud fundamentum tolerandum & protegendum tribuit summis magistratibus, collegii christiani sociis, ex pacto collegii. Per *interna ecclesiae*, quae Constantinus M. sibi denegabat apud *Eusebium* in Vita Constantini L. IV c. 24, intelligit annuntianda fidei fundamenta, per *externa* autem, non res civiles & profanas, ut *Leo Allatius* de perpetuo consensu L. I c. 13 p. 231, nec gentiles adhuc extra Ecclesiam constitutos, ut *Petrus de Marca* L. II de Concordia sacerdotii & imperii c. 10; sed ordinem Ecclesiae externum. Distinctio Constantini displicet *Thomasio*, *Hobbesio*, *Jacobo Revio* de Episcopatu Constantini M. & *Hugoni Grotio*; defenditur a *J. B. Carpzovio*, *Stolzio* aliisque. Annuntiatio articulorum fidei a Deo sancitorum equidem spectari potest ratione fori conscientiae, unde habet auctoritatem mere divinam, & respectu fori externi, in quo accedit auctoritas principis. Si posteriori sensu Constantinus sibi denegavit interna ecclesiae, omnino erravit. Qui interna illa priori sensu ab arbitrio suo suspendunt, admittunt Caesaro-Papiam, a Ven. *Philippo Jacobo Spencero* in Piis desideriiis p. 10 repudiatam. Errorem Sadduczorum Christus non refellit mentione sanctimoniae suae, amplitudinis suae sententiae, vel miraculorum a se editorum, sed ex verbo Dei, ut *Luc. XVI*,

30, 31, XXIV, 27, 44, & quidem V. T. unde colligit Autor identitatem substantiæ fidei in V. & N. T. contra Socinianos, Arminianos, & nonnullos Reformatos, addens exempla Apostolorum fidei Christianæ veritatem e V. T. comprobantium *Act. IV, 11, 13, XVI, 22, 23*. Si a perenni sanctitate annuntiantium veritas divina tantum pendeat, Apostolorum doctrinam fore repudiandam, docet porro; siquidem hi a peccatis omnibus non prorsus fuerint in vita sua & conversatione immunes *Gal. II, 11, 14, Act. XV, 39*. Probationem fidei singulorum consolantem a sanctitate divelli non posse, largitur ob *Gal. V, 6, 2 Cor. XIII, 4, 5, 7*. De illuminatione sic statuit. Eam esse duplicem, & inniti vi supernaturali verbo Dei insita in animo hominis sese exserente. Seponit veritatem illam, quæ ex principiis rationis rectæ & experientiæ evidentis de Deo rebusque divinis innotescat, quæ licet dicatur *veritas Rom. I, 18, 25*, ab illuminatione tamen derivanda non sit. Statum animi humani actumve, quo intellectus de revelatis ex vi verbo insita sit certus, vocat gradum primum illuminationis, qui aliis dicitur *alluminatio* sive *illuminatio incidens*, non recepta, non permovens voluntatem ad subjectionem sub ordinem salutis susceptum & vita ipsa expressum. Exempla addit *Act. XXIV, 25, Phil. I, 15, 18, 1 Cor. III, 1, 3, 5*, & testimonium *Spencers* in *ptis desideris* p. 15. Illuminationis indolem dispescit in tres gradus, lucem lychni lucentis in animo obscuro, diluculum, phosphori ortum, ex *2 Petr. I, 19*, & illustrat ex ritu candelabri sacri Judaici, unde Petrinam figuram cum Cel. J. G. *Lakemache* in *Obs. Philol. P. III, Obs. 6* p. 166 desumptam credit. Sensum compunctionis, licet repressum, esse ex illuminatione, sibi persuadet, assensumque ex argumentis sacrarum litterarum externali. Vocem sic sumi putat *Eph. II, 8, 9*. Nemo tamen negaverit, firmam & justam illuminationem argumentis internis, beatitudine quadam niti ex unione cum Deo & fruitione bonorum spiritualium, roburque suum inde acquirere, & hanc duntaxat persistere immotam, qua talis est, in persecutionibus & martyriis. Hanc igitur potissime commendat, complementum quippe prioris illius dimidiatæ & imperfectæ. Characterem ecclesiæ veræ (externæ & visibilis) ponit in agnitione verbi divini genuinæ intel-

intellecti. Ad veritatem divinam amplectendam impellere nos, addit, miracula, sed non unice. Videtur tamen propendere in sententiam *Pascalii*, qui in *Pensées sur la religion* p. 154 ed. Ulm. 8, 1717 ita disserit: *Il y a des miracles, qui sont des preuves certaines de la vérité; & il y en a, qui ne sont point des preuves certaines de vérité. Il faut une marque pour les connoître; autrement ils seroient inutiles.* Et paullo ante: *Il faut juger de la doctrine par les miracles: il faut juger des miracles par la doctrine. La doctrine discerne les miracles: & les miracles discernent la doctrine.* Fons est notus, ex quo illa opinio orta est. Ipse enim *Pascalius* p. 155 notam discretionis miraculorum suspendit ab ecclesia. Nostri, ut similia statuerent, cum Nostro impulsus videntur præstigiis Magorum Ægypti & locis *Deut. XIII, 1, 2, 3, XXIV, 24, Luc. XXI, 8, 2 Thess. II, 9, Apoc. XIII, 1, 3*, ubi voces occurrunt, quibus alibi miracula vera designantur. Poni tamen recte Noster p. 103, Deum omnipotentem tantum edere miracula ob veritatem indicandam vel confirmandam, licet instaurationem veritatis miraculis non indigere, ostendat ex *Hiskiz & Josiz* exemplis, ac *1 Cor. XIV, 22*. Salvator certe a mortalibus assensum veritati divinæ præbendum exegit eo, quod miracula ederet, uti patet ex *Jo. X, 25, 37, 38, V, 36, Matth. XI, 20 sqq. Act. II, 22, Jo. XV, 24, Jo. VIII, 2*, quod ipsum agnoscit *Nicodemus Jo. III, 2*. Huic criterio addebat potissimum Christus impletionem vaticiniorum, quæ olim prædicta erant, de futuris contingentibus, non nisi per Deum. At pergendum est, ut reliqua notiora brevissime recenscamus. Cogendum ad veritatem amplectendam esse neminem, ex exemplo Christi, Apostolorum, primæ Ecclesiæ & consensu *Claudii Fleuri* Diff. V Hist. Eccl. Tom. XVI præmissa p. 36 sqq. & Diff. VI T. XVIII præmissa p. 31 sqq. evincit, addens illa *Luc. IX, 54 sqq. 2 Cor. X, 4, & Cyprianum Ep. 60 p. 143*. Agit hinc de methodis variis docendi veritatem divinam & eliciendi assensum externum. Methodum Augustinianam fratrum Walenburgiorum non fuisse artem novam, docet p. III, sed artificium *Perronii, Gonsieris & aliorum*. Refellit eam exemplo Christi, qui adversus Sadduceos non attulerit totidem ex sacris litteris verba, sed vera & ratio-

tio-

tionis principia & consecutionis ratio cinia ex dicto Scripturæ. Consentiri non posse, pergit, in unionem cum dissentientibus in doctrinis capitalibus ex via pacis & amoris, quando amor & obedientia in Deum & ejus veritatem ita in collisionem adducatur: monens varia adversus eos, qui articulos fidei nimis abbreviant, exemplo usus Christi, qui ejusdem numero corporis indolem a resurrectione noluerit separatam, quod leviculum videri possit Latitudinariis. Persequitur deinde methodum rationalem, hypotheticam & pædagogicam & doctrinam de convictione & refutatione, a qua rationes extrinsecas, impugnationes, dictæria & persecutiones esse sejungendas ac coercendas, firmissimis argumentis evincit.

FOSSILS OF ALL KINDS, DIGESTED

into a Method &c.

h. e.

FOSSILIA OMNIUM GENERUM, IN METHODUM digesta, mutue ipsorum relationi & affinitati convenientem, cum Annotationibus & nonnullis litteris ac schediasmatibus, quæ ad augmentum scientiæ mineralis spectant; Autore JO. WOODWARD, M. D. & Prof. in Collegio Gresham. Regiæque Societatis Sodali.

Londini, apud Guil. Innys, 1728, 8.

Const. 27 pl. dimid. & 7 Tabb. xxi incis. s.

QUam præclare meritis sit Celeb. Autor cum de universa historia naturali, tum de ea potissimum illius parte, quæ ad fossilia atque mineralia spectat, nemini harum rerum studioso facile ignotum esse potest. Incredibili certe solertia, neque exiguis sumptibus, quadraginta fere annorum spatio, fossilium plerorumque omnium non modo ex Anglia, sed ex toto pene terrarum orbe collegit exempla, eademque in ordinem & catalogum quam accuratissime redegit. Et quanquam plurimis aliis negotiis impedito non tantum temporis in adamatum istud studium impendere licuerit, quantum quidem voluisset, tamen etiam ad su-

premium usque diem illud alacriter continuavit. Quippe cum per aliquot ante obitum suum menses lecto detineretur, hoc ipso tempore methodum, de qua nunc verba facimus, elaboravit atque adhuc superstes prelo subjecit. Quod quidem novissimam ejus Opus lectoribus curiosis eo gratius fore non dubitamus, quia certius est, id jam diu fuisse desideratum, nec facile ab alio aliquid præstantius & perfectius in hoc genere potuisse expectari. Distinguere autem fossilia solet in *realia* sive *nativa*, quæ vere & proprie talia sunt, & in *extranea*, quæ cum illis quidem permixta passim e terra eruuntur, ceterum animalibus potius & vegetabilibus primam ac veram suam originem debent, jam inde ab universalis illius diluvii tempore repetendam. De his in adjunctis quibusdam epistolis nonnulla commemorat: illa vero sola methodo sua complectitur, atque in sex præcipuas classes redigit. Quod dum facit, etiam complures subjicit eruditissimas atque utilissimas annotationes, quibus non modo nomina fossilium cum antiqua tum recentiora, sed & naturam & usum eorum egregie explicat. Adjecta quoque est tabula, in qua tunc intuitu conspiciuntur omnis generis fossilia, juxta naturæ methodum in classes ordinata: quam quidem tabulam, cum totius opusculi compendium exhibere videatur, hoc loco integram inferere operæ pretium putamus. Est autem hujusmodi:

FOSSILIA sunt

- I. Opaca, insipida, *friabilia*; in aqua *solubilia*; flammam non concipientia; TERRÆ: quæ ad tactum
leves, & quasi *sebaceæ*; quæ *lingua*, si illi admoveantur,
adherent; CIMOLIA-PURPURASCENS, CIMOLIA-
 ALBA, ARGILLA, TERRA-SAMIA, TERRA-
 LEMNIA, tam *rubra* quam *alba*, SOLVS ARME-
 NIA, KILLOIA, RVBRICA molliuscula;
non adherens; STEATITES, MOROCHITES, GA-
 LAXIA seu LEVCOGRAPHVS.
Scabra & *siccæ*; TERRA-VIRIDIS, TERRA-CAERVLEA,
 RVBRICA duriuscula, TERRA-TRIPOLITANA, KIL-
 LOIA duriuscula, TERRA-CARIOSA, TERRA-MELI-
 TENSIS, TERRA-SINENSIS, & quæ vasa, *porcellana*
 dicta,

dicta, sunt, OCHRA, TERRA-FLAVESCENS, VMBRIA,
CRETA, STEINOMARGA G. *Agricola*, quæ est *Lac Lu-
na Ol. Wormii*, TERRA-NIGELLA vegetabilis, Dædala,
LVTVM, MARGA, s. *Terra rubella*, Zoica, Adamica,
TERRA-MISCELLA.

Appendix; GLAREA, s. SABVLVM, ARENA.

II. Infipida, dura, non ductilis, nec in aqua solubilia; LAPIDES:
qui mole sunt

maiores, in strata dispositi; compositionis

laxioris, ad tactum scabri; LAPIS-MOLARIS, COS
tam gyralis quam portabilis, SAXVM-ARE-
NARIVM, SAXVM-SCABRVM, SAXVM-SECTI-
LE, SAXVM-CALCARIVM, SMIRIS.

spissioris, ad tactum laues, quique attritu aliquan-
tus politi sunt; LAPIS-PISSILIS, LAPIS-LYDI-
VS, COS-OLEARIA, COTICVLA.

dura & compacta, adeo ut ad nitorem poliri possint;
ALABASTRITES, MARMOR, OPHITES, POR-
PHYRITES, GRANITA.

minores; qui Marmor

non duriores;

figura & constitutionis incertæ & indeter-
minata; ROTVLAE-LAPIDEAE, GLOBV-
LI-LAPIDEI, LAPIDES-BORBORI, SCHIR-
RI-LAPIDEI.

figura extus varix & incerta, constitutionis
vero internæ determinata & regularis:

compositi e fibris parallelis, quæ
in horum plerisque flexiles sunt, &
vi elastica præditæ; GYPSVM-
STRIATVM Anglicum, AMIAN-
THVS s. ASEESTOS, ALVMEN
PLVMOSVM.

compositi e laminis præsertim pla-
nis & parallelis, quæ flexiles sunt &
vi elastica præditæ; TALCVM,

MICA

MICA *G. Agricola* argentea s. tibia, aurea, & nigra.

qui, interpositione laminarum, e materia ad fluores dictos potissimum accedente constantium, *dividuntur in Talos* s. partes angulares, pentagonas, hexagonas &c. LVDVS HELMONTII.

fistulosi, ex *tubulis* eadem materia constantibus *compositi*; LAPIS-SYRINGOIDES.

Compositi e *crustis* altera alteri superinductis:

arcte coherentibus, nulla intus cavitate; BEZOAR-MINERALE.

intus cavi, cum materia quadam inclusa, crustæ non adhærente:

solida & lapidea, veteribus *Calimus* dicta; AETITES-SILICEVS, AETITES-OCHEO-FERREVS.

laxa, ut arena, ochra, creta, terra; GEODES.

liquida; ENHYDROS.

Figura & constitutionis certa, regularis & determinata; SELENITES, LAPIS-SPECULARIS, BELEMNITES s. *lapis Lynceis* (*Lyncurius* forte veterum) CORPORA CORALLOIDEA-FOSSILIA, Lapidés coralloïdibus affines: STELECHITES, MYCEITES, PORPITES, ASTROITES, LAPIS-FAVAGINOSVS, FLVORES figurati: CALGVN, CRALBVM, STALACTITES, STALAGMITES, OSTEOCOLLA,

duriores;

opaci;

opaci; 1) plerumque *unicolores*: LAPIS-NEPHRITICVS, MALACHITES, FRASITES, IASPIIS-RVBENS *Aegyptius*; 2) *Variorum* in eodem corpore *colorum*: LAPIS-LAZVLI, s. Cyaneus, HELIOTROPIVM, IASPIIS.

semipellucidi; 1) *versicolores*, prout varietate situ luci obijciuntur: OCVLVS-CATI, OPALVS; 2) *Coloribus* in subiecto *permanentibus*: CALCVLI aliquot & SILLICES compactiores & elegantiores, ACHATES, LAPIS-CALCEBONIVS, ACHATES-MOCHOENSIS, OCVLVS-BELI, ONYX, SARDONYX, LAPIS-SARDIVS s. CARNEOLVS vulgarior, CARNEOLVS albus, item luteus, qui rarissimus, BERYLLVS Gemmariorum, qui *Carneoli* species est magis pellucidi & saturius rubentis.

pellucidi;

colorati: TOPAZIVS recentiorum, qui *Chrysolithos* veterum, HYACINTHVVS Gemmariorum, RVBINVS Rupium, Rubinus BALASSIVS, Rubinus SPINELLVS, CARBUNCVLVS recentiorum, Rubinorum species rarissima, AMETHYSTVS, SAPPHIRVS, tam saturitate quam pallide exrulea, quae *Sapphyrus aqua* dicitur. Gemma Italica AQVA-MARINA dicta, quae forte BERYLLVS *Plinii*, SMARAGDVVS, CHRYSOLITVS recentiorum, qui *Topazius* veterum;

coloris expertes: CHRYS TALLVS, SAPPHIRVS-ALBA, ADAMAS.

III. *Friabilia*, aliquatenus *pellucida*, linguam *pungentia*, in aqua *solubilia*, ea autem evaporata denuo *coalescentia*, & in

Mm

figu-

figuras angulares se componentia: SALIA, (S) SAL-FOSSILE, tam *Rapeum*, quam *Gemmem*, Sal Cyrenaicum s. AMMONIACVM, TINCAL Persarum, quod videtur *Chrysocola* esse veterum, NITRVM Ægyptiorum veterum, recentiorum NATRON s. LATRON, NITRVM recentiorum, SAL-ACIDVM fossile, e quo, cum materia *bituminosa*, *cretacea*, vel *metallica* coalescente, oriuntur SULPHVR, ALVMEN, & VITRIOLVM.

IV. *Flammam facile concipientia & oleum præbentia, in aqua non solubilia*; BITUMINA,

{ *liquida*: NAPHTA, PETROLEVM, OLEVVM TERRÆ BARBADENSE.

{ *solida*: BITVMEN, DISSASPHALTVM, SVCCINVM, GAGATES, Lapis AMPELITES, LITHANTHAX.

V. *Metallis affinia, quibusdam sc. metallorum proprietatibus prædita, pondere saltem & splendore*; MINERALIA,

fluida; ARGENTVM-VIVVM-NATIVVM.

solida, igne fusilia, sed non ductilia; CINNABARIS, ARSENICVM aureum, ARSENICVM rubrum s. SANDARACHIA, PYRITES, MARCASITA, COBALTVM, LAPIS-CALLAMINARIS, ANTIMONIVM, BISMUTHVM, SPELTVRVM, NIGRICA-PABRILIS.

VI. *Ponderosa, splendentia, solida fusilia, & ductilia*; METALLA: AVRVM, ARGENTVM, CVPRVM, FERRVM, STANNVM, PLVMBVM.

Appendix ad Cap. de Ferro, MAEMATITES s. SCHISTOS, MAGNES, MAGNESIA, ferri plusminus in se continent.

Præter tabulam, quam modo exhibuimus, & ipsam methodum fossilium notis illustratam, sequentes adhuc schedæ in hoc Volumine comprehenduntur: 1) Litteræ ad *Is. Newtonum*, simul cum methodo fossilium, ab Autore transmissæ, in quibus de difficultate & usu ejusmodi methodi agitur; 2) Litteræ ad *Jo. Haskyns*, in quibus conqueritur Autor, quod studium fossilium nondum in formam artis redactum sit, quodque scriptores harum rerum fossilia *nativa* ab *extraneis* parum distinguere consueverint; 3) Litteræ ad eundem, de *ceraunis*, sive *armis* atque instrumentis antiquorum *lapi-*

lapideis, cuneis e. g. securibus, spiculis, jaculis &c. quæ scilicet ante detectum ferri usum vulgo adhibita fuerunt, quæque nunc ex terra eruta, pro lapidibus ista forma natis, vel cum fulminibus & cælo delapsis, perperam haberi solent, de *gemma* item *magicis* seu *margaritis mineralibus*, ut a quibusdam vocantur, quæ ex genere quodam crystalli, forma fere spherica vel spheroidum, arte paratæ, & ad varias superstitiones olim usurpatæ sunt, ad imitationem fortasse Hebræorum *Urim & Thummim*, cum expressis quarundam harum rerum iconibus; 4) Instructio ad conficiendum accuratum atque utilem fossilium nativorum catalogum; 5) Epistola ad N. de viris doctis, qui Autorem in studio Historiæ naturalis adjuverunt; 6) Epistola ad eundem, de origine, natura, & constitutione *Belemnitis* lapidis; 7) alia Epistola ad eundem, de origine & natura *Coralloïdum*; 8) Observationes de corporibus corallinis, quæ in mari formantur; 9) Instructio succincta de observationibus & collectionibus rerum naturalium rite instituendis; 10) Additamentum ad alteram partem *tentaminis circa Historiam naturalem telluris*; ubi tamquam notata maxime dignum observat Autor, se nullas unquam vidisse vel animalium vel vegetabilium partes petrificatas, quæ non ejusmodi fuerint, quales extremo vere, (quo scilicet tempore universale illud diluvium contigit) esse consueverunt. Postremo etiam breviores duo Indices adjecti sunt tum fossilium in libro commemoratorum, tum aliarum quoque rerum, de quibus, data occasione, mentio fit. In Præfatione ubertas terræ Anglicanæ, in præbendis varii generis fossilibus, nec non libertas & felicitas incolarum in iisdem fruendis, maximopere prædicatur.

PIECE, QUI A REMPORTE' LE PRIX DE L'
Académie Royale des Sciences, proposé pour l'année 1726,

hoc est,

DISSERTATIO PRÆMIO AB ACADEMIA
Scientiarum pro A. 1726 proposito condecorata.

Parisiis, apud Claudium Jombertum, 1727, 4.

Plag. 7½ Tab. æn. I.

M m 2

Altera

Altera hæc Dissertatio est, quæ *Bernoulliana* prælata fuit, propterea quod Geometra summus vires vivas defenderat a iudicibus publice impugnatas, hujus autem autor Cl. *Mazierius*, Congregationis Oratoriz Presbyter, rejicit & impugnatoribus applaudit. Sane Academia Scientiarum *Mazieriana* non nisi proximum a *Bernoulliana* locum ipsamet tribuit. Argumentum sunt leges conflictus corporum elasticorum a probabili explicatione causæ physicæ elateris deductæ. Causam physicam elateris esse existimat materiam subtilem, seu elementum secundum *Cartesii*, cui tribuit vim infinitam aut propemodum infinitam & fluiditatem perfectam. Eam libere fluere per poros corporum, perinde ac fluida densiora per canales amplos, & cuivis impetui cedere absque ulla resistantia. Constare eandem ex admodum exiguis corpusculis in particulas minutiores in infinitum absque ullo labore divisibilibus. Corpusculorum figuram esse ordinarie sphericam, sed ob pororum irregularitatem ea facile induere figuram irregularem; imo eadem mutare figuram, dum in corpore, cujus poros occupant, mutatio aliqua contingit. Materiam istam subtilem esse in infinitum compressam & compositam ex infinitis corticibus, qui maxima rapiditate circa centrum moventur & sibi mutuo æquiliibrantur, quemadmodum vortices majores *Cartesii*. Vortices autem minores majoribus æquiliibrari per vim centrifugam. *Malebranchii* nimirum hypothsibus de materia subtili seu secundo elemento *Cartesii* utitur ad explicandam elasticitatem. Enimvero cum Cel. *Bernoullius* ostenderit, corpus compressum non posse restitui in pristinum statum, nisi vortices materiz subtilis sint incarcerati; *Mazierius* autem liberum per poros tanquam canales transitum iisdem concedat: non operæ pretium esse arbitramur, ut plura ea de re dicamus. Regulæ ipsæ conflictus, quas Autor exhibet, non differunt ab iis, quæ a pluribus autoribus fuere demonstratæ, nec nova methodo easdem deducit. Quoniam vero regulæ vulgo propositæ ad corpora perfecte elastica spectant; Noster ostendit, quomodo regulæ istæ ad ea quoque applicentur, quæ perfecta elasticitate destituuntur. Ceterum in casu eo subsistit, quemadmodum vulgo fieri solet, in quo

cor-

corpora in se invicem directe impingunt; non vero ad alterum, qui difficilior est, & hactenus intactus fuerat, digreditur, quo corpora plura secundum diversas directiones se mutuo oblique petunt. Attigit nonnulla huc spectantia *Bernoullius* in sua Dissertatione; sed iis difficiliora supersunt, in quibus enodandis non inanem operam sumerent Geometrae primi ordinis. Ceterum Cl. Autor edidit de parvis istis vorticibus materiae subtilis peculiarem Tractatum, ut sit loco introductionis ad novam quandam physicam, & praesentem Dissertationem illustret, quem dudum recensivissemus, nisi illum frustra hactenus expectassemus.

PHILE DE ANIMALIUM PROPRIETATE, ex prima editione ARSENI & libro Oxoniensi restitutus a JO. CORNELIO DE PAUW, cum ejusdem Animadversionibus & Versione Latina GREG. BERSMANNI. Accedunt ex eodem libro Oxoniensi non pauca hactenus inedita.

Trajecti ad Rhenum, apud Guil. Stourw, 1730, 4.

Alph. 2.

Manuel Philes Ephesius, qui hunc librum de Animalium Proprietate Jambicis versibus composuit, floruit circa tempora *Michaelis Palaeologi* junioris, cui hoc Opus dicatum est. Ipsa jam aetas scriptoris dignitatem libri docere poterit. Nihil enim novum, nihil reconditae eruditionis hic erit querendum; sed omnia ex aliorum traditione, potissimum vero ex *Eliani* Historia Animalium desumpta sunt. Graece primum editus est ab *Arsenio*, Monembasiz Archi-Episcopo, Venetiis 1530, 8. Deinde ab *Gregorio Bersmanno* cum Versione Latina. Sed cum *Philes*, more recentioris Graeciae, numerum potius syllabarum, quam metrum observasset, *Bersmannus*, auctoritatem praeceptoris sui *Joach. Camerarii* secutus, plurima in Graeco contextu immutavit, ut *Philen* ad metrum reduceret. Haec res adeo male habuit Doct. *Jo. Cornelium de Pauw*, ut *Philen* istum *Bersmanni* spurium & adulterinum vocare, aliaque satis dura in virum istum diligentissi-

num, ejusdemque doctorem venerandæ memoriæ, proferre non timuerit. Ipse itaque, postquam *Abr. Gronovius* ei editionem *Bersmanni* cum MSto Oxoniensi collatam obtulerat, ad novam Poetæ hujus editionem animum applicuit, utut ne *Arsenii* quidem exemplar in manibus haberet. Nactus tamen postea variantes lectiones ex *Arseniana* editione descriptas, inde & ex MSto Oxoniensi *Philen* integritati suæ restituere annisus est. Et hoc primum atque præcipuum Cl. Editoris est meritum, quod *Arsenii* editionis, aut Oxoniensis libri lectiones, *Bersmannianis* eliminatis, in contextu repræsentaverit. Observationes eaim, quas adjecit, paucæ sunt, nec adeo singularis momenti. Nihil certe continent pleræque, quam variantes lectiones libri Oxoniensis aut Editionis *Bersmanniana*, & præterea indicium, ex quo loco *Æliani Phile* sua desumerit; denique conjecturas quasdam Editorias. Si vero hic illic plura verba facienda fuerunt, nulla tamen veterum scriptorum autoritas, quæ sola in ejusmodi scriptis delectationi esse solet, adjicitur; sed passim ista verba: *Norunt eruditi; non ignorant periti; ipsi tirones sciunt*, & iis similis, totam demonstrationem absolvunt. Quæ nos nullo reprehendendi animo, sed tantummodo, ut paucis de opera Doct. Editoris absolvamus, indicare debuimus. Bene quippe cognitum habemus, *Philen* istum non esse, in quo multum desudemus. Et ex eadem ratione facile serimus formulas istas Editoris: *Plura sua loco; videbimus alias accuratius; plura forte alias; videbimus etiam alias; plura de his alibi; de quibus opportunius suo loco, & similes*, quæ millies in exiguo hoc libro leguntur. Si dubitas, vide modo pag. 267, & bis pag. 273, 275, 276, 278, 279, & miraberis forte in tam paucis pagellis istud, quod nos ferendum judicamus. Ipsi etiam miramur, quid factum sit, ut, cum toties de Additamentis ex MSto Oxoniensi admonuerit Editor, oblitus tamen sit docere, *Celeb. Fabricium* prædem ex MS. *Bodleiano* aliquot ejus generis Additiones evulgasse. Vide sis. Venerandi Senis Biblioth. Græc. Lib. V cap. XVI, sive Volum. VII pag. 697; nec pœnitebit vidisse, cum de autore ipso quædam illic tradantur, quem Cl. Editor ita obscurum, ut erat, & gentis patriæque, & ætate aliisque talibus, quæ Editores de

auto-

antoribus suis obscurioribus commemorare solent, præter-
misit.

PAULI COLOMESII, RUPELLENSIS,
Italiae & Hispaniae Orientalis, sive Italorum & Hispano-
rum, qui linguam Hebraeam vel alias Orientales excolue-
runt, vita, & τρυφερά Authoris nunc primum editae & No-
tis instructae a JO. CHRISTOPH. WOLFIO,
Pastore ad D. Cathar. & Scholarcha.

Hamburgi, sumtibus viduæ Felgineræ, 1730, 4.

Alph. i pl. u.

Iam diu est, quod eruditi *Pauli Colomesii* Italiam & Hispaniam Orientalem avide desiderarunt. Noverunt scilicet, eam ab Autore, tum alibi, tum in Præfatione ad Galliam Orientalem non solum promissam, sed etiam prelo ita paratam fuisse, ut Bibliopola aliquis Rupellensis, qui rerum suarum sedem Amstelodami tunc fixerat, ea lege acceperit, ut sumtibus suis excudi faceret. Ita tradit *Petrus Badius* in *Dictionario Historico & critico* Tomo I p. 950 edit. Roterodam. A. 1702. Sed res aliter cecidit, quando & *Colomesii* & bibliopolæ fata intercesserunt. 'Aurèry' tamen *Colomesii*, quod idem Bibliopola in manibus habuisse videtur, ab injuria temporis vindicatum fuit, & non ita pridem ad Rev. *Hermannum van de Wall*, verbi divini apud Amstelodamenses præconem facundissimum, ex ejus autem museo ad S. Rev. *Wolffium* pervenit. Is vero *Commentationem* utramque luce non minus dignam recte arbitratus est, quam ejusdem Galliam Orientalem, eadem scilicet ratione & industria concinnatam. Inter Italos XC, qui litteras Orientis calluerunt, & ex parte scriptis ornavunt, eminent *Aegidius Viterbiensis* sive de *Canapina*, *Hieron. Alexander*, *Bartolus a Saxoferrato*, *Rob. Belarminus*, *Marius de Calasio*, *Angelus Caninus*, *Isaacus Casaubonus*, *Seb. Castalio*, *Job. Deodatus*, *Franc. Donatus*, *Felix Praensis*, *Pet. Galatinus*, *Anton. Legerus*, *Marius Marinus*, *Raimundus Mithridates*, *Thomas a Novaria*, *Santes Pagninus*, *Job. & Job. Franc. Pici*, *Porchetus*, *Paulus Riccius*, *Paulus Sarpis*,

pius, *Jul. Casar Scaliger*, *Augustinus Steuchus* & *Immanuel Tremellius*. Inter Hispanos & Lusitanos, quorum sunt omnino XXXVI, familiam ducunt *Casp. Ammonius*, *Bened. Arias Montanus*, *Alphonfus Beni hominis*, qui ab aliis *Bonus homo* vocatur, *Paulus Burgensis*, *Matthæus Hadrianus*, *Paulus de Haredia*, *Jac. Lopez Stunica*, *Job. Mariana*, *Anton. Nebriffensis*, *Raimundus Martini*, *Job. Segobienfis*, *Franc. Ximenius* & *Alphonf. Zamora*. Inter Hispanos dæzæ fœminei sexus, *Juliana Morella*, & *Loisa Sigaa* a doctrina orientali celebrantur. In vitis, aliorum plerumque, nominatim *Thuani* & *Gerh. Jo. Voffii*, verbis enarrandis brevior est *Colomesius*, in scriptis recensendis diligentior, in testimoniis autem & judiciis aliorum afferendis copiosissimus & interdum forte nimius. Testantur id, quæ inter Italos de *Casaubono*, *Castalione*, *Galatino*, *Legero*, *Jul. Caf. Scaligero* & aliis, inter Hispanos vero de *Ælio Antonio Nebriffensi* & *Bened. Aria Montano* afferuntur. Nonnunquam *Colomesio* epistolas nonnullorum cœvendæz inferere placuit. Ita p. 137 sqq. leguntur octo *Casauboni* epistolæ gallice ad *Pet. Perillaum*, affinem ipsius, exaratz, quæ in plenissima epistolarum *Casauboni* collectione *Almeloveniana* frustra quæruntur. Testimoniis de *Ant. Legero* cumulatis jungitur p. 199 *Cyriti Lucaris*, Patriarchæ CPolitani, ad *Diodatum* epistola longior, sed lectu digna, quæ, ut in notis observatur, *Italice* & *Gallice*, (quæ posterior versio a *Colomesiana* illa interdum abit) in *Jac. Aymonii* Monumentis authenticis ad religionem Græcorum spectantibus Hagz Comitum A. 1700 in 4 editis extat. Notæ S. Rev. Editoris eo spectant, ut observata *Colomesii*, ut res tulit, nunc emendentur, nunc confirmantur, nunc allatis, qui de iisdem Scriptoribus exposuerunt, augeantur. Sic in Italia Orientali *Colomesium*, *Thomam Obicinium* p. 188 a *Thoma a Novaria* s. Novariensi p. 189 præter rem distinxisse, in notis recte monetur, & allatis idoneis argumentis, evincitur. Hispanis annumeratur *Caspar Ammonius* p. 219, quem, patria quippe Hassleletensem, ad Belgas potius pertinere, notæ commonstrant. Mirati sunt nonnulli, atque inter hos *Davidus Ancillonius* in *Miscellaneous Criticis* Tom. II p. 94, cur *Colomesius* in Gallia Orientali *Casauboni* mentionem non fecerit.

Jam

Jam vero consilii ejus causa p.129 aperitur. Qui enim Genevam patriam habebat, ad Italos potius quam Gallos referendus ipsi videbatur. In iisdem notis nonnunquam ad *Alphonfi Ciacconi* Bibliothecam universalem, quam manu exaratam & usque ad *Epimenidem* productam in scriniis doctissimus Editor servat, provocatur. Illam Cl. *Franc. Dionysii Camusati*, J.Cti Parisiensis, cura cum notis ejusdem formis jam exscriptam & copiosa Præfatione munitam lucem propediem visuram esse, ex Præfatione ad Opus hoc *Colomesianum* intelligimus. Præmittitur denique Index Itatorum & Hispanorum, quorum ratio a *Colomesio* habita est, insertis eorum nominibus, quos reliquis addiditrus erat Cel. *Wolffius*, si per infirmiore valetudinem nunc quidem huiisset. Firmet eam & roboret Numen maximum, ut & hæc & aliæ destinata perficere ex voto possit!

TWO DISSERTATIONS CONCERNING

Sense and the imagination: with an Essay on
Consciousness &c.

h. e.

DISSERTATIONES DUE DE SENSU ET
imaginatione; adjicitur tentamen de mente sui
ipsius sibi conscia.

Londini, sumtibus Joh. Tonson, 1723, 8 maj.

Plag. 16.

ILLA nunquam non Philosophorum fors fuit, ut scripta eorum magno olim applausu excepta, & quæ in sui admirationem plerimos mortalium rapuerunt, post fata autorum copiosam adversariorum manum experiantur. Ita *Lockii* de intellectu humano tentamen inter sæculi sui ornamenta quondam relatum, his temporibus a civibus quoque viri eruditi fato jam functi ingenti scriptorum sarragine passim impugnatur. Horum numero Autor quoque scripti hujus Anonymus accedit, ex Philosophi de ideis doctrina consequentiam eliciens, quod bruta eadem, qua homines, intellectus facultate gaudeant. Exprobrat ipsi, quod perceptionera, ut Philosophi ajunt, quæ hominibus ac brutis com-

N n

munia

munis est, pro actu intellectus vendicans, male inter hominem et bruta discrimen sustulerit, & suspicatur, multos celebritate nominis tanti viri inductos, sententiam illam adoptasse, quod bruta non nisi gradu vel externa figura ab homine differant; seu potius, quod genus humanum speciem duntaxat aliquam brutorum constituat, siquidem externa figura illud non magis a quovis brutorum genere, quam ipsa hæc brutorum genera inter se distinguantur. Demonstrare igitur Noster instituit, quod facultates percipiendi, sentiendi ac imaginandi, quæ brutis cum homine communes sunt, ad intellectum haud spectent, & in facultatum mentis humanæ numerum haud referendæ sint. Ita enim liquidum fore arbitratur, quod essentia intellectus humani a mera, quæ in brutis deprehenditur, perceptione longe distet, quod ratio ac intellectus solidam ac certam humani generis a brutis differentiam constituat, & brutum nihil nisi animal ab intellectu prorsus destitutum denotet. *Lockii* autem argumenta ipsa non aggreditur, atque propositum suum in *Præfamine* testatus, vix unica vice nomen ejus in *Opusculo* hoc diserte in jus vocat, sed suam sententiam stabilire satis habet, persuasus, illa subducto fundamento per se ruitura esse, postquam sua accurate demonstraverit. Majori Operi de intellectus humani natura se *Dissertationibus* hæc viam parare asserit, quod commode a se evulgari nequeat, nisi ante errores Philosophorum de sensu & imaginatione occupet, qui multis impedimento fuerunt, ne lubricam esse *Lockii* doctrinam perviderent, nec ipsi acu rem tangere possent. Sensum itaque in limine statim definit, quod sit facultas tantum percipiendi, quæ, dum percipit, mere passiva est, utpote subiecta semper actioni illius objecti, quod perceptionem in illa excitat, neque ulla potentia cogitandi de rebus, quas percipit, prædita. Licet enim nonnulli sensibus illam saltim dederint provinciam, ut corpus defendant ac conservent, Noster tamen animæ rationali instrumenti quoque vicem illos præstare contendit. Sensum itaque perceptio a ratione non pendet, licet illi instrumenti loco serviat, & perceptio sensitiva rei cujusvis mera representatio corporei alicujus phaenomeni v. g. caloris, soni, odoris &c. est. Offert sensus menti perceptiones suas ac imagines, non vero notionem

tiones aut cogitationes, quæ mens inde format, imperat. Differentia igitur intellectus a sensu in eo maxime posita est, quod sensus objecta externa percipiat, quæ intellectus concipit. Ita sensus duritiem corporum tactu percipit, tanquam aliquid, quod manuum pressioni resistit, sed intellectus duritiem concipit, tanquam qualitatem corpori inhaerentem, cujus existentia ab eodem corpore pendet. Monet Auctor, sollicite cavendum esse, dum sensus perceptionem a conceptibus mentis discernimus, ne intellectus aliquam operationem iis, quæ assensum spectant, immisceri patiamur, maxime cum verba communi usui accommodata raro appositâ satis sint, ad distinguendum accurate inter actiones mentis & sensus. Et cum non vulgus modo, sed eruditi quoque viri, qui intellectus humani naturam studiose rimati sunt, hoc in negotio errores sibi obrepere passi sint, Auctor data opera demonstrat, quod sensus, proprie loquendo, plane non intelligant. Si enim humana mens per facultatem sentiendi intelligeret, sequeretur, hominis intellectum secundum proportionem virtutis sensuum vel acutum vel hebetem fore. Contrarium vero experientia testatur, cum homines rudis admodum atque obtusi ingenii, sæpe tamen sagaciores alios facultate sensitiva longe antecellant, imo varia brutorum genera sensuum acumine homines vincant. Prodit hoc loco Auctor sententiam suam de anima brutorum, ejusque differentia ab eo principio, quod hominibus inest. Sensum brutis denegari haud posse, pro explorato habens, illi instinctum naturalem superaddit, qui in brutis principii rationalis, quod hominibus inest, vicibus fungatur, ita ut principium activum brutorum sensu & instinctu, prouti rationale principium in homine sensu ac ratione, absolvatur. Inde discrimen inter sensum atque intellectum repetit, & prolixius persequitur, numerosa argumentorum copia, quam in aliis hujus generis scriptis frustra quæsieris, contendens, sensum ab intellectu toto, quod ajunt, cælo differre. Singula vero illa momenta excerpere, prolixum nimis & ab instituto nostro alienum foret. Accedimus potius ad alteram Dissertationem, qua de imaginationis natura ac virtute commentatur. Constat actiones mentis humanæ resplendentibus, inesse nobis facultatem sistendi pro lubitu animo nostro

stro atque eidem repræsentandi ideas, quas ex visu, tactu, auditu &c. accepimus, etiam si objecta, unde ideas illas hausimus, præsentia nobis haud sint. Usus facultatis hujus ille est, ut sit quasi secundarius sensus in reliquorum sensuum subsidium nobis additus, quorum vice fungitur, tanquam singulos repræsentans. Non incommode igitur sensus quidam communis dici posset unica hæc, sed sensibus aliis omnibus succenturiata facultas. Egregias ejus usus est, quod absentia objecta, &, quas ab illis accepimus, ideas, dum aliquid meditamur, tanquam præsentia promat ac menti exhibeat, ut in cogitationibus nostris absque operosa repetitione sensationum antecedentium progredi nobis liceat: & cum per sensus objecta non alia ratione percipiamus, quam quæ extra nos existunt, insignis illa imaginationis virtus est, quod ideas acceptas multis modis pro lubitu variare ac immutare queamus. Ita quantitatem rerum, quas concepimus, mille modis immutamus, aliam figuram, locum alium, atque alia attributa pro arbitrio nostro illis affingimus. Imago itaque, si a ratione rite dirigatur, instrumentum est egregiæ illius, quæ menti humanæ inest, virtutis, quam vulgo inventionem vocant. Etiam si enim nonnulli vocem hanc iis quoque rebus applicent, quæ casu inveniuntur, proprie tamen eam rationis nostræ actionem denotat, cum imaginatione adjuta, ideas componendo, abstrahendo, atque multis modis transponendo, novam elicit veritatem. Regi igitur imago a ratione debebat. At sæpius naturalem corporis habitum, atque affectuum impetus sequitur, ut mirum non sit, illam in diversis hominibus variam adeo inveniri. Dignum, in quod accurate inquiratur, argumentum illud Nosler judicat, an per universum orbem duo reperiantur homines, quorum imago sit eadem, & non æque ac externus habitus & figura omnium mortalium differat. Indubium enim est, omnes homines eodem modo cogitare, atque intellectum ipsorum non nisi gradu capacitatis differre, cum alius alio in judicando ac discernendo res propositas magis acutus sit, & facilius eorum, quæ proponuntur, nexum cum aliis veritatibus assequatur. Absque eo enim impossibile foret, ut per sermonis usum alter alterius cogitationes assequeremur, cum teste experientia homines quocun-

que

que terrarum intervallo remoti, postquam de verborum significatione inter ipsos convenit, mentem aliorum facile intelligant. Sed longe alia imaginationis ratio est, quæ nunquam fere in diversis hominibus congruit, sed vel secundum naturalem animi dispositionem ac affectum, vel secundum corporis habitum, & prout Philosophi ajunt, temperamentum, multum diversa est. Et animi quidem dispositio varias adeo imaginationi induit formas, ut omnes figillatim recenseri vix possint. Sed corporis habitus duas imaginationis species, respectu ad intellectum habitum, constituit. Inde enim est, ut imaginatio vel vivida ac prompta, vel vehemens ac pertinaciter constans sit. Illa qui donati sunt, ingenium habent mechanicis inventionibus apprime aptum, & si aliarum quoque facultatum mentis vigor accedat, ingenium poeticum aut oratorium inde resultat. Alterius vero generis imaginatio mentem obtundit, hominem stupidum reddit, atque intellectu fere privat, ita ut gradus melancholiz in ejusmodi homine proportionem impetus ac vehementiz imaginationis accurate sequantur. Facultatis hujus vehementia in causa est, cur nonnulli, quibus mentem sede motam non esse, aliz actiones testantur, sibi tamen persuasum habeant, se vel mortuos, vel ex vitro conflatos esse, quos ex parte saltem mente captos dicere liceret. Suis hisce de imaginatione cogitatis contra *Hobbesium* pugnat, asserentem, imaginationem nihil esse nisi sensum languidum, & quasi emorientem, atque ulterius tum imaginationis a sensu differentiationem, tum vigorem ejus ac continuam actionem, ex somniorum imprimis varietate, adstruit. Vigor autem imaginationis cum intellectus opera sæpe præpediat aut turbet, sollicite cavendum est, ne vitium hoc nobis obrepat, cujus fugiendi media indicat Auctor. Paucos enim ab eo satis prudenter sibi cavere, proverbium experientia comprobatum demonstrat, quemlibet hominem ceteroquin sapientem, certo tamen in loco cæcutire. Hæc ita persecutus Auctor, ad prioris Dissertationis argumentum subito, ne prætextum quidem inopinati hujus transitus quaerens, regreditur, causatus dumtaxat, adversariorum, *Lockii* puta, sententiam tam alte mentibus multorum infixam esse, ut pluribus telis illam confodi opus sit. Missio itaque illo de imaginatione argumento,

prolixius demonstrare molitur, quod idearum perceptio non sit actualis intellectus humani. Hoc ut evincat, adstruit, ideam non esse notionem, ut Philosophi loquuntur, & per notiones, conceptus abstractos ac universales intelligere videtur. Discrimen quoque inter idealem ac sensitivam perceptionem statuit, & quomodo ex mente ipsius inter se differant, explicat. Sed singularium rerum istarum momenta adducere nobis non vacat, cum restet etiam ultima Dissertatio, qua de ista mentis facultate Autor agit, quæ efficit, ut homo cogitationum suarum sibi conscius esse possit. Cum nemo ante ipsum in argumento hoc uberius pertractando versatus sit, in limine statim deprecatur, si quid vel impositum vel imperfectum in Dissertatione hac occurrat. Definit vero conscientiam, quod sit sensus internus, ac menti indita cognitio, non modo existentie suæ, sed exercitii quoque cujuslibet e facultatibus ipsius cogitandi, percipiendi, imaginandi, recordandi, volendi, verbo omnium, quas edidit, actionum. Videt enim mens ac sentit, quod ipsa cogitet & percipiat, quod facultas imaginandi ac recordandi non modo sibi ipsi imputata sit, sed modum quoque actionum illarum, quæ in mente contingunt, accurate intuetur. Sequitur inde, conscientiam hanc internarum animi actionum, fundamentum esse omnis scientie nostræ, cum nihil a nobis intelligatur, quin mentis aciem in ideam rerum perceptarum retorqueamus. Argumentum quoque inde nascitur, quod mens humana, tanquam distincta a corpore substantia, vere existat, ejusque essentia intellectu absolvatur. Quæcumque enim facultatum mentis agat, illam semper tanquam objectum cognitionis suæ mens respicit, quæ actio mentis vere rationalis, seu ut Philosophi loquuntur, intellectualis est. Mens itaque semper modo enti rationali ac intelligenti proprio agit, h. e. illa facultas, quam Philosophi potentiam intelligendi vocant, essentiam ejus ac naturam constituit. In hoc fundamento conscientie actionum nititur certitudo de existentia nostra, qua cuivis constat, se ens singulare, ab aliis omnibus distinctum, esse. Vulgaris sermonis usu hoc confirmatur, cum homo ratione privatus extra se positus esse dicatur, siquidem ab intellectu, sive ab actu mentis reflectendi & conscientia illa sui destitutus, de existentia sua certus esse nequeat. Inde vero ulterius Autor concludit, corpus, quod sui ipsius conscius sibi esse nequit, nostri partem haud constituere. Eorum enim errorem, qui corpus partem sui esse autumant, inde fluxisse contendit, quod incongrue sibi persuaferint, corpus, seu quæ in illo sunt, organa sentiendi objecta concipere, hanc facultatem menti detractam corpori male tribuentes. Fingi enim jubet, mentem nostram lapidi, aliæ substantiæ, instrumentis ac organis destitutam, & quæ

mul-

nullam perceptionis speciem mentiri queat, junctam esse, illamque de existentia sua simul certam, sibi que ejus consciam esse. Ejusmodi mentem nunquam judicaturam esse arbitratur, quod lapis ille ad se pertineat, aut partem sui constituat, ut non nisi illi sociata unum totum absolveret. Illam lapidem hunc potius tanquam carcerem designaturam esse, cui male ac ratione, natura sua proflus indigna, inclusa sit. Sola igitur anima rationalis ex mente Autoris, essentiam hominis ac naturam absolvit, ut corpus non nisi pro appendice aut lacinia habendum sit. Principia hæc Nostro argumenta suppeditant, quibus inanem *Hobbesi*, audacter paradoxa quævis proposito suo infervitura sectati, doctrinam explodat, quod somnia magis clara sint, quam quæ vigilantes cogitamus. Ex illis quoque argumenti *Cartesiani*, ad probandam existentiam cujuslibet propriam, ex connexionem meditationum, dum vigilamus, & confusa illarum in somniis farragine desumpti, fallaciam explicat. Cum enim cogitare semper sui conscium sibi esse involvat; dum *Cartesius* mentem in cogitationum nexum retorqueri jubet, illam jam sui sibi consciam esse atque existere, quod ipsum in questione est, supponit. Nec *Lockius* hoc in argumento Autori probatur, asserens, manifestam esse differentiam, si quis vere ignem sentiat, aut illo se aduri somniet. Commendari præterea principia a se posita ex eo posse judicat, quod illis libertas voluntatis humanæ, atque mentis immortalitas, multis Philosophorum telis nunquam non impugnata, egregie vindicentur, quod prolixius demonstrare satagit. Mantisse loco, quantæ utilitatis sit, ut quis sedulo mentis suæ aciem in ipsam mentem reflectat, edisserit. Cum scriptum hoc, Autore ultro fatente, *Lockio* oppositum sit, atque pro majoris Operis, *Lockii* libris de intellectu humano substituendi, specimine promatur; civibus magni illius Philosophi, cujus merita imprimis in doctrinam Logicam eruditi, ut par est, suspiciunt, utri palma debeatur, dijudicandum relinquinus. Nostrium non est, quis *Lockii* hic adversarius sit, divinare. Dissertatione secunda principia moralitatis, ut Philosophi ajunt, affectum benevolunt, ac sensum moralem, pro quibus, tanquam ingenii sui sortu, Celeberr. *Hutchinson* depugnare constat, adstrui observavimus.

AMOEINITATES LITERARIÆ, QUIBUS VARIÆ

Observationes, scripta item anecdota & rariæ Opuscula
exhibentur.

TOMUS X.

Francfurti & Lipsiæ, apud Dan. Bartholomæi, 1729. 8.
Plag. 19 L.

Pergit

Pergit Cl. Schelhornius, utile miscendo dulci, elegantiora illustrare studia. Et hic quidem primo loco exhibet descriptam a Cl. Bruckero vitam *Achillis Pirminii Gasseri*. Jam quidem Celeber. horum *Actorum Director, Menckenius*, nuper in Praefatione Tomi primi *Collectionis Scriptorum rerum Germanicarum* potiora de Gassero prodidit memoriz. Uberrima vero dat Bruckerus, cui plura monumenta spectatz fidei ob oculos habere contigit. Natus erat Gasserus A. 1505 d. 3 Nov. Liudavii. Hinc Selestadii duce Joanne Sapido, clarissimo illius ætatis Magistro, egregie profecit in literis. Tum delatus Wittebergam, Luthero ac Melaphebone usus est doctoribus. Tractato postea Viennæ studio Medicinæ Matheseosque, priorique in Academia Montis Pessulani continuato, A. 1528 Avenione accepit Doctoris insignia. Hinc praxi artis medicæ clarum consecutus in patriis terris nomen, anno circiter 1546 Augustam Vindelicorum demigravit, ibique in dies auxit bonam & eruditionis & virtutis suæ famam, defunctus ibi A. 1577 mense Decembri. Tantus fuit religionis cultor Lutheranz, ut & Flacius ipsi dedicaret octavum Tomum *Centuriarum Magdeburgensium*. Reliquit & multos libros argumenti medici, mathematici, philologici, & historici, qui hic nominantur singuli. Ac eminent inter historicos *Annales Augstburgenses*, nuper demum in lucem prolati ab Illustri nostro Menckenio: de quibus hic agitur copiose, autorisque & fides & industria commendatur. Secundum locum in Tomo hoc Schelhorniano tenet *Matthiæ Schenckii*, Lycei Augustani Rectoris, A. 1571 extincti, *Vita*, ab ipsomet perscripta. Tertio exhibetur *Index Scriptorum Amæbaorum, controversiam de monarchia Siciliæ Papam inter & Siciliæ Reges nostro hoc seculo agitatam concernentium*. Quarto sistitur Cl. Jo. Jac. Breitingeri *Exercitatio critica in veterem Vitam Persii poetæ*. Duo hæc habet Capita, quorum priore refelluntur, qui vel Suetonium, vel Valerium Probum, vel Cornutum, ejus scriptorem fuisse credunt. Noster contra docet adductis argumentis, Scholiasten Persii, cujus nomen ignotum, Vitam istam contexuisse. Posteriori Capite & ipsa hæc *Vita*, & *Animadversiones* in eam *Configurationesque* proferuntur doctissimæ: subnexis Joannis Buberii, Senatus Regii Divionensis Praefidis, eruditissimis ad eandem vitam annotationibus. Quinto loco ipse Cl. Schelhornius producit *Vitam M. Antonii Flaminii*, a Juach. Camerario descriptam: adjiciens alia cognitu dignissima, inter quæ maximum spatium occupant editiones librorum Aldinæ. Sexto loco prodit vita *Petri Carnesecæ*, olim ab eodem concinnata *Camerario*. Hinc sistuntur *Monumenta Heilbronnensia in agro Cismigrano inventa*, id est, Romanæ aliquot Inscriptiones, a Cl. Breitingero doctissimis ornatz annotationibus. Tum Schelhornii *Varia Observationes* exhibentur, historiam illustrantes literariam: quarum prima supplet ea, quæ olim Cl. Autor protulerat de Francisco Lamberto, Marpurgensi Theologo. Postremo Bibliotheca *Uffenbachiana* primum eduntur quatuor lectæ haud indignæ epistolæ, Grotii, Freberi, Caroli Patini, & Rechenbergii.



ACTA ERUDITORUM,

publicata Lipsiæ

Calendis Julii Anno MDCCXXX.

POMONA, OR THE FRUIT-GARDEN
illustrated.

h. e.

HORTUS FRUCTIFERUS ILLUSTRATUS,
seu modus sincerus fructus omnis generis in Anglia ex-
stantes multiplicandi, ex variis experimentis in quocunque
solo & sub variis aspectibus resultans, cum Observationi-
bus practicis de vi imbibendi & transpiratione arborum
fructiferarum &c. Autore BATTY LANGLEY,
Twickenhamensi.

Londini, apud G. Straham, R. Gosling, & rel. 1729, fol.

Alph. 1 pl. 20, Tabb. 20. plag. & semiplag. 79.

Opus horticultoribus haud dubie exoptatissimum exhibe-
mus, quod vel paucis verbis indicasse nobis satis erit.
Autor curiosissimus, quem Hortulanum putamus, so-
lam experientiam magistram sequitur; de causis physicis, si pau-
ca excipias, quæ de imbibitione succi terreni & de perspira-
tione arborum habet, haud multum sollicitus est. Divisit Opus
sex partibus, quarum prima agit de putatione, (*pruning*) cujus
rationes & effectus evidenter demonstrantur; secunda de fixio-
ne (*nailing*) arborum, ubi inprimis docetur, qua distantia sint
figendæ ad muros, qua in re plerique hætenus errasse dicun-
tur; tertia de modo præservandi flores fructuum ab aeris &
ventorum injuria; quarta de regulis in amputatione fructuum
nascentium servandis, ne plures relinquuntur in stipite, quam

ad maturitatem producendam natura sufficit; quinta de ratione conservandi fructus inde a flore ad maturitatem usque; sexta de modo conciliandi fructibus verum saporem & colorem, ubi imprimis idoneæ tempestatis in colligendis & servandis fructibus ratio observanda. Quibus generatim ita expositis, de singulis quoque fructuum generibus quæ sint notanda, distinctis Capitulis in parte ultima exponit. Accessit postremo *Hugonis Staffordi* ad Autorem Epistola satis prolixa, historiam & descriptionem continens potus sapidissimi, quem Angli, in Devoniam maxime, ex succo pomorum parare consueverunt, vulgo *Cyder* dictum.

AN INTRODUCTION TO A GENERAL
System of Hydrostaticks and Hydraulicks,

hoc est,

INTRODUCTIO AD SYSTEMA GENERALE
*Hydrostaticæ atque Hydraulicæ Philosophicum &
Practicum; Autore STEPHANO
SWITZER.*

Londini, ap. T. Aspley, S. Austen & L. Gilliver, 1729, 4 chart. aug.

Alph. 2 pl. 16 Tabb. 20. 60.

CUM Cl. Autor insignem Hydrostaticæ atque Hydraulicæ usum perpenderet, atque theoriam pariter ac praxin per plurimos libros ac plurima volumina sparsam deprehenderet; non inutilem operam se præstiturum confidit, si hinc inde dispersa in unum Volumen colligeret, ac in systema quoddam redigeret. Secutus est in theoria *Archimedes, Galileum, Torricellium, Boyleum, Wallisum, Plotum, Hookium, Mariottum, Desagulierium, Derhamum, Hauksbejum*, & alios; in praxi autem *Vitruvium, Boecklerum, de Caus*, aliosque architectos Romanos, Italos, Gallos, Batavos & Germanos. Dividit Opus in quatuor libros, quorum duo priores Volumine primo; duo autem posteriores Volumine secundo continentur. Libro primo de aquæ ductibus & fontibus naturalibus agit; secundo hydrostaticam, tertio autem hydraulicam explicat; quarto denique calculos

ex-

exponit, quibus quantitas aquæ per tubos fluentis aut ex fontibus artificialibus dato tempore salientis determinatur.

Nimirum postquam libro primo sub initium opera hydraulica & olim & hodie celebria breviter recensuit, quæ de origine fontium tradidere Autores celebres, *Aristoteles*, *Mariottus*, *Plotus*, *Hookius*, *Hallejus*, aliique, prolixè exponit, & quid sibi in hoc argumento difficili probabilius videatur, uberrime docet. Distinguit autem inter fontes temporarios & perennes, quorum hi continuo aquas fundunt, illi non nisi per intervalla. Per intervalla fluentes dividit in regulares & irregulares, quorum illi regulariter fluunt, etsi non omni totius anni tempore; hi interdum integros annos fluunt, ac pluribus deficiunt. Fontes perennes per differentias aquarum a se invicem separat. Fontium per intervalla regulariter fluentium originem a pluvia nive derivat: perennium vero ortum a causis subterraneis deducit. Admittit adeo meatus subterraneos, per quos ex mari refluit aqua, fide Autorum fide dignissimorum, fluvios subterraneos commemorantium. Varias autem recenset causas, quibus aqua ultra libellam maris in montibus urgetur. Huc refert inæqualem pressionem ob differentiam gravitatis specificæ aquæ marinæ ac fontanæ, calorem subterraneum, filtrationem seu ascensum per tubulos capillares, attractionem *Newtonianam*, inæqualem Oceani altitudinem, distantiam centri gravitatis a centro magnitudinis, variationes ponderis atmospherici, gravitationem Lunæ in æstu marino, procellas aliaque his gemina. Describit deinde varios modos, quibus fontes sub terra latentes deteguntur, omnem methodum libellandi aquas cum variis libellarum generibus, conductus aquarum una cum variis tuborum generibus, veluti argillaceis, ferreis, ligneis atque aquarum receptaculis, nihil eorum omittens, quæ ad hanc praxin spectant, & experientia partim aliorum, partim domestica comprobantur.

Libro secundo, postquam etymologiam & definitionem Hydrostaticæ explicavit, atque aquæ proprietates, quas inter etiam attractionem cohesionis cum *Desagulierio* in Notis ad *Mariotti* Tractatum de motu aquarum refert, una cum proprietatibus flui-

dorum gravium exposuit, de gravitatione fluidorum agit, secutus *Boylium* in paradoxis hydrostaticis; variorum de vacuo sententias proponit, in *Newtonianorum* castra transiens, qui argumentis *Newtoni* adducti, vacuum propugnant cum Atomistis; effectus aeris in hydrostaticis ab ejus gravitate pendentes describit; instrumenta delineat, quibus principia hydrostatica ad examen revocantur, inter quæ etiam hygrometra & thermometra refert; effectus aeris in hydrostaticis ab eorum elasticitate, dilatatione atque compressione proficiscentes exponit, ubi etiam antliam pnevumaticam in scenam producit & regulas motuum de corporum conflictu ex *Wallisii* Mechanica exhibet. Describit autem structuram antliæ, qualem debemus *Hauksbejo*, in Actis Supplem. Tom. V Sect. IX p. 403 repræsentatam, & *Gravesandis* in Elementis, quæ vocat, philosophiæ *Newtonianæ*, de quibus diximus in Actis A. 1720 p. 220 & A. 1726 p. 316. Proponit deinde problemata de descensu corporum gravium ex inventis *Galilæi*, & de aquis salientibus ex inventis *Mariotti*. Tandem de impetu aquarum in rotas molendinorum incurrentium agit, ubi & venti rationem habet, cujus vi molendina agitantur.

Libro tertio, ubi nonnulla de etymologia hydraulicæ & machinis hydraulicis veterum in medium attulit, principia mechanica seu statica de vecte, axe in peritrochio, cochlea & trochlea præmittit, ob eorum in praxi hydraulica usum. Deinde siphonem & fontes artificiales describit una cum cochlea *Archimedis*, antliis & variis machinis, quibus agitantur. Invenies hic, præter machinas a *Boscklero* in Theatro machinarum descriptas, varias in Anglia usitatas, & inter eas quoque non unam, quæ vi ignis aquam elevat, ubi imprimis attentionem meretur illa, quam *Thomas Newcomen* dedit, a *Saveriana*, in Actis A. 1700 p. 29 repræsentata, plurimum diversa. Et ne quid industrius Autor prætermisisse videatur, quod ad praxin hydraulicam spectet, de hydraulicis quoque machinis agit, quibus organa perficiuntur, quales jam veteribus cognitæ fuisse ex *Vitruvio* lib. X c. 13 constat.

Libro quarto quæ continentur, ex *Mariotti* imprimis *Traçtatu de motu fluidorum* desumpta sunt, quem ex Gallico idiomate

mate in Anglicanum traduxit *Desaguliers*, ubi etiam exponit, quæ ille de affricu tuborum tradit. Sub finem denique fontes salientes, cum ornatu archæctonico magno numero æri incisos, una cum præcipiti aquarum lapsu & cryptis artificialibus repræsentat.

EUSTACHII MANFREDII, BONONIENSIS
Scientiarum Instituti Astronomi, de annuis Stellarum
aberrationibus ad Eminentissimum ac Reverendissimum
JO. ANTONIUM DE VIA, S. R. E.
Cardinalem.

Bononiæ, typis Constantini Pisani S. Inquisitionis Impressoris,

1729, 4.


Plag. 10 Tabb. æn. 6.

Observarunt Astronomi moderni, nonnullis stellis fixis exiguas, sed constantes atque annuas accidere motuum vicissitudines, atque inde de ceteris invaluit suspicio. Observationes propriis experimentis comprobatas in dubium minime vocat Celeberrimus *Manfredius*; sed causam illarum aberrationum in medio relinquit. Etsi enim nonnulli ex eo, quod statis anni temporibus recurrant, inde colligant, eas a motu telluris annuo circa solem pendere, sicque Systema mundi *Copernicanum* demonstratum esse existiment; optime tamen observat Astronomus acutissimus, ad decernendum telluri motum non satis esse, ut cujuscumque ex stellis fixis positus alio anni tempore alius reperiatur, sed præterea requiri, ut errores hi & iis temporibus, & in eas plagas, & ea proportionem contingant, quam motus illius ratio postulat. Quamobrem ut constare possit, utrum errores in fixis observati annui a motu telluris circa solem pendeant, nec ne; Noster theoriam accuratam parallaxium annuarum condidit. Continet illa theoria theoremata de parallaxibus annuis, quales futuræ essent, si ex motu telluris circa solem orirentur. Investigavit deinde rationes, quibus & aberrationes istiusmodi, si quæ sint, commodissime deprehendi & ad illa theoremata, quasi ad criteria quædam, perspicile

cile exigi queant, istiusque methodi periculum fecit in observationibus cum alienis, tum domesticis. Enimvero operæ pretium erit, ut de argumento novo atque arduo specialiora quædam in medium afferamus.

TAB. III.

Tenendum itaque, si terra circa solem motu annuo moveatur, & diameter orbis annui ad distantiam fixarum a terra habeat rationem sensibilem, triplicem observari debere parallaxin, nimirum parallaxin simpliciter sic dictam, quam & absolutam vocat Noster, parallaxin longitudinis & parallaxin latitudinis. Sit EHI sphaera, in cujus superficie puncto quovis F sit stella quædam fixa, centrum sphaeræ sit in centro solis S , circulus eclipticæ ECL , cujus planum per solem S transit, sphaeramque in duas partes æquales dividit, & cujus polus in P . Sit porro ROT orbis annuus, in quo terra circa solem movetur, in plano eclipticæ, iusto major hic delineatus, quo lineæ quædam ac puncta in eo distingui possint, & per puncta P & F transeat alius circulus maximus BPF , eclipticam in duobus punctis oppositis B & C secans, qui ad planum eclipticæ perpendicularis. Est igitur circulus latitudinis, qui longitudinem stellæ F definit, adeoque in C longitudo stellæ, principio arietis in A existente, arcus FC latitudo ejus & FP distantia a polo eclipticæ. Spectator igitur in sole S constitutus metietur longitudinem stellæ angulo ASC , latitudinem angulo FSC & distantiam a polo eclipticæ angulo PS . Ducatur diameter eclipticæ BS , quæ est communis sectio circuli latitudinis BPC & eclipticæ. Lineam hanc BS *Lineam Syzygiarum* appellat Noster, quia tellure in eadem existente stellæ F solisque S syzygiæ observantur, nempe tellure existente in R stella F soli S conjuncta spectabitur in C , illa vero existente in O eadem soli opposita gernetur. Sit jam terra in T , ducanturque rectæ FS & TF , erit angulus TFS *Parallaxis fixæ F absoluta*, seu simpliciter ita dicta; sit FL ad BC perpendicularis, ducaturque recta TL , erit angulus FSL latitudo stellæ F vera, angulus FTL latitudo e tellure visa, adeoque differentia eorum *Parallaxis latitudinis*. Quare si ex centro L intervallo LS describatur circulus Sh , ducaturque recta Fh , erit TFh parallaxis latitudinis. Deni-



Denique ducta recta Ta ipsi SA parallela, erit angulus aTL stellæ F longitudo e tellure visa. Quare cum longitudo e sole visa sit angulus ASL ; erit angulus TLS *Parallaxis Longitudinis*. Demonstrat Autor, quomodo sese habeant parallaxes illæ singulæ. Ne autem rigorem Geometrix observare teneatur in iis, in quibus temere observatur; ideo postulati loco sumit, diametrum orbis RTO non esse majorem, quam ut ex maximo sphæræ EHI circulo arcum scrupulorum primorum quatuor subtendat, unde porro consequitur, nullum angulum, qui ad sphericam superficiem EHI existit, atque ab aliqua orbis RTO diametro subtenditur, duobus scrupulis majorem esse posse. Hoc autem ideo sumit, quod alias fieri non potuisset, ut stellarum errores atque adeo ipse telluris motus tam diu sefellerit Astronomorum omnium observationes. Primo igitur parallaxin absolutam fixarum considerat. Ostendit parallaxes absolutas ejusdem stellæ aut duarum in eadem sphæra existentium, tellure ubivis in orbe annuo posita, esse inter se ut sinus angulorum ad tellurem; maximas autem esse parallaxes, si angulus ad tellurem fuerit rectus, atque hinc data positione stellæ ad eclipticam punctum orbis annui definire docet, in quo tellure existente maxima sit absoluta parallaxis. Hanc autem maximam parallaxin absolutam ad sensum æqualem esse angulo, quo ipsa semidiameter orbis annui e sphæra spectatur, cum angulus ad solem rectus est, ut adeo omnium stellarum in eadem sphæra existentium parallaxes maximæ sint æquales & data maxima parallaxi unius detur ratio semidiametri orbis annui ST ad semidiametrum sphæræ fixarum SF . Minimam parallaxin absolutam esse in conjunctione, a conjunctione autem ad quadraturam perpetuo augeri & exinde usque ad oppositionem continuo minui, in punctis vero a conjunctione vel oppositione æqualiter distitis æquales esse parallaxes. Easdem ad sensum æquales esse, tellure in punctis orbis annui oppositis existente, & duarum stellarum in eadem sphæra existentium parallaxes minimas esse inter se ut sinus latitudinum visarum in conjunctione, in diversis autem sphæris existentium parallaxes maximas esse reciproce ut earum distantias a sole, & ubi eandem latitudi-

itudinem habuerint & a conjunctione æque distant, reciproce ut illarum distantias a tellure. Ostendit tamen, distantias a sole esse fere easdem cum distantis a tellure. Si stellæ ejusdem fuerint latitudinis, parallaxes in æquali a conjunctione distantia esse directe ut earundem parallaxes maximas, adeoque & minimas esse ut maximas; si latitudo diversa fuerit, eas esse in ratione composita ex directa sinuum latitudinum & reciproca distantiarum a sole. Hæc sunt palmaria parallaxis absolutæ symptomata.

Videamus jam porro, quænam sint potiora, quæ de parallaxi latitudinis tradit Noster. De his primo loco observat, eam in ipsa conjunctione ac oppositione cum absoluta eandem esse, atque deinde ostendit, quomodo data stellæ longitudine & latitudine in orbe annuo reperiatur punctum, in quo visa latitudo veræ æqualis, adeoque parallaxis latitudinis nulla. Ostendit deinde in primo & quarto quadrante post conjunctionem latitudinem visam minorem esse veram, in secundo autem & tertio majorem. Augeri eam perpetuo a conjunctione ad oppositionem & ab hac ad conjunctionem perpetuo minui. In punctis a conjunctione vel ab oppositione æque distantibus æquales esse visas latitudines & latitudinis parallaxes. Sinus visarum latitudinum ejusdem stellæ e quibuslibet punctis orbis annui esse inter se in ratione reciproca distantiarum stellæ a tellure in illis punctis. Stellarum in eadem sphaera existentium maximas parallaxes esse ut sinus visarum latitudinum, & ad sensum ut verarum. Hæc sunt palmaria parallaxis latitudinis symptomata, quæ calculo confirmavit in stella habente latitudinem 87 graduum, posita maxima parallaxi absoluta minutorum 2. In ipsa nimirum ecliptica nulla omnino est latitudinis parallaxis & stellarum, quæ minus duobus tribusve gradibus ab ecliptica distant, parallaxes latitudinis sub sensum non cadunt.

Quæ de parallaxi longitudinis demonstrat, huc potissimum redeunt. Stellarum omnium in ecliptica existentium parallaxin longitudinis ejusdem esse cum absoluta parallaxi, & omnium stellarum ubicunque positarum visam longitudinem a con-
jun-

junctione ad oppositionem majorem esse vera, ab oppositione ad conjunctionem minorem; parallaxia vero longitudinis in syzygiis nullam esse, a syzygiis autem ad quadraturas semper augeri, donec in quadraturis sit maxima, a quadraturis ad syzygias rursus minui & in punctis æque a conjunctione vel oppositione distitis æqualem esse. Stellarum adeo visam longitudinem perpetuo mutari, licet vera interim imminuta ponatur, & motum hunc a conjunctione ad quadraturam esse directum, post quadraturam vero usque ad oppositionem retrogradum; a secunda quadratura ad conjunctionem iterum directum, in ipsis vero quadraturarum articulis stationem esse sideris & maximas parallaxes longitudinis in quadraturis contingere, in quibus nullæ sunt latitudinis ad sensum parallaxes. Ejusdem stellæ extra eclipticam positæ sinum parallaxis maximæ longitudinis esse ad sinum maximæ absolutæ ut radium ad cosinum latitudinis, & plurimas esse stellas, quarum parallaxis longitudinis longe major sit quam vel absoluta, vel latitudinis, si nempe maximæ singularum specierum comparentur. Maximas autem parallaxes longitudinis duarum stellarum esse reciproce ut distantias inter solem & perpendiculum in planum eclipticæ & stellis ipsis demissum. Si stellæ in eadem sphaera fuerint, maximas parallaxes longitudinis esse reciproce ut cosinus latitudinum. Construxit Tabulam maximarum parallaxium longitudinis ad singulos gradus latitudinis, posita maxima absoluta minorum 2.

Supposuit Cel. Autor in explicanda parallaxis triplicis fixarum differentia, figuram orbis annui esse circularem & soli concentricam. Quare cum constet, eam esse eccentricam atque ellipticam, ideo inquit, quid in parallaxibus efficere possit orbis annui figura. Ostendit autem, nullam in catalogis fixarum consignari stellam, quæ nostro saltem ævo non eum obtineat situm, ut respectu parallaxis cum longitudinis, tum latitudinis perinde sit, siue hypothese circulari concentrica, siue elliptica eccentrica utaris, ut adeo in parallaxibus fixarum discernendis ab aliis aberrationibus nullus metuendus sit error, si theorematum Autoris utamur.

Longitudines & latitudines observari commode nequeunt atque adeo ex declinationibus & ascensionibus rectis observari longe facilioribus per calculum eruuntur. Consultius itaque erat, parallaxes declinationum & ascensionum rectarum accurate definiri, quam parallaxes latitudinum & longitudinum. De eo cum cogitaret *Manfredius*, animadvertit, aberrationes fixarum juxta æquatorem & polos mundi multo facilius animo concipi earumque leges ac quantitates investigari, si eas contempleremur in immensa quadam superficie spherica universam amplectente, quam si ipsas spectemus in planis triangulis, quæ in æquatoris plano, vel in planis ad hunc circulum rectis parallacticis angulos continent; quemadmodum in parallaxibus absolutis atque in iis, quæ ad Eclipticam referuntur, fecerat. Eum igitur in finem ex iis, quæ de parallaxibus absolutis atque latitudinis & longitudinis demonstravit, tanquam principiis ostendit, quænam sit figura quæque in omnem plagam amplitudo curvæ illius semitæ, quam fixæ singulæ in ea superficie annuo spatio descripturæ sunt, ubi tellus in orbem circa solem feratur, scilicet quod in rigore Geometrico semita illa apparens, quam fixæ annua parallaxi affectæ in sphaera universi describunt, nulla sit ex sectionibus conicis vulgatis, neque alia quæpiam ex iis curvis, quæ in uno plano existunt, ab ellipsi tamen tam parum discrepet, ut ad sensum pro ellipsi haberi possit. Hinc vero deducit parallaxes declinationis & ascensionis rectæ. Demonstrat inter alia, si stella in ipsa conjunctione aut oppositione ascensionali versetur, nullam fore parallaxin ascensionalem, parallaxin autem declinationis fore ipsam absolutam parallaxin. Docet autem in ellipsi cujuslibet fixæ puncta definire, in quibus, cum ipsa spectabitur, maxima futura sit ascensionis rectæ parallaxis, atque inde ulterius colligit tempora maximarum parallaxium ascensionalium, tametsi absolutæ ignorentur. Querendum nimirum esse punctam eclipticæ eandem vel oppositam cum stella ascensionem rectam habens; eas esse Solis longitudes, quibus diebus nulla est parallaxis ascensionalis, puncta vero Eclipticæ hinc inde quadrante distantia esse ea; quibus diebus maximæ parallaxes ascensionales eveniant. In singulis stellis, quæ

quæ vel in coluro solstitiorum existunt, vel in quibus circulus declinationis circulo latitudinis ad rectos angulos occurrit, parallaxin maximam ascensionalem utrinque æqualem esse, in reliquis omnibus ex parte anguli acuti nonnihil majorem quam ex alia. Stellarum in eadem sphaera existentium & ejusdem declinationis maximam parallaxin illi contingere, quæ in ipso coluro constituitur, & maximam parallaxin ascensionalem, quam ulla ætate stella subire potest, ea illi contingere, qua versatur in sectione coluri solstitiorum ac circuli eclipticæ paralleli, quam stella percurrit, polo mundi propiori. Stellarum autem parallaxes ascensionales multo majores esse posse parallaxi maxima absoluta. Docet etiam in eadem ellipsi definire puncta, in quibus maxima cujuslibet stellæ est parallaxis declinationis, nec non ea, in quibus nulla est. Reperit autem parallaxes maximæ declinationis accidere in syzygiis ascensionalibus, nullas vero in intermediis longitudinibus æque ab iis distantibus. In coluro syzygias ascensionales coincidere cum longitudinalibus, alibi in medias elongationes longitudinis eas incidere. Omnium stellarum in eadem sphaera existentium atque ejusdem declinationis minimam parallaxin illi accidere, quæ in coluro solstitiorum existit ad partes a polo eclipticæ remotiores. Maximam parallaxin declinationis nunquam majorem esse posse parallaxi absoluta, & omnes stellas, quarum distantia a polo eclipticæ minor est $23^{\circ} 29'$, aliquando parallaxes declinationum nancisci posse maximarum maximas, neque alias præterea.

Ampla theoria præmissa tandem docet, quomodo stellarum aberrationes observari & cum annua parallaxi conferri debeant. Ad observandas declinationes commendat arcus mureles ex metallo fabrefactos & telescopio in arcus centro volubili instructos, inprimis autem telescopium prælongum, cui ferreus vel orichalceus sit tubus, ad parietem firmum neque valde recenter extructum cochleis adstrictum & micrometro instructum, in quocunque circulo verticali, modo circulo æquinoctiali æquidistet. Ipsum quoque modum observandi & computandi parallaxin describit, atque exemplis illustrat, usus observationibus *Roberti Hookii* A. 1669 & *Flamstedii* A. 1696 habitis, at-

que *Cassini* A. 1717 publicatis. Apparet autem ex calculo Autoris, observationes *Hookianas* & *Cassinianas* cum motu annuo telluris circa solem conspirare; alii *Flamstedianas* ab eodem dissentire. Est autem juxta *Hookianas* parallaxis absoluta maxima lucidæ in capite Draconis 15 scrupulorum secundorum; juxta *Cassinum* in Sirio 9 secundorum. Parallaxes ascensionales observatu difficiliore sunt. Dari aberrationes ascensionales primum certo animadvertisse *Maraldum* A. 1704 monet, a quo excitatus ipse quoque easdem observaverit. Quæ enim jam ab A. 1701 a *Ræmery* observata sunt & in Copernico triumphante nuper a Cl. *Horrebowio* publicata, Noster nondum vidit, etsi ab *Lilæo* juniore didicerit, simile quid a *Ræmery*, cum viveret, fuisse observatum. Et huc etiam refert, quæ *Blanchinus* de Lyra & Capella ingentibus & immotis telescopiis observavit, etsi nondum publicæ luci exposita. Describit deinde modum observandi & modum aberrationem ascensionalem observatam ad leges annuæ parallaxis expendendi. Illustrat præcepta exemplo observationibus *Maraldi* A. 1704 & 1705 & domesticis A. 1727 & 1728 usus in Sirio. Aberrationes autem ascensionales observatas cum parallaxi annua ascensionali parum convenire docet, etsi earum aliquæ cum iis consentiant. Optime tandem concludit, tum demum cum hypothese *Copernicana* præclare actum iri, si & aberrationes in declinatione & in ascensione rectæ observatæ cum legibus parallaxium annuarum declinationis atque ascensionis rectæ consenserint.

ACTA PHYSICO-MEDICA ACADEMIÆ

Cæsareæ Leopoldino-Carolinæ Naturæ Curiosorum.

Volumen II,

cum Appendice.

Norimbergæ, apud hæredes W. M. Endteri & J. A. Engelbrechti viduam, 1730, 4.

Alph. 4 cum fig. 2n. Tab. 18.

JActuram fecit haud levem illustris Academia Cæsareæ Leopold-

poldino-Carolina, amiſſo capite ſuo ac Præſide, D. Luca Schrackio, qui die 3 Januarii hujus anni non imminatura quidem morte ſublatus, ſed ætate maturiſſima deceſſit, ſenex optimus & vitæ & honorum, ſed & laborum ſatur; poſteaquam octogenario tribus annis totidemque menſibus major, vixit in ſingulare decus & incrementum rei Medicæ ac ſeorſim laudatæ Academiæ, cui ultra ſemiſeculum interfuit Collega maxime induſtrius, eidemque præſuit laudabiliter uſque in octavum luſtrum, inter Medicos longævus, ſaltem gloria meritorum, nulli ſecundus. Solatium interim fuit non minimum Collegis, poſtquam perceperunt, vacuum Præſidis officium ſuffragiis ſuis omnes atque ſingulos Societatis hujus Adjunctos decreviſſe D. Johanni Jacobo Baiero, Prof. Publ. Altorfino, de re Medica & imprimis de Academia hæc jam dum optime merito, qui Ephemeridum hæcenus Director, etiamſi jam in hoc munere ſucceſſorem ſibi elegerit & conſtituerit D. Michaelem Erneſtum Ettmullerum, in noſtra Academia Profeſſorem Publicum, ſuis etiam de arte ſalutari meritis longo abhinc tempore conſpicuum, Volumen tamen II Actorum Phyſico-Medicorum, quod jam excerptum dabimus, luci publicæ exponere non deſtitit, quod 209 obſervationes continens, haud ſecus ac prius multa exhibet notatu digniſſima.

Ex *Hiſtoria Naturali* Obſ. 57 rubigo ſanitati noxia, 122 cryſtallus inter grandines e nubibus decidens, 123 cautelæ in venenorum emtione obſervandæ, 134 nebula quædam morbiſera, 172 hiſtoria terræ motus commemorantur. In ſpecie ex *Regno Vegetabili* Obſ. 72 germinatio Vegetabilium in Vegetabili, 117 pili cum ovulis inſecti inſoliti in ceraſo, 169 rariores quædam plantæ ac fructus Voigtlandiæ, 176 chamæmelon monſtroſum, 177 Aloes Americaniæ per ſuum ſemen felix propagatio exhibentur. Ex *Regno Minerali* Obſ. 30 lapides figurati in monte Wetteraviæ, 110 gemmæ figuratæ, una cum judicio de gemmis in Mumia Gothana inventis, 156 examen terræ margæ arſenicaliſ, *Schabengiff*, ſuppeditantur. Ex *Regno Animali* Obſ. 36 cauſæ nondum finitæ controverſiæ: an bruta habeant ſenſus & rationem? evolvuntur, 83 modus traditur aſſaco fluviatili ſomnum conciliandi extraordinarium, 91 rata & varietate colorum diſtincta, ex India allata avis, tribus gaudens pedibus, deſcribitur,

92 vitulus maculosus a nativitate oculorum luminibus orbis, nec cauda nec ano perforato præditus, 126 chela aflaci fluviatilis tribus apicibus prædita, 127 nidus vesparum admirandus, ac 120 alaudarum comestio minus fausta traditur. In *Physiologicis* Obs. 9 dentes in vetula sexagenaria renati, 35 puer insolite magnitudinis, 50 funiculus umbilicalis infantis recens nati prope corpus abruptus & non ligatus absque damno, 76 mulier imprægnationis tempore semper surda, 113 dens ex medio palati emergens, 121 lac in uberibus canis fœminæ non imprægnatæ, 145 embryo sex septimanarum singulis artubus & membris integer observata leguntur. In *Anatomicis* Obs. 54 massa mammarum glandulosa unicum constituere corpus cum tubulis lactiferis maximis perhibetur, 55 valvulæ conniventes in tractu intestini ilei explicantur, 56 tegumentum peculiare membranz tympani foetuum inserviens delineatur. In *Chymicis* Obs. 136 oleum destillatum fornicarum æthereum, 140 salium mediorum præparatio curiosa sine visibili acido, & 141 solutio martis ab alcali via sicca describitur, ac 171 de vera solis extractione disseritur. Plures leguntur observationes ad *Pathologiam* spectantes: ut Obs. 1) de visu duplicato, 2) cordis vicinarumque partium prava conformatione, 6) morte subitanea ex forti percussione in regione hepatis, 7) palpitatione cordis ab hydropo pericardii & nimia cordis obesitate, 8) pancreate & hepate corrupto in pingui homine, 11) ruptura oculi cum fragore, 16) tussis totionem pedum ex sola aqua calida subsequente, 18) abscessu faccato in thorace phthisici, 19) pericardio sanguine distento & corde arroso in orthopnoico, 20) pericardio cartilagineo cum corde coalito in hydropico, 21) lienis & renis ruptura ex casu ab alto lethali, 22) cranio & sterno carioso, ac calculis pulmonum in scorbutico, 23) corde suppurato, 25) suffocatione ex esu mytulorum venenatorum, 26) inedia septem mensium, 31) cephalæa ab hydropo ventriculorum cerebri, causa avtocheiritæ, 33) suggillatione labii inferioris & menti singulari, 49) ruptura uteri gravidæ cum fœtus & secundinarum in cavatam abdominis exclusionem, 51) paralyti partium inferiorum ex fractura spinæ dorsi, 52) amavrosi ex vomitu cruento, 53) polyposis sangu-

guinis concretionibus, 58) biennali lumborum spasmō, 60) insigni calculum vesicæ recte dignoscendi difficultate, 62) aphonia & diarrhœa cruenta ex vermibus, 63) prolapsu uteri ex flatulenta intestinorum distensione, 64) mictu cruento ex hæmorrhoidibus vesicæ, 65) scirrho intestinorum, 66) aphonia ex catarrho, 69) polypis binis in corde, cum ingenti lienis tumore & pulmonibus pleuræ undique adnatis, 70) cœcitate ex contusione capitis ad parietem, 71) angina eum subsequente febre purpurata & inflammatione renum, 75) apoplexia ex abusu pulveris tabaci, 78) insigni hæmorrhoidario, 79) exanthematibus malignis arthritidi vagæ supervenientibus, 80) hydrope ovarii sinistri, 84) deglutitione difficili ex epiglottide indurata, 85) sudore colliquativo insolito, 86) frequenti sternutatione ex vapore calcis vivæ, 87) cœcitate ex calculo, 90) morte a polypo cordis magno, 94) hernia umbilicali pro tumore cystico habita, 96) infante ore clauso & concreto nato, 97) fœtu bicorporeo circa abdomen concreto, 98) obstipo capite cum ossis occipitis & superiorum colli vertebrarum carie conjuncto, 99) exostosi seu excrescentia cranii osseo-spongiosa, 100) tumore capitis a carne fungosa cum carie cranii, 101) femoris luxatione & capituli defectu, 102) paralyti a medullæ spinalis exarescentia, 103) costarum a sternō separatarum coalitu novo, & coli in intestinum rectum prolapsu, 104) variis ulceribus sinuosis in scorbutico, 105) carie ulcerosa brachii, manus & genu in cachectico, 106) parotidibus exulceratis cum vomitis pulmonum & mesenterii, 107) empyemate cum sanguine intra pericardium stagnante, 108) hienteria ex abscessu mesenterii magno, 109) aortæ ossescentia in sene apoplectico, 114) variolis anomalis, 115) vesicula fellis monstruosæ magnitudinis in bove saginato, 124) superfœtatione abortiva, 128) calculo per anum sua sponte ejecto, 130) stranguria in gravidis, 131) morbo acuto Lipsiæ 1718 grassato, 132) colica periodica, 133) epilepsia ex visa epilepticæ, 134) rabie & hydrophobia tractationi pellis rabie extincti canis adscripta, 137) diuturno alvi fluxu periodico, paroxysmi febris intermittens exordio quotidiano, 143) tremore artuum temporario a vermibus, sæpius recurrente, 144) syncope ex vermibus,

147) singulari purpuræ ac variolarum complicatione, 148) chronica intricataque morborum complicatione, 149) tardiori vulneris capitis lethalis progressu, 150) insolitis egredientis sanguinis viis, 151, 153) morbis epidemiis, 152) epidemia bovina tabifica, 154) variolis verrucosis, 157) ischuria ex plethora, 158) arthritide maxillæ inferioris, 160) linguæ paralyfi a vermibus, 161) mensem per inconsueta loca effluxu, 162) deglutitione annuli innocua, 163) abortu ex neglecta pertinaci alvi obstructione, 164) calculis felleis, 165) febre tertiana annua, post æquinoctium vernale recurrente, 170) phthiriasi insolita, 171) Judæo androgyno recens nato cum ano imperforato, 173) satyriasi epileptica infantis a callo in pene, 178) hepate scirrroso concretionibus ossibus & calculis referto in ascitico & hernioso, 182) salacitate singulari, 183) variolis a cane per contagium contractis, 184) gustu depravato, 185) hæmorrhoidibus a venæsectione in brachio suscitatis, 186) hæmorrhoidibus a juventute in senectutem usque liberaliter fluentibus, 199) impotentia virili a fascino, 200) vomitu a fulgure, 201) melancholia ex esu columbarum, 202) abhorrescentia a sambuco, 203) ad haleces appetitu & nausea, 204) phyalismo gravidarum, 208) margaritarum averfatione, 209) nævo materno, & 210) constitutione epidemica Ferrariensi Ann. 1729. Hinc *Curationes felices* delineantur Obs. 3) tumoris testiculi dextri scirrhusi, 5) hydropis, 12) tumoris strumosi per mercurium, 14) clavi per hirudinum appositionem, 68) ficus seu tumoris cili superioris palpebræ absque sectione, 77) panni oculi, 81) herniæ varicose-humoris, 82) asthmatis spastico-periodici, 138) sterilitatis ab ulcere diuturno pedis per salivationem, 142) sterilitatis a præmature suppressa tertiana cum cortice chinæ causata, 146) sphaceli uteri in puerpera remediis externis sufflaminati, 159) cardialgiæ per venæsectionem, 175) scabiei per vinum Hispanicum, 189) apostematis panis melliti esu contracti, & 198) odontalgicæ magicæ. In *Praxi Medica* observata sunt sequentia: Obs. 4) aciculæ deglutitæ cum urina redditæ, 17) empyematicus abscessu sponte rupto & aperto præter spem convalescens, 27) enteroscheocele allisione testiculi & inflammatione; & enterocecele co-

lica

lica spasmodica superveniente curata; 29) sudor singularis post superatas variolas, 32) purpuræ non rite ad finem decurrentis varix successiones, 37) juvenis scorbuticus drasticis occisus, 41) ex purgantium abusu febris hectica & mors, 42) cachexia ictetica ex martialium abusu, 43) ex drastici usu dispositio convulsiva, 46) ex eodem ruptura oculi & cæcitas, 47) visus hebetior in senes ophthalmia superveniente curatus, 59) ex tumore pedis in podagra evanesciente aphonia & mali moris symptomata, 61) varia in melanchalico, 66) inexpectata & funesta salivatio, 74) ebrietas a clystere ex vino generoso confecto, 89) ex purgantium repetito usu noxæ, 95) caries ossium in malo ischiadico, 116) vermis post variolas e sinistri oculi cantho majori erumpens, 129) dolor abdominis enormis ex assumpto cortice Peruviano, 163) scabies molestissima podagram excipiens eamque solvens, 164) abusus acidularum Deinacensium lethalis, 179) alvus antispasmodicis soluta, 180) tumor bubonodes suppuratus post tormina hysterica salutaris, denuo reversus cum colica inflammatoria lethalis, 181) vulnus ab ictu sclopeti, lardo solum & cannabi contorta infarcti lethale, 187) malum ischiadicum exulceratione tibiz solutum, 188) diarrhœa ex sudore matutino suppresso orta, hoc redeunte cessans, 190) sternutatio crebrior & vomitus autocraticus ab ingluvie salutaris, 191) contagium diarrhœa & sudore spontaneis enervatum, 192) pustula genæ variolarum vicaria, 193) ascites diuresi spontanea solutus, 194) vomitoriorum diversus effectus, 195) varia evaporista & specifica, 197) inflammatio tibiz ab hirudinibus igne crematis, 205) hydrophobia nullo præcedente animalis morsu orta & in famem caninam tandem soluta, 206) frustum cordis bubuli comestum post biennium exclusum, & 207) hydrops lapsu sanatus. Porro phænomena describuntur in *Sectionibus* Obs. 7 & 47) asthmaticorum, 18) phthifici, 20 & 34) hydropicorum, 22) scorbutici, 107) empyematici, 108) lenterici, 109) apoplectici, 125) fœtus monstrosi, 178) ascitici & herniosi, 13) anasarca, 31) cephalæa, 69) febre quartana, 80) ovarii hydrope, denatorum, & 155) arsenico enecati. Inter *Facultates & virtutes medicamentorum* Obs. 10 & 155) noxæ delineantur ab arsenico albo vel deglutito vel capillis insperso

inductæ, 93) opium nec expectorationem nec alvi lubricitatem impedivisse dicitur, 118) de sabinæ virtute emmenegoga, 119) de nociva radice solani furiosi, bella donna dicti, qualitate differitur, 120) absorbentium noxæ exemplo juvenis probantur, vomitu frustum, molem pugni majoris æquans, & ex absorbentibus remediis compactum, reddentis; 144) ex frequenti mellis cum pane esu scarabæi in intestinis geniti perhibentur, & 156) cautelæ circa usum internum terrarum margarum injunguntur. In *Chirurgicis* notantur Obs. 38) ex tumore claviculæ pendente incaute tractato cancer lethalis ortus; 39) cruris sinistri rigiditas ex vesicantium abusu; 40) ex unguento mercuriali arthritidis fixa scorbutica; 44) ex emplastrorum incauta applicatione dolores pleuræ & totius lateris sinistri; 45) ex venæ sectionis abusu amaurosis & convulsiones; 48) instrumentum novum pro curanda phimosis, & 111) Liquor vulnerarius Dippelii describitur, qui ita paratur: Rec. herb. nummular. chæresol. sol. beton. plantag. querc. aristol. rot. ana manip. ij. fanic. verbasco. sedi anaj. crassul. vineæ per vine. rad. pimpinell. alb. ana manip. iij. flor. millefol. manip. ij. succ. express. adde spirit. Vin. ana, item sal. gemmæ manip. j. destillentur. Denique ad *Medicinam Forensensem* spectat Obs. 27.) Infanticidii scrutinium; 118) quæstio, num sabinæ abusu abortus procuratus fuerit? & 119) num mors arthritidis, an radice solani furiosi sit adscribenda?

De cetero in Appendice hujus Voluminis leguntur I *Caroli Friderici Löw* Epistola de morbo complicatissimo paucissimis medicamentis sublato. II Ejusdem Epistola de morbo petechiali 1683 Posonii grassato. III *Job. Jac. Scheuchzeri* otia æstivalia circa Thermas Badenses. IV *Job. Jac. Baieri* Sciagraphia musæi sui & Supplementa oryctographiæ Noricæ. V *Georg. Frid. Franci de Frankenau* lugubris Epistola de Incendio fatali nupero urbis Hafniensis, & insigni Bibliothecæ tam propriæ quam Academicæ jactura. VI *Wilbelmi Hulderici Waldschmidt* de superfætatione falso prætenso, cum Extractu Protocolli judicii inquisitorii in puncto suppositi partus stillionatus & acceleratæ mortis infantis proprii. VII Memoria *Viti Riedlini*, Acad. Cæs. Nat. Curios. Adjuncti, Collegii Medici Ulmen-

sis

sis Decani, & Gymnasii Scholarchæ. Et VIII Memoria *Johannis Mauricii Hoffmanni*, Ephemeridum Acad. Nat. Curios. Directoris, Academix Altorfinæ Senioris & Medicinæ Professoris Publici.

Ξενοφώντος Κύρου παιδείας Βιβλία ὀκτώ.

hoc est,

XENOPHONTIS DE CYRI INSTITUTIONE Libri octo. Græca recognovit cum Codice MSto Oxoniensi & omnibus fere libris editis contulit, plurimis in locis emendavit, Versionem Latinam reformavit, Observationibus suis, Tabula Geographica, binisque Dissertationibus præmissis auxit & illustravit; Notas STEPHANI, LEUNCLAVII, AE. PORTI & MURETI recensitas & castigatas, Variantium Lectionum delectum, Indicesque necessarios adjunxit THOMAS HUTCHINSON, A.M.

Oxonii, e Theatro Sheldoniano, 1727. 4 maj.

Alph. 4 pl. 3, Tab. zn. 1.

Nihil jucundius esset, quam argumentum Κύρου παιδείας breviter enarrare, simulque rerum varietatem & elegantiam, Scriptoris ingenium & doctrinam, ac cetera, quæ in pereximio isto libro animos legentium advertere ac tenere solent, enumerare. Verum cum hæc omnia eruditis pridem cognita sint, qui autem ignorant, majore cum voluptate ista ex ipso scripto petere queant; tali quidem labore superfedere possumus. Ad ea autem, quæ Cl. *Hutchinson* ornandæ huic editioni contulit, attendere debemus. Primo loco memorari debent binæ *Dissertationes* Xenophonti præmissæ, ex optimis scriptoribus omnis generis, ut ne sacer quidem codex, in quo frequens Cyri mentio, excludatur, summo studio confectæ. Altera 40 paginas implet, & Vitam Xenophontis, scripta ejusdem, singulatim autem hanc Cyropædiam tractat; ubi argumentum libri ad ista tria revocatur: ad disciplinam & instituta Persica, ad monita

tant mores, quam rem militarem spectantia, denique ad vitam & obitum Cyri. De illis omnibus quæ alii Historici tradiderunt, expenduntur & cum Xenophontea narratione conferuntur. Porro Xenophontem de Cyro ad historię fidem scripsisse ostenditur, & causæ, ob quas ei potius, quam Historicis ab eo dissentientibus, accedendum sit, afferuntur. Postremo populorum situs, quorum in his libris meminit Xenophon, ex Geographię monumentis confirmatur, ac Tabula Geographica, typum imperii Persici sistens illustratur. Altera Dissertatione sacra, & civilia, & militaria Persarum instituta moresque, quorum in hac historia meminit Xenophon, exponuntur & aliorum scriptorum autoritate pleraque omnia confirmantur. Sufficiant hæc de Dissertationibus. In ipso scripto perpoliendo ita versatus est, ut jam ex codicibus aut conjecturis virorum doctorum Xenophontem pluribus locis emendatiorem legere liceat. Adhibuit impressos libros præstantissimos, & Codicem MStum Bodlejanum. Hujus autoritate jam repositum leges Lib. I pag. 69: τὰτε μεγάλα ἔργα ἕως ὄντος, ἐπίστανται ἀνθρώπων ἄλλων προσάτευσεν, ὅπως κ. τ. λ. ubi vulgo erat: ὄντ' ἐπίστανται, sine distinctione. Lib. II pag. 112 olim erat: Ἄ δὲ προέειπε, τὰ δὲ ἦν Ἰδιώτῃ μὲν, ἀγαθὸν ἑαυτὸν παρέχειν εὐπειθῇ τοῖς ἀρχαῖσι, sed Noster ex MS. & duobus impressis aliisque de causis illud ἀγαθὸν recte sustulit. Eodem Libro pag. 123 προΐναι, pro προσιέναι, & προελθῶν, pro προσελθῶν, jubente MS. revocavit, atque ita emendandum esse, *Leunclavius* & *Stephanus* conjectura affecti sunt, quæ eo facilius fuit, quod mox bis illud προΐναι, semel etiā προέρχομαι repetatur. Lib. III pag. 172 ἀδελφάς, pro ἀδελφές ex MS. & Zonara, tum ex versionibus Philelphi & Gabriellii, & , quod potissimum, ex fide historię gentium exhibuit. Iidem fere autores fecerunt, ut jam pag. 178 habeamus: ἢ φθᾶσαι, ἢ ἀποβιάσασθαι, ubi alii libri dabant: φωρᾶσαι, ἢ ἐπιβιάσασθαι, item eadem pagina ex MS. ὡς πρόσωθεν ἐφθασας, ubi alii πρόθεν exhibent, *Stephanus* autem & *Leunclavius* πρόβρωθεν substituere voluerunt. Prior tamen illa lectio: φθᾶσαι ἢ ἀποβιάσασθαι etiam in Ed. Basilensis A. 1555 & aliis habetur. Pag. 220 restituit: διαβήσονται
ἐν

ἐν ἀπασιν (quod alii in margine exhibere solebant) quoniam *Bodlejanus* Codex offerebat: *Θαρήσασιν ἀν' ἀπασιν*, ut saltem ἀν' in ἐν esset mutandum. Lib. IV pag. 289 idem Codex *Leunclavii* correctionem τῷ ἐπικάλεσ, in ἀπεκάλεσ confirmat, atque hoc jam in textu legitur; ut & : καὶ ἔτως ἀφικνῶνται, quod versiones aliorum confirmant, non καὶ ἔτοι δὴ ἀφικνῶνται, aut καὶ ἔτοι δὴ ἀφικνῶνται. Idem codex pag. 311 adstruit: ἀ μὲν οἱ μάγοι ἔφασαν, ubi alii: τὰ μὲν στυγὴ ἔφασαν, ex quibus verbis nullam idoneam sententiam elici posse putat. Lib. V pag. 343 *Bodlejanus* ille suppeditavit: ἀνατρέψαι τὸ Φρόνημα, ubi alii contrario prorsus sensu ἀνατρέψαι. Lib. VII pag. 545 ex isto MS. reposuit: ταῦτα ἄριστά ἐσσι, ubi alii ἄριστοι. Atque hæc de usu MS. *Bodlejanus* in emendando Xenophonte. Ex omnibus tamen illis cognoscas, Cl. *Hutchinsonum* non solum librum manu exaratum, sed & alios duces secutum esse, ut omnes istas emendationes modo *Stephanum*, *Muretum*, *Leunclavium* conjectura præcepisse, modo ab editione *Etonensi* aut *Versionibus Philolphi & Gabrielii* indicatas esse. Experitur tamen & ipse, licet rarius, conjecturas. Sic Lib. VII pag. 481 ex *Arriano* emendandum censet: πρὸς κέραις, ἥπερ ἀδενέσσαν σφατταύμας γίγνεται, ubi vulgo ὥσπερ circumfertur, *Budæus* autem ὥπερ substituendum censuerat, quod forte ab *Arriani* ἥπερ non est diversum. Non tamen ita proclivis est ad immutandum & sollicitandum omnia, ut non sibi, ubi res postulat, temperet. Immo recte Lib. VI pag. 454 deferit MStum suum, qui habet αἰς ἥκαστα, licet id expresserit in versione sua *Philolphi*, cum recepta lectio αἰς ἅδεν satis commoda sit. Ita & Lib. I pag. 76 vulgatum σφατταῖ, contra *Stephani* & *Leunclavii* σφαττηγία, & pag. 81 receptum ἐπεὶ δὲ contra *Lamberti* Bos ἐπὶ δὲ defendit. Lib. autem II pag. 133 ἄρμα δίκαιον a *Leunclavio* novatione probe vindicat. Obiter etiam alios autores emaculat, ut ad Lib. III pag. 233 *Hesychium*. Obiter quoque ad Lib. V pag. 377 invehitur in *Herodiani* interpretem, bonum illum Ang. *Politianum*, qui tamen eo loco nihil peccasse videtur. Fortassis idem dicendum de vulgata lectione Lib. III pag. 229: ἃ μέλλουσι ταῦτα διάνοιαι ἐγγραφεῖσθαι αἰνδιώποις καὶ ἑρ-

μονοὶ ἔσεσθαι, pro qua Noster, *Leunclavius* secutus, supposuit ἐγγενήσεσθαι ἀνθρώποις, alii autem ἐντραφήσεσθαι ostendant. Si dicendum, quod res est, & ἐγγενήσεσθαι, & ἐντραφήσεσθαι sciolorum interpretationes sunt. Alterum enim apud Græcos frequentissimum est, ubi impressionem firmam denotare volunt. Pindarus Olymp. X ἐγγέγραπται ταῖς Φρεσίν. Æschylus Prometh. vinct. v. 788 : Σοὶ πρῶτον ἰοὶ πολυδονον πλάινην φράσω, ἣν ἐγγράφῃ σὺ μνήμοσιν δέλτοισ φρενῶν. Adde eundem Coëhph. v. 449. Eumenid. v. 275, & aliis aliquot locis. Ita & *Gregorius Nazianzenus* de Decalogo : σὺ δὲ μοι ἐγγράφῃ σῇ καρδίῃ, & ipse *D. Paulus* : ἡ ἐπιστολὴ ἡμῶν ὑμεῖς ἐσε, ἐγγεγραμμένη ἐν ταῖς καρδίαις ἡμῶν. Omittimus alia. Sed vel hæc evincant, vulgatam lectionem bene locum suum tueri posse. Ne dicam, mox sequi apud Xenophontem : ἕως ἂν ἐγγένηται ἀντοῖς, ut merito alii verbo illic faveamus. De emendationibus hæcenus. Plura autem præstitit *Cl. Hutchinson*, quorum & nos mentionem facere debemus. Latinam versionem innumeris locis emendavit, & textui Græco atque adeo menti Autoris accommodavit. Veremur tamen, ne aliæ versiones interdum injuria redarguantur ut ineptæ. Exemplo rem declarabimus. Lib. IV pag. 292 particulam *si*, post verbum *miror* non recte poni existimat, si Græcum θαυμάζω εἰ juste exprimere velis : quia in Græco non *dubia*, sed *certa* admirationis causa exprimitur. At ita prorsus etiam Latini, qui *miror, si; mirum, nisi* adhibent, ubi causa admirationis vel certissima redditur. Eodem modo Lib. I p. 5 optime vindicat illam scripturam τῷ αὐτῷ φόβῳ, quod neque male interpretatur *sui terroris*. Sed & *Livius* dixit *metus a Philippo*, *Sallustius* *metus a Tarquinio*, ipse *Arnobius* *metus ab illis*, plane ut *Xenophon* *terrore ab se*. In annotationibus autem non talia modo excutiuntur, sed observationes quoque varii generis adjectas videre licet. Modo illustres sententiæ ex aliis scriptoribus confirmantur, modo quæ ad interpretationem & intellectum singularium formularum pertinent, traduntur. In iis eminent, quæ ex *Xenophonte* ad vindicandum stilum *Novi Testamenti* peti possunt : quales observationes hic sunt valde frequentes. Et quanquam in

notis

notis ipsis nusquam a nobis repertum sit, Cl. *Raphelium* nostratem pridem istam operam occupasse, in Præfatione tamen palam profitetur Cl. Editor, se viro illi doctissimo pleraque ejus generis debere. Notæ ipsæ, prout res tulit, sunt satis adstrictæ: miramur tamen, qui factum, ut tot vulgares & protritæ observationes admiscerentur. Ita statim ad Lib. I p. 5 annotatum videas ἀρχηται verbum πλεονάζειν videri. Ad Lib. III p. 232 de tessera militari dicta reperias; ad Lib. IV p. 284 de ritu Persarum, quem προσκυνέειν Græci vocant, & qui tironibus ex Corn. Nepote notissimus est, observationem legas, quæ, quod vix credibile, infra ad Lib. VII iteratur. Quæ ad Lib. VII p. 530 de lachrymis præ gaudio effusis, & ad pag. 547 de dicto Cyri: majoris esse virtutis parta tueri, quam primum acquirere, afferuntur, ea toties ab aliis inculcata sunt, & tot variorum scriptorum dictis adstructæ, ut cumulum horreamus. Sed neque id institutum reprehendimus, maxime si recolimus, in his permissum esse & ingenio indulgere, & nonnullis lectoribus gratificari. Finem operi imponunt Indices, quorum primus voces Persicas explicat, secundus vocabula ad rem militarem spectantia interpretatur, tertius autem res memorabiles exhibet.

JO. BURCH. MENCKENII SCRIPTORES rerum German. maxime Saxonicarum &c.

Tomus III.

Conf. Mense superiori p. 241 seq.

UT de reliquis etiam scriptis, quæ hoc Tomo continentur, Lectori nostro constet, exstat XVI *Enochi Widemanni, Scholæ Curienf. Rect. Chronicon Curia, seu rerum, quæ Curia Regnitiana ad Salam & in universa Variscia a primis initiis ad A. 1597 acciderunt.* Prodit hoc Chronicon in lucem, ab Autore quidem vernacula conscriptum & prelo paratum, nunc vero in exterorum gratiam a Cl. *Haltausio* latine versum. Jo. *Christoph. Layrizius*, Gymn. Curienfis Rector, in prodromo *Historia Curienfis*, per modum programmatum vulgato, Chronicon hoc immensis fere laboribus collectum profitetur, ut plures fileamus; licet

p. 629.

- licet non defint, quorum commodis non ubique prospectum, quique adeo malint Autorem partium studii accusare. Quanquam vero Autor A. 1615 demum d. 17 Dec. anno ætatis 65, e vivis sublatus sit, & libri hujus Codex unus in Curia usque ad A. 1608, ac alter in Bibl. Jo. Georg. Schmidii, Consiliarii Baruthini, ad A. 1612, iterumque ab A. 1633 ad 1643, una cum schediasmate de doctis Curienfibus, continuatus extant, de his tamen Supplementis sollicitus haud fuit Cel. Menckenius, secutus tres Codices, qui omnes in A. 1597 desinebant, etsi in ceteris alter altero præstaret. Namque cetera aliis Autoribus deberi videbantur, præsertim cum Jo. Andr. Planerus in Hist. Variscie p. 3 testetur, se beneficio Consulis Curienfis vidisse & pervolvisse ipsum *αὐτοῦργον* Wiedemanni A. 1592 confectum, sive, ut Noster interpretatur, ad finem perductum. Glaciem hic Autor fregit, primus omnium Variscie historicorum, qui diplomata & chartas publicas passim Chronico inseruit, ac in rebus ad Ecclesie reformationem spectantibus solus fere sapit. Legi in eo merentur Leges Burggraviæ Norib. hic insertæ, *de jure mellicidii*, *Zeidler Recht*, inter quas illa, quod qui apiarium effregerit, æque ut sacrilegus, seu qui templa effregerit, sit puniendus, de quo pænæ rigore consulatur *Wagenfeil* de Judiciis Reip. Norib. & *Hert. Diss. de Consultat. LL. & Judiciis in Special. Rom. Imp. Rebus publ. §. 31*; & præterea vetusta Curie statuta, unde discimus, homicidium non capite, sed multa puniendum, quod & Augustæ Vindel. quondam obtinuisse, testatur *Gassarus* in Scriptor. hisce T. I p. 1458. XVII Jo. Othonis *Catalogus omnium Episcoporum & Archi-Episcoporum Bremensium*. Non recondita continet hic libellus, tanta tamen prudentia & elegantia est concinnatus, ut eum e Bibliotheca Nob. Jo. Henrici Eggelingi, Syndici Reip. Bremensis, redemptum, publico haud invidendum putarit Noster. De Autore libri, nunc demum prelo subjecti, nihil innotuit, præterquam quod Lunæburgi natus, vixerit Bremæ A. 1580, quo desinit cum pio voto pro Henrico III, illius temporis Archi-Episcopo. Equidem ante oculos habuisse videtur *Henrici Walteri Chronicon Archi-Episcopatus Bremensis*, in *Meibomii Script. Germ. T. II* exhibitum, cum quo tamen non convenit, sive res, sive sermonem

monem species, qui in nostro tersior multo deprehenditur. Jungitur huic XVIII Breve Chronicon Ecclesia Hamelensis, Autore Joanne de Poelds A. 1374 conscriptum. Ediderat quidem illud Meibomius T. II Collectionis suae, merebatur tamen hic locum, quod accederent Codici huic, qui & melior Meibomiano, Cl. Reichenii & Spilkeri additamenta, vernacula licet, nec ante multos forte annos consignata, de pristinis urbis Hamelenfis dominis lectu non indigna. Fuit Autor, de quo nihil Meibomius, Canonicus Hamelenfis Senior, ut ipse testatur, unde & Ecclesiae suae commodam apud Ernestum Ducem Brunsvic. procuravit. Refert ipse, se Legendam Bonifacii abbreviasse, ac partem priorum Chronici sui ex vita S. Bonifacii, posteriorem vero ex decem Diplomatum collegisse. Et pridem ex eo observavit Sagittarius Antiqu. Gentil. & Christ. Thur. p. 138, Leznerum perperam vocare Comitissam, Ecclesiae hujus fundatricem, de Osten. cum ex nostro pateat, locum, in quo ipsa dominabatur cum marito, dictum fuisse Ostende. Memorabilia sunt imprimis, quae Autor de Advocatia Ebersteiniis collata, & venditione Mindenfi Episcopo facta, indeque orto praelio annotavit. Ordo nos ducit XIX ad Petri Albini Genealogiam Comitum Leisnicensium, deductam a majoribus Viperti Comitum Groizenfis. Petr. Albinum, gentis nostrae Historicum, Genealogiam Comitum Leisnicensium edidisse, paucis constat, adeo ut a plerisque inter Codices MSCtos haberetur. Etenim cum literatorum suo tempore Mæcenatem, Henr. Ranzovium, Regis Danorum per Holsatiam & Ditmarsiam legatum, sibi devincire constituisset Albinus, ejus Genealogiam inde a Viperto illo bellicoso, ejusque majoribus, exigua licet veri specie, repetiit, & longa serie per Comites Leisnicenses circumductam, incertum quo loco, A. 1587 in forma octava, sub titulo: Vipertus, sive Origines Ranzoviana, edidit, & Ranzovio conceptis verbis inscripsit. Alia tamen exemplaria eodem titulo ornata, Albinus dedicaverat Wolfgango, Georgio, Hugoni & Vito Baronibus a Schenburg. Alia quoque sub ipso titulo Genealogia Comitum Leisnicensium, hic etiam merito retento, inscripserat Consulibus & Senatoribus urbis Wurcenæ, & forte adhuc alia aliis, quæ ideo monenda fuerunt, ne quis hunc libel-

R r

lum

P. 819.

825.

831.

833.

- lum sæpius jam fuisse excusum existimet, cum in tot exemplaribus nihil aliud, quam in primo folio titulus libelli, & formula dedicationis sit mutata. Librum huncce rarissimum, *Cel. Christ. Gottlieb Schwarzii*, Prof. Altorfinus, desiderio *Menckenii* nostri excitatus, Commentario luculento elegantissime illustravit, ut dubium relinquatur, majoresne gratiæ debeantur Autori, an Commentatori; utilissimam quoque subjunxit Appendicem, quæ & Commentationem novam de dignitatibus possessionibusque Viperti, & Diplomata varia, tabulasque Genealogicas, & alia dedit, uti ex Præfatione ipsius Appendici præmissa intelligitur. Favit quoque hisce laboribus *Serenissimus Dux Saxo-Gothanus*, ac clementissime annuit, ut Chartarium Altenburgense ad manus *Cl. Schwarzii* perveniret, qua in re multum se debere fatetur Summe Rev. *Ern. Sal. Cypriano* & Ill. *Jo. Basilio L. B. de Gleichenstein*; neque minus de hoc opere bene meritus est Ill. *Grienerus* noster, qui cum *Cel. Schwarzio* argumenta quædam ex vetustis Diplomatum Tabularii Sax. excerpta perbenevole communicavit. Habemus hic XX *Annales Erfurtenses vernaculos ab A. 1440 ad 1467, jussu Hartungi, Consulis Erfurt. collectos*. Annales hi vernaculi ex Tabulario Regio producti, fide laudeque digni, in rebus paullo recentioribus versantur. Qui eos e propriis schedis conscribi jussit, multaque ipse, ut ex fine operis patet, addidit, Vir maximæ dignitatis & Consularis, anno demum 1467, quousque Annales producuntur, mortuus, rerum ipsius tempore gestarum, quarum pars magna fuit, curam habuit, & quamvis ipse Annales hos in sacello D. Georgii custodiri optaret, effecit tamen, illo mortuo, Senatus, ut in curia deponerentur. Utrum Codex, ex Tabulario Regio hic prolatus, sit autographus, an apographus, non liquet: vetustus certe & incorruptus est, eoque minus negligendus, quod *Chronicon Thuringiæ Robtiani*, Tomo II a Nostro editum, continuare videtur Autor, ab eodem anno eademque re incipiens, ubi *Robtius* finierat. Multa hic de litibus fratrum, Friderici & Wilhelmi, Ducum Saxoniz, tentata sæpius concordia, ac conventu Mühlhusiano, præsertim ab Oratoribus Principum ibidem acta recensentur, unde vetus ordo in judiciis disceptandi intelligitur. Quæ de *Conrado Kauffungio*,

gio, de Vicethumiis, Capistrano aliisque, ac monetæ imprimis mutatione diligenter observat, nunc facimus. Offert se XXI Ad. p. 1239.

Ursini, Molybergenfis, Chronicon Thuringiæ vernaculum, a primis initiis ad A. 1500. Cum Chronicon Thuringiæ Robtianum Tomo II, ut diximus, in lucem protraheret Menckenius, in Præfatione Ursiniani Chronici mentionem simul speique fecerat ejus imprimendi, saltem ab anno, quo Robtianum, quod saepe secutus fuit *Ursinus*, definit. Verum cum Vir Cl. *Jo. Tobias Hoffmannus*, Friburgo - Thuringus, Juris ac Historiæ, patriæ præsertim, studiosissimus, *Ursini* Codicem, e Bibliotheca B. Ad. *Rechenbergii* Nostri quondam comparatum, & notulis nonnullis conspersum, obtulisset, atque hic in antiquitatibus longe aliter versari videretur ac *Robtius*, multaque passim contineret, quæ in Robtio frustra quærantur, hinc librum integrum, demtis saltem, ne his eadem recoquerentur, locis apud *Robtium* iisdem præne verbis extantibus, in lucem edidit Cel. *Menckenius*, maxime cum, illis omissis, opus ad paucas plagulas rediret. Mathematicum fuisse *Ursinum*, testantur *Jo. Saucrus* in *Theatro Urbium* p. 223 & *Mart. Zeillerus* in *Topogr. Sax. Sup.* p. 139, & inter doctos Mühlburgenses Thuringos eum laudant *Mart. Christoph. Laurentius* in monument. Suevor. in Doringia, & personatus *Melissanter* seu *Jo. Gottfried Gregorius von Bergschlössern* p. 69. Absolutum esse opus A. 1547, titulus loquitur Codicis, licet historia saltem ad A. 1500 perducatur, unde fallitur *Georg. Mich. Pfefferkorn* in *merkwürdigen Geschichten von der Landgraffschafft Thüringen* p. 11, *Ursinum* hunc, vulgo *Babring*, Chronicon suum ad A. 1517 deduxisse perhibens. Opus diu nimis presserat Autor, cum ipsius tempore *Cyr. Spangenberg*, qui de Opere hoc prodituro spem fecerat in *Chron. Mansfeld. P. I* c. 278, in Epistolis ad *Marc. Wagnerum*, hujus libro vernaculo de Regno Thuringiæ præmissis, *Epist. 16. & 20* valde de eunctione illa queratur. Interim patet, librum MSCtum fuisse in manibus *Casp. Sagittarii*, qui in *Antiquitat. Regni Thuringici L. II. c. 9. §. 5* integrum locum inde exscripsit, & *Tenzelii*, qui tamen *Ursini* Chronicon cum *Robtiano* videtur confundere. Continuationem hujus Chronici extare in Bibliotheca publica Fran-

p. 1361.

cofurti ad Mœnnm, jam dictum in *Præf. cit.* verum cum contineat a nostris temporibus haud adeo remota, nec de Autore aut libri dignitate satis constet, de comparando hoc supplemento minus fuit sollicitus Cl. Editor. Sillitur hic XXII *Historia Belli Schmalcaldici, cum Sebastiani Schertelii a Burtenbach Commentario de rebus a se bello gestis.* Opus vernaculum, cedro dignum, Bibliotheca Ill. nunc B. *Krafft de Delmensingen*, Reip. August. Consulis, producit, *Historia* nempe *belli Schmalcaldici*, non univorsi quidem, sed rerum saltem A. 1546 gestarum, *dem Oberländischen Kriegsbandel*, ut ipse vocat, ab initio belli usque ad deditionem urbis Augustanz, magna fide conscripta, & illis opposita, quæ Pontificii Scriptores impudenter commenti sunt, speciatim *Ludovicus ab Avila*, cujus loca suspecta in gratiam lectoris textui hic subjiuntur. Docet inprimis Autor, quibus de causis exercitus Protestantium nihil præclari gesserit contra Cæsarem, quæque Hispani atque Itali avare atque crudeliter per Germaniam patnaverint, & *Avila* inprimis fraudes ac mendacia detegit, falsæ eadem confutans. Ex ipso opere patet, Autorem fuisse hominem Germana fide, religioni Evangelicæ sincere addictum, qui patriæ religionisque libertatem scriptis & armis, etiam cum bonorum, existimationis ac vitæ discrimine, tutatus est. Idem vero *Sebast. Schertelius*, *Schertlinus* in hoc Codice vocatus, a *Burtenbach*, cujus vitæ Compendium ab ipso scriptum sub finem Codicis exhibitum fuit, *Historiæ* pariter de *bello Schmalcaldico* Autor extitisse videtur, cui bene congruunt elogia & in titulo & p. 1483 hic commemorata. Accedit, quod consilia, dicta & facta *Schertelii* tam accurate tamque copiose in toto scripto exponantur, ut potiore illius partem constituent, quæ nec alii cuiquam tam bene perspecta esse potuerunt, & optime præterea respondent iis, quæ sub finem addita sunt ipsius manu, teste filio, consignata. Nec negligendum, librum desinere, postquam *Schertelius* jussu Cæsaris Augusti discessit in exilium, & *bello Schmalcaldico* non amplius interfuit; porro quod singularem prodat indignationem, quando *Avilam* asseruisse refert, *Schertelium* stipatorem quondam fuisse Cæsaris, eundemque in direptione urbis Romæ commilitonibus mensam habuisse venalem;

lem; ac quod convitiis Senatores quosdam Augustanos, ejus ex urbe discessum urgentes, oneret, quæ quidem sua non facit Editor. Et quamvis se nescire fingat *Schertelius*, qua re potissimum motus ipse Augusta excesserit, & num a Senatu promissa discedenti fuerint præstita; cum tamen in margine Codicis legatur: *ist beschehen*, i. e. impletum est, simulasse tantum hæc videtur, ne Auctorem libri se publice fateretur. Neque illud adversatur, quod major passim Latinæ linguæ, Juris publici & Historiæ antiquæ cognitio appareat, quam ab homine per omnem fere vitam militiam secuto expectaveris. Nam & Epitaphium ejus docet, *Adolescens Musas coluisse*, & *Nic. Mamranus* in Catal. expeditionis rebellium Princ. ac Civit. sub *Jo. Friderico & Phil. Hasso* vocat eum *Latine doctum*: addit *Mart. Crusius* in Annal. Suev. cum A. 1515 Philosophiæ Magistrum Tübingæ renuntiatum fuisse, quo facto demum Autor signa secutus, ad summam usque belli præfecturam pervenit; plura de illo desiderantes evolvant *Steidanum*, *Tbuanum*, *Velferum* in Chron. Augustano, & in pri-
tis *Seckendorffum*, *Schertelii* ex stirpe materna abnepotem, qui diarium ejus nostro, ut videtur, locupletius in manibus se habuisse testatur in *Comment. de Lutheran.* L. II p. 68 sq. Lectu non indigna est *XXIII Herm. a Kerffenbroch Narratio de obsidione Monasteriensi*, seu de bello Anabaptistico. Notus jam est *Kerffenbrochius Catalogo Episcoporum Padibornensium eorumque actis*, Lemgoviz 1578 in forma octava editis: hæc tamen Narratio inter Bibliothecarum cimelia hæctenus delituit. Autorem fide dignum, & Historiam rerum sub oculis ejus gestarum adeo probatam fuisse ipsi Capitulo Monasteriensi constat, ut *Chytræo* teste in *Saxon.* L. VIII p. 471, cum Franciscus Præsul Monasterii apud Pontificem in suspicionem hæreseos fuisset adductus, Capitulum ejus purgandi causa Romam miserit *Jo. Bolandi & Hermannii a Kerffenbroch scripta*, bellum contra Anabaptistas a Francisco susceptum & confectum complexa. De Autore nihil habemus certi, nisi quod ipse in Epistola Dedic. Catalogi memorati ad Henricum Ducem Sax. & Archi-Ep. Bremensem & Ep. Padibornensem A. 1578 scripta nomini suo adscribat: *Scholæ Padibornensis & Collegii Salentiniani moderator*: ex qua epistola simul patet, Autorem

p. 1476.

1502.

1503.

- p. 1617. variorum injuriis fuisse impetitur, & conditionem ejus parum fuisse lautam. XXIV *Anonymi Chronicon Bohemia*, ab origine Ducum usque ad A. 1329 deductum, & cum aliis Scriptoribus rerum Bobemicarum collatum; e Bibliotheca Menckenianna cum lectoribus communicatur. De Autore libri plane non constat, & quamvis in fine legatur: L. D. P. de K. explicit *Chronica Bobemicalis seria IV ante S. Elisabeth Anno Dom. 1467*; Autorisne tamen, an Librarii nomen & ætas hic indicetur, non decernimus. Equidem in antiquis *Cosma* fere in compendium mittit, stylo præterea barbaro utitur, luce tamen ideo dignus, quod varia passim Diplomata inseruit, præcipue sub Johanne Rege tabulas Ducum Silesiæ, quibus terras suas a Regno Bohemiæ in feudum recipiunt. Continet quoque apud alios minime obvia, uti de pactis reconciliationis inter Ottonem III & Precislaum Bohemum, de solennibus in Coronatione Regum Bohemiæ adhibendis, & cum ex Frederici Barbarossæ Diplomate probat: *propter excellentiam Imperialis corona, coronas Regum circulos ab Imperatoribus vocatas fuisse*: ut plura taceamus. Locum hic invenere XXV *Cosma Pragensis Chronica Bohemorum Libri III*; collati cum membrana Tabulariæ Dresdensis, Post recusam alteram hujus operis rarissimam editionem Freheri, Cel. Schwarzii notis auctam, nihil superesse videbatur; Codex tamen in Regio Tabulario asservatus tam diversus inventus ab edito, ut accuratam collationem exposceret, quem utique probabile est circa finem seculi XIII scriptum fuisse. Emendationes præcipue nominum priorum magni omnino sunt momenti, ut insipienti facile patebit. Ad finem Lib. I p. 1782 accedit bene longa oratio de exordio, Abbatibus quatuor prioribus, & satis Zazovensis Monasterii, & passim alibi Zazovensia immiscentur: quæ certe non *Cosma* sunt, sed Continuatoris, qui & mortem *Cosma* p. 1800 A. annotavit, & in eodem Zazov. monasterio vixisse videtur, interpolationes. Id quod apparet: 1) quia p. 1802, C. hic Continuator ait: *se supra* (scil. in Libro III *Cosma* p. 1794 D.) *mentionem Diethardi Abbatis fecisse*. Et ibid. p. 1802 D. *quod superius promissum absolvere*. Promiserat autem p. 1798 B. Ceterum in continuatione singularia

laria hæc observanda : p. 1800 C. Lotharius Imp. sibi & Imperio vindicare nitebatur jus etiam eligendi Ducem Bohem. Sed Dux Sobeslaus p. 1801, A. contendebat, electionem nunquam fuisse in Imperatoris, semper autem in Bohemiz Principum arbitrio, penes Imperatorem vero solam fuisse electionis confirmationem : p. 1806, A. Fridericus Barbarossa dicitur Wladislaum Bohem. Ducem donasse corona, qua ipse Imperator in summis festivitatibus utebatur. Et tamen in Anonymi Chron. Boh. p. 1704, B. supra ipse Cæsar in suis literis testatur, se *circulum* ei gestandum concessisse ; circuli autem Regales dicebantur ad differentiam coronæ Imperialis. Ibid. p. 1806, B. ad A. 1159, eleganter de Jure Imperatoris & Imperii in ordinanda sede Romana traditur : Daniel Ep. Prag. *utraque persona Cæsaris & totius regni Concilio Romano præfuit, & in eo coram cunctis regni Principibus & CL Episcopis Victor Papa electus est.* Denique non omittendum, p. 1799 Presbyteri adhuc uxori mentionem esse factam ; & p. 1804 A. ad A. 1143 tradi, Legatum Apostolicum separasse sacerdotes ab uxoribus. Singulare lector pretinim statuet. XXVI *Benj. Leuberi, J. C. Catalogo Regum, Electorum, Ducum, Comitum, Marchionum ac Palatinorum veterum potentiorum Saxonie, Misnie ac Thuringie ut & Marchionum, Comitum, Baronum ac Toparcharum paullo recentiorum, quorum memoria in Saxonie Super. Circulo exstat.* Stupendi laboris opus molitus erat Leuberus, Dresdensis, J. U. D. causarum Patronus, & Camera Lusaticæ Procurator, incomparabili libro de *stapula Saxonica* notissimus. Namque meditatus est sub *Quarta Monarchia* nomine Opus ingens, cujus Librum I typis subjecit, sub titulo : *Quarta Monarchia Lib. I seu Catalogus Impp. Regum, Principum Rom.* (quo nomine universos Orbis Romani imperantes complectitur) *Autore Benj. Leubero, J. U. D. Advocato, cum privilegio Ser. Du. Elect. Sax. Dresda 1643, in folio,* cujus exemplar ad Menckenium Cel. delatum, nulli ferme innotuit, adeo ut juris publici factum fuisse haud videatur, maxime cum nec exemplum illud integrum sit, ut & *Synchronismus Principum*, in eodem Volumine contentus, & ab anno ante C. N. 50 ad A. 1538 deduc-

p. 1809.

ductus, nec alius præmittatur titulus, quam ille, qui multo ante, quam opus inprimi cœpit, æri videtur incisus, nec ullum librarii fiat indicium, unde Autor sumtum forsan suppeditorum pertæsus, opus affectum reliquit. Facta inde cum Ampl. *Jo. Fridrico Weidlero*, J. V. D. & Mathematicum Prof. Viteimb. permutatione, ad manus *Menckeni* pervenerat Codex *Leuberi* autographus, prelo prorsus paratus, & familias Ill. Germaniæ Comitum, Baronum ac Dynastiarum prope mille & sexcentas, secundum ordinem X Circulorum digestas, complexus, quem *Monarchiæ Quartæ Librum III* inscripserat Autor. Verum ne collectioni huic inferretur, obflabat libri moles, oblati præsertim aliis minime omittendis; & cum Vir. Ill. *Mich. Henr. Gribnerus Librum II Monarchiæ Leuberianæ* autographum, præter alia, Saxoniz nostræ Comites, Marchiones, Burggraviis vetustiores continentem, benignissime communicaret, omnia, quæ ad vetustos Saxoniz Thuringizque Reges, ad Duces item, Comites ac Dynastas Saxoniz Sup. spectant, e tribus hisce libris decerpfit *Cel. Menckenius*, & hoc loco publici juris fecit, sub peculiari-bus titulis indicans, quæ ex quovis libro sint decerpta. Equidem una eademque familia bina vice, ut *Beichlingiana* in *Libro II & III*, occurrere videtur, quod tamen institutum Autoris, qui in illo vetustissimas, in hoc paullo recentiores excussit, postulabat, cum longe diversa utrinque inveniantur. Quod ad methodum, præmittit generatim de quavis familia notatu digna, inde eorum, penes quos rerum summa sive in Ducatu sive in Comitatu vel Dynastia fuit, nomina inde a primis initiis per *Decurias* refert, addito anno, quo ad regimen pervenerunt, vel certe floruerunt, eosque, qui rerum habenas, & quousque simul tenuere, indicat, lacunas vero, quas subinde, sed paucas, reperit, aliis supplendas relinquit, & quamvis genealogias exponere non constituerit, sed eos tantum memorare, qui ex quaque familia in *Toparchiatu* sibi successerunt; quoties tamen occurrit, qui proxime antecedentem patrem non habet, ostendit breviter, cujus ille filius fuerit, ut adeo, quo jure successerit, pateat; licet forte plura de successione singulorum quidam non immerito optaverint. Interim apparet, Autori longe plurima *Diplomata*,
in

in historia imprimis Dynastiarum fuisse consulenda, ut suam cuique ætatem recte assignaret, quæ si voluisset indicare, rem certe fecisset vix pretio æstimandam. Ceterum spem facit Editor Cel. fore, ut Typographus horum Scriptorum solertissimus, si hæc non displicere cognoverit, integrum *Leuberi Librum III*, tot scilicet Germaniæ nostræ familias Nobilissimas illustrantem, ea, quæ fœvit, industria in lucem protrahat. Subjungitur huic XXVII *Diplomatarium Caroli IV Imp. & Bob. Regis, ex Cod. chartaceo Bibliothecæ Acad. Lips.* Apographi hujus ratio habenda erat in seculo hoc vere diplomatico, licet compilator annum & diem non adscripserit, cum Juri Publico & Historiæ Germ. lucem affundat clarissimam, e quibus pauca afferemus. Carolus IV Theodorico Abbati Corbejæ potestatem concedit constituendi liberos Comites, vulgo *Freygrafen*, Judicii Westfalici, ubi de silentio & secretis Scabinorum, quæ de re elegantissima extat *Comment. Menckeni* nostri de Feimeris A. 1707 e cathedra defensa. Idem Imperator Præposito Susanensi largitur privilegium, nomine Cæsaris preces primarias faciendi in Ecclesiis transrhenanis. Num Augustæ jus primariarum precum competat, contra *Mulz.* in *Repræs. Maj. Imp. P. II c. 33 n. 247*, ex *Diplomate Eleonoræ, Imp. Friderici III Conjugis*, probantem, negat Ill. *Gribner.* *Opusc. T. 4 f. §. 14* not. Alii id ex communicatione Imperatoris admittunt saltem in collegiis sœminarum religiosis; verum hæc gratis dici, monstrat *Diploma Annæ, Caroli IV uxoris*, quo preces primarias dirigit ad Præceptorem *Ord. S. Joh. Hospit.* Hierus. per *Alemanniam*, & Jus hoc Imperatricibus & Reginis Rom. competere ait *tam ex jure, quam ex approbata consuetudine.* Accedunt *Diplomata Sigismundi* de causis civilibus tam Clericorum quam Laicorum in foro civili componendis; & unum *Friderici III*, quo *Æneam Sylvium*, postea Pontificem, lauro Poetarum donat. Agmen claudit XXVIII *Erasmi Stella, vulgo Stiiler, de origine, vetustate, appellatione & regionibus Tubantinorum, Cygneoriarum, Libanotianorum, Misnensium, nec non Molbii fluminis descriptio.* Rubrum hujus carminis exhibetur ex veteri *Codice MSC.* vix vero id convenire existimandum est cum altero ejus opusculo, quod suo adhuc tempore ineditum memorat *Albinus,*

p. 2009.

2031.

2010.

2011.

2037.

2039.

2040.

Chron. Misnenf. p. 302 & 340 sub tit. *de populis & rebus priscis ora inter Salam & Albin*, quod prosa oratione compositum esse, ex *Albini* locis excerptis patet, nec poema hoc typis excusum prodierit antehac, ex *Albino* videtur verosimile, cum loc. cit. ex professo de *Stella* scriptisque ejus agens, hujus mentionem prætermiserit. Libonothanum se ipsum vocat; utrum vero Cygneus fuerit, ut plerique sentiunt, an vero, ut alii, Lipsiensis, *Albinus* in medio relinquit. Interim Philosophiæ & Medicinæ Doctorem fuisse, atque Cygneæ Proconsulis, & Physici muneribus esse functum, præterea in rebus naturalibus probe versatum, de Gemmis librum reliquisse, *Gesnero* laudatum, dubio caret. *Albinus* quidem, quæ *Stella* tentaverat in Historia patriæ, non omnia probat, sed id tribuendum tempori esse fatetur. Tandem Observatiunculas doctissimas in III hosce Tomos subjunxit Nob. *Haltaus*, sæpius laudatus, qui & pleraque ex Codicibus accurate descripsit, & *Indicem* additurus *luculentissimum*, qui nunc comparet, illi interserere notulas sub manu natus voluit, quas ut seorsim ederet hoc loco, autor ei fuit Cel. *Menckenius*: ex his vero intelligent lectores, quid Orbis eruditus de illo sibi polliceri queat. Opus itaque jam pridem desideratum & Germaniæ & Saxonie nostræ præsertim utilissimum felici fidere nunc conspicimus finitum, quod ut fieret, nec impensis haud mediocribus, nec viribus, quantum per fractam annis hisce valetudinem licuit, pepercit *Menckenius* noster, cujus ut Deus ter Opt. Max. vires instauret, vitamque & senectutem, quam fere ingressus est, longam ac felicem ei largiatur, boni omnes nobiscum recantur.

Des H. Theophili drey Bücher an Autolycum.

i. e.

S. THEOPHILI, EPISCOPI VI ANTIOCHENI, Libri III ad Autolycum, doctum inter gentes Virum, in quibus, reprehensa superstitione, Christianæ religionis veritas asseritur, e Græco in Germanorum vernaculam traducti, atque Prefatione & observationibus aucti a
GUSTAVO

GUSTAVO CHRISTOPH. HOSMANNO,
ad Div. Nicol. apud Kiloniens. V. D. M.

Hamburgi, apud vid. Th. Chr. Felgineri, 1729, 8.

Plag. 20.

CUM Plur. Rev. Autor vel e controversia de rebus Chronologicis cum Cl. *Kohleissio* aliquandiu reciprocata nomen jam inter eruditos consecutus sit, de novo hoc ejus fortu nonnihil hic memorare operæ pretium fuerit. Equidem de editione librorum *Theophili* hujus Antiocheni græco-latina recentiori, ac perquam nitida, quam curis debemus Cel. *Jo. Christoph. Wolfi*, Theologi Hamburgens. in Actis nostris A. 1724 Mens. Febr. dictum esse meminimus, atque adeo nec de librorum horum argumento nec pretio jam aliquid repetendum esse ducimus. In genere autem calculum non tantum nostrum, sed & bonorum omnium impetrare existimamus institutum illud, quod, uti scriptorum hucusque profanorum quædam monumenta, ita & Ecclesiasticorum quæ habentur præstantiora in idioma nostrum transferri incipiant, cum id linguæ nostræ non modo gloriæ sit, sed & decori ejusdem magis magisque augendo provehendoque inserviat. Atque ita exterarum aliarum nationum morem imitantur ac æmulantur Germani, a quibus, ut taceamus exempla aliunde petenda, jam habemus versionem horum *Theophili* librorum in linguam Anglicam, a *Josepho Betty*, M. A. Oxon. A. 1722, in 8 vulgatam, & optarunt dudum Belgæ, eandem quoque in suum idioma transferri, ut ex recensione *Ephemeridum Belgicarum* (*Republyk der Geleerden* A. 1724, M. Jul. & Aug. n. 1) patet, licet, quantum nobis constat, Interpres jam noster horum desideria & vota versione sua quodammodo anteverterit.

Quam bene autem transferendi officio hic noster Interpres sanctus sit, tum ex fide ejus accurata, tum ex dictionis elegantia, quam ad negotium hoc attulit, rectius æstimare licebit. Fidem suam vel in eo probavit maxime, quod ex primi Græci-que textus originalis fontibus hos rivos suos derivavit, atque ad ejus, quam ex editione *Wolfsiana* habere licuit, integritatem,

neutiquam vero ad translationum aliarum fidem hanc versionem suam exegerit. Comprobant hoc potissimum notæ & observationes, textui translato passim subjectæ, in quibus plus simplici vice rationem reddit, ubi non modo ab Angli, sed & Latini nonnunquam Interpretis rationibus sibi recedendum, atque ad authenticum textum *αὐτὸς* recurrendum fuerit. Idque vel ita curate tenet, ut in locis dubiis & in Græco fonte corruptis nec suis, nec aliorum Interpretum aut Criticorum Commentatorum conjecturis indulgere voluerit, sed, quam habemus lectionem Græcam, ad verbum reddiderit, cujus rei primum documentum nobis observatum habetur Lib. I §. V not. (f) p. 5 hujus versionis, quod instar speciminis esse poterit. De dictionis porro elegantia Germano Lectori iudicium relinquimus. Ceterum in eo Noster a reliquis, quantum scimus, de *Theophilo* scriptoribus discessit, quod confidit, *Theophilum* Judaicæ potius quam Ethnicæ gentis propaginem, ac ante suum quidem ad Christianorum sacra accessum, Sadducæorum familiæ addictum fuisse, idque in Præfatione rationibus non contemnendis probat. Quod ad Observationes textui, ut diximus, subjectas attinet, non est, ut plura dicamus. Enim vero cum in Appendice de V Capitibus, quibus occasionem dederat *Theophilus* in libris suis, paulo distinctius pleniusque disputet, nonnihil de iis addere lubet. Prima est demonstratio immortalitatis animæ humanæ, ex creationis suæ modo, quam *Hormannus* p. 187 sqq. productis omnibus hujus causæ rationibus & præfidiis egregie firmare & exornare nititur. Secundum est de apparitione Dei in paradiso, quo in Capite sententiam *Theophili* sui hand probat, sed ab ea discedit. Tertium firmat necessitatem antiquitatis Scripturæ Mosaicæ, præeunte *Theophilo*, tuendam. Quartam literarium Salomonem inter Hiramumque commercium in idioma nostrum transfusum exhibet. Quintum *Theophili* rationes Chronologicas edisserit, & quomodo ad Autoris hypotheses alibi propugnatas revocari possint, condocet. Tandem etiam velut *ἐπιμνηστικόν* Volumini huic ab Autore adjecta est sarrago Observationum seu Cogitationum *Jo. Lightfooti* in varia Geneseos loca, quarum partem ad Cap. IX *Genes.* productam D. *Sigismundus Hormannus*, Nostri parens, jam ante

ante hos 30 annos ex versione sua ad calcem editionis opusculorum Jo. d'Espagne vulgaverat. Harum igitur ad finem usque libri partem reliquam hic loco haud incongruo exhibet Noster; quod multa in iis sint, quæ ab argumentis à *Theophilo* pertractatis haud abluant: cujus etiam rei non obscura vestigia in Libro III *Theophili* nos deprehendisse existimamus.

A NEW LAW-DICTIONARY, BY GILES
JACOB, Gent.

h. e.

ÆGIDII JACOBI NOVUM LEXICON
Juris, continens Interpretationem & Definitionem terminorum in Jure occurrentium, legumque omnium & præceps, sub diversis titulis & capitulis, quo simul historia & antiquitates legum ac consuetudinum explicantur.

Sabaudia Londinens. apud Knapton, Darby, Pemberton &
rel. 1729, f.

Alph. 8 plag. 12.

Opus eruditum & admodum concinnum exhibemus, quod Leges Anglorum omnes, earumque denominationes ac origines usque modernus vel breviter, vel fusius, ubi res postulat, explicantur, Regumque & Parliamentorum decreta diligenter annotantur, Doctorumque scripta, quæ conferri merentur, optimæque eorum editiones commendantur. Nequevero hæc tantum reperias omnia, quæ ad jura Anglorum ecclesiastica & civilia, ut & feudalina imprimis, spectant, verum & alia, quæ ad statum tum Ecclesiæ tum Reip. Anglicanæ spectant, qualia sunt munia publica sacra & profana, curiæ item publicæ, vestitus genera diversa, instrumenta militaria, mensuræ diversæ, ritus veteres vel aboliti vel confirmati, idola etiam gentilium eorumque cultus, Festaque à Christianis sancita & id generis alia, non sine voluptate legi poterunt. De pœnis imprimis veterum accurate agit Autor, qualis fuit illa Saxonum, qui rixosas mulieres in sella, *Cuckingstool*, Latine *Tumbrellum* seu *sella ster-*

cararia dicta, repositas aquis putridis demergebant, ita tamen, ut ne suffocarentur. Singularia legum Anglicarum plura afferri possent, si Lexica excerpere nobis integrum foret: unum tamen vel alterum breviter attingemus. Statuto anno 5 *Henrici IV* facto feloniz rei dicuntur, qui aurum & argentum multiplicare ausint, quod multi tum crederent, Alchymistas deterioris metalli cum nobilioribus permutationem effecturos, quo adeo factum ut impostores Anglia excederent & in aliis regionibus impunius artes suas exercerent: notat tamen & Autor, statuto illi alio *primò anno Wilhelmi III & Mariæ* promulgato, fuisse derogatum. Herbarum *Nicotianæ* plantatio Anglis sub gravi multa interdicta 2 *Caroli II*, simul tamen Medicis indultum, ut *Nicotianam* plantare in hortis Medicis impune possent. Ceterum testatur Cl. Autor in Præfatione, se inde ab A. 1720 huic operæ sedulo insudasse, (quamvis non infitietur, se alia quoque opuscula, horis subsecivis elaborata, interea temporis in lucem emisisse,) atque adeo longe plurimos terminos, ab aliis Lexicographis prætermisos, hic nova ratione explicasse, ita ut vix tertia pars aliis, reliqua omnia sibi soli debeantur.

AMOENITATES LITERARIÆ, QUIBUS
varie Observationes, scripta item anecdota & rariora
Opuscula exhibentur.

Tomus XI.

Francof. & Lipsiæ, apud Dan. Bartholomæi, 1729, 8.

Alph. 1 pl. 4.

Primum hujus Tomi locum occupat Cl. Editoris *Dissertatio de Joanne Campano, antitrinitario*. Vixit is tempore Lutheri, & haud leves excitavit strepitus, sed memoria ejus deinceps ita est obscurata, ut pauci nunc norint, quid hominis fuerit; imo ut ne ii quidem ejus mentionem faciant, qui data opera persequuntur antitrinitariorum historiam. Commemoratis igitur prius duobus aliis *Joannibus Campanis*, Cl. *Schelhornius* loca Lutheri & *Melanchthonis* adducit, quibus hujus Campani meminerunt. Natus is erat vel in oppido Maseyk ad Mosam, vel in regio-

regione Juliacenſi. Ex Coloniſi Academia, in qua literis operam dedit, ejeetus eſt, ſi *Cornelio Agrippa* credimus, injuſte, a grege ſcilicet obſcurorum virorum ſive Scholaſticorum Coloniſium, quos inſectatus erat, vocatus eam ob cauſam, cujus rei tellis eſt *Wicelius*, *viſtor ſophiſtarum Coloniſium*. A. 1528 ſe contulit Wittebergam, ſed ita ibi ſe geſſit, ut, antitrinitarium eum eſſe, nemo animadverteret. A. 1529 Marpurgum abiit, diſputaturus ibi cum *Luthero de S. Coena*: ſed non fuit admiſſus ad colloquium. Ex quo apparet, eum *Lutheri* antagoniſtam non ſolum eſſe, ſed etiam prædicari voluiſſe: quanquam is contempſit hominem nec refutatione publica dignatus eſt. Eodem anno ad *Wiceliū* ſe contulit Nymeciam, oppidum haud procul Witteberga ſitum. Proferuntur hic tres *Wicelii* apologiz, hiftoriam *Campani* haud parum illuſtrantes. Scripſit hoc tempore (an ediderit, incertum,) *Campanus* librum contra *ſuſumpſt Apoſtoloſ mundum*, quem *Melanchthon* commemorat, itemque *Lutherus*. A. 1532 edidit Germanico ſermone *reſtitutionem & emendationem S. Scripturæ*. Amicum & ſantorena habuit *Sebaſtianum Franckium*, hominem *παράδοξον*, cujus hic epiftola ad *Campanum* ſcripta exhibetur. Tandem *Campanus*, rejectæ Trinitatis reus, a Duce Juliacenſi in carcerem conjeetus eſt. Nec vero hic unus fuit ejus error. Nam *Lindanus*, Epifcopus Ruremundenſis, A. 1575 librum edidit adverſus ejus errorem de S. Coena. Poſt viginti ſex annorum captivitatem libertati redditus homo fanaticus, ubi deinceps vixerit mortuusque ſit, haud conſtat. Sunt, qui eum confundunt cum *Joanne Campanſi*, alio ejusdem ætatis Hæretico: de quo, quia & ipſe ignotus, certiora tradit Cl. Autor. Hinc recenſet *Campani* librum ſupra memoratum, ejusque de Patre, Filio, & Spiritu ſancto impias ineptias producit. *Secunda* Diſſertatio eſt Cl. *Zimmermanni*, comparantis religionem Chriſtianam cum philoſophia Socratis, indeque illius evincentis excellentiam. Scilicet cum Socrates habeatur, & quidem ſuo merito, maximus priſcæ ævi & in theoria & in praxi philoſophus, ſi oſtenditur, ejus philoſophiam nihil eſſe ad religionem Chriſtianam, oluceat inde neceſſe eſt Chriſtianæ religionis divinitas. Demonſtrat veri

primum, quanto inferior sit Socratis docendi methodus eā, qua Christus usus est & Apostoli. Deinde notat Socratem, quod publicos in religione errores tolerarit & silentio involverit, cum contra Christus & Apostoli religiosos sui temporis errores clarissimis verbis rejicerent. Tum veras Socratis & laudabiles doctrinas, tum theoreticas, tum practicas, comparat cum doctrinis Christi, quantumque hæ illis præsent, pluribus docet. Potissimum urget, quod philosophia Socratis careat *incentivis ad pietatem*, Christiana e contrario religio iis abundet gravissimis & efficacissimis. Cetera brevitaris studio omittimus, perdocta omnia & lectu dignissima. *Tertio* sistitur *Brevis notitia codicis MS. varios sermones complectentis in Concilio Constantiensi habitos*. Latuit hic codex adhuc in bibliotheca Monasterii Blavifontani, quod est in Wurtembergia. Habet is sermones viginti octo, e quibus eorum duntaxat indicem exhibet Cl. Schelhornius, quos Cl. Hardtius non commemoravit, neque in *Actis Concilii Constantiensis*, neque in *Historia Reformationis literaria*. Sequitur quarto loco *Judicium Magistrorum Academia Viennensis de propositionibus quibusdam Joannis Munfingeri*, quod conjungit lector cum *Academiz Pragensis de eodem Munfingero Judicio*, quod jam ante T. VIII p. 511 sqq. Noster exhibuit. Quinto legenda offertur *Memoria Raymundi Krafft de Dollmensingen, Reip. Ulmensis viri consularis*. Non postremus hic est ævi nostri Mæcenas, cujus bibliothecam instructissimam alibi laudavit pluribus Cl. noster Schelhornius. Hujus igitur nuper (A. 1729 d. 17 Febr.) exstincti & familiam illustrem & vitam & in reimp. literariam merita singularia hic describit. Ac sane officium hoc est literatorum hominum, ejus generis viros debitis prosequi laudibus, & aliorum studia accendere ad eos æmulandos. Sextum locum tenent *Selecta ex Jo. Jac. Thurmii* (juvenis ingenio præcoce, A. 1669 mortui,) *Diarii itineris literarii Germano-Belgici*. Per multa hic proseruntur singularia & cognita jucunda de doctissimis viris, quos adire contigit illi docto juveni. Septimo loco prodeunt duæ epistolæ D. Jo. Bened. Carpzovii ad Theophilum Spizelium, quæ & ipsæ sunt lectu dignæ ob varias, quas continent, animadversiones lite-

literarias. Has sequitur *Calendarium etymologicum, ex Lombardica Historia Jacobi de Voragine, quæ a plerisque Aurea Legenda sanctorum appellatur, congestum.* Altera hæc est editio libelli A. 1604 ab Erasmo Schmidio editi, sed ob raritatem præ incogniti. Ex ridiculis mediæ ævi etymologis, quæ hic profertur, hæc sufficiant specimina. *Donatus*, id est, a *Deo natus*; *Bernhardus* a *beer*, puteus, & *nardus*, quæ est herba odorifera; *Cornelius* a *cornu*, & *leor*, id est, populus; *Catharina*, a *catba*, id est, universum, & *ruina*, quasi *universalis ruina*. Ultimo hujus Tomi loco exhibentur Cl. Jac. Bruckeri *Analecæ ad vitam Matth. Schenckii* in proximo præcedenti Tomo vulgatam.

D. EBERHARDI DAVIDIS HAUBERI
Primitiæ Schauenburgicæ. Fasciculus primus & secundus.

Guelferbyti, apud J. C. Meisner, 1728, 8.

Plag. 19.

Maxime Reverendus Autor, S. Theol. D. & Ecclesiarum Schauenburgicarum Superintendens, idemque primarius Pastor Hagenfis, & Confiliarius ecclesiasticus, primo loco hic exhibet *Prodromum originum Schauenburgicarum atque Schauenburgicæ palingenosie.* Descripto scilicet situ castri *Schaenburg*, (vulgo *Schaumburg* scribum,) ejusque etymologia acute explicata, diligentissime scrutatur origines familiæ Comitum Schauenburgicorum, subjecta etiam Tabula genealogica. Hinc discimus, primæ eorum patriam fuisse *Santerslebiū*, pagum agri *Magdeburgici*, primumque Comitem Schauenburgicum a *Conrado II Imp.* creatum esse *Adolphum* A. 1030: hujus filium, *Alphonsum II Schauenburgicis* terris junxisse *Holsaticas*: istamque stirpem masculinam exaruisse A. 1640 in *Ottone*: refluoruisse tamen in Comitibus *Lippiacis*, quorum unus *Elisabetham Schauenburgicam* habuit in matrimonio. Sequitur *recensio Scriptorum res Schauenburgicas illustrantium.* Et hic quidem Rev. Autor primo eos producit, qui in universum egere

P. 23.

T t

de

- de Comitatu Schauenburgico: *Hermannum de Lerbecke*, ejus *Chronicon Comitum de Schovenborg* notis illustravit *Meibomius*; *Henricum Aquilonipolensem*, (Nordhusanum fortasse vel Northemiensem,) poetam misellum, ejus *Adolphheidem* idem edidit *Meibomius*; & *Cyriacum Spangenbergum*, autorem *Chronici Schaumburgici*. Hinc exhibet scriptores particulares, e. g. *Frid. Wilb. Bierlingii* Dissert. de *Familia Comitum Holsat-Schaenburgicorum hoc seculo extincta*. His subjungit scriptores illos, qui oblata occasione in operibus suis historicis attingere res Schaumburgicas. Id cum etiam fiat in *Lexico universali historico*, B. *Buddei* auspiciis edito, complures ejus errores in hoc capite emendat p. 45 sqq. Succedunt scriptores de singulis Comitibus, atque adeo & Orationes funebres. Ultimo loco commemorantur scriptores de rebus ecclesiasticis ac scholasticis hujus Comitatus, itemque constitutiones provinciales.
- p. 65. Accedit *Delineatio* accuratissima *insignium Comitum Schaenburgicorum*: quorum & figura æri incisa in limine hujus Operis conspicitur: itemque *delineatio mausolei Hagensis* horum Comitum, hoc est, *Inscriptiones aliquot sepulchrales*.
- 79.
93. Hinc prodeunt *Primitiæ Schauenburgicæ*, vitas exhibentes *Superintendentium Schauenburgicorum* atque *Pastorum primariorum Hagensium*, una cum *historica scholæ, Gymnasii, atque Academiæ Stadthagensis descriptione*. Occurrit hic p. 107 sqq. vita D. *Josua Stegmanni*, quem Autor noster vocat *virum incomparabilem, atque omnium illorum Ephorum tum doctrina atque eruditionis amplitudine, tum vitæ innocentia ac pietate, præcipuum*. P. 109 sqq. vita sistitur D. *Joanni Gisenii*, Theologi Rintelensis primarii: quam propterea se persequi accuratius, scribit Max. R. Autor, quod ea vix unquam reperitur descripta. Atque ea de causa etiam scripta ejus recenset diligentissime p. 121 sqq. Ad Pastores primarios Stadthagenses quod attinet, inter hos eminent D. *Jo. Jac. Bernhardt*, D. *Josua Stegmannus*, (jam supra laudatus,) & D. *Alardus Vaeck*. Singulorum libri hic commemorantur satis accurate.
- 155.
200. Invenit etiam inter hæc Autor doctissimus occasionem, uberius exponendi controversiam *Bulcherianam*, quæ inter *Calixtinas* five

Av. Helmsstadiensis fere prima fuit. Colophonem huic libro imponit *Historia scholæ Hagenfis sive Stadthagenfis, nec non Gymnafii, atque Academia, quæ Haga Schaenburgica quondam florere.* Scholam illam hic legimus a Principe Ernesto mutatam fuisse in Gymnafium Academicum, ita ut Reclori ejus etiam titulus *Magnifici* tribueretur. Quos illud Gymnafium habuerit Profeflores, quæque illi fcripta publicarint, hic loci libenter cognofcent curiofiores. Poftea Gymnafium hoc mutatum eft in Academiam, fed quæ paulo poft translata eft Rintelium, ubi adhuc viget floretque.

p. 233.

JO. ALEXANDRI DOEDERLINI, ACADEMIE Nat. Curioforum & Societatis Berolinenfis Collegæ, ac Recloris Weiffenburgenfis, Commentatio Historica de Nummis Germaniæ mediæ bracteatis & cavis; accessit Disquifitio de pecuniæ mediæ ævi valore, numorumque noſtræ ætatis origine.

Norimbergæ, apud Jul. Arnold. Engelbrecht & Endteri filias, 1729, 4.

Alph. 1 pl. 12 cum fig. æn.

Inter varia ftudiorum genera majoribus noſtris aut plane non, aut faltem leviter fatiſ culta nummorum antiquorum, præcipue Germanorum, cognitio non poſtremo loco memoranda eſt. Primus illius autor laudator Joannes Jacobus Luckius, Senator Argentinenſis, qui medio fere ſuperioris ſæculi Syllogen edidit nummorum Germanorum veterum, addita eorundem explicatione erudita, & laudabile adeo exemplum prævit patriarum rerum ſtudioſis, & hanc antiquitatum Germanicarum partem curioſius indagandi. Neque vero defuerunt, qui premerent inſequenti tempore ipſius veſtigia, clariffimi Viri, Joannes Chriſtophorus Olearius, Guilielmus Ernaſtus Tenzelius, Chriſtianus Schlegelius, Joannes Andreas Schmidius, Joannes Georgius Liobknechtius, Cæſo Sperlingius, Joannes Petrus de Ludewig, Joannes Michael Heineccius, Davides Hottingerus, Joannes

T t 2

Geor.

Georgius Leuchfeldius, pluresque alii, quorum conatus more intercepti, illi vero elaboratissimis Commentariis *rem nummariam Germanorum* illustrare instituerunt. Debetur etiam illis non exigua laus, quod difficultates, quibus circumsepta est istius generis cognitio, maximam partem feliciter satis superaverint, & expeditam bene effecerint viam per obscura antiquitatis patriæ compita pedem curiosum circumlaturis. Movit hoc virorum præstantissimorum exemplum & Germanicarum rerum studium *Clarissimum Doederlinum*, ut & ipse præsentis Commentario de Nummis *medii ævi Germanorum bracteatis* materiam pertractandam sibisumeret. Quia in re cum ita versari ipsi placuerit, ut, in usum suum conversis, quæ laudati indodoctores ante ipsum hac de re recte commentati fuisse videbantur, quorum etiam larga manu testimonia afferuntur, passim adderet Vir doctissimus, quæ minus dilucide aut minus etiam aliquando vere ab iisdem posita existimarentur; prætermittis illis, quæ alibi jam centies lecta ac relecta sunt, eorum nos quidem jam potissimum rationem habituri referendo sumus, quorum propria ad Autoris nostri ingenium atque doctrinam gloria pertinet; addituri simul summam, quæ de nummis *bracteatis*, *Weissenburgi* haud ita pridem effossis, qui præcipue commentandi occasionem ipsi præbuerunt, commemoravit.

Germanorum antiquissimos nullum plane pecunie usum coluisse, extra dubium positum est; qui tamen insequentis tempore a Romanis hinc inde introductus fuisse legitur. Quo autem præcipue secula eudendi nummos consuetudo apud illos invaluerit, cum in diversas admodum sententias ab autoribus discedatur; illa Nostro veri videtur simillima, quæ provincis Romanorum receptis & Christiana religione admissa hoc factum statuit; ubi tamen simul monet, de *solidis* hoc tantum nummis, ad Romanorum quippe exemplum effictis, intelligendum esse; non item de *cavis* sive *bracteatis*. In horum vero origine adstruenda Illustris de *Ludovig* conjecturis, ad seculum X illam referentis, maxime ad stipulatur; cum, qui antiquiorem existiment, solidis argumentis destituantur, qui vero recentiorum, experientiz repugnent. Cum itidem existant, qui unos Germa-

hos istiusmodi *nummos bracteatos*, quos a forma externa etiam
cavos, laminares, aliisque nominibus appellamus, excudisse ar-
 bitrentur, non vera illos docere ostendit, quod jam seculo Justi-
 niani Imperatoris Constantinopoli simile monetæ genus usur-
 patum fuisse, adeoque pridem ante Germanos, deprehendatur;
 quod exemplum dehinc Gothi plurimique ex Septentrione po-
 puli, Angli itidem, imitati sunt; a quibus nostrates didicisse pro-
 babili admodum ratione videntur. Perstitit vero apud illos una
 eum *solidis cavorum* vulgaris usus atque promiscuus; donec
 seculo XIII illi temporum calamitate plane evanescerent, ipsi
 etiam *bracteales*, pristina puritate amissa, deteriores fierent.
 In causis vero hujus monetæ designandis, neque illa Nostro pla-
 cet, quam plurimi allegant, prisca nempe Germanorum probitas,
 qua factum sit, ut subferratis depravatisque Romanorum nummis
 puros ipsi, licet leviores minusque comotos, substituere volue-
 rint; neque, quam alii arguunt, inficitia mellioris notæ nummos
 feriundi; neque penuria metalli nobilioris atque argenti, quam
 alii prætendunt; sed potissima, imo propria, videtur Viro doctis-
 simo causa, majorum nostrorum sordida quædam parsimonia,
 qua ducti, contenti maxime fuerint simili monetæ genere, quod
 minima opera minimaque artificis monetarii industria consti-
 ret. Ad Jura porro illa fabricandi quod attinet, cum primario
 ad summum Imperii Principem spectarent, ad inferiores inse-
 quenti tempore Status etiam sunt derivata; imo etiam ad eccle-
 siæ præfules, Episcopos atque monasteria. Enimvero major
 longe copia postremi generis nummorum hodiernum superat,
 quam Imperatorum atque Principum; cuius rei hæc maxime
 existimari potest ratio, quod hi, in impensis faciendis largiores,
 maluerint splendidiore, *solidos* nempe, ferire nummos, & istam
bracteatum turpitudinem dedecori sibi futuram putaverint.
 Materiam ipsorum argentum, idque purissimum, fuisse, *aurum* *vis*
 ostendit; recentiori ætate nonnunquam etiam ære aut cupro
 mixtum. Num etiam aurum atque æs? in utramque partem
 disceptata quæstio est; ad quam *ent* *xx* Vir clarissimus. For-
 ma si spectetur, ineptam illam maxime fuisse atque deformem,
 in propatulo est; cuius causa in mediis ævi ruditate optime

quæritur. Non nisi *orbicularem* figuram illas ostendere, arbitratu est Cel. de Ludewig; alii tamen *quadratos* etiam se vidisse affirmant, quod & Autor noster confirmat; qui insuper contra eundem Virum Illustrum, nummos istos *ἀντιφάλλας*, & in quibus nulla plane conspicitur impressa effigies, *bracteatorum* censu habendos esse existimantem, contrarium operose asserit. Postquam porro varias harum figurarum species, ubi modo res inanimatas, librum, claves, turres, templa &c. modo animatas, aquillam, cygnum, leonem, ursum; modo vegetabilia, rosam, lili-um, palmam; modo personas, stantes, sedentes, equitantes, flexis genibus precentes repræsentant, recensuisset, & apud alios scriptores de hoc argumento obvia perquam diligenter compilasset, singula autem *Bracteatorum Weissenburgensium*, quorum sexaginta duos æri insculptos simul exhibet, exemplis illustrasset; de inscriptionibus quædam subdit, quibus illorum aliqui insigniti deprehenduntur; unde colligit, non ad commerciorum tantum usum, sed ad memoriam etiam sui ad posteros conservandam fabricari quandoque jussisse Principes, Præsules ac civitates similes monetas; latina autem, non patria lingua hac in re usos fuisse ideo, quod ævi illius genius illam huic dignitate longissime anteponebat consuevisset. Clauduit denique integram Commentationem luculenta de valore pecunie mediæ ævi, & illius, quo præsentis tempore utimur, origine, disquisitio; cujus rationes cognovisse cum fortassis minimè inter lectores nostros partis interesse persuasum habeamus, ab illis referendis merito hic abstinemus; atque hoc tantum in fine addimus, gentilibus suis rem pergratam haud dubie fecisse Autorem doctissimum, quod, cum anno proxime elapso Weissenburgi in veteris cujusdam ædificii ruinis casu quodam urna aliqua detegeretur, quæ non contemnendam hujusmodi *bracteatorum* copiam contineret, ipsi vero ad ignotæ rei spectaculum obstupescerent, & ethnicæ superstitionis reliquias, immo quidvis aliud potius, quam *mediæ ævi nummos*, existimarent, meliora ipsos hac dore edocere voluerit præsentis Commentario, & suo exemplo patriæ vetustatis amorem illorum animis inspirare; quin & alios lectores, qui hujus rei non adeo ignari sunt, diversas doctorum sententias studiose hic in unum congestas, jucunde spectaturos esse confidimus.

Der

Der Europäischen Kayser- und Königlichen Häuser,
Historische und Genealogische Erläuterung ic.

h. e.

IMPERATORUM AC REGUM EUROPÆ
illustratio Historico-Genealogica, a prima origine ad no-
stra tempora, Autore GEORGIO LOHMEIERO,
Inspectore Luneb. quondam deducta, nunc vero, quantum
feri potuit, completa & documentis necessariis munita a
JO. LUDOV. LEVINO GEBHARDI, Prof.
Academiae Equestris Regiæ Luneb.

Tomus I.

Luneburgi, e typographia Sterniana, 1730 fol. maj.

Alph. 2 pl. 20.

CUM quadraginta fere abhinc annis, anno nempe 1690, pri-
mus hic *Tabularum Lohmeierianarum* Tomus prodisset,
mox eodem Anno M. Mart. p. 152 ejus mentionem non sine lau-
de fecimus, institutumque Autoris breviter explicavimus. Cum-
que & hic Tomus & sequentes aliquoties ex eo tempore, cura
etiam Celeb. Genealogi, *Jacobi Wilhelmi Imhoff*, editi in omni-
um hactenus manibus fuerint; nunc tantum de nova hac eaque
eximia multumque passim aucta ac emendata editione paucis no-
bis dicendum erit. Nimirum Autor, non Genealogiæ modo,
sed & Historiæ maxime intentus, ut parceret chartæ, passim non
personas modo illustres, fœminas inprimis earumque liberos,
sed & aliquando integros ramos, prætermiserat, cui defectui nec
Imhoffius, qui emendare librum quam augere maluit, mederi au-
sus est. Præterea optabant plurimi, fontes etiam, unde sua hau-
serit Autor, subinde indicatos. Itaque utrumque præstare ag-
gressus est hoc Tomo (quem mox secundus, qui sub prelo est,
tertiusque & plures forte sequentur) Cl. *Gebhardi*, qui non mo-
do pluribus locis Tabulas ipsas supplevit, sed & tum in Tabulis,
suis locis, tum sub finem cujusque indicavit Autores idoneos
prope mille, breviter quidem, sed ut postremo, Lectori rectius
consulturus, adderet simul Indicem luculentum Operum omni-

um,

um, quæ passim produxit, indicatis simul editionibus melioribus tum eorum, quæ figillatim, tum quæ passim in Collectionibus optimis prostant, & additis subinde de scriptorum veterum ætate, *adversus* aliisque observatiunculis. In Præfatione vero, optimorum librorum sibi copiam factam tum a Duumviris Celeb. Jo. Frid. Pseffingero, Consil. & Jo. Henr. Büstnero, Secret. tum ex ipsa Bibliotheca publica Luneburg. gratus proficitur. Gratulamur itaque Autori eruditissimo de superato partim labore incredibili, optamusque, ut ceteros quoque Tomos pari felicitate absolvat.

L'ETAT ET LES DELICES DE LA SUISSE.

hoc est,

STATUS ET DELITIÆ HELVETIARUM,
per modum relationis criticæ descriptæ ab Autoribus
quibusdam celebrioribus.

Tomi IV.

Amstelodami, apud Wetsteinios & Smithum, 1730, 12 maj.

Alph. 3 pl. 17 Tabb. zn. 80.

QUI non ignorant, *Delitias Helvetiæ* sub ficto, ut arbitramur, *Gottliebi Kypfeler de Munster* nomine, jam tum A. 1714 Lugduni Bat. apud Petrum vander Aa quatuor Tomis prodisse, scire haud dubie gestiunt, quid hic novi operis promittere sibi debeant. Observamus itaque vel paucis, *Delitias* illas utique repeti, sed ita passim, inprimis quoad ea, quæ ad statum publicum, constitutiones Rerumpubl. earumque inter se & cum exteris fœdera, unionem, vires, antiquitates etiam, & res passim gestas, tum & id quod interest, maxime spectant, auctas, ut novus quodammodo videri liber possit. Certe duplo auctior est hæc editio priori, & Tabulas quoque plures continet; præterea docemur in Præfatione, Autorem per octennium publico nomine sedisse in Helvetia & curiosa omnia assidue annotasse.



ACTA ERUDITORUM,

publicata Lipsiæ

Calendis Augusti Anno MDCCXXX

A VIEW OF SIR ISAAC NEWTONS
Philosophy.

hoc est,

CONSPECTUS PHILOSOPHIÆ ISAACI
NEWTONI.

Londini, typis S. Palmeri, 1728, 4, chart. aug.

Alph. 2 pl. 10 Tabb. æn. 12.

Isaaci Newtoni, Viri Summi, magna in omnem doctrinam merita ubivis terrarum celebrantur. In eo inprimis immortalis nomen consecutus, quod naturæ cognitionem mathematicam, cujus olim ideam quandam animo conceperat *Archimedes*, edito specimine in libris de æquiponderantibus & insidentibus fluido, & quam recentiori ævo excolere cœperat *Galilaus*, mirifice provexerit, & Astronomiam inprimis Physicam a *Keplero* tentatam plurimum illustraverit, Opticamque inventis auxerit sat egregiis. Edidit huc spectantia in duobus libris, quorum alterum sub titulo Principiorum Philosophiæ naturalis mathematicorum, alterum sub titulo Opticæ prodire jussit. Accessit post fata viri vita immortalis digni liber tertius sub lectionum opticarum titulo, in quo inventa illa optica etiam continentur. De utroque Opere diximus in his Actis, scilicet de Principiis in Actis A. 1688 p. 304, A. 1714 p. 131 & A. 1727 p. 73. de Optica vero in Actis A. 1706 p. 59 & A. 1710 p. 185. Confer Acta A. 1717 p. 232. De Lectionibus denique opticis nuper demum annotavimus, quæ & re lectoris esse judicavimus. In

Uu

Prin.

Principiis Geometria summus motuum imprimis doctrinam ultra inventa *Archimedis*, *Galilei*, *Hugenii*, *Wrenni*, *Wallisi* plurimum provexit & subinde ad phaenomena nonnulla explicanda transtulit, utque principiorum in cognitione rerum naturalium usum luculento quodam exemplo doceret, ea ad explicandos motus coelestes per causas physicas applicavit in ellipsis *Keplerianis* ex hypothese *Hookiana* ab *Hevelio* in opere *Cometographico* indicata. Et quamvis non ubivis in theoriis motuum adhibuerit naturae hypothesein, utpote non semper manifestam; methodum tamen naturam mathematice tractandi mirifice excoluit aliisque Geometris ansam dedit, ut vestigiis ipsius insistentes in eodem argumento difficili vires suas periclitarentur. In Optica praeter novas luminis colorumque proprietates meteora quoque nonnulla emphatica, qualia sunt colores iridis, explicavit & per modum appendicis quaestiones quasdam de rebus naturalibus adiecit. Cum igitur in his contineantur, quae ad omnem Physicam illustrandam conducunt, hypotheseibus sterilibus hactenus a multis magis deformatam, quam ex cultam, *Newtono* merito improbante; Vir clarissimus *Gravesandius* institutiones physicae in usum academicos conscripturus, ex *Newtoni* Principiis & Optica atque partibus *Matheseos* mixtae propositiones & definitiones ordine digessit, quas rerum naturalium curiosis cognitu utiles existimavit & sub titulo *Philosophiae Newtonianae* edidit, quemadmodum ex Actis A. 1723 p. 371 cognosci potest. Quoniam Principia imprimis *Newtoni* ita conscripta sunt, ut lectores requirant Geometras primi ordinis; *Henricus Pembertonus*, cui *Newtonus* postremam illorum editionem commiserat, consultum judicavit, quae in Principiorum ac Opticae Opere *Newtoniano* continentur, populari sermone a se recenseri, ut ab iis etiam intelligerentur, qui tantos in *Mathesi* sublimiori non fecere progressus, quantos *Newtonus* in lectoribus suis requirit. Hunc suum de utroque Opere *Newtoniano* discursum exemplo *Gravesandii* *Philosophiae Newtonianae* conspectum appellat. Digessit eum in tres libros, quorum primo de motu corporum in genere agit, secundo de systemate mundi tractat, tertio ad Opticam spectantia tradit. Ad motum corporum

porum in genere ex Principiorum Opere refert, quæ de legibus motus, potentiis mechanicis motuque pendulorum, conflictu corporum seu motu ex percussione attingit & de viribus centralibus ac resistantia fluidorum ex instituto tradit *Newtonus* Principiorum libro primo atque secundo. Ad systema mundi refert, quæ de causis physicis motuum cælestium tradit vir profundæ indaginis in Principiorum libro tertio, principiis de viribus centralibus ad planetas cum primarios tum secundarios atque cometas in ellipsis *Keplerianis* applicatis. Ad Opticam ex Opere Optico refert, quæ de coloribus lumini inhzrentibus & a corporibus opacis dependentibus, de refractione, reflexione luminis, itemque de vitris opticis atque iride reperit Vir summus. Atque ita discursu suo complexus est omnia, quæ ad cognitionem naturæ mathematicam spectantia Physicisque utilis dedit *Newtonus* in Principiorum & Opticæ Opere. Cum de iis, quæ in utroque continentur, abunde dictum sit in his Actis locis paullo ante citatis; ut ex discursu *Pembertoniano* specialiora excerptamus, opus non est. In Præfatione monet, *Newtonum* non probasse, quod Geometrica per calculos Algebraicos tractentur, ac ideo Algebrae imposuisse nomen Arithmeticæ universalis in oppositione ad titulum, quem sine iudicio Tractatui de Algebra in inveniendis ad Geometriam applicanda præfixerit *Cartesius*, dum eam Geometriam appellavit. Ipsum prædicasse *Slusium*, *Barrowium* & *Hugenium*, quod fuerint ab illo more, qui tunc invalescebat, alieni; plurimum commendasse institutam *Hugonis de Omerique* in Analyfi veterum restauranda maximique fecisse *Apollonii* de sectione rationis librum, ex quo clariorem analyseos veterum ideam haurire liceat, quam quæ ante editum ab *Hallejo* hoc antiquitatis egregium monumentum fuerit Geometris. Eundem sæpius Nostro commendasse stylum & modum res Geometricas tractandi *Hugenianum*, cum *Hugenium* optimum veterum inter Geometras recentiores imitatore judicaverit. *Newtonum* sæpius in se ipso improbasse, quod initio studiorum mathematicorum insigni errore ad opera *Cartesii* aliorumque scriptorum algebraicorum animum appulerit, antequam elementa *Euclidis* ea attentione legisset, quam

Autor adeo eminens meretur. Fama non solum in Angliæ, verum etiam in ceteris regionibus percrebuit, *Newtonum* in ætate profectioni non amplius intellexisse inventa sua; sed se contrarium expertum fuisse testatur *Pembertonus*, rumorem inde enatum ac disseminatum esse suspicatus, quod non semper sibi præsens fuerit, quando de iis sermonem cum ipso miscere voluerint alii. Monet Noster, *Newtonum* magnam *Tractatus* præsentis partem legisse ac probasse, & , quamvis postrema Principiorum editio plurimum mutationis subierit, plura tamen adhuc immutanda fuisse, si quidem temporis spatium sufficiens suppetiisset. Se vero hunc defectum suppleturum in Commentario in librum *Newtonianum*, in quo se demonstraturum ea, quorum demonstrationem non dedit *Newtonus*, & explicaturum pollicetur singulas expressiones, quæ explicatione indigent. Hunc Commentarium se adjuncturum esse versioni Anglicæ Principiorum *Newtoni*. Ceterum refert, *Newtonum* scripta recentiorum parum legisse & inprimis in hypothesin *Hookianam* de causis physicis ellipsium *Keplerianarum* incidisse A. 1666, cum in horto solus deambulans perpenderet causam gravitatis in iis distantis, in quibus experimenta capere licet, sensibilibus non imminui. Inde enim ipsum intulisse, eam longius extendi debere, quam vulgo docetur, nec vidisse rationem, cur non extendi debeat usque ad lunam, ita ut vi ista in orbita sua retineatur fidus hoc errans.

ELEMENTA MATHESIOS UNIVERSÆ,
 Tomus I, qui Commentationem de Methodo mathematica, Arithmetica, Geometriam, Trigonometriam planam & Analysin tam finitorum, quam infinitorum complectitur; Autore CHRISTIANO WOLFIO, Consiliario Aulico Hassiaco, Mathematicum & Philos. in Academia Marburgensi Professore Primario, Professore Petropolitano Honorario, Societatum Regiarum Britannicæ atque Borussicæ Sodali. Editio nova priori multo audior & correctior.

Halæ

Halz Magdeburgicz, ex officina Rengeriana, 1730, 4.

Alph. 3 pl. 19 Tabb. 20. 31.

Cum hæc Matheseos universæ Elementa primum in lucem publicam prodirent, de iis abunde diximus in Actis A. 1714 p. 249 & seqq. Suffecerit itaque breviter annotasse, quænam ea sint, in quibus nova hæc editio a priori differat. Primum itaque operam dedit Celeb. Autor, ut eadem priori multo correctior prodiret, quod in scriptis mathematicis apprime necessarium, ne nimium negotium facessant parum exercitatis. Accessere vero multa, quæ efficere, ut Tomus primus in duos fuerit distribuendus. Etenim cum Arithmetica olim contineretur articulis 326, Geometria 537, Trigonometria 74, Analysis finitorum 586, & Analysis infinitorum 288, in nova hac editione articuli Arithmeticæ sunt 396, Geometriæ 601, Trigonometriæ 83, Analyseos finitorum 631, Analyseos denique infinitorum 352. Passim nimirum in singulis istis Matheseos partibus interspersa sunt, quæ adhuc ad perfectionem Operis desiderari posse videbantur, vel viam ad ulteriora sternunt. Speciminis loco nonnulla commemorabimus. In Arithmetica inter ea, quæ addidit, comparat modus numerum occulte scribendi, examen additionis per subtractionem septenarii una cum alio per additionem & subtractionem absolvendo, examen subtractionis per novenarium, examen multiplicationis per abjectionem novenarii, examen simile divisionis, theoremata nonnulla de rationibus ad demonstrationes in disciplinis ceteris facilitandas utilia, caput integrum novum de Logistica decimali & decimum de sexagesimali. In Geometria præter theoremata & corollaria, passim interspersa, & praxes aliquot Geometricas accessit caput integrum de sectione planorum. In Trigonometria addidit, quæ circa analysin triangulorum obtusangulorum difficultatem facessere poterant tyronibus, nisi clarissime exponerentur, & Trigonometriæ usum in Geodæsia amplificant. In Algebra adjecta fuere problemata, quæ vel utilitate sese commendant, vel quædam artificia analytica animis discipulorum insinuant, una cum constructionibus novis nonnullarum formularum geometricis & corollariis utilibus. Ita ex formula

algebraica, qua summa progressionis arithmeticae exprimitur, methodo vere analytica deducit, numeros quadratos prodire ex summatione imparium. Miræ facilitate solvit problema de inveniendis numeris imparibus, quorum additione prodit numeri cujuscunque dati potentia data, ut procreatio potentiarum cujuscunque gradus ex additione numerorum imparium sine ullo negotio innotescat, quæ adeo operose inquisita fuit in Miscellaneis Berolinensibus. Si enim numerus terminorum parium sit n , idemque radix data, exponens dignitatis m & terminus primus imparium x ; erit $x = n^{m-1} - n + 1$. In doctrina de sectionibus conicis analytice pertractata varia accessere, quæ in altioribus sunt usui. Adjectæ etiam fuere plurimarum curvarum algebraicarum geneses. Elegantiâ inprimis sunt problemata, quæ methodo de maximis & minimis illustrandæ accessere. Et in calculo summatorio ea inprimis problemata addidit, quæ calculum satis perplexum requirunt, qualia sunt quadratum Conchoidis *Nicomedis*; sinus versi ex dato arcu determinatio, rectificatio arcus elliptici & hyperbolici, itemque logarithmici, chordæ arcus rationem datam ad alium habentis ex hujus chorda data inventio, sectorum ellipticorum & hyperbolicorum quadratura, tractoriæ analytica investigatio & alia hujusmodi plura. Inprimis vero notandum est, cum Autor, Philosophiam certam ac utilem effecturus, Mathematicarum notitiam amplificet, ut ad illam capeffendam animi defæcti præparentur, nuperque in Opere Logico methodum, quæ convenit doctrinæ solidæ, accuratius delineaverit, quam hætenus ab aliis factum fuerat, ac inprimis genuinam demonstrationum formam distincte exposuerit, eum demonstrationes ita digessisse, ut exempla regulis ad amissim respondeant, & elementa hæc manu assidua volventibus naturalis ratiocinandi modus sua veluti sponte sese insinuet nascanturque in animo ideæ, quæ ad leges Logicæ, de qua in Actis diximus, sint compositæ.

**DE LUMINIS AFFECTIONIBUS SPECIMEN Physico - Mathematicum JO. RIZZETTI, in
duos**

duos libros divisum ac Eminentiss. Principi S. Rom. Eccl.
Cardinali DE POLIGNAC &c. dicatum.

Tarvisii, typis Eusebii Bergami, Venetiis apud Aloisium
Pavinum, 1727, 8.

Alph. 1 Tabb. 22. 4.

Non emittendum putavimus librum, etsi serius ad nos allatum, qui in rebus ad Opticam pertinentibus complura nova pollicetur, iis omnino contraria, quæ huc usque a *Newtono*, *Bernoullio*, atque aliis recentioribus Philosophis, non sine magno eruditorum assensu sunt allata. Neque enim solum repetit in hoc Opere Clariss. Autor, quæ in Actis nostris passim contra placita istorum virorum disputavit, sed & novam luminis ac colorum theoriam affert, quam lectorum iudicio relinquentes paucis nunc exponemus. Et totum quidem Opus divisum est in libros duos, quorum alter continet affectiones luminis refracti & reflexi; alter colorum theoriam. Primum in quatuor Capita partitus est Nobiliss. Autor. In uno docere instituit, canones *Bernoullianos* ad refractionem pertinentes tum Geometriz tum naturæ legibus repugnare. Et quia nonnihil in aliorum quoque sententiis desideratur, ea datur explicatio, quæ refracti luminis proprietatibus quam aptissime convenire censetur. Scilicet transeunte lumine ex uno medio in aliud diversæ densitatis, sinus angulorum incidentiæ & refractionis non resistentis mediis reciproce (quod vult *Bernoullius*) sed facilitatibus, quibus lumen in iisdem mediis propagatur, directe respondere, porroque hanc actionem luminis leges communicationis motus, quæ in corporibus non elasticis obtinent; sequi perhibetur. In altero Capite indicatur, *Newtoniana* experimenta, circumstantiis mutatis, & etiam alia, diversæ colorum refrangibilitati repugnare, adeoque lumina cujuscunque coloris esse æqualiter refrangibilia. Atque in hoc & sequentibus Capitibus ea omnia repetuntur, quæ cum Cl. *Richter*o, Collega nostro perquam industrio, in his Actis Suppl. T. VIII Sect. XI p. 484, Cl. Autor disputavit. Alacriter is ubique in sua sententia perseverat. Oculum nudum atque ejus humores, pro lentibus vitreis majoribus rite substitui posse

posse, etiamnum judicat. A panno nigro chartæ bicolori sub-
 jecto, & forte ab ipsis intensissimis tenebris, (quæ si pro panno
 nigro chartæ illi rite circumfunduntur experimentum *New-*
tonianum eo melius succedit, cum pannus niger non ni-
 si ad qualemcunque tenebrarum imitationem adhibeatur)
 satis notabilem radiorum vim reflecti, & limbum coloratum
 circa chartam oriri, non minus quam a panno candido, affir-
 mat. Colores, qui permanentes vocantur, & a lumine directo
 illustrantur, alia inclinatione radios reflectere, quam illos co-
 lores, qui pro apparentibus habentur, atque a refracto lumine
 producuntur, certissimum ponit. Nec minus in ea sententia
 persistit, objectum quodlibet per lentem opticam ab oculo,
 ubivis ultra vel citra focum constituto, ita perspicui, ut a singu-
 lis objecti particulis, non per singulas lentis particulas, sed per
 integram lentem, radii ad oculum transmittantur. Cum ima-
 ginem solis oblongam & coloratam, per prisma rite projectam,
 interposito alio prismate, ex certo intervallo intuitus esset *New-*
tonus, eamque contrahi in circulum & coloribus confusis albam
 apparere vidisset, *Rizzettus* similem imaginem, coloribus per-
 manentibus depictam, simili modo aspexit; quam cum colo-
 ribus turbatis (ut par erat) nec rotundam nec satis albam ap-
 parere observasset, id pro re *Newtonianis* inexpectata & maxi-
 mopere molesta habet, quam a *Ci. Richtero* neglectam esse, oppi-
 do inique fert. Ut vero illius argumenti *Newtoniani* vim in-
 fringat, quod desumptum est ab inclinatione imaginis oblongæ
 solaris, per duplex prisma, horizontale & verticale, transmissæ,
 hujusmodi perexpeditam in promptu habet responsionem: si ge-
 mina prismata, inquit, sibi invicem ita cohareant, ut axis unius
 sit horizontalis, & alterius verticalis, manifeste patet, ex duobus
 prismatibus tertium componi, cujus axis ad horizontem inclina-
 tur. Demonstrationem rei, juxta ipsius opinionem tam manifesta,
 omisit, quam tamen lectoribus paullo minus perspicacibus invi-
 dere non debuisset. Sed hæc relinquenda sunt, ne longi simus. In
 tertio Capite docentur leges, quibus lumen refractum dispergi-
 tur. In quarto de reflexione radiorum differitur, canonesque
 huc pertinentes tum *Bernoulliani* tum *Newtoniani* rejiciuntur.

Prin-

Principium Autoris primariam hoc est : actionem luminis in refractione eas sequi leges motus, quæ spectent ad corpora elaterii expertia ; in reflexione vero eas, quæ pertineant ad corpora perfecte elastica. Atque ut omnes affectiones luminis ex uno in aliud medium transeuntis, vel in uno eodemque medio euntis & redeuntis, explicentur ac demonstrentur, sufficit (iudice Autore nostro) lumen vel luminis vehiculum materiam esse, quæ componatur elementis, aliqua cohesione inter se conjunctis, & in nisu inclinationis facile sejungendis. Quare hac luminis natura operante, omnia, quæ ad ejus refractionem, dispersionem & reflexionem pertinent, hoc unico principio ostenditur in conclusione primi libri expediri. Transit deinde in secundo libro Autor Nobiliss., ad theoriam colorum, quos gigni ex variis modificationibus lucis & umbræ, seu clari & obscuri, vetus sententia fuit. Nec dissentit Noster, nisi quod ad modum attinet, quo lux & umbra se invicem afficiant in producendis coloribus ; hoc enim nec permixtione, ut antiqui voluerunt, nec interceptione, ut recentiores quidam contendunt, sed potius velo quodam diaphano, inter objectum & oculum interposito, fieri docet. Hujusmodi igitur est argumentum secundi libri, quæ Prolusione incipit, quatuor Capitibus progreditur, & conclusione tandem absolvitur. In Prolusione exponuntur *leges, quibus colores in lumine objecti opaci radiantis per alterum pellucidum exhibentur.* In primo Capite notatur, colores naturales, qui ubique conspiciuntur, in cælo, terra, & mari, a principiis tum *Newtoni* tum aliorum abhorrere, at cum legibus inventis pulchre congruere. In altero indicatur, experimenta *Newtoniana* pro coloribus apparentibus explicandis, dogmati illius autoris (mutatis circumstantiis) repugnare, dogmati vero novo respondere. In tertio de phænomenis halonum, Parheliorum, iridis, differitur. In quarto de coloribus agitur phantasticis, & eorum quoque mysterium ex nova theoria aperitur. In conclusione totum suum systema quasi in synopsi Autor exhibet ; quod etiam a nobis paucis nunc exponendum est. In perceptione cujusvis coloris fundum quoddam opacum aspiciatur per medium pellucidum, vel etiam per plura ejusmodi me-

dia. Porro utraque illa res, tum fundum opacum tum medium pellucidum, motum aliquem in oculum imprimunt. Hinc duplex oritur motuum illorum diversitas. Nam ex una parte referuntur motus alius ad objectum remotius, tanquam ad fundum opacum, & alius ad propinquius, tanquam ad medium pellucidum; ex altera parte motus alius majori, alius minori vivacitate præditus est. Vocetur A vivacitas motus relati ad objectum remotius, vel ad fundum opacum, & appelletur B vivacitas motus relati ad objectum propinquius, vel ad medium pellucidum. Quibus ita positis, 1) si excessus, quo A superat B, est magnus, color emergit ruber, magis vel minus saturus, prout ille excessus major vel minor est; 2) si parvus est is excessus, color exilit flavus, qui vergit ad rubrum vel album, prout idem excessus minus vel magis accedit ad nihilum; 3) si hujusmodi excessus est nullus, color apparet albus vel cinereus vel niger, prout quantitates A & B (servata inter se æqualitate) majores vel minores vel nullæ sunt; 4) si excessus propositus ex positivo in negativum transit (quantitate B superante quantitatem A) oriuntur colores cæruleus & violaceus; 5) si excessus, quo B superat A, est magnus, color videtur cæruleus, qui magis vel minus satur, majori vel minori hujusmodi excessui respondet; 6) si hic excessus est parvus, cernitur color violaceus, qui vergit ad cæruleum vel nigrum, prout idem excessus ad nihilum magis vel minus accedit; 7) si tandem hujusmodi excessus est iterum nullus, iterum colores redeunt niger, cinereus, vel albus, prout quantitates B & A (æqualitate inter se servata) nullam vel minorem vel majorem vim habent. 8) Si præter geminos motus, quorum sunt vivacitates A & B, tertius etiam accedit, relatus ad objectum (*sive ad aliud medium pellucidum*) propinquius illo, cujus vivacitas est A, & remotius illo, cujus vivacitas est B, hujus tertii motus vivacitas vocetur C. Quo posito, si C est major, quam A & B, convenientibus iis, quæ geminos colores faciunt, cæruleum (vel violaceum) & flavum, componitur viridis. 9) Si vero C est minor quam A & B, ita ut simul convenient ea, quæ geminos iterum colores faciunt, flavum & cæruleum, (vel violaceum,) color viridis rursus emergit;

git; 10) at si C est minor quam A & B, ita ut ea simul convenient, quæ geminos alios colores faciunt, rubrum & cæruleum, (vel violaceum,) color oritur vinosus. Hi sunt canones *Rizzettiani*, ad genesis colorum pertinentes; quos invenit doctissimus Autor, dum chartam (tanquam fundum opacum) aliquando albam, aliquando nigram, aliquando a sole illustratam, aliquando ab umbra obscuratam, per vitrum aspexit Astroitem; quod vitrum natura album & pellucidum, modo a sole illustratum modo ab umbra obscuratum, aliquando tenue, aliquando crassius fuit. Applicata autem hos canones ad omnia tria colorum, quæ ipse distinguit, genera; scilicet ad colores naturales, apparentes, & phantasticos. Si quæris, cur corpora quædam flava vel rubra appareant, id propterea fieri docet *Rizzettus*, quia minimæ illorum particule, interius opacæ, & exterius pellucidæ, minus vel plus albescent interius, & nigrescant exterius. Similiter si rogas, cur corpora quædam violacea vel cærulea appareant, respondet Noster, hoc inde fieri, quia minimæ illorum particule nigrescant interius opacæ, & data ratione albescant exterius pellucidæ. Porro si scire cupis, quid ita corpora quædam viridia videantur, respondet Autor, quia in minimis illorum particulis ea simul conveniunt, quæ colores faciunt flavum & cæruleum, (vel violaceum,) hoc est, quia particule interiores albescentes, tanquam fundum clarum, per exteriores, tanquam per medium pellucidum prius obscurum, & postea clarum, transpiciuntur. Duo adhuc exempla colorum phantasticorum afferemus. Queritur, cur oculis per aliquod temporis spatium in solem intentis, ac postea ad albam chartam delatis, spectrum solare, variis successive coloribus tinctum, in charta appareat. Hoc problema ita solvit *Rizzettus*, ut dicat, imaginem solis absentis in oculi fundo manere eodem tempore, quo imago chartæ præsentis in idem fundum imprimatur: si igitur, inquit, imago solis maxima vivacitate pollet, & charta ab umbra obscuratur, idem erit, ac si radiaret fundum clarum per medium obscurum, ideoque spectrum videbitur rubrum vel flavum; si porro imago solis languescere incipiet, & a majori lumine ita charta illustrabitur, ut hujus imago pari vivacitate,

ac imago solis, donetur, idem erit, ac si radiaret fundum clarum per medium clarum, & ideo spectrum videbitur album, ejusque color a colore chartæ distingui non poterit; si tandem imago solis valde languida fuerit, & ita charta illuminata, ut hujus imago vivacitate præpolleat, idem erit, ac si radiaret fundum obscurum per medium clarum, & ideo spectrum videbitur cæruleum vel violaceum. Solent feminis morbo hysterico laborantibus objecta alba tanquam variis coloribus tincta apparere. Hinc ex paritate effectus etiam pares esse causas Autor colligit. Afficitur igitur, docente *Rizzetto*, fundum oculi in ejusmodi femina eodem modo, ut in homine, qui spectrum solare in charta conspiciere videtur. Nempe in utroque casu res ita se habet, ut geminæ imagines agant, altera impressa ab objecto præfente, altera vero impressa in primo casu a causa quadam interna, (quæ Physicis investiganda relinquitur,) & in secundo a sole, qui paullo ante præfens fuerat. Atque hæc quidem speciminis loco sufficiant.

AN ATTEMPT TOWARDS A NATURAL
History of the Fossils &c.

i. e.

TENTAMEN HISTORIÆ NATURALIS
Fossilium, sive Catalogus Fossilium, quæ collegit
J. WOODWARD, M. D.

Tomi II.

Londini, apud F. Fayram, J. Senex, J. Osborn, & T. Longman,
1729, 8.

Alph. i plag. 20.

SUPRA Mense Jun. p. 270 recensuimus Opus posthumum Celeb. Autoris, quo methodum tradidit, fossilia in certas classes, concinno ac maxime naturali ordine, distribuendi. Nunc etiam de fossilibus omnis generis, summo studio, per quadraginta fere annos, ex toto terrarum orbe ab eo collectis, & juxta methodum illam digestis, pauca quædam commemoranda sunt. Catalogum igitur Collectionis Fossilium; *Woodwardianæ* hic liber

ber complectitur, qui divisus est in duo Volumina five Tomos. Volumen primum duabus absolvitur Partibus; quarum una de fossilibus Anglicanis propriis ac naturalibus, altera de fossilibus Anglicanis extraneis & minus proprie ita dictis agit. Fossilia Angliæ naturalia, secundum methodum Autoris supra traditam, in undecim classes discescunt. Extranea sunt vel vegetabilium vel animalium partes, e telluris visceribus erutæ. Partes vegetabilium in duas classes distinguuntur. Harum una plantarum folia lapidibus immissa comprehendit. In altera, quæ rursus quadrifariam divisa est, primo quidem loco turfæ seu cæspites, gramina, sarmenta, nuges &c. deinde arborum & arbutorum partes, porro lignum putrescens, ac postremo fructus recensentur. Partium animalium sunt classes XV; quarum unam occupant conchyliæ univalvæ, alteram turbinatæ, tertiam bivalvæ, quartam multivalvæ, quintam echini, sextam corpora echinis affinis, septimam entrochi & trochitæ, octavam asteris & entrocho-asteris, nonam crustacea, decimam piscium partes, undecimam partes quadrupedum, duodecimam corpora marina (præsertim conchyliæ) massæ lapideæ confertim immissa, decimam tertiam fossilia quædam incognita, decimam quartam cochleæ terrestres, ac denique decimam quintam musculi fluviatiles. Inter duodecimam ac decimam tertiam quatuor insertæ sunt mantissæ: quarum una agit de conchyliis quibusdam marinis e terræ visceribus in agro Hantonensi erutis; altera de rebus nonnullis fossilibus in itinere septentrionali A. 1700 collectis; tertia de testis, aliisque animalium marinarum partibus, incerti generis; quarta de conchyliis fossilibus aliqua injuria affectis, attritis, erosis, compressis. Adjecta etiam est appendix, varia corpora recentioris originis complectens, quibus usus est Autor, ut cum iis comparare atque etiam magis illustrare ista antiquiora & vere antediluviana posset. Atque hæc de primo libri Volumine. In altero partim fossilia Angliæ, cum naturalia tum extranea, quibus successive apparatus suum auxit Woodwardus, sex diversis catalogis recensentur, quippe quos in unum redigere, propter plurima negotia atque impedimenta, Autori non licuit; partim etiam fossi-

lia aliarum regionum, ex universo fere terrarum orbe collecta, parique ratione in naturalia & extranea divisa, exhibentur. Ceterum & horum non unus sed quadruplex catalogus est, nec classes & earum ordo a prioribus magnopere differunt. Quemadmodum autem fossilia Anglicana pleraque, cum quoad locum eorum natalem, situmque & nexum subterraneum, tum quoad propriam figuram, colorem, interiorumque dispositionem & naturam, variis experimentis investigatam, diligentissime Autor persecutus est; ita etiam de fossilibus exterarum regionum, quanquam circa ea pari studio versari non potuit, multa tamen passim affert, quæ ab autoribus & amicis fide non indignis, simul cum ipsis earum rerum exemplis, accepit, ad historiam naturalem fossilium amplificandam, oppido utilia ac necessaria; neque etiam in Præfationibus & annotationibus, per universum Opus crebro interjectis, ea prætermisit, quæ harum rerum studiosis satisfacere ac singulari usui esse possunt. Quod si igitur eam historię naturalis partem, qua fossilia comprehenduntur, non plane perfecit Autor, haud parum tamen ad perfectionem ejus, in posterum multo facilius promovendam, contulisse dicendus est.

*HORÆ SUBSECIVÆ MARBURGENSES
A MDCCXXIX, quibus Philosophia ad publicam privatamque utilitatem aptatur, Autore CHRISTIANO
WOLFIO, Consiliario Aulico Hassiaco, Mathemat. ac
Phil. Prof. Primario in Acad. Marburg. & Ordinis Philosophorum p. 1. Decano, Prof. Honorario Petropolit. Societ. Reg. Brit. ac Bor. Sodali. Trimestre
Vernale.*

Frankfurti & Lipsiæ, in Bibliopolio Rengeriano, 1729, 8.

Plag. 12.

PRimo loco Autor agit de hypothesebus philosophicis. Constituitur hypothesis philosophica, iudice Nostro, per ea, quæ sumuntur ac si essent, utut haudquaquam demonstrare valeamus,

mus, quod revera sint, quoniam per ea ratio reddi potest phenomenon, quæ observantur. Condi adeo hypotheses, ubi vel observationes sunt incompletæ, vel principia generalia deficient, ut ex effectu causa certo colligi possit. Iis adeo locum non esse concedendum, ubi ad veritatem liquidam pertingere datur, nec eas esse admittendas tanquam principia in demonstrandis dogmatis, quibus ad dirigendas actiones opus habes, ubi praxis incerta periculosa, quemadmodum in moralibus & Medicina. Admittendas adeo esse in Philosophia, quatenus ad veritatem liquidam inveniendam viam sternunt, exemplo Mathematicorum in Arithmetica & Astronomia. Quodsi ergo ex hypothesis non nisi rationem reddas eorum, quæ observantur, & iis, quæ a priori inde colliguntur, non utaris nisi ad examina hypothesis, ut earum veritas vel confirmetur, vel error, si quis admissus fuerit, corrigatur; ab iis nullum metuendum esse errorem, sed veritatis sperandum multiplex incrementum. Hypotheses philosophicas non modo absolute possibiles esse debere, sed iis positis, poni quoque debere, quæ observantur, & his sublatis, illas quoque tolli debere. Ostendit deinde impossibilitatis hypothesis demonstrandæ modum, nec non veritatis colligendæ methodum tradit. Ex genuino autem hypothesis usu tolerantiam earum probat, qualem ipsi Curæ Romanæ non improbari, exemplo hypothesis eos terræ motæ docet. Rationem deinde reddit, cur diverso tempore diversa experiantur fata hypothesis philosophicæ, & prudentiam politicam circa hypothesis philosophicas delineat exemplo Ministrorum Sæcorum in causa *Pufendorffii* adversus *Schwarzium*, Theologum Londinensem, comprobata.

Secundo loco explicat definitionem justitiæ *Ulpiani* l. 10 ff. de J. & J. atque ejus consensum cum notionibus *Aristotelicis* monstrat. Justitia definitur ab *Ulpiano*, quod sit constans & perpetua voluntas jus suum cuique tribuendi. Eandem definitionem per voluntatem contendit Noster, quia ad eam potissimum requiritur, ut quis alteri tribuere velit jus suum, absentibus licet omnibus rationibus extrinsecis, motivis non nisi ab actione, quatenus iusta est, desumtis. Per constantiam voluntatis intelli-

gen-

gendam esse firmitatem propositi in dato quocunque casu, ita ut voluntas per motiva ab actione desumpta determinata nullis rationibus extrinsecis a proposito alteri tribuendi jus suum se dimoveri patiatur, quæ in casibus singularibus sese offerunt. Voluntatem vero dici perpetuam, quatenus illa propositi firmitas in omni casu adesse debet. Constantem adeo & perpetuam voluntatem *Ulpiani* esse definitionem habitus moralis, quem virtutis genus facit *Aristoteles*. Extra systema enim definitionem generis integram poni posse loco generis in definitione speciei. Jus, quod alteri tribuendum, denotare facultatem agendi moralem, ut, quod quis physice facere potest, idem etiam salva lege facere possit. Idem adeo tribui alteri, quatenus eum non impedimus, quo minus agat, quod moraliter, hoc est, salva lege agere potest, eique præstamus officium, ad quod præstandum eidem obligamur. Hanc *Ulpiani* definitionem ad eam justitiam pertinere, quam *Aristoteles* particularem appellat, & opponi universali, quæ sit complexus omnium virtutum, quatenus ad commune civitatis bonum tendunt, atque adeo per relationem virtutis uniuscujusque ad alios, præsertim eos, qui in eadem nobiscum societate civili vivant, constituantur, ita ut e. g. temperans sit justus, quatenus opes suas non profundit, ut oneribus Reip. pro parte sua ferendis sit par, & justus erga alios, quatenus exemplo suo docet alios. Ita enim eundem tribuere & Reip. & singulis civibus jus suum. Expendit deinde *Celeb. Autor* divisionem justitiæ particularis in distributivam & commutativam, docetque, quomodo in illa geometrica, in hac arithmetica proportio observetur. Justitia distributiva dividi, quod commune est, hoc est, quod ad cives tanquam membra societatis civilis spectat, inter partes alicujus societatis, ne ulla conquerendi causam habeat, quasi sibi majus imponatur onus, quam alteri, cui majus vel æquale imponi debebat, aut alter sibi injuria præferatur. Observari hic proportionem geometricam, quatenus onera civibus ferenda proportionantur lucro, quæ percipiunt, & honores meritis in Reip. munera aptitudini, quam quis habet, ad ea obeunda. Justitia commutativa tolli querelas in commutationibus partim spontaneis, partim invitis. Dicitur autem

com-

commutatio actus, quo aliquid, quod erat Titii, transfertur in Mevium, quales sunt contractus, furta, rapinae. In iustitia commutativa uni demum, quod plus habet, detractumque addi alteri, qui minus habet; quod ut fieri possit, in commutationibus iniuriis sive delictis aestimandis, siquidem tolli debeant querelae, spectari debere & damnum illatum, & offensam, qua tum civem quoad personam suam privatam, tum Rempublicam laesit. Observari hic proportionem arithmeticam, quatenus retributio ita fieri debet, ut ea facta status Titii ac Mevii quoad bona fortunae idem sit, qui fuerat ante commutationem, consequenter ut, quae erat status Titii ac Mevii differentia ante commutationem, eadem sit post retributionem, quoad bona scilicet fortunae, respectu huius commutationis. Doctrinae huius Aristotelicae cum definitione *Ulpiani* consensum demonstrat, quatenus sic demum redditur unicuique in omni casu jus suum.

Tertio loco Autor docet successivam assensus generationem, quae ideo obtinet, quod probatio assensum neque certum, neque probabilem extorquere possit, nisi singula principia & probe perspecta, & familiaria sint. Perspecta nobis esse principia, si eam in nobis notionem excitare valeamus, quae determinationes tam subiecti, quatenus sunt ratio sufficiens praedicati eidem tribuendi, quam praedicati, quae cum illis una ponuntur, repraesentat. Perspicui veritatem propositionis, dum & de veritate principiorum demonstrandi, & de forma demonstrationis nullum nobis supersit dubium; probabilitatem autem agnosci, ubi de probabilitate unius alteriusve principii, de veritate ceterorum, de forma denique probationis, vel de requisitorum ad veritatem insufficientia fuerimus convicti. Atque hinc deducit, quomodo assensus non nisi successive generari possit, ita ut assensuum quaedam genealogia concipienda sit, vi cuius posterior sine quodam anteriore nasci nequit, non nisi ex systemate veri nominis agnoscenda. Hanc rationem sibi fuisse, cur non modo Mathematicam universam in istiusmodi systema harmonicum redegerit, ad quod deinde facile referre licet, quae praeter veritates in systemate extantes vel alibi leguntur, vel a nobis ipsis primum inveniuntur; sed idem quoque magis difficili labore circa

Philosophiam molitur, quemadmodum ex Logica & Philosophia prima jam publici juris facta appareat. Deducit hinc necessitatem systematis veri nominis, modum legendi scripta systematica, modum evitandi precocem aliorum impugnationem, modum evitandi precipitantiam in judicando, modum eradicandi praejudicium nimis confidentiae, cautamque veritatis communicationem ac defensionem. Docet praeterea, cur methodus studiorum non sit indifferens, ubi solidam doctrinam consequi volueris, ut nihil lateat in notionibus obscuri, nec in ullo casu assensus in aliquid precarii resolvatur, & qua ratione notionem pragmaticam successivae assensus generationis consequamur, lectione nimirum systematum veri nominis, quae in Trimestri brumali delineavit, ea quidem attentione facta, ut appareat, quomodo claritas & evidentia sequentium a claritate & evidentia antecedentium pendeat. Fieri scilicet subinde debere analysin definitionum sequentium in anteriores & terminos primitivos, qui absque definitione sumuntur, ad intuitum rei praesentis reducendos. Fieri praeterea debere analysin demonstrationum sequentium in propositiones antecedentes, & axiomata, quae sine probatione ulteriori sumuntur, reducenda esse ad exempla, per quae notio clara ipsis respondens sit evidens.

Quarto loco Noster de notionibus directricibus disserit, & gentinum usum Philosophiae primae aperit. Per notiones directrices intelligit eas, per quas apparet, quo cogitationes meditantis sint dirigendae, ut reperiatur, quod quaeritur. Notiones ontologicas directrices esse probat, quod principia ontologica, quam primum a notionibus confusis ad distinctas revocantur, dirigant intellectum in veritate agnoscenda, five ea a nobis investigari, five ab aliis investigata dijudicari debet: id quod unusquisque in se ipso experiri possit, modo notiones ontologicas distinctas ex Philosophia prima Autoris sibi familiares reddiderit. Et sane non desunt, qui hunc usum cum in Medicina, tum in Jurisprudencia se expertos esse publice jam professi sunt, ex quo illa publici juris facta fuit. Ut vero Autor ipse fidem seculatam efficiat, unum alterumque exemplum proponit. Agit
deinde

deinde de usu notionum ontologicarum in arte inveniendi, quem olim distinctius se expositurum promittit, ubi artem inveniendi in systema reduxerit. Explicat etiam usum notionum ontologicarum in demonstrando, in reducenda Mathesi & Philosophia ad sensum communem, in docendo, in augendo acumine, in arcendo scepticismo. Reducit *Euclides* Mathesin ad notiones communes, tum demonstrationes in principia ontologica resolvit, quibus notiones communes respondent. Et ejus exemplo Philosophiam reducit ad sensum communem, si propositiones determinatae demonstrantur, & demonstrationes reducuntur similiter ad principia tanquam prima, quibus notiones respondent, communi usu in ratiocinando approbatae, nec in dubium revocandae, nisi te sensu percipere negare velis, quae percipis. Quemadmodum vero *Euclides* istiusmodi principia de quantitate, de qua utiliter tractare ipsi propositum fuerat, non repperit nisi in Philosophia prima, quae notiones quantitatis generales easque primas explicat; ita nec Philosophum istiusmodi principia de rebus ad se pertinentibus alibi reperire posse ostendit, quam in Philosophia prima. Etenim Philosophiam primam agere de ente in genere, atque adeo primas explicare notiones, quibus aliae priores dari nequeant. Notiones istas esse hominibus omnibus communes, etsi confusas, iisdemque uti ratiocinantes in casibus obvis omnes, quatenus ex notionibus confusis species quaedam ratiocinii nasci potest, & si quae praeterea occurrant, easdem in Ontologia ipsa ad communes per demonstrationes reduci. Atque ideo in Philosophia prima se ostendisse, quod notiones distinctae, quas dederit, & in quas ceterae per demonstrationes resolvantur, sint communibus conformes, quamvis etiam inter notiones derivativas haud paucae occurrant, quibus confusae communes respondeant. Monet itaque, se Philosophiam, dum eam certam efficere studeat, ad sensum communem reducere, resolutis tandem demonstrationibus omnibus in notiones communes, & his ulterius reductis, quando fieri id potest, ad notiones communes, alias simpliciores, ut primitivarum numerus admodum exiguus evadat. Hinc porro infert, rigorem demonstrandi cum reductione Philosophiae

phiz ad sensum communem subsistere posse, atque adeo multum aberrare a vero, qui, cum se solos alta videre glorientur, tractationem superficialiariam cum reductione ad sensum communem confundant, quasi Philosophi sit, in notionibus confusis, quæ vulgo sunt, acquiescere, & cum eodem terminis ac iudiciis vagis ratiociniisque confusis inhærere, peccatum vero is committat, ubi notiones a se invicem separat, quæ in rebus involvuntur, & in simpliciores resolvit, quamdiu datur, ut in omni proposito casu accurate discerni possint, quænam in notione confusa contineantur. Post tam præclaros Ontologiz usus hactenus non animadversos, urget etiam aliam prorsus inexpectatum, nempe usum notionum ontologicarum in dirigendis actionibus liberis, adeoque earum influxum in prudentiam tam publicam, quam privatam. Hujus specimina se in posterum daturum promittit.

Ultimo tandem loco officium hominis circa injurias explicat, quod continetur verbis Christi *Matth. V, 39*, colaphum in dexteram malam impingenti alteram obvertere jubentis. Ex contextu probat, Christum præceptum suum opponere legi talionis. Legem talionis fuisse forensensem sive civilem, quæ cum ex notione justitiæ commutativæ fluat, quatenus circa commutationes invitas versatur, ipsique Deo approbata fuerit *Exod. XXI, 22, 25, & Levit. XXIV, 19, 20*, injustitiæ accusari nequeat, utut in executione pœna talionis vi principiorum moralium & politicorum in pœnam aliam ex æstimatione injuriæ & ex eo, quod rei publicæ intererat, ne quis facile alterum lacessere auderet, determinandam converti debeat, & a Judæis quoque in eo casu, quo capitalis non erat, in multas gravissimas conversa fuerit. Christum itaque præceptum suum juri talionis non opponere tanquam legem civilem civili, sed tanquam legem naturæ legi civili: civilem enim subinde a naturali recedere & aliqua eidem superaddere, in quorum numero etiam sint pœnæ civiles. Hanc oppositionem ex ipso quoque contextu probat, Pharisæis legem civilem cum naturali, seu, ut Theologi loquuntur, forensensem cum morali confundentibus. Inde colligit verbis Christi eam respondere notionem, qua officium circa injuri-

jurias jure naturali continetur. Ex notione igitur amoris, quod sit ea animi dispositio, qua ex alterius felicitate eam voluptatem percipimus, quam ex propria percipere solemus, consequenter & ex infelicitate alterius eum dolorem, quem ex propria percipimus, demonstrat, morum regulam hanc esse, ut habeamus animum ab omni cupidine vindictæ vacuum. Hunc verbis Christi apte exprimi porro ostendit. Talem enim exprimi actionem externam, qua posita animus quoque ab omni cupidine vindictæ vacuus ponatur, actionem vero hanc sapienter eligi specialissimam; ne notiones in animo recurrentes sua destituantur claritate. Nimirum in exemplo colaphi in maxillam impacti tres distingui posse casus. Aut enim eum, qui colapho cæditur, alteri vicissim alapam impingere, aut non impingere, aut alteram malam eidem obvertere. In casu primo jure civili cum naturali per abusum juris talionis confuso vindictæ cupidinem & odium inimici prodi; in secundo rationem esse posse geminam, vel quod sibi metuens a majori malo vindictam differat, ab ea autem non abstineat, vel quod animum habeat a vindictæ cupidine alienum, non tantummodo simulet, ut adeo cum omissione actionis non necessario jungatur animus a vindictæ cupidine alienus; in tertio denique animum ab omni vindictæ cupidine necessario procul remotum esse. Christum igitur ad casum tertium provocantem notionem animi ab omni vindictæ cupidine procul remoti in eo, qui verba ejus percipit, excitare, vel saltem eam ita disponere, ut in dato casu judicare possit, citra omne erroris periculum, se esse ab omni vindictæ cupidine prorsus alienum. Etenim tum demum nos intelligere, quod animus sit ab omni vindictæ cupidine vacuus, ubi ita dispositum sentiamus, ut injuriam, quam perpessi sumus, denuo perpessuri nihil in nobis deprehendamus, quod nos ad averſandum disponat. Probat etiam exemplo Christi *Luc. XXIII, 34*, ab Apostolo nobis commendato *1 Petr. III, 23*, eidem animum a vindictæ cupidine alienum fuisse. Etli autem animum a vindictæ cupidine alienum habens, si per eam fieret, injuriam sibi illatam vindicari nollet; id ipsum tamen non obſtare ex collisione regularum de amore amicorum &

inimicorum ostendit, ut, quantum Reip. interest, vindictam magistratui committat, nec eam obflare in statu naturali defensionem, adeoque nec juri inculpatae tutelae, quando ex statu civili in naturalem quasi detrudimur.

HISTOIRE DE L'ACADEMIE FRANCOISE
par Mr. PELLISSON.

hoc est,

HISTORIA ACADEMIÆ GALLICÆ, AB
ejus inde origine ad Annum usque MDGLII deducta,
Autore PAULO PELLISSONIO; editio secunda,
cum Notis & Additamentis.

Parisii, apud Jo. Bapt. Coignard fil. 1730, 12.

Alph. 1 pl. 14.

HISTOIRE DE L'ACADEMIE FRANCOISE
par Mr. l'Abbé d'OLIVET.

h. e.

HISTORIA ACADEMIÆ GALLICÆ AB
Anno MDCLII ad Annum MDCC continuata per
Abbatem OLIVETUM.

Parisii, apud eundem, 1730, 12.

Alph. 1 pl. 15.

Non incelebre est Pellissonii inter prioris seculi eruditos nomen & fama, quantum variis atque singularibus fatis, tum vero scriptis etiam quamplurimis acquisivit. Biterris Occitaniz urbe A. 1624 parentibus, *Calvini* placita amplexis, editus, humaniores primum artes, mox Juris scientiam Tolosæ tanto cum successu imbibit, ut vix adolescentiam egressus, Gallicam versionem primi libri Institutionum Justiniani cum plausu ederet. Non multo post Parisios adit, Valentino Concerto, primo Academiae Gallicæ Secretario, a suis commendatus, qui mirifice ingenio juvenis atque doctrina delectabatur. In patriam tandem

dem reversus patris instituto, fori negotiis se applicare cepit, non multum vero profecit, quod morbilli, molestum morbi genus, ipsum statim fere post muneris auspicia occupantes, prosternerent vires corporis. Hujus rei tedium levaturus, postquam cum salute in gratiam redisset, Parisios repetiit, vix agnitus familiaribus externo corporis habitu, quod adeo misere faciem deformavissent morbilli, nisi ingenii præstantia eundem *Pellissonium* amicis persuasisset. Coluit tum inter hos maxime *Saracenum* (Sarasin) atque *Scuderiam*, doctissimam feminam, præcipue autem *Fouquetum*, magistrum rationum primarium, qui & in familiam ipsum acceperat. Cum hoc patrono suo A. 1661 carceri publico (*la Bastille*) inclusus, pessime aliquandiu habitus est, adeo, ut cum deprehensum fuisset, commutare ipsum frequenter cum *Scuderia* sua litteras, omni chartæ atque atramenti, librorum etiam cujuscunque generis, usu ipsi severissime interdiceretur. Libertati post quatuor annos vel tandem restitutus, & duo millium thalerorum stipendio annuo à rege ornatus, ut sine offensa inter aulicos degere posset, A. 1670 Pontificiam religionem Carnuti publice primum professus est, & mox Clerici habitum indutus. Probavit post hæc maxime suis tum editis theologiæ argumenti scriptis plurimis, tum suppeditatis consiliis pro convertendis aut evertendis potius a Romana fide alienis zelum suum, osorem se vero simul cætus, quem deseruerat, demonstravit abunde. Doctrinæ interim ingenique ipsius elegantiam, & tum versa tum soluta oratione scribendi facultatem exosculati sunt semper omnes, qui suo quaque rem pretio æstimare didicerunt. Insigne hujus monumentum præter alia præsentis maxime *Gallicæ Academiæ Historia* reliquit, de qua cum nondum, quod meminimus, in Actis nostris dictum fuerit, licet pridem in vulgus exisset, libri summam strictum placet edisserere. Rogatus aliquando ab amico quodam suo, quem *de Faure Fondaments* vocari compertum est, *Pellissonium*, ut litteris conderet historiam illustris illius societatis, quæ pro perficienda lingua Gallica coaluerat Parisiis, aggressus est opus tanto lubentius, quanto magis scriptis Academiæ Commentariis adjutus, tum etiam variis

corvorum narrationibus instructus fuerat. Ipsum opellæ ambitum in quinque Partes commodissime dispersevit, ita ut primum de fundatione illius, quæ A. 1635 regia autoritate corroborabatur, differeret; tum leges & statuta, quibus societas continetur, exponeret, notatis simul solícite conventuum ordinariorum diebus, loco aliisque circumstantiis; post hæc enarraret, quid a prima inde institutionis periodo pro amplificando sermone vernaculo atque emendando suscepit; porro res quasdam memorabiliore, quibus ipsum hoc argumentum optime collustratur, annotaret; denique Academicorum omnium ad annum usque præteriti seculi quinquagesimum secundum curatam notitiam exhiberet, quos inter qui satis ante hoc tempus jam concesserunt, plenius descripti, debitisque doctrinæ atque virtutis elogiis exornati, reliqui concinnius & sumptuosi ferre nominis atque scriptorum indicio recensiti fuerunt. Non caruit plausu hoc institutum, immo vero tum ob rerum jucundam varietatem, tum ob stilii elegantiam avidissime exceptum est ab eruditis, quorum haud pauci serio optabant, ut existeret aliquis, qui continuandum hoc narrationis filum susciperet. Et inventus est tandem dignissimus *Pellissonio* successor & tum ingenii amœnitate, tum doctrinæ copia, omnino suppar, clarissimus *Olivetius*, editis nuper *Huetianis* eruditus cognitus, qui manum labori non infeliciter commodaret. Ille vero hunc instituti modum tenuit, ut, recensito prius *Pellissonii* Opere, quod integre hic recusum sistitur, primamque Partem efficit, brevibus passim animadversionibus annotaret, ubi mutatae sint Academicæ consuetudines insequentis tempore, aut erraverit aliquando antecessor, haud adeo sufficienti rerum notitia instructus, Academicorum præcipue Catalogum retexeret, & variis celeberrimorum virorum elogia ac vitas momentis exornaret. Ubi vero dolet, quod in usum convertere nequiverit Academicæ scriptos Commentarios atque indices, *Pellissonio* usurpatos, qui quidem illo, quod supra dictum est, ad carceres damnato una cum aliis ejusdem autographis interciderunt. Appendicis loco curatum omnium scriptorum elenchum addidit, quæ Academicis autoribus edita, ipsi vero *avroplia* cognita fuerunt. Altera

Part

Pars præsentis Operis, sive *Historia Academia Gallicana continuata*, quam conditori *Oliveto* ad seculi elapsi usque finem diducere placuit, duabus Sectionibus distribuitur. Prima generalis, quæ ad universum corpus cognoscendum pertinent, comprehendit, & quæ ad instituti hujus conservationem atque incrementa faciunt, dilucide atque curiose exponit. Altera ad *singulorum Academicorum historiam* privatam spectans, uniuscujusque vitæ summam, in Academiam merita, subinde etiam scriptorum ingenique monumentorum tum versa tum prosa editorum centuras, quantumvis liberas, modestas tamen, continet. Placuit omnino nobis doctissimi editoris prudens consilium, qui noluit vulgarium Biographorum more minutissimas etiam domesticarum rerum circumstantias tædiose conscriptari, sed illas unice attentione dignas existimavit, quibus viri illi tanquam *Academici* debent considerari; *Ciceronis* in hoc emendatissimum exemplar imitatus, qui in suis de *Oratore* Commentariis illustres Oratores, qui vivendo ipsum antegressi sunt, enumeraturus, quamvis illorum aliqui modo Consules, modo belli duces, modo alia in urbe dignitate spectabiles extitissent, suppressis hæc circumstantiis, tales tantum delineavit, quales orandi facultate unice censentur. Ut speciminis loco, quod alias in more positum est nobis, aliqua adducamus, tanto minus quidem existimamus necessarium, quanto magis persuasum habemus, maximam eorum, qui nostra hæc legunt, partem jucundius ipsum Opus elegans, amœnum, doctum perlustraturam esse.

HISTOIRE LITTÉRAIRE DE LA VILLE

de Lyon.

h. e.

HISTORIA LITERARIA CIVITATIS

Lugdunensis per secula distributa, una cum Bibliotheca Auctorum Lugdunensium tam sacrorum quam profanorum. Auctore P. DE COLONIA, de Societate

Jesu.

Lz

Lugduni

Lugduni in Gallia, apud Franciscum Rigoletum, 1728, 4 maj.
Alph. 4 pl. 2 Tabb. 22. 7.

Lugdunum Musarum castellum bonarumque artium sedem & antiquitus fuisse, & usque ad nostra tempora summa semper eruditionis laude floruisse, neminem fugit. Insigniter igitur de republica literaria meretur Vir Reverendus *P. de Colonia*, Jesuita, quod amplissimam exorsus est historiam rerum ac personarum, quæ isthac in urbe optimas quasque doctrinas immortalis gloriæ commendarunt; quam si pertextet, non Lugdunensibus, non Gallis tantum, sed omnium terrarum eruditis, quibus dignus est, laudes, admurmurationes plaususque extorquebit.

Præsens Volumen historiam literariam civitatis Lugdunensis usque ad finem Seculi sexti tantummodo persequitur: in Præfatione autem doctissimus Autor, quid amplius de hac historia sperare debeamus, largiter exponit, eamque ad hæc usque tempora se deducturum pollicetur. Præfixit autem toti Operi singularem tractationem *Antiquitatum Lugdunensium*, paginis 291 constantem, in qua de prima urbis instauratione & antiquo ejus situ, de ara Augusto dicata, de veteri Lugdunensium commercio ac religione, de Colonia Romana illuc deducta, de exitiali urbis hujus incendio sub Nerone, de quatuor viis, quas Agrippa ex hoc loco partitus est, aliisque rebus antiquis commemoratione dignis, erudite agitur, istaque omnia ex probatissimis historiarum fontibus, inscriptionibus, lapidibus aliisque monumentis fide dignis, comprobantur & tabulis illustrantur quam elegantissime æri incisis.

Ipsa historia per secula distributa est, & *Seculum* quidem primum duobus Capitibus absolvitur, quorum alterum generatim agit de statu rei literariæ in Gallia, illis temporibus, cum prima Lugduni fundamenta jacta sunt, ubi varia de scholis & doctrina Druidum, de veteri Celtarum poesi, de versibus Bardorum, de eloquentia priscorum Segusiorum, præsertim *Plotii & Gniphonis*, *Julii Flori & Julii Secundi*, ex *Pomponio Mela*, *Strabone*, *Diodoro Siculo*, *Cæsare*, *Suetonio*, *Quintiliano*, aliisque Autoribus afferuntur. Caput alterum tres Autores illustres re-

cen-

cenſet, qui ſeculo I Lugduni floruerunt, nempe *Munatium Plancum* Conſulem Romanum, *Claudium* Imperatorem, & *Germanicum* Cæſarem. *Seculo II* unicum tantum Caput dictum eſt, quod tres Epistoſas Martyrum Lugdunenſium, eaſque per breves, nec maximi momenti, explicat. *Seculi III* hiſtoria Capitibus conſtat quatuor, quæ de *S. Irenæi* miſſione, ordinatione, itineribus, ſcriptis & martyrio ſatis erudite tractant. *Seculi IV* Capite primo, de ſcholis municipalibus apud Lugdunenſes, nec non de quibusdam Grammaticis, Poetis & Oratoribus Gallis agitur, nominatim de *Palladio*, *Eumene*, & *Siagrius*: Caput ſequens autem nil præter vitam & acta *S. Juſti*, decimi tertii Lugdunenſium Archi-Epiſcopi, enarrat. Hiſtoria literaria *Seculi V* per Capita tredecim excurrit, quorum prius quidem florentiſſimum rei literariæ ſtatum in civitate Lugdunenſi ſub Burgundionibus & Vandalis depingit, & de *S. Mamerto* ejusque ſatre *Claudio Mamerto* quædam notatu digniora refert. Tria Capita ſequentia patriam, ingenium & ſcripta *Sidonii Apollinaris* quam curioſiſſime deſcribunt. Caput quintum de vita, factis & ſtudiis *Conſtantii*, ſacerdotis Lugdunenſis, *Sidonii* familiaris, nonnulla expromit: *S. Eucherii* autem rebus & Operibus recensendis reliqua omnia impenduntur; qua occasione etiam Capite ultimo de martyrio Legionis Thebæ diſputatur, factique hujus veritas defenditur. *Seculum VI* denique Synodum inter Catholicos & Arianos ſub rege Gondebaldo Lugduni coactam, Leges Burgundicas, inſtaurationem xenodochii majoris, ædificationem pontis ſuper Rhodanum fluvium, exſtructionem templorum *S. Pauli*, *S. Eulaliæ*, nec non Apoſtolorum, ſeu *S. Nizerii*, quæ baſilica eſt, ante oculos ponit, & tandem ſubjicit diſputationem de reliquiis ſanctorum, præſertim de corpore *S. Ennemondi*, quod Lugduni aſſervatur. Atque hic Voluminis hujus primi Hiſtoriæ literariæ Lugdunenſis finis eſt, niſi quod Index ſatis amplus accuratusque agmen claudit.

In hiſ omnibus enarrandis probi Hiſtorici officio dextre functum eſſe doctiſſimum Auctorem noſtrum nemo negabit, qui librum perlegerit. Facta enim, quæ per cenſet, optimis certiffimisque teſtimoniis ut plurimum confirmat, nunquam

patriz, raro religionis præjudicio cedens: scribendi genus servat nitidum & perspicuum, multa licet eruditione refertum, nonnunquam etiam literatorem agit & Criticum, nec sine successu. Exempli causa pag. 17 Hist. lit. versum Juvenalis Sat. VII,

Rufum, qui toties Ciceronem Allobroga dixit, mutando qui in quem, emendat, & ita Rufum a scommate, quod Ciceronis Latinitati inpegisse vulgo creditur, absolvit, ipsumque, quod Gallorum eloquentissimus esset, Ciceronis Allobrogis titulum Romæ sustinuisse, asserit. Quæ omnia ita comparata sunt, ut fieri vix possit, quin Historia hæc literaria-lectorum omnium gratiam sibi conciliet, & ceterorum quoque Voluminum, quæ restant, moveat salivam.

A LETTER FROM ROME, BY CONYERS MIDDLETON, D. D. Principal Librarian of the University of Cambridge.

h. e.

EPISTOLA ROMA MISSA, QUA Comparatio Papismi cum Paganismo instituitur; Autore CONYERS MIDDLETON, D. Theol. & praecepto Librario Academiæ Cantabrigiæ.

Londini, apud W. Innys, 1729, 4.

Plag. 9.

CUM Autor Cl. probe perspectos haberet ritus veteris Romæ gentilis sacros, & ubique eorum vestigia in Roma moderna agnosceret, non ignarus quidem, alios quoque idem jam pridem observasse, nova methodo nec ingrata brevitate hac de re nonnihil ad Amicum Anglum exponere constituit; e quibus pauca nos quoque afferemus. Cum templa ingressus ubique altaria thure fumare videret, statim recordatus est Virgiliani illius Æn. I, 420:

— Ubi templum illi centumque Sabao
Thure calênt Ara, fertisque recentibus balant.

Miratur

Miratur vero, hunc morem ita percrebrescere potuisse ultimis temporibus, cum sub primis Christianismi temporibus in persecutionibus is pro apostata haberetur eoque impurus esset, qui vel summis digitis paululum thuris iniecisset in acerram, & imp. Theodosius eos domibus & possessionibus multandos censuerit, qui in illis imposito thure simulacra fuerint venerati. Quod ad aquam lustralem seu benedictam, ostendit, ipsos Pontificios hunc ritum non inficiari a paganis arreptum fuisse, etsi primæ Ecclesiæ Patres tantopere eum fuerint detestati; & huc præter alia trahit illud Ovidii Fast. II, 45:

Ab nimium faciles, qui trifida crimina cadis

Fluminea tolli posse putatis aqua.

Quod vero eo processerint gentiles, ut, quemadmodum nunc fit Romæ in Festo S. Antonii, quicquid est equorum in urbe, ducatur ad portam Ecclesiæ, ubi aqua lustrali ab uno e Patribus omnes & singuli asperguntur, dato annuo censu, ejus quidem rei, quæ & Mabillonio It. Ital. p. 136 nova & insolita visa est, vix se vestigium reperire potuisse fatetur Noster, nisi forte huc referre velis, quod equi in ludis Circensibus aqua adspergi olim consueverint. Quantum primi Christiani lucernarum usum abhorruerint, ne Deus, qui est lumen luminum, candela opus habere videatur, Lactantii aliorumque testimoniis constat; at illæ hodie in Italia tam sunt frequentes, ut inter tot altaria nullum reperiatur in templis, quod non cereis & lucernis suis coruscet. Votivas tabulas & imagines crurum, pedum, manuum &c. a pauperibus ex cera, a ditioribus ex auro, argentove formatas, quibus pleni sunt omnes templorum parietes, gentilibus non minus frequentes fuisse, vel illud docet Tibulli El. I, 3:

Nunc Dea, nunc succurre mihi; nam posse mederi

Picta docet templis multa Tabella tuis.

Et convenit certe hic ritus paganorum cum Pontificio tam accurate, ut & inscriptiones ipsæ, quæ memoriæ causa ab utrisque positæ sunt, exacte concordent. Pagana est illa apud Gruter. pag. 48:

MINERVÆ MEMORI
CAELIA IVLIANA

Zz 3

INDVL

INDVLGENTIA MEDICINARVM
EIVS GRAVI INFIRMITATE
LIBERATA. D. P.

Christiana altera, quæ Mediolani legitur in templo:

DIVAE SABINAE
LIVIA EUPHEMIA IN
ACERBO STOMACHI
CRUCIATV OPEM NACTA
V. S. MDXI.

p. 30.

31.

35.

Quantum vero emolumentum ad utrosque, gentiles & Pontificios, ex donariis his redundarit, Delphicum Apollinis templum apud veteres, & apud nostros Idolum Lauretanum testari possunt. Jam quod ad cultum imaginum attinet, quem ipsi quoque sapientiores gentiles & in his Numa ipse, Romanorum legislator, sublatum voluerunt, Christiani vero Imperatores cum profanum, abominabilem, impium, severissimis legibus prohibuerunt, eundem cultum tam solícite deinceps a Papicolis revocatum fuisse, observat Noster, ut in iisdem templis, quæ Deastris olim sacra fuere, iisdem locis, quibus illorum statua reposita olim fuerat, nunc Sancti cujusdam statua compareat, non minori superstitione culta. Immo se annotasse notat in templo S. Agnetis veterem Bacchi juvenis statuam nunc Sanctam illam repræsentare, paucis tantum, quæ ad habitum spectant, immutatis. Sic ut olim Pantheon, hodie Rotunda, Jovi & Diis omnibus sacrum fuit, ita idem templum a Bonifacio VIII B. Virgini Mariæ & Sanctis omnibus, templum *Vestæ* B. Mariæ Solis, *Fortunæ Virilis* Mariæ Ægyptiæ, *Saturni* S. Adriano, *Romuli & Remi* Cosmæ & Damiano, fratribus germanis, *Divi Antonini* S. Laurentio dedicatum est. Singulare etiam, quod de æde Romuli eodem in loco posita, quo antea infans expositus fuerat, ut in Tyberi periret, refertur, quam Romanæ matronæ cum recens natis liberis infirmioribus sæpe olim adierunt, sanitatem hoc modo ac firmitatem liberis suis conciliaturæ; ne quid ergo ad superstitionem deinceps etiam deesset, querendus erat templo Sanctus, qui liberorum patronus esset, atque ita substitutus pro Romulo S. Theodorus, nec unquam Noster templum

plum hoc ingressus est, quin adgeniculantes coram Sancti statua
fœminas observaret, infantulas ulnis vel gremio gestantes. Ad
nomen etiam allusum fuit sæpius, ita ut, quod Apollini sacrum
olim fuit templum, S. Apollinari, quod Marti, S. Martinæ con-
secratum fuerit, ut taceam, adhuc hodie altaria S. Baccho, Quiri-
no, Mercurio, Nymphæ & similibus dedicata Romæ passim
spectari. His dictis Autor ostendit, qua ratione tot novi San-
cti producti fuerint, cum ex *Soracte* monte S. *Orestus*, ex verbis
Præfectus VIARum, S. *Viar*, ex vestimenti genere, quo indutus
fuit S. Albanus, S. *Amphibolus*, ex sudario, quod *veram Iconem*
Salvatoris repræsentabat, S. *Veronica*, ex aliis rebus alii repente
Sancti nati fuerint. Addit Autor cruces vel capellas arasque in
viis publicis vel in edjctissimis montibus erectas plane ad mo-
rem paganorum, qui Diis vialibus, semitalibus, compitalibus,
aras vel statuas erigebant & floribus eas ornabant; processiones
item publicas, quarum idem plane nunc ritus, qualis olim eth-
nicorum apud *Apulejum* & alios; flagellantium furorem, quem
jam Seneca castigavit; miracula denique monachorum fraudi-
bus debita, quæ omnia ex vetustissimis Poetarum gentilium fa-
bulis orta fuisse demonstrat.

P. 37.

38.

40.

44.

50.

51.

BIGÆ LIBRORUM RARIORUM, QUORUM
I Chorographia W. LAZII, II Historia Gothica ÆN.
SYLVII, hucusque inedita & inter ejus scripta nun-
quam commemorata. In lucem protulit A. R. D. RAYM.

DUELLIUS, C. R. qui etiam Præfationem
præmisit.

Francof. & Lipsiæ, 1730, fol.

Alph. i pl. 134.

Sæculi nostri felicitas est, quod non solum innumera monu-
menta inedita primum, sed & edita rariora, denuo in usum
reipublicæ literariæ divulgantur. Vtroque modo suam Histo-
riarum studiosis probat industriam Rev. *Duellius*. *Lazii* nomen
diu inter eruditos notum est, sed scripta pleraque numero 27
hodie latent in penetralibus Bibliothecæ Vindobonensis, quorum

Cata-

Catalogum habemus in Præfat. *Duellii*. Erunt forte, qui desiderio ea cognoscendi minus capiantur; quia plerique hodie autorem tanquam fabulosum nimisque credulum omnino fastidire solent. At ille excusatione utitur ætatis, qua vixit, per quam quippe non licuit omnes eluctari scopulos Historiarum. Sufficit, eum non per socordiam lapsum esse; quare in Præf. L. X. Chronogr. Austr. p. 73 castigat eos, qui creduli fuerunt fabulis, nec perquisiverunt, quæ passim in vetustis cœnobiiis Diplomata extabant. Constat ergo apud æquos rerum æstimatores *Lazio* sua laus & fides. Laudanda est hominis industria, quam in patriæ rebus illustrandis collocavit, nec tam defuit ei diligentia in conquirendo, quam iudicium in examinando ac digerendo. Feliciter illi patuit accessus ad reconditissima tabularia, quorum subsidiis instructus non solum reliqua sua Opera, sed inprimis hanc *Chorographiam Austriæ* aggressus est. Prodiit ea quidem jam tum A. 1561 in fol. Viennæ, sed ob paucitatem exemplorum tam rara fuit, ut in una tantum atque altera patriæ Bibliotheca extaret, & a viris peritissimis pro inedita haberetur. Vener. *Duellius* tribus impressis exemplis usus est, quæ inter se contulit & diversitates quasdam (quod mireris) annotavit. Absolvitur Opus Libris XI, ita ut provinciæ Austriacæ veteres, earumque antiqua facies, copiose ac luculenter explicentur, Principumque ac Nobilium familiz ex rarioribus & fide dignis, quoad ejus fieri potest, documentis contexantur. Ceterum in derivationibus Autor, pro more suo, plerumque labitur & offendit, quod exemplis aliquot demonstrari posset, sed brevitatis causa uno erimus contenti. In

Conf. p. 58. descriptione Apennini montis L. VIII p. 56, profert monumentum vetustissimum ac nobile de *Valle Pennina*, hodie vulgo *Püntzgau* item *Phyntzgetal*, eamque sive ab Hannibale *Pennino*, sive a *Vennonibus*, sive denique, quod *venusta* sit, appellari putat; cum autorem verioris opinionis sequi potuisset *Livium*, qui L. XXI c. 38 a *Jove Pennino*, quem gentes semigermanæ in summo vertice colebant, nomen inditum esse tradit. Certe hinc manifesta est ratio nominis Germanici *Püntzgau* & *Phyntzgetal*, & cur hodieque in illis terris dies Jovis *Phintztag* vulgo

vulgo appelletur. *Lazio* propter argumenti affinitatem accedit *Andreae Rapicci*. Tergestini J.Cei Historia ad Sigismundum Bar. in Herberstein carmine scripta. De *Aeneae Sylvii Historia Gothica*, nihil est quod memoremus, nisi esse Epitomen *Jornandis*, ex Codice Monasterii Gottwicensis a *Sylvio* excerptam, quae vitiose passim scripta, segetem tamen variarum lectionum ad *Jornandis* Getica suppeditare potest. Ante aliquot annos B. *Habnii* *Aeneae* hujus historiam anecdotam & arcanam de amoribus *Casp. Schlickii* edidit; nunc Vener. *Duellius* aliud ejusdem Opusculum aequè incognitum, munere Viri egregii, *Apostoli Zeni*, primus ex Codice (uti credit) unico in lucem profert. Cujus quidem gloriae fructum editor aliquis plagiarus paullo post intercipere conatus est, dum eandem *Sylvii* Historiam Gothicam, tantummodo in alia chartarum forma, tanquam primum editam sibi vindicavit. Itaque non possumus non, propter rem pessimi inter eruditos exempli, epistolam ipsius Vener. *Duellii* nobis transmissam, hic annectere,

AD CLARISSIMOS ACTORUM ERUDITORUM
Collectores RAYMUNDI DUELLII

σχεδιον.

EDideram nuper sumptibus Gotthardi Büttneri Bibliopole libri cum titulo: Biga Librorum Rariorum, & ultimum in his locum sibi vindicabat *Aeneae Sylvii Historia Gothica*, quam paullo post in quarto, ut Typographorum filii vocare consueverunt, typis excusam, non sine vehementi quadam animi commotione conspexi. Depradicabatur in fronte primum edita, promittebatur luculenta Karoli Newenii Praefatio, tandem deprehendi, (neque longum progressus,) eam ipsam esse Historiam Gothicam, quam ego ex unico, quoad ejus scio, MSCto Codice laudatissimi *Apostoli Zeni*, in lucem protraxi, ita quidem religiose transcriptam, ut ne unguem quidem latum ab editione mea discesserit magniloquus *Thrase*. Perlegi luculentum Praefationem, nulla inibi mei mentio, sed omnia ita dicta, quasi miserrimus proletarii hujusce proemii genitor verus hujusce

prolis pater foret, qui in hoc (quod, nisi facem admoventis, luculentum sane non est) non nisi unum item aut alterum locorum communium ex Autoribus Classicis excerptorum excussit; adeo nihil dignum Aenea Sylvio protulit, eamque ob causam satius mecum aliis, qui cum laude id fecerunt, hanc praefandi sparam reliquisset. Unum tamen in medium adducam, ut sanum ac limatum hominis iudicium penitus perspiciatis: Stylus, ut ipse ait, seculum sapit. Risum teneatis amici! seculum nempe illud barbarie linguae latinae nulli secundum, (si illorum scripta, qui elegantiores literas eo aeo nobis restituerunt, exceperitis,) quod certe non sapit Aeneas Sylvius, uti apud omnes in propatulo est, qui majori cum cura ac industria in hoc studiorum genere versati sunt, quam Editor iste Plagiarius, jocis convivalibus quam libris edendis aptior. Quae cum ita sint, atque in grave rei literariae praedudicium similia vergant, (cui enim studiis dare operam collibitum fuerit, si talia impune liceant?) quaeso illum, quisquis ex vobis fuerit, atque vehementer obtestor, ut in recensione praefati mei libri hac cum publico communicet, verba Martialis mei juris faciens:

Et cum se Dominum vocabit ille,
Dicas esse meos (libellos) manumque missos:
Hoc si terque quaterque clamitaris,
Impones Plagiario pudorem.

JO. GOTHOFR. LAKEMACHERI, GR. ET
Orient. Lingu. P. O. Observationes Philologicae, quibus
varia Antiquitatis Hebraicae atque Graecae Capita, &
nonnulla S. Codicis loca nova luce collustrantur.

Pars I, II, III, IV, V & VI.

Helmstadii, impensis Christ. Fried. Weygandi, 1725, 1727.

1730, 8.

Alphab. 3.

Cum plurima omnino sint, quae nostro aeo singulare decus
atque ornamentum conciliant, tum antiquitatis Hebraicae
Graecaeque studium, quod hodie ab haud paucis mirifice colli-
cepit,

cepit, nunquam satis pro dignitate commendari potest. Præ-
 clare vero insigniterque de re publica literaria pariter, atque
 sacra merentur illi, qui illam scientiam ad enarrandum quo-
 que divinum Codicem conferentes, suas deinceps Observatio-
 nes publicæ luci exponunt. Atque hoc cum integris libris,
 tum & separatim descriptionibus, quæ certo tempore eduntur, viri
 fecerunt doctissimi. Horum, quos ultimo loco commemoravi-
 mus, numerum cum & Clarissimus præsentium *Observationum*
Philologicarum Autor adauxerit: nos dabimus operam, ut, mo-
 re nostro, quæ iis continentur, breviter summamque exhibea-
 mus. In *Parte I* septem inveniuntur observationes. Prima
de tempore agit, quo primum orta sit secta Pharisaica. Idque p. 1-16.
 illa ætas, qua Jonathas Maccabæi cognomen adeptus, Judæo-
 rum rebus Pontifex Maximus præfuit, ex *Josephi* Antiqu. Iud.
 lib. XIII c. 9 constituitur, ubi verbum græcum *ἵερον* aut in *αἵε-*
ῖον commutandum, aut per *ἐξίσταντο*, *ἐξορίσταντο*, latine
 vertendum, ad quem significatum confirmandum allegantur
 exempla. Secunda *de ritibus quibusdam Bacchicis, a Græcis*
ad Judæos recentiores derivatis, & ab his Tabernaculorum 17-78.
festo usurpatis inscripta est, occasione ex *Plutarchi* Sympos.
 lib. IV p. 671 T. II Opp. ejus petita. Recensentur hic quinque hæ-
 cærimoniæ, 1) *nocturna solennitas in atrio seminarum agitata,*
 2) *aqua, ex fonte Siloam hausta, effusio solennis,* 3) *fascicul-*
ramorum, Lulæ dicti, gestatio & concussio, 4) *tibia ante alta-*
re usus, & denique 5) *immoderata hilaritatis signa, præsertim*
comestiones. Quæ omnes primum ex Judaicis monumen-
 tis enarrantur, tum vero cum sacris Bacchicis comparantur, &
 demum in earundem originem curatius inquiritur. Tertia, quæ
 sequitur, *observatio ritum Judaicum, cornua victima inauran-* 79-88.
di, eandemque coronandi, exponit, atque, hunc etiam Judæos
 cum Græcis communem habuisse, demonstrat. Quarta *de*
Jacobo, Esav faciem, ut Dei faciem, vidente, ad Genes. XXXIII, 89-108.
10, 11, differit. Ubi ex utraque antiquitate phrasis, *videre fa-*
ciem Dei, explicatur, ostenditurque, hæc duo, *videre faciem*
Dei, & munus aliquod offerre, connexa semper fuisse, Jacobum-
 que adeo nefas duxisse, ad Esavum sine munere accedere,

- quemadmodum nefas sit, ad Deum sine quadam accedere oblatione. Sed & מִלִּין de *principe* quodam *viro* explicari posse, censet Cl. Autor cum *Onkeloso*, qui מִלִּין habet. In quinta p. 109-143. *de Palo Carni Pauli dato* tractatur, & ad poenae quoddam genus, apud Judaeos usitatissimum, quo nimirum delinquentes flagris caedi moris erat, allusionem fieri docetur. Σκόλοπος voce suas vexationes gravissimas exprimere voluisse Apostolum, idque eo commodius fieri, quo majores erant dolores, quos perpetiebantur rei, cum ipsorum manus columnae, seu palo terrae infixæ, alligarentur utrinque, ita, ut carnem seu corpus incurvum attingeret palus, & huic quasi affixus videretur, dum medio corpore inclinatus in palum incumberet flagellandus. Per ἄγγελον denique Σατᾶν homines intelligi inimicos, qui Paulum indignissime tractassent, pluribus ibidem urgetur. Sexta observatio, quæ de porta templi αἰσάκη, sive amena, ad Act. III, 3, agit, eandem, quæ porta Susan a Judæis usitatiore nomine dicitur, indicari, evincitur. In ea denique, quæ septimum locum occupat, & de Pontifice καθ' ἡμέραν sacrificante, ad Hebr. VII, 27, tractat, paucis monetur, καθ' ἡμέραν idem esse, ac Judaicum illud מִיּוֹם die, scil. anniverſarie expiationis, adeoque ἡμέραν pro festo expiationis, quod מִיּוֹם diem κατ' ἐξοχήν appellabant Judæi, a divino scriptore usurpari. Jam ad Partem II atque III, separatim editas, deproperamus, ac inter Partis I observationes, quarum hic etiam septem nobis exhibentur, primam de oculis, qui Lea vulgo tribuuntur, teneris, ad Gen. XXIX, 16, animadvertimus, ubi verba רְכוּת עֵינַיִם non tam per oculos teneros vel lippos, quam potius per faciem aridam, exsiccam, gracilem & macilentam exponuntur. Altera de Crethi & Pletbi inscripta, utrumque hoc nomen Philistæis, & illud quidem ex Creta insula convenis, hoc vero Philistæis proprie sic dictis, vindicat. Tertia Campum Elysiū in Messenia situm, quarta, per linguas inter Apostolos tributas, Act. II, 3, dialectos varias inter illos distributas significari, probat. In quinta de Judæorum Magis, horumque arte, speciatim de Elyma Mago, ad Act. XIII, 8, multis disseritur verbis. Observatio sexta locum 2 Pet. I, 19, 20, 21, de Lychno lucente in loco obscuro,

ex caerimonia lucernarum Judaicarum illuminatum exhibet. Cujusmodi illustrationem Cl. *Wollium*, industrium laboris nostri socium & consortem, jam cum orbe erudito communicasse, ex Actis hisce A. 1726 p. 410 perspicui poterit. Ultima denique *Pauli cum bestiis pugnam*, 1 Cor. XV, 32, proponens, verbum *Θνησιμαχίαν* improprie explicat. Partis II Obs. 1) de *Salicum ramis, tabernaculorum festo juxta altare holocaustorum statutis*, ad Psalm. CXVIII, 27; Obs. 2) de *ritu capitis in sacris velandi*, ad 1 Cor. XI, 4, 2 Cor. III, 14, 15, exponit, eumque a Romanis ad Judæos profectum ostendit. Obs. 3) *Πρωτοπρεσβυτερος* seu sacerdotem Judæorum Castrensem fictum; 4) *linguam decorum, Homero celebratam*, 5) *Judæos Βδελύκτες ad omne opus bonum αιδουµενοι*, ad Tit. I, 16, describit, perque hos Creteneses intelligit. Consequitur Obs. 6) de *Hierosolyma septuaginta*, ad Apoc. XVII, 9, conjecturas exhibens, & demum 7) *Oratio de utilitate, quam e scriptoribus Græcis profanis capere potest V. T. interpretes*, quam Cel. Autor, munus Prof. Philol. Gr. Ord. A. MDCCXXIV auspiciatus, publice recitavit.

Superest, ut Partem IV, V, VI, hoc ipso anno conjunctim formis descriptas, perlustremus. Partis igitur IV Obs. 1) ad *Exod. XVII, 8 sq.* Moſen non orandi ergo, sed summi potius Imperatoris partes expleturum, in sublime manus extulisse tradit. Obs. 2) ad *Es. LXV, 11*, Gad & Meni eorundem numinum, Græcis *Εκατη & Μηνη* dictorum, habet loco. In Obs. 3) *Imperativis Hoseæ Cap. I, 2, γρη γρη vade, sume*, futuri vis attribuitur. Obs. 4) locum *Hof. III, 1, 2, 3, 4*, & Obs. 5) *Cap. III libri Ruthæ commata 9, 10, 12* interpretatur, indeque studium Philologicum commendandi capitur occasio. In Obs. 6) ad *Luc. XIX, 11*, annotationes reperiuntur, ipsam denique hanc Partem *Oratio, qua studium Rabbinicum a recentiorum quorundam criminationibus vindicatur*, A. MDCCXXVII, cum LL. OO. Professionem sollemniter auspicaretur doctissimus Autor, recitata finit. Partem V inchoat *Observatio*, in qua *Jordanem sub Pischonis nomine latere statuitur*. In Obs. 2) locus *Hof. IX, 8*, in 3) comma 9 erudite explanatur, Obs. 4) de *cognomine Ischariota*, quo appellatus fuit Judas proditor, agit, & illud ex *ישראלי* derivat, ut adeo *Kartanis*, urbis Galilææ sacerdota-

- p. 246—259. *lis, civis vel incola illo designetur.* Obs. 5) ad *Matth. XXVI*,
 259—288. 23, *τρυβλῖς* voce ad *acetabula* respici, 6) *proditionis premi-*
 288—296. *um in ararium sacrum intulisse Judam*, 7) *ἀπαίχθηται*, de
proditoris morte usurpatum, sibi ipsi vitam adimere quocun-
 que modo, denotare docet. In Parte VI, eaque postrema, Obs.
 297—324. 1) *Gosenitidis & in hac Ramsessa situm verum* in tabula *znea*
 325—336. *expressum, descriptumque exhibet.* In Obs. 2) ad *Exod. XXIV*,
 5, per *Juvenes sacrificantes*, *roboro valentes e tribubus qui-*
 337—351. *buscunque intelliguntur.* In Obs. 3) locus *Hof. XI, 5, 6, 7*, in
 352—364. 4) locus *Hof. XII, 4, 5*, copiose explicatur. Obs. 5) ad *Act.*
 364—382. *XXI, 23 sq. conscripta, Pauli Naziratum*, 6) *rationem opti-*
 383—425. *nam linguam hebraicam discendi ac docendi, ubi varia non in-*
 425—432. *utilia commendantur subsidia, & 7) denique, quæ & ultima est,*
Atticismorum cum formulis Hebraicis comparatorum specimen
exhibet.

COMPENDIOSUM LEXICON LATINO-

*Turcico-Germanicum, in quo non solum voces & phrasæ
 usitatæ continentur, sed & earum lectio, adjectis ob-
 servationibus variis ad statum Imperii Turcici Ecclesia-
 sticum, politicum & militarem pertinentibus, cum Præ-
 fatione de lingua & litteratura Turcarum, corruptis-
 que vulgari pronuntiatione nominibus Ministrorum Au-
 læ Turcicæ, ac triplici Indice & Grammatica Turcica.
 Opera ac studio JOH. CHRIST. CLODII,
 P. P. linguae Arabicæ.*

Lipsiæ, apud Wolfgangum Deer, 1730, 8.

Alph. 4 pl. 17.

ETiamsi plures sint causæ, quæ Cl. Autorem ad publicandum
 hoc Opus adduxerunt, in Præfatione allegatæ; una tamen
 maximi ponderis fuit, præsens scilicet temporis ratio, quod
 per typographicam Constantinopoli instauratam rei literariæ
 non leve incrementum accessurum videretur. Officii igitur
 sui esse putavit, curare, ut Turcicæ linguae compendiosum ali-
 quod

quod Lexicon proflaret, plurimis hucusque ignotæ & pro barbara habitæ, cum tamen in ea & librorum exaratorum haud exiguus numerus, & multorum, qui interciderunt, Arabicorum præstantium Codicum versio unice supersit. Quam ob causam peritissimus olim linguæ Arabicæ Professor Cantabrigiæ, *Ocklejus*, Turcici sermonis notitiam, in Præfatione Historiæ primorum Mahummediæ successorum sibi exoptat, ut celeberrimi Historici Arabis *Tabaritzæ* Annales in illa superslites legere queat. Et quis non ad historiæ Byzantinæ scriptores plene intelligendos eam desideret. Tali vero methodo Cl. Autor utendum esse censuit, ut non docti solum, sed & alii cujuscunque conditionis homines emolumentum inde capiant. Quamquam enim inter illos libros, qui ex prelo Constantinopolitano exierunt, Lexici Arabici, a *Gicubario* conscripti, versio in linguam Turcicam recenseatur; attamen præter raritatem, nemini nisi linguæ illius jam gnaro usui esse potest, eruditæ autem Latine illius a *Golio* jam publicata interpretatio sufficit. Quid in præsentî doctissimus Autor noster præstiterit, ex inscriptione facile intelligitur, & quilibet vel ipsius linguæ vel rerum Turcicarum notitiæ paulum cupidus, varias & utiles & jucundas observationes ibi legere poterit, hic denno non excerpendas. Attamen paucas delibare juvat. Nempe postquam in Præfatione de studiis Turcarum, ac de linguæ ipsius indole breviter disseruit, multa aulæ Turcicæ Ministrorum nomina, ut *Seimenbachi*, *Samsonschichi*, *Zagarschichi*, *Lala*, *Nissanschi*, *Mebterbachi*, *Sorbaschi*, *Hammamschi*, *Topschi bachi*, aliaque plura, ut *Soubachi*, *Topchane*, *Tufengchi*, *Jebeli*, *Abdest*, &c. vulgo corrupte promuntiata vocabula, explicat & illustrat, ac dein Lexici sui aliorumque Turcicorum historiam persequitur. In ipso Lexico p. 83 de voce *Bassa*, p. 98 de voce *Cassé*, p. 192 de inferno, p. 289 de *Janissariis* seu militibus Prætorianis, p. 124 de titulo *Ciaus*, p. 213 de *Timariotis*, p. 224 de quatuor paradisi fluminibus, p. 407 de vario militum genere, p. 430 de titulo *Musti*, p. 472 de sigillo, *Kezalak* dicto, p. 496 de precantium ritu, p. 313 & 314, de juris peritis & iudicibus, p. 346 de titulo *Hassas bachi*, p. 392 de medicis, p. 398 de mathemati-

cis, p. 512 de paradiso, p. 545 de philosophis, p. 583 de precum
quotidianarum numero, p. 642 de titulo *Terrific Emini*, p. 707
de cauda equina tempore belli exposita, p. 743 de titulo *Mi-
rabor*, p. 792 de *Tefterdar & Teftur Emini*, p. 770 de titulo
Sultan, p. 772 de *Sunna* seu lege secundaria, p. 812 de Theo-
logis mysticis *Sufi* dictis, p. 862 de titulo *Awschibacbi*, p. 796
de voce *Moschea*, p. 924 de voce *Zecchinus*, p. 925 de voce *Ze-
nit*, p. 927 de titulo *Zulufi* & passim de compluribus aliis
notatu dignis agit. Tres ei Indices adjecti sunt, quorum pri-
mus vocabula Turcica propriis literis, secundus pronuntiatione-
nem earum latinis, tertius germanicam explicationem com-
plectitur, ac earum usus in nova Præfatione monstratur. Gram-
matica etiam subjuncta, cum Præfatione duplici ad historiam
ejus & colloquia inserta spectante, præter regulas, lectionis
quoque & analyseos exempla, ac proverbia Turcica notis illu-
strata continens, sex Capitibus absolvitur.

**THEORIA ET PRAXIS LINGUÆ ARA-
bicæ, seu Compendium Grammaticum, VII Capitibus ab-
solutum, in quo simul Præfatio, usum illius monstrans, &
tria colloquia, appendici de vulgari Arabum dialecto ad-
jecta, cum duobus Capitibus arabice versis continentur.
Cui usus linguæ Arabicæ in *Jiobo* explicando, & Caput
vigesimalium secundum *Alcorani* de Peregrinatione Sacra,
Notis illustratum accessit, opera & studio J. C.**

CLODII, P. P. Lingu. Arab.

Lipsiæ, apud hered. Grossii, 1729, 4.

Alph. I pl. 12.

PRæcedenti Operi aliud ob linguæ & materiæ affinitatem
merito hoc adjicitur, quod ante aliquot annos, cum Profes-
sor Publici linguæ Arabicæ munus, aliarum Europæ Acade-
miarum exemplo, ipsi elementissime demandatum esset, pri-
ma vice evulgavit. Causas hujus instituti ipse in Præfatione
exponit, quam ceu prologum galeatum præmisit, quoniam multi
novi-

novitate rei offensi, & falsa persuasione capti, nullam hujus linguæ vel necessitatem vel utilitatem esse perhibebant. Et quamquam Viri eruditissimi, per omnes Europæ provincias dispersi, contrarium rationibus haud levibus, nec ex cæco studii sui amore profectis, centies uno ore jam asseruissent, attamen Cl. Autor non solum in Programmate inaugurali, de causis contemptus linguæ Arabicæ, sed & in hac Præfatione id confirmare annisus est, ac in alio dein Programmate, Germanorum in has literas merita persequi suscepit. Ac hoc quidem Arabici velut studii proludium, tanta multorum cum approbatione exceptum fuit, ut altera editio hujus Grammaticæ urgeretur, quæ correctior & longe auctior priora est. In hac enim præter varias observationes novas, margini allitas, usus linguæ Arabicæ in exegefi libri Hiobi, ab alio quodam Viro docto editus, accessit, quem, Bibliopolæ precibus commotus, ei adjungi passus est, quanquam singulas illius opiniones suas minime faciat.

Nuper quoque Cl. Autor excerptum Alcoranicum addidit, ut hujus linguæ studiosi lectionem ac analyfin exercere, simulque Theologiam Mohammedicam ex ipso fonte magis, quam ex systematum theologicorum polemicorum rivulis haurire discerent. In eo textus a B. *Hinckelmanno* editus ex MSC. passim emendatus fuit, variantibus Masoretharum veterum lectionibus adjectis, notisque non vulgaribus, quibus & Capitulis inscriptioni, & multis aliis versibus lucem affudit. In una illarum *Hottingeri* errorem corrigit, qui *Beidavium* in Comment. ad v. 25 Cap. VII Corani non assecutus, partim male legit, partim fallaciam compositionis & divisionis admisit, legens *دج* dignitas pro *دج* . b. e. *rasaat* illud, scil. *vocabulum indumenti in nominativo ponit*. In posterum operam dabit, ut specimen paraphraseos Turcicæ Corani rarissimæ prodeat, quam Amplissimi Senatus Lipsienfis Bibliotheca inter MSC. Codices asservat. In præsentî autem Capite de Peregrinatione sacra inscripto, alia quoque religionis Mohammedicæ capita continentur, nempe de creatione, de providentia divina, de uno Deo, ejusque cultu & idolorum vanitate, de oratione & eleemosynis, de bello sacro, de die extremo, de resurrectione, de inferno; quæ ut ex ipso textu Arabico

cognoscant auditores, & ad linguæ hujus studium, satis jam frigen-
s, inflammantur magis, versionem adjicere noluit Autor, &
hos intuens B. *Hinckelmanno* assentitur, quanquam totius Co-
rani versionem non prohibeat, in quo B. *Acolutho* pollicem pre-
mit, ejusque sententiæ accedit.

DAN. MAICHELII, PROF. THEOL. ET
Philos. Tubingensis, Lucubrationes Lambetanae, quæ si-
stuntur Monumenta Literaria Historico-Theologico-
Literaria, &c.

Tubingæ, apud Cottas Fratres, 1729, 8.

Plag. II 4.

INsignis est & multorum ore celebrata Bibliotheca Lambeta-
na, quæ nomen a sede Archiepiscopi Cantuariensis, e regio-
ne Londini ad littora Tamesis posita, Lambeto, derivat. Quam
adire cum non cuivis contingat, siquidem publico usui dicata
non est, operam eruditæ perquam amentam præstitit doctissi-
mus *Maichelius*, quod, cum plures menses Lambetanæ Biblio-
thecæ scrinia hustraverit, ac in palatio Archiepiscopali ipse ha-
bitaverit, rariora inde erudito orbi exponere monumenta de-
creverit. *Articulo I* certe merentur locum ultima verba *Per-*
ronii, purpurati Romani, quibus transubstantiationem vocare
monstrum nequaquam dubitavit. Personam suam, si quisquam
alius, in scena Pontificia egerat strenue *Perronius*, sui que cor-
sus de transubstantiatione doctrinam magna acerbitate defen-
derat; sed, cum animam ageret, eandem, quam paullo ante tan-
to argumentorum apparatu tantoque studio asseruerat, senten-
tiam *monstresam* dicere non erubuit, seque variis politicis cau-
sis prohiberi, quo minus publice errorem confiteatur, adstanti
& revocationem suadenti amico affirmavit. Fidem huic
rei faciunt & Domini *de l'Angle* literæ manuscriptæ, quæ
in Bibliotheca Archiepiscopi Cantuariensis asservantur, & testi-
monium *Drelincourtii*, quod in libro omnium rarissimo, con-
tra Seren. Hassiæ Landgraviæ Ernestum scripto, olim hac de
re tulit. Quorum testimoniorum ne quis sollicitet veritatem,

cum

cum ex limatissimis fidei historicæ regulis, tum ex ingenio *Perronis* in omni genere vitæ vario ac in controversiis sæpe tergiversante, abunde satis veritatem propugnat S. Rev. *Maiche- lius*. *Articulo II* de celebri Expositione fidei *Bossuetiana* dis- serit, ita, ut primum de *Bossueto*, dein de famosi hujus scripti scopo, ac denique de ejusdem fatis multa singularia afferat. Inprimis vero editionem primam, superiorum jussu suppres- sam, ac proinde in optimis Bibliothecis frustra quæsitam, pro- ducit, potioresque lectiones a secunda editione differentes ex- ponit, ut pateat cuilibet, gravissimis in rebus, non in meris vo- cibis, eam fuisse immutatam. *Articulus III* celebris Epistolæ *Chrysostomi* ad Cæsarium, in qua testimonium habetur contra transubstantiationem, fata, aliaque nonnulla huc maxime per- tinentia, explicat, eamque, quam Archiepisc. Cantuar. *Wakius* in Anglia dedit, editionem multis laudibus extollit. *Articulo IV* docet Cl. Autor, Dissertationes posthumas *Petri de Marca* A. 1682 editas mentiri annum, siquidem prima A. 1668 lucem jam viderat. Scilicet est hæc editio eadem, quæ censuram In- quisitorum experta multis in locis mutilata est. *Articulo V* ex editione N. T. Jesuitarum Burdegalensium A. 1668 quædam transcripta nonnullis annotationibus illustrantur. *Artic. VI* agit de Indice Expurgatorio, per *Franciscum Junium* in lucem protracto, ita ut fraudes Pontificiorum in edendis Patrum scri- ptis detectæ, & audacia in castigandis scriptis adhibita, atro calculo notentur. Cum porro in Bibliotheca Lambetana repe- riatur declaratio Patrum Concilii Tridentini, de non frequen- tandis Ecclesiasticis hæreticorum cœtibus, pauca inde descripta & confutata *Articulo VII* exhibentur. *Articulus VIII* vetustis- simum quoddam Rituale Ecclesiæ Sarisburiensis, tanquam hor- rendæ idololatriæ & nefandæ inprimis indulgentiarum merca- turæ manifestum specimen tradit. Deinde *Artic. IX* ex libro *Eman. Gonzalezii* in Decretales *Gregorii IX* dedicatio, ad Mariæ imaginem data, refertur, quæ abominandæ superstitionis plena in libri fronte legitur. *Articulus X* continet brevem *Hier. Bigno- nii* de Electione Papæ libri, quem anno ætatis tertio decimo con- scripsit, recensionem. Tandem *Artic. XI* *Caroli Daubuzii*, Presby-

p. 34.

73.

91.

96.

100.

112.

118.

123.

126.

132.

P. 141.

teri Anglicani Tractatum, qui anno hujus seculi sexto prodierat, de Testimonio *Flav. Josephi* de Jesu Christo, laudat S. Rev. *Maichelius*, eumque hoc in argumento judicat omnibus palmam præripuisse: qua data occasione ipse sententiæ, quæ id geminum pronuntiat antiquitatis monumentum, subscribit. Ultimus isque *XII Articulus* exhibet quasdam considerationes generales, præsentī instituto accommodatas, & in justas laudes Archiepiscopi Cantuariensis, *Guilielmi Walsii*, excurrentes, quem & in Præfatione multa laude ornavit. Hæc fere ea sunt, quæ doctissimus *Maichelius*, & multa doctrina & conspicua in veram religionem pietate, conscripsit, itinerisque fausto omine absoluti fructus esse voluit. Nulli dubitamus, fore, ut luculenta hæc opera, quæ se vario historiæ literariæ apparatu commendat lectori, orbi literato perplaceat. Iopræmis autem Anglorum, quorum consuetudine sese captum proficetur, gratiam favoremque meretur doctissimus Autor, in laudandis quippe *Potteris*, *Bentlejis*, *Davissis*, aliisque haud parvus. Ceterum optamus, ut incubrationum harum continuatio lucem proxime aspiciat.

A LETTER TO A DEIST CONCERNING
the Beauty and Excellency of Moral Virtue, and the Support
and Improvement which it receives from the Christian
Revelation &c.

h. e.

EPISTOLA AD DEISTAM DE PULCHRI-
tudine & Excellentia virtutis moralis, & quomodo illa
fulciatur ac promoveatur revelatione divina Christianis
concessa &c. Autore Viro quodam Ordinis
Eccles.

Londini, sumptibus Joh. Pemberton, 1726, 8.

Plag. dimid. 6.

Licet serius ad nos perlatus sit hic libellus, ejus tamen noticia
Lectorem nostrum desitui nolumus, tum ob argumenti,
quod

quod persequitur, dignitatem, tum ut multis, qui ingenio nonnullorum ex Anglis, omnem religionem revelatam per infidias petentium, nimium tribuunt, constet, non deesse in terris illis viros cordatos, qui subinde vesanum hominum ejusmodi pruritum apposite retundant. Quo applausu scripta illa, ad imitationem græci Philosophi *Theophrasti* Characterum, præfixo etiam titulo eodem, (*Charakteristiks*,) Anglicana lingua composita, nostris temporibus excipiantur, quam pronò in Autorem (*Comitem de Shaftesbury*) affectu a multis legantur, pauci nesciunt. Pauciores forte, quod nimium Autor ille ingenio indulgeat, atque per cuniculos omnem religionem evertere satagat, animadvertunt. Id ergo data opera demonstrare Anonymo hujus libelli Autori, qui, ordini sacro se adscriptum esse, in titulo prodit, propositum est. Et primum quidem quasi in transitu monet, quam male sibi Autor Characterum constet, sincerum atque ingenuum proximi amore passim inculcans, simul vero non modo omnem occasionem captans, qua sacri ordinis vitis petulanter insultet, sed sæpius alieno prorsus loco omnes iras in hoc genus hominum evomens, non criminando duntaxat nonnullos, sed acerrimis dictis universos proscindendo. Monet præterea, quam incongrue Autor iste, qui rationem sanam sequi maxime videri velit, animum inducat ad jaciendos sæpe scurriles in legem rationis jocos, atque adunco, quicquid illa dictitat, naso suspendat. Ad propositum inde accedit, inquisiturus in sententiam illius morum censoris de causis animum hominis ad virtutem flectentibus, quas vel ratio vel revelatio suppeditat, de quibus abjecte nimis judicasse videtur, quando jubet, ut virtutem mortales absque ullius commodi aut præmii respectu colant. Testatur ergo primum, quam alieno ab eorum sententia animo sit, qui privatæ utilitatis amore omne virtutis incitamentum absolvi putant, eamque potius internam virtuti dignitatem vindicat, qua cultores suos allicit, etiamsi nullo prorsus præmio commendaretur. Sicut sanctissima Dei natura ipsi summo Numini regula est, quam præmio nullo inde fructurum sequitur, ita Deum zannulari, quantum humanæ conditionis imbecillitas sinit, & quam

præscripsit, legem non utilitatis inde redundantis intuitu observare, mortales docet. Si privata cujusvis utilitas unica virtutis norma esset, cujusvis generis virtus inter mortales non nisi alia atque alia amoris sui ipsius modificatio futura esset. Detestatus vero ita *Habbesii* sententiam, virtutem omnem ex privato commodo metientis, atque falsus, ejusmodi finem actionum humanarum ipsam virtutem ejusque naturam ingredi non debere, illorum tamen opinioni subscribere recusat, qui omne præmium ita a virtute sejungunt, ut nec comitari illam patiantur. Quid enim vetat, virtutem cum regio morum doctore ita depingere, ut altera manu varia vitæ hujus commoda, altera beatam immortalitatem largiatur? Sed diserte *Characterum* illorum Autor negat, metum aut spem cum virtute convenire, aut in una sede morari posse, quin potius ex cognitione præstantiæ & dignitatis justitiæ illam unice scaturire. Metuit enim, ne, cum amoris sui ipsius vitium mortalibus naturale admodum sit, crebro exercitio, dum, animi affectibus indulgendo, virtuti litare nobis videamur, illud sensim ita indurescat atque confirmetur, ut, quem publico bono debemus, amor ejusque sensus tandem plane in animo nostro obtundatur atque deleatur. Aliis dijudicandum relinquit *Noster*, annon *Scriptor Characterum* (nunquam vero eum nominat) hisce argumentis astute hominibus suggerere studeat, quod rationes, quas religio Christiana ex futuræ vitæ conditione, & rerum, quæ oculis subjici nequeunt, avide a Christianis expectandarum deliciis, pro commendando virtutis studio promit, eandem prorsus evertant. Ipse argute demonstrare suscipit, quod privati commodi cura bonum publicum sæpe mirum in modum promoveat, & quod argumenta, quibus virtutem revelatio suadet, illam nec infringant nec enervent, quin confirmet potius ac augeant. Provocat ad experientiam, quæ, ipso iudice, testatur, illos mortalium inprimis, quibus de futuræ vitæ æternæ præstantia ac luculentis bonis optime persuasum est, eo animi candore & sincero in cives affectu præditos esse, quem *Characterum* Autor tanquam certissimum virtutis fulcrum prædicat passim atque inculcat. Immo rara admodum inter mortales virtus futura

futura esset, si ex cognitione dignitatis ejus unice ipsam pendere juberemus, cum perpaucis illam satis meditari aut intelligere datum sit. Confirmatur præterea egregie virtus in hominibus ipsam dignitatis ejus ac excellentiæ causa amplexantibus, si respiciant excelsa illa bona, quæ in omne genus humanum inde redundant, maxime illa ratione proposita, quæ Christiana religio eadem offert. Equidem Adversarius naturalem & si ita loqui fas est, paganam virtutem multis laudibus passim extollens, & infinita præmia false simul rideus, quæ de futuræ vitæ statu sententia sua sit, diserte haud explicavit. Veritati tamen cedere coactus fatetur, præmiorum ac poenarum virtutem in hac vita comitantium principium, licet servile admodum ac mercenarium ipsi videatur, sæpius tamen ex multis rationibus virtutem inter homines admodum stabilire ac confirmare. Qui vitiiis jam immergi sunt, pædagogico quasi hoc æ præmiis ac poenis desumpto argumento in viam revocantur, at surdas profecto aures pulsaret, qui multa intempestive de interna virtutis excellentia differeret. Romani ac Græci, qui patriæ ita se devoverant, ut fervorem ipsorum, quo rei publicæ bono studabant, demirari par sit, nunquam tamen hoc solum fine agebantur, sed gloriæ simul studio exstimulabantur, avide quippe hoc expetentes, ut nomen suum redderent immortale. Quidni igitur virtutem quoque ex vario respectu ac fine quæri patimur? *Socrates* discipulos suos jubebat virtuti sacra facere, non solum virtutis causa, sed ut Deo quoque placerent, ejusque favorem sibi conciliarent. Cum vero *Socrati* a nemine id exprobratum sit, Noster nec Christo aut Mofi illud vitio verti debere contendit, quod virtutis studium non una de causa & præmiis quoque propositis commendent. Concludit igitur, Deum ipsum & naturam virtuti, per se omnino ac propter internam excellentiam amandæ, prudenti consilio varia etiam proposuisse præmia, quæ Stoico fastu seponere nefas sit, atque plures ex novi fœderis scriptoribus sacris historias exemplorum loco adducit, quibus probat, quam pura sit illa virtus Christiana, cujus studium largis præmiis commendatur.

THE DISPENSATORY OF THE ROYAL
College of Physicians in Edinburgh.

i. e.

PHARMACOPOEIA COLLEGII REGII
Medicorum Edinburgensis, ex Latina in Anglicam trans-
lata & Notis illustrata a PETRO SHAW,
M. D.

Londini, apud Wilhelmum & Johannem Injys, 1727, 8.

Plag. 19.

CUM ad Medicinam rite faciendam accurata materię medicę notitia, genuinaque medicamentorum præparatio & compositio maxime sit necessaria; ars Pharmaceutica ubique ab ingeniosissimis Medicis excolta est, ut singulę fere civitates proprias suas habuerint Pharmacopœas. Hinc suarum etiam partium esse duxit Collegium Regium Medicorum Edinburgensium, dum adhuc in cunabulis esset, de norma prospicere Pharmacopœis, juxta quam medicamenta forent elaboranda, quam ante hos octo annos limatam atque auctam lingua Latina luci publicę exposuit. Quod Dispensatorium cum accurata congestum sit methodo, simplicium catalogum in fronte, & in singulorum Capitulorum calce canones generales pro medicamentorum præparatione rite instituenda exhibens, operę pretium se facturum existimavit Clariss. Shaw, cujus Praxin Medicam novam in Actis A. 1727 Mense Martio pag. 125 commendavimus, si in Anglicum idioma traduceret Pharmacopœiam hanc Edinburgensem, notisque ex *Savary* Lexico, *Lemery* Cursu Chymico, Commentariis Societatis Regiæ Paris. *Boerhaavi* Chymia & Praxi, ac *Quincy* Dispensatorio, tum etiam ex propria penu depromptis, illustraret, quas ad cognitionem, historiam & selectum simplicium medicamentorumque compositionem quovis modo ducere posse ratus est. Cum igitur Medicorum Edinburgensium acutum judicium in seligendis simplicibus ac singularem industriam in eorundem compositione admodum collaudet, nullum est dubium, quin artis Pharmaceuticę cultores in hoc Dispensatorio inventuri sint, quod in aliis frustra quæsierint.



ACTA ERUDITORUM,

publicata Lipsiæ

Calendis Septembris Anno MDCCXXX.

GOTHA NUMARIA, SISTENS THESAURI FRIDERICIANI numismata antiqua aurea, argentea, ærea, ea ratione descripta, ut generali eorum notitiæ exempla singularia subjungantur; Autore CHRISTIANO SIGISMUNDO LIEBE. Accedunt ex ANDRÆE MORELLII Specimine universæ rei monetariæ Excerpta, & Epistolæ tres EZ. SPANHEMII, quibus rariores ejusdem Thesauri numi-
illustrantur.

Amstelædami, apud R. & J. Wetstenios & G. Smith, 1730, fol.
Alph. 6 pl. 16 cum Tab. æn. plurimis passim insertis.

JAm pridem pro incredibili, quo flagrat, bonarum literarum amore votis omnibus expetendum duxit Serenissimus Princeps, *Fridericus II*, Dux Saxonum Gothanus, gentis *Ernestinæ*, fecundissimæ illius a *Friderico Placido*, una cum *Albertina* progenie, dignitatis hodie Electoralis hærede, ad hæc tempora feliciter deductæ propaginis Senior, ut numophylacii sui, a majoribus quidem, inprimis avo, *Ernesto Pio*, relictæ, sed ante hos septendecim annos invidendo maximis regibus exemplo semel ita aucti atque adornati, ut inter celebriora non tantum Germaniæ nostræ, sed & universæ Europæ cultioris numerari jure possit, descriptio quædam extaret, quæ, velut in tabella, ostenderetur amplitudo, selectus ac præstantia ejus, & usus ejusdem, qui accedentium nemini non patet, ab-

sentibus etiam, & lucem inde ad humaniores disciplinas, imprimis philologiam, antiquitates & historiam, uberius excolendas petentibus, communis redderetur. Quod nihilominus lustra plus quatuor effluxere ante, quam votorum suorum consequi summam utcumque potuit Princeps laudatissimus, factum cum difficultate operis, quod indefessam diuturnamque plurimum, delineatoris nempe, sculptoris & Autoris, nihil aliud eodem tempore agentis, diligentiam sibi depoposcit, tum obitu prematuro viri doctissimi, *Christiani Schlegelii*, quem in medio conatu eandem sibi nominis famam ex lucubrationibus, quibus veteres numi explanarentur, comparandi, quam ex scriptis rem numariam medii ævi & recentiorum temporum illustrantibus sibi pepererat, mors oppressit.

Ejus schedas, imprimis promissam illam toties descriptionem aureorum numorum gazæ Fridericianæ, luce donare, quam ingenii sui periculum facere maluisset successor ejus & Collega noster a multis annis maxime industrius, *Christianus Sigismundus Liebe*, si talem eam reperisset, qualem cum aliis sperabat, ac non potius ἀκρίφαλον atque omnino imperfectam, quod ad antiquiores, incipientem a Trajano & cum Severo desinentem, quod vero ad recentiores attinet, paullo quidem ampliorem pleniorumque, sed tamen ultra classem numorum Saxoniorum haud perductam, lacunis ingentibus hiantem, atque ita in iis ipsis, quæ satis elaborata videri poterant, imperfectam ac mutilam, ut publici eam juris facere, nisi famæ alienæ prodigus, nemo posset. Quo pacto cum res sese haberet, inter ipsa novi muneris auspicia ad novum Opus primo quoque tempore condendum animum appulit, non cæca scripturiendi libidine, sed ante omnia Serenissimi Principis voluntate ac mandato, tum & ἐργαζάμενος, quo ille utebatur, venerabilis autoritate & creberrimo hortatu adductus. Quod si suarum rerum rationem habere, quam alienis votis obsequi, fordidoque lucello, quam splendori landique gratiosissimi Domini sui inservire maluisset, elaborando illi expoliendoque haud paullo diutius operam dare poterat, eoque id habitu deinceps proferre in lucem, qui ut minus fortasse invidiæ, ita plus solidæ

de gloriæ verique fructus haberet. At vero & perquam splendide, & si tempus spectes, quo ad describendas schedas, delineandos cælandosque numos, conficiendasque elegantissimas tabulas æneas, & typis, quos fundi novos oportuit, imprimenda omnia opus fuit, satis mature hic liber prodiit, tametsi cum Autor multo ante prodiisse mallet, quod veretur, ne sine forte, qui toto eo tempore, quo sub describentium manu & prelo sudavit, illi limando operam dari potuisse rati, non emendatiorem politioreque datum esse crimentur. Neque enim inficias it, inter festinandum excidisse sibi, quæ vel mutata vel inducta prorsus mallet, alia vero propter idem prope-randi studium sese subduxisse, quæ adjecta ornare Opus & multis modis locupletare potuissent. Sed de his in altera, quam pollicetur, editione, junctim cum recentiorum numorum descriptione, si Deus vitam viresque concesserit, producenda, Autor viderit: nos de præsentis labore pro instituti nostri ratione breviter agemus.

Missæ vero prorsus Dedicatione ac Præfatione, de ipso etiam Proœmio, quod veluti *τηλαυγὲς πρόσωπον* Operi præfixit, & elegantissima longe tabula ænea, quæ numophylacium *Fridericianum* manu celeberrimi *Picarti* sculptum sistit, ornato pauca dicemus. Argumentum ejus huc ferme redit, privatorum hominum opus non esse gazophylacium, quod mensuram nominis sui impleat, sed magnorum Principum; hoc demum pares censerî posse comparando ei & usibus publicis consecrando, augendo item atque ad posteros transmittendo: eam laudem ut sectentur illi, hoc ipsum hortari eos, quod propria Principum sit, quod splendida undiquaque, sive gazam ipsam, sive spectatorum advolantium turbam spectes, ac majestate Principum digna, quod fructus plenissima sit, ac denique, quod magnis nostrorum temporum exemplis, inprimis augustissimi Imperatoris Caroli VI, Regis Gallorum, & magni Hetruscorum, ut & Parmensium Ducis sese tueri possit: his motum Sereniss. *Fridericum II*, Ducem Saxonum Gothanum, relictam a majoribus, præsertim *Ernesto* avo & *Friderico* parente, supellectilem numariam, emto *Antonii Guntheri* Prin-

cipis Schwartzburgici thesauro, ita auxisse atque adornasse, ut præstantissimis Europæ gazophylaciis dubiam reddere palmam possit; eandem ob causam necdum cessare illum a ditando illo magis inagisque; inprimis vero æterna laude dignam esse sapientissimam curam, qua jam ante hos septendecim annos, formula fidei commissa perscripta, providit, ut thesaurus tantus in perpetuum gentis Fridericianæ decus perennet.


Opus ipsum, quod tabulæ æneæ pulcherrime cælatae & cuicunque novæ Sectioni præmissæ, numerorumque icones, suis ubique locis insertæ, velut gemmæ fulgidissimæ, distinguunt, constat duodecim Capitibus, quibus omnes veterum numerorum, quos gaza Fridericianæ complectitur, classes ita percensentur, ut ab initio generatim ostendatur, quam firmæ sint, & quibus rariorum & selectiorum numerorum subsidiis instructæ, tum singularia specimina promantur, & uberiori, si qua indigent, explicatione dilucidantur. His ad propiorem singularum classium considerationem via sternitur, idque ea potissimum ratione, ut vel nondum alibi edita promiscue, vel minus recte aut vulgata aut explanata ab aliis proponantur. Aureos nummos argentei, argenteos ærei ubique excipiunt, agiturque adeo *Capite I* de numis aureis regum atque urbium, quos inter, ut Pharnacem illum, regem regum, a *Morellio* vulgatum, sed hic novis observationibus illustratum taceamus, luce dignissimus haud dubie Cyrenensium numus censendus, qui hinc Victoriam in quadrigis, illinc Jovem ante aram cum patera stantem sistit, addita inscriptione: ΚΤΡΑΝΑΙΩΝ ΠΟΛΙΩΝ ΔΕΥΣ pro ΖΕΥΣ, dialecto Dorica. *Caput II* de numis aureis familiarum Romanarum, quod monumentum illustre celeberrimæ quondam gazæ Mantuanorum Ducum, ante hoc centum annos misere direptæ, cum aquila argentea, perpetuo numerorum horum insigni, exhibet, cum ob penuriam numerorum, qui ad hanc classem pertinent, iusto brevius videretur, nec misceri tamen tractationi de numis aureis Imperatorum Romanorum commode posset, arripuit Cl. Autor inde occasionem, *Morellii* de numis Consularibus Opus adhuc ineditum cum *Vaillantii* simili labore, qui extat, contendendi monstrandique

TAB. IV.

Fig. 1.

p.14.





que per singulas familias eundo, quanto suo cum damno respu-
blica literaria eo Opere careat. Id vero felicibus nunc auspiciis
sub prelo gemit, obstetricem ei manum admovente clarissimo
doctissimoque *Havercampio*, Historiarum Professore in Acade-
mia Lugdunensi, id quod non sine voluptate intellecturos esse,
qui suum his literis pretium statuunt, facile auguramur. *Ca-*

put III, quo de numis aureis Imperatorum Romanorum expo-
nitur, haud paullo plura notatu digna offert. Intelligentium
inprimis oculos ad se convertit aureus Nigriniani numus, ut
ab omni fraudis suspicione liberrimus, ita & rarissimus longe
clarissimoque *Genebrerio*, cujus de Nigriniano ejusque numis
erudita extat Dissertatio, ignotus. Exhibet adversa ejus pars
caput juvenile nudum cum inscriptione: DIVO NIGRI-
NIANO, aversa rogam cum biga imposita & literis: CON-
SECRATIO. Huc spectat & præclarus Maximiani Her-
culei numus, cui similem Diocletiani ex museo D. de Bullon-
feaux Celeberr. *Harduinus* laudat, qui hinc caput Maximia-
ni laureatum cum inscriptione: MAXIMIANUS AV-
GVSTVS, illic Imperatores duos laureatos ac paludatos
exhibet, qui equis phaleratis insidentes adversa fronte congre-
diuntur, dextra elata nescio quid gestantes, sinistra tenentes
bacillum, adjecta epigraphe: ADVENTVS AVGV-
STORVM. Pertinet adventus iste ad A. CCCIII post
Christum natum, de quo videndus Panegyricus incerti auctoris
in nuptiis Constantini & Faustæ, Maximiani filix, dictus. Sed
nefas sit, indictum prorsus hoc loco prætermittere elegantis-
simum quinarium aureum Crispi, in quo FRANCIA legi-
tur, quam vocem nusquam, nisi in duobus Constantini M. nu-
mis occurrere Celeberr. *Harduinus* affirmat. Sistit ille caput
Crispi laureatum ad pectus usque cum lorica, adjectis verbis:
FL. IVL. CRISPVS, & ex altera parte trophæum cum as-
sidente captivo ac literis in margine: GAVDIVM ROMA-
NORVM, & infra: FRANCIA.

Caput IV numos argenteos junctosque illis æreos regum
Macedoniæ, Syriæ, Ægypti, Arabiæ, Parthiæ, Armeniæ, Ponti,
Pergami, Bithyniæ, Judææ, Mauritanæ ac denique Siciliæ

TAB. IV.

Fig. 2.

p. 74.

Fig. 3.

p. 78.

Fig. 4.

p. 81.

TAB. IV.
Fig. 5.
P. 99.

complectitur. Ex regum Macedoniæ numis primum locum minimus quidem mole, sed artificio longe præstantissimus Alexandri M. occupat. Caput maximi regis novæque monarchiæ conditoris in eo nudum, capillis sparsis ac sursum flexis, vultu decenti, sed qui Martem spiret, expressum cernitur. Aversa numi pars leonem cum vectore Cupidine exhibet inscriptionemque: ΑΛΕΞΑΝΔΡΟΥ, ultimis duabus litteris per compendium scriptis, id quod indicio est, cum non Alexandri M. ætate, sed haud paullo serius, ac fortasse Antonini Caracallæ tempestate cūsum esse. Nata inde Cl. Autori occasio pluribus de nota & agendi, ostendendique *παρόραμα* Ill. *Spanhemii*, ex numo, qui in gaza Fridericiana extat, sed ævi sequioris & minus vere descripto ejusdem compendii antiquitatem evincere conati. Factum id ea, quam Viri tanti dignitas & merita in rem literariam infinita jure sibi deposcebant, modestia, quæ nec alibi desideratur, ubi aliquid humani passum eum Autor animadvertit. Huc spectat, quod Ill. *Spanhemius* arbitratur, Gelonem, Syracusarum apud Siculos regem, in numis *Συρακόσιον* appellari, cum Gelous ille patria fuerit, ac proinde ita & in curru æreo, Olympiam ab eo misso, quem *Pausanias* commemorat, inscribatur. Sed ostendit Cl. Autor noster, in numis, ad quos provocat Vir summus, non legi: ΓΕΛΩΝΟΣ ΣΥΡΑΚΟΣΙΟΥ, sed ΣΥΡΑΚΟΣΙΟΙ

Fig. 6 & 7.
P. 148.

ΓΕΛΩΝΟΣ, idque interpretatur: *Syracusani*, *Gelone* nempe rege, quod exemplo duorum numorum, quos & hoc loco exhibemus, luculenter probat. Caput V numos urbium & populorum percenset, inter quos plerique vel plane indichi Celeberr. *Harduino*, cujus de numis urbium & populorum liber, Operibus ejus selectis præmissus, pridem eruditorum hominum manibus teritur, vel ita commemorati ei sunt, ut jure meritoque lectores uberiores explicationem desiderare possint. Ejusmodi sunt numi ΑΙΤΝΑΙΩΝ, ΑΝΤΙΣΣΑΙΩΝ, ΦΑΞΙΩΝ, ΒΗΤΗΡΡΑΤΩΝ, ΕΛΕΥΘΕΡΝΑΙΩΝ, ΙΑΙΤΙΝΩΝ, ΙΤΑΝΙΩΝ, ΟΙΝΙΑΔΩΝ, ΟΛΟΝΤΙΩΝ, ΠΡΑΙΣΙΩΝ, ΣΙΔΗΤΩΝ, ΦΑΛΑΝΝΑΙΩΝ, ΦΕΡΑΙΩΝ & ΦΩΚΕΩΝ, quibus accedunt numismata urbi-

urbium Hispanicarum, quales ACINIPO, AVSA, CAR-
BVLA, CORDVBA, OBVLCO & OSSET. Missis
ceteris pauca de duobus Hispanicis numis afferemus. Alter
est Carbulæ, oppidi conventus Cordubensis, cujus altera pars
caput muliebre, Liviz fortasse, cum Luna crescente exhibet,
altera caput monstrosus Ifidis cum radiis deorsum flexis, qua-
le in imagine occurrit apud *Casalius* de Ægyptiorum ritibus:
alter coloniz Offet, quod COSSET una voce, praeunte *An-*
tonio Augustino, legit celeberrimus *Harduinus* atque ad COS-
SETANOS transfert. Sed, si, quod alibi ab eo factum, *Ro-*
dericum Carum consuluisse, vidisset, legendum esse: OS-
SET, literam autem C. Coloniam designare. Laudat enim
Carus ex *Thesaurio Goltzii* numum, in quo: IVLIA CON-
STANTIA COL. OSSET, quemadmodum & apud
Plinium lib. II c. 6 legas: *A lava Hispalis colonia, cognomine*
Romulensis. Ex adverso oppidum OSSET, quod cognominatur
IVLIA CONSTANTIA.

TAB. IV.

Fig. 8.

p.169.

Fig. 9.

p.193.

Quid jam porro de *Capite VI*, quo numi argentei atque
ærei familiarum descripti comparent, ex quibus ATII BAL-
BI PR. (cujus averfa in parte inscriptio: SARD. PATER)
Q. LABIENI PARTHICI IMPERATORIS, BAE-
BII P. F. RVSTICELII, PVLCHRI IMP. & Græ-
cæ C. VIBII PANSÆ numismata ceteris palmam præ-
riplunt, quid item de sequentibus dicemus, quos instituti ratio
admonet, cavendum esse, ne dicendorum series in immensum
excreseat. Sequitur autem *Caput VII, VIII, IX, X & XI*,
quibus distincte primo de argenteis, ac porro de æreis primæ,
secundæ ac tertiæ magnitudinis Imperatorum numis, ut & de
numismatibus, quæ *Medaglioni* vulgo appellantur, aureis
pariter, argenteis atque æreis agitur. In his quot & quam
rara antiquitatis eruditæ monumenta sese offerunt, quæ spe-
ctari ab harum literarum studiosis sine stupore ac voluptate
singulari haud possunt. Quem non percellat teneatque ad-
spectus aurei numismatis, quo ex antiquis, si *περίφραση*
confideres, majus augustiusque nulla unquam gaza, ne regia
quidem *Verfeliensi* apud Gallos, qui hujus generis merces ex
omni-

TAB. IV. omnibus terrarum partibus incredibili sumtu studioque con-
 Fig. 10. gesserunt, excepta, vidit, quod hinc caput Constantis laurea cin-
 p.360. ctum ad pectus usque, dextra elata cum literis: FL. CON-
 STANS NOB. CAES. illinc Constantinum Magnum in-

ter filios, Constantinum juniorem, Constantium & Constan-
 tem, cum labaro stantem ob oculos ponit, addita inscriptione:

Fig. II. SECURITAS PERPETVA CONS. Quis sine ad-
 p.364. miratione intueatur numisma Græcum argenteum Augusti,
 cujus adversa pars caput illius radiatum exhibet cum literis:
 ΘΣΟΣ ΣΕΒΑΣΤΟΣ ΚΡΗΤΩΝ ΕΠΙ ΚΟΡΝΗ-
 ΛΙΟΥ, h. e. *divus Augustus Cretensium sub Cornelio*, aversa
 caput Jovis diademate revinctum cum inscriptione mutila qui-
 dem, sed ita haud dubie supplenda: ΙΕΡΑ Βουλὴ ΙΤΑΝΙ-
 ΩΝ ΚΡΗΑΤΓΕΝΗΣ, h. e. *sanctum concilium Itanen-*
um, Cretagenes, quod cognomen Jovis in nullis aliis, de qui-
 bus constat, veterum monumentis hodie superest, nisi in alio,
 sed rarissimo Titi numo & una apud *Reinesium* inscri-
 ptione.

Sed quas adhuc Operis hujus Sectiones vidimus, juxta
 cum rarioribus atque ἀνεδότοις etiam minus rara, atque alibi
 edita complectuntur. In duodecimo, quod superest, Capite
 non occurrunt, nisi lectissima, rarissima & adhuc nondum pu-
 blici a quoquam juris facta, quæ maximam partem accessioni
 debentur, qua thesaurus Fridericianus ante quinquennium mi-
 rum in modum crevit liberalitate insigni Celeberrimi *Gottfri-*
di Thomasis, Norimbergensium Medici longe florentissimi, qui
 contentus numorum recentiorum, quem collegit, apparatu
 (est autem ille tantus, quantum privatorum hodie nemo ser-
 vat, & rarissimorum lectissimorumque numorum copia ita
 commendabilis, ut magnis Principum gazis nihil aut parum
 concedat) veterum numorum supellectilem multorum an-
 norum studio a se collectam laudatissimo & generosa, qua
 præditus est, indole dignissimo instituto, thesauri Fridericiani
 loculis permisit. Hinc demum promi specimina, quæ osten-
 derent, quam reconditas ille & absbi non obvias merces com-
 plectatur, hinc ex numis æreis primæ magnitudinis Germa-
 nicus,

nleus, & Agrippa cum Angusti & nepotum C. & L. Czarum capitibus in posteriori numi pagina, M. item Aurelius Antoninus cum Bellerophonte & Pegaso literisque: C. L. I. COR. Tranquillina cum literis Π. Π. quas Πατέρας Πατρίδος vulgo interpretantur, & Hostilianus, ex numis secundæ magnitudinis Nero cum inscriptione averſæ partis: PORTVS FRVCTIF. P. R. C. P. h. e. *Colonia Patrenſis*, & Plautilla cum ſedente averſa in pagina Dea Salute literisque: C. L. I. COR. atque ex aliis horum numorum generibus alia proferri poſſent. Sed præſtiterit Lectorem plus ſatis jam defatigatum ad ipſum ablegare Opus, ut inde plenius curatiusque, quid eo præſtitum ſit, intelligat. Nobis ad alia pergendum eſt, ubi vel verbo monuerimus, ſub finem Excerpta ex *Andr. Morellii* Specimine univerſæ rei numariæ antiquæ, itemque tres Epistolæ illuſtris Viri *Ez. Spanhemii* propterea cerni adjectas, quia numos quondam Arnſtadienſis, hodie Fridericianæ gazæ Duumviri illi præſtantiffimi deſcribunt, quos eam ipſam ob cauſam fere intactos prætermiſit Cl. Autor, quod deſcripti illuſtratiq; jam proſtarent. Notulis tamen quibusdam ſtipavit Excerpta hæc *Morelliana* & *Spanhemianas* Epistolæ, fructu non carituris apud eos, qui, quæ de numis lectiffimis viri laudati memoriz prodiderunt, paullo diligentius expendenda duxerint. His omnibus denique, ne quid omnino juſto Operi deſſe videretur, Indices duo, numorum alter, alter rerum, ſubjecti comparent.

RERUM ITALICARUM SCRIPTORES
ab A. D. ad MD. LUDOV. ANT. MURATORIUS, Ser. D. Mut. Bibl. Præſectus collegit, ordinavit & Præfat. auxit, nonnullos ipſe, alios vero Mediolan. Palatini Socii ad MS. Codicum fidem exactos ſummoque labore ac diligentius caſtigatos, variis Lectionibus & Notis tam veterum Eruditorum quam noviffimis auxere.

Tomus XV.

Mediolani, ex Typogr. Societ. Palat. in Regia Curia, 1729, fol.
Alph. 6 pl. 14.

Titululum paullo, quam hactenus fœvimus, prolixius exposuimus, ne quis nos Cel. *Muratorio* uni omnia tribuere & merita Sociorum Palatinorum Mediol. premere velle criminetur, de quibus quidem quæ in recensione primi Voluminis diximus, ad singulos Tomos pertinent. Inscriptus est hic Tomus a Sociis, interprete *Argelata*, Em. & Rev. Principi *Cornelio Bentivolo* S. R. E. Cardinali, Hispaniarum Regis ad Rom. Pont. Legato, qui Thebaidem *Statii* nobis dedit Etrusco poemate elegantissimo. Prodit vero I *Chronicon Senense* Italice scriptum ab *Andrea Dei* & ab *Angelo Tura* continuatum, ab A. 1186 ad 1352, una cum notis prolixis nec ineruditis *Huberti Benvoglianti*, Patritii Senensis, qui & hoc & alia Historiæ patriæ anecdota, postea publice producenda, e Bibliotheca, qua utitur instructissima, liberaliter Cel. *Muratorio* communicavit, addiditque luculentissimam Præfationem, in qua de pluribus Historicis Senensibus ineditis eleganter commentatur. Non injuria vero vetustissimum Historiæ Senensis scriptorem dixeris *Andream Dei*, qui, ut ex ipso Chronico patet, vixit A. 1328, immo illud, si fides est *Celfo Cittadino* Lib. de Origin. linguæ Senensis, quam tamen dubiam reddit Cl. *Muratorius*, ad A. 1348 produxit, continuatorem nactus *Angelum Tura* scil. filium, *crassum* etiam ab habitu corporis dictum. Singularem vero & valde probabilem idem *Muratorius* de nomine *Dei* hujus conjecturam affert. Observat nimirum, olim inter Italos non paucos a patris nomine cognomentum sibi adscivisse, ut *Pierro di Tegliaccio*, *Francesco di Messer Vanni*, h. e. Petrum Tegliacci filium, Franciscum Domini Vannis filium &c. rursus in more fuisse, nomina quædam contrahere ac veluti dimidiata adhibere: ita enim pro *Alexandro* aliquis appellabatur *Sandro*, pro *Bartholæao* *Meo*, pro *Arriguccio*, ut Noster quidem putat, *Guccio*, pro *Maphao*, sive *Maffeo Feo*, pro *Uguccione Cione*. Itaque Nostro pater *Dei* dictus fuisse videtur *Thaddæus*, quem brevitas

tatis ergo *Deo* vulgus appellabat, ita ut Autor noster *Andrea Deo* seu *di Deo*, seu *Figliuolo di Deo* nominaretur. Succedunt *II Nerii, Donati Filii Annales* ab A. 1352 ad 1381, pariter Italici, pariterque e Bibliotheca Senensi *Huberti Benvoglianti* & cum ejusdem notis editi. Equidem autorem hunc vestium propolis accensendum, ex ipso scripto patet, unde stylus plebejus, & multa immixta sunt inepta, quorum partem rescuit *Muratorius*, qui & causas habere sibi visus est, cur priora, saltem ad A. 1370, *Donato* patri, reliqua tantum usque ad A. 1381 filio tribuenda putet. Reliqua, quæ usque ad A. 1384 accessere, fragmentum esse videntur *Chronicorum*, quæ *Angelo Thura* filio adscribuntur. Excipit hos *Annales III Latinum Chronicon*, *Estense* & Nostro dictum, etsi *Ferrariz*, ubi olim dominabantur *Estenses* Principes, res quoque simul complecteretur, ibique antehac fuerit custoditum; quod cum diu frustra indagasset, postquam *Peregrinum Priscianum*, qui ante annos 250 *Annales Principum Estensium* & *Ferrarensium* rara eruditione conscripsit, sæpe ad vetus quoddam *Chronicon* provocare didicisset, tandem autographum Codicem pervetustum membranaceum in ipsius Bibliothecæ *Estensis*, cui præfectus, recessibus reperit, quem nunc feliciter in publicos usus promit. Autores vero successive plures, corvi tamen, manibus suis Codicem scripsere, & ut de paucis illis, quæ ab A. 1001 præmittuntur, nihil dicamus, quæ succedunt ab A. 1207 ad A. 1240, transcripta fere sunt ex Monacho Patavino, quem Noster dederat Tomo VIII *Rer. Ital.* ejus tamen Continuatore, qui simul illic & in impressis aliis legitur, insuper habito, alium Autorem, quem vixisse apparet A. 1305, filium ab A. 1241 ad A. 1317, atque hinc rursus alium ad A. 1354, demumque reliqua ad A. 1393 alium vel alios deduxisse probabile est, idque ipse character, qui varius est, & ætatem illam prodit, suadere videtur. Observat vero Noster, *Sansognam* ad A. 1095 memoratam, nihil aliud esse, quam ipsam *Saxoniam*, in qua alter *Atelinz* gentis surculus radices egerit, hancque eo nomine ab *Italis* sæpe seculis rudibus fuisse vocatam docet; promittitque *Jacobi de Delayto* Historiam *Estensem* ab A. 1393 ad A. 1409 ac Historiam *Ferrarensem* subinde ab A. 1409 ad A. 1500 continuatam.

Sistitur IV e Codice Mutinensi *Chronicon Mutinense* ab A. 1002 ad A. 1343, Autore *Johanne de Bazano*, cive Mutinensi, qui ad A. 1359 & 1361, quibus annis vixit, nomen suum, quod a Castello, ubi ipse & majores ejus floruerunt, more eo tempore consueto petiit, prodidit. Quod ignorasse videtur *Lud. Vedrianus*, qui, quamvis in *Historia Mutinensi* Mutinæ A. 1667 edita sæpius hoc Chronico usus sit, nomen tamen ejus inter Scriptores Mutinenses non retulit. Scriptorem esse non indiligentem, nec judicio destitutum, & quæ ante illum gesta sunt, e scriptoribus synchronis petiisse, res ipsa loquitur. Cumque subinde Potestates seu Magistratus Mutinæ commemoraret, hinc arripuit occasionem *Cl. Muratorius*, ut in calce adderet Consules & Magistratus Reip. Mutin. quotquot occurrerunt ipsi in duobus vetustis Registris MSC. quæ eadem Respublica servat. Latinum hoc Chronicon subsequuntur V *Ephemerides Urbevetanæ* ab A. 1342 ad A. 1363, quæ tempora satis perturbata fuere, Italica lingua, quæ & sequentia hujus Tomi Chronica contexta sunt, ab Anonymo Synchrono conscriptæ & e Bibl. Vaticana nunc primum prolata; quibus *Monaldesci* Chronicon Urbevetanum, quod ab A. 1328 ad A. 1340 productum Noster Tomo XII hujus Collectionis intulit, quodammodo continuatur, quamvis utriusquescribendi ratio sit diversissima, & ille inprimis dialecto Romana, hic vero lingua cultiori locutus sit. Ulos eo fuisse *Cyprianum Manentem* in Historia Univ. ab A. 970 ad A. 1400, Ven. A. 1581 edita, & *Alphonsum Ceccarellum* in Historia familiæ Monaldeschæ, quæ Asculi prodit A. 1580, in Præfatione probatur. Majori tamen in pretio esse debet, quæ sequitur VI, *Danielis Chinatii*, Tarvisini, *Descriptio belli Clodiani*, seu apud Fossam Clodiam & alibi inter Venetos & Genuenses A. 1378 & sequentibus gesta, e Bibl. Estensi deprompta, quam etsi *Andreas Gatarus* Chronico suo Patavino, propediem a Nostro edendo, insertam voluerit, Mediolanenses tamen inde evulsam hoc loco publicaverunt. Autor Venetiis toto belli tempore vixit, atque adeo de rebus gestis accurate admodum agit, longeque præferendus videtur *Barthol. Facio*, Spediensi, in Genuensium ditione nato, qui diu post circa A. 1450 librum reliquit *de bello Veneto Clodiano*,

diano, ex aliis scriptoribus congestum & Lugduni A. 1568 editum. Equidem quamvis ubique pateat, Autorem res a se visas vel auditas describere, dubium tamen nonnullis moveri poterat, quod Bernabos Mediolani Dominus & Amadeus Sabaudia Comes Ducis titulo insigniti reperiantur, quo tamen neuter illo tempore gavisus est; quod Noster ita solvit, ut ostendat, librariorum sæpe vel assentiendi studio vel quocunque ausu temerario axiomata honorum mutasse, & pro sui temporis statu Duces aut Reges appellasse, qui dignitatem Ducis aut Regis, qua posterius eorum claruerunt, nondum essent consecuti. Observat etiam, *Chinatis* nomen Patris potius quam familia cognomen fuisse, quia Italis vocatus fuerit *Daniel di Chinazzo*. Sequitur VII *Gorelli*, Aretini Notarii, synchroni & fere omnium, quæ narrat, oculati testis, *Poema*, Italice scriptum, *de rebus gestis in Civitate Aretina ab A. 1310 ad A. 1384*, e MSpto Codice Senensi, a Cl. *Benvoglianti*, qui nobis sæpius jam laudatus est, cum aliis MSS. collato. *Gregorium* re vera dictum fuisse Autorem, Noster inde probat, quod ante annos 400 Gregorius Italis dictus fuerit *Gbirigoro*, a quo vocabulo dimidiato *Goro* & ex isto diminutivum *Gorello* fluxerit: præterea Notarium fuisse, atque adeo e Nobilium cœtu, quippe qui ad eam dignitatem tum soli admissi, tum titulus expresse prodit, tum ex eo evincitur, quod *Ser Gorelle* vocatur, titulo vero *Sire* Notarii potissimum olim fuerint distincti. Is imitaturus *Dantem Aligherium*, qui in omnium tum ore erat, eodem carminis genere, quo ille usus, calamitates, quas patria Seculo XIV experta est, jugum inprimis a Florentinis impositum, describere ausus est, impari quidem & plane infelici successu, si ea spectes, quæ carmen ornant: in historia tamen ejus temporis inter Aretinos scriptores fere unus est. Quod succedit VIII *Chronicon Ariminense*, a Duumviris Anonymis, sed cœvis, altero ab A. 1188 ad A. 1385, altero ab A. 1416 ad A. 1452 deductum est, dialecto quidem Ariminensi, cui tamen rubiginem aliquot locis deterfit Cl. *Muratorius*, qui Codicem Ariminensem accepit a Nobiliss. *Gabriele Suardo*, conciliante *Josepho Malatesta Garuffi*, libris editis clarissimo, nuper admodum defuncto. Postremo IX accessere *Monumen-*

ta Pisana ab A. 1089 ad A. 1389 deducta & continuata usque ad A. 1406, Autore Anonymo, quæ accurate collata cum Codice Bibliothecæ Mediceo-Laurentianæ suppeditavit Nostro doctissimus Bibl. hujus Custos *Ant. Maria Biscionii*, J. U. Doctor Florentinus. Etsi de Autore prioris periodi nihil certi dici queat, patet tamen ubique, eum ante Pisas a Florentinis occupatas vixisse; & Continuator res ad eum ipsum annum, quo urbs capta, hoc est, A. 1406, deduxit; ut itaque *Chronica Pisana*, Tomo VI hujus Collectionis illato, nec ultra A. 1269 progressa, suppleri e Monumentis his commode possint. Num *Paulus Troncius* ea consuluerit in Pisana Historia sua Liburni A. 1682 edita, in dubio relinquit Noster. Ceterum quod ad Chronologiam attinet, tenendum, Autorem ubique peculiarem æram Pisanae urbis sectatum fuisse, quæ nimirum novem Mensibus Annum vulgarem a Circumcisione antevertit, suumque ab Incarnatione deducit, ita ut e. gr. die 25 Martii anni apud alios decurrentis 1339, Pisani jam numerare cœperint A. 1330.

WARSAVIA PHYSICE ILLUSTRATA,
sive de Aere, Aquis, Locis & Incolis Warsaviæ, eorundem Moribus & Morbis Tractatus, cui annexum est Viridarium, vel Catalogus Plantarum circa Warsaviam nascentium; Autore CHRISTIANO HENRICO ERNDTELIO, Phil. & Med. D. S. R. M. Polon. & Elect. Saxon. Archiatro, & Natur. Curios. Germaniæ Collega.

Dresdz, apud Joh. Christoph. Zimmermanni hæredes, & Joh. Nicol. Gerlachium, 1730, 4.

Alphab. 2 plag. 4 cum fig. æn. Tab. 3.

CUm nullus hætenus Medicorum de Sarmatia & methodo medendi Polonis aliquid singulare & curiosis lectoribus cumprimis acceptum literis tradiderit; Clarissimus *Erndtelius*, licet non sit origine Polonus, postquam tamen per quatuor fere lustra in Polonia, & maximam partem quidem ejus Metropoli, Warsaviæ vixit, & Praxin Medicam pro

pro muneri publici ratione exercuit, laudabilem admodum navavit operam, scripto præsente Warfaviæ singularia posteritati commendandi. Invitavit eum ad hoc institutum ipsa nationis Sarmaticæ dignitas & erga externos bene merentes summa humanitas & benevolentia, quibus cum hospitalitatis virtute junctis plerasque superant, ipsa invidia fatente, cultiores etiam gentes generosi Poloni, quod in Præfatione de eis prædicat. Tractationem ipsam sex Capitibus absolvit, quorum I sufficientem de urbe ipsa ejusdemque situatione & ædificiis propriis; II de aere, quo soli & terræ simul conditiones includuntur; III de aquis; IV de incolis, eorumque victu, temperamento & moribus; V de morbis; & VI de ingressu ad infirmos, vel methodo medendi Polonis dat informationem. Multifariæ eruditionis plenum librum hunc judicabit quilibet, qui varias hinc inde factas digressiones observaverit. Cum ex singulis Capitibus excerptum quid dare nimis prolixum fuerit, pauca solum inde delibabimus. Pag. 21 Columnam, quam Vladislaus Rex Warfaviæ erexit, & memoriæ Patris sui, Sigismundi, dedicavit, ex marmore, non ex jaspide, ut Eques Galliæ *de Beaujeu* in Comment. pag. 146 tradidit, fabrefactam perhibet Clariss. *Erndtelius*. Pag. 30 & 32 aeris gravitatem & elasticitatem demonstrat; pag. 44 Catalogum conchyliorum & aliorum petrescentium in littore Vistulæ fluvii circa Warfaviam reperiundorum subnectit; pag. 51 morem taxat cadavera humana in templis sepeliendi; pag. 53 modum describit, quo lue venerea infecti in fineto curam instituant; pag. 56 vini Hungarici bonitatem a libero auræ Australis accessu derivat; pag. 61 nec Warfaviæ, nec ullibi conspectum fuisse basiliscum probat; pag. 66 Ephemerides Meteorologicas seu Constitutionem aeris & tempestatum Warfaviæ, per annos 1725, 1726, 1727 & 1728 quoad barometrum & ventos observatam, subministrat, & in rationes phænomenorum barometri inquit; pag. 119 aquarum originem, circulum, differentiam & bonitatis signa investigat. Singularis est & a nullo ante proposita Plicæ Polonicæ theoria, quam pag. 153 Autor Clariss. suppeditat. In eo scilicet conveniunt omnes, cirros istos in crinibus sub finem seculi XII post

varias

varias a Tartaris factas invasiones primum observatos fuisse, quo tempore istas Provincias innumeris stupris ab hac gente, utpote in crapulam, libidinem, ceterasque voluptates pronissima, conspurcatas esse credit. Licet enim Tartari nunquam forte ordinarie plica ipsa laboraverint, quia tamen ex belluino vivendi more, & propter annonæ tunc temporis apud suos caritatem ex absurdis, carne equorum, fortassis etiam morticina, aliisque præ fame devoratis, succos in corpore colligebant impurissimos, quos postea miseris, terrore, desperatione, inedia confectis incolis per libidinofam compressionem communicarunt, inde apud ingravidatas monstruosum ejusmodi malum fœtui impressum primam traxisse originem existimat; sine dubio enim apud miseras tales sub ipso congressu rigidas assurrexisse comas, vocem faucibus hæsisse, & totum corporis laticem coagulum quasi & stagnationem præ terrore passum fuisse, dum Satyris illis & monstris nolentes volentes corpora prostituerunt, addit. Definit denique Plicam, quod sit pilorum, capitis præsertim, confusa complicatio, aut intricatio, ex contagio partim, partim ex hæreditate nata, & per specificum quoddam inquinamentum producta, cujus essentia in salino-sulphureo acri, fermentifico & trichode miasmate videtur consistere, quod natura, ut noxiam materiam, non ad alia corporis emunctoria, quam per capillorum loculamenta sola, ordinario modo expellit. Post hæc pag. 163 scorbutum Polonis endemium esse negat, felicem vero præ multis aliis Europæ civitatibus pag. 167 prædicat Warszawiam, quod epidemicis raro infestetur morbis; pag. 177 de ærumnis Medicorum, quas tum ab ægris, tum medicalis sustinere coguntur, conqueritur. Pag. 183, dum de ingressu ad infirmos agit, docet, quomodo Warszawienfes tractandi sint in morbis, qui a temperamento maxime oriuntur, quales sunt catarrhus, & febres catarrhales, paralyfis, arthritidis, rheumatismus, febres intermittentes, & in quos per luxum præsertim & asotiam se præcipitant, uti sunt hydrops, cachexia, icterus, tabes, phthisis; aut quos ab aeris inclementia contrahunt, ophthalmia puta, peripneumonia, pleuritide, apoplexia, febribus acutis, putridis & malignis, dys-

sen-

sentia, & peste. Claudis librum pag. 214 relatio specialis morborum Warsaviensium anni 1720 cum methodo medendi.

Viridarium quod attinet, Warsaviz in tanta copia & varietate plantas officinales reperiri perhibet Clariss. *Erndtelius*, ut vel solo hoc nomine ejus laudes scripto posteritati commendare operæ pretium esset. Solas vero indigenas hic enumerat plantas juxta seriem Alphabeticam, omissis exoticis, quæ in hortis Regiis non exiguo numero aluntur. Præmittitur autem singulis plantis nomen, ut genus exinde cognoscatur; quæ autem flore irregulari gaudent, *Rivini* nomine distinguuntur; & quæ apud *Rivinum* non inveniuntur, subjunctum gerunt aliquem Autorem classicum, qui optimam cujusvis & veram exhibuit iconem. Tandem etiam additum est nomen Polonicum, hinc tempus florendi, & in præcipuis officinalibus vel rarioribus character ipse secundum methodum *Rivinianam*. Interdum & controversiæ Botaniciæ attinguntur, & erudite deciduntur.

PHILOSOPHICAL TRANSACTIONS.

hoc est,

TRANSACTIONES PHILOSOPHICÆ,
quibus referuntur molimina, studia & labores virorum
ingeniosorum nostri temporis in variis Orbis partibus.

Volumen XXXIII pro Annis 1724, 1725.

Londini, apud W. & J. Innoys, 1726, 4.

Alph. 2 pl. 14 Tabb. zn. 13.

Num. 381 pro mensibus Januarii & Februarii A. 1724, primo loco occurrunt experimenta *Danielis Gabrielis Fahrenheit* circa gradum caloris liquorum nonnullorum ebullientium instituta. Usus est thermometro Mercuriali & fixum gradum caloris deprehendit in liquoribus sequentibus, sed in singulis diversum:

E c c

Liquo-

Liquores	Gravitas specifica.	Gradus ebullitione acquisiti.
Spiritus Vini	8260	176
Aqua pluvia	10000	212
Spiritus nitri	12935	242
Lixivium Cineris clavellati	15634	240
Oleum Vitrioli.	18775	546.

Gravitatem specificam determinavit ad 48 gradum calidorum, qui medium locum tenet in thermometris ipsius inter terminum intensissimi frigoris vi materiz frigorificæ producti & terminum caloris in sanguine hominis fani. Olea volatilia non habent fixum ebullitionis gradum; fixa autem tanto calore afficiuntur, ut Mercurius in thermometro simul cum illis ebullire incipiat. *Nic. Cruquius* observationes Meteorologicas ab anno 17 usque ad 23 hujus seculi Lugduni Batavorum, Delphis Bataviz & in pago Rheno-burgo captas, circa mediam barometri altitudinem, mediamque thermometri & hygrometri variationem, circa copiam pluviz, roris, nivis, grandinis, aquæ, quæ exhalavit, & altitudinem putealis aquæ in puteo, unde nihil aquæ exhaustum fuit toto anni decursu, atque de variatione horologii portatilis singulis mensibus. Media scilicet altitudo barometri, thermometri & hygrometri singulis mensibus determinata fuit, ne inutili prolixitate lectorem obrueret. Novo autem artificio observationes in tabula quadam æri incisæ exhibuit, certis signis adhibitis, ut ani conspectui pateant, quod nuper imitatus *CL. Muschenbrakius* in observationibus meteorologicis. *Robertus Houston* tumorem vel hydropem ovarii a se feliciter curatam describit, incisione in abdomine facta. *Jo. Woodwardus* describit præparationem cærulei Prussiaci, ex Germania ad ipsum missam. *Johannes Brown,*
Chy-

Chymicus Anglus, experimenta nonnulla circa eandem instituit, quæ descriptioni subjiciuntur. Ex Actis U. atislaviensibus excerpuntur Catalogi hominum A. 1720 & 1721 in diversis locis natorum & mortuorum. *Jo. Ranby* Sectionem oculi cataracta laborantis delineat. Aqueus & vitreus humor fuit in statu naturali, sed chrySTALLINUS opacus & solidior quam in statu naturali. In iride & uvea nihil extraordinarii observabatur, nisi quod pupilla esset nimis contracta.

Num. 382 pro mensibus Martii & Aprilis exhibentur observationes Cometæ, qui mense Octobri, Novembri & Decembri apparuit, communicatæ a *Bradlejo* & a *Francisco Blanchino* una cum aliis nonnullis de figura ejus singulari. Die 9 Oct. h. 8, 5 Cometæ longitudo erat $\approx 7^{\circ} 22' 15''$ latitudo $\approx 2^{\circ} 0'$: die 7 Dec. h. 6, 45, longitudo $\approx 8^{\circ} 4' 13''$, latitudo $26^{\circ} 54' 18''$. Notatu dignum est, quod longitudo & latitudo computata juxta theori-
am *Newtonianam* nonnisi aliquot scrupulis secundis per totum apparitionis tempus differat. Inclinatio orbitæ ad planum Eclipticæ erat $49^{\circ} 59'$, locus nodi ascendentis $7^{\circ} 14' 16''$, locus Perihelii $8^{\circ} 12' 52' 20''$. Fuit autem in Perihelio d. 16 Sept. h. 16, 10, tempore æquali. Motus fuit contra signorum successionem in orbita sua. Nucleus fuit admodum exiguus, etsi telluri triplo fere propter esset, quam Sol distantia media, cum primum appareret. Cauda sine telescopio ægre observari poterat. In Perigæo fuit d. 3 Oct. in oppositione cum Sole d. 1 Oct. ante sextum tamen nemo eum observavit. Apparuit tenuissimæ nebulæ globus, ejusque in medio veluti lucidus nucleolus. Præter illam vero atmosphæram, brevem quoque caudam habebat, quæ ad orientem vergebat. *Derhamus* observationes quasdam de vespis & earum sexu differente communicat: *Huxhamus* vero observationes de ingente omento, & colore salivæ insolito. Fuit saliva ictero laborantis viridis, ita ut dentes ac fauces quasi æruginè obducti essent, qui color permansit 14 post diebus, quam convaluit. *Thomas Robie*, in epistola ad *Derhamum* ex nova Anglia scripta, effectum inoculationis variolarum felicem, eclipsin Solis d. 27 Sept. A. 1722 observatam, & venenum aranearum describit. Exhibentur

quoque observationes eclipsis lunaris, d. 8 Sept. A. 1718 in Italia facta, ex Diario Veneto, & experimenta ac observationes *Fabrenbeittii* de congelatione aquæ in vacuo: ubi & thermometra sua describit. Nimirum globum vitreum aqua aliqua ex parte impletum prunis candentibus imposuit, donec per tubulum duorum vel trium pollicum vapor tanquam ex æolipila erumperet: quo facto eum ad flammam candelæ hermetice sigillavit. Aqua in eodem contenta non abiit in glacem, licet aeri frigido per noctem exponeretur: conversa vero est in glaciei lamellas celerissime agitata.

Num. 383 pro mensibus Maji & Junii *Wassius* describit differentiam inter staturam hominis tempore matutino & nocturno, quam usque ad digiti intervallum excrecere didicit in pluribus subjectis. Mane scilicet major est quam vespertino tempore, præsertim ubi per diem corpus defatigatum fuerit. Observationes a diversis membris Societatis Regiæ repetitæ sunt, non sine successu. Rationem petit a cartilaginibus inter vertebrae spinæ dorsæ. Leguntur quoque ibidem quædam animadversiones *Guil. Beckett* in istam observationem. *Grahamus* communicat observationes variationis magneticæ acus Londini A. 1722 & 1723 factas. *Sprengell* judicium suum interponit de balsamo styptico, quem *Eaton* publicavit. Eundem apprehendit cum tinctura martiali *Helvetii*, quam describit in Tractatu Gallico, cui titulus: *Recueil des methodes pour la guerison des diverses maladies*, A. 1710 in Batavia recuso. *Fabrenbeittius* materiarum quarundam gravitates specificas exploravit, quarum præcipuas huic tabulæ includimus:

Aurum	19081	Marcasita alba	9850
Mercurius	13575	Aurichalcum	8412
Plumbum	11350	Sal maritimum	2125
Argentum	10481	Nitrum	2150
Cuprum Suecicum	8834	Alumen	1738
--- Japonense	8799	Sacharum albissimum	16064
Ferrum	7817	Aqua pluvialis	1000
Stannum Anglican.	7313	Alcohol vini.	826

Hal-

Hallejus d. 12 Decembr. A. 1694 & d. 19 ejusd. mensis exhibuit Societati Regiæ suas de universalitate diluvii cogitationes, consentientes iis, quæ de hoc argumento prodidit *Whistonus* in Theoria Telluris. Etsi autem Societas tum minime consultum judicaret hypothesein *Hallejanam* in lucem publicam proferri, ne forsan censuram Theologorum incurreret, falcem in alienam messem immittere visus; postquam tamen tanto tempore Theoria Telluris *Whistoniana* & in Anglia lecta fuerit, & ab exteris quoque in alia idiomatica transfusa; Commissarii quidam Societatis nuper schedas *Hallejanas* reperientes non indignas judicarunt, quæ prelo committerentur.

Num. 384 pro mensibus Julio, Augusto & Septembri *Thomas Fairchild*, hortulanus, nova quædam experimenta exhibet de motu succi nutritii in plantis & arboribus. *Dudlejus* describit singularem curationem hominis, qui male se habens a potu frigida, cum corpus æstuar, & ingentibus cruciatibus per totum corpus laborans, pristinae sanitati restitutus, ubi cespitibus in fumo calefactis & humi stratis impositus, totumque corpus iisdem obrutum fuisset, ut sudor copiosus eliceretur. Cespites ex ea parte, qua gramine obducuntur, spiritu quodam vel oleo inunguntur, & bini ita combinantur, ut superficies unctæ sese mutuo contingant, antequam furno immittuntur, in quo duarum circiter horarum intervallo coquantur. Describit eadem occasione cavernas, quibus Indi utuntur, sudatorias. *Desagulierius* lacus prope mare, in quibus aqua detumescit in affluxu marino, contra vero in refluxu intumescit, nec non stagna atque rivos, in quibus tempestate pluvia, aqua depressior, quam sicca, ingeniose admodum ad Tantalum *Heronis Alexandrini* reducit, seu vas hydraulicum, quod ubi plenum fuerit, liquorem intus contentum omnem effundit, non plenum vero omnem retinet. Ex Actis literariis Sueciæ inferitur narratio accurata de cadavere humano in fodina cuprimontana reperto. *Fab-* TAB. IV
renbeiti novum aræmetrum communicat. Globulo *A*, Fig. 12.
qui eo melior, quo major, tubi oppositi *CD* & *EF* annectuntur. Gracillimo *EF* receptaculum *G* additur & punctum medium *a* signo conspicuo notatur. Majori *CD* affigitur globulus

Ecc 3

bulus

bulus minor *B*. Globuli *B* distantia a centro alterius *A* tripla est distantia receptaculi *G* ab eodem centro. Azrometron immittitur spiritui vini bene dephlegmato, & globulus *B* Mercurio impletur, donec illud ad punctum *a* usque descendat: quo facto tubulus *E* hermetice sigillatur. Jam cum pondus instrumenti ad bilancem examinatum sit æquale ponderi spiritus vini loco suo depulsi; ubi in receptaculo *G* ponas pondus, donec ad idem punctum *a* in alio liquore descendat, pondere hoc ad pondus instrumenti adjecto habebis pondus hujus liquoris. *Joannes Bonnet*, Chirurgus, pudendorum muliebrium structuram præternaturalem delineat, & *Abrahamus Vater* casum rarissimum visus objectorum partialis communicat, in scæmina scilicet a gutta serena liberata, utroque oculo objectum totum conspiciente, alterutro vero eorum clauso partem objecti macula tanto majore occupante, quo longius oculus ab objecto removetur. Subjungitur sectio oculorum duorum cataracta affectorum cum *Samuele Molyneux*. Nullum in his deprehensum pelliculæ rudimentum, qualem se observasse scribit *Wolffhusius*; nullæ prorsus reliquæ humoris chrySTALLINI repertæ, ejus opacitati morbum adscribit *Brissæus*. Visus ab Oculista Dubliniensi, acu punctoria oculum utrumque perforante, in sinistro fuerat restitutus, in dextro minime, atque adeo hic habemus exemplum visus absque humore chrySTALLINO. Colophonis loco recensetur *Dominici Bottoni* de immani Trinacriæ Terræ motu idea Historico-Physica, quæ A. 1718 Messanæ prodit.

Denique Num. 38 pro mensibus Octobri, Novembri & Decembri *Joannes Harwood* communicat observationem *Stackhousii* de scarabæo, quem vocat, galeato pulsatore, instar automati sonum edente. Diximus de hoc insecto in Actis A. 1712 p. 348. *Guilielmus Burnet* communicat observationes eclipsium primi satellitis Jovis A. 1723, per quas novi Eboraci longitudinem occidentalem determinat $74^{\circ} 57' 30''$ a meridiano Londinensi computatam. Ibidem declinatio acus magneticæ observata eaque occidentalis $7^{\circ} 20'$ A. 1723 & $8^{\circ} 45'$ A. 1686. *Desaguliers* thermometer aereum, quod simul barometri vicem

cam sustinet, ad usum libellationis aptat methodo singulari. Ex Actis literariis Sueciae recensetur casus oppido rarus de cranio & costis foetus per anum ejectis, exhibeturque observatio circa lumen boreale. *Fabrenheitiur* novum describit barometrum. Cylindro nempe *AB* annectitur tubus *BC*, cui additur globulus oblongus *CD* & huic tubulus *DE* gracillimo foramine praeditus. Cylindrus liquore quodam repletur, qui calorem aquae bullientis ferre potest. Scala *BC* mutationes caloris in aere factas exhibebit: ast ubi instrumentum aquae ebullienti immergitur, liquor in tubulum *DE* ascendens ostendit caloris gradum, quem a gravitate atmosphaerae dati gradus in aqua ebulliente acquirit. Reperies quoque ibidem observationes eclipsis lunaris, die 1 Nov. 1724 Ulyssipone a *Carbone & Capasso* Societ. Jesu observata; hor. 1 38' penumbra, h. 1 47' 45" umbra incepit; haec vero desinit h. 4 20' 36", illa h. 4 28'. Adjiciuntur observationes immersionum ac emersionum intimi Jovis satellitis habitae Ulyssipone telescopio *Josephi Campani* palmor. Rom. 30 A. 1723 & A. 1724, factaque comparatione cum observationibus Parisinis differentia meridianorum Ulyssiponenensis & Parisini 45' 48". *Antonius Maria Valsalva* ductus excretorios renum saecenturiatorum detexit, qui in maribus in epididymides, in foeminis in ovaria sese exonerant. Denique nonnullorum observationes ad historiam naturalem spectantes ibidem leguntur. Inter eas notatu digna est *Dudlejana* de malo pomifera absque floribus.

TAB. IV.
Fig. 13.

SENATUSCONSULTI DE BACCHANALIBUS,
sive aeneae vetustae Tabulae Musei Casarci Vindobonensis
Explicatio, Autore MATTHÆO
ÆGYPTIO.

Neapoli, apud Felic. Muscam, 1729, fol.

Alph. 2 pl. 12 Tabb. 2m. maj. 2.

Venerabile hoc antiquitatis Romanae monumentum, aenea Tabula vetustissima, in qua rudibus, ut erant tempora, literis SCtum de Bacchanalibus coercendis incisum est, A. 1640 in Bru-

Brutiis, inter plurima alia priorum temporum fragmenta, repertum, & ab illustri Principe, *Jo. Baptista Cigala*, Tirioli in Brutiis domino, diu servatum, postmodum A. 1727 ab ejusdem nepote thesauro Augustissimi Imperatoris, annitente viro Illustri *Pio Nicolao Garellio*, dicatum est. Vix fama de tam insigni, tamque veteri Tabula reperta percrebuerat, cum viri eruditi ad eam describendam certatim irruerent: itaque factum est, ut jam aliquoties hoc SCtum typis sit vulgatum: ex quo numero sunt Batavi, qui Operibus *Ciceronis* olim præfixerunt, *Raph. Fabrettus*, qui Inscription. Cap. VI, & *Scipio Maffæus*, qui Hist. Art. Diplom. pag. 125 inferuit. Sed cum hi non satis diligenter & cum cura opera sua sint functi, Cl. *Egyptius* præterea a priori possessore Illustri *Cigala*, dum hic in eo erat, ut Tabulam ipsam ad Imperatorem mitteret, invitaretur, ut, si qua haberet, quibus SCtum illustrari posset, in medium conferret, aggressus est opus, & primo quidem ipsum SCtum æneæ tabulæ, Archetypo, etiam quod ad ornamenta nuper addita, per omnia æquali beneficio laudati *Garellii* incisum, addi curavit; deinde historiam ipsam Bacchanaliorum, quæ SCtum illud pepererunt, ex *Livio* apposuit, eamque lato Commentario illustravit; porro SCti verba simili Commentario persecutus est, denique de geminis aliquot, nummis, ceterisque talibus, quæ partem Bacchanaliorum illustrent, & singulari Tabula representantur, paucis disseruit. De singulis quædam proferemus. *Livii* verba desumpta sunt ex ejus Lib. XXXIX Cap. VIII usque ad Cap. XIX, & hic paginas 13 occupant. In Commentario singula fere verba, quæ ad historiam, antiquitates, aut mythologiam faciunt, ubertim explicat, & hic illic liberius, sed erudite, excurrit. Ita cum *Livius* memoret, ab ignobili Græco Bacchanalia Romanis tradita esse, non modo inquit, ex quibus Græcis ille fuerit, sed etiam a pag. 16 ad pag. 25 de *Corybantibus*, *Cabyris* & *Curetibus* disserit, quoniam priores sacra Bacchi Etruscis tradidisse, scripserat *Clemens Alexandrinus*. Sequitur a pag. 25 ad 44 longa tractatio, qua omnia, quæ de Baccho ab diversis scriptoribus traduntur, exposita sunt. Redit deinde ad verba *Livii*, & ea, quæ de voluptatibus ac epulis, de ululatu atque tym-

tympanorum cymbalorumque strepitu memorantur, illustrat : qua occasione de habitu Bacchantium & ipsius Bacchi, de diversis Dionysiis & similibus Festis, ita ut ne Eleusinia quidem, Cerealia, Megalesia, Iliaca, Taurobolia Criboliaque omittantur, agit usque ad pag. 89. Ad reliqua *Livii* pergens ostendit pag. 91-199. Bacchanalia primum a solis feminis celebrata esse, & pag. 105 de sacrificiis nocturnis & coetibus illicitis disputat. Pag. 113 Triumviros capitales, & Triumviros nocturnos eundem magistratum apud Romanos fuisse, demonstrare nititur. Pag. 116 formulam precationis, quam praeabantur magistratus, priusquam populum alloquerentur, ex conjectura proposuit. Pag. 130, 131 verba *Livii*: *quia multis actiones & res peribant*, probe illustrat. Pag. 133 ista *Livii*: *cum in senatu centum non minus essent*, ex aenea nostra tabula emendat, legitque: dum in senatu &c. Tandem pag. 136 expositionem *Doujatii* de Fecenia Hispala refutavit. Jam ad ipsum SCtum; quod non modo æri incisum, sed & aliis, quibus nempe hodie utimur, literis, servato tamen antiquo scribendi more, expressum, & deinde tamen in consuetas terminationes & enunciationem conversum pag. 138 & 139 exhibet. Pabulum hoc antiquariis suavissimum, & imprimis literatoribus. Quis enim sine intima voluptate legat: PLOVS. TRIBVS. ARPVISSE. VELENT. NISEI. DE. PR. VRBANI. SENATVOSQVE. SENTENTIAD. item: NAICE. VTEI. IN. CONVENTIONID. EXDEICATIS, aut ista: VDEI. FACILVMEI. GNOSCIER. POTISIT. Magna hinc Cl. Editori enarrandi copia, qui non modo veterem scribendi rationem egregie illustrat, quod in simili monumento antiquitatis, licet non adeo vetusto, necessarium aliquando putavit Eminentissimus *Norifus*; sed etiam alia notatu digna evolvit ac observationibus eruditis exornat. Sic statim ad principium SCti ostendit, qui factum, ut hic legatur: Q. MARCVS L. F. S. POSTVMIVS L. F. cum in Fastis contrario ordine exhibeantur *Sp. Postumius Q. Marcius Coss.* Pag. 149 sculptoris vitium agnoscit, qui in tabula dedit: *scribendo affuerunt* M. CLAVDI. L. VALERI. Q. MINVCI, cum esse deberet *M. Claudius, L. Valerius, Q. Minucius*: neque enim hoc spatii causa factum esse

putat, ut in nummis evenire solet, in quibus pari modo *Flamini*, pro *Flaminus* exhibetur. Ita & pro errore habet pag. 152, quod sculptum sit *NECESVS. ESE*, pro *necesum*, h. e. *necessum*. Deinde pag. 153 rationem reddit antiquæ scripturæ: *Nominus Latini*, & *de senatu* *sententia*, pro *Nominis* & *Senatus*. Pag. 154 *comoinem*, pro *communem*, scriptum explicat, docetque Augusti etiam ævo scripturam *oe* (quod ex *oi* factum) pro *u* obtinuisse, allata Inscriptione, nuperrime interrudera veteris *Telestæ* in Samnio A. 1727 reperi, quæ ita habet:

L. MVMMIVS L. F. C. MANEIVS OF. . . .

PR. DVOVIR. PRO. LVDEIS. TVRRIS. DVAS

D. D. S. FACIVNDAS. COERARVNT

Pag. 167 brevis, sed ingeniosa, de Lege Regia observatio occurrit. Ultima verba *SCti IN. AGRO. TEVRANO* copiosiores disquisitionem exigebant, qua ostendit *Strabonis* regionem *Taurianam* esse hunc ipsum agrum *Teuranum*. Finem imponunt Libro *Observationes* quædam in alteram *Tabulam æneam*, quæ *Bacchanalia* illustrat. Subjiciuntur Indices necessarii: at nos necessarium non arbitramur, Opus amcenissimum pluribus commendare, qui etiam in rebus vulgaribus singularem industriam & acre iudicium, in omnibus autem laudabilem *Cl. Egyptii* modestiam deprehendimus.

ORDO JUDICIORUM SIVE METHODUS
Procedendi in Negotiis & Litibus in Foro Ecclesiastico-
Civili Britannico & Hibernico, per THOMAM
OUGHTON.

Londini, impensis J. Hooke, 1728, 4 maj.

Alph. 2 pl. 20.

Vir diligentissimus, *Thomas Oughton*, *Alma Curia Cantuariensis* de *Arcubus*, *London*, *Procuratorum generalium* unus, & a multis retro annis *suprema Curia delegatorum Registrarii Regii Deputatus*, cum ab ineunte ætate causis in foro Ecclesiastico-Civili agendis operam navasset, laudabile simul iniiit consilium, *Processum* illum *Judiciarium Ecclesiastico-Civili-Angli-*

Anglicanum cum ex usu fori ipsisque rerum argumentis, tum etiam ex Archivis & Registris, publicisque & privatis scriniis colligendi, quod opus multis Viris Principibus in Britannia probatum, & tandem, additis etiam Instrumentorum formulis accuratissimis, ad umbilicum perductum una nox infauusta, qua Typographi ædes conflagrarunt, maximam partem perdidit atque deleuit. Infortunium, quod non poterat non plerosque ab omni scriptione abstergere, laudabilis pertinaciæ Virum magis incendit, ut, ad Statuta, Leges, Consuetudines reversus, modum procedendi iterum indagaret, normam & regulas pro stylo curiarum usitatas attentius evolveret, *Francisci Clarkii, Alma Curia Cantuariensis de Arcubus, London, Procuratorum Generalium unius*, circa A. 1596 compositum Tractatum, quo licet pessime edito illius Juris studiosi hætenus unice utebantur, multa cum cura recognosceret, quo factum, ut tandem in hoc, quem nunc, magis favente Lucina, egregio publico obtulit, *Ordine Judiciorum sive Methodo procedendi* prioris operis jacturam refarcierit.

Ut autem exteris hominibus eo clarius de omni hac jurisdictione constet, commodum consultissimus Autor in Operis sui Prolegomenis de Hospitio dominorum Advocatorum Cap. I, de alma Curia Cantuariensi de Arcubus Cap. II, ut & de Curia, quæ quondam fuit, Cantuariensis Audientiz Cap. III egit, unde discimus, exstare in urbe Londinensi ab antiquissimis temporibus Societatem Dominorum Advocatorum, sive Communitatem Juris utriusque Civilis & Canonici Doctorum almæ Curiz Cantuariensis de Arcubus, qui quod non modo eodem hospitio, sed etiam eodem convictu uterentur, vulgo *Doctores Commensales*, Anglice *Doctors Commons* appellati sunt, & adhuc appellantur, cujus communitatis ea olim fuit dignitas, ut multi Viri Principes Ecclesiastici Civilisque ordinis istius mensæ communionem ambirent, tanto studio, ut peculiaribus constitutionibus isti cupiditati esset obviam eundum. Suis illud Advocatorum Collegium, tam vetustum, tam venerabile, gaudere Officialibus, privilegiis, beneficiis, immunitatibus & per se patet, & noster Autor multis firmat exemplis.

Curia illa Cantuariensis de Arcubus est ipsum Archiepiscopi Cantuariensis Consistorium, nomen sortitum a loco, in quo olim illa Curia fuit celebrata, ecclesia nempe B. Mariæ Virginis in civitate Londinensi dicata, quæ, quod Aedis illius fabrica arcuatis columnis inniteretur, *sancta Maria de Arcubus* fuit appellata. Ad hanc Cantuariensem Curiam omnis illius provincie subditi confluunt, & causas suas Ecclesiastico - Civiles, ut in foro antiquitus Ecclesiastico, ex utriusque Juris, Civilis & Canonici, placitis decidi audiunt. Splendido Judicio præsidet *Alma Curia Cantuariensis de Arcubus, London, Officialis Principalis*, qui idem venerabili titulo *Decani de Arcubus* ornatur. Separata quondam fuerunt hæc duo officia, ille Archiepiscopi Vicarius, hic tredecim Paroeciarum in urbe Londinensi Superior, quæ Londinensi Episcopo nullatenus subjacent, sed ipsissimo Metropolitano, quæ Ordinario, immediate subjacent remanent, & quas inter est illa præcipua, Mariæ de Arcubus, Decanatus ideo dignitate insignita. Cum autem ille Officialis generalis Vir omnis juris peritissimus reipublicæ causa sæpiissime abesset, idem vero Decanum suum tunc Commissarium generalem constitueret, non modo usu venit, ut Judicii Præses promiscue Decanus & Officialis appellaretur, sed res etiam tandem eo rediit, ut ista duo officia coadunata sint.

Huic Officiali Principali vel Decano assident ab utroque latere Juris Canonici & Imperialis Doctores, Academix Oxoniensis, in togis laxè manicatis coccineis, cum capuciis coccineis serico intermedii coloris subsutis, & pileis ex holoserico nigro rotundis, Academix Cantabrigiæ, in togis coccineis non manicatis, sed pellibus Armenianis suffultis absque capuciis, cum epomidibus tamen ex pellibus albis & pileis holosericeis rotundis; sed & Procuratores assident, togis nigris cum manicis, ut & cum taberdo & capucio ex pellibus albis induti. Adest & Advocatus Regius & Regis Procurator, qui & superiorem inter confratres locum obtinent. Ab his Viris gravissimis dubia causarum eo delatarum dirimuntur, qua via, quo ordine, toto Opere experientissimus tradit *Oughtonius*.

Scilicet ordine Tit. I de Curis, Tit. II de diebus Juridicis,

Tit. III

Tit. III de Judicibus, Tit. IV—VII de Causis, Tit. VIII—XIV de Partibus in Judicio, Tit. XV—XXIV de Citatione, Tit. XXV—XXIX de Certificatorio Citationis, Tit. XXX—XXXVI de Contemptu, Tit. XXXVII de Contumacia, Tit. XXXVIII—XLIV de Excommunicatione, Tit. XLV—XLVII de Absolutione, Tit. XLVIII—LII de Procuratoris constitutione, Tit. LIII—LIX de Libelli oblatione, Tit. LX—LXI de Litis Contestatione, Tit. LXII—LXXIV de Responsione partis principalis, Tit. LXXV de Termino probatorio, Tit. LXXVI—LXXXIII de Testium productione, Tit. LXXXIV—XCVI de Testium examinatione, Tit. XCVII de Publicatione depositionum, Tit. XCVIII—CIII de Exceptionibus contra testes, Tit. CIV—CIX de Instrumentis exhibendis, Tit. CX, CXI de Juramentis, Tit. CXII de Expensis retardati Processus, Tit. CXIII—CXVII de Terminis ad proponendum omnia, & ad audiendum sententiam ex prima, Tit. CXVIII—CXXI de Cause conclusionem, Tit. CXXII de Informationibus dandis Judicibus, Tit. CXXIII de Decreto interlocutorio sententiae definitivae vim habente, Tit. CXXIV—CXXIX de Sententia in scriptis definitiva, Tit. CXXX—CXXXIII de Executione rei judicatae, Tit. CXXXIV—CXXXVI de Expensis litis, Tit. CXXXVII—CLVI de Causis Criminalibus, Tit. CLVII—CXCII de Causis Beneficialibus, Tit. CXCIII—CCXVII de Causis Matrimonialibus, Tit. CCXVIII—CCLVIII de Causis Testamentariis, Tit. CCLIX—CCLXVIII de Causis Diffidationum, Tit. CCLXIX—CCLXXI de Provocationibus, Tit. CCLXXII de Recusatione Judicis suspecti, Tit. CCLXXIII de duplici Querela, (quae est rescriptum superioris ad inferiorem, vel ob denegatam ab hoc, vel ob procrastinatam justitiam) Tit. CCLXXIV—CCCXXXVI de Appellationibus, Tit. CCCXXXVII de Episcopis confirmandis agitur, quae ita per summas rubricas tetigisse, e re esse visum fuit eorum, qui aliquam illius judicii speciem atque modi procedendi imaginem desiderant; plura nimia prolixitas vetat, & quod lectorum nostrorum plerisque cum illo foro nihil unquam commercii futurum credamus.

Neque tamen quonquam, in cujus manus incidet noster li-

ber, si nostræ artis est studiosus, pœnitebit, eundem paullo attentius evoluisse. Discet ille, opinamur, cum voluptate, ita enim nobis evenit, varia jucunda & singularia; ut uno alterove utamur exemplo, p. 21 causas, quas nos vocamus, *ordinarias* in illo foro dici *plenarias*; p. 27 quid sit homo *Utlagatus* (nam hæc pragmaticæ Juri prudentiæ species infaustis illis temporibus orta, & hic loci plurima pristinæ barbariei vestigia servat) id est, excommunicatus, qui omni in Judicio standi persona caret; p. 42 quid sit *Citatio originalis & primaria*, id est, citatio prima, quam nonnulli nostrum in jus vocationem appellant; p. 47 quid sit *Citatio Viis & modis*, id est, citatio latitantis *personaliter (si ita possit apprehendi) alioquin viis & modis omnibus, quibus melius notitia hujusmodi Citationis ad eum de verisimili pervenire valeat*, ut habent verba Procuratoris ejusmodi citationem flagitantis; p. 57 juncta p. 66 inter Contemptum & Contumaciam hoc interesse, quod in priori casu citatus citationem lacerarit, vel alias verbis aut verberibus mandatarium tractarit, aut in Curiz vilipendium verba injuriosa protulerit; p. 83 Procuratorem non posse alium substituere, etiamsi in Procuratorio id potestatis datum sit, ante Litis Contestationem; scilicet celebre illud litis dominium, in nostro foro exulare jussu, apud hos legum doctores Curiz de Arcubus tutissimum invenisse refugium atque receptaculum; p. 97 Positionum & Juramenti cum dandorum tum respondendorum in isto foro esse usum; p. 121 quid sit *Allocatio Viaticorum Testium*, nempe, Decretum quid testibus sumtuum nomine solvendum sit; p. 123 Testes non admitti nisi juratos prorsus in forma, qua nos in judiciis uti solemus; p. 130 immo & interrogatoriorum esse ibidem usum; p. 151 ubi testibus opus est extra provinciam Cantuariensem, *peti, decerni Commissionem pro testibus examinandis sub mutua vicissitudinis obtentu*, quod nos requisitionem in subsidium juris dicimus; p. 170 ubi Instrumentis opus est, in quodam Registro seu publico Archivo exstantibus, *peti scrutinium*, nempe ut committatur illis, ad quos pertinet Archivi illius custodia, ut inquirent, & edant; p. 227 in unaquaque Parochia provincie Cantuariensis, certos Guardianos seu Oeconomos

mos

illos certosque Juratores seu Inquisitores constitui, quorum inter alia munus est, observare eos, qui criminum ad forum Ecclesiasticum pertinentium rei vel suspecti sunt, eosdemque Episcopo vel Archidiacono visitanti indicare, ita detectum, si non habeat, quo suspicionem amoliat, ex ista Guardianorum & Inquisitorum presentatione ad Purgationem Canonicam teneri, tunc non modo jurare ipsum, sed & *quarta, sexta vel octava manus Dominum proberum Parochia sua juxta qualitatem personae & gravitatem criminis se purgare*, qui intrepide & constanter jurent, *in sua conscientia se credere, detectum innocentem esse, vel verum prestitisse juramentum*, quod & nimium purgationis Canonicae amorem sapit, & Compurgatorum superesse usum ostendit; p. 344 juratae etiam specificationis in hereditatis additione ad Anglos pervenisse usum; p. 432 Instrumentorum a Notariis in Anglia confectorum eundem prorsus esse habitum, qui nostrorum, si ab invocatione nominis divini & ab Indictione Romana discesseris. Plura non addemus, cum hae epulae ad paucissimorum sint palatum.

A VIEW OF ANTIENT LAWS AGAINST
Immorality and Profaneness.

h. e.

CONSPECTUS LEGUM ANTIQUARUM
de moribus reformandis; Autore JOHANNE DIS-
NEY, M. A. Vicario ad S. Mariam
Nottinghamii.

Cantabrigiae, typis Corn. Crownfield, Typogr. Univ. 1729, fol.
Alph. 2 pl. 5.

EDiderat jam Autor Clar. A. 1713 Programma Latinum, quod spem fecerat omnibus, se conscripturum eodem idioma-
te Corpus Legum de moribus reformandis, earum scilicet, quibus adulteria, scortationes, stupra, *ταὶ πᾶσι ἀτιμίας*, ebrietas, blasphemiae, execrationes, perjuriae, cultus divini & diei Dominicae contemptus, alearum lusus, duella, histrionum turpia & profana, mendicantium aliorumque inertia & improbitas coer-
cen-

centur. Etsi vero mentem in eo mutaverit exinde Autor, quod cum omnium gentium ad nostra usque tempora producere leges ante constituisset, nunc potissimas tantum a Judæis, Romanis, Græcis, Gothis, Longobardis, Germanis, Francis, Anglo-Saxonibus, Wallensibus aliisque ad medium usque seculi XI latas contra illa vitia in medium proferat multaque eruditione illustret; opportune certe, & quidem Anglica lingua, edidit Opus hoc tempore, quo omnis turpitudine suos reperit patronos, qui cum Autore scelesto *Fabula de Apibus* e re esse tradunt Reipubl. ut vitia maneant impunita. Docet vero Noster luculentissime, nullum apud ipsos gentiles regnum vel Remp. floruisse, cujus summi Magistratus de coercendis flagitiosis non fuerint maximopere solliciti. Prolixa sunt inprimis & majorem libri partem occupant, quæ contra lasciviz quodvis genus, Incestum etiam, sodomiam & raptum afferunt: in ceteris paullo parcius est Autor; cuncta tamen fide dignis Autorum, quorum sub initium accuratum Indicem, addito temporis, quo vixere, indicio, dedit, testimoniis confirmat. Cumque multa passim occurrant in legibus vetustis, quæ idoneum interpretem postulant, ne eadem sæpius repetere cogeretur, addidit sub finem Glossarium non ineruditum, quo difficiliora vocabula, quorum mentionem subinde fecerat, eleganter & breviter explicat, additis Autoribus, quos porro consulendos censet. Ne specimen nobis desit, pauca afferemus e Tit. VIII Cap. I de desidiosis, qui nulli arti aut studio se mancipant, sed inani otio diffuunt.

Judæis integrum erat divortium facere ab uxore, quæ nihil domi laborando pessimo esset exemplo domesticis ceteris, teste *Seldeno Ux. Hebr. L. 3 c. 10*. Apud Ægyptios, ex lege Regis Amasis, omnes semel quotannis coram Magistratu comparere jubebantur, rationem reddituri rerum suarum, & si justo vitæ generi dediti haud fuerint, mortis supplicio afficiebantur, v. *Herodot. L. II Euterpe p. 100*. Quod & lege Draconis observatum apud Athenienses, v. *Plutarch. in Solone p. 87*, quam tamen pœnam Solon, vel, ut alii, Pilistratus, qui Arcopagis inquirendi in otiosos studium commendabat, accusandi quidem liber-

libertate omnibus facta, in arbitriam mutavit, ita tamen, ut infamis esset, qui ter inertiz accusatus fuisset. v. *Diog. Laert. in Sol. C. 1 §. 55*, & *Jul. Pollux L. VIII C. 6*. Simile examen apud Sardinianos, teste *Æliano Var. Hist. L. IV C. 1*, & Argos, ut est apud *Alex. ab Alex. L. III C. 13*, instituebatur. Lucani, gens Itala, pigritiam æque ac alia crimina poenis coercebant, & qui pecunias homini desidioso erogaverat, eas in foro-reposcere prohibebatur. v. *Nic. Damasc. de Mor. Gent. De Gymnosophistis* tradit *Alex. ab Alex. L. V C. 21*, quod paratis & instructis mensis, antequam dapes apponerentur, adolescentes singuli, qui ad epulum convenerant, quid generi humano lucri fecerint, quodve sapienter dictum factumve fuerit illa luce, coram senioribus exprimere coacti fuerint, & qui deses aut remissus nihil frugi in medium attulerit, impransus manserit & foras extrusus fuerit. Nec Romanis leges defuisse contra desidiam, ex *L. 1 C. de Veteranis & Nov. 80 c. 10* probat Autor, & simul leges has docte explicat. Inter Constitutiones Imperatorum Germ. exstat illa Ottonis III de A. 997 apud *Goldast. T. I p. 226*, qua sancitur, ne otiosis in civitate locum habere permittatur. Apud Anglo-Saxones Athelstanus legem dederat, ut, si quis otiosam sine domino vitam ageret, curarent propinqui ejus, ut certo famulitio se addiceret, & si is refragaretur, nullum illi hospitium sub gravi poena concedendum. v. *Wilkins Leg. Anglo-Sax. p. 56*. Quanta denique cura Scotiz Reges otiosos ad laborem reduxerint, flagra quippe, carceres & exilium in eos statuentes, *Hector Boetius* non uno loco testatur, qui etiam observat *L. 12 p. 251*, Machethum Regem circa A. 1050 edixisse, ut histriones, ludiones, mimi & reliqui nebulones otiosi, si artem honestam discere detrectaverint, jumentorum more ad aratrum aut plaustrum trahendum adigerentur.

JOHANNIS CHRISTIANI CLODII, P. P.
Lingu. Arab. Epistolæ duæ, quarum altera ad S. R. D.
MARPERGERUM, de linguæ Arabicæ Etymologico

usu in Exegeti sacra, altera ad S. R. D. LOESCHERUM, de Nominibus Jesu Christi & Mariæ Arabicis, data fuit.

Lipsiæ, literis Takkianis, 1729, 4.

Plag. 4.

CUm præcedente mense, in Autoris Grammaticæ Arabicæ Excerpto, quarundam ejus Commentationum, quibus linguæ illius, inter reliquas Orientales facile principis, usum demonstrare conatus est, mentionem fecerimus, has quoque similis argumenti duas Epistolas recensione nostra non indignas judicamus. Nam talia paucorum foliorum scripta celeriter oculis ac memoriæ se subducunt, ac brevi tempore evanescent.

Prima illarum non omnem quidem linguæ Arabicæ utilitatem, in Codicis sacri Hebræi explicatione conspicuam ac plane insignem, exhaurit, & particularem solum, ad etymologias vocum & radicum Hebrææ linguæ deperditarum restitutionem maxime spectantem, attingit. Ad hanc enim, judice *Augusto Pfeiffero*, cui hac in arte merito creditur, tantum illa confert, quantum ulla alia vel ceteræ conjunctim omnes, *Critic. Sacr. C. X. §. 5.* Attamen simul ab egregii hujus adminiculi hermenevtici abusu dehortatur, & nonnulla ejus exempla adducit.

In secunda nominibus *Isa & Masihb*, a Mohammedanis Servatori nostro datis, lucem affundit, & quisnam *Sura IX v. 31* Alcorani *Ozair* dictus sit, disquirens, simul Gallicam versionem emendat. Porro varios Alcorani textus de Jesu agentes, ut *Sur. III v. 40*, & *IV v. 169*, fuse interpretatur, ac deinde nomina, quibus Christiani Arabes illum insignire solent, annectit. Post ad Mariæ nomina, ex variis Corani textibus, nempe *Sur. III v. 42, 47, XIX, 27, LXVI, 13*, illustranda progreditur, ac ea, quæ Christianis Orientalibus usitata sunt, adjungit, doctrinam quoque de perpetua Mariæ virginitate Ecclesiæ Orientali communem esse demonstrat. In fine Tritheismum, Christianis *Sura V v. 116* impactum, tanquam uni Deo duos alios, scilicet Christum & Mariam, associantibus, diluit, ac *Marjamios*, hæ-

reti-

reticos, simul allegans, in *Elmacini historia Saracenica* locum de his agentem corrigit.

SPECIMEN EX HISTORIA LITERARIA
Orientali, de nonnullis Historicis ac Geographis Arabicis,
Perficis, Turcicis, Autore JOH. CHRIST.
CLODIO.

Lipsiæ, literis Takkianis, 1723, 4.

Plag. 31.

INter plura Specimina a nobis recensita, quibus Autor linguæ Arabicæ usum ostendere studuit, hoc e iam, quod ceu Pro-
dromum Historiæ Literariæ Orientali universæ illustrandæ præ-
misit, haud infimum locum mereri, nec silentio prætereun-
dum esse videtur, etiamsi jam A. 1723, quo ipsi Professoris Lin-
guæ Arabicæ munus collatum fuit, editum sit. Ac primo
quidem nonnulla præjudicia, quæ Historiæ Orientalis studium
impediunt, removet, simulque diversas voces orientales, quibus
Historiam appellare solent, commentatione sua illuminat.
Dein ad ipsos Historiæ Orientalis scriptores præstantiores re-
censendos, nempe *Tabaritam, Ben Schanab, Abulpharagium,*
Abulfedam, Arabschahidem, Mirchondum, Chondemirum, Ca-
zwinum, Mosladinum Larensem, Ferdustum, Abdallam Beida-
num, Saadoddinum, &c. progreditur. His denique Geogra-
phos celebriores adjungit, ac vulgares errores Geographicos
perstringens, quorundam exempla in medium profert. Postea
Abulfeda Opus Geographicum, & excerptam ex eo Gravii de-
scriptionem *Mawaralnabæ & Chorasmie*, Illustrem *Edrisi-*
dem, seu Scharifo Edrisi, Romæ absque versione & Parisiis
cum versione minus accurata, sub titulo incongruo *Geogra-*
phia Nubiensis, editum, *Alferganum, Massudum, Ebn Alvardi,*
Jacutum Hamawum, Sasioddinum, Marrakeschium, Nasired-
dinum & Ulugh Begum, Principem Tartaricum, inter Geogra-
phos Orientales, allegatis eorum scriptis, laudat, ac linguas Ori-
entales non Theologiæ solum, sed & Jurisprudentiæ ac Politi-

ces studiosis, quod jam olim in Schediasmate de Jcto Philologo, Vitebergæ publicato, fecerat, denuo commendat.

GERHARDI VAN DEN BUSCH, SS. THEOL.
D. de Incessu Dei in sanctuario ex Psal. LXVIII, 23--28, ejusdemque Psalmi argumento & æconomia. Editio nova cum Pref. FRID. AD. LAMPE, SS. Theol. D.

Trajecti ad Rhenum, apud Guil. Kroon, 1726, 8.

Plag. 22.

MAX. Reverendus Autor, quem Bremæ A. 1678 natus, A. 1707 Franequeræ Doctoris Theologiæ dignitate ornatum, A. 1711 Ecclesiasten factum Ecclesiæ Bremensis, A. 1724 d. 30 Junii e vivis sublatum esse, discimus e Præfatione Celeb. *Lampii*, qui & ceteros, separatim illum Psalmum interpretatos, recenset, in Disputatione sua Inaugurali explicarat copiose doctèque Psalmum LXVIII. Libellus hic, magno tum exceptus applausu, hic iterum sistitur orbi literato: cujus in Proœmio Autor interpretum de sensu hujus Psalmi dissensiones commemorat, asserens etiam judicium *de Muis*, hunc Psalmum appellantis *crucem ingeniorum & interpretum opprobrium*. Ducas autem liber hic habet Sectiones, quarum in priore argumentum & æconomia totius Psalmi investigatur, in posteriore versus vicesimus tertius una cum sequentibus quinque, in quibus Autor putat exhiberi *incessum Dei pro liberanda Ecclesia a tyrannide Antichristi, ejusque molitionis successum*, diligentissime enucleatur. Igitur Sectionis primæ initio diversas Theologorum de hujus Psalmi argumento sententias recenset Autor, iis assentiens, qui existimant, Davidem hic cecinisse varia fata regni Dei sub N. T. quæ illud inde ab ipsius initiis usque ad ejusdem consummationem maneat; idque demonstrans ex tota Psalmi structura & omnium ejus membrorum harmonia. Inprimis urget, quod ea, quæ hoc in Psalmo narrantur, describantur tanquam futura, nec ulli tempori ante Christum natum perfecte congruant. Addit, Paulum *Ephes. IV, 7 sq.*
 aper-

aperte docuisse, agi hic de adscensione Christi in cælum. Jam speciatim docet, v. 2, 3, 4 introduci Apostolos populum sacrum excitantes ad laudem Numinis. Per *inimicos* hic memoratos intelligit Judæos ac gentiles, aperta vi regnum Christi oppugnantes; per *osores Christi* hæreticos & hypocritas; per *improbos* satellites Antichristi, pudefactos præcipue tempore Reformationis; per *columbam*, cujus *ala* hoc loco memorantur, Ecclesiam. Atque hunc in modum cetera hujus Psalmi verba persequitur Autor perspicua paraphrasi. Explicat etiam diligenter, quid sit v. 14 *וְיָרִם*, aurum significari docens, quod *purum effoditur*, eamque in rem adducens maximorum Philologorum testimonia. Versum 18 ita interpretatur ad verbum: *Currus Dei duæ myriades mille iterationis: Dominus in iis, Sinai in sancto*. Putat vero, hic synecdochice totum exercitum appellari *currum*, cum currus olim essent maximum exercitus robur. Verbis itaque istis huncce tribuit sensum: *Exercitus Dei sunt duo agmina, binæ acies, iterata millia, plurimæ chiliades in utroque agmine: Dominus inter illos est, semper scilicet præsens Ecclesia sua, adeoque & Sinai in Sancto est, hoc est, ipsa horrida deserta non minori, quam probe culta terra, privilegio gaudent, simul ac Dominus residere ibi voluerit*. Verba hæc v. 9: *Adscendisti in altum, captivam duxisti captivitatem*, cetera, eo sensu capit, ut agatur de adscensione Christi, quem ita alloquatur Ecclesia: *Tu tua virtute in cælum adscendisti, te summum mundi moderatorem probasti, & in cælo thronum collocavisti; tu victor adscendisti, captivitatem sustulisti, hostes in triumpho duxisti; atque adeo tui sunt homines, quos ex captivitate liberaſti. Tu dona accepisti in hominibus, cum a te sit, quicquid Ecclesia habet, & largiter tua dona tuis distribueris. Tu etiam refractarios accepisti ad habitandum Fab, tantaque tua est potentia, ut corda hominum, qui sese tibi opposuerunt, in manu habeas, & quo volueris, flectere, illosque ad ovile tuum reducere possis*. Versum 21: *Deus ille noster est, Deus ad salvationes, & Jehova Domino exitus mortis*, ita interpretatur: *Deus ille omnipotens nobiscum est, qui potest & solet & vult salvare, qui omnia*

p. 58 sqq.

73 sq.

80 sqq.

87 sq.

P. 97.

114 sq.

270.

omnia in manu sua habet, & occidit vivificatque, quos vult
 Versum 23 & sequentes usque ad finem capit de reformatione
 Ecclesie seculo XVI facta, sibi que hic videtur audire Lu-
 therum & ejus in opere reformationis socios. Ceterum cum
 in superioribus, uti p. 112 sq. fatetur, Cocceji in hunc Psalmum
 Commentarius ubique ipsi lucem attulerit, nunc novam pro-
 ponit ac tuetur sententiam, & a Coccejo dissentit, qui, hoc loco
 agi de quadam liberatione Ecclesie, agnoscens, noluit tamen,
 quæ hic dicuntur, certo applicare tempori. Tota igitur in
 Sectione secunda contendit, describi hic prophetice reforma-
 tionem Ecclesie Lutheranam & liberationem ab Antichristi ty-
 rannide. Jactis hujus suæ sententiæ fundamentis, per *Basan*
 intelligit imperium potens ecclesiasticum, sede gaudens ferti-
 lissima, & hinc luxuria corruptissimum, versumque in tyran-
 nidem. Ex hoc *Basanis* imperio dicitur Ecclesia reduci &
 in libertatem vindicari: quæ cum hoc loco scribitur reduci ex
profundis maris, Noster per hæc *profunda* capit horrendum
 Antichristi imperium. Cum porro v. 25 Ecclesia dicitur vi-
 disse *incessus Dei*, docet, *incessus Dei* in genere dici posse sa-
 pientissimam ejus providentiam, qua, quæ molitur, ordine &
 modo a se ipso constituto exequitur & ad finem se dignum
 dirigit; at, cum hoc loco vocentur *incessus Dei in sanctuario*,
 significari providentiam Numinis circa Ecclesiam sub iugo Pa-
 pæ gementem. Quod autem ad personas attinet pompam
 hancce constituentes, per *cantores* intelligit primos veritatis
 testes & præcones, facto agmine a Synagoga Antichristi disce-
 dentes; per *citbarados* ministros Ecclesie tempore Reforma-
 tionis exortos; per *virgines chorum constituentes* ipsos coetus
 tum credentium & sua ab Antichristi tyrannico imperio libe-
 ratione prolixè lætantium. Delatus ad v. 28, non dubitat, esse
 versum hunc ænigmaticum. Assentitur igitur magnis aliquot
 interpretibus, Apostolos hic describi, e quibus Paulum constat
 fuisse de tribu Benjamin, alios de tribu Juda, alios de tribubus
 Zabulon & Naphthali. Quo pacto Paulus hic loci appelletur
Benjamin parvulus imperans illis, ceteri Apostoli *principes*
Juda, principes Zabulon, principes Naphthali, laxatis ingenio
 habe-

habentis uberius persequitur. Ceterum cum in hoc Psalmo non agatur de primis & antiquissimis Christianorum coetibus, sed de Ecclesia seculo XVI reformata, docet, ideo hic induci Apostolos, quod Reformatores sint eos secuti duces, eorumque doctrinam e tenebris revocarint in lucem, atque adeo Ecclesiam instaurarint Apostolicam. Jam breviter hæc accommodat ad tempus Reformationis, quo Lutherus, quem vocat *electum Dei organum*, alique viri eximii e Babylone exierunt : atque ita Opus suum concludit.

P. 312.

CHRISTOPH. AUG. HEUMANNI, SS.
Theol. D. Poecile. Tomi III Liber III.

Halz, in officina Rengeriana, 1730, 8.

Plag. II.

Libri hujus *Dissertatio secunda* (nam primum locum tenet Epistola dedicatoria,) meditationes aliquot exhibet ad Cl. *Stephani Viti*, Professoris Castellani, *Vindiciar Apologia* suæ pro Synodo Dordracena. Observatur initio, cum jullo acrius & plane insolenter subinde invectum esse in Lutheranz Theologos Ecclesie. Deinde judicatur, Dei verbo, sapissime & clarissime dicentis, & jurejurando confirmantis, se velle omnium hominum salutem, seque invito tam multos perire, a *Vito* inscite opponi ratinnculas philosophicas. Ut cetera omittamus, postremo loco *Vindicie Viti* emendari jubentur e *Dallai Vindiciis pro duabus Synodis*, quippe in quibus gratia Dei universalis acriter propugnetur e *Joan. III, 16* & e *1 Tim. II, 2*, aliisque Scripturæ sacre locis. *Dissert. III* refellit Auctor sententiam duorum celeberrimorum Theologorum, *Laschtri* & *Gerdesii*, qui singularibus libris eliminandas censuerunt e sacro codice hyperbolas. Ac primo quidem eorum fundamentum subruit. Cum enim supponant, hyperbolen esse mendacium, distinguit verum mendacium ab apparenti, ostenditque, in hyperbolis verba non valere tantum, quantum sua natura valere possint, sed quantum valoris iis tribuat usus publicus, adeoque non tam verborum, quam sensus communi consensu recepti, habendam

hic

hic esse rationem. Deinde præcipua quædam loca Scripturæ sacræ hyperbolica contemplatur, quamque violento modo ea interpretentur, qui hyperbolis locum nullum relinquunt, monstrat. Denique observat, periculosam esse novam illam sententiam, ac religionis Christianæ contemtoribus novum subministrare argumentum. *Diff. IV* libri *Lactantiani de mortibus persecutorum* multa loca emendat. *Diff. V* locum quendam *Epicedii*, quod *Baudius Arminio* scripsit, a *Clerico & Masbomio*, viris acutissimis, nequicquam tentatum emendat, ac præterea locum quendam *Sereni Samonici*, atque alium *Ciceronis*. Hinc celebrem illum Concilii Illiberitani canonem, ita vulgo editum: *Placuit, picturas in Ecclesia esse non debere, ne, quod colitur & adoratur, in parietibus depingatur*, sic refingit: *ne, quod in parietibus depingitur, colatur & adoretur*. Tum appendicem exhibet ad *Vitam Sam. Rachelii*, alio loco a se descriptam; itemque ad *Vitam Grotii*, non ita pridem Delphis Batavorum vel potius Lipsiæ nostræ editam. Scrutatur postea originem aquilæ bicipitis in sigillo Cæsareo, statuitque, eam figuram, a *Carolo IV & filio ejus Wenceslao* primum usurpata, significasse duo regna ipsis subiecta, Germanicum & Bohemicum. Postremo loco animadvertit, *Grotianum Opus de jure belli ac pacis* vulgo ita inscribi: *libri tres, in quibus Jus natura & gentium, item juris publici præcipua explicantur*; huncque titulum ex editione ipsius *Grotii* A. 1632 facta emendari jubet hunc in modum: *libri tres, in quibus jus natura, gentium item juris publici præcipua explicantur*. *Diff. VI* interpretatur verba Christi *Matth. V, 5*: *Μακάριοι οἱ πενθεῖς, ὅτι αὐτοὶ κληρονομήσουσιν τὴν γῆν*, recitatisque ac repudiatis aliorum interpretationibus, censet, Christum non loqui de Christianis singulis, sed de universa Christiana Ecclesia, significareque, eam, si injuriarum ob veritatis divinæ professionem ab ethnicis illatarum patientissimam se præbuerit, tandem occupaturam esse totum orbem, ejectaque superstitione religionem Christianam ubique terrarum ac gentium propagatam iri: eaque occasione similem locum *Pauli Rom. IV, 13* debita luce perfundit. *Diff. VII* agit de *Papismo styli*, ejusque non solum

solum ex Pontificiis scriptoribus, *Sammarthano* maxime & *Facciolato*, exempla depromit, verum etiam e scriptoribus Lutheranis, quibus aliquando id styli vitium excidit. *Diff. VIII* exhibet *Electa epistolica* e *Joannis Petri Lotichii* Opere epistolico MS. quod secum communicarat inclyti vir nominis, *Uffenbachius*. Ex his speciminis gratia repetimus, autorem libelli famosi *de ratione status Germaniae*, nomen *Hippolyti a Lapide* præferentis, fuisse *Chemnitium*. Exhibetur hic etiam *Lotichii*, quem diximus, librorum cum editorum, tum edendorum, catalogus. *Dissert. IX* sistuntur *Cl. Christi* ad hanc *Poecilæ* annotationes, in quibus novæ *Heumannianæ* sententiæ aliæ probantur & confirmantur, aliæ rejiciuntur. *Diff. X* prodeunt *Prolegomena historica*, sive Introductio in studium historicum. Hic non solum de vocabulo *historiæ* grammaticæ differitur, sed etiam vulgaris historiæ divisio in naturalem, civilem, & ecclesiasticam repudiatur. Tum justæ afferuntur divisiones historiæ illustranturque, interjectis etiam judiciis de celebrioribus aliquot Historicis, v. c. de *Cellario*. Præcipua diligentia illustratur divisio historiæ nova in memorialem, criticam, & prægmaticam. *Diff. XI* Inscriptio arguta exhibetur in natalem Regis Britannicæ. *Diff. XII* *Christologia Paulina* 1 *Tim. III*, 16 diligentissime expenditur. Το τῆς εὐσεβείας μυστήριον, quod vulgo redditur *mysterium pietatis*, Autor reddi oportere statuit *mysterium religionis*. Per *angelos*, quibus Christus hoc loco dicitur apparuisse, capi vult *Apostolos*. Utramque sententiam fulcit rationibus haud contemnendis. Cetera studio brevitatis præterimus. *Diff. XIII*, de *angelo Spirensi* inscripta, narrationem aliquam *Melanchthonis* sub examen vocat, qua is refert, in comitiis Spirensibus A. 1529 habitis venisse ad se angelum quendam, hoc est, spiritum cœlestem humano corpore indutum, &, ut *Grynaum* juberet fuga sibi propere consulere, sibi præcepisse. Noster contendit, non fuisse verum angelum, sed *Nicodemum* quendam e cœtu Pontificiorum. Ac eodem modo interpretandas censet narrationes de angelis illis, quorum alter *Aspari*, *Theodosii M.* duci bellico, alter *Maximiliano I Imp.* se conspicuum præbuisse perhibetur.

P. 407.

392 sqq.

H h h

Diff. XIV

Diff. XIV musicam illam Hebræorum interjectionem, *Sela*, in Psalmis occurrentem sæpius, considerat, recitatisque Theologorum diversis opinionibus atque confutatis, negat, inveniri posse verum istius vocabuli sensum. Cum enim duæ tantummodo sint viæ ad eum perveniendi, testimonium historicum & analogia grammatica, utraque luce ac duce nos ait destitui, adeoque omnem spem inveniendæ veræ notionis rē *Sela* non nostræ solum, sed posteræ etiam ætati præcidit. *Diff. XV*, eademque ultima, est de titulo *Serenissimi*. Hic observatur, Theodosium M. Imp. primum usurpasse hunc titulum, eumque e stylo poetico petatum nihil aliud significare, quam *clementiam*.

TITI LIVII PATAVINI HISTORIÆ ROMANÆ Libri, qui supersunt, duplici divisione in Capita distincti, Periochis insuper, variis Lectionibus, Chronologia & Rhetoricis exercitationibus illustrati.

Tomi V.

Patavii, ex Typogr. Seminarii, apud Jo. Manfrè, 1727, 12.

Alph. 6 pl. 8.

Vix ante annum 1694 Patavini de edendo Civis sui Opere immortali cogitarunt, quo nimirum prodiit primum Patavii quinque Voluminibus in 12, nec dubitamus, hanc editionem plane convenire cum nostra, de qua nihil quidem Typographus commemorat, nisi quod testatur, Duumviris ornatissimis, *Jacobo Jacobetto & M. Antonio Ferracio* gratiam deberi, qui sua diligentia fecerint, ut ad gravissimum Scriptorem aliquanto facilius accedere posses. Et est quidem hæc usui admodum accommodata, cum & exacte satis impressa & Chronologiæ ubique ratio fuerit habita, & subinde in margine memorentur variz Lectiones, & Libris Capitibusque singulis argumenta luculenta præmittantur, & accesserint Tomo IV *L. Flori Epitome*, duplexque Chronologia in *Livium*, altera *Car. Sigonii*, altera Anonymi, & Index locupletissimus, quibus demum Tomo singula.

gulari, quem quintum dixeris, etsi numerum non præ se ferat, adjectæ sunt Exercitationes Rhetoricæ in Orationes T. Livii, cum Indicibus locorum communium, ex quibus Orationum argumenta desumpta sunt; affectuum, qui juxta *Aristotelis* præcepta in illis pertractantur; morum, qui ex iis erui possunt; descriptionum item ac legum, quæ in *Livio* continentur. Quæ cum omnia usum juventuti haud exiguum præstare possint, dolemus tamen, præter chartam non optimam adhibitos fuisse typo nimis minutos, qui aliquando oculorum aciem fugiunt, nec Lectores valde alliciunt.

*M. ACCII PLAUTI COMOEDIÆ SUPER-
stites viginti, cum Fragmentis deperditarum; ex opti-
mis quibusque editionibus & præcipue FRID. TAUB-
MANNI, diligentissime representata. Accessit In-
dex, in quo rariora & obsoleta Poetæ verba breviter
ac dilucide explicantur.*

Patavii, excudebat Jos. Cominus, 1725, 8.

Alph. 2 pl. 84.

Qui *Livium* modo dictum viderunt, nec chartæ satis puræ, nec typo concinno impressum, mirabuntur haud dubie, cum *Plautum* aliaque scripta continuo e typographia Cominiana prodeuntia viderint, in eadem urbe tam diversam iniri imprimendi libros rationem. *Plautus* enim in charta purissima comparet, & excusus quidem pariter est minuto caractere, sed pingui & tam eleganti, ut ad *Elzevirianum*, quem hactenus imitari nemo potuit, quam proxime accedat. Etsi, cui debeatur editio, nullibi indicetur, dubium tamen non est, eam doctissimis Fratribus *Vulpiis*, qui typographiæ hujus commoda jam dudum edendo optimos libros promovent, deberi. Qui præfatur, se rem non ingratham sperant fecisse civibus suis, quod summo labore, ut loquuntur, curaque incredibili novam hanc dederint Poetæ vetustissimi editionem, cum inde a *Juntarum* & *Al-di Manutii* ætate, qua scilicet calebant apud Italos literarum studia, quæ postea refrigere, vix ullam Italia produxerit. Obser-

vant vero, veteres, si quæ occurrant, editiones plerumque vitio-
sas Lectiones præ se ferre, malaque interpungendi ratione omni-
no laborare; nuper autem a Belgis & alibi procuratas, ut reli-
quis emendatiores nitidioresque sint, non tamen ita ad amus-
sum exactas esse, ut non integris aliquando versibus careant, quod
pluribus exemplis, tum Gronovianæ Amstel. 1684 editæ, tum
Londinensis omnium Poetarum Latinorum, quæ A. 1713 lucem
aspexit, quam utramque editionem cum *Taubmanniana* dili-
genter contulere Editores, probatur. Præmisere vero libro
pleraque veterum & recentiorum de *Plauto* testimonia, textum
dedere minime vitiosum, sed curate admodum emendatum;
notas quidem addere insuper habuerunt, ne quid præteritum
Lectorem moraretur, verba tamen vetustate obsoleta, de quorum
obscuritate conqueri rudiores solent, in Indicem conjecta, dili-
genter explicarunt.

VINDICIÆ ARBORIS GENEALOGICÆ

*Augustæ gentis Carolino-Boicæ, contra Systema Autoris
Geneographi, qui in arbore Genealogica ante paucos an-
nos cupro incisa Sereniss. Bojorum Principum fundatorem
ponit Luitpoldum &, abrupta penitus arbore, negat Caro-
lum Magnum. Omnia per modum Epistolæ, qua Autor
Boicus sustinet argumenta in favorem gentis Boicæ per
Chronicas, Documenta, Autores & rationes adductas ex
combinatione Actorum & temporum.*

Monachii, typis Mariæ Magdalenz Riedlin, 1730, fol.

Alph. 2 pl. 6 Tabb. æn. 7.

Qui nomen in Dedicatione ad Serenissimum Bavariz Electo-
rem *Carolus Albertus* subscripsit, *Ign. Franc. Xav. de
Wilhelm*, eidem Principi (ut vel e P. I. fol. 75 discimus) a con-
siliis sanctioribus & administratione Comitatus Hagensis est, eo
illustriori loco positus, quo graviolem scribendi materiam elegit.
Nam cum nuperus quidam *Arboris Genealogicæ* æri insculptæ
Autor,

Autor, quem Nosler toto hoc Opere *Viri Amplissimi* elogio compellat, omisso gentis Boicz stemmate Carolino, Luitpoldum autorem ejus, ut alii quoque Genealogi recentiores fecere, statuerit, idque etiam argumentis nonnullis literis ad Autorem nostrum datis confirmare ausus esset, e re patriæ duxit Illustriss. Autor, ut sententiam hanc serlo oppugnaret. Etenim tres celebrantur sententiæ; prima eorum, qui asserunt, Principes a Carolo M. qualicunque nexu descendere, & hi Comites Langensfeldenses in subsidium vocant; altera eorum, qui in Ludovico Arnulphi Imp. filio stemma Carolinum penitus extinctum persuasi, fundatorem stirpis Boicz ponunt Luitpoldum; tertia Autoris est, cum aliis asserentis, Arnulphi Imp. filium fuisse Arnulphum Malum, Bavariz Ducem, quo & primam sententiam nimis difficultatibus expositam tolli & alteram penitus subruere sperat. Aggreditur vero primum Autores, ad quos provocat Adversarius, *Vitum Arenbeckium* imprimis, Scriptorem quidem ipsius *Bern. Pezii*, qui edidit, testimonio, in rebus vetustis admodum fabulosum, qui in Chronico A. 1495 scripto, Comites Schirenses non ab Arnulpho Imp. sed a Leopoldo Duce oriundos probatum ivit, simulque Ottonem Frising. cujus auctoritatem ille quodammodo secutus erat, sed in domum Bavaricam male animatum, explicat & refutat. Quo facto, Parte hac prima XVI Documenta, quibus sententiam suam confirmat, altera vero Parte XII Argumenta, quibus eandem latius tuetur, producit. Inter documenta proferuntur loca *Jo. Tritheimii*, Chronici Schirensis vernaculi scripti A. 1283 & in Bibl. Electorali Bavarica exstantis, (ubi etiam picta Tabula perantiqua e rudibus domus Capituli in subsidium vocatur) *Andree* Presbyteri Ratisbonensis, qui scripsit A. 1421, *Hermannii Schedelii*, cujus Chronicon A. 1477 manu exaratum in Bibl. Electorali exstat, Chronici Tegernseensis vernaculi MS. in eadem prostantis, quod coëptum A. 1478, absolutum est A. 1481, *Viti Eberspergensis* in Chronica MS. & recentiorum, *Henrici Pantaleonis*, *Bernardi Wurfflein*, *Lud. Tollneri*, *Hier. Henninges*, *Arnulphi Panvini* aliorumque, quibus omnibus adduntur testes duæ arbores Genealogicæ pictæ perantiquæ, quæ exstant in Abbacia Tegernseensi. Succeedunt

Parte II argumenta & rationes satis speciosæ, quibus in rem suam utitur, nimirum quod mortuo Ludovico IV Imperatore Regnum Cónrado delatum, jure sanguinis & familiæ, ceu proximus illius hæres, armis sibi vindicare, adscitis sociis Principibus, infelici licet successu conatus sit Arnulphus Bavarus, quem Malum Monachi vocarunt, nec omiserit jura sua in Regnum, mortuo Conrado, quo factum, ut Henricus Auceps, fœdere pacto, tot illi provincias tandem confirmaret & præterea jus cooptationis Episcoporum concederet; quodque nihilominus hæc æmulatio inter domum Regiam & Bavaricam armis ultra centum annos fuerit propagata; quod Arnulphi pater Luitpoldus minime fuerit, nec fuisse eum verosimile sit; quod sententiam Autoris Chronologiæ ratio adjuvet; & quæ sunt alia, quæ prolixè hoc loco exponere non patitur institutum nostrum. Illud omittere non possumus, accessisse postremo (ut & passim) non modo Diplomata quædam ex tabulario Bavarico protracta satis antiqua, sed & delineationem priscæ Bavaricæ & Norici transdanubiani, cum explicatione veterum nominum, quibus regiones atque urbes vel Latine vel Germanice nuncupari consueverunt. Passim etiam notatu digna admiscet Noster, quæ ad controversiam quidem hanc primario non spectant, ut quando Parte II p. 24 in stemma Sinsheimianum & Schwarzenbergicum inquirat, & ibid. p. 63 sequ. discrimen explicat inter Comites in universum & Comites Palatinos, probatque, horum dignitatem perpetuam fuisse & hæreditariam, dignitatem vero Electoralem Duces Palatinos Rheni accepisse olim a Ducatu Bojoriæ, omnibusque Boicis Ducibus, etiam non possessoribus Comitivæ Palatinatus Rheni, ita communem fuisse & propriam, ut munus Electorale Palatinatui unice natura sui connexum non fuerit. Ceterum tantum abest, ut causam suam prodiderit Illustriss. Autor, ut potius fortissime defenderit, nihilque omiserit eorum, quæ vel ad stabiliendam vel ingeniose exornandam Sereniss. Ducum Bavaricæ prosapiam Carolinam pertinent. Commendat præterea Opus & typus & charta elegans; optaremus tamen, si quid monere fas est, non

non omnia eodem typi genere fuisse impressa, quo fit, ut verba Autorum aliorum difficulter ab ipsius Autoris verbis distinguantur; nec rem Lectoribus ingratam fecisset Editor, si lemmata & Capitum Compendia apponere passim libuisset.

M. CAROLI GOTTLOB HOFMANNI,
*Schneebergensis, de genuina linguae Graecae modulatione
 sine accentibus, Commentatio.*

Lipsiae, apud Jacob. Schuslerum, 1729, 8.

Plag. 3 f.

INveterata est doctorum opinio, Graecum sermonem ad accensus legendum esse atque pronuntiandum, quanquam non desint, qui accentus olim prorsus ignotos, & recentiori tantum ætate inventos affirmant. Quos inter cum & Cl. Autor hujus Commentationis nomen profiteatur suum, ipseque a puero hac in sententia fuerit, nunc peculiari Dissertatione animi cogitata exponere, & eruditorum committere judiciis decrevit. Causam suam ita peroravit, ut 1) linguam Graecam sine accentibus olim lectam pronuntiatamque esse probaret a p. 1 ad 27, & 2) modulationis genuinae sine accentibus præcepta traderet a pag. 28 ad 47. Argumenta in medium attulit decem, quorum primum desumfit a Codicibus certe plurimis sine accentibus exaratis, & in eruditorum scriniis passim asservatis. Postea arguit marmora, lapides & nummos Graecorum, quos accentibus licet destitutos legi commode posse, nemo facile dubitabit: unde haud immerito concludit, eos, qui marmora lapidesque & nummorum inscriptiones legunt sine accentibus æque ac pronuntiant, idem & in aliis scriptorum monumentis facere posse. Porro addit fide dignissimos scriptores, qui accentuum fastigia recens inventa testantur. Deinde metra poetarum Graecorum asserta sua satis clare evincere putat Autor, si & ipsi quidem accentuum fautores, ut desperatae suae causae consulerent, accentus in re poetica negligendos præceperint. Hinc

&

& ad metra miscellanea pariter & ad analogiam linguarum Græcæ, quam habet cum Latina communem, provocat : quibus tandem argumentum additur a descriptione *Βεσποφῶν* petitum : qua occasione suam, eamque novam, exponit de hoc scripturæ genere sententiam, quam & firmo argumentorum robore stabilivit. Græci nimirum a dextra sinistrorsum scribendo pergentes, ubi ad sinistram paginæ partem devenerant, inde a sinistra dextrorsum calamo redibant, cujus descriptionis exemplum vetustissimum reperisse sibi visus est Noster in Inscriptione Sigæa in Actis nostris relata anno 1722 Mens. Febr. pag. 52. Denique ipsam accentuationis doctrinam & omnium fundamento destitui & sibi ipsi adversari docet : suamque modulationem, quæ ad vocalium instituitur quantitatem, a facilitate luculenta commendat. Cumque ultimo monuerit, nullam vernaculam tanta accentuum farragine unquam fuisse oneratam, evictam suam causam judicat. Hinc altera Commentationis parte disserit de Græca *Πεσωδία*, sive de modulatione vocum Græcarum sine accentibus, multaque, quæ in *Henninio* aliisque desiderabantur, supplet. *Cap. I* naturam vocalium & diphtongorum exponit. Vocales a variato faucium hiatu asserit sex : α, ε, ι, ο, υ, φ. Diphtongos nequaquam e duabus vocalibus compositas, sed e vocali & consonante ortas credit, improprias admittit omnino nullas. *Cap. II* de tempore vocalium & syllabarum agit, triamque illam regulam Grammaticorum, *omnis diphtongus longa est*, commutat in hanc, *omnis diphtongus natura brevis est*. *Cap. III* sedem modulationis investigandam docet, ita, ut vox dissyllabica modulationem habeat in penultima syllaba ; trissyllabica vero ad medię syllabæ tempus modulatur ; longa enim tonum in penultimam, brevis vocalis in antepenultimam rejicit. Tandem finit *Cap. IV* de tempore modulationis, quod nunc acutum, nunc circumflexum, nullum vero grave. Terminos hunc Græcis Musicorum scholis mutatos suadet retinendos, deque origine accentuum breviter commentatus, libellum absolvit.



ACTA ERUDITORUM,

publicata Lipsiæ

Calendis Octobris Anno MDCCXXX.

HISTORIA DA ACADEMIA REAL DA
Historia Portugueza &c.
h. e.

HISTORIA ACADEMIÆ REGIÆ HISTO-
ricæ Lusitanicæ composita ab EMANUELE TEL-
LESIO DE SYLVA, Marchione de Alegrete,
eidem Academiæ a Secretis.

Tomus I.

Ulyssipone Occident. apud Jos. Ant. de Sylva, Acad. Typogr.

1727, 4 maj.

Alph. 2 plag. 10.

Postquam Illustrem Antorem Acta omnia & documenta,
quæ ab Academiæ Regiæ Historiæ Lusitanicæ membris
in conventibus solennibus proposita sunt usque ad A.
1725, V Tomis edidisse diximus in Actis A. 1727 M. Jan. p. 1 sq.
quibus duo nuper Tomi Acta anni 1726 & 1727 complexi ac-
cessere; nunc etiam Historiam ejusdem exhibemus eleganter &
concinne conscriptam. In Prologo quidem Historiæ Lusitanicæ
tam Ecclesiasticæ quam civilis scriptores prolixè recenset, Ill. Au-
tor, ac primo quidem Georgium Cardosum, Rodericum da Cunha,
Johannem de Lucena, Ludovicum de Susa, Fr. Emanuelem de
Esperança in Ecclesiastica, dein Ferdinandum Lopes, Damia-
num de Goes, Garciam de Rezende, Nunesium de Leaon, Franci-
scum de Andrade, Bernhardum de Brito, Franciscum Bran-
danum, Antonium de Vasconcellos, Ludovicum de Menezes
in civili, præcipue commemorat, ac de singulis episcopi ad-

dit, qua nec duobus Gallicis historiz hujus scriptoribus, *Neufvillio & Mugino* pepercit. Postea expeditionum in Africam & Asiam a Lusitanis factarum, peculiare Scriptores attingit, inter quos *Gomesium de Zurara*, *Ferdinandum de Menezes*, *Jobannem de Barros*, *Ferdinandum Lopes*, *Casparum Corream*, *Massejum*, *Emanuelem de Sufa*, retulit. Tandem ex iis, qui Lusitanorum in America progressus literis mandarunt, principem locum dedit *Ferdinando de Brito*, cum *Josephus de Sancta Theresia* bella in Brasiliis gesta tantum lingua Italica scripserit; at *Castrorum* Lusitanum haud magis pretii Historicum esse judicat. Itaque ex ampla isthac scriptorum historiz Lusitaniz, imperfecte adhuc & incomplete, recensione, Regiz hujus Academiz institutionis ratio in fine redditur, ejusque necessitas pariter ac utilitas demonstratur. His premis, auspiciis fit ab enarratione eorum, quae in singulis colloquiis Academicorum pertractata fuerunt. Et p. 5 seqq. quaedam ad *Ugbelli* Italiam sacra pertinentia occurrunt, ad ejus imitationem Lusitania sacra num componenda sit, & quibus adminiculis, fusius disseritur. P. 22 exstat Decretum Regium de novae Academiz Historicae stabilimento, quod dein p. 23 seqq. pluribus exponitur. P. 35 seqq. methodus studii in historia sacra & civili scribenda declaratur. P. 45 statuta Academica proponuntur, una cum sigillo Academiz, simulacro nempe veritatis, cum inscriptione: *Restituet omnia*, quae dein confirmationis Regiz Decretum p. 54 sequitur. Postea p. 55 Catalogus Academicorum, Ulyssipone & in Provinciis commorantium, adjicitur, ac distributione singularum historiz ab illis conscribendae partium suscepta, p. 64 sq. suum cuique pensum singulis Academicis assignatur. P. 64 seqq. specialiorum e Tabulariis Regni promendarum notitiarum Index confectus legitur. P. 84 seqq. Judicium de Inscriptione sigilli Academici refertur, & p. 100 seqq. Chronica *Flavii Dextri*, *Luitprandi*, *Juliani*, *Hauberti Hispalensis*, eorumque fides sub examen vocantur, atque ita dijudicantur, ut nec probentur penitus, nec in omnibus procius rejiciantur. Pag. 111 seqq. dubia nonnulla de extraneis inserendis historiz sacrae Lusitanicae, ac

p. 116 quædam æncipitis fidei de S. *Damasc*, de S. *Susanna*, S. *Manso*, S. *Fructuoso*, S. *Engratia*, S. *Wilgesorte*, & aliis proferuntur. In auctoritatem quoque Breviarii Romani in historia p. 121 sq. inquiritur. P. 132 de voce *Æra* ejusque diverso usu prolixè agitur, & *Jacobi Christmanni* etymologia affertur p. 139, qui ab hebraica radice *אראב* *arab*, *ordinavit*, derivat, cum rectius ab Arabico verbo *أراح* *aracha*, *supputavit*, etymon hujus vocabuli peritiores arcessant; quo jure vero ab latino *Æs* repeti possit, ut Noster censet p. 138, vix capimus. P. 148 materiz colloquiorum Academicorum excutuntur, quidque & quomodo in iis agendum sit, dispicitur. P. 167 Elogium Academici cujusdam defuncti *Melli de Castro* recitatur, qui velut insignis Orator ac Poeta laudatur. In cujus locum cum susceptus fuerit Comes de Assumar, p. 119 electio ejus significatur, & p. 200 seqq. illius Oratio in receptione habita adjicitur. P. 227 seqq. rursusque p. 236 sq. de novorum vocabulorum Latinorum usu, ad historiam scribendam necessario, introducendo, fusius disseritur; p. 247 seqq. atque iterum p. 259 sq. quæstio deciditur, qualem Judæi primis Ecclesiæ seculis potestatem servos puniendi habuerint? P. 279 scriptores belli diuturni Lusitanorum & Castellanorum nominantur, scilicet *Figueiredo*, *Pereira*, *Aravio*, *Azevedo*, *Correa*, *Cunha* & alii. Sequitur p. 311 Decretum regium de conservandis antiquis monumentis in Regno reperiundis. P. 329 Cærimoniz, quibus Rege & Regina presentibus Academia utitur, enarrantur. P. 344 de Autoribus quibusdam apocryphis eorumque sublesta fide judicatur; cum adjecto p. 349 Catalogo Autorum suppositiorum. P. 365 Panegyricus in Natali Regis ut & p. 332 sqq. in Natali Reginz dictus insertus est. Inscriptiones nonnullæ Romanorum in provincia Transtagana repertæ explicantur; harum prima in urbe *Alcaçar do sal* conspicitur, (quam Romani urbem Imperatoriam vocarunt, a Mauris constructam) & ad familiam Porciam illustrandam facit: altera p. 302 in urbe *Santiago de Cassem*, veterum Merobriga, inventa est. Votum nempe *Æsculapio*, velut artis salutaris Numini tutelari, nuncupatum a *Cassio Jannario Medico Pacensi*. *Resendius* vero refutatur p.

303 sq. qui in *Castro Viridi*, urbe illius provinciae, a Rege Sebastiano Arcum, inscriptione ornatum, erectum esse perhibet. Oratio in ultimo colloquio primi foundationis Academiae anni habita exstat p. 389 sq. in qua Genii cultus, apud veteres institutus, Regi cen Academiae Fundatori & Augustissimo Genio tribuitur, & ex antiquitatibus illustratur, omnisque hic cultus p. 396 ex laminæ mysticæ sigilli Academici structura porro deducitur, & p. 407 hoc epiphonemate clauditur ex *Tibullo*: *Magne Geni, cape thura libens, votisque faveto.*

Historia der Augspurgischen Confession etc.

h. e.

D. ERNESTI SALOMONIS CYPRIANI,
Consilarii Eccles. Fridensteinens. Historia Confessionis
Augustanae, jussu Sereniss. Principis FRIDERICI II,
Ducis Saxoniae Gothani, ex Actis authenticis consignata.
Accessit ipsa invariata Augustana Confessio, cum Do-
cumentis nonnullis.

Gothæ, e Typogr. Jo. Andreæ Reyheri, 1730, 4.

Ed. 1 Alph. 2 pl. 13, & Edit. 2 Alph. 3 pl. 3.

NOn immerito præ omnibus scriptis aliis, quæ hoc anno, ob traditæ Aug. Confessionis memoriam bisecularem Evangelicis auspiciatissimo, prodire bene multa, hanc producimus Historiam A. C. quàm & mandatum summi Principis, & Auctoris de Ecclesia nostra immortaliter meriti spectata fides ac celebritas, & tot monumenta e Tabulariis protracta mire commendant. Postquam in Dedicatione paucis ostendit, quantum a tempore Reformationis imminuta apud ipsos Principes Pontificios fuerit Pontificis autoritas, docet *Cap. 1*, universam Germaniam diu ante Lutherum ægre admodum tulisse tyrannidem curiæ Romanæ, & serio optasse emendationem Ecclesiæ, & *Cap. 2*, miserandam admodum fuisse faciem Ecclesiæ Rom. tempore Reformationis. *Cap. 3* Historiam Ecclesiæ Evangelicæ inde ab A. 1517 ad A. 1530 breviter exponit. *Cap. 4* causas affert, qui-

quibus permoti Status Evangelici, ut Confessionem Aug. conscribi tradique Cæsari curarent, ubi simul ejus Præfatio ex Actis Imperii illustratur. *Cap. 5* de præparamentis traditionis A. C. *Cap. 6* de ejus consignatione Augustæ absoluta, & *Cap. 7* de ejusdem traditione variisque, quæ eam comitantur, circumstantiis agit, ac porro *Cap. 8* monstrat, quomodo eam exceperint Cæsar ac Status Rom. Catholici, quid amice sed sine fructu tractatum inter utramque partem, & quæ Comitiorum horum fuerint decreta. *Cap. 9* immensam Dei providentiam in dexteritate Confessorum observatam considerat. *Cap. 10* veram ac genuinam Confessionem vernaculam publice Augustæ prælectam Cæsarique una cum versione Latina traditam fuisse probat, & *Cap. 11*, quale discrimen in impressis nonnullis vernaculis editionibus observetur, quæque ejus causæ fuerint, ostendit. Certe *C. 12* hanc falsationem, quam a *Melanchthone* studio factam esse non inficiatur *Cap. 13*, Electorem Sax. Jo. Fridericum aliosque Evangelicos ægre tulisse demonstrat. Sigillatim deinde *Cap. 14* de Carolo V & pluribus aliis Germaniæ Statibus, quibus tradita fuit Confessio, & *Cap. 15* de Johanne El. Sax. aliisque Statibus, qui eam tradiderunt, commentatur. Denique *Cap. 16* specimen addit Commentarii cujusdam in A. C. ea, quæ e Theologia Scholastica illo tempore Theologis valde familiari & ex Historia Eccles. afferuntur, explicantis, qualem a Viro erudito in gratiam studiosæ juventutis edi optat S. R. Autor. Accedunt, præter Confessionem ipsam vernaculam invariata, quam vocant, Documenta XLI admodum lectu digna. Nobis satis erit, pauca quædam, nec omnibus nota, hinc inde decerpere. Dum de nimio indulgentiarum abusu loquitur, maxime integram *taxarum Camera Apostolica* editionem exstare testatur in *Tractatum universi Juris, duce & auspice Gregorio XIV Pontifice maximo* (cui & a *Franc. Ziletti* dicantur) in unum congestorum Tomi XV Parte I A. 1584 edita, unde hæc producit specimina; e. g. e p. 376: *Absolutio pro muliere, quæ bibit aliquem potum, per quem destruxit fætum in utero vivificatum g. 5. Absolutio pro eo, qui matrem, sororem, aut aliam consanguineam vel affinem suam & commatrem carnaliter*

p. 13.

74.

- liter cognovit g. 5, it. e p. 377: *Absolutio pro eo, qui occidit patrem, aut matrem, dummodo sit laicus, d. 1 car. 5, h. e. 1 Ducat. cum 5 Carolinis*. Quanta Catechismus Lutheri ejusque & aliorum pie cantilenæ in animis hominum vim ad propagandum per Germaniam Evangelium habuerint, probe observat Celeb. Autor, iisque jure succenset, qui, his insuper habitis, nova doctrinæ compendia novasque cantiunculas intellecta difficiles & ob solas fere melodias commendabiles rudi populo obtrudunt. De Hispanis obiter e *Fridérico Furio* observat, plurimos toto vitæ suæ spatio concionem audiendi occasionem haud invenire. Ex ipsis Pontificis cordatiores veritatem A. C. agnovisse testatur, ut *Erasmus*, qui in literis ad Cæsarem ea prorsus probaverit, quæ ibi de matrimonio clericorum, votisque monasticis & utraque specie traduntur; *Georgium Cassan-drum*, qui in *Consultatione de articulis Religionis inter Catholicos & Protestantos*, Cæsaris jussu scripta, perhumaniter senserit de Protestantibus (ad quam *Annotata* quædam dedit *H. Grotius* A. 1641, in quibus capita A. C. ex Historia Eccles. egregie illustrat) ipsumque *Ge. Wicelium*, qui in *Via regia*, *Ferdinando I Imp.* dedicata, & ipsius jussu scripta, de singulis articulis A. C. modeste admodum egerit. Editionem A. C. *Formula Concordiæ*, A. 1580 *Dresdæ* & mox *Heidelbergæ* atque alibi impressæ, præmissam, prorsus genuinam & ad exemplar Cæsari in Comitibus traditum exactam esse, evidentissime demonstrat S. R. Autor. Quod vero editio vernacula *Wittebergæ* 1531 in § a *Melanchthone* procurata a priori ejusdem anni ab eodem edita nonnullis in locis discrepet, *Melanchthoni* ipsi tribuit, cui mos fuit, ut, quoties sua recuderet, (erat autem ipse Confessionis autor præcipuus) aliquid adderet, demeret, mutaret, quam quidem licentiam nequaquam probat Noster, quamvis non neget, eum ante dictis haud contradixisse, sed ea tantum ulterius illustrasse. Facile etiam fieri posse, ut duæ ejusdem libri, etiam publici, editiones mire discrepent, exemplo Concilli Tridentini docet, cujus editionem Antverpiensem de A. 1547, cum privilegio Caroli V excusam, ab *Harduiniana* Concil. T. X p. 19 sq. non paucis locis differre ostendit. Magis vero reprehenden-
- p. 38 seq.
- 63.
- 89.
- coll. 97.
- 114 sq.
- 192.
- 136.
- 145.
- dum

dum putat *Melanchthonem*, quod amore pacis circa A. 1538 in editione Latina aliqua in gratiam Pontificiorum aut Reformatorum mitius expresserit, quod nunquam probaverit Lutherus; & plura hac occasione falsariorum exempla producit, ut Jesuitarum, quos 30000 loca Patrum ut & *Bellarmini* Controversias & *Vasquesii* scripta corrupisse ferunt Dominicani, & ipsorum Dominicanorum, qui ab illis vicissim corrupti Thomæ & aliorum Patrum accusantur; inprimis vero demonstrat, quantas falsationes subierit ipsum Breviarium Romanum. Sed totus nobis liber describendus esset, si notatu digniora promere velimus; maxime cum S. R. Autor, vulgaribus omissis, ea fere tantum prodat, quæ e monumentis maximam partem autographis, quæ ob oculos habuit, hausit. Et hæc quidem dedimus, primam editionem, quæ jam in omnium manibus est, secuti; non dissimulamus vero, paucis post primam mensibus secundam etiam editionem hoc ipso anno prodiisse, cui tamen non multa accessere, si excipias Caput integrum, quod nunc est decimum quartum, & tria Documenta sub finem addita. Nam cum nuper admodum secretiora quædam in Conventu Numburgensi A. 1561 acta ex Tabulario Hennebergico nactus esset S. R. Autor, de eodem luculenter admodum egit hoc Capite, inprimis quorundam amolitus calumnias, qui Zuinglianos tum in communionem Aug. Confessionis receptos fuisse criminantur. Nos illud hinc tantum notamus, quod Pontifex Nuntium Apostolicum miserit Numburgum, qui singulis Principibus eorumque legatis illic congregatis obtulerit literas Pontificias cum inscriptione: *Dilecto Filio Nobili Viro &c.* quas tamen accipere omnes detrectarint, quod Pontificem *Patrem* minime agnoscerent.

p. 152.

153 sq.

Ed. 2.
p. 216 sq.

HISTORIA DUCUM STYRIÆ, AUGUSTISSIMO Imperatori CAROLO VI dicata, ab Academia Græcensi Soc. Jesu.

Grazii, literis hæredum Widmanstadii, 1728, fol.

Alph. 4 pl. 12 fig. 22. 23.

Opus

- O**pus insigne charta nitida, typisque eminentioribus impressum, & iconibus elegantissimis ære signatis decoratum, Invictissimo Romanorum Imperatori *Carolo VI* dedicavit Academia Græcensis, obtulitque devotissime, cum is oras Istriz maritimas visurus Styriam itinere transiret, & felici fidere auspiciatissimum Calendis Octobribus Natalem diem Græzil celebraret. *Dissertatio proximalis* docet, quis populus regionem inhabitaret, quibusque Dominis quondam paruerit, antequam Duces suos nancisceretur. Dividitur Styria in Superiorem ad Septentrionem, & inferiorem ad meridiem positam. Superior in abruptos montes passim assurgit, quos colonorum solertia habitationi aptos & frumenti reddidit feracissimos. Vitium expers regio est, cetera domi nascuntur, quæ ad frugalem vitæ humanæ usum desideres, armentorum diversique generis gregum copia, caro saporis egregii, ex pastu saluberrimarum herbarum conciliati, ferarum, damarum præsertim, arborum frugiferarum læta luxuries, truttarum, salmionum, aliorumque piscium nulla penuria. Argento, plumbo, cupro, ferroque turgent montes; fodinæ præsertim Eisenarzenfes & Vordernbergenses supra 1600 annos tentatæ sunt; sylvæ in montibus plurimæ. Argentum olim ad Zeyringium copiose effusum, sed fodinis anno 1558 inundatis, aquarum moles nondum potuit averti. Rupium fastigio arces insident, natura & arte munitæ. Martia, Mura, Analo fluvils regio perluit. Inferior præterea Dravo & Savo rigatur; & mitior hæc pars est, montibus rarioribus, in campos fere diffunditur, nisi qua colles vitibus confiti, circa Radkerspurgum, Celejam & Luttenbergam generosum vinum reddunt. Aquas nativo igne calidas, fontes medica virtute imbutos in utraque Styriæ parte offendes; acidulæ Rohizenfes optimæ habentur. Urbes Styriæ 20, oppida 100, arces seu castra pæne 500 numerantur. Nobilitas munis patris summis, partim hæreditariis, splendida, vetustate nulli est secunda. Tribunal appellant Regimini excelsum; & rarii Principis curam gerunt Cameræ Consiliarii; rem militarem administrat Consilium bellicum; Capitaneus nomine Principis Provinciam moderatur. In Comitibus 4 ordines sen-

ten-

sentiam dicunt, sacri Præsules, Optimates, Equites & urbium Deputati. Annuente Capitaneo Mareschallus illa cogit. Ab his delecti quatuor viri illustres cum Præside procurant ærarium publicum. Prætermisiss, quæ breviter de superiorum temporum statu annotantur, ex iis, quæ inde ab Ottocari VI primi Ducis ævo atque adeo a medio seculi XII paullo fufius narrantur, nonnulla decerpimus.

Adoleverat Ottocarus, ex Marchione ultimo primus Dux, sub egregia matris cura; Alexandri Papæ partes initio secutus, sed postea Cæsari conciliatus, qui Henrico Leone proscripto, ipsum a clientela Bavariz absolvit, Ducemque Styriæ A. 1180 renuntiavit. Redux pacem conciliavit inter Gurcensem & Saltsburgensem Antistites; sed quadriennio post lepra correptus, vendere Styriam Austriacis meditatus est, ut divitias in Clerum profunderet. Ast dissuaserunt id institutum Ordines, ac consilio precibusque, ut Leopoldum Austriacum cognatum successorem in Comitibus provinciz renuntiaret, curis Reipubl. ad mortem usque, quæ contigit A. 1192, retentis, parvicerunt. Inde fabulis annumerandum, Styriam Leopoldo fuisse venditam, pecuniam vero lytri causa ab Angliz Rege extortam, quem post sex demum annos Leopoldus interceperat. Cœlibem vixisse, & altum Annalium silentium, & afflicta Principis valetudo, & alia ostendunt. Henrico Leonis socium in Palæstinam A. 1173 esse profectum Ottocarum, vix credideris, qui decem annos vivendo tunc non superaverat. Leopoldus Virtuosus Bohemos in finibus prædabundos repulit. Imminebat a Bela R. Ungariz bellum ob fines ultra Muram protensos, sed hoc metu solutus Dux, Cæsarem in Palæstinam est secutus. Ob lytrum a Richardo Anglo extortum excommunicatus est. Leopoldus Gloriosus, parentis & post triennium fratris Friderici in Palæstina obeuntis hæres, Pontifico minante territus, ut Richardo Anglo lytrum redderet, nihil tamen cessit. Andream ad se profugum ex Hungaria contra fratrem Emericum R. defendit, reducens eum in Hungariam, novamque civitatem condidit. Discordibus in Imperio votis eligentium, Philippi partes sequebatur Leopoldus; unde Episcopum Viennæ dari a Pontifice frustra postulavit. Philippo

Kkk

occiso,

p. 16.

17.

20.

23.

32 sq.

38.

44.

- p. 60. occiso, Leopoldus Papæ suâsu Ottoni accessit, mox Friderico II eodem autore. Tunc Ordines religiosorum immigrare, cœnobiiis, altero viris Græcii, virginibus altero Judenburgi, exci-
 61. tatis, nec reticenda Cœllæ Marianæ origo, quæ sanitati Henrico Marchioni Moraviæ, ejusque conjugii a paralyfi restituta debetur. Friderici Bellicosi ferociam luebant provinciæ, Carnio-
 66. lam tamen defunctis possessoribus, Friderico II Imperatore assentiente, juncto Ducali axioma, reliquis terris adjecit. In pugna contra Hungaros occisus, an ab hoste, an potius ab
 79. amicis, dubium relinquitur. Uxor prima, ignoti nominis, & dubiæ stirpis, soror Mariæ, Belæ IV Regi Ungariæ nupta, & La-
 80. scaris filia putatur; altera fuit Agnes, Ottonis Meraniæ Ducis filia; ab utraque fecit divortium. Desierat cum Friderico gens Babenbergica, unde plures optimam hæreditatem capta-
 81. bant. Ebersteini Comes ab Imperatore nominatus Præfectus, in Styriam penetrare non potuit, nec magis placuit Herman-
 83. nus Badensis; Mainhardus Styriæ denuo impositus a Cæsare, eo mortuo provinciam deseruit; Gertrudis ob sexum, ambitio-
 nem, & novas cum Romano Russiæ Rege nuptias exosa in cœ-
 nobio tandem vitam finit. Pontifice hortante in Margare-
 84. tham propendebant Ordines, unde legati in Misniam missi, qui-
 bus detentis, Wenceslaus Bohemus filium Ottocarum Austriaci obtrusit, Margarethæ postea junctum, cui tamen Ordines sacra-
 mentum non dixerunt. Mox Styri Ducatum Henrico Bavaro deserunt, cujus parens Otto consilium Belæ Ungariæ Regis an-
 tea exquirendum censebat; sed hic Ducatum poposcit pro filio Stephano, & impetravit; pace etiam cum Ottocaro inita, aliquæ
 92. Styriæ parte Bohemis cessit. Sed præfectorum asperitate ab alienati Styri Ungaros ejiciunt; & Ottocarum invitant, qui Bo-
 hemorum virtute contra Ungaros provinciam sibi vindicavit, ac Carinthiam Carniolamque pretio numerato Duci Ulrico
 98. comparavit. Verum nec Ottocari Imperium fuit diuturnum, ob nimiam in populum severitatem, ambitionem, ac studium
 101. in uxorem servituti pæne simile. Styriæ procures simulata conjurationis reos in custodiam dederat, quorum nonnulli sup-
 102. plicio affecti, aliorum arces occupata & diruta; potentia
 opes:

opesque captivorum crimen præcipuum videbantur. Mox Rudolphum I Imp. respicere cernens Austriæ Styriæque proceres, liberos ab ipsis obsidum nomine extorquet, hinc querelæ Ordinum in Comitibus, in quibus ad causam dicendam Ottocari legati comparuerant. Mox Styria & Carinthia Cæsari se dedit, quo factò Styris jura sua firmavit Rudolphus, iisdemque indulset, ne ab Imperio unquam possent divelli, aut Principem, nisi quem ipsi optaverint, haberent. Ottocaro a Mehrenbergiis in pugna occiso, Austriæ & Styriæ Albertum Cæsaris filium Ducem postularunt, qui a parente statim inauguratus, Ungaros in Styriam irrumperentes, ac Salisburgensem fortissime repressit. Deinde Styros tumultuantes, privilegiis ipsorum confirmatis, pacavit, & Salisburgensem, qui salinas Alberti everterat, bello domuit. Inde Imperator electus filios dixit Archi-Duces, qua in re Autorem esse lapsum, plures existimabunt: cui annumerandum, quod Legati Brandenburgici perfidiam in electione Friderici Pulchri pro vera vendiderat; Fridericum tamen Imperium non abdicasse solide demonstrat. Annæ filiz tres mariti falso assignantur; cum Uladislao Loethico Polono solum fuerit desponsata, e vivis mox sublato sponso. Albertus frater & hæres nomen *Contracti* sortitus est, quod veneno inter inaugurationis solennia propinato nec manibus nec pedibus uti posset. Egrediebatur Eberhardus Würtenbergicus, a Conrado Scholkingæ Domino id oppidum cum Ehinga & Berge Alberto venditum, unde turbæ, Cæsaris opera mox sopitæ. Brisacenses quoque res novas moliti, arctius Austriacis adstricti. Cum Helvetis ob agnatum Johannem captum, & Tigurinos foederi accedentes, ortum est bellum, detrimentis hinc inde illatis tandem finitum. Ceterum Albertus leges filiis præscripsit, ut, quicquid bonorum singulis accessisset, esset commune omnibus, & major natu regendi autoritate reliquos anteiret. Albertum electum quondam Pataviensem fuisse Episcopum, aut Subdiaconum, *Steyererus* negat, *Hanszius* affirmat; quam rem in medio reliquit Autor. Rudolphus Ingeniosus turbas ab Eberhardo Würtenbergico excitatas Cæsare mediante composuit; Aquilejensem Patriarcham, ut Austriacis ere-

p. 105.

109.

115.

122.

124, 127.

134.

143.

148.

165.

180.

P. II, p. r.

II.

14.

21.

28.

- pta redderet, adegit, & Austriacos a Duce Goritienſi hæredes ſcribi curavit. Fabulis de Rudolphi morte confutatis, ardenti febre ipſum obiiſſe Mediolani, refert Autor. Ceterum Rudolphus Palatini Archi-Ducis titulum a Friderico I Imp. collatum ſignis literisque primus inſcripſit. Ex literis repertis monſtratur, Albertum cum Trica A. 1349, & Leopoldum fratrem A. 1351 aut ſequenti fuiſſe natos. Tunc Friburgum Auſtriacis ceſſit, ſolutis Comiti Eggoni, qui perpetuas cum civibus alueras ſimultates, duodecim florenorum millibus. Albertus graſſatoribus publicis ſublatis, dyſenteria, quam immodica venatione ſibi conciverat, mortem oppetiit. Theologiæ Magiſtros A. 1384 primum Viennam evocavit, & diſputantibus crebro interfuit; Architectonicis, Torevticis & Mathematicis ſtudiis inprimis addiſtiſſimus. Wilhelmus affabilis ab equo, cui inſederat, cum adductis fortius habenis reſupinaſſet, oppreſſus vivendi finem fecit. Fridericus V Imperator, Cillejæ Comitatu ad ſe devoluto, periculum vitæ ab Holzero ſtructuræ vix evitavit, dum ægre de ſomno excitatus in arcem Cillejæ ſe proripuit, quod Divo Maximiliano, urbis illius tutelari, in acceptis referens, idem filio nomen indidit. Sub Maximiliano I a Vindis ruſticis Styriæ ob præſectorum injurias conflata ſeditio, exercitus plus 80 millibus conſtitit, a Sigismundo Dietrichſteinio tamen levi negotio ad obſequium compulſi. Sævas Turcarum irruptiones in Styriam hic ſingulatim percuſſere non vaſcat. Carolo V Styriæ fidem addicere prius recuſabant, quam ipſe præſens immunitates ipſorum jurejurando firmaveſſet; tandem tamen Legatis ipſius, literis caventibus, ſacramentum præſtiterunt: ceſſo poſt biennium jure, frater Ferdinandus primum, inde Ordines juſjurandum conceptis verbis protulerunt. Ceterum ſicut iſti Autores, Imperatorum autoritate poſthabita, ubique Pontificum Rom. decus extollunt; ita nemo mirabitur, eos pro more ordinis ſui paſſim, Libro inprimis III, Evangelicos ſcriminari, adeo ut ne a fabulis quidem puerilibus abſtineant.

VETUS LATIUM PROFANUM, IN QUO
agitur

agitur de Veliternis & Coranis; Autore JOSEPHO
ROCCO VULPIO, Sac. Jesu Sacerdote.

Tomus IV.

Patavii, excudebat Josephus Cominus, 1727, 4 maj.

Alph. 1 pl. 5 Tabb. 22. 13.

Quodnam institutum sit Cl. Auctor, in Actis anni superioris M. Aprili p. 150 diximus, Tomum antecedentem regentes. Memoravimus etiam ibidem p. 152 Tabulam Antiatinam ab eodem seorsim explicatam. Nunc dum veteris Latini quartum Tomum, Benedicto XIII nuper Pontifici Max. inscriptum, prodit, Praefationem praemittit satis prolixam, qua se tuetur contra Autorem libri Italici, qui sub titulo: *Camera & Inscrizioni Sepulcrali de' Liberti, Servi ed Ufficiali della Casa di Augusto scoperte nella Via Appia ed illustrate, in Roma 1727, fol.* prodit, cujus nomen, etsi Noster non tradit, Franc. Blanchinus est, si bene meminimus. Sed haec cum non magnum admodum momentum trahant in antiquitatum explicatione, studio praetermittimus. Continentur hoc Tomo totius Operis, computatis Emin. *Corradini* Tomis duobus prioribus, Liber VI de Veliternis & VII de Coranis. Originem Veletrarum *Cap. I.*, rejectis variorum sententiis fabulosis ac partim ridiculis, incertam Noster, atque adeo vetustissimam, pronuntiat. Historiam vero bellorum Veliternos inter & Romanos per trecentos fere annos dubia fortuna gestorum & deductae Veletras Coloniae Romanae *Cap. II.* accurate describit, ac deinde figillatim *Cap. III.* virtutis Veletrorum in Romanis bello juvands exempla producit, simul non ineleganter disputans contra Autorem recentem, qui apud *Silium Ital. L. VIII v. 378.* pro *incelebri valla Velitrae*, legit *in celebri*, & vulgatam lectionem defendens, voce *incelebri* nihil aliter denotari probat, quam locum multitudine hominum haud frequentem. De templis porro Veliternorum & prodigiis differens *Cap. IV.*, Martem praecipue iis cultum ostendit, & columnas templi Martis hodieque exstantes producit, dumque lucernae perpetuae illic detectae meminit, neutiquam probat eos, qui ideo, quod fossores scin-

p. 28.

43.

tillantem adhuc momento deprehenderint, per tot secula arsisse sibi persuadent, existimans potius, hoc genus lucernæ, jam diu exstinctum, tunc rursus momento accensum fuisse, externo ære particulas nitri ac sulphuris excitante atque accendente. *Cap. V* reliqua Veliternorum ædificia & villas imprimis agri Veliterni lustrans, aliquot affert Inscriptiones, in quibus memorabilis est, quam ex colle *Falconis* ejusdem agri producit:

T. FLAVIVS PHILIPPVS SIBI ET
FLAVIAE CAENIDI CONIVGI LOCO DON
OLLAR III ABLEIA FELICVLA ITVM
ADITVM AMBIT

VITRINAE SACRIFICI CAUSA.

Ut de Cl. Autoris in hæc & similia commentandi ratione constet, addimus ipsa ejus verba: *Titus Flavius Philippus sepulchrum hoc sibi & Flavie Cenidi conjugis suæ construxit locumque ollarum quatuor capacem sepulchro eidem donavit. Nam intra ollas exustis cadaveribus reliquos cineres claudere moris erat. Quatuor itaque ollarum locus corporum quatuor tumulandorum locus erat. Porro Ableja quadam Felicula vel consanguinea vel liberta vel certe amica sepulchri hujus spatium adauxit, & circa ipsum ustrinam fecit. Erat autem ustrina locus, ubi cadavera urebantur. Itaque Ableja non tantum ustrinam facere contenta fuit; verum etiam itum, nempe iter, ad illam aperuit; aditum, scilicet ingressum ipsum ac introitum, exstruxit; & ambitum, nempe circuitum ipsum circa sepulchrum adificavit, muris scilicet sua pecunia circumductis. Atque hoc totum idcirco se fecisse testari voluit, ut spatium amplum ad sacrificium Manibus Philippi & Cenidis conjugum, quoties opus foret, peragendum haberet. Cum deinde de quibusdam Veliternorum Magistratibus & Collegiis, ut Fabrorum & Augurum, agit *Cap. VI*, observat, in Colonia magistratum e Curia seu Senatu, & Decurionibus h. e. Senatoribus compositum fuisse, & quamvis in colle Martio, qui est in agro Veliterno, inventus fuerit lapis cum Inscriptione: Q. POM. MVSÆ COS. neutiquam tamen ex eo probari posse,*

posse, quod Consules suos habuerint Velitræ. Quæ de vetustissima Veletrinorum gente Octavia, e qua ipse Augustus Imp. Rom. prodiit, luculenter admodum edisserit Cl. Autor *Cap. VII*, & quæ *Cap. VIII* de Ulubra, agri Veliterni oppido, & *Cap. IX* de Medulla priscorum Latinorum oppido tradit, ea quidem nunc non moramur. Pauciora sunt, quæ Noster Lib. VII de Coranis habet, eodem tamen ordine procedunt. Et *Cap. I* quidem de Conditoribus Coræ agit, & tres sententias antiquissimorum scriptorum ita conciliat Autor, ut a Dardano Phryge, Trojæ quoque conditore, anno ab O. C. 1400 conditam primum, qui & nomen dederit a patre Corito, collapsam vero anno post trecentesimo quinquagesimo a Coraco e gente Argiva vel ob nominis similitudinem denuo instauratam, denique rursus dirutam, longe post ab Albanis Regibus tertio excitatam fuisse probet. Mox *Cap. II* templa Castoris & Pollucis, Herculis, Æoli, Fortunæ, Solis, Æsculapii & Hygiæ considerat, & inter alia Gruterum emendat, qui *Inscript. T. I P. I p. 43* hanc Coræ exstare Inscriptionem testatus erat :

M. TVRPILIVS M. F. L. TVRPILIVS P. L.
DVOMVIRES DE SENATVS SENTENTIA
AEDEM HERCVLI
FACIENDAM COERAVERE IIDEMQVE PROBAVERE.

At enim Noster, se A. 1725 ipsam Inscriptionem hoc modo conceptam, omiſſa voce *Herculi*, legiſſe proſitetur :

M. MANLIVS M. F. L. TVRPILIVS L. F. DVOMVI-
RES DE SENATVS SENTENTIA
AEDEM FACIENDAM COERAVERVNT EIS-
DEMQVE PROBAVERE.

Nihilominus Hercules templum illic exſtitiſſe, ex alia Inſcriptione ibi reperta : HERCVLI SACRVM, evincit. Obſter quoque notat, *Jobum XXXI, 26, 27, 28*, Solis cultores ſuperſtitioſos reſpicere & morem eorum apponendi ad os manum deoſculandique, & in ejus honorem ſubmittendi, una cum totius cor-

p. 138.

140.
146.

corporis demissa admodum inclinatione, quam reverentiam nunc quoque ab Asiaticis populis adhiberi testatur. *Cap. III* de Colonis, ab Albanis, Etruscis, Latinis ac Romanis Corana deductis, & *Cap. IV* de jure Municipali & Praefectura Coranorum nonnihil animadvertit. *Cap. V* Coranorum res bello gestas, *Cap. VI* familias eorum Romae illustres, Publiciam inprimis & Oppiam, tandemque *Cap. VII* Signinos, Corae conterminos, describit, quae hic repetere opus non est.

THE FOUNDATION OF MORAL GOODNESS:
or Inquiry into the Original of our Idea of Virtue:
by a Clergyman &c.

h. e.

FUNDAMENTUM BONITATIS INTER-
nae virtutis; sive examen originis Ideae, quam habemus,
Virtutis; Autore quodam sacri Ordinis &c.

Londini, sumptibus Joh. Pemberton, 1728, 8 maj.

Plag. dimid. 9.

QUae antiquissimis temporibus Graecorum Romanorumque Philosophorum disputationibus agitata fuit controversia, de fundamento ac Lydio lapide iusti & honesti, nondum crebra nostrae aetatis sapientum contentione composita est. Inveniuntur semper, quibus vel antiqua, etiamsi communi fere suffragio rejecta, recoquere, aut feliciter explicare placet, vel qui caliginem patribus exprobrantes, iusti & aequi matrem, ab omnibus aliis frustra quaesitam, exserto digito a se demum demonstrari posse confidunt. Negari nequit, Autorem, qui non ita multo ante in Anglia librum evulgavit, quo in fundamenta cogitationum humanarum de eo, quod pulchrum in se ac iustum est, inquirere propositum habuit, novos plane iustitiae ac aequitatis fontes indicasse, dum amorem proximi homini innatum, vel, ut ipse loquitur, primum in alios affectum, pro virtutis fundamento supposuit, eique sensum moralem, cunctis mortalibus ingenitum, ad probandum vel reprehendendum, quicquid in aliorum commodum aut dispendium fieri potest, comitem dedit.

dedit. Sed displicuit ejus institutum Autori Opusculi hujus Anonymo, qui methodo ipsius naturam virtutis plane destruit contendit. Præfatus nonnulla in Adversarii laudem, & commendato partim ingenti ejus acumine, partim verborum nitore, Philosophorum de virtutis fundamento sententias in duo distribuit genera. Illis enim placuit, homines non nisi privati commodi appetitu exstimulatos agere, atque lydium lapidem, ad quem actionum suarum probitatem exigunt, non alium ipsis esse, quam pertinax utilitatem privatam promovendi studium. Hæc vero cogitata, cum multa hominis officia, amicitiam, amorem patriæ, misericordiam, gratiarum debitum &c. evertant, & ab Autore nostro Anonymo, & ab Adversario ejus damnantur ac proscribuntur. Animum igitur Adversarius induxit, in systematis hujus morales locum aliud substituere, quo commentus est, homini non sui ipsius duntaxat amorem ingentem esse, sed affectum quoque erga alios ac variorum graduum benevolentiam, ut, quod aliis bonum est, tanquam finem ultimum absque privati commodi respectu cupiat. Innatum simul esse homini, tanquam principium cognoscendi res morales, sensum aliquem moralem, ut ipse loquitur, asserit, quo mens flectatur, ad probandam actiones, quas ex affectu erga proximum benevolo fluere, non ex privatæ duntaxat utilitatis respectu natas esse, intelligimus. Duplex itaque actionum honestarum principium statuit; alterum prædictum, nempe connatam naturæ humanæ propensionem ad promovendum proximi commodum; alterum theoreticum, sensum moralem, qui pro criterio actionum humanarum nobis inditus sit, secundum quod expendamus actiones, quas ex proximi amore in nobis nasci putamus. Sed Autor noster haud inficiatus, Deum mortalibus prout in alios affectum rationi quasi succenturiatum indidisse, ut illam adjuvaret, justas actiones magis quasi maturaret, atque languorem quorundam accenderet, negat tamen concedi posse Adversario, quod gemino hoc instinctu omne justæ ac æquæ fundamentum absolvatur. Non enim illud in systemate Adversarii ferri posse, quod virtutis natura prorsus arbitraria tribuatur, si ex mero instinctu il-

iam pendere dicamus, cum nihil prohibeat, quo minus creator contrarium plane menti nostræ apposuisse instinctum, aut quovis momento illum pro suo nutu ac arbitrio vel mutet, vel invertat. Si id, quod in actione humana honestum est, ex animi nostri affectu pendet, neque huic ipsi potius pro norma est, quæri jure posse, quid illud sit, quod Deum permoverit, ut nobis hunc maxime affectum, hoc studium, quo nunc trahimur, & non vel diversum vel plane contrarium indiderit. Occurre quidem quæstionem hanc paullo ante Adversarius instiguerat, supponendo conditionem, seu, ut loquitur, dispositionem divinæ naturæ essentialem, quæ affectibus, quos generi humani Deus indidit, ex æsse respondeat, prouti etiam in ipso Deo aliquid sensui illi morali, quem homini, ut modo diximus, tribuit, analogum statuit. Sed instat Noster, an dispositio hæc atque illud sensui morali analogum inter perfectiones naturæ divinæ locum inveniat? Hoc cum negari nequeat, siquidem quicquid in Deo est, absolute bonum atque sui generis optimum sit, de regula porro quærit ac norma, secundum quam judicari queat, quod affectus iste ac sensus moralis in Deo optimus sit. Sequeretur enim, si nulla dari posset ratio, cur divina natura benevole ita disposita sit, Deum agi ac ferri cæco ac nulla ratione suffulto impulsu. Cumque nonnulli ex Angliis occasionem passim quærant, mortuo *Leibnitio* insultandi, Noster quoque principium, quod ille statuit, rationis sufficientis hoc loco fugillat. Absurdum enim illud esse causatur, si indifferenti, ut Philosophi loquuntur, actioni applicetur, ubi plura media ad consequendum finem æque apposita sunt. Et affectum Dei erga opera a se creata, in indifferentium rerum numerum referri posse negat. Aut itaque dicendum esse, Deum ratione, quæ rebus ipsis inest, moveri, aut naturæ divinæ necessariam esse illam dispositionem. Ejusmodi autem necessitas, si quidem physica, non moralis foret, cum nostro virtutis conceptu consistere haud posset. Cum porro Adversarius diserte testatus sit, quod primus mentis nostræ conceptus virtutis a legibus haud pendeat, siquidem in ipsarum legum tam divinarum quam humanarum justitiam inquirere soleamus,

mus, in suam rem hoc Nosler vertere satagit. Nunquam enim legem bonam vel justam judicari censet, quod ipsa cum Legislatoris affectu conveniat, nec Dei legem sanctam propterea dici, quod cum dispositione aliqua naturæ divinæ conveniat. Legem ideo potius nobis vel probari vel improbari, quod in publicum bonum illam tendere, vel eidem refragari percipiamus. Pergit objiciendo, quod ex Adversarii sententia sequeretur, hominem virtutem non colere, nec illud vitio ipsi verti posse, nisi instinctu illo ac affectu in alios propenso donatus fuerit, etiamsi intellectu, voluntate, ac libero arbitrio præditus sit. Ponamus enim, haud inditum esse cordi alicujus illud studium demonstrandi iis gratum animum, a quibus beneficiis mactatus est, an nec ratio nec sola beneficiorum acceptorum memoria hominem ejusmodi flectere posset ad habendum gratias illis, qui laboranti benevole succurrerunt? Ponamus, misericordia cor humanum destitui, an non ex ipsa objecti ratione ac honestate actionis ejusmodi quis perspiciet, quod proximo varia cum miseria colluctanti subvenire deceat? & quis non inhumanitatis ac ferociz accusaret officia hæc illo prætextu detrectantem, quod naturalem hunc, quem alii sentiunt, instinctum in se haud deprehendat? Inde hoc telo Adversarium urget, quod secundum propositam ab ipso rerum moralium æconomiam necessarium sit, ipsis brutis aliquem virtutis gradum concedere, imprimis cum illa naturalem instinctum longe constantius quam ipsi homines sequantur. Amor sui generis, affectus in prolem & sexcenta alia, quam vehemens brutis innatus sit instinctus, abunde demonstrant. At seniores Philosophi omnes moralem virtutem in bruta haud cadere contendunt, eo maxime argumento persuasi, quod rationes rerum ac mutuum earum nexum ignorent. Quæcunque enim demum impressæ illis sint boni naturalis ideæ, certe ideæ boni morales prorsus destituuntur. Illud porro absurdum ex Adversarii sententia sequeretur, quod virtus hominis eo magis intensa foret, quo magis affectus illi naturales in ipso ferverent. Hoc vero & rei ipsi, & disertis Adversarii verbis repugnat, asserentis, quod eadem actio laudanda magis

fit, quæ ab homine languido, quam quæ ab alio ferventi magis ac æstuanti affectu prædito proficiscitur. Exprobrat denique Noster Adversario, ignobilem ita nimis ac probrosam fere virtutis originem statui, si ex mero instinctu illam secturire dicamus. Ratio enim ex omnium mortalium suffragio longe nobilius principium est, quam cæcus ejusmodi instinctus. Brevibus hinc exponens, quod virtus, quæ ex mero instinctu nasceretur, necessaria foret, quo ipsa virtutis idea everteretur, ad examen ulterius rerum moralium principii, quod Adversarius statuit sensum moralem, progreditur. Monet primum, eadem illi opponi posse argumenta, quibus fictum illum affectum naturalem ante confutavit; quod pro lubitu mutari, imo plane contrarius a Deo creari potuisset; quod virtutis ac justitiæ naturam incertam valde & fluctuantem redderet; quod destitutus hoc sensu morali boni ac mali ideas discernere haud posset, & quæ reliqua sunt, ante jam a nobis proposita. Novis quoque sensum hunc moralem aggreditur arietibus, absurdum hoc inde eliciens, quod vir acri præditus intellectu, sensu autem hoc morali destitutus, nihil discriminis inter *Antoninum & Caligulam*, *Socratem & Apicium* perspecturus esset. Profligatis autem Adversarii copiis Noster concinnius aliquod ac stabilius virtutis fundamentum molitur; internam rerum bonitatem ac sanam rationem in locum principiorum Adversarii substituens. Equidem diu jam a multis Philosophorum recepta fuit hæc sententia; Noster tamen aciem argumentorum accurate instruendo, ordinem ac methodum de suo addere videtur. Definitiones itaque, axiomata ac postulata præmittit, quibus veritatem doctrinarum suarum suffulcire satagit. Doctiss. *Sam. Clarkii* vestigiis se insistere haud diffinitur, nec aliam rationem esse conjicit, cur Adversarius alienum valde a sermonibus publicis Philosophi hujus ex *Boylei* testamento habitis animum prodiderit, quam quod ipse amore Auctoris Characterum fascinatus sit. Aliorum quoque Philosophorum, Stoicorum inprimis, placita passim reprehendit, quos recte quidem virtutis dignitatem suspexisse largitur, sed conditionis humanæ oblitus, hominem ut merum ens morale, non simul

simul tanquam ens sensibile ipsos concepisse monet, unde ipsorum de virtutis sufficientia nata esse paradoxa existimat.

THE SECOND PART OF THE FOUNDATION of Moral Goodness &c. being an answer to certain Remarks communicated by a Gentleman to the Author &c.

h. e.

PARS SECUNDA FUNDAMENTORUM bonitatis internæ Virtutis moralis, quibus principia & argumenta partis prioris confirmantur, atque animadversionibus Autori a Viro quodam nobili communicatis respondetur.

Londini, sumptibus Joh. Pemberton, 1729, 8 maj.

Plag. dimid. 13.

CUm unam, æternam atque immutabilem veritatem esse, Philosophi omnes gravissime contendunt, nihil magis mirum est, quam quod pauci valde inter se consentiant, nisi quos forte sectæ, cui nomen dederunt, placita, ut idem velint ac nolint, cogunt. Illud maxime paradoxum est, quod nulla in re magis Philosophi dissentiant, quam in statuendis rerum moralium fundamentis, quibus inveniendis tantum operæ jam per plurima secula impenderunt, postquam *Socratem* philosophiam de cælo pridem devocasse gloriantur. Noster scripto, cujus compendium modo dedimus, non neminem impugnant, lubricis nimium fundamentis morum doctrinam committentem, alium mox offendit Adversarium, modestum quidem ac amicum, cui vero, quæ pro stabiliendo virtutis fundamento attulerat, plane non probantur. Non enim solum, quæ ab Autore nostro oppugnata fuerant, defendit, sed ea quoque, quibus alterius errores corrigere atque male destructa instaurare instituerat, data opera impugnavit. Objectiones has figillatim Noster hoc Opusculo, addita statim minori typorum characterè responsione sua imprimi curavit, ut scrupulos amici solleret, atque posita ante a se rerum moralium principia vindica-

dicaret. Lis igitur de eo maxime inter ipsos est, an detur sensus moralis, sive singularis humanæ mentis facultas, quæ de rebus moralibus, prout intellectus de rebus physicis ac mathematicis, arbitretur, quæque adeo sit principium cognoscendi rerum moralium, sociata affectui bono tanquam principio agendi. Utrumque hoc principium, quod novis argumentis suffulcire atque confirmare Adversarius, objectionum harum Autor, instituit, Noster conquistis undique rationibus evertere atque explodere satagit. Conveniunt itaque in eo, quod ratio sit facultas, cujus virtute convenientiam aut pugnam idearum inter se, sive naturalium, sive moralium, percipimus. Contenderat vero Adversarius, male Nostrum, ut hypothese suæ serviret, asseruisse, non aliam esse in naturalibus & physicis relationem idearum, quam in rebus moralibus, siquidem ideae beneficii, atque, ut Philosophi ajunt, correlati ejus, grati animi, in idearum moralium classem referendæ sint. Propositionem enim moralem, saltem ejusmodi aliquam, quæ cujuscunque generis obligationem involvat, ex meris ideis moralibus concludi posse negat; cum ex grati animi idea non magis sequatur, hominem ad habendum gratias obligari, quam ex ingrati animi conceptu vitium hoc fugiendum esse, nisi peculiaris menti humanæ tribuatur rerum moralium sensus. Nisi enim obligationis conceptus intellectui nostro jam inesset, ille nulla ratione ex ideis beneficii, grati vel ingrati animi elici posset, neque ulli mortalium divinare aut intelligere liceret, quid voce obligationis indicetur, tantum abest, ut diversæ obligationis species ex ideis illis colligi possent. Concedit itaque, esse quidem inter ideas beneficii atque grati animi aliquam convenientiam, atque pugnam inter ideas beneficii ac ingrati animi intercedere, sed hoc non ad intellectum, verum ad sensum potius referendum esse contendit. Gratias enim, quas homo tribuit illis, a quibus beneficiis tractatus est, sensui nostro morali acceptas esse atque probari arguit, æque ac ingratus animus illum offendit. Noster ad hæc excipit, idearum moralium, & arithmeticarum, aut geometricarum naturam longe diversam esse, ut mirum non sit, relationem quoque, qua inter se

cohæ-

coherent, multum differre. Moralem enim aliquam congruentiam inter beneficii atque animi grati ideas esse, quam omnes in mente sua statim percipiunt, simul ac terminorum illorum significationem intelligunt. Prout quilibet rerum mathematicarum non ignarus statim intelligit, necessarium esse, ut tres anguli cujusvis trianguli sint duobus rectis æquales, aut certam proportionem inter sphaeram & cylindrum esse; ita ab intellectu convenientia aut pugna, quæ inter ideas morales v. g. beneficii & gratitudinis est, confestim percipitur, licet ipsa convenientiæ hujus vel pugnæ ratio in mathematicis & moralibus eadem non sit. Etenim in mathematicis convenientia illa in eo consistit, quod æqualitas vel proportio inter quantitates deprehenditur, qualem qui in moralibus conceptibus sibi fingeret, longe a scopo aberraret. Posita igitur morali hæc rerum moralium congruentia, Nosler porro ostendit, quomodo ex moralibus ejusmodi ideis propositiones morales plurimæ elici queant, eadem ratione, qua mathematicæ veritates ex conceptibus mathematicis, quantitatum maxime relatione, quæ inter illas est, inferuntur. Licet itaque dici nequeat, in idea grati animi conceptum obligationis involvi; si quis tamen attente considerans beneficii & grati animi ideas, illas inter se compareret, statim concludet, se ad gratum animum obligatum esse. Intelligit enim homo, se ens rationale esse, & non sensibilem tantum, verum moralem simul personam ex creatoris voluntate sustinere. Intelligit, ita se factum esse, ut certis rationibus ad agendum hoc aliove modo impellatur, nec iisdem se cogi, quod libertati animi repugnet, sed flecti potius. Rationibus igitur, quæ sensus demulcent, quatenus ens sensibile est, impellitur, ut voluptatem, qua trahitur, sequatur, five obligari se animadvertit, ut bonum naturale appetat. Sed quatenus personam moralem sustinet, cum bono naturali quidem nihil rei ipsi est, verum eadem ratione ad bonum morale amplectendum obligatur, qua persona sensibilis ad bonum naturale obligatur. Ita homo, quatenus agens sensibile est, obligatur ad querendum præmium, & fugiendam pœnam, sed tanquam agens morale gemina ratione obligatur; primum ut

justo

iusto legislatori obediat, deinde ut leges eo, quod in se bonum
 sint, observeret, persuasus, virtutem, ut antiquissimi etiam docene-
 re Philosophi, in se ipsa pulchram, & quam sectemur, digni-
 simam esse. In eo enim, iudice Nostro, maxime peccarunt,
 qui fontem omnis obligationis proprium ejusque commo-
 dum aut utilitatem statuerunt, quod mortalitatem cum sensibi-
 litate incongrue confuderint. Adversarius, ne Scepticorum
 more aliorum duntaxat placita vellicare, nihil vero in eorum
 locum certi statuere videretur, sensum moralem, a Nostro ante
 impugnatum, pro principio omnis moralitatis adoptaverat, in
 commendationem ejus monens, aliis jam licet obscurius eum
 suboluisse. Doctos enim se acutos viros falsos esse, quod per-
 difficile sit, ejuscuque generis obligationem solide demon-
 strare. *Lockium*, qui naturam intellectus humani atque idearum
 nostrarum erudite rimatus est, non tamen perdidisse, prin-
 cipta moralitatis idem intellectus de rebus moralibus involu-
 ta. Omisisse igitur ipsum penitus demonstrationem prin-
 cipiorum moralitatis principiorum, tanquam rem non quidem im-
 possibilem, sed quam ipse aggredi ausus non fuerit. Neque
 hoc mirum esse, cum *Lockius* de intellectu, non de sensu age-
 re instituerit, adeoque ab instituti sui terminis res morales pe-
 nitus removerit. Egrege vero Operis *Lockiani* defectum
Hutchinsonium postea supplere molitum esse, qui, Adversario
 iudice, illud sensum moralem vocavit, quod ab Autore nostro
 perceptio moralis appellatur. Moralem hunc sensum definit
 Adversarius, quod sit facultas percipiendi convenientiam aut
 pugnam, quae inter conceptus rerum moralium intercedit. Et
 cum dubium non sit, mentem humanam facultate hac dona-
 tam esse, illam non ad intellectum referendam, sed peculiarem
 potius sensum vocandam esse, Adversarius contra Autorem
 nostrum asserit. Hic vero rebus moralibus fraudi non esse
 debere contendit, quod *Lockius* aliive Philosophi non eodem
 studio ac labore ideas morales scrutati sint, quo ad alias sci-
 entias animum applicuere. Certum se esse fatetur, si Philoso-
 phi eadem cura res morales tractassent, qua naturales contem-
 plati sunt, eadem nunc in luce positae fore ideas eo spectantes,

qua

qua propositio qualibet *Euclidis* fulget, neque adeo in communi illa oscitantia mirandum esse, si varios in errores multi circa doctrinas hasce Inciderunt, quas vel lubricis vel falsis principiis suffultas acceperunt. Hoc ipsum *Lockio* ex Autoris nostri sententia accidit, qui intellectus humani naturam accurate rimatus est, atque ideas rerum naturalium & mathematicarum acute evoluit, sed in rebus moralibus humani aliquid passus est. Non enim solita mentis acie res morales aggressus esse videtur, dum pluribus in locis omne moralitatis fundamentum voluntatem Dei arbitrariam statuit, ac diserte asserit, lydium lapidem rectitudinis aut injustitiæ actionum humanarum merum Dei beneplacitum esse. Urget nosser, quid perfectionum moralium in ipso Deo fundamentum futurum esset, si voluntas Dei unica moralitatis regula dicatur? Illas enim fundamento destitui, quis dixerit? Nec voluntatem Dei ipsi Deo legem esse posse, siquidem absurdum hoc inde sequeretur, quod Deus nunquam non ex cæco arbitrio ageret. Licet enim Dei ac entis cujuscunque bonitas & virtus infinitis inter se parasangis ac gradibus differant, ejusdem tamen generis illa esse necesse est. Nisi itaque Deum vel necessario vel ex cæco arbitrio agere quis statuatur, concedendum esse, fines Dei in ipsarum rerum ratione atque morali earundem congruentia fundatos esse. Ansam hæc Nostro præbent mirandi, cur *Lockius* allive eruditi virtutem moralem cum religione incongrue confuderint. Religio enim omnis utique in voluntate divina immediate fundatur, atque hæc unica est mortalibus in rebus, quæ religionem spectant, regula. At si homo, quatenus ens morale est, concipiatur, ultima atque proxima actionum ipsius regula est convenientia illa moralis, qua ipsius Dei voluntas regitur. Prout in Deum religio haud cadit; ita bonitas ipsius moralis infinite perfecta est. Homo autem, licet actiones, quæ ex ratione recta ac virtutis amore in ipso fluunt, puræ admodum ac perfectæ essent, religione tamen carere nequit, cum corrupta nimis ac contumax natura ejus sit, nec dicto rationis & virtutis promte satis obediat. Deo igitur visum, virtutem religione confirmare ac suffulcire, ac novum mortalibus

lumen addere, quod severis legibus maneret. Quicquid enim dignitatis atque intrinsecæ excellentiæ virtuti asseramus, auctoritas tamen divina atque majestas religionis longe efficacius coercere ac regere effrænentem hominem debebat, cum geniis saltem superioribus, quibus religione opus non est, interna virtutis ratio pro regula sufficiat. Cum itaque certis res morales principiis innitantur, *Lockius* ipse de Intell. Human. Lib. IV. C. II §. 18, & Cap. XII §. 8 non dubitat, ex claris per se ac perspicuis propositionibus, observato Mathematicorum in concludendo rigore, mensuram justii & injustii accurate defini posse, modo animo ab incertis opinionibus æque libero, atque cura eadem quis accedat ad res morales, qua Mathematicæ scientiæ tractantur. Quidni enim illorum modorum relatio æque accurate percipi posset, ac illa, quæ inter numeros & quantitates est? Dolendum igitur, *Lockium* in constituendis rerum moralium principiis errasse, imprimis cum longe magis hæc obvia ipsi fuerint, quam aliæ veritates, quas operoso studio eruere necesse habuit. Si verum fateri licet, oscitanter valde in rebus moralibus *Lockius* versatus est, ut vel ex eo apparet, quod sibi ipsi parum in hoc argumento constans, ambigue sæpius differat. Modo enim largitur, principia moralitatis ideis nostris necessario involuta esse, modo principia practica, per se evidentia, dari diserte negat. Hæc vero secum consistere nequeunt. Si enim demonstratio omnis in propositiones per se evidentes denique resolvitur, non apparet, qua ratione *Lockius* demonstrationem rebus moralibus vindicare, simul vero per se evidentia principia illis denegare queat. Prolixius itaque Noster adversus *Lockium* probare instituit, dari propositiones morales, per se æque claras, ac tritum illud Mathematicorum, quod totum parte sua majus sit. Adversario autem laudanti *Hutchinsonium*, tanquam emendantem ac perficientem, quæ *Lockius* imperfecta reliquerat, respondet, longe deteriores hunc quam *Lockium* partes secutum esse. Voluntas enim Dei, quam pro moralium rerum principio *Lockius* posuerat, si non virtutis, religionis certe principium est. At principia, quæ *Hutchinsonius* statuit, instinctus scilicet naturales, nec virtutis

tutis nec religionis essentiam ingrediatur. Ipsum enim virtutis fundamentum, *Hutchinsonio* forsan invito nec opinante, illis principiis destruitur magis, quam stabilitur, & quem intellectui humano tanquam principium cognoscendi res morales succenturiat, sensus moralis inane est figmentum, quo rerum moralium dignitas magis elevatur, quam confirmatur. Hæc prolixius tergo Adversarii semper inhzrens Noster persequitur, vindicans simul objectiones, quas libro priori ante a nobis laudato exposuerat, & quas Adversarius vellicaverat. Sed singula rationum momenta excerpere, prolixum nimis, & a nostro instituto alienum foret.

TRACTATIO MEDICO - FORENSIS DE
Tortura subjectis aptis & ineptis secundum Morales &
Physicas causas ventilata a D. MICHAELE AL-
BERTI, Potentiss. Reg. Boruss. Aulico & Consistorii
Magdeb. Consiliario, Academ. Frieder. Prof. Med. &
Philos. Natur. Publico Ordinario &c.

Halz Magdeburgicz, apud Johann. Christ. Hendelium, 1730, 4.
Plag. II 1.

Quamquam Clarissimus *Alberti* in *Systemate Jurispruden-
tia Medica*, quod in horum Actorum Supplementis Tom.
IX Sect. XI pag. 465 laudavimus, tam theoretice quam practi-
ce exeuisset casus, ubi Jureconsulti Medicorum expetunt in fe-
rendis sententiis judicia, atque in specie de Tortura etiam ege-
rit, operæ tamen pretium se facturum existimavit, si idem ar-
gumentum accuratius explicaret, & cum uberrimis Jurecon-
sultorum & Medicorum suffragiis confirmaret & illustraret.
Etenim si Tortura eximium corpori cruciatum ac dolorem
affert, aut si quæstio corpus lacerat, & ipsa fere morte durior
est, ad eandem certe cum spe obtinendi finis, videlicet eruën-
dæ veritatis, corpus requiritur firmiter & congruum, ne tortu-
ræ vehementia reum interimat aut mutilet, neve propterea
judex torturam concedens homicidii aut mutilationis suspi-
cionem incidat. Neque tantum corporis ratio habenda est,

sed etiam animi qualitates considerandæ veniunt; siquidem nimia sensibilitas, profundus angor, timor, terror, &c. multa causari potest & solet, quo minus hujus ardui processus & ultimi medii eruendi veri finis aut desideratus scopus obtineatur. Deliberanda igitur & decidenda occurrit quæstio, quænam subjecta ad quæstionem rigorosam subeundam & quoad diversas circumstantias & qualitates idonea existant? In qua disquisitione Clariss. Autor partim ad ipsam torturam, ejusque gradus diversos, ad locum, in quo subeunda, ac ad tempus & tempestatem, quando illa suscipitur, respicit; partim subjecta ipsa, quæ tali quæstioni submittenda sunt, tam ratione corporis quam animi, item respectu ætatis, virium, personalis sensibilitatis, sexus, structuræ corporis, nec non prægressorum aut præsentium morborum, status valetudinarii, partis, quæ & quali morbi specie atque gradu afflicta est, examinat. In speciaiori hujus thematis tractatione considerata animi conditione, explicatoque modo, quomodo, qui nimia sensibilitate pollent, aut terrore, timore, angore nimio affecti sunt, tractandi veniant, ad corpus se convertit, & disquirat ratione ætatis, num impuberes, puellæ, quæ nondum menstruatæ, aut una alterave vice mensium fluxum passæ sunt, item senes consuetis tormentis submitti queant? ratione sensuum internorum imbecillitatis, an furiosi & mente penitus capti, aut aliqualem & per intervalla recurrentem vel exacerbata impetum & defectum rationis subeuntes, item melancholici vel stupidi; ratione sensuum externorum vero defectus, an cæci, surdi, vel muti sint torquendi? Pergit inde ad reliquam corporis constitutionem, & inquirat, an subjecta obesa, & pingui habitu prædita, feminae, quamdiu mensium fluxu laborant, viri hæmorrhoidarum, valetudinarii, in specie vero, qui convulsionibus, febribus, morbis incurabilibus & per intervalla vel intermittentibus vel mitescantibus detenti, herniosi, hydropici, cachectici, luxationes, fracturas vel vulnera passi, qui spasmodicis affectibus subjacent, ut arthritici, ischiadici, podagrici, chiragrici & similes, item lue venerea affecti, aut qui ulcera inveterata in pedibus, vel brachiis aut fonticulos gerunt, qui tenerioris sunt constitu-

tho-

tionis, gibbosi, procidentia ani aut uteri prolapsu laborantes, qui ventriculum debilem habent, ideoque alimenta difficile concoquunt, qui jejuniis vel vigiliis sunt emaciati, & an mulieres in statu graviditatis, puerperii aut lactationis torturæ sint subjiçienda? Addit denique quæstionem, an in loco frigido ejusmodi quæstio rigorosa instituenda, & an Medicus requirendus veniat, ut præsto sit. Hujus tractationis occasione de *Tortura Medica* in Præfatione agere consultum duxit Clariss. *Alberti*, sub quo nomine intelligit curationes, quibus Imperiti Medici non modo præsens malum haud mitigant, sed potius illud majoribus tormentis augment. Qualis torturæ species allegat omnia heroica remedia incongruis subjectis, affectibus, temporibus &c. adhibita, vomitoria puta, purgantia drastica, adstringentia, acria, arrodentia, quæ nimios concitant dolores & ægros in lipothymiam & syncopen, imo & deliria ac varias tormentorum afflictiones conjiciunt; quo & potus denegatio in æstu febrili spectat.

Anatomische Beschreibung eines monströsen Gewächses.

i. e.

DESCRIPTIO ANATOMICA EXCRESCENTIAE monstruosæ mesenterio affixæ; Autore D. JOHANNES JACOBO GRAMBS, Physico
Francofurtensi.

Francof. ad Mœnum, apud Davidem Jacobum Cronau, 1730, 4.

Plag. 3½ cum fig. æn. Tab. 3.

NOtabilem casum hoc in scripto commemorat Clariss. Autor, ejusque Pathologiam subnectit sat accurate, absque eo, ut ad incantationem, cui adscribebatur, refugium ceperit. Casus est sequens: *Anna Elisabeth Psaffenreuteria*, sanæ constitutionis, tributumque lunare debito tempore solvens, priores binos matrimonii annos, quod quadragesimo tertio ætatis anno inierat, vegeta transegit, tertio vero insolitum in abdomine

M m m 3

sen,

sensum & circa medium spinæ dorſi cum lancinationibus varia molimina percipere cœpit. Quamquam autem tum menſes debito ordine non fluxerint, ipſa tamen de imprægnatione facta dubitavit; obſervavit interim tribus potiffimum ultimis annis abdomen mole auctum, reliquum corpus emaciatum, pedes œdematoſos, reſpirationem difficilem & ad motum imbecillitatem. Fruſtra adhibitis remediis gravi lapſu in platea læſionem aliquam in abdomine ſe paſſam eſſe conqueritur, hinc lectum petere coacta octo dies poſt, die ſcilicet 11 Decembris anni præterlapſi, quinquageſimo tertio ætatis ſuæ anno obiit. Sub ſectione cadaveris obſervatum fuit, peripheriam abdominis æquaſſe 82 pollices, ex ejus cavitate ſex menſuras aquæ citrinæ profluxiſſe, intus vero excrescentiam quandam carneomembranoſam 18 libras ponderantem, & in ſex ſacculos, crines, dentes cujuſcunque generis, adipem, materiam purulentam & ſeroſam continentes diviſam, & ſuper omnia viſcera expansam, meſenterii, tribus ſuperioribus lumborum vertebriſ affixi, portioni adhæſiſſe, cujuſ externa ſuperficies convexa & glabra, interna inæqualis fuerat. In ætiologiam hujus phænomeni inquirens Clar. Autor, culpam falſæ conceptioni eſſe tribuendam exiſtimat. Semen enim mariti, ſexageſimum jam ætatis annum ſuperantis, non ſatis ſecundum fuiſſe putat, ex parte vero mulieris annoſæ tubam Fallopianam non amplius vegetam non ad uterum deduxiſſe ovulum, ſed in abdominis cavitatem ex ſimbriis relaxatis prolabi paſſam eſſe, quod meſenterio adhærens augmentum & nutrimentum per inoſculationem vaſorum cum vaſis meſenterii factam acquiſiverit; ita ut ovulum non ſatis ſecundatum in fœtum perfectum formari laud potuerit, ſed in ejusmodi molam concreverit.

COMMENTAIRES SUR LA GEOMETRIE DE
M. DESCARTES,

hoc eſt.

COMMENTARII IN GEOMETRIAM
CARTESII, Autore R. P. CLAUDIO RA-
BUEL, e Societate Jeſu.

Lugduni

Lugduni Gallorum, apud Marcellinum Duplain, 1730. 4.

Alph. 3 pl. 6 Tabb. æn. 23.

Geometria *Cartesii*, qua Algebræ ad Geometriam applicatio continetur, utut mole parva sit, paucis tamen verbis plurima comprehendit, quæ inde eruere non est nisi Geometræ consummatissimi. Quamobrem, cum prodiret, ad eam illustrandam varii varios conscribere Tractatus, quos versioni Latinæ a se factæ adjunxit *Schootenius*. Ipse *Schootenius* in Geometriam integram Commentarios conscripsit; sed, iudice *Rabuele*, non modo plurima inexplicata reliquit, verum etiam *Cartesium* subiude imitatus ita scripsit, ut novo commentatore habeat opus. Quoniam tamen Geometria *Cartesii* Commentario quam maxime indigebat, si quidem eam penitus intelligere debent lectores, qui inter primarios Geometras nullum adhuc locum obtinent; optime non modo de *Carteso*, sed de ipsa etiam scientia meritis est Cl. Autor, quod talem condiderit Commentarium, in quo nihil inexplicatum reliquit, sed integro textui ac singulis ejus verbis tantam lucem affudit, ut & mentem Geometræ ex assè percipere possit lector Elementorum Geometrix, Arithmeticæ atque Algebræ gnarus, & de veritate assertorum convinci queat. Conscripsit eum in gratiam Jesuitarum juvenum, Mathesi operam navantium, atque ea de causa captui tyronum serviens, summa usus est perspicuitate. Etsi autem, cum viveret, adduci vix poterat, ut librum utilissimum publici juris faceret; circa finem tamen vitæ eum tandem prelo subici passus est. Enimvero vix paucæ plagulæ erant impressæ, cum d. 12 Aprilis A. 1728, ætatis sexagesimo, diem supremum obiret, postquam jussu superiorum per annos viginti integros in Collegio Jesuitarum Lugdunensi Mathesin docuisset, cum antea alibi Philosophiam cum applausu tradidisset. Scripsit etiam Tractatum de Algebra, de sectionibus Conicis, de Locis geometricis, de calculo differentiali & integrali: quorum Operum omnium editio promittitur ab eo, qui Præfationem Commentariis præmisit. *Cartesius* Geometriam suam dividit in tres libros. Eorum primo continetur brevis quædam introductio ad Geometriam ipsius, docetur modus re-

sol-

solvendi problemata plana, & adduntur nonnulla de problema-
te *Pappi* in principio libri septimi Collectionum Mathematicarum
proposito, quod *Euclides* resolvere inceperat, *Apollonius*
continuaverat, sed nemo veterum Geometrarum perficere po-
tuit. Libro secundo *Cartesius* disserit de lineis curvis, resolu-
tionem problematis *Pappi*, de quo circa finem libri primi lo-
cutus fuerat, uberius persequitur, quomodo ex æquationibus
curvarum earum proprietates deduci possint, ostendit, inpri-
mis vero tangentium methodum exponit, proprietates quo-
rundam vitrorum figuræ ovalis describit, quorum in reflecten-
do & refringendo lumine usus esse potest, & de lineis tandem
loquitur, quæ in superficie aliqua curva describuntur. Tertio
tandem libro docet, quænam lineæ inserviant constructioni
uniuscujusque problematis; explicat naturam æquationum ea-
rundemque ad resolutionem præparationem; exponit modum
æquationes resolvendi, & æquationem cubicam vel biquadra-
ticam construendi regulam generalem tradit, & modum con-
struendi problema omne ad æquationem reductum, quæ ultra
sex dimensiones non assurgit, subjungit.

Ex his intelligitur, quænam a Commentatore pertracten-
tur, ubi recordatus fueris, quomodo in explicandis *Cartesii*
verbis versetur. Ostendit nimirum ad librum, quomodo con-
structio problematis in omni casu redigatur ad determinatio-
nem longitudinis unius vel plurium rectarum, sive punctum,
sive linea, sive superficies, sive denique solidum quærat. Ex-
plicat deinde, quomodo operationes arithmeticæ applicentur
in Geometria ad lineas, & quænam relatio inter eas operatio-
nes in Arithmetica in numeris & in Geometria in lineis factas
intercedat, ubi simul monstrat, extractionem radicis quadratæ
esse speciem divisionis. Et quia in multiplicatione, divisione
ac radicum extractionibus linea quædam pro unitate assumen-
da, exempla in medium affert, in quibus unitatis assumptio ar-
bitraria, tum etiam alia, in quibus ea pro lubitu assumi nequit.
Hic vero simul inquit, an termini calculi arithmetici in Geo-
metriam introducti officiant perspicuitati. Rationem reddit,
cur *Cartesius* lineas rectas literis & characteribus algebraicis
expri-

exprimat, ostendens, potentias algebraicas a^2 , b^3 , c^4 &c. ordinarie lineas simplices denotare, & in eo casu omnes partes cujuslibet rectæ æquales dimensiones habere debere. Duodecimo tradit regulas generales, quibus juxta methodum *Cartesii* in resolvendis problematis algebraice opus est, & exemplis convenientibus illustrat. Deinde speciatim digreditur ad problemata plana, quæ per circulum & rectas construuntur, ubi & reductionem æquationum quadraticarum affectarum in terminis algebraicis exponit, & constructionem modo a *Cartesiano* diverso docet. Inprimis etiam hoc agit, ut ostendat, omnia problemata Geometriæ communis per ea, quæ *Cartesius* tradidit, solvi posse. Postquam denique nonnulla explicavit, quæ de problemate *Pappi* a *Cartesio* dicta obscuriora videri poterant, demonstrat, locum esse planum, si in problemate *Pappi* non dentur nisi lineæ duæ: quem casum *Cartesius* prætermisit, cum tamen ceteris intelligendis inserviat. Singula vero, quæ *Cartesius* in solutionem problematis hujus affert, uberius exponit &, ubi opus, exemplis illustrat. Et ea profecto, quæ *Cartesius* de *Pappi* problemate habet, talia sunt, ut commentatore habeant opus, si quidem mentem Geometriæ ex asse intelligere volueris.

In Commentario ad librum secundum explicat Noster primum in genere, quid ex mente *Cartesii* Geometricum dicatur, quid mechanicum; ac deinde in specie, quænam lineæ dicantur geometricæ, quænam mechanicæ audiant. Ut vero differentiam illam exemplis illustret, de Conchoide, Cissoide, Spirali, Quadratrice in specie agit, Algebra ad eas applicata. Declarat modum investigandi æquationem curvarum, quæ describuntur ope instrumenti ad inveniendas plures lineas medias continue proportionales inter duas datas. Exponit divisionem curvarum in sua genera & rationem reddit, cur aliæ aliæ sint simplices, simulque ostendit, lineas curvas pluribus diversis modis describi posse; ubi plurima occurrunt lectu digna. Plures proponit regulas, easque singulas exemplis illustrat. Accedit deinde ad problema *Pappi*, ubi agens de solutione particulari, quando tres aut quatuor lineæ dantur, docet

tum constructionem particularem ad lineam rectam, tum constructionem communem ad tres sectiones conicas & circulum, tum particulares ad parabolam, ad circulum atque ellipsin, ad hyperbolam respectu diametri, ad hyperbolam intra asymptotos. Differit etiam de locis planis & solidis, traditque modum eadem inveniendi. Indo digreditur ad solutionem problematis *Pappi*, quando quinque lineæ dantur: ubi plures distinguit casus, & singulos exemplis illustrat. Absolutis illis, quæ ad problema *Pappi* spectant, porro monstrat, quomodo ex æquationibus curvarum proprietates earundem deducantur, & deinde methodum tangentium *Cartesianam* explanat, eidemque methodos alias jungit. Applicat etiam methodum tangentium *Cartesianam* ad determinandum punctum flexus contrarii curvarum & ad quæstiones de maximis & minimis. Postquam de reflexione & refractione luminis pauca quædam proposuit, descriptionem quatuor generum ovalium *Cartesii* exponit, & earum in reflectendo ac refringendo lumine proprietates demonstrat: quo facto sigillatim in unoquoque genere reflexionem & refractionem luminis expendit. Monet autem Noster, figuras ovales perinde ac ellipticas & hyperbolicas in Dioptrica exigui esse usus, non modo quod vitris poliendis difficillime inducantur, verum etiam quod vitra istiusmodi figurarum non satis accurate radios ab eodem objecti puncto egres- sos in uno puncto colligant, atque adeo sphærica iisdem omnibus præfert. Varia resolvit problemata, quibus investigantur æquationes curvarum in superficie solidorum convexa descriptarum.

In Commentario ad librum tertium docet constructionem instrumenti, quo plures lineæ mediæ continue proportionales inter duas datas inveniuntur, neque in eo *Cartesio* per omnia assentitur, quod in constructione problematum semper præferendæ sint curvæ simplices, seu gradus inferioris, curvis superiorum generum, cum hic potius ratio habenda sit facilitatis descriptionis & elegantie constructionis: qua in re *Newtonum* atque *Leibnitium* consentientes habet. Monet etiam, *Cartesum* contra propriam peccasse regulam in construendis æqua-

quationibus sex & septem dimensionum, cum *Fermatius* & *Philippus de la Hire* constructiones simplices dederint. Inde explicat, quomodo æquationes superiores per multiplicationem æquationum simplicium in se invicem producantur, & earum proprietates inde eruantur. Docet etiam modum transformandi æquationes, ut problematis solutio facilior reddatur: quæ cum satis nota sint, non opus est, ut de iis specialiora commemoremus. Dum inde ad resolutionem æquationum digreditur, primo loco docet modum investigandi divisorem communem maximum duarum quantitatum & omnes divisores unius quantitatis. Describit deinde methodos diversas inveniendi omnes radices æquationis datæ; in specie autem exponendi modum extrahendi radicem ex æquatione cubica, sive problema fuerit planum, sive solidum, nec non ex æquatione biquadratica, sive denuo planum fuerit problema, sive solidum. Tandem ad constructionem geometricam æquationum accedit. Æquationes cubicas sublato secundo termino reducit ad sex formas; de singularum constructionibus per parabolam & circulum sigillatim agit. Similiter æquationes quadrato-quadraticas secundo termino sublato ad duodecim formas reducit, singularumque constructiones per parabolam & circulum demonstrat. Explicat deinde modum construendi problemata solida per intersectionem duorum locorum, docet modum inveniendi duas vel tres lineas medias continue proportionales inter duas datas & arcum circuli datum trisecandi, peculiaris nonnulla de intersectione parabolæ a circulo facta demonstrat, & curvas, quæ per æquationes cubicas & biquadraticas definiuntur, ope earum describere docet. Exponit uberius, quomodo constructio omnium æquationum cubicarum reduci possit ad inventionem duarum mediarum continue proportionalium & trisectionem anguli. In utroque casu utitur regulis *Cardani*, quemadmodum præcipit *Cartesius*. Et quia *Cartesius* non dedit expressiones algebraicas radicum æquationum biquadraticarum; Noster hunc defectum supplet, atque formulas *Cardanicis* similes computavit. Proponit illustrandarum constructionum geometricarum gratia aliquot

exempla problematum solidorum. Inter ea occurrit inscriptio heptagoni regularis in circulo, itemque enneagoni: in casu priori construenda est æquatio cubica, casus autem alter reducitur ad trisectionem arcus, quod facile intelligitur. Solvit etiam problema *Pappi* in sex, septem & octo lineis. Quando vero *Cartesius* rationem reddit, cur problemata solida non possint construi sine sectionibus conicis, nec magis composita sine curvis altioribus; in eo eidem non adstipulatur, magis probans *Fermatii* ea de re sententiam, quæ etiam *Philippi de la Hire* fuit, teste Præfatione ad Tractatum de æquationibus analyticis. Denique ubi *Cartesii* methodum construendi æquationes, quæ ultra sex dimensiones non assurgunt, exposuit; docet modum inveniendi quatuor & quinque medias continue proportionales inter duas datas & angulum dividendi in quinque partes æquales, itemque polygonum regulare duodecim ac tredecim laterum circulo inscribendi. Proponit etiam aliam methodum construendi æquationes quinque ac sex dimensionum & curvas construendi, quæ definiuntur per æquationes totidem dimensionum ope æquationum earundem. Atque ita tandem Commentarium suum absolvit, utique dignum, qui in Latinam linguam translatus Commentatoribus ceteris adjiceretur.

MOMENTA PRÆCIPUA ECLIPSEOS SOLIS partialis, Vitembergæ Saxonum d. 15 Julii A. 1730
sub ipsum Solis ortum observatæ a I. F. W.

Temp. ver. Magnit.

H. M. S. D. M.

3. 56 — — — Sol post nubes, jam defectum quinque circiter digitorum passus, figura elliptica oritur, cujus diameter sursum versa sexta parte contractior horizontali apparuit.

59	0.	5.	30.
4.	20.	30.	6.
	25.	0.	6.
	32.	30.	6.

38. 0.

38.	o.	5.	30.
43.	30.	5.	o.
47.	o.	4.	30.
49.	30.	4.	o.
53.	30.	5.	30.
58.	o.	3.	o.
5.	4.	30.	2.
	7.	o.	1.
	10.	30.	1.
	13.	30.	o.
	15.	30.	Finis.

Præter ellipticam solis figuram, memorabilis fuit conspectus marginis lunæ asperi, quoad eam partem, quæ in occasum spectabat. Ibi enim vallis longa fere $\frac{1}{2}$ diametri lunæ, & $\frac{1}{10}$ ejusdem diametri profunda, distinctissime cernebatur. In progressu eclipsæ hæc orbis lunæ asperitas fascia cærulea abcondebatur, eadem fascia, sole altius assurgente, sensim sic amplificata est, ut sub finem deliquii, ejus spissitudo tertie digiti lunaris diametri parti æqualis videretur, & tum sub colore cæruleo etiam puniceus proxime lunæ margini adhærebat.

PROLEGOMENA AD NOVI TESTAMENTI Græci editionem accuratissimam, e vetustissimis Codd. MSS. denuo procurandam &c.

Amstelædami, apud R. & J. Wetstenios & G. Smith, 1730, 4.

Alph. 1 pl. 2.

QUam incredibilem operam in evolvendis examinandisque variis Novi Testamenti Codicibus manu exaratis collocaverint, præter alios, *Millius* imprimis atque *Kusterus*, viri omni laude majores, neminem, nisi omnium rerum hospitem, præterit. At hi tamen viro illi doctissimo, qui, nomine nondum notus, in nova hac editione adornanda laborat, cujus jam prolegomena damus, haud contemnendum reliquere spicilegium. Erit utique pretium operæ, hæc ipsa non segniter percurrere, & ex nimia egregie dictorum copia, singularia modo

- p. 1-9. nonnulla, more nostro, cum erudito communicare orbe. Constant nimirum illa sedecim Capitibus. In I generaliores prae-
mittuntur observationes, quae MSS. Codd. varium vel membra-
nae, vel chartae genus, litterarum itidem ductus, qui in separata
tabula depinguntur, accentus, spiritus, orthographiam anti-
quam, scribendi compendia, periodos, versuum divisiones, *κα-
φάλαια* sive τίτλῆς, correctiones ac lituras, easque potissimum,
quae spongia fiebant, supplementa a juniore manu adjecta, pos-
sessorem, ipsum scriptoris annum, & alia valde curiose, le-
ctuque perijacunda pariter atque utilissima continent. Id certe
mirum, quamvis ab haud paucis neglectum non ita multos ex-
stare Codices, qui totum N. T. complectantur. Jure igitur ae-
merito notatur in Belgio Gallus aliquis, qui pro conclone
dixit, locum 1 *Job. V, 7* in Codice Cantabrigiensi, qui *Beza* fuit,
reperiri, qui tamen sola quatuor Evangelia una cum Actis
comprehendit. Tum vero sigillatim inquiritur cujusque Co-
dicis locus, unde venerit, antiquitas, integritas, & ejus, quicquid
ad criticam ejusmodi censuram exigitur, omissum videmus
nihil. Ea etiam, quae desunt, capita nominatim recensita hic
invenire licet. Hac igitur ratione cum cura describuntur *Cap.*
9-17. II Codices, *Alexandrinus*, &, qui in Bibliotheca Regis Galliae
hodie asservatur, fragmenta V. & N. T. continens, a celeberrimo
Botvino, Bibliothecario R. primum detectus, & cum a
Bernardo Lamy, tum a *Kustero*, jam collatus, *Vaticanus* item,
& Codex Bibliothecae Coislianæ 202, constans foliis 14, nec non
ejusdem 1, porro Codex Bibliothecae *Cottonianae* notatus tit. C.
15, hinc Codex 2 Bibliothecae *Casareae*, & denique *Joannis Ra-
vii*, Professoris Upsalensis. Exhibentur *Cap. III* Codices, Ba-
siliensis 4 Evangeliorum, Bibliothecae Regiae 2861, etiam 4 Ev-
angeliorum, ejusdem 2243, *Colbertinus* 5149, A. 1673 ex insula
Cypro advectus, *Colbertinus* item 700 & 2215, *Lectio-
narium Evangelicum*, A. C. 995, ut videtur, scriptum, aliud cum *Millio*
a *Georgio Wheelero*, aliud a *Joanne Moro* communicatum.
Evangelistarium Græcum *Basilianorum Romæ*, fragmentum
ab *Anselmo Bandurio* Autori oblatum, & ultimo tandem loco
Codex *Passionai*, Legati ad Helvetios Pontifici, quo Apostolo-
rum

rum continentur acta. Tertiam in *Cap. IV* classem ii, qui a Latinis librariis exarati sunt, Codices occupant; quo numero Cantabrigienfis, nec non Claromontanus a *Theodoro Beza* vocatus, San-Germanensis, alias Corbeienfis dictus, Latinus Venerabilis Bedæ ex Sardinia delatus, Græco-Latinus Epistolarum Pauli, atque Boernerianus, sunt habendi. Ita enim legendum loco *Boernerianus*. Hunc nimirum Codicem ex Bibliotheca *P. Francii* sibi comparavit *C. F. Bernerus*, (non *Bomerus*) sacerarum literarum in hac Academia nostra primarius Doctor. In *Cap. V* descriptio Codicum Græcorum juniorum, & in sectione quidem I Codicum Gallicanorum 74, in II Anglicanorum 52, ac denique in III variorum hinc inde repertorum sistitur. *Cap. VI* enarrat expenditque omnes, qui N. T. usque ad tempora Constantini M. usi sunt, scriptores Græcos, Ebionitas, quorum Evangelium a priscis Ecclesiæ doctoribus allegatur, *Hermam, Barnabam, Clementem Romanum, Ignatium, Polycarpum, Papium, Valentinum*, hujusque amicos, *Montanum, Lucianum Samosatensem, Celsum*, oracula *Sibyllina, Phocylidem*, protevangelium *Jacobi, Justinum Martyrem, Irenæum, Tatianum, Theophilum, Athenagoram, Clementem Alexandrinum, Hippolytum, Origenem, Ammonium Alexandrinum, Julium Africanum, Porphyrium, Gregorium Thaumaturgum, Methodium, Dionysium, Petrum Episcopum & Martyrem Alexandrinum, Picrium Martyrem, Pamphilium, Hesychium Alexandrinum, Lucianum Antiochenum*. In *Cap. VII* ii Græci scriptores, qui seculo IV novo usi sunt Codice, velut *Eusebius, Athanasius, Petrus*, hujus successor, *Marcus Diadochus, Macarius, Ephrem Syrus, Marcellus, Eustathius, Julianus, Eunomius, Amphiloebius, Basilus M. Gregorius Nyssenus, & Nazianzenus, Casarius, Asterius, Cyrillus, Didymus, Serapio, Theodorus, Epiphanius, Apollinaris, Diodorus, Theodorus Mopsuestenus, Chrysostomus, Titus, Polychronius, Timotheus, Pseudo-Dionysius Arcopagita*, primum ob oculos ponuntur; hinc scriptores Græci seculorum usque ad decimum quartum ordine sequentium recensentur. His ita expositis, Versiones sub examen revocantur. Atque initio quidem *Cap. VIII* Latina, quæ & Italica dicitur, in medium pro-

p.22-39.

39-49.

49-54.

55-62.

63-68.

68-72.

72-81.

81.

- profertur, cujus origo ad medium seculi II, quo *Pius* Pontifex Italus fuit, videtur referenda. Hæc qualis principio fuerit, ex *Marcionis* N. T. Codicibus perquam scite eruditissimus conjicit Autor; eos etenim non ex Græcis exemplis, sed ex hac ipsa Italica conversione conflatos esse, primus ille, ut censemus, annotavit. Ex eadem Anglico-Saxonica & Gothica adornatæ sunt. Illius emendationem, jubente Papa Damaso, *Hieronymus* suscepit, quem & alii, quorum nomina indicantur, sunt secuti. Unde vulgata demum exstitit, cujus variz prostant editiones. *Cap. IX de Versione Coptica & Syra* agit. Illam D. *Wilckius* Oxoniæ A. 1716 primus edidit, temporibus *Origenis* atque *Eusebii* non antiquior censenda, ex qua translatio N. T. Arabica & Æthiopica prodiit. Hanc Lugduni Batavorum *Carolus Schaaf* A. 1708 evulgavit. In errore versantur, qui eam ab Apostolo aut Apostolico viro concinnatam esse contendunt, cum multa aut plane omissa, aut imperite nimis conversa sint. Quæ ex Florentino Codice *R. D. de Montfaucon* excerpfit, evincunt, in Hierapoli a *Philoxeno*, qui initio seculi VI vixit, ipsam eam curatam esse translationem. *Millius* in emendandis Versionis Syriacæ variantibus lectionibus sexcentis locis aberravit. Ceterum hæc in linguam Arabicam, Persicam, & demum in Latinam a *Tremellio* translata est. In *Cap. X de Editione Complutensi* sententia fertur, quæ non ita est, ut vulgo creditur, emendata, immo Chronologicæ obstant rationes, quo minus pro vero exploratoque admitti possit, exemplar Vaticanum nullum, quod tamen gloriantur, ad manus Complutenses habuisse Editores. Fides ac peritia iisdem defuit, errata interdum docta atque affectata commiserunt, non antiquos, ut videri volunt, sed recentissimos secuti Codices, multa ex ingenio mutarunt, multa temere omiserunt. In *Cap. XI de Editionibus Erasmi* disseritur. Harum quinque, prima A. 1516, altera A. 1519, tertia A. 1522, quarta A. 1527 prodierunt, quam postea quinta, eaque ultima, secuta est. Reprehenditur nimia ejus festinatio, quæ plurimis erroribus causam dedit. Hanc excusat valde, interdum inepte culpam in typothetas & correctores transfert, ad Codices, qui nusquam extant, provocat, & paucorum suorum Codicum ætatem

&

& fidem nimium extollit. *Cap. XII* Editiones *R. Stephani* considerat. Prima A. 1546, 16, secunda A. 1549, eadem forma, tertia 1550 in folio, quarta denique Genevæ, 1551, 8 prodierunt. Is in Codd. MSS. oseitanter versatus, Regios non nisi rarissime in consilium advocavit, eos, quos consuluit, vaga vetustissimorum appellatione nimis imperite designavit, & levitatis cum alia, tum hoc maxime dedit indicium, quod Capitum in versus distinctionem valde festinatam ineptamque concinnavit. Jam demum *Theodori Beza* Editiones exhibet *Cap. XIII*. Prima A. 1556 edita, Latinam modo versionem una cum annotationibus, reliquæ vero omnes, secunda A. 1565, tertia A. 1582, quarta A. 1589, & quinta denique A. 1598, textum etiam exhibuere Græcum. In hoc Editore multa jure notantur, ab aliis etiam animadversa. Ejusdem ingenium ex Epistola quadam *Castalionis*, quæ nunc primum ex ἀπορυεαίφω editur, elucet. Sed MSS. Codices, Græci scriptores, atque variz Versiones hæcenus.

p. 141-144.

144-148.

147, 149.

Jam *Cap. XIV* variantium Lectionum Collectores atque Editores enarrantur, *Hugo Grotius*, *Henricus Hammondus*, *Brianus Waltonus*, *Stephanus Curcellæus*, *Jo. Præcius*, *Jo. Saubertus*, *Jo. Fell*, *Jo. Colomesius*, *Rich. Simonius*, *Jo. Willius*, *Ludovicus Kusterus*, *Daniel Whitby*, *Georgius a Maastricht*. Sed & *Cap. XV* *Claræ Interpretibus* locus erat dandus, quorum de Var. Lect. expenduntur judicia. Tales sunt, *Martinus Lutherus*, *Jo. Oecolampadius*, *Wolfgangus Fabricius*, *Martinus Bucerus*, *Conradus Pellicanus*, *Henricus Bullingerus*, *Wolfgangus Musculus*, *Jo. Calvinus*, *Simon Gryneus*, *Seb. Castalio*, *Amandus Polanus*, *Jo. Piscator*, *Rich. Baxterus*, *Jo. Clericus*, *Jo. Lockius*, *Fridericus Battierius* & *Theodorus Gernlerus*, Pastores Basileenses. Restat XVI, idemque ultimum Caput, in quo XIX Animadversiones & Cautiones ad examen variarum Lectionum N. T. necessariæ continentur. Has recensebimus: I omnibus modis curandum est, ut habeatur Editio N. T. quam emendatissima.

149-157.

158-165.

165.

II ut vero emendatiorem ἐκδοσιν N. T. aliquando habeamus, omnia subsidia adhibenda sunt, quæ Critica Ars suppeditat. III in typis expressis Codicibus Præscriptio locum non habet. IV in accentibus & spiritibus apponendis, sententiis item distinguendis,

166-169.

169-179.

- dis, & in reliqua orthographia ratione, aliquanto major, quam in ceteris rebus, necessario Editoribus libertas relinquenda est.*
1. 170-174. V *Emendationes ex conjectura petita, sicut non temere unquam admittenda, ita nec temere rejicienda sunt. Ubi simul brevis indiculus emendationum ex conjectura petitarum, quæ magnos in Ecclesia viros autores agnoscunt, exhibetur.* VI *Distinctio Variantium Lectionum in graviores & leviores nulli usui est.* VII *inter duas variantes Lectiones, si qua est évφωρότερος, aut planior, aut Gracantior, alteri non protinus præferenda est, sed contra sæpius.* VIII *Lectio exhibens locutionem minus usitatam, sed alioqui subjecta materia convenientem, præferenda est alteri, quæ, cum æque conveniens sit, tamen phrasin habet minus insolentem, usuque magis tritam, eoque confidentius, si ne commode quidem respondeat altera rei subjecta locutio.* IX *Inter duas variantes Lectiones non protinus amplior atque prolixior breviori est præferenda, sed contra potius.* *Errorem typographicum in paginis, quæ sequuntur, animadvertimus.* X *ubi ex duabus variantibus Lectionibus una totidem, iisdemque verbis exprimitur, atque in alio Scriptura loco eadem sententia expressa legitur, altera vero discrepantibus, illa huic nequaquam præferenda est.* XI *Lectio cum stylo cujusque scriptoris maxime omnium consentiens, ceteris paribus, præferenda est.* XII *Inter duas variantes Lectiones ea, quæ magis orthodoxa videtur, non est protinus alteri præferenda.* XIII *Inter duas Græcorum Codicum variantes Lectiones ea, quæ cum antiquis Versionibus consentit, non est alteri facile postponenda.* XIV *Testimonia SS. Patrum pro asserenda vera Lectione N. T. maximi sunt ponderis.* *Paginæ hic iterum mutatae minorem earum numerum efficiunt, dum regula XV sequitur, quæ ita se habet: Silentium Patrum circa Lectionem controversam, ipsorum jam temporibus sententiam firmantem, suspectam eam reddit.* XVI *Magnopere cavendum est, ne nostra faciamus errata eorum, qui V. L. collegerunt, vel typothetarum.* XVII *Lectio, quæ vetustior esse probatur, ceteris paribus, præferenda est.* XVIII *Lectio plurimum Codicum, ceteris paribus, est præferenda.* Quæ regula si forte

forte non sit per se vera, ex libro *Cofri* hebraice scripta in medium affertur. XIX *Nihil prohibet, Lectionem a typis edita* p. 196—201.
Et vulgo recepta diversam, in Textum recipere, non tantum, ubi idoneis argumentis afferri potest, verum etiam, ubi adhuc dubitatur, utra utri sit preferenda.

Recensitas hasce Cantiones accurate se observaturum spondet, qui novam hanc Editionem parat, doctissimus Autor. Ea cum improbum sibi laborem exposcat, uberrimas ipsi, ut ex sententia exornetur, animi corporisque vires divinitus appropinquamus.

Allgemeines Biblisches Lexicon.

hoc est,

LEXICON BIBLICUM UNIVERSALE;
 Autore DANIELE SCHNEIDERO, Ecclesiarum
 Comitatus Erbacensis Superintendente, ut Et Consistoriali
 Et Pastori Michelsladensi.

Tomus II.

Francof. ad Moenum, apud Frid. Dan. Knoch, 1730, fol.

Alph. 13 pl. 5 Tabb. zn. 8.

POSTquam de primo Tomo diximus in Actis Anni superioris M. Jan. p. 9 sq. non est, ut de altero hoc, qui a litera H ad R producitur, plura dicamus. Etsi vero hoc Tomo absolutum iri Opus sperabatur, ob rerum tamen copiam rejicienda erant reliqua in Tomum III, quem ante finem hujus anni, amplissimis Indicibus instructum, in lucem proditurum, non dubitant Editores. Ceterum illud ad commendationem Operis haud parum facit, quod, nondum edito Tomo II, primus, ob distracta exemplaria omnia, prelo iterum subjiciendus fuerit, cujus adeo editio altera una cum Tomo III comparebit.

THOMÆ DE ELHAM VITA ET GESTA

Ooo 2

Henri-

*Henrici V, Anglorum Regis. E Codicibus MSS. vetustis
descripsit & primus luci publicæ dedit THOMAS
HEARNIUS.*

Oxonii, e theatro Sheldoniano, 1727. 8.

Alph. i pl. 8.

Suffecerit de Opere hoc vel tribus, quod ajunt, verbis referre. Autorem ejus utique esse *Thomam de Elham*, etsi Codices plerique nomen ejus tacent, Priorem cœnobii de Lenton in agro Nottinghamensi, non Lanthoniensis in Comitatu Monmouthensi, ut *Whartonus* censuit, qui Henrico V coævus, plurima a viris spectatæ fidei & autoritatis, qui rebus ipsi interfuerunt, & maxime a *Jo. Somerseto*, Archiatro Henrici VI, cui Opus consecravit, accepisse videtur, & præterea poema Latinum de rebus Henrici V, satis, ut ex specimine hic addito patet, perplexum ac parum jucundum, aliaque Anglico etiam sermone scripta reliquit, a Cl. Editore in Præfatione prolixius doctetur. Stylus Autoris pro more ejus seculi hispidus & inæqualis; res tamen præcipuæ, quas tum in Anglia tum in Gallia præclare gessit, tum & domesticæ, copiose satis enarrantur. Ceterum Cl. Editor, ut alias consuevit, & huic Operi appendices adjecit, nostro judicio non admodum memorabiles, & arrepta occasione Præfationi iasperfit nonnulla a proposito alieniora. Quo spectat, quod *Jac. Tyrrellum*, trium Historiæ Anglicæ Voluminum Autorem satis copiosum, sed minus accuratum, quippe judicio destitutum, vocat, eumque magnum volumen reliquisse testatur Historiæ Anglicanæ, nondum typis excusum & luce forte indignum. Qua occasione in Autorem Historiæ sui ævi (*Burnetum*) acerbissime invehitur, quod fabellas mendaciaque pro vera historia venditaverit, eumque fabulatorem potius & nugatorem, quam Historicum vocandum cepset, ut execrationes additas taceamus, quæ ex quo fonte proveniant, facile dijudicabunt, qui non ignorant, *Hearnium* jam pridem ob fidei juramentum Wilhelmo III negatum officio, quoungebatur in Academia Oxoniensi, motum esse, & Jacobitarum partes adhuc sectari. Unde vero didicerit, *Joannem Johnsonum*, libri de scri-

pto-

ptoribus Philos. Autorem, Virum per se satis celebrem, nominari re vera *Marquardum Gudium*, quod nemini, quod sciamus, adhuc in mentem venit, in medio relinquimus.

**HISTORIA VITÆ ET REGNI RICARDI
II Angl. Regis, a Monacho quodam de Evesham confignata. Accessit JO. ROSSI Historiola de Comitibus Warwicensibus & alia. E Codicibus MSS. nunc primus
edidit THOMAS HEARNIUS.**

Oxonii, e theatro Sheldoniano, 1729, 8.

Alph. 1 pl. 8.

NEC de hac Historia multa verba nobis facienda sunt. Pro-
ducit Cl. *Hearnius* primo loco e Bibl. Cottoniana scri-
ptorem Anonymum, cœnobii Eveshamensis quondam mona-
chum, in Richardum II haud iniquum (etsi nec ipse censeat
eum invitum Regno cecidisse) nec *Walsinghamo* inferiorem, &
forte ætate ipso superiorem, tanto majori in pretio habendum,
quanto magis suspecti sunt plerique ejus temporis scriptores, per-
duellium cœtui addicti, qui optimum Principem & formosum
ceu animo & corpore deformem ac Tyrannum nobis depinxer-
unt. Quo in numero habet *Johannem Golverum*, Poetarum
post *Chaucerum* suo seculo facile principem, qui cum acerbis-
simum in Regem hunc, pariterque in clerum, odium prodat,
Nostro luce plane indignus videtur. Inprimis vero dolet, sub
Henrico VI plurima in scriniis ab amicis ejus, quibus ad ea
aditus patuerit, fuisse suppressa, & conficta alia & memoriz pro-
dita, quæ ad opprobrium spectarent familiz Eboracensis; eo-
que suadet, diligenter ea quoque investiganda, quæ passim apud
privatos lateant, & tum illam sub Henrico VI, tum posteriores
etiam strages sub Henrico VIII & Carolo I factas evaserint.
Ceterum cum Autor hic paucas plagulas compleret, alia sub-
junxit Cl. Editor, inprimis *Johannis Rossi* Historiolam de Co-
mitibus Warwicensibus Anglico sermone scriptam, & a *Thoma*
Wardo suppeditatam, tum *Jo. Bereblici* Commentarios Latinos

de rebus gestis Oxoniæ, ibidem commemorante Elisabetha Regina, & *Richardi Wynni* lepidam narrationem historicam de Caroli Walliæ Principis (Jacobi I filii) famulorum in Hispaniam itinere A. 1623 Anglice exaratam. Sed hæc etiam in titulo commemorantur: accessit præterea appendix, qua continentur specimina duo e codice Epistolarum familiarium Josephi Eveshamensis; *Tryvytlami* carmen de laudibus Oxoniæ, pro fratribus mendicantibus contra monachos Benedictinos, Cistercienses &c. *Jo. Rossi* Historia Richardi Beauchamp Com. Warwicensis; & *Simonis D' Ewes* Commentariis MSS. de vita sua excerpta de itinere Caroli Principis in Hispaniam, de damnis a Georgio Duce Buckinghamiæ Regno illatis, ejusque morte & forma spectatissima, deque casu *Franc. Baconis de Verulamio*, Angliæ quondam Cancellarii, & flagitiis illius summis, inter quæ detestandum quoque Sodomiz scelus ei obicitur, quam cum servulo, eodem lecto decumbente, sprete exercuerit uxore, ne tum quidem ab eo abstinens, cum munere splendidissimo motus in summa rerum omnium inopia viveret. Appendicem excipiunt curæ secundæ, ubi inter alia probat Noster, *Wiclesum* hypocritam fuisse, & quæcunque egerit religionis prætextu, re vera comparandæ famæ causa egisse. Tacemus, quæ in Præfatione adversus *Guil. Fabrum*, Ecclesiæ Anglicanæ sacerdotem, jam pene octogenarium, qui nuper librum vernaculum prolixum, *Annales Collegii Universitatis* inscriptum, ediderat, de antiquitate Universitatis Oxoniensis acerbissime disputat Cl. Editor, diserte eum scriptorem vocans ferreum & mendacem: quo jure, alii viderint.

M. GEORGII LIZELII HISTORIA POETARUM Græcorum Germaniæ, a renatis literis ad nostra usque tempora.

Francof. & Lipsiæ, apud Rothium, 1730, 8.

Alph. 1 pl. 1.

Quod de Italis præstitit *Laur. Crassus* in libro *Istoria di Poeti Greci*, Neap. 1678, in fol. edito, quo non tantum veteres Poetæ,

Poetas Græcos, sed imprimis etiam recentiores eosque cives suos complexus est, id quodammodo imitatus videtur in Germanis nostris, qui post renatas literas carmen Græcum scripsere, Cl. Autor, ceteris quidem antiquis & ad Germanos haud spectantibus plane prætermisissis. Postquam ergo in Prolegomenis civium nostrorum gloriam honoremque a cavillationibus *Clerici, Callieris*, aliorumque exterorum vindicavit; primo loco producit *Jo. Reuchlinum*, prius nempè Grajarum literarum in Germania restitutorem, eumque, de quo Autor noster Suevus summo opere gaudet, e gente Suevica, quæ nulli (ut ipse ait) unquam populo aut arte aut Marte inferior fuit, oriundum. *Reuchlinum* sequitur *Phil. Melanchthon*, cujus vitam a *Camerario* scriptam brevibus refert, unum hoc monens, *Morboſum* olim errasse, cum existimaverit, nunquam *Euripidem* a *Melanchthone* lingua fuisse Latina donatum. Excipit hunc *Bernb. Tegederus*, quem in Poetarum numerum referre nullus dubitavit Autor, quanquam, an poemata ejus typis excusa sint, ipsi haud constiterit. Celebrior est *Casp. Urf. Velius*, in Danubio flumine exanimis repertus, quo se vitæ pertæsus, & domestico malo, malam puta uxorem, confectus, præcipitaverat. *Luscinius* egregia condidit poemata Græca, & cum Cl. *Lizelius* unum carmen heroicum Græca & lamentabili voce compositum viderit, nullum ipsi inde fuit dubium, quin & alia ediderit poemata, a se hæcenus nondum visa. Sequuntur postea multi Poetæ, qui vel unum carmen, vel nonnulla epigrammata, vel unum alterumque epithalamium construxerant, quorum nomina, ne patientia lectorum abutamur, silentio præterire fas erit. Præcipuos tamen dabimus, quos inter suum tuetur locum *Joan. Lonicerus*, qui, prouti in promovendo literarum Græcarum studio assiduus fuit, sic & ipse Epithalamia, Epicedia & Epigrammata moralia innumera scripsit; *Joach. Camerarius*, eruditus notior, de quo notat Nöſſer, quod vulgo Annotationes in *Dion. Afrum* de Situ Orbis ipsi adscribantur, cum tamen verus Autor fuerit *Joannes Camers*, Ordinis Minorum & S. Th. Prof. *Jac. Mycilli* merita in poesin Græcam sunt insignia, ut & *Seb. Castellionis* p. 51, atque *Georg. Fabricii* p. 55. Sed ubi *Hieron. Wolfii* poemata Græca extant, reperire non potuit

p. 1.

10.

24.

25.

28.

36.

43.

47.

62.

p. 81.

315.

316.

319.

320.

potuit Autor. *Conr. Gesnerus* p. 64, *Flacius Illyricus* p. 71, *Casp. Stiblinus* p. 73, locum hic quoque invenere suum. Prolixior autem fuit Autor in vita *Pauli Dolscii*, Consulis Halensis, commemoranda, quem Autorem Augustanæ Confessionis Græcæ versionis asserit; quæ de re pluribus egit *Cl. Reineccius* in nova, quæ sub prelo sudat, hujus versionis editione. *Michael Neander* p. 98, *Martinus Crusius* p. 102, *Joannes Posselius* p. 117, *Nicodemus Frischlinus* p. 132, *Laurentius Rhodomannus* p. 154, *Joan. Casellius* p. 173, *Æmilius Portus* p. 183, *Conradus Rittersbusius* p. 193, *Nicolaus Reusnerus* p. 202, *Matthæus Zuberus* p. 207, *Jacobus Gretserus* p. 213, *Christophorus Helvicus* p. 223, *Erasmus Schmidius* p. 234, *Jeremias Stæltzlinus* p. 242, *Joan. Ericus Ostermannus* p. 264, *Balthas. Stölbergius* p. 274, *Jo. Gotthofr. Herrichen* noster, cujus vitam Autor ex Actis nostris descripsit p. 289, *Conr. Sam. Schurtzfleischius* p. 306, *Christoph. Sontagius* p. 312, alios inter quam plurimos eminent, quo factum esse autumamus, ut *Cl. Autor* in vita scriptisque eorum recensendis interdum esset proluxior, quam scopus argumenti sui pati videretur. Sequuntur denique Viri, quos adhuc superstites multo honore prosequitur, e. g. *Christ. Gottlieb Schwarzius*, in Academia Altdorfina Professor celeberrimus, qui *Herrichio* nostro in Græcis Magistro usus est; *Hier. Freyer*, Pædagogii Regii, quod Glauchæ prope Halam est, Inspector, cujus Fasciculus poematum Græcorum Nostro commendatur; *Samuel Cnauthius*, Lipsiæ ab aliquot annis degens, ubi in erudienda bonis literis juventute operam non inutilem collocat, de quo nihil constabat Autori; & *Jo. Henr. Schulzius*, Altdorf. Profess. tandemque Suevus, isque juvenis Philologiæ studiosus, *Jo. Theophilus Walzius*, agmen Poetarum claudit. Habes itaque, B. L. Poetas Germaniæ Græcos, quorum numerum & augeri & minui potuisse, facile observabunt Lectores, ut taceamus minutias quasdam libro irrepsisse p. 109, 112, 326 & alibi, quas omisisse latius fuisset. Ceterum spem facit, se, si hæc opera, quam recensendis Græcis Germaniæ Poetis impendit, eruditis placuerit, Latinos quoque Germaniæ Poetas, quorum integrum exercitum conscripsit, in publicum aliquando producturum. Quod ut in gloriam gentis nostræ feliciter perficiat, pro nostro erga has literas amore flagrantissime exoptamus.

ACTA ERUDITORUM,

publicata Lipsiæ

Calendis Novembris Anno MDCCXXX.

Ὅριγένης περὶ εὐχῆς βιβλίον.

h. e.

ORIGENIS DE ORATIONE LIBER, EX
nova Collatione cum Cod. MS. Holmiensi, in Bibliotheca
Collegii S. Trinitatis Cantabrigiæ reposito, recognitus &
emendatus, una cum Anonymi Scholiis in Orationem Do-
minicam. Quibus subjunctæ sunt Eruditi cujusdam Viri
Notæ partim Criticæ, partim Locorum difficultium Exege-
tica, ab editore GUILIELMO READING, A. M.
Cleri Londinensis in Collegio Sionensi Biblio-
thecario.

Londini, typis J. Tonson & J. Watts, sumptibus Editoris, 1728, 4.
Alph. 1 plag. 74.

Codici Holmiensi debemus, quod jam *Origenis* Librum
de Oratione, qui tam diu latuerat, cum aliis ejusdem
scriptis legere queamus. *Holmiensem* vocant, quia
olim servabatur in Bibliotheca Ser. *Reginae Christinæ*, in quam
illatus est ab *Celeb. Isaaco Vossio*. Postea vero, cum Regina Bi-
bliothecam suam Antwerpiam detulisset, hunc Codicem cum
aliis repetiit *Vossius*, & paullo post cum *Herbarto Thorndicio*
Anglo, Collegii S. Trinitatis Cantabr. Socio, communicavit,
eidemque tandem dono dedit, qui Collegii sui Bibliothecæ le-
gavit. Unicus est, quantum constat, hic Codex, in quo hoc
scriptum *Origenianum* nobis est servatum. Itaque ex illo jam
pridem typis describendum curarunt *Oxonenses*, sed mendose

P p p

admo-

admodum; nec multo melius *Basileenses*, qui Editionem Oxoniensem, paucis tantum exceptis, presse secuti sunt, licet index novam Græci textus cum MS. Cantabrig. collationem, & versionem Latinam passim correctiorem mentiat. Post has duas editiones Cl. *Reading* eruditus rem fecit gratissimam, qui hanc tertiam evulgavit, prioribus longe emendatiorem & ornatiorē, atque ad Codicem manu exaratum summa fide, summaque diligentia exactam. Autorem emendationum & annotationum *Eruditum Virum* in Indice, in Dedicatione vero *virum singularis eruditionis animique in se benevolentissimi* vocat Cl. Editor. Sed quisquis ille fuerit, provinciam suam optime administravit, & ingenii ac eruditionis suæ bene multa documenta in his observationibus prodidit: quæ qualia sint, paucis videbimus. Primum omnium Editionem Oxoniensem passim castigavit, quando illa ab Codice MS. recessit. Sic pag. 8 nunc recto & sincero sensu legimus: διὰ τῶν γὰρ ἐμποδίζεται τὸ καθὼ δὲ, εἰ μὴ καὶ κ. τ. λ. cum illa contra Codicis fidem dedisset διὰ τῶτο—εἰ μὴ καὶ. Pag. 16 habemus: πρὸς τῷ προτέρῳ; at Ed. Oxon. πρὸ τῷ πρότερον, nullo sensu. Pag. 18 Ναζιραῖς, pro quo Ed. Oxon. & ejus comes Basileensis substituerant Ναζωραῖς. Pag. 52 verba ex autoritate MSpti nunc rite collocata sunt, quæ Ed. Oxon. mire trajecerat totumque locum luxaverat. Pag. 62 legimus: παρὸν ἐκάστῳ ἐαυτῷ ἀπὸ τῶν γραφῶν ἀναλέξασθαι πλείονα, quod male mutavit Ed. Oxon. in ἐκάστῳ τῶν ἐαυτῶν. Pag. 80 recte nunc ex MS. editur: παρὰ τὴν ἐνάργειαν, i. *præter rei evidentiam*, ut alibi *Origenes* loquitur; cujus etiam sunt παρὰ τὸ ἐναργὲς, παρὰ τὰ ἐναργῆ, item ἐναργῶς. Male autem hoc Ed. Oxon. mutaverat in παρὰ τὴν ἐνέργειαν: quali vitio apud *Simplicium* in *Epictet.* cap. XXXII ἐνεργῶς, pro ἐναργῶς legitur. Insignem præterea depravationem Ed. Oxoniensis, quam totidem verbis Ed. Basileensis iteravit, pag. 100 sublatam & emendatam videbis. Pag. 168 nunc legitur: ὃν ἄκεντρος, καὶ ὠφέλιμος ἢ ἰ. ut (sermo) aculeis careat, & sit utilis, ubi perperam Ed. Oxon. ὃνα κέντρος, quod nihili est. Pag. 212 exhibetur τὸ ἀπευδυσμένον ἔντερον, idque ex *Galeno* & *Polluce* est notissimum;

mun; sed Ed. Oxon. τὰ πεπεσμένον, & Basileensis τὸ ἀπεν-
 Δισμένον contra codicis fidem propinarunt. Ubi tamen MSti
 lectio aperte falsa est, non dubitavit ab illo recedere, cujus
 vitia & agnoscit, & fideliter multis locis indicat, & conjectu-
 ris probis emendare nititur. Sic pag. 16, ubi MS. solito li-
 brariorum errore offerebat ἐξαοθαί, reposuit verissime ἐυξα-
 οθε. Pag. 20 emendavit: ἄνθρωπος, ὃς ἐάν ἐμέσῃ ὄρκον, ἢ
 ὀρίσῃται ὀρισμῶ περὶ τῆς ψυχῆς αὐτῆ, cum Codex hac ita
 pervertat: ὄρκον ὀρισμῶ, ἢ ὀρίσῃται, quod nimis supine Ed.
 Oxon. retinuit. Pag. 166 correxit: ὅτε δὲ πᾶν ἀρσενικὸν ἐνώ-
 πιον φαίνοσθαι κυρίῳ θεῷ, cum & MS. & Ed. Oxon. praefer-
 rant: ὅτε δὴ πᾶν. Alibi satis habuit, emendationes suas in
 Notis proponere, licet eas in contextum non immiserit. Pag.
 4 Origenes Ambrosium alloquitur: Ἀμβρόσιε θεοσεβέστατα
 καὶ φιλοπονῶτατε. At Nostro magis placeret: Ἀμβρόσιε
 εὐσεβέστατε καὶ φιλοθεώτατε, quomodo fere ad finem Libri
 eundem appellavit. Pag. 12 corrupta illa Codicis: λόγων, ἢ
 καὶ ἐν ἐπαγγελιομένων ingeniose ita constituit: λόγων ἥκεν
 ἀπαγγελλομένων, cum Ed. Oxon. fecisset: λόγων, ἢ καὶ εὐα-
 παγγελλομένων. Plura videsis pag. 34 & seq. Pag. 40 codi-
 cis est: περὶ τῆ ἐφ' ἡμῖν ἐτέρῃ, sed pro ultima voce Noster
 mallet ἡμετέρῃ. Pag. 70 editur: ἵνα αἰτῶμεν αὐτάς sc. ἐυ-
 χὰς. Cum vero αἰτεῖν ἐυχὰς minus recte dici visum sit vi-
 ro doctissimo, legeret ille: ἵνα ἐπιτελῶμεν αὐτάς. Pag. 74
 Codex legit: καὶ παρρησίαν ἔχοντος πρὸς τὸν ὦν ἐντυγχά-
 νει; at Ed. Oxon. reposuit πρῶτον, pro illis πρὸς τὸν ὦν. No-
 ster paullo melius emendat: πρὸς τὸν, ὃ ἐντυγχάνει, aut πρὸς
 Θεόν, ᾧ. Pag. 92 in MS. visitur: βασιλείαν δὲ χρυσῷ βασι-
 λευόντων θεωρήσας ὁ νῆς, pro quo Ed. Oxon. βασιλέα δὲ χ.
 βασιλευόντων. Noster concinnius: βασιλείανδ. χ. βασιλεύον-
 τος. Pag. 156 pro vulgatis: τρέφεσθαι τέττε αὐτῆ, refingit
 τέττε ἄρτε. Pag. 190 pro: ταῦτα πάντα προσεκτέον, arri-
 det Nostro: ταῦτα πάντα προσεκτέον, cum alterum illud nec
 loco conveniat, neque constructioni. Cum ita Origenem su-
 um emaculare studeat vir doctissimus, interdum & aliis me-
 dicinam adhibere non obliviscitur. Pag. sane 153. In Plutar-

cho de Repugn. Stoic. pro πνεύματα &c de legendum esse cense-
 set: σώματα ἔχεις δὲ, quæ emendatio paullo violentior vide-
 tur. Sed tales aliorum autorum correctiones in his notis ra-
 rissimæ sunt. Frequentiores sunt istæ observationes, quibus
 indicatur, quando *Origenes* in citandis Scripturæ S. verbis a re-
 ceptis Edd. abeat. Ita pag. 22 *Adamantius* verba ex 1 Reg. I
 comm. 9 proferens legit: καὶ αὐτὴ ψυχὴ πικρὰ, cum in o-
 mnibus Edd. τῶν ὁ legatur: κατώδυν ψυχῇ. Pag. 94 in
 Oratione Dominica agnoscit *Origenes*: ὡς καὶ ἡμεῖς ἀφῆκα-
 μεν τοῖς ὀφειλέταις ἡμῶν, quod & Sect. 62 iteravit, cum vul-
 go apud *Matthæum* cap. VI comm. 12 legatur ἀφίεμεν. Pag.
 164 invenies: τὸ ὑπερβάλλον πληθὺ τῆς χάριτος αὐτοῦ,
 ex Epist. ad *Ephes.* cap. II, comm. 7, ubi τὸν ὑπερβάλλοντα
 πλῆτον scribunt vulgo. Pag. 6 *Origenes* Christum præce-
 pisse scribit: αἰτεῖτε τὰ μεγάλα, καὶ τὰ μικρὰ ὑμῶν προσε-
 θήσεται, & eadem verba aliis libris sæpissime Christo tribuit,
 quod & fecit *Clemens Alexandrinus*, *Eusebius* & quidam alii.
 Quæ verba, cum in Evangeliiis non reperiuntur, cum doctis-
 simo *Græbio* suspicatur ex Evangelio secundum Hebræos de-
 sumpta esse. Hac occasione fieri non potuit, quin passim dili-
 gentissimum *Millium* notaret, quando is in annotandis ex Pa-
 tribus, & hoc maxime libro variis lectionibus negligentius ver-
 satus est, quod cum alibi, tum p. 147, & 175 videre poteris. Con-
 tra *Origenem* suum vindicat ab imputatione *Hieronymi* pag.
 117 de Deo corporeo, & pag. 212 ab aliorum calumniis, qui illi
 affinxerunt, quod docuerit, omnes mortuos conglobata figura
 resurrecturos, & in cælo omnes beatos rotundos fore. Non
 tamen operit singularia ejus dogmata, quia potius ex aliis
 ejusdem scriptis novas opiniones, quas hic legimus, confir-
 mat. Vides nempe pag. 50 *Originem* statuisse, Angelos &
 sanctos defunctos preces suas precibus piorum in hac vita ad-
 jungere: item pag. 78 sqq. solum Deum patrem προσευχῇ ado-
 randum esse, non filium; quod tamen vir doctus haud infe-
 liciter explicuit, ut eum sana doctrina conciliari queat: item
 pag. 164 futuro etiam seculo esse peccatorum remissionem,
 quod quidem *Origenes* passim inculcat, per verba Christi de
 pec-

peccato in Spiritum S. male intellectus abstractus. De ipso scripto, quod in manibus habemus, possemus & nos pronunciare, esse illud plane Origenianum, si dogmata, stilum, modum probandi & demonstrandi respicias : at mancum & mutilum ad nos pervenit, quod ab aliis non est animadversum. Non respicimus autem ad lacunas illas in principio libri pag. 4 & 6, quas ipse Codex MS. & Edd. annotarunt ; sed ad demonstrationem illam a pag. 22, de precum efficacia, quam contra paganos & Christianos quosdam aliter sentientes proferre volebat. Ubi animadvertes, caput primum demonstrationis deficere. Non hoc ipsi Autori imputabimus, quasi is tacite refugerit onus probationis, utut in quibusdam Patribus ecclesiasticis hoc non sit novum ; excidisse potius quædam ex scripto censemus, &, ni fallimur, Sect. XXI hiatus indagandus erit. Ibi enim & verba minus apte procedunt, & *Origenes*, præter morem, ad rem prorsus diversam, uno tamen contextu, ut vulgo edunt, prolabitur. Ceterum probas multas doctrinas admiscet Autor, qualis est illa pag. 122 *de nomine Dei* observatio egregia. De *Versione* hoc unum admonemus, eam sæpe Græca vocabula retinuisse, non tantum ubi ad vocabula Græca respiciendum erat, v. gr. ubi *εὐχαὶς* & *προσευχαὶς*, item *δεήσεις*, *προσευχαὶς*, *ἐντεύξεις* & *εὐχαριστίας* solícite distinguit ; sed etiam ubi hæc ratio non cogebat, sed singularis quædam vis in verbis Græcis sita erat. Sic invenies pag. 11: *Spiritus pro nobis ὑπερευρυχαίνεν apud Deum gemitibus inenarrabilibus*, ubi *ἐνρυχαίνεν* & *ὑπερευρυχαίνεν* sæpius repetitur, quod & factum pag. 75. Item pag. 126 *ἀγίαθήτω* in imperativa forma prolatum, & similia Græca habentur. Sed qua necessitate pag. 161 & 163 *σήμερον*, ac *χθὲς καὶ σήμερον* in Latinis retinuerit, non ita perspicuum est. Talia observabilia etiam pag. 205. De adjunctis *Anonymi Scholiis in Orationem Dominicam* observandum, ea male a quibusdam *Origeni* attributa esse, cum tamen stilus sit longe diversissimus, & multa *Origenis* menti plane contraria in iis occurrant. *Huetius Petro Laodicensi*, sub cuius nomine ea in Bibliotheca Patrum Latine leguntur, adjudicat, & Latina illa hic pro *Versione* exhibentur. In no-

tis præterea ostenditur, duo insignia loca Autorem Schollorum mutuatum esse ab *Chrysoftomo*, ut eo minus verosimile sit, *Origenem* eorundem esse Autorem.

JO. HENR. A SEELEN, SS. TH. LIC. ET
Gymn. Lub. Rect. *Meditationes Exegeticae*, quibus varia
utriusque Testamenti loca expenduntur &
illustrantur.

Lubecz, sumtu viduæ R. Jo. Christ. Schmidii, 1730, 8.

Alph. 2 pl. 5.

Solenne jam diu viris fuit eruditis, ut, si quas separatis temporibus publicæ luci exposuerunt, minores scriptiones, quæ in paucorum manibus versantur, eas deinum, uno fasciculo inclusas, cum erudito communicarent orbe. Horum quoque vestigia secutus est clarissimus, quem modo honoris causa appellavimus, Autor, utpote qui duodeviginti separatim antea editas, conjunctim jam exhibet meditationes, easque exegeticas, sed nonnullis hinc inde accessionibus locupletatas.

p. 1—24. Ac I quidem integritatem vocis ἐπεὶ αὐθιγὰν, tentati sunt, *Hebr. XI, 37*, tuetur, ita quidem, ut, explosa eorum sententia, qui eam aut emendandam, aut plane delendam censent, partim optimæ probatæque notæ Codicum Græcorum consensus, partim commoda, quam ipsa admittit, explanatio, in causæ advocetur patrocinium. Respicitur hac nimirum voce ad tortores, equuleos, & alia suppliciorum instrumenta, quibus veritatis divinæ testes atque martyres olim sunt vexati, factis in ipsorum corporibus carnificinæ variae experimentis.

25—59. Tum II examinat sententiam *Sam. Barnagii* de vaticinio Jacobi, *Gen. XLIX, 10*, in *Annalibus Politico-Ecclesiasticis* Tom. I §. 24 p. 21, ab eo propositam, qua Judæ posteris sceptri ablati restitutionem in Messia futuram hic promitti, existimavit, hac usus versione: *Sceptrum legislatorum de Judæ sanguine cretus, ab eo non recedet in perpetuum, quia veniet Silo.* Ubi, postquam evictum est, judaizantem hanc, atque periculosam, falsisque fundamentis innixam esse interpretationem, & ipsa allata conversio cum accen-

accentibus & Linguae Ebraeae genio pugnare demonstratur. Jam III חנניך sive *de institutione juventutis apud veteres Ebraeos ad Prov. XXII, 6*, ex instituto agit. Evolutis nimirum philologice singulis vocibus, hæc additur paraphrasis: *Instituere ita puerum & adolescentem, quem honestam in posterum vitam ire cupis, prout in eo se manifestat indoles & inclinatio, ut ad istud se applicet, sive ad hanc vel illam virtutem, — ut eam semper magis magisque discat excolere, sive ad hoc vel illud vitium, in quod proclivis est, ut id mature devitet. Hærebit hæc institutio ad indolem ejus accommodata, isque in ipsa etiam senectute, imo usque ad finem vitæ, ejus fructus sentiet, nec facile ab ea recedet.* His ita expositis, uberius declaratur, qua ratione, veteres inter Ebraeos, non solum patres domi in rebus divinis suos erudiverint liberos, sed quo etiam pacto præceptores in Synagogis sive scholis publicis, juvenes, jactis veræ religionis ac pietatis fundamentis, liberales artes, principem in primis linguam, eloquentiam, poesin, historiam, genealogiam, geographiam, logicam, physicam, mathematicam, morumque docuerint scientiam. In IV inquitur, quid & quinam sint Ασῆρες πλανῆται, *Jud. com. 13*. Postquam quatuor interpretum opiniones, qui vel ad *planetas*, vel *cometas*, vel ad *cadentes stellas*, vel *ignes fatuos* ibi respici, arbitrantur, prima & ultima præfertur, adeoque aut altera deligenda, aut utraque conjungenda. Hæretici antiqui, Simoniani, Gnostici, Nicolaitæ, Basilidiani, alique videntur peti. Exhibet V *annotationum philologicarum in N. T. ex Plutarcho crutarum specimen.* Illustrantur vero sequentes loci: *Matth. I, 18, δὲ, VI, 7, πολυλογία, VII, 6, βάλλειν τὰς μαργαρίτας ἔμπροσθεν τῶν γοίρων, XIII, 13, βλέποντες ἢ βλέπονται, κ.τ.λ. XX, 23, βαπτίζεσθαι, XXVII, 5, ἀπάγχεσθαι, Marc. VII, 22, ἀσέλγεια, Luc. XVI, 19, πορφύρα, XXI, 34, κραυγῇ, Jo. IX, 21, ἡλικία, Rom. VIII, 7, φρόνημα, XI, 22, ἀποτομία, XIV, 12, λόγον δένουσαι, 2 Cor. III, 18, κατοπτρίζεσθαι, 1 Tim. III, 2, ἀνεπίληπτος, 2 Tim. III, 10, ἀγωγή, 16, ἐπαινώσασιν, Jac. II, 19, φρίσσειν, V, 15, κάμνειν, 1 Pet. IV, 3, κῶμοι & πότοι.* Meditatio VI *Versionem Lutheri Matth. I, 19, vindicare conatur.* Sequitur

p. 60-97.

98-142.

143-168.

169-191.

192-206.

VII

- VII *de anno coronato ad Psalm. LXV, 12*, inscripta, quo nomine, sensu quidem literali, unusquisque annus, beneficiis œconomicis ornatus, indicari, e totius psalmi connexionione ostenditur. Porro VIII *Jesum in Jesu Sirachide frustra queri*, contendit ad *Eccles. XLIII, 25*, ubi Biblia polyglotta Anglicana, quæ alii Codices sequuntur: καὶ ἐφύτευσεν αὐτὴν Ἰησὺς. Sed alii Codd. non Ἰησὺς, sed νῆσος, *insulas* habent. Vera lectio hæc est: ἐφύτευσεν ἐν αὐτῇ νῆσος. Sed librariorum culpa factum censetur, ut, altero ἐν omisso, ad sequentem Syllabam, ν vero ad præcedentem arcesseretur. Itaque μέγας Κύριος ex v. 6, 33, 34, 38, huc etiam pertinet. Verbum autem φυτεύειν de insulis rectius dici probatur, aliaque lectu non indigna proferuntur. IX Dissertationem theologicam inauguralem, ad *Eph. II, 11, 12*, quam in Academia Rostochiensis A. 1725, solenni ritu clarissimus defendit Autor, continet. Ea tribus constat Sectionibus, quarum 1 exegetica, 2 polemica, 3 moralis, multa erudita complectuntur. X exhibet Θεολογόμενα ex inscriptionibus Biblicis, quæ sunt: *Joan. XIX, 29, Act. XVII, 23*, & ultima: Ἀποκάλυψις Ἰωάννης τῷ Θεολόγῃ; has omnes pluribus illuminatas reperimus. Metema XI *Legem Regiam, Jac. II, 8*, exponit, eamque ab universalitate & amandorum & amantium appellationem accepisse contendit, dicendi ratione ab Hebræis, quibus קְהִלָּה קְדוּשָׁה est via universalis, petita. In XII meditatione μυθεολογόμενα, quæ in Actis Apostolicis occurrunt, proponuntur, nimirum: *Act. XIV, 12, 13, XVII, 18, 23, XXVIII, 11, XIX, 24, 27, 28, 34, 35, XXVIII, 4*, quæ loca singula ex antiquitate Græca Romanaque illustrata sunt. Commentatio XIII, *de sigillo mystico*, ad *Cant. VIII, 6*, tractat. Ineptis autem explicationibus rejectis, Sponsam ad Sponsum loquentem induci, ex affixis masculinis in לְבָרָה & יְרֵמְיָה demonstratur, & illustrata de sigillis materie, cum mysticæ obfignationis actus, tum sponsi simul imago, ex sanctiori disciplina erudite describitur. Medit. XIV *de Magdalii Jacobi laboribus Biblicis, corrigenda inprimis versioni Latina vulgata impensis* commentatur. Ex Correctorio ejus sequentia recitantur, notisque illustrantur loca: *Gen. I, 3,*

I, 3, II, 18, IV, 8, 10, 26, VI, 3, XI, 28, XXXIII, 19, XXXVI, 24, XLI, 45, Exod. III, 2, 14, VI, 3, XXXIV, 30, Deut. IV, 19, Esdr. II, 63, Psalm. CXXXII, 17, Es. IX, 6, Jer. VII, 18, Ezech. IX, 4, Matth. II, 23, VI, 13, Marc. V, 35, XV, 21, Luc. II, 2, X, 21, XII, 35, Jo. VIII, 19, XIX, 13, Act. I, 4, 15, IV, 36, V, 3, XXV, 16, XXVIII, 11, 1 Cor. XI, 10, 2 Tim. IV, 13, 1 Jo. V, 8. In XV locus Es. LXII, 5, explicatur; XVI vero de fortitudine in p. 665–681. Domino, ad Eph. VI, 10, theologicè differitur. In XVII vindicia 682–700. conjugii secundi ex Gen. XXV, 1, & aliis locis Biblicis, adver- 701–733. sus Tertullianum, continentur. Meditatio denique XVIII ea- 734–752. que ultima de salute sacerdotibus a Deo Psalm. CXXXII, 16, promissa tractat, totumque Opusculum finit, si ab indicibus, qui sequuntur, discesseris.

Quod reliquum est, in spe sumus certissima, doctissimum Autorem ea, quæ jam collegit, reliqua varii argumenti minora scripta editorum, atque adeo, quæ in Præfatione dedit, promissa, quam primum potuerit, exsoluturum.

CHRISTOPHORI WOLLII, A. M. S. THEOL. Bacc. & ad D. Petri Catechete Lipsiensis, Schediasma Historico-Theologicum de Jesu Spirituali in Anglia redi- vivo, ubi de Historia, usu & abusu Allegoriarum Pa- tristicarum in Exegesi sacra contra THOMAM WOOLSTONUM, Anglum, ex instituto differitur.

Lipsiæ, ex officina Jo. Christiani Langenhemii, 1730, 4.

Plag. 9.

ET si libertas sentiendi genuina debitisque limitibus circumscripta præcipuis ævi nostri ornamentis annumerari me- retur: ea tamen, dici non potest, quam grandi, ut sit, abusui hodie sit exposita. Nusquam vero ampliorem illa campum, quam in Anglia, nacta est, ita quidem, ut & ipsa sanctissima Christianæ religionis mysteria a quibusdam luxuriantibus in- geniiis loco moveantur. Ut alia jam documenta taciti præter- eamus, abusum ejusmodi perinsignem, eumque atro lapillo no-

Qq q

tan-

- tandum, in orbis Christiani scenam produxit, magnasque in Anglia turbas excitavit *Thomas Woolstonus*, Theologiae Baccalaureus, Collegique Sidnei Cantabrigienſis antehac ſocius, qui ſex *Diſcurſus ſuper miracula Salvatoris* Anglicano ſermone Londini MDCCXXIX, 8, edidit. Atque hos ipſos haud ſegniter perlectos ſub examen revocavit præſentis Schediaſmatis Autor, ea tractandi ratione uſus, ut uno atque viginti paragraphis, critice, philoſophice, atque hiſtorice, Allegorias Patriſticas infirmet ac diluat, & Anglo ſupinam, in qua verſatur, ignorantiam ubivis ob oculos ponat. In §. I nova ſtatim ſententia deſcribitur, atque monſtratur, *Woolſtonum* literalem ſacræ N. F. hiſtorię, qua miracula ab Opt. Max. Salvatore peracta continentur, explanationem, abſurditatibus, contradictionibus, incredibilibusque rebus ſcatere ſemel, iterum, atque ſæpius affirmare, & allegoricas Patrum interpretationes revocare in orbem voluiſſe. Ita, ut §. II docet, conſilium inſit literalem atque carnalem explodendi, unicumque *ſpiritualem*, vel, ſi mavis, *allegoricum* commendandi *Jeſum*, quem, cum ex verendis divorum Patrum cineribus, ſpinofiſtico conatu, ille excitaverit, in *Anglia redivivum* noſter appellitavit Antagoniſta. Evolvit ſimul *πρωτον ψευδες*, obſervatque, *Woolſtonum*, hiſtorias miraculorum ſacras fabulis accenſentem, in Patribus *κατ' ἀνθρώπων* quaſiſſe præſidium, Episcopalis nimirum, ſeu Hierarchicis Anglicanis, apud quos ob divinam, quam inde repetunt, Episcopatus originem & ob antiquæ Eccleſiæ cærimoni-
as, magna Patres autoritate valeant, glancoma quoddam docto
hoc dolo ob oculos objeſturum. Tum indicatur præſentis
inſtituti ratio, quæ, ut ipſa Angli principia convellantur, tum-
que ſua ſponte, quæ hinc eliciuntur, conſectaria corruant, per
ſeptem Axiomata fit, quæ ſingula demonſtrantur, illuſtrantur &
applicantur. Non erit abs re, hæc exſcribere, & nonnulla ſin-
gularia paucis commemorare verbis. Axioma I, §. III, *Ἄνω-
ρον valde eſt, diſcernere inter Jeſum literalem ſive carnalem,
atque ſpiritualem.* Cum Logica ſcilicet arte pugnat, a ſenſu,
qui, ſive literalis, ſive allegoricus fit, nullam in re mutationem
efficit, diviſionem aliquam petere. Ax. II §. IV *ſine accurata ſen-*

sensus literalis & allegorici definitione confuse res agitur.
Woolstonus sensum literalem & allegoricum definitione non explicavit, adeoque omittas has definitiones, utpote quæ sunt conclusionum principia, hic suppeditatas reperire licet. Hinc §. V ambiguitas tollitur. Etenim cum & sensus literalis improprie jure ac merito *allegoricus* dicatur: hic tamen per *allegoricum*, quem & *spiritualem* vocat, sensum, non alium, quam *mysticum* seu *typicum* ab Anglo indicari, ex ipsis miraculorum, quæ vexavit, exemplis enarratis evincitur. Axioma III, quod §. VI legitur, ita se habet: *Patres prisce, miracula Christi explicantes, historicum sive literalem sensum allegorico seu typico non opposuerunt, sed utrumque conjunxerunt, non tam genuinam criticam, quam veterem philosophiam, sui que ævi secuti morem.* Id postquam ex ipsa Patrum historia evictum est, exinde §. VII concluditur, *Woolstonum* Patrum, tametsi videri velit, haud esse secutum vestigia: hos ex præjudicio bonæ intentionis excusatus peccasse, illum vero ex malæ intentionis præjudicio peccantem excusari a nemine posse; Patres, etiamsi universa eorum caterva cum Anglo se conjungeret, non esse ipsam fidei analogiam, neque ipsorum effata, si a ratione ac cœlesti revelatione abhorreant, oraculorum habenda loco. At capitales ejusmodi errores Patribus non debentur. Itaque §. VIII in originem allegoriarum patristicarum curatius inquiritur. Antiqui ecclesiæ doctores erant criticæ artis, & linguarum originalium ignari, & de doctrinæ Christianæ propagatione, deque vita ad eam recte instituenda, magis, quam de criticis rebus, solliciti; quorsum adeo allegorica comparata erat methodus. Cui etiam causam dedit Philosophia prisce ævi ænigmatica, quam ex Ægypto *Plato*, cujus in verba, ante adscitam Christi civitatem, Patres juraverant, secum attulerat. *Origenis* nimium Allegoriarum studium ipsi reliqui Patres, *Epiphanius, Hieronymus, Basilii, Chrysostomus, Augustinus*, alique notarunt. Erat ille Catechesium Alexandriæ Magister, inde a Judæis Alexandrinis allegorias acceperat tanto quidem facilius, quanto erat natura ad ingenii ludos propensior. Hinc allegoriæ idæ erant familiares, cerebro illius

p. 14-17.

17.

18, 19.

19-21.

25.

28.

23.

- nimis firmiter impressæ, & quavis adeo recurrentes occasione. Nomen adamantini Patris, & quicquid ex ejus schola prodiit, inter antislites tertii a C. N. seculi maxime orientis, augustum fuit & venerabile: quare mirum haud est, multos discipulos exemplo sui erravisse magistri. Ejusdem ingenii monumenta tantum eo tempore consecuti erant applausum, ut, quicquid etiam perverse traderet, doctrinæ propemodum publicæ estimationem obtineret. Ipsi præterea Judæi, allegoriarum amici, occasionem Patribus præbuerunt, multa de Christo oracula mystice interpretandi. *Origenes*, ejusque æmuli, easdem allegoricas regulas, quas Platonicæ Philosophi in fabulis de diis, horumque rebus gestis exponendis adhibebant, in explanandis sacris literis usurpare non verebantur. Adeo usitatæ tum erant mysticæ ἐξηγήσεις, ut literales periculo minus carerent; id quod *Theodori Mopsuesteni* memorabili docetur exemplo,
24. quem *Eusebius*, *Chrysostomus*, *Theodoretus*, *Theodorus Heraclæotes*, & alii sequi renuebant, allegoriarum Origenianarum nimis amicis causam minime daturi invidiæ. *Henricus Wottonus* hac occasione quodammodo excusatur, quod Patrum auctoritati nimium tribuisse videatur, qua tamen & *Guilielmus Whistonus* ad *Arianam* hæresin inde confirmandam jam pridem abusus est. In §. IX probatur, has Patrum allegorias novorum atque vitiorum haud temere imitandorum habenda esse numero.
25. Mysticus sensus *innatus* ab *illato*, & ex ingenio, atque extra oleas vagabanda imaginatione confectus, caute discernitur.
26. Cujus & damna indicantur, & si allegoriæ hodie valere deberent, cothurnatam hinc, & cum *Aristophanico* illo *πλατλοθεατλοπλατλοθεατ* comparandam exorituram Theologiam, ex instituto demonstratur. In historico stilo nullas plane allegorias locum invenire, docet §. X. Cavendum enim in historia omni est opera, ne in ænigma evadat oratio. Idcirco *Ennadius* & *Ammianus Marcellinus* notantur, contra vero ea *Cornelius Nepos*, *Livius*, & *Julius Caesar* laudibus sunt prosequendi. Hyperbolicæ *Curtii* & *Flori*, nec non *Barclaji*, descriptiones, quarum exempla recitantur, valde sunt improbandæ. At enim vero, licet vitium in stilo commiserint Historici, res tamen ipsa atque historia

floria negatur a nemine. Fac igitur, divinos etiam scriptores hyperbolice locutos, ipsa tamen miraculorum historia idcirco neganda haud esset. Sic *Woolstonus* probabilitatem historicam, quam & profana & critica sibi vindicat, æstimare non potuit. Quod vero etiam atque etiam instat, poscit, atque adeo flagitat, res Christi gestas nimis esse prodigiosas, ut non possint non omnem humanam superare fidem, id quidem in sequentibus confutatur. Cui rei Axioma IV inservit: *A sensu literali, coque proprio, in historiis miraculorum Christi explicandis, non est recedendum, cum nihil in eo improbabile, nihil incredibile, nihilque vere contradicens inveniatur.* Ubi inter phænomena hermeneutica vere contradicentia, quæ *συνερόζυλα* & *ἀσύνετα* a Logicis appellantur, & *ἐν αὐτοῖς φανῆ* seu apparenter talia ac difficilia modo, cum cura distinguitur. Illa historiis sacris inesse negantur, hæc vero in iisdem reperiri, conceditur. Eo consilio omnia, quæ *Woolstonus* detorsit, Christi miracula, 6. XII, XIII, XIV, XV, XVI separatim vindicantur. Quæ recensere cum longum nimis foret, duo modo dubia, quæ *Woolstonus* magni esse momenti putavit, qua ratione hic soluta inveniantur, edocebimus. Ad 1) quemnam scopum sigillum lapidi Salvatoris impressum habuerit? respondetur, hac obfignatione introitum nemini non prohibitum fuisse, ipsique Christo exitum, *Apoc. XX, 3.* Ritus hic lapides ostilis admotos obfignandi ex *Dan. VI, 17,* illustrandus. Ad 2) annon per priorem fraudem, qua pejor fieri posse altera *Matth. XXVII, 64,* dicitur, ipsa Lazari excitatio significetur? respondetur, proverbialem hic loquendi rationem subesse, & Judæorum procures, abesse invidiam verbis si jubes, hæc sibi voluisse: *multa quidem adhuc edidit miracula Jesus, quæ populum in stuporem conjecerunt, verum si idem, revera jam mortuus, e sepulchro vivus prodiret, hoc ultimum esset majus omnium.* Tum, *ehou! causa caderemus nostra.* Proverbium autem cum explosum iverit, licet sine omni ratione, Anglus, aliam addidit solutionem Antagonista. Per primum nimirum errorem Judæorum procures illum intellexerunt, quo multi Jesum, ob salutes doctrinas, atque stupenda miracula, divinitus ad homi-

p.36-38.

38-54.

51, 52, coll. 68.

52. coll. 68, 69.

p. 54-58.

nes missum existimaverunt, alterum vero ipsam ejus resurrectionem voluerunt. Perspiciebant enim, hæc si explorata crederetur, Jesum Nazarenum verum esse *המשיח*, dubitatu um amplius neminem. Axioma V: *Miracula vere ac proprie talia ad Characteres Messia essentialia pertinere, cum ipsa sacra pagina diserte id urgeant, omni dubio caret, eamque ob causam allegoria procul hinc absunto.* Recitantur loci, *Matth. XI, 2 seqq. Joan. III, 2, II, 23, 24, VII, 31, Jes. XXXV, 5, Jo. II, 23*, ubi Joannis discipuli vidisse & audivisse Christi miracula perhibentur, indeque adeo infertur, ea non in spiritibus, animis, sed in corporibus miserorum hominum fuisse peracta. Additur *Jes. LXI, 11*, coll. *Matth. XI, 5, XII, 38, XVI, 1, Luc. XI, 16-29, Jo. IV, 48, 1 Cor. I, 21.* Provocatur etiam ad testimonium R. Isaac Abarbanelis & Judaici *מדרש*. Ubi & *Hof. XIII, 14 seq.* cum *Matth. XI, 5* comparatione instituta, hocce formatur argumentum: quodcumque vidisse homines dicuntur, illud in historia relatum non allegorice, sed literaliter accipi postulat.

57.

58-63.

Jam vero, teste historia sacra, Jesu & amici & inimici, maximo per sæpe numero, viderunt cæcos, quibus oculorum lumina restituta erant, viderunt claudos, recto pede incedentes, viderunt surdos, amissa audiendi facultate rursus donatos, viderunt denique revera mortuos, e mortuis vere revocatos, &c. Axioma VI, quod §. XVIII adducitur, hoc est: *Quicumque divorum Patrum allegoriis ad capitales errores propagandos, qui ipsis nunquam in mentem venerunt, abutitur, is fucum facit incautis, & Orthodoxus haud est.* Hoc nimirum nomine se ipse insignivit Woolstonus. Sed ipsæ Patrum, inprimis *Theodoret*, quæ proferuntur, definitiones in eum non conveniunt, qui ipsum potius *ἀσπερμιὸν* & Apostatam, testibus *Theodoro Balsamone*, atque *Photio*, CP. Patriarcha, dicerent. Tum graviter urgetur, Patrum sententias apostolicæ haud esse opponendas doctrinæ, neque ex illorum levioribus nævis, aut incautis dicendi generibus, errores capitales colorandos. Apostolica dogmata primo esse loco collocanda, & tam demum ad Patrum consensum provocandum, ex ipsis *Basilii* & *Irenæi* elegantissimis demonstratur exemplis, & locus ex *Athanasio*, in Wool-

Woolstonum apprime quadrans, recitatur. Axioma VII, idemque ultimum, §. XIX ita formatur: *Miracula Servatoris omnia, licet in corporibus miserorum hominum edita, ad spirituale tamen regnum suum erigendum pariter, ac propagandum, unice fuerunt comparata.* Hic reliquæ ambiguitates *Woolstoniana* e medio tolluntur, ejusque *Jesus Spiritualis*, quem & *Spinozam* jam diu statuisset probatur, ultimo ictu prostratus jacet, res vero ipsa cum in hoc ipso, tum in sequente §. XX ex sanctiori disciplina uberius demonstratur. Tandem in §. XXI hominibus, qui variis ineptarum dubitationum procellis huc illuc agitantur, ntilia hinc semet expediendi consilia suppeditantur.

p. 63—65.

65—69.

Verum his ipsis, quæ attulimus, curiosos modo lectores ad ipsum perlegendum schediasma excitare volumus, utpote quod exemplo esse poterit, in minima interdum scriptione majorem variz doctrinz apparatus, quam in vasto contineri volumine.

JOACHIMI OPORINI HISTORIÆ CRITICÆ Prodomus, primis lineis exhibens recensionem causarum, fundamentorum & rationum Historico-Philosophicam doctrinæ de natura & vita animorum perenni, id est, de animi humani essentiali a corpore differentia & immortalitate.

Hamburgi, literis Piscatoris, 1730, 4.

Plag. 7.

EA est doctrinæ de animi humani immortalitate excellentia, ut illa negata omnis evertatur religio; ea autem admissa ad pietatem non possumus non provocari. Quod quidem cum perpenderit Clariss. Autor; argumenta, quibus omnis ætatis Eruditiss. Viri animæ humanæ immortalitatem aut defenderunt, aut negare sunt annisi, dedita opera ex momento suo ponderavit; eo consilio, ut in *Historia*, quam meditatur, de hac materia *Critica*, quid superficialii aut veri penes doctrinæ hujus vindices, quid falsi penes ejusdem hostes deprehendatur, erudi-

eruditorum oculis exponat. *Prodromum* majoris hujus Operis jam edit, quo judicia celebriorum virorum de suo instituto exploret. Cum inibi doctiss. Antor propositum suum verbosius recenseat; summam tantum commemorabimus, quæ B. L. ad ipsius Prodroimi lectionem invitare poterunt.

- Cap. I. p. 4, 5. De sententia itaque Cl. *Opertini* omnium mortalium in eo est consensus conspirans, immortalitatem animi humani esse sperandam. Cujus quidem concentus causa neque cum *Tolando* ex levitate animi in credendo, neque cum *Cowardo* ex invento pagano, sed ex traditione communi, omnibus paganorum monumentis antiquiori, & ipsa naturæ voce, quæ per desiderium immortalitatis se exserit, derivari debet. Huic enim desiderio adscribendum est, quod Philosophi nonnulli, si systematibus suis consensissent, nihil de immortalitate animæ potuissent dicere; naturæ bonitate victi eam admiserint. Eisdem connato desiderio tribuendum, quod *Moses* antiquissimus scriptor doctrinam de I. A. ut dudum cognitam supponat; & dubiis tantum, quæ circa eam moveri poterant, occurrat. *Pagani Philosophi* naturæ voce permoti I. A. crediderunt; licet eandem argumentis admodum infirmis probaverint. Etenim tantum non omnes animam non a Deo sed ex Deo profectam esse putabant. Idcirco vel perennitatem tantam ipsius Dei, non autem hominum, adstruebant, vel cum *Aristotele* de I. A. vere dubitabant, vel I. A. ex instituto impugnabant. Quibus quidem paganorum erroribus occasionem præ ceteris aperuerunt *Ægyptiacæ* superstitiones. Unde *Sinarum* quoque sapientia manavit. Id quod accuratius demonstrabitur ex iis, quæ vir Celeberr. *Sebast. Kortholtus*, Kiloniens. Professor, cum Cl. Autore communicavit. Ab hisce corruptelis paganis, quæ p. 18-20. successu temporis etiam Judæorum animos occupaverant, doctrina de I. A. vindicabatur per Salvatorem nostrum *Christum* Jesum. Is non solum ipse resurrexit e mortuis; sed & nobis resurrectionem animæ & corporis sancte pollicitus est; ut adeo I. A. spes non tam natura animæ quam una Dei omnipotentia & veracitate nitatur. Christi doctrinam sequebantur *primi Doctores Christiani*. Cum enim doctrinam suam con-

contra Paganorum præjudicia defenderet; sibi studiose cavebant a divinitatis animorum somnio & similibus. *Henricus* igitur *Dodwellus* sententiam de naturali animorum interitu Patribus perperam tribuit. Merita Patrum sunt magna in refutandis Hæreticorum de I. A. erroribus. Quisque enim pro captu suo Scripturæ sacræ convenienter ad quæstionem de I. A. respondebat. Et modo quoad summam rei cum Scriptura conspiraret; sinistras sententiæ suæ consecutiones parum curabat. Ipsam autem A. I. vel κατ' ἀνθρώπων contra *Platonica* Philosophiæ faventes ex intellectu puro, ex vita animæ substantiali &c. vel κατ' ἀλθιαν ex immaterialitate animæ probabant. Quam *Gregorius Thaumaturgus* & *Augustinus* præcipue ex oppositis materiæ & animæ viribus adstruebant. Aliam sed non meliorem faciem præ se ferebat doctrina de I. A. cum ἐντελέχεια *Aristotelis* plurimis arrideret. Quam quidem ἐντελέχειαν licet *Aristoteles* non per se separatim existentem, sed cum materia conjunctissimam finxerit; Scholastici tamen eandem ut formam substantialem describunt; unde separatam animæ a corpore existentiam non sine petitione principii deducunt. Neque etiam solidum est aliud Scholasticorum argumentum: Quicquid est immateriale, illud est absolute immortale; atqui anima &c. E. Majorem ille tantum admittet, qui cum *Platonicis* omne immateriale pro particula naturæ divinæ habet. Minorem Scholastici non probabant, provocando ad puras intellectus operationes. In hac vita enim operationes animæ omnes a conditione pendent materiali. Qui *Aristotelis* mentem rectius intelligebant, illi cum *Scoto*, *Cajetano*, *I. C. Scaligero* negabant posse I. A. ex ratione, sive, quod tum temporis idem erat, ex *Aristotele* demonstrari. Et sane ἐντελέχεια *Aristotelis* utique evertit I. A. Temeritatis tamen est, cum *Angelo Rocca* aliisque arma *Aristotelis* adversus I. A. prius capere, quam confutatum sit alibi ab *Aristotele* solide stabilitum; non esse in oculo, quod videamus. Recentiores Philos. *Eclecticis*, Scholasticorum erroribus medelam allaturi, ipsi nonnunquam a recta via aberrant. In iis *Cartesius* ex essentia animæ inextensa a priori cognita essentia corporis extensæ opposita differentiam animæ

p. 23.

24.

25.

27.

Cap. VIII.

p. 28.

29.

31.

32.

34.

35.

Cap. IX.

p. 36.

R r r

a cor-

- p. 39. a corpore male probat. *Henr. Morus* autem, *Jo. Raphsonus* & *Andr. Rüdigerus* *Cartesium* emendaturi, essentiam extenso-spiritualem æque erronee substituunt. *Leibnitius* & socii ad I. A. præter indestructibilitatem etiam statum idearum distinctarum & ordinatarum requirunt. Quorum licet circa hanc doctrinam merita sint maxima; perperam tamen precariæ suæ Harmoniæ præstabilitæ I. A. committunt, & animam a priori sibi cognitam esse sibi persuadent. Optimam, opinione Cl. Autoris, viam ingrediuntur *Philos. Ecclesiæ*, qui I. A. demonstraturi, prius a posteriori probant, operationes animæ ita esse comparatas, ut ex solis materiæ proprietatibus oriri nequeant. Omni autem fundamento destituuntur, qui, vita improba & præjudiciis moti, cum *Collino*, *Spinoza* aliisque defendunt, animam humanam esse harmoniam quandam ex virtute mechanica resultantem. Atque hæc est summa eorum, quæ *Clariss. Autor* in *Historia doctrinæ de I. A. Critica* XI Capitibus uberius demonstrabit. Cap. XII *Prodromi* exponit, quomodo emendare velit argumenta hæcenus de I. A. in medium prolata. Videlicet tuetur, fundamenta, quibus I. A. innititur, ab argumentis arbitrariis solícite esse distinguenda. Per *fundamenta* autem intelligit congenitum omnibus mortalibus immortalitatis desiderium, & quæ huic innititur, communem traditionem. *Argumenta arbitraria* illi sunt, quæ pro diversitate systematis diversimode e natura animorum petuntur. Illa his multo esse anteferenda, contra *Celeberr. Bülsingerum* propugnat. Ex illis enim constare, dicit, vitam animorum certo esse futuram, ex his autem tantum sequi, immortalitatem animæ esse possibilem. Præterea monet ex animæ humanæ natura non aliter sequi ejus immortalitatem, nisi ab animæ operationibus in hac vita semper impuris ad ejus immaterialitatem, & inde ad immortalitatem concludas.
- 41.
- 42.
- Cap. X.
- p. 43 sq.
- C. XI. p. 46 f.
- C. XII. p. 50.
- 51.
- 52.
- 53.
- 54.

REMPHAH ÆGYPTIORUM DEUS, AB
Israelitis cultus, nunc ex Lingua & Antiquitate Ægyptiaca erutus & illustratus a PAULO ERNESTO
 FAB-

*JABLONSKI, & Theol. Doctore & Professore in
Ecclesia & Academia Viadrina.*

Francos. & Lipsiæ, apud Jo. Godofr. Conradi, 1731, 8.

Plag. 13.

CUM Lingua Ægyptiaca, inter Orientales veneranda antiquitate superbiens, illustrandis quamplurimis vocibus, apud Autores non profanos solum, sed & in ipso Hebræo Codice occurrentibus, ac tabulis velut quibusdam e naufragio servatis, conducere visa sit, abstrusi illius, & a reliquarum Orientalium genio multum discedentis sermonis arcana solícite perscrutari, jamdudum haud infanz caveæ eruditi cœperunt. At vero vel præjudicio quodam de origine ejus Hebræica abrepti, vel duces minus fidos, ceu ignes fatuos, secuti in tenebris, non potuerunt non in præcipitia delabi, & sæpe nubem pro Junone amplexi sunt. Ex quo facile est ad judicandum, quanto illos intervallo S. R. & doctissimus Autor noster post se relinquat, dum ante plures annos, præeunte Excell. Crozio, Consiliario & Antiquario Regis Borussiae, cui & tanquam Magistro suo, in hujus linguae cognitione incomparabili, Opus hoc dicavit, eam excolere cœpit, ac perlecta non solum Codicis sacri Ægyptiaca versione, sed & dein aliis, in itineribus, quæ per Belgium, Angliam & Galliam suscepit, Manuscriptis Ægyptiacis perlustratis, mirifice peritiam suam locupletavit. Et cum olim jam egregia Dissertatione de Lingua Lycaonica, aliisque ad Theologiam pertinentibus, Reipubl. literariæ innotuisset, nunc raræ hujus doctrinæ suæ specimen denuo edidit, electo argumento sat splendido, quod clarissimorum eruditione virorum ingenia magnopere torfit. Ac primo quidem p. 4 verba prophetæ Amosi & Cap. V v. 25, 26, ubi Numinis hujus mentio fit, cum Græca septuaginta seniorum confert, & in his transpositionem quandam observans, ejus causas rimatur. P. 9 seqq. cultum illius verum & externum fuisse, contra Viros quosdam eruditos probat. P. 12 seqq. prolixè disquirat, num Græci illi interpretes veteres Hebraicam vocem *יְהוָה*, perperam pro ea legentes *יהוה*, in *ἐνφωρ* aut *ἐμφωρ* mutando, corruerint, ac præter alios Celeb.

Vitringam, hoc asserentem, gravibus argumentis refellit. P. 29 seq. vocabulum $\xi\epsilon\mu\Phi\alpha$ vere Ægyptiacum esse demonstrare conatur, ac p. 32 seq. illorum rejiciens sententiam, qui Remphin Ægyptiorum Regem vestigia hujus Numinis præ se ferre putant, innox p. 35 Lexicon Copticum ab *Atban. Kircher* editum, ubi $\phi\eta\Phi\alpha\chi$ per stellam Saturni explicatur, sub examen vocat, & cum tot viri docti ad illud certatim provocarint, illius auctoritatem solidis rationibus destruit, ac p. 41 de Linguz Ægyptiacæ & Copticæ indole ac differentia quædam inspergens, Planetarum in Lexico *Kircheriano* nomina ex versione LXX seniorum Græca derivata esse perquam acute conjeclat, p. 51 veram lectionem hujus vocis $\xi\epsilon\mu\Phi\alpha$ vel $\xi\omicron\mu\Phi\alpha$ esse, eamque Ægyptiace Regem cæli, i. e. solem notare, ostendit, idemque vocem כֶּמֶל hoc loco in textu Hebraico significare, ex quorundam doctorum consensu stabilire p. 64 annititur. Hanc opinionem p. 67 in majori luce collocare pergit, adductis in medium nominibus *Osiridis* & *Isidis*, quæ explicat, & simili cælestis hujus inter astra regis cultu, apud alias Africæ gentes usitato. P. 74 dubium aliquod de silentio profanorum scriptorum remove contendit, & quædam alia veterum Numinum Ægyptiacorum nomina rarius in illis commemorari, ut *Neith*, *Minervam*, & *Athor*, Venerem, monstrat, immo in Remphi Ægyptiorum rege, & Rompe Ægyptiace annum notante, memoriam ejus Numinis asseruari concludit, quod cum reliquis anni temporibus, divino honore affectum esse, p. 83 seqq. ex pluribus monumentis veterum firmat. Equidem nonnulla se offerunt dubia, quibus acutissimi *Vitringæ* rationes adstrui posse videntur, sed Cl. Autorem nostrum, simili $\alpha\gamma\chi\eta\sigma\iota\alpha$, quæ eas oppugnavit, novas illas objectiones diluere posse, facile, ut credamus, adducimur. Nec tamen ulli eruditorum, quæ est modestia, sententiam hanc venustam admodum & ingeniosam obtrudit.

THE HISTORY OF THE PARTHIAN EMPIRE,

b. c.

HISTO-

HISTORIA REGNI PARTHORUM, AB
Arface Monarchiæ Conditore ad illius usque occasum,
XXIX Regum continua successione deducta, Autore
THOMA LEWIS, A.M.

Londini, apud Samuelem Illidge & Joh. Hooke, 1728, 8.

Alph. 1 pl. 3.

SI eadem cura ac perspicuitate, quemadmodum de Græcorum & Romanorum rebus factum est, *Parthorum Historia* scriptis posteritati tradita, aut, si tradita, ad nostram ætatem servata fuisset, haberent certe, quo delectarentur impense, antiquarum rerum studiosi. Etenim amplam satis commentandi atque legendi materiam præbuisset populus tanta bellicæ virtutis fama inclitus, tantisque rerum successibus florens, ut Cyri atque Alexandri victorias æmularetur, ac maximam Imperii Persici partem sub obsequii jugum mitteret, ipsi denique Romanorum virtuti quandoque formidabilis evaderet. Jam vero pauca admodum iniquis fati ad nos transmissa sunt, unde *Parthorum* gentis notitia aliqua hauriri queat, & hæc fere ex Græcorum Romanorumque fragmentis summo cum labore decerpenda. Nulli igitur dubitamus, gratam operam præstitisse civibus suis antiquæ historiæ curatius addiscendæ studiosis Clariss. *Lewisum*, dum illa, quæ de rebus *Parthorum* Græcis Latinisque Commentariis latius diffusa inventiuntur, quam ut breviter cognosci possint, modico voluminis ambitu comprehensa, vernaculo ipsis sermone proponere voluerit; ut adeo novisse illas desiderantibus longæ inquisitionis labor abesset, & quæ obscuriora erant passim apparitura, jam dilucidiora legentium oculis sisterentur. Laudem etiam meretur, quod factorum simplicitatem, siccam licet interdum atque adeo minus amœnam, sectari magis voluerit Autor eruditus, quam conquisitis ornamentis varii generis Romanensis potius fabulæ quam veræ historiæ speciem libro suo induere. Ignoramus interim, num probaturi sint inter lectores universi, quod omiserit noster in factis enarratis per tempora determinandis simul ad Olympiadam atque conditæ urbis calculos attendere,

quos quidem maximo lectorum commodo, uti in exteris rebus ab eruditis fieri fere consuevit, appositurus fuisset. Mirati etiam sumus, præstantissimum *Joannis Foy Vaillantii* Opus, quod *Arfacidarum Impetium, sive Regum Parthorum historiam ad fidem numismatum accommodatam*, inscripsit, nobisque A. MDCCXXVI, mense Majo p. 193 seq. recensitum atque laudatum est, aut Autori nostro plane incognitum, aut certe non in subsidium adhibitum fuisse, ex quo tamen non contemnenda lux, intelligentium quorumvis judicio, *Parthorum* res gestas indagaturis potest commodari.

Tangermündische Antiquitäten ꝛc.

hoc est,

ANTIQUITATES TANGERMUNDENSES, quibus continentur 1 **CASP. HELMERICI** *Annales Tangermundenses*, 2 **ANDRÆ RITTNERI** *Historia Tangermundæ ab A. 1618 ad A. 1651*, & 3 *Memorabilia Tangermundensia, e vetustis Documentis & Diplommatibus conscripta*; Autore **GEORGIO GOTHOFREDO KUSTERO**, *Gymnasii Fridericiani Berolinensis Con-Rectore & Societatis Borussiae Scientiarum Socio.*

Berolini, prostant Lipsiæ in officina Bloehbergeriana, 1789, 4.

Alph. 2 pl. 7 Tab. zn. 1.

TRes Libros sistimus simul editos, quorum priores duos, quippe jam pridem ante condita hæc Acta editos, & nunc demum ob singularem raritatem cura Cl. *Küsteri* reculos, non est, ut hoc loco recenseamus. De tertio tamen, qui ipsius Editoris industriz debetur, nonnihil nobis dicendum erit. Consistit is Capitibus XII, quorum *primo* Scriptores recensentur, qui Tangermundanæ urbis historiam investigarunt, *Helmericus* inprimis & *Rittnerus*, qui modo iterum prodeunt, ambo *Tangermundenses*. Ille Poeta laureatus Cæsareus & Consul
Taa-

Tangermundanus fuit, anno 1665 rebus humanis exemptus: scripsit Annales carmine vernaculo, parum quidem compto, sed notis quibusdam utilissimis instructo, & Magdeburgi quondam ac Servestz editos. Hic vero Consul itidem Tangermundz, natus A. 1609, animum primum ad Theologiam appulit, mutato autem consilio jurisprudentiz se addixit, quod in Oratione quadam sermone Græco recitanda parum feliciter progrediretur. Historiam suam, quam in curia asservari volebat, tandem amicorum suasu publici juris fecit; de qua ita quidem censet Cl. Editor, quod multa quidem notatu dignissima contineat, *Enzelio* tamen majorem, quam fas sit, fidem habeat Autor, multa quoque, quæ ad rem minus faciant, afferat & ordinis leges subinde negligat. Commemorantur præterea hic alii Scriptores historiam Marchiz illustrantes, inter quos *Eliam Læckelium* & *J. Christ. Beckmannum*, quorum Opera nondum edita sunt, allegasse sufficiat. *Secundo* Capite nomen, situs, & ætas urbis Tangermundanz investigatur, cumque ad ostium Tangræ fluvii sita sit, inde nominis causa non immerito deducitur, deque Angri-variis, qui has regiones quondam incoluerunt, nonnulla adduntur, simulque colligitur, urbem hanc inter antiquissimas Germaniz esse referendam. *Capite tertio* in eo est Cl. Autor, ut inquirat, an Drusus in Marchia veteri castella exstruxerit, nec ne? quod quidem negat, Albim victoriarum Drusi terminum arbitratus. *Quarto* Capite inquiritur, ad quem pagum Tangermunda quondam spectaverit, cum in duos pagos veteris Marchiz Ecclesias dispartitas fuisse constet, quorum alter Barden-goz, alter Belesemi nomine innotuit. *Quintum* Caput ædes sacras, inter quas, quæ D. Stephano sacra est, primo loco notatur, & monumenta sepulchralia commemorat. *Sexto* Capite renovatur illorum memoria, qui urbem rexerunt, ut *septimo* illorum, qui divinarum literarum monumenta illic sunt interpretati, ex quo quidem Capite nonnulla delibare juvabit. Cum *Georgius Lybius* in vivis esset, ut verbi divini ministri imberbes essent, vestibusque non adeo longis uterentur, lege cautum est, cui *Lybius* hæc verba adscripsit: *Decanus erat imberbis, ergo omnibus conveniens esse, non esse majoris autoritatis, autumabant,*

bant. Cum *Joachimus Assenburgius* antistitis munere fungeretur, sacer quidam conventus a viris Theologis Marchiæ & Saxoniz Tangermundæ est habitus, anno 1571, in quo deliberatum fuit, qua ratione illi etiam, sive Principes, sive mystæ, qui Concordiz Formulæ nomina sua nondum dederant, ad idem faciendum impelli possent, quo de negotio *Hutterus* & *Hospinianus* in *Concordia concorde* & *discorde* conferantur. Idem ille *Assenburgius* regulas quasdam Pastoribus Synodi Tangermundensis observandas præscripsit, quæ, & illæ quidem laude dignissimæ, hic integræ repetuntur. Ritus quoque in Ecclesia servandi, quorum Autor *Georgius Gigas* est, hoc loco exhibentur, qui maximam partem hodiernum observantur. *Laurentius Pratorius*, qui primum Diaconi, deinde Inspectoris munus ornavit, præ multis aliis dignus est commemoratione, cum varios casus, & molestias non paucas subierit, dignus sane, cujus memoria adhuc hodie vigeat, inprimis ob infractum plane animum, quem in maximis turbis, ipsoque bello tricennali, exhibuit. Fatetur ipse *Pratorius* in vitæ curriculo a se consignato, quod fuerit tenellus orphanus, pauper scholasticus, electoralis alumnus, agens academicus, famulus, ædituus, campani pulsor, pedotriba, scriba civilis, Pastor ruralis, Diaconus & Inspector urbanus, compastor cathedralis, tandemque electoralis Superintendens. Quantis præterea laboribus fuerit defunctus, & quot periculis ipsius etiam vitæ fuerit obnoxius, pluribus verbis ipse refert, quæ integra Nostro exhibentur. *Octavi* Capitis argumentum schola est, illique, quorum ope juvenus studiosa literarum studiis est imbuta. Recensentur hic omnia illorum nomina, qui a temporibus factæ *Lutheri* ministerio sacrorum emendationis operam suam scholæ huic addixerunt, e quibus *Enzelium*, & *Frid. Conovium* allegasse satis est, quorum hic museo suo hæc verba inscripisse fertur: *Gratis pœnitet esse diligentem.* *Sequenti* Capite de arce regia, deque sacello olim ibi exstructo exponitur, cujus conditorem Carolum M. reparatorem autem Carolum IV fuisse constat, qui omne studium in id contulit, ut Tangermundam redderet florentiorem. Nulli igitur castellorum Germaniz cedeat hæc

erx, quæ ex ruderibus suis demum a Friderico I Borussia Re-
ge restaurata perhibetur. Inde Capite *decimo* de pago Tanger-
mundæ vicino *Calbau*, quem Carolus IV condidisse & privi-
legiis donasse fertur, Cap. *undecimo* de pagis aliis Tangermun-
densi præfecturæ subjectis, Cap. *duodecimo* de oppido *Arnebur-*
go, & Cap. *ultimo* de aliis memorabilibus Tangermundensibus
hactenus prætermisiss, inscriptionibus in primis sepulchralibus,
traditur.

Die vernünftige Gewißheit der Hebräischen Accentuation.

h. e.

ACCENTUATIONIS HEBRAICÆ CERTA
ratio, qua est ars characteristica, ad quam textus origi-
nalis ordinate & distincte legendus, intelligendus, & in-
terpretandus, qua nova methodo addisci & defendi pos-
sit, exposita a M. CHRISTIANO FRIDE-
RICO BAUERO.

Lipsiæ, impensis Johannis Christiani Martini, 1730, 2.

Plag. 12¼ cum fig. 22.

CUM alii eruditorum accentuationem Hebraicam clament
incertam, confusam, & impune possibendam; Rev.
Autor evincere conatur, illam esse artem characteristicam, in
qua omnes accentus perpetui & nunquam turbandi ordinis
sint characteres, qui rite instituendæ lectioni & interpretationi
inserviant, & licet nostris signis distinctivis v. g. puncto, colo,
semicolo, commatique non respondeant, ejusmodi tamen es-
sent signa lectoria & hermenevtica, quorum constans per o-
mnia ordo & symmetria ex inductione omnium accentuatorum
versuum in apurum poni possit. Seponens igitur methodum
accentuationis allegoricam, qua sub schemate imperii, accen-
tus distinctivi ab aliis ut Imperatores, Reges, Duces, Comites,
Barones Toparchæ & Dynastæ designantur, convenientiorem
ordinis inter accentus conspicui explicationem ex systematica

ipforum symmetria seu arte combinatoria tradit, & accentus profaicos, ut signa ordinis, ad Mathematicam certitudinem revocare tentat. Sic enim accentuum distinctivorum ordinem explicat, ut universalem numerorum & mensurarum harmoniam etiam accentibus distinctivis inesse credat. Qualis mensurarum harmonia in linea seu canone mensorio ipsi per figuras Arithmeticas $\frac{1}{2}$, $\frac{1}{4}$, $\frac{1}{8}$, $\frac{1}{16}$, $\frac{1}{32}$, item $\frac{1}{2}$, $\frac{1}{4}$, $\frac{1}{8}$ designatur; talis omnium verborum & partium, omnium conceptuum & rationum magnitudo & symmetria, & sic totius versus analysis & synthesis ipsi patescit per accentus. Nam sicut in Arithmetice totum est cohesio partium, & in Mathefi linea est cohesio punctorum; sic in accentuatione Autori pasue seu versus est cohesio systematicorum conceptuum. Habet igitur Sil-luc cum Soph Pasue: $\frac{1}{2}$ pro statore seu finitore versus concipiendi seu pensi systematica consideratione comprehendendi, & vocat (das Ende-Zeichen) signum finis, ubi non quidem absolute orationis, attamen systematicorum conceptuum finis sistetur, seu ubi systema accentuum ut mensurarum harmonia finiretur. Inter reliquos autem accentus distinctivos non alius daretur ordo, quam ars combinatoria & constans *διχοτομία* seu bipartitio suppeditat, qua omnis hemistichiorum compositio & resolutio fundata est. Quare in combinatione accentuum distinctivorum ea haberetur ratio, quæ in combinatione $\frac{1}{8}$ & $\frac{1}{16}$ ad $\frac{1}{8}$ porro $\frac{1}{8}$ & $\frac{1}{16}$ ad $\frac{1}{4}$ & $\frac{1}{16}$ cum $\frac{1}{4}$ ad $\frac{1}{2}$ & duorum dimidi-
diorum ad unum totum. Sequentem vero constructionem cano-
nis accentuatorii format:

$\frac{1}{2}$ finitor versus, seu signum systema mensurarum & partium
finiens, & totum seu cohesionem indicans.

$\frac{1}{4}$ Dimidiator seu dimidi-
diorum stator, halbirer.

$\frac{1}{8}$ Tripartitor, dritter.

$\frac{1}{16}$ Semitripartitor seu sextor.

$\frac{1}{32}$ Semisextor seu undecimato-
r.

$\frac{1}{64}$ Quadrator major.

Semi-

$\frac{1}{8}$ Semiquadrator major seu Octator major.

$\frac{1}{4}$ Quadrator minor.

$\frac{1}{8}$ Semiquadrator minor seu Octator minor.

$\frac{1}{16}$ Sedecinator.

$\frac{1}{32}$ Semisedecimatores.

Hunc canonem accentuatorium fusius explicat *Cap. I & II*, ubi de vera accentuationis Hebraicæ indole agit, & figuras accentuum ut boni ordinis notas explicat. *Capite tertio* insignem accentuationis usum exemplo comprobat, explicando *Jes. LIII, 8, 9*, ita, ut *Act. VIII, 32, 33*, respondeant, & uterque tam *Jesaias* quam *Lucas* describant processum, quo Messias ad mortem rapiatur, ubi animadvertatur v. 8 Messie captura, ut fislatur idem iudicio, seu Synedrio, a quo non audjatur, sed ut ovis ad perpetrendam violentam mortem jam destinatus sit, quare, rebus sic se habentibus, nec aperiat os suum. Hanc injustam inquisitionem v. 8 descriptam sequi, ostendit, violentam executionem seu raptum Messie ad mortem v. 9. Ex iudicio & custodia Pilati rapi eum ad mortem, causante id populo Judaico tempore Christi vivente, cujus analitiam quis satis describat! Sensum vero Prophetæ & Apostoli ita concordare: *Jesaias* dicit, *Jesum etiam ex custodia & iudicio*, (quæ innocentibus tamen præsidio magis, quam nocumeto & proditiõni forent) *ad mortem raptum iri*. Apostolus vero, *Christo in humili statu & conditione sua*, *Kolon douru* (sein Recht) *justa causa cognitionem & innocentia vindicationem seu justum iudicium denegatum iri*. Ubi unius positio sit alterius explicatio, & in verbis quidem diversis res tamen ad unum sensum redeat. *Cap. IV* rejicit accentuationem prosaicam irregularem, quam ejusmodi ars Characteristica non admittat, & accentuatoribus, qui perperam permissas distinctionum notas credunt, non suffragatur. Quare etiam *Johannis Franckii* novam versionem accentibus conformatam in *Koheler* modeste notat p. 108, & meliorem promittit, qua vacillans Hebraicorum verborum interpretatio, alienum intrudens sensum, sollicite evitetur. *Capite V* controversias de punctorum & ac-

p. 1-50.

50-100.

101.

113.

p. 158.

centum origine, valore & auctoritate ita expedit, ut ex effectu, seu a posteriori evincat, incredibile esse, alios, quam autores Bibliorum sacros ipsos accentus apposuisse, quod de Salomone in Kohelet c. XII, 10, ex כְּתוֹב יֶשֶׁר, de Mose in Deut. XXXI, 24, ex הַכְּתוֹבָה עַד תָּמָם & ex Neb. VIII, 8, probare studet. Quibus subjungit deductionem historicam, qua ratione codices non punctati pro punctatis surrogati, & punctorum & accentuum auctoritas elevata fuerit. *Capite sexto*, de revocanda Hebraicae linguae certitudine agit, & ad quae principia Ecclesiasten Salomonis sit elaboraturus, prodit. Nos optamus, ut hic liber pari luce, quam dicto *Jesaja* c. LIII, 8, 9, hic affudit, ab Autore collustretur.

*AD OPUS DANUBIALE ILLUSTRIS.
ALOYSII FERD. Comitis MARSILII Sup-
plementa duo.*

Conf. Acta Erud. 1727, Mens. Julio, pag. 295.

NON displicuisse Excellentissimo Operis Danubialis Auctori cum cetera, quae in recensione istius libri attulimus, tum ea quoque, quae de defectu quarundam observationum ab eo promissarum sunt commemorata, partim ex ipsius humanissimis literis, partim etiam nunc eo magis inde colligere potuimus, quod Massilia in patriam redux, cum varia sua schediasmata, manu exarata, atque ad laudatissimum illud Opus quodammodo pertinentia denuo pervolvisset, & inter ea duas potissimum observationes invenisset, quae deesse libro impresso viderentur, istas continuo ad nos mittendas curavit, ut Actis nostris, tanquam supplementa egregii Operis insererentur. Quod facere hoc loco eo minus dubitavimus, quo certius persuasi sumus, lectoribus istarum rerum curiosis id fore quam gratissimum. Et altera quidem harum observationum, quam deesse nominatim significavimus in recensione nuper facta, ad declinationes pertinet quatuor diversarum acuum magneticarum, in diversis locis A. 1696 repertas. Altera est observatio eclipsis sola-



TAB. V.



PLESEVIZA M.

DRESNIK.

A.


C.

F.

B.

interioris.

SLUM.



solaris, quæ habita est in Croatia, d. 23 Sept. A. 1699, eo tempore, quo de pace inter Cæsarem & Turcas tractabatur, in aperto campo, & loco inter castra Cæsarea & Ottomannica fere medio, inspectante imprimis ipso Turcarum Plenipotentiarario, multisque militibus ex utrisque castris ad tam novum spectaculum confluentibus. Hanc observationem simul cum loco, ubi facta est, tractusque terrarum vicino, juxta delineationem nobis transmissam, tabulæ æneæ incidendam, atque inde exprimendam curavimus. Illam vero priorem sequens exhibet tabella.

TAB. V.

TABULA DECLINATIONUM diversarum quatuor acuum magneticarum, in Occid. Anno 1696.					
Ordo lapidum & fricatarum lis actum.		I.	II.	III.	IV.
Declinationo in diversis locis :	VIENNAE	Grad. min. II. 30	Grad. min. II. 15	Grad. min. 12. 30	Grad. min. II. 0
	BUDAE	9. 45	9. 30	II. 15	9. 30
	BAIAE	9. 45	10. 30	II. 0	10. 0
	Ad CON- FLUXUM	9. 45	10. 30	II. 0	9. 45
	SEGEDINI		10. 0		10. 0
	In CA- STRIS		9. 30		9. 15
	SOLNOCI		9. 0		9. 30
	AGRIAE		9. 30		9. 30

EXCERPTUM EX EPISTOLA LONDI-
ni d. 14 Mart. 1729 scripta, e Gallico sermone in
Latinum translata.

Ratio dissidii inter Cl. *Moiyraum* & *Pembertonum* gloriæ concursus est. Forſan legiſti librum *Coteſſi*, cui titulus: *Harmonia menſurarum*. Extat ejus recensio in Actis Lipſienſibus. In libro iſto continetur methodus perpulchra redu- cendi integrationem plurium differentialium ad diſiſionem circuli in partibus æqualibus. Sed hæc propositio ibi absque demonstratione proponitur. Cl. *Moiyraus*, cum demonstra- tionem non modo facillimam, quemadmodum prætendit, ve- rum etiam talem invenisset, qua methodus ipsa fecundior red- ditur, fundamentum ejus modo satis ænigmatico & absque de- monſtratione in peculiari quadam scheda publicabat. Paulo post *Pembertonus* publici juris fecit demonstrationem ſuo mo- re conceptam, id est, talem, quæ vix intelligi poteſt, in libello, cui titulus: *Epistola de Coteſſi inventis*, ubi ostendere conatur, inventum *Coteſſi* idem prorsus eſſe ac illud, quod *Newtono* jam fuerat perſpectum, & ab eo Tractatui ſuo *de quadraturis* inser- tum. Enimvero poſtquam ſchedam Cl. *Moiyraei* viderat, *Ap- pendicem* adjecit, in qua, quemadmodum contendit, demon- ſtrationem theorematum *Moiyraeanorum* dedit. Cl. *Moiyraus* ſe offeſſum exiſtimans, quod alius ipſum preſſo pede ſequatur, præſtiturus ſe virum, Diſſertatiunculam *Transactionibus Philo- ſophicis de Sectione anguli* inseruit, quæ additionem magni momenti ad methodum ſuam continet. Sed *Pemberto- nus* cauſam deſtituit, nec voluit, aut non potuit dare demon- ſtrationem. Præterea jam ante, quemadmodum opinor, non ſatis ſincera erat eorum amicitia, propterea quod Cl. *Moiyraus* major eſt calculator & magis verſatus in methodo analytica, quam ſynthetica ad morem veterum, ſeu *Newtoniana* in Prin- cipiis, ex adverſo *Pembertonus*, qui methodum hanc poſterio- rem melius intelligere videtur, analyſin & calculos ſum- mopere contemnit. Ex eo hæc de re judicare poteſ, quod de Trajectoriis reciprocis dedit, & puto me tibi dixiſſe, quo- cum

cum successu (scilicet!) methodum suam syntheticam adhibuerit in eo, quod de figura vesicularum muscularium dedit. Ecce tibi exemplum aliud ex novo ipsius libro, unde cognoscere poteris, quo iudicio methodo ista utatur. Notandum, quod sibi proposuerit in isto Opere Philosophiam *Newtonianam* ad caput eorum tradere, qui mathematicum prorsus sunt rudes. Explicanda iisdem est regula *Kepleri*, quæ communiter ita enunciatur: Quadrata temporum periodicorum sunt ut cubi distantiarum. Primum *Pembertonus* rejicit hanc enunciationem, quod termini ortum trahant ex analysi, & post *Newtonum* eam sic proponit: Tempora periodica sunt in ratione sesquuplicata distantiarum, & phrasin hanc explicaturus, quatuor jubet fieri progressionem geometricas, duas priores trium & duas posteriores quatuor terminorum: Quod unitas sit primus
 1. T. A terminus in omnibus quatuor progressionibus;
 1. t. a quod tempora periodica T & t duorum planetarum, quæ inter se comparantur, sint termini
 1. D. B. C secundi duarum priorum progressionum, & A
 1. d. b. c secundi duarum posteriorum progressionum, & A
 atque a termini ultimi: quod D & d distantie duorum planetarum sint termini secundi duarum posteriorum progressionum, & B, b tertii, atque C, c quarti termini. Deinde A, inquit, erit ad a, sicuti C ad c. Judica, quæso, de summa facilitate, qua homo, qui librum mathematicum nunquam inspexit, idem comprehendet. Risum teneatis amici!

Historische Nachricht von den Nürnbergischen Mathematicis und Künstlern.

hoc est,

HISTORICA NARRATIO DE MATHE-
 maticis artificibusque Noribergensibus, qui per tria se-
 cula præter ceteros, & scriptis & opera, exercendo illu-
 strarunt artes Mathematicas, Partibus II, cum Annota-
 tionibus edita a JOANNE GABRIELE DOP-
 PEL-

*PELMAYR, Imperialis Leopoldino-Carolinæ Academiæ N. C. Regiæque Scientiarum Borussicæ Membro
& Mathematicum P. P.*

Norimbergæ, apud Petr. Conr. Monath, 1730, fol.

Alph. 4 & Tabb. 22. 15.

Occasionem scribendæ historiz Mathematicorum Noricorum sibi natam esse perhibet Autor Celeberrimus, quod inde a *Joanne Regiomontano*, qui primus urbi intulit studia Mathematica, eorum excolendorum principes exstiterint Noribergenses, latius eadem per Italiam Galliamque proferentes. Noricorum autem nomine comprehendit tum eos, qui originem ex ea urbe ducunt, quamvis extra patrium solum istis artibus inclaruerint; tum eos, qui, sive ortu, sive domicilio essent Noribergenses, domi istas exercuerunt. Deinde ex toto Opere in unum colligit nomina Mathematicorum, ordine artium disposita, ut uno quasi obtutu perspicias, quid quantumque in omnibus Matheseos partibus præstiterint Noribergenses. Breviter strictimque Initio quidem enumerat bene meritos de veterum Mathematicorum Operibus in lucem protrahendis: tum recenset scriptores & scripta, illustrantia Mathesin in genere, Arithmeticam, Algebram, Geometriam, Opticam, Astronomiam, Geographiam, Chronologiam, Astrologiam, Gnomonem, Architecturam civilem & militarem: denique præstantiores commemorat magistros in arte musica, in arte scalpendi, pingendi, cælandi, fundendi typos, excudendi libros, ornate scribendi, fingendi e cera, incidendi in ferrum, vitrum, gemmas, lignum, & qui Mechanicarum artium fuerunt peritissimi. Opus ipsum est bipertitum: singulæ autem partes in duos itidem libros divisæ. In partis prioris libro prioris vitæ Autor describit Mathematicorum; in libro posteriori fautores prædicat studii mathematici, & eos, qui quacunque id ratione juvarunt. Partis posterioris librum I dicavit artificibus varii generis; & librum II mechanicis. In vitarum descriptione duos maxime scopulos vitavit, tum ne sicca & jejuna esset, tum ne series dicendorum, excitatis autorum verbis, veluti emblematis

matris distincta, sæpius interromperetur. Quo autem omnium cupiditatem omnino expleret, satis amplas & copiosas, easque eruditissimas annotationes in extrema paginæ parte adscribendas curavit, quibus historiz Mathematicorum literariz conscribendæ faciem præfert, ac præterea variarum rerum inventionem civibus suis vindicat. In vitarum recensione merita tantum collaudavit ea, quæ ex Mathematicum cultura quibusque sibi comparaverat: reliqua, tanquam a scopo aliena, consulto præterit, ut tamen lectorem moneret, unde & ista essent cognoscenda. Et satis constat, vitas *Regiomontani*, *Pirkheimeri*, *Camerarii*, *Prætorii* & plurium, quas alii ante ipsum exornarunt laudibus, luculentis ab eo accessionibus esse collocupletatas. Denique & catalogos scriptorum diligentissime texuit. Legas & inibi plurium vitas Mathematicorum insignium, quorum etsi vivi omnium celebrarentur ore, tenuis tamen adhuc exstabat notitia, in quorum numero sunt *Conradus Heinfogel*, *Christianus Heyden*, *Lucas Brunn*, *Andreas Goldmaier*, *Georgius Christophorus Eimmart*, alique. Celebriores sunt: *Joannes Regiomontanus* (quo Mathematico Noriberga non minus gloriatur, iudice *Petro Ramo*, quam *Tarentum Archyta*, *Syraculæ Archimedes*, *Byzantium Proclo*, *Alexandria Ctesibio*) *Joannes Wernerus*, *Joannes Schonerus*, *Georgius Hartmannus*, *Joachimus Camerarius*, *Joannes Prætorius*, *Daniel Schwenterus*, *Georgius Philippus Harsdörferus*, *Abdias Treu*, *Joannes Franciscus Grienadelius*, *Joannes Christophorus Sturmius*, *Joannes Philippus de Wurzelbau*, & alii. Sed gustum dedisse ex Opere præstantissimo, non injucundum erit. Enumerat Cl. Autor instrumenta Mathematica & Astronomica, in officina *Joannis Regiomontani* parata, in quibus erat automaton astrarium, mirabile opus, quod cursum siderum oculis spectandum subiciebat: itemque amusia, (*Compasse*,) quorum conficiendorum artificium Norici velut peculium per longissima sibi annorum intervalla servarunt, adeo ut soli per Europam id exercerent. Primam quoque *M. Manili* editionem ab eodem *Regiomontano* circa A. 1472 vel 1473 esse curatam, observat. E *Maßlino* vero de illo ipso *Regiomontano* refert, primum eum fuisse, qui A. 1472,

p. 7.

8.

- cujus principio stella crinita erat exorta, parallaxes cometarum artificiose numerare, & ex istis veram illorum a terra altitudinem magnitudinemque computare docuerit. Idem perhibetur primus, qui inter Germanos artem rei & census, ita *Algebram* nominant, e *Diophanti* Arithmetica exceptam excoluerit.
25. *Bernhardus Waltherus*, *Regiomontani* discipulus, traditur, partim *Albazeri* & *Vitellionis* autoritate, partim experientia confirmatus docuisse refractiones siderum Horizonti vicinorum; quam doctrinam post eum recentiores plane perfecerunt.
27. *Martino Bobemo*, testimonio confirmatam indubii gloriam vindicat inventarum insularum Flandricarum, quas ab accipitre *Azores* vocant, itemque freti Magellanicum totiusque *Brasiliz*: zri porro incidendum curavit globum terrestrem, ab eodem A. 1492 descriptum, ejus diameter est 20 digitorum; ut, quam tenuia fuerint hujus studii initia, & quæ deinde sumserit incrementa, unicuique pateat. De inventis *Georgii Hartmanni* differens notat, quod A. 1538 deprehenderit, magnetem declinare 10 gr. 15 min. orientem versus, indeque solaris & pyxides horarias nauticasque emendare voluerit: ante ipsum vero *Petrum Adfingerium* A. 1269 quinque graduum declinationem observasse. Idem *Hartmannus* primus confecit instrumentum instar radii sive regulæ, (*Caliben. Stab*) quo pondus examinatur globorum ferreorum, plumbeorum, lapideorum, quos machinæ bellicæ emittunt. Observat etiam, *Rudolpho* quidam Mechanico, qui vixerat circa A. 1409, acceptas esse ferendas machinas, quibus ferrum in fila diducitur: eamque artem cum pater studiose celaret, communicatam esse cum aliis a filio, ingratis parentis, quem ea res adeo male habuerit, ut, nisi fuga salutem quaesivisset filius, mortem ei minaretur. Laudat *Petrum Hele*, qui, teste *Jo. Coeleo*, ex ferro parva & subtilia admodum A. 1510 fabricabat horologia, plurimis digesta rotulis, quæ sine ullo pondere & monstrabant & pullabant horas XL, etiam si in marsupio continerentur. Unde patet, *Argentinerum Isaacum Habrechtum*, qui seculi elapsi initio claruit, nequaquam, sed potius *Noribergerum Petrum Hele*, autorem esse ingeniosissimi horologii portatilis (*der Sack. Uhr*). Quæ de sera Salomonis,

monis, quæ Germanis dicitur *Zand*. *Eisen*, quasi dicas *ferrum jurgatorium*, constante quodam systemate annulorum inexplicabilium, instar nodi *Gordii*, ejusdemque inventionem habet, apud ipsum legantur.

Denique & de Notis, quas fusas universo Operi adpersit, judicabit lector humanissimus, si inemerit, in illis, quibus *Regiomontani* vitam illustravit, mentionem fieri de *Georgio Purbachio*, *Bessarione*, *Claudio Ptolemaeo*, & *Commentariis Theonis Alexandrini* in ejus *Almagestum*, de *Georgio Trapezuntio*, *Gerardo Cremonensi*, *Joanne Blanchino*, *Alfragano*, *Nicolao Cusano*, de tabulis *Alphonfinis*, de *M. Manilio*, *Jacobo Angelo*, *Euclide*, *Proclo Diadocho*, *Julio Firmico Materno*, *Leopoldo de Austria*, *Antonio de Montulmo*, *Archimede*, *Vitellione*, *Menelao*, *Theodosio Tripolita*, *Apollonio Pergæo*, *Sereno*, *Herone*, *Jordano Nemorario*, *Aristotele*, *Julio Hygino*, insuperque disquiri, quale fuerit *Ptolemai* meteoroscopium: atque exinde conficiet, plura in hoc libro contineri scita dignissima, quam frons & inscriptio pollicetur.

p. 18.

O ENGENHEIRO PORTUGUEZ DIVIDIDO
em dous Tratados, &c.

h. e.

MACHINARUM BELLICARUM ARTIFEX, seu *Architectus militaris Lusitanicus*, duobus *Tractatibus* comprehensus, quorum primus *Tomus* docet *Geometriam practicam*, in charta & terra, usum instrumentorum necessariorum, & modum designandi machinas bellicas, cum *Appendice de Trigonometria rectilinea*; alter *Tomus* fortificationem regularem & irregularem, oppugnationem & defensionem urbium, & usum instrumentorum bellicorum tradit; Autore **EMANUELE DE AZEVEDO FORTES**, Academico Regio
Academiae historiae Lusitan. &c.

Tomus II.

Ttt 2

Ulyss.

Ulyssipone Occid. apud Eman. Ferdinandum de Costa, T. I
1728, T. II 1729, 4.

T. I Alph. 3 pl. 3. Tabb. xxi. 12.

T. II Alph. 2 pl. 18 Tabb. xu. 22.

Mathematicas etiam artes cum historicis studiis jungere Lusitanos, easque præclare excolere, Autor noster, in utilissimis Matheseos partibus, nempe Geometria & Architectura militari exercitatissimus, ostendit, & ejusmodi librorum Lusitanice scriptorum defectum, de quo in Præfatione conqueritur, egregie supplet. Ac primo quidem Tractatu Geometriam practicam tribus libris comprehendit, quorum primus Longimetriam, seu mensuram distantiarum, octo Capitibus, secundus Planimetriam seu mensuram superficierum, duodecim Capitibus, tertius Stereometriam seu mensuram corporum solidorum decem Capitibus explicat. In Planimetria modum superficies metiendi novis regulis docet, ut operationes breviores, faciliores & exactæ magis fiant, ac peculiari Capite p. 144 seqq. annexo divisionem camporum, quæ Geodesia vocatur, inonstrat. In Stereometria calculo Arithmetice vulgaris laborioso rejecto, breves & accuratas regulas suppeditat, & ad facilem proportionem reducit, quibus usum instrumentorum mathematicorum subjunxit, ac in appendice Trigonometriam rectilineam methodo clara & concisa p. 455 sq. tradit. Problemata ac propositiones, quæ peculiarem excussionem artis hujus studiosorum mererentur, sigillatim recensere, nostri Instituti non est.

Secundus Tomus in octo libros divisus est, in quorum primo de Architectura militari seu Fortificatione in genere ejusque principiis fundamentalibus, locisque ad illam maxime idoneis, & primis autoribus, qui antiquas illius formas immutarunt, agitur. Secundus, tertius, & quartus liber fortificationem regularem triplici methodo *Antonii de Villa*, Comitis de Pagan & Gallie quondam Mareschalli, Domini de Vaubau, exponit, & Anonymi cujusdam, tribus his innixi, vestigia premit. Liber quintus fortificationem irregularem, sextus effectivam, ut loquitur, seu ipsas munimentorum fabricas delineat. Septimus

mus & octavus fortificationem defensivam & offensivam com-
monstrat. Appendix armorum & tormentorum bellicorum
formas & usum complectitur.

NOUVELLES PENSÉES SUR LE SYSTEME
de M. Descartes.

hoc est,

COGITATIONES NOVÆ DE SYSTEMA-
te Cartesii & modo hinc deducendi orbitas & Aphelia
Planetarum, præmio condecoratæ A. 1730 ab Academia
Regia Scientiarum; Autore JOANNE BER-
NOULLI, Mathematicum Professore Basileensi & Mem-
bro Academiarum Regiarum Scientiarum Gallicæ,
Anglicæ & Borussicæ.

Parisiis, apud Claudium Jombertum, 1730, 4 ch. aug.

Plag. 5, Tab. æn. 1.

Problema ab Academia Scientiarum Regia pro A. 1730 pro-
positum, quod hic solvit ingeniosissimus Bernoullius, huc
redit: *Quæ sit causa figura elliptica orbitarum planetarum,
& cur axis major istarum ellipsium mutet positionem, cur ea-
rum Aphelia seu Apogæa successive diversis cæli punctis respon-
deant?* Supponit Vir celeberrimus systema Copernicanum, quod
phænomenis omnibus simul solum satisfacit, & vortices Carte-
sianos, rejecta attractiva facultate & vacuo Newtoni. Quoniam
Newtonus in Principiis lib. 2 prop. 51 & 52 demonstratam a se
gloriat impossibilitatem vorticum; Noster ostendit, præten-
sam demonstrationem, quam tantopere crepant sectatores ejus, esse
pulum sophisma idque manifestum, utpote duabus suppositio-
nibus falsis innixum. Earum prima est, quod impressiones
orbium contiguorum, in quos fluidum vorticolum resolvit
Newtonus, in se mutuo factæ, consistant in resistentia, quam
causatur affricus in separatione superficiei convexæ orbis uni-
us a superficiei concava proximi, cum constet resistentiam pen-
dere unice a vi, quæ superficies una premitur adversus alteram,
minime autem a magnitudine superficierum se mutuo contin-

gentium, quemadmodum experimentis docuit *Amontonus* in Commentariis Acad. Reg. Scient. A. 1699. Altera est, quod *Newtonus* negligat actionem vectis, cujus consideratio hic sit absolute necessaria, cum constet, eandem vim applicatam secundum tangentem peripheriæ rotæ majoris majorem efficaciam habere in illa convertenda circa axem, quam si applicetur simili modo ad rotam minorem, etsi orbes illos concentricos consideret tanquam rotas solidas circa centrum convertibiles. Miratur *Bernoullius*, quod hos errores non adverterit tantus Geometra, & multo magis, quod eos non animadverterint ejus sectatores, tanto zelo in verba magistri jurantes. *Newtonus* duplicem vorticem considerat, alterum cylindricum, alterum sphericum. Cylindricus gignitur, si cylindrus solidus infinite longus in fluido uniformi & infinito circa axem positione datum uniformi cum motu revolvitur, & ab hujus impulsu solo fluidum in orbem agitur: sphericus autem, si sphaera solida simili modo revolvitur, & ab hujus impulsu solo fluidum in orbem agitur. In priori casu ex suppositionibus erroneis deducit, tempora periodica partium fluidi esse ut ipsarum distantias ab axe cylindri; in posteriori autem eadem esse ut quadrata distantiarum a centro. *Bernoullius* vero ex principiis veris, calculo instituto, demonstrat, tempora periodica partium fluidi esse ut radices cubicas biquadratorum seu quartarum potentiarum distantiarum ab axe cylindri in casu priori; sed in altero ut radices cubicas potentiarum quintarum distantiarum a centro sphaeræ. Apparet autem, principiis veris usum non tanta facilitate ad scopum pertingere, quemadmodum *Newtonus* per erronea ad eum sibi pervenisse visus est. In vortice cylindrico *Newtonus* peccat in defectu; in sphærico autem in excessu, atque ea ratio est, cur ipsi regula *Kepleri*, juxta quam tempora periodica sunt in ratione sesquuplicata distantiarum a centro, cum vorticibus non consentire deprehensa fuerit, cum tamen proportionibus temporum periodicorum in vorticibus *Bernoulliana* ad regulam *Keplerianam* satis appropinquent. Quod vero non prorsus consentiunt, hinc esse colligit *Bernoullius*, quod figura solis nec cylindrica sit, nec sphærica, sed sphæroidica, ad sphæram pro-

proxime accedens, quemadmodum Astronomi ac Physici recentiores contendunt. Jam quod planetæ diversam sortiantur a sole tanquam centro vorticis, in quo natant & circa solem circumferuntur, distantiam, diversæ densitati vorticis tribuit, quam *Newtonus* neglexit, & diversæ densitati planetarum, vi cuius unusquisque eum obtinet locum, ubi densitas ipsius conveniens densitati vorticis. Qualis autem densitas vorticis esse debeat, ut regula *Kepleri* exacte in revolutione circa solem observetur, calculo analytico inquirens, reperit, densitatem vorticis reciproce esse debere sicut radicem quadratam distantiarum a centro, in qua ratione etiam sunt celeritates. Removet deinde dubium, quod oriri poterat ex eo, quod materia circa centrum vorticis densior sit, quam in locis ab eodem remotioribus. Vorticibus *Cartesianis* hoc pacto ab objectionibus liberatis porro ostendit, quomodo orbitæ ellipticæ *Keplerianæ* in hypothese vorticum subsistant. Quomodo prodeat linea a circulari diversa, facile ostenditur. Etenim si ponamus, planetam initio fuisse collocatum in vortice, ubi densitas ejus diversa a densitate vorticis; cum extra locum æquilibrii sui constitutatur, vel ascendere, vel descendere debet in recta per centrum vorticis & centrum ipsius ducta. Enimvero quoniam eodem tempore motu circulari materiæ cœlestis circa centrum vorticis revolvitur; motus inde compositus oritur, quo diversa utique a circulari describi debet linea. Indicat deinde, quomodo ex reciprocatione ascensus & descensus planetæ atque circulatione orbium vorticis deducatur, quod figura orbitæ sit ellipsis, etsi evitandæ prolixitatis gratia calculum non apponat. Concipit adeo quasi perennes oscillationes planetæ, quales in pendulo observamus & quarum vi planeta dato tempore ab orbe quodam vorticis remotiori a centro ad proplorem descendit, iterumque ab hoc ad illum ascendit interea temporis, dum circa centrum revolvitur. Quodsi tempus oscillationis esset æquale tempori periodico seu revolutionis, linea apsidum foret fixa. Quamobrem causam mutationis positionis ejusdem conjicit in inæqualitatem temporis oscillationis & revolutionis. Prodit autem ex hac hypothese motus Aphelii æqualis

bilis & secundum successionem in planetis primariis. Observationes Astronomorum nondum adeo certæ sunt, ut quantitatem temporis determinare liceat, quo datum spatium conficit Aphelium. Quare nihil ea de re definit, nihilque certitudinis inesse illis ostendit, quæ *Newtonus* ea de re tradit. Lunæ tantæ sunt irregularitates, ut vix ad regulam revocari possint. Id quidem inde provenit, quod Luna tanquam satelles Terræ, dum circa terram revolvitur, una cum eadem circa Solem circumfertur. Ostendit itaque Noster, hinc non prodire posse ellipsin, sed prodire debere figuram ab ea diversam. Ex sua tamen hypothese præcipuorum phænomenorum rationem reddit, quæ circa motum Lunæ observantur. Sub finem denique experimentum proponit, quo mediante pendulo genesis orbitarum planetarum & progressus Aphelii oculis quodammodo subfici possit.

CHIETI, CENTURIA DI SONETTI ISTORICI &c.

h. e.

TEATE, CENTURIA SONULORUM HISTORICORUM, SACRATISSIMÆ MAJ. IMPERIALI & CATHOLICÆ DEDICATA; AUTORE FRIDERICO VALIGNANO CEPAGATTI Marchione, inter Arcades Nivalgo Aliarteo.

Neapoli, e Typogr. Felicis Muscæ, 1729, 8.

Alph. 1 pl. 2 & Icon. 2.

p. 342.

313.

SI Illustris Autoris iconem huic Operi præmissam intuearis, statim animum ejus generosum & bonis literis, Poesi inprimis, probe excultum agnosces. Postquam is Dialogum, Canticum & amatoria quædam dedit, tantum in eo valuit patriæ amor, ut Teaten *Panegyrico Historico-Poetico* (ita enim ipse Poëma suum vocat p. 346) inprimis decorandam sibisumeret. Etenim non defuere urbi celebratissimæ Scriptores, quos inter eminent *Lucius Camarra*, vir doctissimus, qui sermone Latino, ad *Sallustii* & *Taciti* genium composito, de Teate antiquo Libros III Romæ 1651 conscripsit, & *Hier. Nicolinus*, qui dedit librum

brum *Storia di Cbiets*, Neapoli A. 1657 editum, Chronologiae quidem, ut Noster testatur, minus curiosus, nimiumque credulus subinde, qui tamen collegerit non ubivis obvia. At laudes urbis, origines factaque civium illustria carmine celebrare ausus est haecenus nemo praeter Ill. Marchionem *Cepagatti*, Patritium Romanum & Teatinum, qui tam pulchre miscuit utile dulci, ut non possit non poema hoc summa cum voluptate legi, maxime cum notas illi subjecerit Autor doctas atque elegantes, quibus, quae ad antiquitates & historiam literariam spectant, illustrantur, quaedam etiam indicantur, in quibus alios Poetas imitatus est, sed paucissima, cum se a servili imitatione testetur alienissimum. Ita quid coloniam, quam *Tacitus* sedem vocat servitutis, & municipium, tum quid cohortem & legionem Romanorum intersit, docet, & de oraculis veterum, deque nominum veterum origine ex animalibus & leguminibus similibusque aliis disserit. Historiam praeterea patriae per Gothorum, Longobardorum, Saracenorum & Normannorum tempora ad modernum Regem & Imperatorem gloriosissimum erudite deducit. De Latinitate medii ævi observat e *Sfortia Pallavicini* Tractatu elegantissimo de *stylo*, quod non parum traxerit ex Arabismo, donec *Petrarcha* & *Boccacius* sub Roberto Inprimis Rege puritatem æque Latinae ac Italicae linguae restituerint. Excurrit etiam in laudes foeminarum Neapolitanarum cum doctrina & Poesi tum genere illustrium, quas inter nominat *Theresiam Grillo* Principem Pamphiliam, *Petronellam Massimi* Marchionem, *Faustinam Maratti-Zappi*, *Franciscam Gallone Castromediano*, *Morciari*, *Isabellam Mastrilli*, *Marigliani*, & *Auroram Sanseverino-Gaetani*, *Laurenzani*, *Duces*, *Beatricem de Tocco*, ex regio sanguine ortam, *Aquavivæ* Principem, & *Hippolytam Cantelmo-Stuart*, Ducein *Bruzzani* & Principem *Roccellæ*, quæ omnes fere Arcadium Academiæ adscriptæ fictis nominibus inclarnere. Nec praetermittit *Coloniæ* Arcadium Teatinam, inprimis Autoris nostri, qui & hodie praefidet, auspiciis institutam, doctosque Academiæ huic adscriptos recenset. Utque aliarum familiarum illustrium Teatarum subinde meminit; ita nec propriae obliviscitur, e qua pass-

p. 168.

173.

222.

227.

301.

314 sq.

343.

sim memorat viros summis honoribus conspicuos prodiisse, imprimis de *Diomede Valignano* observans, quod jam A. 1120 tenuerit Arcem Valignanam.

FRANCISCI MARIAE CÆSARIS EUGENIUS, seu *Mariæ Virginis per Eugenium trophæa*, nuper de innumeris *Turcarum* relata, copiis fœda clade prostigatis, atque ex *Dacia Mœsiaque* ejectis; cum *Argumentis*
AGNELLI DE AMATO.

Neapoli, ex officina Domitici Roselli, 1724, 4.

Alph. 2 pl. 11 Tabb. 21. 14.

Neapolitani Regni civi, carminis Etrusci auctori, jungimus Poetam Neapolitanum Latinum, cujus Poema heroicum etsi paulo serius ad nos pervenerit, non omittendum tamen duximus, ut Neapolitanos cives adhuc in utroque carmine excellere doceamus. Quam materiam sibi sumserit Cl. *Cesar*, in titulo indicatur; quibus vero ornamentis eam diduxerit, quam scite quæsierit occasiones, *Carolus VI* Imp. aliosque Principes ac Duces bellicos passim laudibus exornandi, nunc non attinet referre. Ne vero Specimen desit ex Opere, ea, quæ de Augustissimo Rege nostro *Friderico Augusto*, cujus jam Libro IX his verbis meminerat:

Augustus - - Rex inclytus ille,
Qui modo Sarmatas facili ditione tuetur, &c.
 309. deque ipsa Lipsia nostra sub finem Libri X commentatur, hoc loco describemus. Ita vero ille:

Tum memores Turcae & vestigia dira legentes
Accepta cladis, lucto quam fortis in illo
Intulit Ismartis quondam Fridericus, ibidem
Immoti similes baserunt: arma remissis
E manibus dilapsa fluunt, tremor occupat artus
Concussos: revocant ergo sua signa, fugaeque
Se dedunt; siquidem Fridericum incurrere rursus,
Et gladio sibi sternere iter, rursusque per arma,
Perque nemus, perque obiectos terro agmine vallos

Illum

Illum obluētantem, debellantemque videntur
 Aspicere, & parvo numero magna agmina Thracum
 Sternere: ceu quondam luo cum clausus in illo,
 Aggere vel tectus triplici, spissisque lacunis
 Rex Ciconum baud potuit Friderici avertere fulmen
 Ingenti a Thracum numero; cum pene quaterni
 Saxonas adversus fererent fera bella Geloni.
 Felices populi geminas aptate columnas,
 Quae duplices referant inscriptae hoc carmine palmas:
 Saxonis hic pubes Geticos bis contudit hostes:
 Gracia nec vobis certet, nec martia Sparta
 Thermopylas jaçtet; siquidem ne plurima turma
 Exiguam obrueret, fecere angusta locorum.
 Hic vero hic juvenum virtus montem exhibet illum;
 Nec qui sustentet, sed qui radice revulsus
 Ex ima Ciconum proculcet, & obruat agmen;
 Robore jam Spartam, studiis jam vicit Athenas
 Lipsia, quae turmas, quae direxisse Senatum
 Scit bene: cui lauri frondes non decutit ensis
 Vulnifici fulmen, nec Pegasis unda furorem
 Belligerum extinguit: quae cincta togaque sagoque
 Ex tonat arma rotans, & leges sancit, & inter
 Bellantes Aquilas resonos demittit olores.

SAXONUM LEGES TRES QUÆ EXTANT

antiquissimæ, ætate Caroli M. confectæ. Notis illustravit D. CAR. GUIL. GÆRTNERUS, in Acad.

Lips. Jur. Antec. Accessit Lex. Frisionum cum Notis
 SIBRANDI SICCAMÆ.

Lipsiz, apud hæredes Lanckisios, 1730, 4.

Alph. I pl. 25.

Quemadmodum omnes linguas Septentrionales, ita etiam
 jura omnia veteris ævi tam admirabili inter se concentu
 conspirare intelligimus, ut antiquissimis mortalium in Europa
 fuisse unum Grammaticum, unum Legislatorem, non minus ele-

ganter, quam vere dixerit Ill. *Ludwigius* in Præf. T. VII Rel. MSS. p. 48, & exemplis docuerit *Jo. Disney* supra p. 415 a nobis laudatus. Ingenia populi ac seniorum ejus vulgo quidem ex rebus gestis, sed multo certius ex priscis legibus cognoscuntur, quod nullæ ibi regnant artes & falsitates, omnia sincera sunt & aperta. Major usus earum in Jurisprudentia hodierna. Ætas parentum ac nostra multum quidem a majorum institutis, sed non ita defecit, ut nova omnia fecerit, nihilque moris pristini retinuerit. Servant enim consuetudines singularum provinciarum Germaniæ insignes reliquias juris pristini, quas nemo rectius animadvertit, nemo studiosius a peregrinarum legum confusione defendit, quam antiquitatis patriæ bene peritus. Quas ob causas non inanem operam ea in re collocarunt Viri doctissimi, *Schilterus*, *Ludwigus*, & (de quo nunc præcipue dicendum est) *Consultiss. Gartnerus* noster. Hic vero totus id agit, ut antiquiori Jurisprudentiæ Saxonice lucem accendat, eoque consilio Speculi Saxonici, Juris Feudalis & Weichbildici novam, ad vetustissimos MSS. Codd. collatam & proxime prodituram editionem adornavit. Cui instituto nunc præmittere voluit tres Saxonum Leges antiquissimas, easque docto Commentario illustravit. Non abutitur ingenio, ac sibi solus sufficit, ut plerique Jctorum, qui ejusmodi argumento forte manum admoverunt, sed meditatus ubique incedit, ipsos fontes haurit, & propterea in consuetudinum originibus rerumque vocabulis explicandis feliciter versatur. Exemplo sit pag. 16 not. m. origo compositionis judicialis, p. 42 not. r. derivatio vocum *placiti* & *Ding*, p. 60 vocabuli *Pfalz*. Potissimum vero Conf. Autor illud sibi in observationibus proposuit, ut convenientiam recentioris juris consuetudinarii cum veteri ostenderet, & monstra errorum, quæ progeniit sæpe errantium doctorum interpretatio, profligaret. Itaque p. 75 usufructum, quem in Saxonia mariti hodieque in bonis uxorum habent, ab usufructuariis veterum Germanorum tutelis derivat; & p. 80 sqq. pluribus disputat, morem antiquum, quo dos uxori a viro constituebatur, etiam hodie superesse, nec Romanorum instituta quadrare; quam opinionem *Schilterus*, *Gundlingius* &c. etiam defenderunt.

Ceterum Legibus his Saxonis ob affinitatem & communes utriusque populi mores adjecta est *Lex Frisionum*, cum notis *Sibrandi Siccamae* A. 1617, 4, separatim edita. In hac vero iterata editione id solum præstitum fuit, ut innumeris mendis, quibus Franequerana scaturit, purgaretur, & annotationes *Siccamae*, in Lectoris commodum, ipsi textui subjicerentur. Ex quibus notamus obiter errorem ab eodem p. 17 commissum, ubi homines, qui de potestate sua exhibant, & in mundiburdium alicujus domini se tradebant, fuisse olim dicti putantur *unmundlinge*; nempe vox illa, quæ in Diplommatibus Ottonum frequens est, rectius *Jamundlinge* legitur. Reliquæ observationes *Siccamae* satis testantur de viri hujus etiam in antiquitatibus Germanicis peritia eruditionisque apparatu, atque ita omnibus placeant, ut notis, quas in *Statuta Opstalbomica*, A. 1323 in Ordinum comitiis condita, se scripsisse profitetur, ægre admodum careamus.

Geistreiche Gedichte.

hoc est,

CARMINA SACRA, PARTIM E CLARISSIMIS Poetis electa, partim nunc primum edita ab ADAMO HENRICO LACKMANNO.

Hamburgi, apud viduam T. C. Felginerl, 1730, 8.

Alph. 1 pl. 212.

POësin inflammandis ad pietatem animis dicatam esse, cum jam olim sapientissimus quisque τὸν ἔξω agnoverit; laude carere non potest consilium Cl. Editoris, latis magnam carminum Christianæ pietatis plenorum syllogen proferendi in publicum. Huic præmittendam duxit Præfationem longiusculam, in qua ostendit perdocte, jam olim ethnicos sacris usos esse cantibus; ipsum Deum religionis Israeliticæ partem fecisse carmina, & in primis Davidem fuisse poetarum cantorumque sacrorum principem; etiam ab Apostolis jussos esse Christianos pia edere cantica testationemque eo modo facere suam pietatem; primamque Ecclesiam in concionibus publicis canendo celebrasse cœlestia beneficia. Commemorat igitur & doctores

veteris ecclesiz, quorum supersunt sacra carmina, & autores piorum canticorum xvi medii, nec illaudatum dimittit *Luthe- rum* nostrum. Nec vero nisi nobilissimorum poetarum sacros factus hic exhibet, *Amthorii, Beccavii, Besseri, Bostelii, Brede- loi, Brokesii, Cantzii, Corvini, Crameri, Franckii, Gryphii* utriusque, *Guntheri, Hanckii, Heinii, Herai, Hunoldi, Lack- manni*, (qui ipse est hujus Operis editor,) *Logavii, Lohen- steinii, Menckenii* nostri, *Mubisforti, Neudeckeri, Neukir- chii, Neumeisteri, Opitii, Rambachii, Richey, Schlotti, Schanemanni, Stockbusii, Trilleri, & Zesenii*, triumque poetiarum illustrium, *Gersdorffia, Ziegleria*, atque *Kuntschia*. Hos canere hic sive videas sive audias laudes Dei matutinas pa- riter & nocturnas, laudes Christi nascentis, morientis, resur- gentis, meditationes in S. Cœnam, in mortalitatem humani ge- neris, in æternam & felicitatem & miseriam. Hos admireris tristes voces edentes hominum post peccata admissa pie dolen- tium Deique veniam ardentem implorantium; psalmos item Da- vidis Germanicis verbis recitantes, & alias quascunque captan- tes occasiones religiosam reddendi suam poesin.

DISSERTATIO SÆCULARIS DE ERNE-
sto, Duce Brunsvicensi & Luncburgensi, Principe sapiente,
pio, forti, felici, Augustana Confessionis assertore & vin-
dice, publice proposita ab HENRICO PHILIPPO
GUDENIO, S. Theol. D. & Prof. Prim. Regiæ Maj.
Brit. in Consistorio Hannoverano Consiliario, Ecclesiarum-
que in urbe & Ducatu Gottingensi Superintendente
Generali.

Hannoveræ, apud Færsteros, 1730, 4.

Plag. 19.

INter eos Germaniæ Principes, qui Augustanæ Confessionis no-
mina subscripserunt sua, agnitæque post diuturnas religionis
tenebras veritatis professores se præbuerunt fortissimos in con-
cione illa augustissima, tertium tenentem locum *Ernestum*, Du-
cem Brunsvicensem & Luncburgensem, singularem librum dum ce-
lebrat Autor Summe Reverendus, ejusque in novam Ecclesiam
meri-

merita studiosissime persequitur, facit utique, quod sua dignum est persona, fungens quippe Theologi utriusque cathedræ munere in terris Augustissimæ posteritatis Ernestinæ subjectis imperio. Cui cum ad scribendam hancce historiam & libri suppetere-
rent, etiam longe rarissimi, & monumenta MSta, facile intelligitur, certiora & ampliora vix a quoquam alio prodi potuisse memoriz. Præmissa igitur (§.3) ceterorum Illustrissimæ domus Lüneburgensis *Ernestorum* mentione, indicatoque (§.4 & 5) natali *Ernesti Confessoris* & anno & die & loco, juxtaque adjecta (§.6) parentum ejus ac majorum recensione, docet, (§.7) educatum eum solerter fuisse in aula *Friderici* Sapientis, Saxoniz Electoris, avunculi sui, magistroque usum *Georgio* illo *Spalatino*: hinc in Academia Wittebergenſi animum excoluisse optimis ac Principe dignis literis, ibique *Lutherum* & vidisse & audivisse; postea (§.8) diutius commoratum esse in Regis Galliz, *Francisci I*, aula splendidissima. Suscepto hinc (§.9) A. 1521 patriæ regimine, patris pariter ac fratris natu majoris permissu, statim is (§.10) Evangelica luce beare suos cives annisus est. Jam quidem (§.11) A. 1524 Cellæ, quæ sedes erat *Ernesti*, medicus quidam, *Wolfgangus Cyclops* nomine, (cujus libelli hic memorantur,) acriter invaserat in monachos: sed cum & violentior esset & in doctrina de S. Cœna staret a partibus *Caroloſtadii*, dimissus, & in ejus locum successus est *Godſchalcus Cruſus*, Theol. Doctor, vir *Luthero* carissimus: cui successor datus *Henricus Bockius* (§.12) collegas habuit idoneos *Mylovium* & *Jeanneſſem Matthiæ*. Initio quidem Dux *Ernestus*, sapientiam avunculi, *Friderici* Electoris, imitatus, permisit magis, quem adjuvit reformationem sacrorum: illo vero *Friderico* mortuo, sine mora suam autoritatem accommodavit emendationi Ecclesiarum, & inter maxima pericula in pio hoc negotio progressus est, Consiliariis usus optimis & purioris religionis studiosissimis, *Ascanio Crammio*, *Jo. Furſtero*, & *Balth. Clammero*. Quid per singulos annos pro salute Ecclesiæ fecerit *Ernestus* ad mortem usque, quæ in annum 1546 incidit, hic legere licet accuratissime & copiose expositum. Ex his unum alterumque indice quasi digito monstrabimus nostris lectoribus. Nimirum §.21 & 22 pluribus edisserit S. Rev. Autor, quam fortiter ac prudenter se gesserit *Ernestus* in comitiis Augustanis A. 1530. §. 23 enarrat, quæ *Urbanus*
Regi-

Regius (*Ernesto* Duci quovis thesauro carior Theologus,) cum egerit, tum scripserit auspiciis *Ernesti* ad emendandam ornandamque Ecclesiam. §. 25 exponit *Martini Bucer*i studia, id agentis, ut per *Ernestum* Ducem componeret controversiam Eucharisticam. §. 36 observat, *Ernestum* in eo paria fata cum *Luthero* habuisse, quod humanis rebus ereptus sit prius, quam bellum illud exardesceret, quo p̄ne oppressi fuerunt fœderati Smalcaldici. Ad-
dit, singulari Dei beneficio, inter maximas Germaniæ tempestates pacem durasse in tetr̄is Luneburgicis, ac ne ob rejectam quidem formulam *Interim* quicquam calamitatis accepisse Luneburgicos. E §. 19 discimus, patrem hunc *Ernestum* esse omnium, qui super-
sunt, Principum Brunsvicensium & Luneburgensium. Observamus quoque ex nota quadam § 9 subjecta, *Seckendorff*i in manus non venisse *Hamelmanni Historiam renati Evangelii*, illius scilicet ætate quam rarissimam. Cetera mittimus solito brevitatis studio, id unum monētes, totam Reformationis hic illustrari historiam. Augēt præclarissimæ operæ pretium Appendix luculentissima, exhibens Orationem *D. Henrici Paxmanni* (cujus & vita hic paucis describitur,) de vita Ducis *Ernesti Wittebergæ* A. 1557 habitam, & quatuordecim Epistolas componendæ controversiæ Eucharisticæ causa A. 1530 & 1531 exaratas a *Bucero*, *Luthero*, Duce *Ernesto*, ipsiusque Cancellario *Forstero*, ac Senatu Argentoratensi. Ac *Paxmanniana* quidem Oratio jam olim edita est inter *Declamationes Melanchthonis*. Epistolarum vero illarum irenicarum dux duntaxat jam publicatæ fuerunt, & altera quidem in Opere quodam rarissimo. Ceteras Noster primum nunc edit e Bibliotheca Ecclesiæ Cellensis. Ac facile intelligimus, iis, quibus cordi est historia Reformationis, dolori fore, quod, cetera monumenta in hac Dissertatione promissa quo minus e MSS. hic annexerentur, obstitit Brunsvicensium nundinarum propinquitas. Hos vero sperare jubet S. R. Autor, ea a se publicatum iri alio tempore. Confirmare enim possumus rerum sacrarum sæculi decimi sexti studiosis, eum plura hujus generis jam ad ultimam usque manum composuisse, & in primis Bibliopolam boni publici studii expectari a Viri Summe Reverendi *Historia Ducatum Gruben-
genfis & Göttingensis ecclesiastica*, itemque a *Notitia ordinis Eremitarum Augustinianorum in duos libros divisa*, quorum primo viri præstantes, qui inde ab initio ordinis usque ad tempus *Lutheri* floruerunt, secundo juxta *Lutherum*, qui eundem in reformationis ecclesiasticæ negotio adjuverunt, recensentur, ex idoneis scriptoribus & rerum monumentis eruta.



ACTA ERUDITORUM,

publicata Lipsiæ

Calendis Decembris Anno MDCCXXX.

BURCARDI GOTHELF STRUVII, ACTI,
Serenissimis Saxoniae Ducibus Lineæ Ernestinæ, & Sere-
nissimo Marchioni Brandenburgico-Culmbacensi a Consi-
liis Aulicis, Historici Saxonici, Professoris Juris & Hi-
storiarum in Academia Salana Ordinarii, Corpus Hi-
storiæ Germanicæ, cum variis observationibus
& figuris æneis.

Tomi II.

Jenz, sumtibus Jo. Felicis Bielckii, 1730, fol.

Alph. 19, Tabb. æn. 8.

DUm Historiæ patriæ excolendæ singulari cum studio in-
cumberet Vir Celeb. in lucem emiserat A. 1712 *brevem*
de Imperii German. mutationibus Notitiam vernaculo
sermone, v. Act. Erud. A. 1712 p. 240; hinc ut provectioribus
prodesset, multo cum labore & ex Disputationibus maxime juve-
num Nob. certa theinata ipsius præsidio timentium, concinna-
vit *Syntagma Historiæ Germanicæ* A. 1716, avide ab eruditis
exceptum, & in Actis Nostreis A. 1717 p. 127 merito collauda-
tum. Illud idiomate Germanico paullo post vulgavit Cl. *Ja.*
Ebrenfried Zschackwitz (v. Act. Erud. A. 1720 p. 549); Au-
tori autem placuit, bina hinc sermone patrio conscribere *Com-*
pendia, copiosius alterum, A. 1724 prelo liberatum, alterum
brevius, A. 1725 impressum. His veluti principiis innititur
Corpus hoc Historiæ Germanicæ; quapropter jam ante de *Syn-*
tagmate Autoris nostri dicta huc repetere opus non erit, sed

Xxx

brev.

brevibus indicare, in quo præset *Corpus Syntagmate*, satius fuerit. Et primo quidem ordinem *Syntagmatis* servat, atque adeo Historiam German. in X Periodos distribuit, quarum I res priscae Germanorum, II sub Romanis, III sub Francis, IV sub Carolingis, V sub Saxonis, VI sub Francicis, VII sub Suevicis Imperatoribus, VIII miseram Interregni faciem, IX Habsburgico-Luxenburgicos inprimis, & X Austriacos Imperatores ficit. Ordinem rerum gestarum modus Annalium hic adhibitus commendat; unde clarissime perspicies, quæ ad ortum, vitam, gesta civilia, ecclesiastica, bellica, familiam & mortem Principum pertinent. Ne vero dictis deesset autoritas, cuncta testimoniis scriptorum optimorum, Diplomatum & Actorum publicorum abunde videbis probata, nec scripta nondum edita, quæ fidem facere dictis possunt, hic desiderantur. Utilitatem quoque Lectori haud vulgarem affert *Bibliotheca Scriptorum German.* diligenti labore Viri Cl. *Christian Gottlieb Buder*, J. U. D. & Præfeti Bibliothecæ Academiæ Jenensis, adornata, & huic Operi præmissa, quam etsi nolit Autor haberi pro tali, quæ sit omnibus numeris absoluta, & omnis generis Historicos Germaniæ comprehendat, (neque enim singularium Germaniæ provinciarum scriptores coacervandi erant) fatendum tamen est, illos, qui historiam Germaniæ universæ illustrant, Antiquarios permultos, Corpora inprimis & Collectiones Scriptorum German. ut & singulares Autores, qui vitam resque consulis Imperatoris gestas scriptis enarrarunt, eadem contineri. Figuræ æneæ sigilla Imperatorum inde a Carolo Magno ex Autoribus haud sublestæ fidei ob oculos ponunt. Adjectæ sunt sub calcem Operis Dissertationes binæ sub Cel. *Struvii* Præsidio quondam defensæ, altera *Notitiam Suevia Antiquæ*, altera *Synodum Francicam A. 742 sub Carolomanno habitam* illustrans. Sequitur *Index* locupletissimus, ita comparatus, ut singulæ materiæ quærentibus se facile offerant. Ipsum *Corpus Historicum*, si respicias *Syntagma*, altera ferme parte auctius apparet, licet non negemus, annotationes uberrimas typis paullo majoribus fuisse expressas. Augmenta præstantissima præbuerunt non solum fidelissima gestorum recentiorum ad annum usque præsentem enarratio, sed etiam tot egregia Volumina & Collectio-

Clones Scriptorum, quæ indefesso Virorum Cel. studio inde ab A. 1716 certatim prela exercuerunt. Paucissima ex his loco speciminis delibasse sufficiet. De faceto Rudolphi Habsburg. ingenio, ex *Variloquo Erfurdiano*, in *Scriptor. Saxon. Menckenii Nostri Tom. II* refert, quod iste Rex, solatii causa quodam die vitrum habens magnum in manu cum cerevisia, clamaverit: *Hol ein, hol ein, ein gut Erfurtish Bier, bat Er Siffrid von Buttstadt uffgethan.* Diplomata quædam circa litem inter Rudolphum I & Ottocarum Bohemum allegantur ex *du Mont Corps diplomatique T. I p. 237.* In enodandis rebus ab Adolpho Nassovio in Thuringia & postea gestis uberiores illustrationem suppeditarunt *Ludewigii reliquia MSCtorum*, & *Tenzelii historia Friderici Admorsii*, *Chronicon MSCt. Thuringia*, *P. Saxii Pontificium Arclatense*, & plura a Menckenio nostro in *Scriptoribus Saxonis* nuper primum vulgata. In rebus Helveticis Alberti I majori fide tradendis adducitur *Waldkirch Eydenossische Bund-und Staats-Historie*; de ipsius morte, ut & de bellis intestinis, inter Ludovicum Bavarum & Fridericum Pulchrum multa suppeditarunt *P. Pezii Scriptores Austriaci.* Quamquam ipsi lucem sub Matthia & Ferdinando II affuderint *Khevenbilleri Annales Ferdinandeii*, pluribus dicere non attinet. Res Leopoldi ex *P. Wagneri Historia Leopoldi* variis modis collustrantur. Sed hæc saltem ideo subungere lubuit, ut deliciarum historicarum gnaris certius constaret, Opus hoc eximie auctum atque adornatum prodiisse. Ceterum Autori Cel. sanitatem viresque vegetas apprecamur, quo Patriæ Historiæ commodis pro ardore sibi conuato ulterius invigilare queat.

p. 514.

522.

537.

550.

551, 571 sq.

4004.

RERUM ALAMANNICARUM SCRIPTORES aliquot vetusti, ex Bibliotheca MELCHIORIS HAIMENSELDII GOLDASTI. Editio tertia, prioribus emendatior, Præfamine, vita ac scriptis Autoris & Editoris, & nonnullis aliis auctior, cura HENRICI CHRISTIANI SENCKENBERG, Mæno-Francof. J. U. L. & Advoc.

Xxx 2

Tomus

Tomi III.

Francof. & Lipfiz, impensis Jo. Frid. Fleischeri, 1730, fol.

Alph. 6 pl. 14.

CUM Collectiones rerum Germanicarum præcipue, quæ hætenus rarius præstabant, intra annos non multos viro-
rum doctorum opera, *Freberiana* nempe Argent. A. 1717 &
Pistoriana Ratisb. 1726, utraque cum Notis *B. G. Struvii*, tum
Reuberiana Francof. eodem anno cum *Ge. Christiani Joannis*
augmentis prodierint; non minus bene de literato orbe me-
ritus est Consultiss. *Senckenbergius*, qui *Goldastianam* hanc, bis
licet antea A. 1606 & 1661 Francofurti editam, sed jam pri-
dem ex officinis librariis exulantem, denuo prelo subjecit. No-
tis quidem aut Supplementis onerare librum insuper habuit;
præmisit tamen Præfationem luculentam, qua dum usum o-
stendit Scriptorum, quos *Goldastus* collegit, nonnulla simul
varia eruditione illustrat, tum vitam quoque paullo curatius,
quam alii Biographi consuevere, exposuit, adjunctis imprimis
nonnullis Epistolis *Goldasti* MSptis, a *Celeb. Struvio* aliisque
communicatis, & opera ejus, majora, minora, sive vero, sive
falso, aut nullo nomine præposito edita, recensuit sexaginta sex.
Miseris vero vitam hanc evolvens, scriptorem tam sæcundum
cum summa paupertate conflictatum, fassum quippe, se ali-
quando per novem dies continuos solo pane vesci & aquam
bibere coactum. Bibliothecam tamen libris impressis & ma-
nuscriptis instructissimam reliquit A. 1635 decedens, cujus Ca-
talogus sexennio post Francof. in 4 impressus prodit. Cum
vero Bibliothecam Bremæ asservari Noster putet, dubitans qui-
dem, num integra eo pervenerit, quandoquidem nonnulla etiam
Holiniam perlata esse cum *Tenzelio* fatetur; non possumus non
hoc loco monere, Bibliothecarios Bremenses de comparata Bi-
bliotheca *Goldastiana* omnino gloriari, sed graviter simul dolere,
pleraque Manuscripta a Christina Regina Sueciæ, cui nihil nega-
re tum urbs poterat, mutuo petita, nunquam reddita fuisse, eoque
se carere ex illo tempore thesauro fere inæstimabili. Ceterum
gratulamur diligentissimo Editori de opera mature satis & ma-
gro

gno eruditorum fructu in exornanda Historiæ Germaniæ mediæ & Juris publici doctrina collocata, cujus rei & aliud specimen hoc ipso anno dedit sub titulo: *Fabula Judicii Palatini in Cæsarem, Juris publici doctoribus hætenus credita, dilucide explicata & destructa rationibus, testimoniis historicis & usu moderno, promittens propediem conjecturas de familiis Francica & Suevica Augustis, harumque conjunctione in Ludovico Barbato, quæ jam prelo subjectæ sunt.*

SEMICIRCULUS PENE VERTICALIS
per ventum e nubibus albis conflatu, quem observavit
Germendorffii d. 4 Martii A. 1728 G. W. WEG-
NERUS, Pastor.

Die 4 Martii anni 1728, hora sexta matutina, postquam animi gratia me in hortum conferebam, illico mihi in conspectum veniebat Semicirculus quidam ex albis nubibus constans, cujus duæ extremitates Horizonti insistere videbantur. Una extremitas quam proxime in regione Aquilonis consistebat, altera autem in regione Africi. Ipse Semicirculus fere verticalis erat, paululum modo plagæ orientali, quam occidentali, propior. Propter suam claritatem aspectu jucundus erat, & admirationem illis, quibus eum monstrabam, injiciebat. Constabat e nubibus candidissimis, & ab uno latere, quo nempe Euro-Austrum respiciebat, perfecte lævis erat, ita ut eminentias in illo latere observare haud liceret. Prope hoc latus nil nisi cæruleum apparebat. Latitudo Semicirculi fere unius gradus erat. Ab altero latere, quo Circium respiciebat, non adeo planus erat & lævis, sed a multis aliis nubibus albis circumseptus, quæ eum immediate tangebant, ut finis ejus vix dignosceretur. Distinctus erat ab his nubibus hac ratione, ut partes, ex quibus Semicirculus constabat, secundum ejus longitudinem oblongæ & maxime coarctatæ apparerent; partes vero, quæ ceteras albas nubes conficiebant, disseminatæ & quasi punctatæ essent. Quoniam eodem tempore Euro-Auster flabat tam in superiori, quam inferiori aeris regione, cui Semicircu-

lus erat directe oppositus, ventum istum statim pro causa efficiente hujus Semicirculi reputabam; præsertim cum animadverterem, alium ejusmodi Semicirculum, quamvis non tam perfectum, in regione Euro-Austri, 30 fere ab Horizonte gradibus, formari, qui cum priori parallelus erat. Tempestas hoc die & aliis insequentibus erat serena, amœna & calida, cum antea propter aliquale frigus & nubilum cælum tempestate minus commoda ufi essemus.

A VINDICATION OF THE DEFENCE OF
Christianity from the Prophecies of the Old Testament in
answer to the Sheme of literal prophecy &c.

h. e.

VINDICIÆ APOLOGIÆ PRO RE CHRIS-
tiana, ex vaticiniis Vet. Testamenti concinnatæ, quibus
Autori Schematis vaticiniorum secundum literam expli-
catorum respondetur a Viro Summe Rev. EDUAR-
DO, Episcopo Conventriæ & Liebfeldiæ.

Tomi II.

Londini, sumptibus Jacobi & Joh. Knapton, 1728, 8 maj.

Alph. 1 pl. 16,

CUM non exiguus eorum in Anglia numerus sit, quibus omnis religio sordet, mirum non est, quod Summe Reverendus Autor, *Eduardus Chandlerus*, edita ante non ita multo Apologia pro re Christiana mox Adversarium invenerit, *Schema explicandi vaticinia Veteris* inprimis *Testamenti* ipsi opponentem. Hunc enim titulum libro præposuit, quo exemplum dare voluit argumentorum, quæ Apologiæ huic objici queant, illa maxime impugnans, quæ Noster ex Daniele pro confirmanda certitudine adventus Messiz, Augusti Romanorum Imperatoris temporibus, adduxerat. Cum vero Adversarius animum religioni Christianæ vehementer infensum satis prodiderit, ut spes non sit, hominem quantocunque rationum pondere ad saniores mentem revocatum iri; fatetur, responsio-

nem

nem hanc non tam in ipsius, quam proborum hominum gratiam a se vulgari, qui veritatem unice quærentes, scrupulos omnes, qui incautis forte imponere possent, in re Christiana accurate tolli optant. Adversarium enim vix dignum judicat, in cujus objectionibus explodendis multum operæ infumatur, siquidem malam fidem prodat, gravissimos errores, citando loca autorum, committat, sententias ipsorum detorqueat, aut extra contextum fraudulenter verba ipsorum adhibeat, & cavillis præterea, criminatione ac sarcasmo intempestivo passim utatur, quæ arduo, de quo quæritur, fidel momento minime convenient. Miratur autem Adversarii impudentiam, qui eorum numero S. R. Autoris nomen adscribere ausus sit, quorum castra ipse sequitur, cum nemo non videat, homines illius fursuris se suasque longe clementius excepturos, imo in laudibus suis prolixos futuros fuisse, si ad partes suas pertinere Virum tanti nominis vel suspicari potuissent. Sed frivolis his Adversarii artibus omissis, hoc inprimis Opusculo S. R. Autor Danielis vaticiniorum atque genuinæ eorum secundum literam explicationis vindicias scribere instituit, inprimis cum rerum, quæ Messiam spectant, veritas ita connexa sit cum autoritate Prophetæ hujus, ut hac probe stabilita ac confirmata, dubia, quæ contra tempus adventus, patriam, personam Messiz, & quæ reliqua sunt, objiciuntur, omnia confestim evanescant. Argumentum hoc in duos partitus est libros, quorum primo demonstrat, Judæos, republica ipsorum ad ruinam jam inclinata, quo tempore verus Salvator mundi comparuit, Daniele inprimis iudice, Messiam anxie expectasse; altero, multis quoque aliis inter paganos per orbem universum populis, obscurius licet, innotuisse evincit, temporibus hisce heroem amplissimæ dignitatis nasciturum. Opus vero hoc suum lecturos, inprimis eos, qui jam prono sunt in hostes rei Christianæ eorumque scripta animo, obtestatur, ne, quod plerique faciunt, satyras hominum male feriatorum tam avide excipiant, existimantes, se in illis non, quod pueri in faba, reperturos, quæ vero a meliori parte respondentur, contemnunt vel attentam saltem mente legere dedignentur; at rerum divinarum prorsus imperitos, ne vehementer pro novis opinionibus depugnent, amice rogat.

rogat. Cum enim veritatis dignitatem, & generis humani commoda contra religionem pugnantes ut plurimum prætexant, quærit, quid emolumenti tandem ad publicam rem inde accedendum sit, si vera omnia atque ex tripode dicta essent, quæ Auctor *Schematis* protulit? Noster itaque libro primo auctoritatem Prophetæ Danielis asserturus, *Capite 1* antiquitatem ejus, divinam originem, &, quod ab alio Danieli supposita non sit, demonstrat, quo ipso varias Adversarii objectiones eadem opera diluit. *Capite 2* argumentis tam externis quam internis evincit, quod vaticiniis Danielis non modo inter se, sed cum aliorum quoque Prophetarum vaticiniis optime conveniat. *Capite 3* denique in ea inquirat, quæ de LXII^o hebdomadibus commentus erat Adversarius, ut scopum earum explicaret. Et enim probare coactus est Adversarius, hæc non edita esse a Daniele isto, qui Nebucadnezaris & Cyri temporibus vixit, sed ab alio ejusdem nominis, Maccabæorum temporibus res non futuras canente, sed pridem gestas sub Prophetæ schemate narrante, cui adeo in rebus Antiochi Epiphanis, sub cujus imperio ipse vixerit, necessario subsistendum fuerit. Temporum rationem errori suo incrustando primum sumit, cum Ezechiel de Daniele illo priori, qui Jehojakimi tempore vixit, tanquam viro decrepitæ ætatis, & ipse Daniel in libro suo de se, tanquam admodum juvene Jehojakimi temporibus, loquatur. Noster vero Ezechielem de Daniele, tanquam viro ætatis admodum provectæ, locutum, diserte negat, atque, subducto temporum calculo, demonstrat, quod, quæ Ezechiel de Daniele tradit, cum iis, quæ ipse Daniel consignavit, nulla ratione pugnent. Objecit porro Adversarius, quod Daniel, scriptor libri divini, supponatur in aula Regum Babylonis ac Persiæ commoratus, & in numerum principum ac optimatum, quibus regni habentæ concessæ fuerint, cooptatus fuisse. In libro autem Danielis superflite nomina regum Orientis eo tempore viventium male confundi aut false adduci; ubi imprimis ad exemplum Darii Medi, cujus mentionem Propheta facit, provocat, quem ex rebus gestis, quæ ipsi adscribuntur, alii Cyaxarem II Persarum regem, alii Nabonidum, Chaldæis imperantem, esse conjiciunt.

clunt. Credibile autem non esse, virum vel in aula Regum istorum viris primariis adscriptum, vel certe proxime ab illorum temporibus viventem, erroribus ejusmodi obnoxium fuisse. Optime vero concipi posse, hominem, qui ingenti annorum intervallo a Regibus istis remotus vixerit, atque res gestas illorum ex aliorum fide retulerit, in eosdem errores incidisse. Respondet ad hæc Noster, Græcos, qui miro inter se ipsos dissensu in enarrandis rebus populorum Orientis suspectam admodum fidem suam reddiderint, iis, quæ Daniel narret, derogare nihil posse. Et licet disertis verbis mentionem Darii illius Medi scriptores Græci haud faciant, memoriam tamen ejus in nummis diligenter esse conservatam. Loquitur enim *Xenoph.* V de certi generis moneta, quam *Δαρείοι* vocat, quæ primo Persarum ejus nominis Rege multo antiquior est, cum Cyrus ejusmodi nummos militibus distribuerit diu ante Babylonis obsidionem; & regni Assyrii everfionem. Præterea Reges Orientis in more habuisse, ut alia nomina vel sub regni auspiciis vel in Deorum suorum honorem adoptarent, paternumque aut gentilitium nomen, additis aliis, sæpe augerent, pluribus exemplis demonstrat, atque ita fieri facile potuisse concludit, ut iidem Reges a diversis autoribus aliis aliisque nominibus designarentur. Denique nec pugnare historiam Græcorum cum iis, quæ Vates divinus refert, contendit, cum Danieli propositum non fuerit, integram regnorum illorum historiam condere, atque omnium Regum seriem contexere, sed, quæ ad vaticinia sua spectant, tantum decerpere quasi ac commemorare. Licet itaque Daniel referat, Darium aliquem Medum occupasse regnum ignavi illius ac voluptatibus immerfi Belsazaris, non tamen ideo negari ab ipso, quod plures inter Belsazarem hunc atque Darium, quem Daniel Medorum Regem vocat, imperaverint sibi que successerint Reges. Invertit denique Adversarii argumentum, quo antiquitati librorum Danielis detrahere instituit, demonstrando, quod si Maccabzorum tempore autor illorum vixisset, instructus plurimis Chaldæorum & Persarum, qui diu post Danielis fata vulgabantur, scriptis, Berosi inprimis, cui antiqua sacerdo-

tum monumenta patebant, Regum illorum nominibus non facile sibi imponi passurus, multoque felicius sibi prospexitur fuisset. Explodit quoque Adversarii objectionem contra ea, quæ a Daniele de Nebucadnezare, multo tempore cum bestiis in agro sub jove frigido vivente, referuntur. Nihil enim absurdi in eo esse demonstrat, quod Rex ille propter fastum mentis deliquio a Deo punitus dicatur, atque morbum hunc eundem esse conjicit, qui a Medicis Lycanthropla vocatur, graphice ac poetico fere stylo a divino vate descriptum. Arguit porro Adversarius Græcas voces, aut ex illis derivatas, quæ in Danielis libris occurrunt, quas *Grotius* jam curiose notavit. Græcorum vero linguam ante stabilitum in illis terris ab Alexandro M. Græcorum imperium, Orientis populis ignotam plane fuisse, atque Danielem multis seculis ætatem Alexandri præcedere, contendit. Noster vero usum terminorum technicorum per mercaturam, quæ inter Græcos & omnes Orientis populos Tyrionum maxime & Phœnicum longinquis per mare itineribus exercebatur, a Græcis ad Chaldæos & Persas facile propagari potuisse, ostendit. Sunt enim Græca illa, quæ in libro Danielis occurrere dicuntur, vocabula maximam partem Musica; præterea nonnullorum ex illis originem *Grotius* male a Græcis repetiit, cum re vera potius Chaldaica sint. Græci vero æque ac Orientis illorum temporum Reges ingens Musicæ arti pretium statuebant, e qua vis terra arcessentes, ac opibus & honore mectantes, quos in arte illa excellere arbitrabantur. Hæc occasionem S. R. Autori suppeditant, multa de antiquissimo Musicæ statu, ipsius dignitate apud veteres atque instrumentis musicis commentandi, quæ frustra alibi quæsieris, quæque famam amplissimæ doctrinæ, qua erudito orbi diu jam innotuit, optime tuentur. Sed pergitur ad alia argumenta, quibus auctoritatem scriptorum Danielis infringere molitur Adversarius. Objicit, Danielis vaticinia cum aliis S. Codicis libris a LXX Interpretibus in Græcam linguam conversa non esse, sed textum Græcum ex *Theodotionis* versione Vet. Test. in linguam Græcam, altero post Christum natum seculo concin-

cinната, transumptum esse; ea, quæ Daniel refert, clara nimis ac aperta esse, ut adeo vaticinii speciem sustinere non possint; cum in Ecclesiastico Prophetarum sacrorum nomina & numerus recenscantur, Daniele ibi prorsus omitti, certo satis argumento, ejus temporibus Danielis librum inter canonicos relatum haud fuisse; Jonathanem, qui brevi ante Christum tempore Paraphrasin Prophetarum Chaldaicam vulgavit, Daniele omisisse, adeoque non idem, quod aliis Prophetis, pretium eidem statuisse videri; imo *Maimon. Mor. pag. 219* diserte testari, scripta Danielis communi Judæorum consensu non in Prophetarum, sed Hagiographorum numerum olim relata fuisse; multos ex Judæos arbitrari, non ipsum Daniele, sed virum Synagogæ magnæ libri autorem esse; aliosque, eum Prophetam dici non posse, eo argumento contendere, quod vaticinia illa per somnium ipsi fuerint revelata. Argumenta hæc Adversarii S. R. Autor maximam partem invertit, demonstrando, jam Christi temporibus omnino extitisse Græcam Danielis versionem, eodem, quo aliorum Prophetarum versiones, in pretio habitam, atque adeo a LXX Interpretibus concinnatam. Immo cum ex Prologo Ecclesiastici constet, versionem hanc Græcam jam ante Ptolemæi Evergetis II tempora innotuisse, necessario sequi, textum Hebræum longe adhuc antiquiorem, adeoque vaticinia Danielis, lingua sacra edita, æque canonica esse, ac alia Scripturæ S. volumina. Testatur quoque diserte *Hieronymus*, antiquam Danielis versionem Græcam, quæ non nisi LXX virorum est, Patrum quorundam arbitrio repudiatam, atque *Theodotionis* versionem, cui cum Textu Hebræo melius convenire putabant, in locum ejus substitutam fuisse, & plurimas lectiones variantes ex antiqua illa versione annectit, quibus illa tum a *Theodotionis*, tum ab *Aquila & Symmachi* textu discrepat. *Origenes*, cum, *Theodotionis* versionem LXX virali comparando, in Daniele inprimis naves hujus deprehenderet, primus videtur autor fuisse, ut rejecta prorsus LXX virorum versione, universa Biblia sacra ex versione *Theodotionis* in ecclesia legerentur. Cum denique certis constet ar-

gumentis, Latinos diu ante *Origenem* atque *Theodotionem* versionem S. Scripturæ habuisse; non modo Hebraicarum literarum illis temporibus ignorantia, sed convenientia quoque Latini textus cum Græco testatur, illam ex LXX virali versione translata fuisse. Nec derogat auctoritati librorum Danielis, quod vaticinia ejus nimis plana atque evidentiâ Adversario videantur, omnesque rerum gerendarum circumstantias accurate nimis recenscant, cum omniscientiæ divinæ limites ponere nequeant, & exempla ejusdem evidentiæ in *Esaia*, *Jeremia*, *Ezechiele* aliisque Prophetis passim occurrant, ut res gestas potius narrare, quam futura canere videantur. Ceterum paradoxum valde est, vaticiniorum evidentiâ Prophetæ exprobrari, cum alii, quibus nulla religio placet, ex reconditis vatum divinorum sermonibus auctoritatem ipsorum divinam impugnare soleant. Quod vero Autor Ecclesiastici Danieli numero Prophetarum, quem iniit, haud adscribat, ex eo nondum evincitur, scripta ipsius temporibus illis nondum extitisse; nec satis constat, an non librariorum incuria Danielis nomen in primis statim Codicibus perierit. Præterea Autor Ecclesiastici nec *Esræ* aut *Jobi* mentionem facit, quos tamen nemo propterea ex canonicorum librorum numero expungeret. Posthumum hoc Ecclesiastici scriptum in Ægyptum primum delatum, & a nepote autoris demum editum est, unde mira illa inter Codices adhuc superstites discrepantia, quæ, Danielis nomen oscitantia scribarum facile excidere potuisse, æquis rerum arbitris persuadet. Et cum Autor *Schematis* testetur, Danielis libros a Judæis non in Prophetarum, sed Haglographorum numerum relatos fuisse; mirari non debebat, cur *Jonathan* non æque Daniele ac reliquos Prophetas in Chaldaicam linguam transtulerit; siquidem nec *Esræ* nec *Nehemiæ* scripta in linguam istam conversa sint, licet de eorundem apud Judæos illius ævi auctoritate nemo propterea dubitet. Atque ab illo *Jonathan* Targum in Daniele editum haud fuisse, quod parvi oracula ejus faceret, aut quod nulla eorum inter Judæos dignitas fuisset, vel inde apparet, quod ipse ille *Jonathan* sæpius ad confirmanda aut illustranda, aliorum Pro-

phe-

phetarum vaticinia Danielis verbis utatur. *Maimonides* vero, qui ex communi Judæorum sententia Daniele inter Hagiographos relatum testatur, male reticet, quo tempore opinio hæc inter Judæos invaluerit. Certe primis post Christum natum seculis scripta Danielis inter prophetica ab ipsis Judæis lecta fuisse, antiquissimorum monumentorum fide adstruitur. Sub finem denique primi Operis hujus Tomi studiose inquit in id, quod cavillationum Adversarii caput fere ac fons est, quasi Daniel non vaticinatus esset, sed rerum sub Antiocho Epiphane afflictarum in Judæa historiam retulisset; ubi, comparando verba Danielis cum temporum illorum historia, secundum fide dignos scriptores profanos, accurate demonstrat, neque per temporum, neque aliarum circumstantiarum rationem temere hoc affirmari posse.

Sed pergendum nobis jam est ad Tomum alterum, quo S. R. Autor demonstrare instituit, non Judæos modo, sed alias quoque gentes, tempore adventus Jesu Christi in mundum, magnum Heroem brevi nasciturum expectasse. Sigillatim itaque ostendit, nonnullos ex Sadducæis sectam scribarum sive Karaitarum universam, Samaritanos, Arabes, Græcos ipsos & Romanos spem illam tunc temporis aluisse. Causatur quidem Adversarius, ex Annæ Christum infantem in templo ulnis amplexatz verbis constare, ipsam locutam esse ad omnes, qui redemptionem Israelis præstolabantur: neque adeo omnium Judæorum in universum hanc sententiam & expectationem fuisse: Sadducæos inprimis ac Karaitas, explicationem S. Scripturæ secundum literam urgentes, spem de Messia in terris apparituro habere non potuisse; sed Noster, quam detorta sit illa verborum Annæ interpretatio, quam male de Sadducæis, Epicureorum principia lequentibus, adeoque omnem Dei providentiam negantibus, afferatur, quod ex literalis sensus studio spem de adventu Messie abjecerint, & quam mala denique fide Karaitis exprobetur, quod literalis sensui in hærentes, Messiam non nisi carnalem expectare potuerint, uberius demonstrat. Equidem illo argumento, quo contra gentium illius xvi expectationem Sospitatoris alicujus pugnat,

multum gloriatur Adversarius, inprimis asserens, quod famosus ille *R. Hillel*, tertio post Christum seculo, eminenti apud Judæos titulo Principis captivitatis ornatus, diserte testatus sit, frustra Israelitas Messiam expectare, cum tempore Ezechiz Regis Judæorum in terris ille jam comparuerit, nec a Rege hoc, in quem omnia divinorum vatum oracula rite quadrent, diversus sit. *Rich. Simonium* quoque in subsidium vocat, observantem, persuasionem de Messia venturo *Hillelis* illius tempore a Judæis inter fidei articulos relatum non fuisse, donec illam demum seculo XI *Maimonides* iisdem inferuerit. Provocat quoque ad ipsum *R. Albo*, qui disertis verbis testatur, *Hillelem* apostatam non esse, etiamsi Messiam jam venisse, huncque Regem Ezechiam fuisse docuerit, cum hic non sit fundamentalis religionis Judaicæ articulus, sed a Patrum saltim traditione pendere censeatur. Respondet ad hæc S. R. Autor, male confundi recentiorem *R. Hillelem*, ignobilem scholæ Tiberienfis magistrum, cum veteri illo *R. Hillele*, qui non multis ante natum Christum annis celebris, luculento illo Principis captivitatis titulo mactatus fuerit. Nec satis probari a *Simonio*, quod recentior ille *R. Hillel* jam suo ævo non a communione Judæorum exclusus, & in apostatarum numerum relatus sit. Certe *R. Josephum* acerrime in ipsum invehit, atque propter doctrinam hanc ipsum diserte damnare, quod salutis genti Judaicæ per Messiae adventum promissæ solus particeps non sit futurus. Suspiciatur denique, hunc *R. Hillelem* eundem esse cum *R. Ellele*, qui titulo Patriarchæ Judæorum Constantini temporibus Tiberienfi scholæ præsidebat, atque clam Christianorum sacris initiatus, in mortis agone tandem sacro lavaero tinctus est. Judæi enim, conversionem ipsius indignati, ut scholæ suæ honorem servarent, subdole rumore vulgasse videntur, quod duntaxat in Messiam, qui jam in mundo comparuit, & ab Ezechia Judæorum diversus non sit, crediderit, ne, Christo ipsum nomen dedisse, in scholæ suæ ruborem fateri cogerentur. Certe schola Tiberienfis post fata ejus plane defuit, quasi contagione quadam magistri profanata, neque de aliis doctoribus, qui in Palæstina ipsi successerint, quicquam constat. Sectio-

ne

ne II Capitis I de Samaritanorum in Messiam fide S. R. Autor commentatur. Adversarius, cum evidentia illa sceminae Samaritanæ apud Johannem Cap. IV testimonia de gentis illius spe venturi Messiz negare aut detorquere non posset, ut ipsam narrationem hanc suspectam redderet, animum induxit. Cavetur enim, locis illis a Samaritanis dici, Messiam Salvatorem totius mundi fore, cum tamen Judæi ipsi Sospitatorem duntaxat Israeliticæ gentis expectaverint, ita ut Apostoli quoque jam post mortem Christi errorem hunc ægre exuerint. Noster multa erudite circa objectionem hanc monens, diserte tandem responderet, absurdum illud non esse, si dicatur, Samaritanos magis defæcatam atque claram Messiz notitiam habuisse, quam Judæos; cum horum doctores sacra vaticinia figmentis multis obscurasse constet. Et graviter denique vindicat, quæ de *Dositheo, Simone Mago, & Menandro* narrantur, qui Samaritanis pro Messia se obtrudere instituerint, manifesto argumento, populum hunc Messiam jam illo ævo expectasse. Immo ex monumentis, quæ de Samaritanorum nostri temporis religione ad nos perlata sunt, hos quoque in Messiam mundi Salvatorem credere, ejusque adventum adhuc præstolari, demonstrat. Capite II de notitia Messiz ad gentiles derivata agit, & primo loco historiam magorum stella duce ad Christum recens natum deductorum, quam omnibus artibus Adversarius suspectam reddere molitur, vindicat. Quæ de tempore natalis Christi Evangelistæ tradunt, mirum in modum ab Adversario detorta, adstruit, & uberius confirmat, quam ante jam in Apologia asseruerat, notitiam multorum ex paganis de adventu ipsius, atque universalem fere seculi illius expectationem magni Herois mox nascituri. Adduntur appendicis loco *Job. Mas-soni* ad S. R. Autorem literæ de infanticidio Bethlehemitico, quod *Matth. II. 16*, refertur, & suspecto *Macrobi* Christianismo. Autor *Schematis*, ut veritatem historię infanticidii illius suspectam redderet, se valde mirari simulaverat, cur corvi Herodi auctores, in primis *Josephus*, non parasitus Regis, sed alia pessima facinora ipsius animo infenso omnium oculis exponens, mentionem tamen detestandi hujus mandati regii haud sece-

fecerit, *Macrobi* testimonium, historiam hanc confirmans, in alium longe sensum detorquere conatus. *Massonus* igitur, varias silentii hujus *Josephi* rationes promit, & *Macrobi* eo loco, quo refert, Augustum, accepto nuncio, quod inter infantes bimulos Herodis quoque filius jussu parentis trucidatus fuerit, respondisse, meliorem esse porci Herodis, quam filii conditionem, omnino Bethlehemiticum illud infanticidium respexisse, evincit. Subjicit denique Cl. *Massonus* scriptum, quo protestatur, quod a Celeberr. *Candleri* explicatione *Eclogæ IV Virgilii* non dissentiat, quod persuadere aliis Autor *Schismatis* molitus erat, rationes consensus hujus uberius exponens, atque spem simul faciens edendæ mox a se Sibyllarum historię.

ILDEPHONSI CATELINOT, PRESBYTERI
 & Monachi Ordinis S. Benedicti e Congregatione S. S.
 Vitoni & Hydulphi Epistola ad Collectores Actorum
 Eruditorum.

Acta anni 1729 more meo dum evolvo, Eruditissimi Viri, in eum locum incidi, in quo, postquam preelare de Lexico Biblico Rev. admodum D. *Augustini Calmet* Abbatis Senonensis, nuper cura D. *Mansi* Latine reddito, scripseris, mentionem de meo Bibliothecæ sacræ compendio perquam honorificam injecistis. Vide Acta Erud. A. 1729 M. April. p. 168. Quod de hac mea opella tulistis judicium, sicut mihi gratum accidit, ita ingens opus super eodem argumento jam diu meditati plane propitium. Si enim æquissimis rerum æstimatoribus tenue illud specimen placuit, spes est, non placiturum minus opus integrum, jam pene absolutum & prelo maturum. Hujus vero brevem quandam velut imaginem hic delineare juvat, ut vel ex ea pernoscat, ecquid spei sit reliquum, post hac quam tentabo, longior opera spectanda & approbanda, an excludenda sit vobis prius.

Longianam Bibliothecam Gallice redditam, pluribusque numeris auctam illustrare, utilioremque reddere animus est; illud ut efficiam, in quinque Partes omnem dispersior materi-

am.

am. Prima continet Præfationem generalem totius Operis, dein quatuor Tractatus historico-criticos in Bibliothecam sacram; quibus subjiciuntur nomina Autorum, quotquot in ea laudantur, ordine alphabetico disposita, cum breviori eorum vita & sincero de illis judicio. Hæc prima Pars subsequenti-
bus prolusionis loco est, & primum Volumen forma majori constituet. Secunda, quæ II Volumine continebitur, exhibebit Tractatus Isagogicos seu Dissertationes, Exercitationes, Prolegomena & id genus Opera critica, quæ a primo Ecclesiæ seculo & nostra potissimum ætate in sacros Codices generatim vulgata fuere; de nativa sacrarum scripturarum indole, literis, versionibus & editionibus, de Critica sacra, Philologia, interpretandi modo, de Historia sacra, cultu sacro, Politia sacra Hebræorum &c. Tertia & quarta Pars sistent omnes Commentatores tam Veteris quam Novi Testamenti, antiquos & recentiores, five editos, five MSS. cujuscunque idiomatis, religionis, communis & gentis. Claudet Opus quinta & ultima pars de Lexicis & Grammaticis Hebraicis & Græcis, ac aliis libris ad ediscendas linguas Orientales necessariis. Tres illæ Partes in tertium & ultimum Volumen convenient.

Ea est, Eruditissimi Viri, quod molior, Operis ratio ordoque. Ex arbitrio vestro totum pendet; si e re Christiana futurum judicaveritis, ut evulgetur, prodibit incunctanter; alioqui in scriniis meis otiosum quiescet. Valete, & ad rem literariam locupletandam novos in dies animos assumite. Dabam in Mediano Monasterio XVII Calendas Octobris anni MDCCXXX.

MEMOIRES POUR SERVIR A L'HISTOIRE &c.
h. e.

COMMENTARII HISTORIÆ CELEBR-
rimorum in Rep. literaria virorum inservientes. Ac-
cedunt Catalogi librorum a singulis scriptorum,
de iisque judicia.

Tomus VIII & IX.

Lutetiæ Paris. apud Briassonium, 1729, 8.

Tomus quisque habet plagg. 18 & totidem pl. dim.

Sequitur *Niceroniani Operis Tomus octavus*, in eoque Vita literaria *Theophili Folengi*, qui notior est nomine *Merlini Cocaji*, (cujus in primis celebratur Opus *Macaronicorum*, quo contineri Noster ait satyras, easque laude dignas, ac simul varias ejus editiones commemorat,) m. A. 1544 d. 9 Decembris; *Caroli Sammarthani*, m. 1555; *Scavola Sammarthani*, m. 1623 d. 29 Martii; *Abelis Sammarthani*, m. 1652; *Abelis Sammarthani junioris*, m. 1706 d. 30 Nov. *Scavola & Ludovici Sammarthanorum*, gemellorum, quorum prior m. 1650 d. 7 Sept. posterior d. 29 Apr. 1656; *Petri Scavola Sammarthani*, m. 1697 d. 9 Aug. *Abelis Ludovici Sammarthani*, m. 1697 d. 7 Apr. *Claudii Sammarthani*, m. 1690 d. 11 Oct. *Ludovici Pontici Virunii*, viri vulgo parum cogniti, licet polygraphi, A. 1467 nati, A. 1520 mortui, postquam pluribus in locis Italiæ humaniores tradiderat literas, & multos Commentarios ediderat in præcipuos autores, cum Latinos, tum Græcos; *Davidis Blondelli*, m. 1655 d. 6 Apr. *Nicolai Hartfoekeri*, m. 1725 d. 10 Dec. *Caroli du Fresne*, m. 1688 d. 23 Oct. *Thoma Gatakeri*, m. 1654 d. 27 Jun. *Emerici Bigotii*, m. 1689 d. 18 Dec. *Leonis Allatii*, m. 1669 mense Jan. *Jo. Henr. Hottingeri*, m. 1667; *Nicolai Calliachi*, m. 1707 d. 8 Maji; *Joannis Donnei*, (qui librum scripsit *de autochiria nonnunquam licita*,) m. 1631 mense Martio; *Joannis Gallois*, scriptoris Diarii literarii, quod inscribitur *Journal des Sçavans*, m. 1707 d. 19 Apr. *Jacobi Cujacii*, m. 1590 d. 4 Oct. *Joannis Maria de la Marque de Tilladet*, m. 1715 d. 15 Julii; *Joannis Cocceji*, m. 1669; *Bartholomæi Platinae*, m. 1481; *Sebastiani Vaillant*, m. 1722 d. 26 Maji; *Jacobi Sannazarii*, m. 1530; *Joannis Joviani Pontani*, m. 1503 mense Aug. *Jacobi Palmerii de Grentemernil*, m. 1670 d. 1 Oct. *Joannis Gravii*, m. 1652 mense Oct. *Guilielmi Postelli*, m. 1581 d. 6 Sept. cujus de ineptiis copiose agitur, errareque docetur eos, qui centenario majorem obiisse eum credunt, omissa tamen mentione libri ab Ittigio nostro diligentissime conscripti & A. 1704 editi *de Postelli vita scriptisque*; *Caroli Verardi*, m. 1500 d. 13 Dec. *Stephani*

phani Rassicodii, m. 1718 d. 17 Mart. *Cassandra Fidelis*, m. 1567; *Guilielmi Budai*, m. 1540 d. 23 Aug. *Claudii Fleury*, Confessionarii hodierni Regis Galliz, m. 1723 d. 14 Julii anno ætatis 83; denique *Lazari Andrea Bocquilloti*, m. 1718 d. 12 Sept.

Tomo nono exstat *Vita Baptiste Fulgosi*, vel potius *Fregosi*, cujus annus mortis est ignotus; *Antonii de Solis*, m. 1686 d. 19 Apr. *Joannis Morini*, m. 1659 d. 28 Febr. *Joannis Andree Schmidii*, m. 1726 d. 12 Junii; *Antonii Panormita*, m. 1471 d. 6. Jan. *Antonii Augustini*, m. 1586 d. 31 Maji; *Gabrielis Naudai*, m. 1653 d. 29 Jul. cujus controversia de vero auctore libri *de imitatione Christi* p. 98-107 recensetur; *Joannis Beverovicii*, m. 1647 d. 19 Jan. *Claudii Joly*, m. 1700 d. 15 Jan. anno ætatis 93; *Poggii Bracciolini*, m. 1459 d. 30 Oct. De quo cum diligentius agatur, multique scribentium errores notentur, libet repetere potiora. Natus videlicet *Poggius* est in agro Florentino A. 1380. Septem Pontificum Secretarius fuit per quadraginta annos, factus deinceps Secretarius Reip. Florentinz. Missus in Concilium Constantiense A. 1414, multos veteres autores e tenebris revocavit in lucem. Primus enim in lucem produxit *Tertullianum*, *Quintilianum*, *Asconii Podiani* notas in *Ciceronis* Orationes, *Lucretium*, *Silium Italicum*, *Ammianum Marcellinum*, *Manilium*, *Valerium Flaccum*, *Caprum* & *Eutychum* & *Probum*, (tres Grammaticos,) sex Orationes *Ciceronis*, ejusdemque libros *de finibus* & *de legibus*, *Frontinum* denique *de aqueductibus*. Filios reliquit quinque, doctos omnes majorem in modum. Ipse referendus est inter instauratores Latinæ eloquentiæ & literarum humaniorum. Vicia pariter ac virtutes ejus hic recensentur accurate. Maxime in invektivis suis est maledicentissimus, & abundat conviciis atrocissimis petulantissimisque: id quod tamentribuendum videtur illius ævi genio. Opera ipsius conjunctim sunt edita A. 1510, 1511, 1513, & 1538, sed semper mendosissime. Contra librum ejus *de nobilitate* scripsit *Laurus Quirini*, Nobilis Venetus, itemque *Leonardus Cbius*, cujus liber adhuc MS. latet in Bibliotheca Cl. *Facciolati*. Quatuor ipsius *Invektivis*

contra *Laur. Vallam* editis adjungi quinta potest, quæ MS. est in Bibliotheca Reverendiss. *Fontanini*. *Facetia Poggii* maximo sunt exceptæ applausu, earumque editiones vix numerari queunt, licet id Opus detestati sint *Gesnerus*, *Tribemius*, atque *Erasmus*, propter obscœnitates. Inter Opera ejus eminenti loco poni solet ac debet *Historia Florentina*, quam Latino sermone primus edidit A. 1715 *Jo. Bapt. Recanatus*, a nobis recensitam *Supplem. T. VI p. 337 sqq.* ubi quæ diximus de vita & scriptis *Poggii*, ex iis, quæ modo protulimus, augeri possunt. Addimus, a *Nicerono* nostro postremo loco recitari ac refelli falsas *Varillassi de Poggio* narrationes, nec omitti mentionem Operis *Poggiani de varietate fortune*, Lutetiz A. 1723 primum editi. Cujus editionis historia cum Cl. Autori nostro videatur incognita, paucis eam libet exponere. Reperiebat scilicet Collega noster diligentissimus, Cl. *Heumannus*, totum hoc Opus manu, eaque elegantissima, in membrana scriptum in Bibliotheca Medici Gottingensis, *Georgii Erici Barnstorfsii*, qui eum Codicem secum attulerat ex Italia, ubi fuerat Medicus Serenissimæ Ducis Mutinensis e domo Hannoverana. Nitor & pulchritudo Codicis facile persuadebat *Heumanno*, hoc ipsum esse exemplar, quod *Poggius* Nicolao V Papæ (huc enim Opus dicatum est,) in manus tradiderit. Cum igitur recordaretur, non ita pridem *Salengrium & Infantium*, viros celeberrimos, publice optasse, ut *Poggianum* istud Opus ex aliquo Italiæ angulo protraheretur in lucem, suator erat *Barnstorfsio*, ut Bibliopolæ cuiquam permitteret id publicare & doctorum hominum jam inveterato desiderio satisfacere. Annuente *Barnstorfsio*, descriptionem hujus Codicis statim confecit, eamque inseri curavit *Novis literariis Lipsiensibus Latinis* A. 1720 p. 88 sqq. additis cujusque libri (sunt enim quatuor,) & exordio & epilogo. Acceperant hujus rei notitiam Itali e *Bibliotheca Germanica*, quæ illo tempore edicæperat Amstelodami sermone Gallico, Tomi secundi p. 189 sq. suarumque potius partium esse rati, tanti sui popularis Opus emittere, statim in animum induxerunt perficere, quod jam aliquot annis ante non solum molitus erat, reperto hujus Operis Codice MS. in Bibliotheca *Petri Ottoboni* Cardinalis, *Leonardus*

nardus Adamus, Cardinalis *Imperialis* Bibliothecarius, sed primum jam librum Operis typis exscribi curaverat. Successor igitur *Adami*, A. 1719 mortui, *Dominicus Georgius*, ei se operæ accinxit strenue, & quidem jussu domini sui, *Imperialis*, atque annotationes in id Opus composuit pereruditas. Nec vero Romæ id edidit, sed (fortasse quod non licebat edere Romæ Opus acrioribus Pontificum Romanorum reprehensionibus haud vacuum,) *Joanni Olive* id tradidit describendum a typographo quopiam Parisiensi. Quæ res feliciter successit, favente præsertim Cardinale *Robanio*, *Olive* hero, qui *Olive* ante editionem & doctissimos aliquot viros Lutetiæ consuluit, eorum ut auxilio traderetur orbi hoc Opus, quam fieri posset, emendatissimum. Prodiit itaque Opus hoc Lutetiæ A. 1723, & in his *Actis* recensitum est A. 1725 p. 220 sq. *Heumannus* noster, accepta hac editione, non solum gavisus est, eam plus habere splendoris, quam daturus fuisset typographus Germanus, sed continuo ipsam contulit, & quidem quam diligentissime, cum *Barnstorfsiano* Codice, deprehenditque, multa rectius scripta esse in *Barnstorfsiano*, multa vicissim in *Ostoboniano*, adeoque alterum ex altero emendari debere, eoque facto edi illud Opus posse perfectum & vix ullo nævo insigne. Defunctus isto labore, in his *Actis* A. 1725 p. 223 sq. exhibuit *Emendationes libri primi*, ac paullo postea in *Pociles* suæ Tomo II p. 96—109, *libri secundi, tertii, & quarti correctiones*, quibus & loca interseruit Pontificibus haud honorifica, quæ non habet editio *Olive*, simulque rogavit *Menckenium* nostrum, ut novam jam curaret editionem, futuram omnibus absolutam numeris. Sed ex hoc diverticulo in viam redeamus. Sequitur in Opere *Niceronianovita Bartholomæi Scala*, m. 1497; *Martialis d' Auvergne*, m. 1508, e cujus notissimo & sæpius edito, & tamen hodie perraro libro, *Les Arrêts d' Amour* inscripto, specimen quoddam luculentum exhibetur lectoribus; *Guidonis Pancirolli*, m. 1599 d. 1 Junii; *Olai Wormii*, m. 1654 d. 31 Augusti; *Jacobi Savary*, & filii ejus cognominis, A. 1716 d. 22 Aprilis extincti, cum pater, qui e septendecim liberis, quos ex uxore susceperat, reliquit moriens undecim, diem suum obiisset

set A. 1690 d. 12 Octobris; *Ludovici Castelvetri*, m. 1571 d. 21 Febr. *Jacobi Lensani*, m. 1728 d. 7 Julii; *Marci Antonii Oudineti*, m. 1712 d. 12 Jan. *Josephi Gazola*, Medici, m. 1715 d. 14 Febr. *Samuelis Butleri*, poetæ Angli, m. 1680; *Dionysii de Sallo*, qui A. 1665 edere cœpit nobile Opus, *Journal des Scavans* Inscriptum, m. 1669; *Henrici Cocceji*, m. 1719 d. 18 Aprilis; *Barnabæ Brissonii*, m. 1591 d. 15 Nov. *Jacobi Augusti Thuani*, m. 1617 d. 17 Maji, de cujus *Historiæ* editionibus ac versionibus copiose hic & accuratissime agitur, insertis quoque honorificentissimis de ea judiciis eruditissimorum hominum, nec mentione neglecta libri a *Joanne Machault*, Jesuita, adscito nomine *Jo. Bapt. Galli*, adversus *Thuani* Historiam editi, ac statim Lutetiæ publice combusti; *Joannis Mery*, Chirurgi, m. 1722 d. 3 Novembris; *Nicolai Perotti*, m. 1480; ac denique *Jani Gruteri*, m. 1627 d. 20 Sept.

JOH. DANIELIS SCHOEPEFLINI, IN
Argentor. Acad. Hist. & Eloq. Prof. & Regiis Galliæ
& Angliæ Societatibus adscripti, Tractatus de Apotheosi
sive consecratione Imperatorum Romanorum.

Argentorati, sumtibus J. R. Dulseckeri, 1730, 4.

Plag. 16 cum figuris.

QUatuor five libellis five Capitibus eruditissimus hic liber absolvitur: quorum primo *Apotheosis* consideratur generatim. Observat scilicet Cl. Autor, ob beneficia mortalibus tributa antiquissimis temporibus cum Reges, tum & alios, factos fuisse Deos. Animadvertit deinde, excepto Romulo ejusque nutrice Acca Larentia nullum reperiri apud Romanos exemplum hominis inter Deos relati ante Julium Cæsarem. Quod enim *Cicero* legitur consecrare filiam suam voluisse, quodque interdum Proconsulibus provinciales scribuntur templa exstruxisse, id ita capiendum censet, ut non ipsi, sed ipsorum virtutes consecrarentur, & viris magna virtute præditis statueretur monumentum publicum. At ortis Imperatoribus Romana adulatio progressa est ad faciendos Deos, fueruntque in eorum numero,

mero, qui jam in hac vita dici credique vellent Dii. Neque ideo mirum, *Principes nonnullos, vix exequiis dignos*, ut ait *Aur. Victor, relatos fuisse in numerum cælestium*. Speciatim hinc & prolixè agitur de consecratione, sive, ut utamur *Tertulliani* verbo, *deificatione* & adoratione Romuli, ostenditurque, non heroicos, sed plane divinos honores ei tributos fuisse.

Cap. II recenset Cl. Autor Imperatores, Imperatrices, ac Cæsares, Romæ olim consecratos, &, quæ in priscis monumentis supersunt de eorum consecratione, accuratissime congesta exhibet. Ut unum hinc alterumque excerpamus, *p. 25 sqq.* explicare aggreditur admirandum illum achatem Sanctæ Capellæ Parisiensis, qui maximis antiquariis, *Peirescæ, Tristano, Rubenio, Le Roi, Harduino, & Montefalconio* tantum facessivit negotii. Noster, suo usus judicio, statuit, refutatisque aliorum opinionibus verosimile facit, figuram ibi sedentem esse Augustum; eum, qui equo insidens ad superos evehitur, esse Drusum, Tiberii filium; illum denique, qui postremo loco apparet clypeum præferens, esse Julium Cæsarem. *P. 35 sq.* exponit infamem illam consecrationem Antinoi. *P. 48 sq.* nummum exhibet, in quo Imp. Constantinus M. sistitur velatus in curru, dextram tendens versus aliam dextram e cælo porrectam, quæ ipsum ad superos receptare videtur. Docet vero, hic non significari veram consecrationem, etsi in imo nummo legatur *Cons.* id est, *consecratio*; sed inæui beatum Constantini excessum ex hac vita & transitum in cælum; nec alio sensu capiendum censet vocabulum *Divi*, quoties id Christianis tribuitur Imperatoribus.

Cap. III Consecrationis ceremoniæ repræsentantur, ac duobus *Dione Cassio & Herodiano*, quorum ille copiosius descripsit Augusti atque Pertinacis, hic Septimii Severi consecrationem, per partes ordine describuntur. Qua occasione & ceteros ritus illustrium sepulturarum Romanarum eruditissime persequitur Cl. Autor, & inter alia refellit communem antiquariorum sententiam de vasculis lacrymalibus, quæ in sepulchris Romanorum nulla fuisse docet. Ad rationem quod attinet, qua dignosci potuerint cineres & ossa mortuorum hominum,

qui

p. 74 sq.

p. 78 sqq. qui cremabantur, a cineribus & ossibus ceteris, docetur hic adversus *Kirchmannum*, omnino corpora fuisse involuta linteo incombustibili. Eam quoque, quam ingenti Volumine propugnavit *Fortunius Licetus*, de lucernis in sepulchro semper ardentibus sententiam, dignam putavit, quam luculenter refelleret.

Cap. IV de notis agit & characteribus, qui consecratis solebant tribui. Contemplatur igitur titulum *Divi Divaeque*, refutatis iis, qui, etiam viventibus Imperatoribus nonnullis istum titulum fuisse tributum, existimant. Hinc de mutatione nominis disserit. Solebant enim consecrati alia nomina accipere, e. g. *Romulus Quirini*, *Livia Junonis*. Tum de statu aureis, quæ poni consecratis consuevere, verba facit, deque ceteris ad ultimum hoc Caput pertinentibus. Colophonem huic tractationi imponit descriptione anaglyphicarum in stylobate columnæ Antoninianæ figurarum, multa ἀποθεώσεως symbola conjunctim exhibentium.

na sq.

D. EBERHARDI DAVIDIS HAUBERI

Gedanken und Vorschläge ic.

hoc est,

CONSILIA DE HISTORIA GEOGRAPHICÆ concinnanda, deque instituenda Societate Geographica, &c.

Wolfenbüttelii, apud J. C. Meisnerum, 1730, 8.

Plag. 9.

Hunc libellum, cujus edendi occasionem præbuit Cl. *Gottschlingius*, læsum se ratus in illo S. R. Autoris libro, quem supra p. 236 recensuimus, non duximus negligendum ob varia, quæ continet ad historiam pertinentia literaria. Pag. 14 sqq. de mappis geographicis eorumque confectoribus amplam imperitiam harum rerum curiosis. P. 96 sqq. observat, a *Gottschlingio* & *Melissante* in libellis suis Geographicis laudari Anglum quendam earum concinnatorem, n. mine *Is Humble*, ejusque erroris originem aperit. Scilicet Anglus ille suæ map-

mappæ hæc verba subscripserat: *To y honorable Sr. Lyonel—
 isbis Mapp IS HVMBLY dedicated.* Ita novum accepimus
 Autorem, similem *Articulo Smalcaldico*, hæretico Lutherano.
P. 103 dicit, se non posse promissam quondam historiam Geo-
 graphiæ pertexere ob susceptum munus sacrum, idque nego-
 tiosissimum, sed se tamen paratum esse, magnam suorum col-
 lectaneorum molem tradere viro cuiusdam docto, qui sese huic
 labori sit accincturus. *P. 106* laudat *Maternum* quendam, na-
 tione Hungarum, medicinam nunc facientem Halberstadii,
 ob eximiam peritiam rei Geographiæ. Simili ac pari erudi-
 tione præditi viri, *Augusti Bruzenii la Martiniere*, laudes
 offendimus *p. 107 sqq.* Describit quippe ejus in Hollandia
 hoc tempore versantis fata & libros, in quibus eminet *Grand
 Dictionnaire Geographique & Critique.* Hic & *p. 111 sqq.* ape-
 rit causam, cur *Martinierius* ille in Opere illo suo magnopere
 contemneret mappas Geographicas *Homannianas*, quibus non
 minimum tribui pretium oportere Noster judicat. Scilicet
Homannianæ illæ chartæ lucrum interverterunt, quod antea
 Bibliopolæ Batavi capiebant e venditione mapparum in Belgio
 exaratarum. Horum igitur commodis consulturus autor il-
 le officiosum committere non dubitavit mendacium. *P. 122*
 promittit Noster editionem *Sylloges libellorum Geographiam
 sacram illustrantium*, rogatque eruditos, ut parvos hujus
 generis libellos, immerito alioqui perituros, ad se mittere
 ne graventur. Promittit item *p. 123*, ceteris partibus historiæ
 Geographiæ omissis, elaboraturum *Historiam Geographiæ
 sacra & ecclesiastica.* Docet quoque *p. 129*, viros quosdam
 doctos secum jam iniisse *Societatem Geographicam*, aliosque
 ad eandem invitat: cujus rei fructum non contemnendum
 speramus reditum esse ad orbem literatum. Ultimo loco
 possumus ac debemus liticulam hanc *Gottschlingio-Hauberia-
 nam* referre inter ea exempla controversiarum, quæ imitari
 debent dissidentes in argumentis literariis. Adeo hic
 mista est dissensionis humanitas.

INDEX AUTORUM,

quorum Libri aut Inventa hoc
Volumine recensentur.

I Libri Theologici & ad Historiam Eccle- siasticam spectantes.

A Nonymi Epistola ad Deistam, de virtute, quomodo promovea- tur revelatione divina?	380
Prolegomena ad N. Test. Græci Editionem accuratissi- mam & vetustissimis Codd. MSS. denuo procurandam.	469
Scholia in Orationem Dominicam.	481
Binghami (Josephi) Origines seu Antiquitates Eccles. Latine versa a Jo. Henr. Griseb. Vol. X.	222
Van den Busch (Gerhardi) de incessu Dei in Sanctuario ex Psalmo LXVIII, 23—28 ejusdemque Psalmi argumento & æconomia.	420
Chandleri (Eduardi) vindicia Apologia pro re Christiana.	534
Cosini (Richardi) prima Lineamenta præsentis politiæ Ecclesia- sticæ Angliæ.	169
(Joannis) Angliæ Religio catholica prisca desecata.	169
Cypriani (Ern. Sal.) Historia Confessionis Augustanæ.	436
Dachselii (Georg. Christoph.) Biblia Hebraica accentuata.	186
Fontanini (Justi) de corpore S. Augustini Ticini reperto Disquisi- tio.	91
de S. Columba virgine.	177
<u>Hane (Phil. Frid.) Historia Sacrorum a B. Lutero repurgatorum</u> a suis initiis &c.	14
Harenbergii (J. C.) Idea Juris divini de eo, quod Theologorum est in convincendo & refutando illustrata ex Matth. XXII, 25— 33.	261
Jablonski (Pauli Ern.) Remphab. Ægyptiorum Deus, ab Israelitis cultus.	498
Lakemacheri (Jo. Gothofr.) Observationes Philologicae Pars I—VI.	370
Langii (Joach.) Apocalypticum Urim & Thummim seu Explicatio Apocalypses.	257
Maichelii (Dan.) Lucubrationes Lambetanae.	378
	Maji

INDEX AUTORUM

555

- Maji (Jo. Burch.) de Rom. Pontificis electione Caesarumque circa
cam jure Commentatio. 11
- Meichelbeck (Caroli) Historia Frisingensis, Tomus II. 6
- Middleton (Conyers) Epistola, qua comparatio Papismi & Paga-
nismi instituitur. 364
- Oporini (Joach.) Historia Crit. Prodromus seu recensio *doctrinae*
de natura & vita animorum perenni &c. 495
- Origenis de Oratione liber, ex edit. Guilielmi Reading. 481
- Schannat (Jo. Friderici) Historia Fuldenfis. Partes III. 97
- Schneideri (Dan.) Lexicon Biblicum universale. Tomus II. 475
- Schyn (Hermann) Historia Mennonitarum plenior deductio. 162
- A Seelen (Jo. Henr.) Meditationes Exegeticae, quibus varia utrius-
que Test. loca expenduntur & illustrantur. 486
- Sercees (Jacobi) Tract. de Miraculis. 106
- S. Theophili Libri III ad Autolycum &c. Germanice versi a G. C.
Hosimanno. 322
- Wollii (Christoph.) Schediasma Hist. Theol. de Jesu spirituali in
Anglia redivivo Diss. contra Tb. Woolstonum. 489

II Libri Juridici.

- Aegyptii (Matthaei) Senatusconsulti de Bacchanalibus Explicatio.
407
- Alberti (Mich.) Tractatio Medico-Forensis de Tortura subjectis
aptis & ineptis. 459
- de Bassenn (Theodori Regneri) de jurejurando veterum imprimis
Romanorum liber singularis. 55
- Disney (Job.) Conspectus legum antiquarum de moribus refor-
mandis. 415
- Gærtneri (Car. Guil.) Notae in Saxonum Leges tres antiquissimas. 523
- Harenbergii (J. C.) Idea juris divini, de eo, quod Theologorum est in
convincendo & refutando. 261
- Jacobi (Aegidii) novum Lexicon Juris. 225
- Ottonis (Everardi) Thesaurus Juris Romani. Tomus IV. 224
- Oughton (Thomae) Ordo judiciorum, sive Methodus procedendi in
negotiis & litibus in foro Ecclesiastico - Civili Britannico &
Hibernico. 410
- Siccanæ (Sibrandi) Lex Frisorum cum Notis. 523
- Titii (Gottlieb Gerhardi) Disputationes Juridicae varii argu-
menti. 112

III Libri Medici & Physici.

Acta Medica Berolinensia. Decadis II Vol. VII & VIII.

71

Aaa a 2

Phy-

- Physico-Medica Academia Cesarea Leopoldina - Carolina Natura Curiosorum. Vol. II.* 300
- Alberti (Mich.) *Tractatio Medico-Forensis de Tortura subjectis aptis & ineptis.* 459
- Anonymi *Dissertatt. dua de sensu & imaginatione, it. de mente sui ipsius sibi conscia.* 281
- Erndtelii (Christiani Henr.) *Warsavia Physice illustrata cum Viridario seu Catalogo plantarum circa Warsaviam.* 398
- Glandorpii (Matthia) *Opera omnia.* 123
- Grambs (Jo. Jac.) *Descriptio Anatom. excrescentia monstrosa mesenterio affixa.* 461
- Green (Roberti) *Principia Philosophia de vi expansiva & contractiva.* 207
- Hambergeri (Georg. Ern.) *uberior Dilucidatio legum suarum adbasionis.* 156
- Langley (Batty) *Pomona seu Hortus fructiferus illustratus.* 189
- Mezierii *Diss. premio decorata in Acad. Scient. Paris. de legibus conflictus corporum elasticorum &c.* 275
- Muschenbroeck (Petri) *Physica experimentales & Geometrica de Magnete &c. Dissertationes.* 148
- Ephemerides Meteorologica Ultrajectina.* 148
- Pembertonii (Henr.) *Conspectus Philosophiae Is. Newtoni.* 337
- Phile de animalium proprietate ex ed. Jo. Corn. de Pauw. 277
- Ribovii (Ge. Henr.) *Diss. de anima brutorum.* 173
- Richteri (Ge. Fr.) *Observationes Meteorologica facta Lipsia A. 1729.* 32
- Rizzetti (Jo.) *de luminis affectionibus Specimen physico-mathematicum.* 342
- Schreiberi (Jo. Frid.) *frutex ad verum suum genus relatus.* 172
- Schurigii (Martini) *Muliebria Historico-Medica.* 124
- Congressus muliebris consideratio.* 171
- Shaw (Petri) *Pharmacopœia Collegii Regii Medicorum Edinburgensis cum notis.* 384
- Souciet (P.E.) *Observationes Mathematica, Astronomica, Geographica, Chronologica, Physica.* 86
- Transactiones Philosophica. Vol. XXXIII pro A. 1722 & 1723.* 63
- Vol. XXXIII pro A. 1724 & 1725.* 401
- Waltheri (Aug. Frid.) *Arteria cœliaca Tabula & Descriptio.* 63
- Warren (Martini) *Epistola ad Amicum de curandi metodo in febribus & Corticis Peruviani periculo &c.* 169
- Wegneri (G. W.) *Semicirculus pene verticalis per ventum e nubibus albis conflatus.* 533
- Weid-

- Weidleri (Jo. Frid.) *Commentatio de Aurora Boreali d. XVII Nov. Anni 1729.* 121
 Woodward (Jo.) *Fossilia omnis generis ad methodum certam digesta.* 269
Tentamen Historiæ Naturalis Fossilium seu Catalogus fossilium. 348

IV Libri Mathematici.

- Ex Anonymi *Epistola de litibus Mathematicorum Anglorum excerpta.* 810
 De Azevedo Fortes (Eman.) *Architectus Militaris Lusitanicus. Tomi II.* 515
 Bernoulli (Jo.) *Cogitationes novæ de Systemate Cartesii, & modo hinc deducendi orbitas & Aphelia Planetarum.* 517
 Cunn (Sam.) *Tract. de constructione & usu Circini proportionum, revisus ab Edm. Stone.* 201
 Cutleri (Nathanaelis) *Atlas maritimus & commercialis.* 193
 Doppelmayr (Jo. Gabr.) *Notitia de Mathematicis artificibusque Noribergensibus.* 511
 Flamsteed (Job.) *Atlas Cælestis.* 145
 Fortes vide Azevedo.
 Leichneri (Jo. Wilb. Theod.) *Methodus Geometrica quantitatem fluidi in dolio ex parte jam evacuato adhuc contenti in hypothese compositionis dolii ex duobus conis truncatis inveniendi.* 204
 Manfredii (Eustach.) *de annuis Stellarum aberrationibus.* 293
 Com. Marfilii (Aloysii Ferd.) *Supplementa ad Opus Danubiale.* 508
 Newtoni (Isaaci) *Lectiones Opticæ Annis 1669, 1670, 1671 habitæ.* 196
 Poleni (Jo.) *Epistola ad Jac. Hermannum de organica curvarum Tractoria ac Logarithmica constructione.* 202
Problematum & theorematum de curva tractoria a Celeb. Geometris propositorum demonstrationes. 202
 Rabuel (Claudii) *Commentarii in Geometriam Cartesii.* 462
 Rizzetti (Jo.) *de Luminis affectionibus specimen Physico-Mathematicum.* 342
 Soucier (P.E.) *Observationes Mathematicæ, Astronomicæ &c.* 86
 Stone (Edm.) vide Cunn.
 Switzer (Steph.) *Introductio ad Systema generale Hydrostaticæ & Hydraulicæ.* 290
 Transactiones Philosophicæ ad A. 1722 & 1723. Vol. XXXIII. 63
 ad A. 1724 & 1725. Vol. XXXIII. 401
 Aaa 3 Weid-

- Weidleri (J.F.) *Momenta praeipua Eclipses solaris partialis Wittembergae d. 15 Jul. 1730 observata.* 468
 Wolfii (Christiani) *Elementa Mathematicae universae. Tom. I.* 340

V Libri Historici, Geographici &c.

- Ab Allwoerden (Henr.) *Historia Mich. Serveti.* 19
 Anderson (Jac.) *Collectanea ad Historiam Mariae Reginae Scotiae pertinentia. Volumina IV.* 166
 Anonymi *Vita Roberti Comitis Leicestriae.* 43
 Historia Universitatis Salisburgensis. 24
 Collectio variorum Itinerum in Tartariam, Persiam &c. 103
 Status & delitia Helvetiarum. Tomi IV. 336
 Historia Ducum Styriae. 439
 Historia vitae & Regni Ricardi II. 477
 Arend (Henr. Conr.) *Elogium Alberti Dureri.* 22
 Barboze (Josue) *Catalogus Chronol. Hist. Geneal. & Criticus Reginarum Lusitaniae &c.* 250
 Berkenmayer (P.L.) *Antiquarius curiosus seu Collectio Geographica & Historica. Tomi III.* 105
 Du Bois (Abrab.) *Geographia moderna naturalis, historica & politica. Tomi IV.* 105
 Cæsaris (Franc. Maria) *Eugenius seu B. Mariae Virginis per Eugenium trophaea.* 522
 Capassi (Jo. Bapt.) *Historia Philosophiae Synopsis.* 217
 March. Cepagatti (Frid. Valignani) *Teate, centuria Conulorum historicorum.* 520
 Clerici (Jo.) *Historia fœderatarum Belgii provinciarum ab A. 1560 ad 1716. Tomi III.* 49
 Clodii (Jo. Christ.) *Specimen de nonnullis Historicis & Geographicis Arabicis, Persicis, Turcicis.* 419
 Colomesii (Pauli) *Italia & Hispania Orientalis, ex ed. Jo. Christoph. Wolfii.* 279
 De Colonia *Historia literaria civitatis Lugdunensis. Tomus I.* 361
 Döderlini (Jo. Alex.) *Comm. historica de nummis Germaniae mediae bracteatis & cavis.* 331
 de pecunie mediae aevi valore numorumque nostrae aetatis origine Disquisitio. 331
 Doppelmayr (Jo. Gabr.) *Historica Narratio de Mathematicis artificibusque Noriberg.* 511
 Duellii (Raymundi) *Biga librorum variorum.* 367
 Epistola ad Actorem Erud. Collectores. 369
 De

- De Elham (Thoma) *vita & gesta Henrici V R. Angl.* 475
 Goldasti (Melch.) *Scriptores rerum Alemann. Tomi III.* 531
 Gudenii (Henr. Phil.) *Diff. de Ernesto Duce Brunsvic.* 526
 Hauberi (Eberh. Dav.) *Diff. de bodierno statu Geographia potissimum in Germania.* 236
 Consilia de Historia Geographia concinnanda. 552
 Primitie Schaumburgica. 329
 Helmerici (Casp.) *Annales Tangermunderses.* 502
 Hubneri (Jo.) *Geographia antiqua & nova. Tomi II.* 105
 Kusteri (Ge. Gotthofr.) *Antiquitates Tangermunderses.* 502
 Lazii (W.) *Chorographia edita a Raym. Duellio.* 367
 Lewis (Th.) *Historia Regni Parthorum.* 501
 Liebe (Christian Sigism.) *Gottha numaria, sistens Thesauri Fridericiani Numismata &c.* 385
 T. Livii Patavini *Historia Romana Libri, qui supersunt. Tomi V.* 426
 Lizelii (Georgii) *Historia Poetarum Gracorum Germania.* 478
 Lohmeieri (Ge.) *Impp. ac Regum Europa illustratio historico-genealogica, completa a Jo. Lud. Levino Gerhardi. Tomus I.* 335
 Com. Marfilii (Aloyssi Ferd.) *Supplementa ad Opus Danubiale.* 508
 Meichelbeck (Carol.) *Historia Frisingensis. Tomus II.* 6
 Menckenii (Jo. Burch.) *Scriptores rerum German. precipue Saxonicarum. Tomus III.* 241. 311
 Mosheimii (Jo. Laur.) *Historia Michaelis Serveti.* 19
 Muratorii (Lud. Ant.) *Rerum Italicarum Scriptores. Tomus XIV.* 53
 Tomus XV. 393
 Niceronii (Petri) *Commentarii Historia celebrium in Rep. literaria Virorum inservientes. Tom. V, VI, VII.* 130
 Tom. VIII & IX. 543
 Oliveti *Historia Academiae Francica ab A. 1652 ad A. 1700.* 358
 Peckii (Franc.) *Academia tertia Anglicana, seu Annales antiquarii urbis Stanfordiae.* 254
 Peliffoni (Pauli) *Historia Academiae Francica ab origine ejus ad A. 1652 cum notis & additamentis.* 358
 Rittneri (Andr.) *Historia Tangermunda.* 502
 Rosii (Jo.) *Historiola de Comitibus Warwicensibus.* 477
 Saxii (Jos. Ant.) *de studiis literariis Mediolanensium antiquis & novis Prodrumus, &c.* 133
 Schannat (Jo. Frid.) *Historia Fuldensis. Partes III.* 97
 Schenck vide Tilemannus.

Schœppli-

- Schoepflii (Jo. Dan.) *Tr. de Apotheosi sive Consecratione Imperatorum Rom.* 550
- De Sommersberg (Frid. Wilh.) *Silesiacarum rerum Scriptores. Tomus II.* 158
- Struvii (Burc. Gottb.) *Corpus Historiae Germanicae. Tomi II.* 529
- De Sylva (Eman. Telles.) *Historia Academiae Regiae historica Lusitanicae. Tom. I.* 433
- Sylvii (Aenea) *Historia Gothica a Raym. Duellio edita.* 367
- Telles (Eman.) *vide de Sylva.*
- Tilemanni (Jo.) *dicti Schenck Vita Professorum Theologiae Marpurgensium.* 17
- Vulpii (Jos. Rocci) *Vetus Latium Profanum. Tomus IV.* 444
- De Wilhelm (Ign. Fr. Xav.) *Vindicia Arboris Genealogica Augustae Gentis Carolino-Boicae.* 428
- Xenophontis *de Cyri institutione Libri VIII ex ed. Thoma Hutchinsonson.* 307

VI Libri Miscellanei.

- Ægyptii (Matth.) *SCti de Bacchanalibus sive aenea vetusta Tabula Explicatio.* 407
- Anonymi *Dissertati. duae de sensu & imaginatione.* 281
- Diff. de mente sui ipsius sibi conscia.* 281
- Epistola ad Deistam de pulchritudine & excellentia virtutis moralis & quomodo illa fulciatur revelatione &c.* 380
- Fundamentum bonitatis internae virtutis.* 448
- Fundamentorum bonitatis internae virtutis Pars secunda.* 453
- De Bassenn (Theod. Regneri) *de jurejurando veterum imprimis Romanorum Liber singularis.* 55
- Baueri (Christiani Frid.) *Accentuationis Hebraicae certa ratio, qua est ars characteristica &c.* 505
- Cæsar's (Franc. Mariae) *Eugenius &c. Poema.* 523
- Catelinot (Ildefonsi) *Epistola ad Collectores Act. Erud.* 544
- March. de Cepagatti (Frid. Valignani) *Teate, Centuria Sonatorum &c.* 520
- M. T. Ciceronis *de Finibus bonorum & malorum Libri V, ex recens. Jo. Davisii.* 228
- Clodii (Jo. Christ.) *Lexicon Latino-Turcico-Germanicum.* 374
- Theoria & Praxis linguae Arabicae seu Compendium Grammaticum.* 376
- Specimen de nonnullis Historicis ac Geographicis Arabicis, Persicis, Turcicis.* 419
- Episto-*

<i>Epistola ad D. Marpergerum de lingua Arab.</i>		
<i>Etymologico usu in Exegeti sacra.</i>	417	
<i>Epistola ad D. Lascherum de nominibus Christi</i>		
<i>et B. Mariae Arabicis.</i>	418	
Duellii (Raym.) <i>Epistola ad Actor. Erud. Collectores.</i>	369	
Fontanini (Jussi) <i>Achates Iliacus annularis, Commentariolo illustratur.</i>	130	
Gottfried (Jo. Christoph.) <i>Tentamen Poetices critica in Germanorum gratiam conscripta.</i>	45	
Hauberi (Eberh. Dav.) <i>Consilia de Historia Geographia concinnanda.</i>	552	
Heumannii (Christoph. Aug.) <i>Poecile. Tomi III Liber III.</i>	423	
Hofmanni (Car. Gottlob) <i>de gemina lingua Graeca modulatione sine accentibus Commentatio.</i>	431	
Homeri <i>Iliad Graece et Latine ex edit. Samuelis Clarke.</i>	1	
Lackmanni (Ad. Henr.) <i>Carmina sacra.</i>	325	
Lakemacheri (Jo. Gothofr.) <i>Observationes Philologicae. Pars I. VI.</i>	379	
Liebe (Christ. Sigism.) <i>Gotha numaria, sistens Thesauri Fridericiani numismata &c.</i>	385	
Maichelii (Dan.) <i>Lucubrationes Lambetanae.</i>	378	
Oporini (Joach.) <i>Historiae Criticae prodromus, seu recensio doctrinae de natura et vita animarum perenni, &c.</i>	495	
Pembertonii (Henr.) <i>Conspectus Philosophiae I. Newtoni.</i>	337	
Plauti (M. Accis) <i>Comediae superstites XX.</i>	427	
Ribovii (Ge. Henr.) <i>Diff. de anima brutorum.</i>	173	
Rollini (Caroli) <i>Methodus docendi ac discendi literas elegantiores. Tom. III et IV.</i>	125	
Rorarii (Hier.) <i>quod animalia bruta saepe ratione utantur melius homine. Libri II.</i>	173	
Schelhornii (Jo. Ge.) <i>Amanitates literariae. Tomus X.</i>	287	
	Tomus XI. 326	
Treuxieri (Gottl. Samuelis) <i>Anastasis veteris Germani Germanaque semina.</i>	183	
Valignanus <i>vide Cepagatti.</i>		
Wolffii (Christiani) <i>Philosophia prima sive Ontologia.</i>	73	
	<i>Hora subseciva Marburgenses A. 1729 Tri-</i>	
	<i>estire vernali.</i>	359
Wopkens (Thoma) <i>Lectionum Tullianarum Libri III.</i>	233	
Xenophontis <i>de Cyri Institutione Lib. I VIII ex ed. Thoma Hutchinson.</i>	307	

INDEX RERUM NOTABILIORUM.

A <i>litera variis modis olim expressa.</i>	179	Advocatia Fuldenfis suppressa.	99
Abortus ex alvi <i>obstructione.</i>	304	Advocatorum Collegium in Anglia.	411
<i>an sabina usu promotus?</i>	306	Ægyptiaca quædam illustrata.	500
Abrahamus Matthesin docuit Ægyptios.	218	Ægyptiorum rigor contra desidiosos.	416
Abforbentium noxa.	306	Æquationes transformandi modus.	467
Academia Transformatorum Mediolani.	138	Æquationis radices omnes inveniendi methodus.	467
<i>Inquietorum Mediol.</i>	138	Æquationum quadraticarum affectarum nova constructio.	465
Academix Francicæ historia.	358	cubicarum & quadrato-quadraticarum ratio.	467
<i>Historica Lusitan. historia.</i>	433	Æqui & justi fundamentum.	448. 452.
Academiæ totius Orbis index.	224		457
Accentuatio Hebraica confirmata.	186.	Æra Pisana qualis?	398
<i>quid sit?</i>	505	unde dicta?	435
De Accentuatione Hebr. Diff.	191	Ærarii Amstelod. promptitudo.	51
Accentuum in pronuntiatione lingua Græca num habenda sit ratio?	431	Æris circa Varsaviam gravitas & elasticitas demonstrata.	399
Aciculæ deglutitæ cum urina reddita.	304	Aerometrum novum.	405. 406
Acidularum Deinacensium usus lethalis.	305	Affluxus marinus singularis per Tantalum Heronis explicatus.	405
Actionis errore susceptæ fundamentum consensus.	114	D. Agneti dedicata statua Bacchi.	366
In Actis Erud. factæ emendationes Homeri Barnesiani probatæ.	1	Alapæ effectus mirus.	8
Acus magnetica declinatio observata.	90. 91. 406	Alaudarum comestio infausa.	302
<i>variatio.</i>	404	Albini (Petri) Genealogia Comitum Leisnic.	313
<i>inclinatoriæ phænomena.</i>	150	Alchymia felonix instar punita.	326
Adhæssionis leges vindicatæ.	156	Alcorani paraphrascos Turcica specimen promissum.	377
Adns quid significet?	263	Alcoranicum excerptum.	377
Aditus in Inscript. quid?	446	Alemannici Scriptores recus.	531
Admirabile in Poesi quid?	47	Algebra, <i>ars</i> rei & census.	514
Adolphi Nassovii Imp. res illustratæ.	531	autorem habuit Diophantem.	514
Adulationis erga Imp. Rom. vis.	550	<i>veteribus num fuerit cognita?</i>	216
		<i>ad Geometriam applicata an officiat perspicuitati?</i>	464
		Algebræ excellentia.	216
			Algebraicæ

INDEX RERUM NOTABILIORUM.

Algebraicæ potentia ordinariæ linearum simplices denotant.	465	preces conjungunt cum piis in <i>hac</i> vita.	484
Algebraici termini an officiant perspi- cuitati Geometria?	464	De Angelo Spirenſi Diſſ.	425
Alexandri M. nummus.	390	Angina cum febre purpurata & in- flammatione renum.	393
Algorithmi examina.	341	Anguillæ omnes femella ſunt.	67
Allegoricus ſenſus an idem ac myſti- cus?	420	Anima brutorum qualis?	272, 283
Allocatio viaticorum teſtium in An- glia quid?	414	rationalis ſola eſſentiam homi- nis abſolvit.	287
Alces Americana per ſuum ſemen pro- pagatio.	301	num ſit harmonia ex virtute mechanicæ reſultans?	498
Altaria gentiliū Sanctis dedicata.	367	De Anima doctrina Cartefii.	497
Alvi ſuppreſſio anaſtaltici ſoluta.	305	Animæ immortalitas vindicata.	324
Ex Alvi obſtructione abortus.	304	De Animæ humanæ immortalitate ſen- tentia varia.	406
Amavroſis ex venæſectionis abuſu.	206	Animarum poſt mortem oberratio Per- ſi credita.	263
ex vomitu cruento.	302	De Animarum vitæ perenni Diſſ. 405 ſq.	
Ambitus in Inſcrip. quid noſet.	446	Animalcula num per Tubum Falopi- anam ad ovarium deſcendunt?	69
Amor proximi fundamentum juſti & aqui.	448	Anni initium apud Scotos.	167
inſanus curatur.	172	Annus coronatus qualis?	488
Amphibolus ut inter Sanctos receptus?	367	Antinoi conſecratio inſamis.	551
Amputatorum membrorum dolor unde?	73	Antiptofis, figura, expreſſa.	4
Amſtelaſodamum cur Gallinon ceperint.		Antlix pneumatica deſcriptio.	392
A. 1672?	51	Antonini (M. Aur.) mundus.	393
Amuſia conſciendi ars Noribergeniſibus propria.	513	Anus imperforatus.	304
Anabaptiſtæ ut differant a Menmoni- tis?	163	Aorta oſſea in ſene apoplectica.	303
*Avaſiæcin quinam probaverint?	262	Apennini montes unde dicti?	363
Analogia quantum conducat in argu- mentando?	176	Aphelia Plantarum per vortices de- monſtrata.	520
Analyſeos novum genus.	75	Aphonia ex catarrho.	303
Analyſis veterum num inſtauranda?	339	ex podagra dolore evaneſcen- te.	305
matematica contemnitur.	510	ex vermibus.	303
Anaſtæſis deſuncti ſectio.	305	Apiarium effringens ſacrilegii pæna puniendus.	312
Ancillæ factum heroicum.	51	De Apibus Fabulæ autor caſtigatur.	416
Angeli boni ut a malis diſcernendi?	107	In Apocalypſi quænam impleta vel ad- huc implenda?	259
malis an miracula edant?	108		
dicuntur Apoſtoli.	425		

INDEX RERUM

<i>In Apocalypsin Comment. novus.</i>	257	<i>na.</i>	521
<i>Apocalypticum Systema explicatum.</i>	258 sq.	<i>colonia Teatina.</i>	521
<i>Apollinaris (Sidonii) patria, scripta, &c.</i>	363	<i>Architectus militaris Lusitanicus.</i>	515 sq.
<i>De Apollonii Thyanæi miraculis quid sentiendum?</i>	III	<i>Ab Arcubus cur dictum Collegium advocatorum London.</i>	411
<i>Apoplectici sectio.</i>	305	<i>Decanus quis?</i>	411
<i>In Apoplectico aorta ossa.</i>	303	<i>De Arenbeckio (Wilb.) judicium.</i>	429
<i>Apoplexia cadit etiam in infantes. ex tabaci pulvere.</i>	303	<i>Ariminense Chronicon.</i>	397
<i>Apoplexiæ causa.</i>	71	<i>Arithmetice operationes ut applicentur in Geometria ad lineas?</i>	464
<i>Apostema e panis melliti esu contrarium, curatum.</i>	304	<i>Arithmetici calculi in Geometria applicati termini an officiant perspicuitati?</i>	464
<i>Apostoli dicuntur Angeli.</i>	425	<i>Arma ad religionem naturalem defendendam.</i>	86
<i>Apostolus (Sam.) Mennonita.</i>	165	<i>In Arminium epicedium Baudii.</i>	424
<i>De Apotheosi Imp. Rom. Tract.</i>	550	<i>Arnulfi Mali D. Bav. conatus ad Regnum Germ. consequendum.</i>	430
<i>Apum elogium.</i>	175	<i>Arsenicalis margæ examen.</i>	301
<i>Aqua lustralis Pontificiorum unde?</i>	365	<i>Arsenici albi noxa.</i>	305. 306
<i>Aquæ origo, circulus, differentia & brevitatis signa.</i>	399	<i>Arsenio necati sectio.</i>	305
<i>lacuum & stagnorum crescentium & decrescendum.</i>	405	<i>Arterix celiacæ descriptio nova.</i>	23
<i>Aquæ pluvialis gravitas specifica.</i>	402	<i>Ex Arthritide vaga exanthemata maligna.</i>	303
<i>quantitas A. 1723 observata.</i>	86	<i>Arthritis fixa ex Mercurio.</i>	306
<i>in vacuo congelatio.</i>	403	<i>maxilla inferioris.</i>	304
<i>Aquarum Pyrmontanarum effectus singularis.</i>	66	<i>Artifices Noriberg. laudati.</i>	512
<i>in rotas incurrentium impetus.</i>	292	<i>Artis inveniendi præcepta generalia unde pendeant?</i>	74
<i>Aquilæ bicipitis origo.</i>	424	<i>characteristica fundamentum.</i>	85
<i>Arabicæ linguæ usus etymologicus in exegesi sacra.</i>	418	<i>Ascites diarrhæsi spontanea solutus.</i>	305
<i>Arabicum Lexicon novum.</i>	375	<i>Ascitici anatome.</i>	304
<i>Aræometri constructio nova.</i>	405. 406	<i>Assensus successiva generatio demonstrata.</i>	353
<i>usus in libellando.</i>	406. 407	<i>theoria usus.</i>	354
<i>Aranearum solertia.</i>	175	<i>Astaci fluviatilis chela tribus apicibus prædita.</i>	302
<i>venenum.</i>	403	<i>Astaco fluviatili ut concilietur somnus.</i>	302
<i>Arborum flores ut præservandi?</i>	289	<i>Astefani (Ant.) vita.</i>	55
<i>putatio.</i>	289	<i>Poema de varietate fortune.</i>	54
<i>fixio.</i>	289	<i>Asthma</i>	
<i>Arcadum Academia adscriptæ fami-</i>			

NOTABILIORUM.

Asthma in obesis unde?	68	Azores, insula Flandrica, a quo inventa?	514
periodico - spasmodicum.	304		
Asthmatici sectio.	305		
Astronomix Chinenfium & Indiarum descriptio.	88	De Bacchanalibus <i>Scrum</i> explicatum.	407/4. quinam
Physica Newtoniana parentes.	338	olim explicarint?	407
Astronomici libri ab Enocho scripti.	218	Bacchi statua S. Agneti dedicata.	366
Astrorum automata Regiomontani.		sacra ut a Grecis pervenerint ad Romanos?	408
Ex Astrorum positu doctrina <i>Christiana</i> non pendet.	266	Bacchici ritus in festo Tabernaculorum hodierno solennes.	371
Athenæ nova quanam?	135	Bacchus pro Sancto cultus.	367
Atlantis German. Sciagraphia.	237	Baconis <i>Observ.</i> de partibus mundi Septentr.	104
<i>Atlas</i> celestis.	145	Baconis de Verulamio (Franc.) casus.	478
marinus.	193	crimen Sodomie.	478
Augusteus Zurneri.	238	Baheri (Jo.) nota in <i>vitam</i> Persi.	288
Atreta pariens.	172	Balsamus stypticus Eatonis.	404
Atretarum impregnatio.	171	Barba sacerdotibus in Marchia interdictum.	503
matrimonium, divortium & cura.	171	Barometri phenomenon ratio.	399
Atticismi cum formulis Hebraeorum comparati.	374	Barometrum novum.	407
Auerspergiana familia Genealogia.	161	novi descriptio.	407
Augustana Confess. Historia.	436 sq.	Basiliscus negatus.	399
Augusti Nummus.	392	in Polonia non datur.	399
Augusti II R. Pol. elogium poeticum.	522	Bavarix prisca delineatio.	430
Augustini (Ant.) Emendatt. & Observ.		Bavaricæ domus origo quoduplex tradatur Genealogi?	429
& c. recusa.	227	Baudii epicedium in Arminium.	424
De S. Augustini corpore Ticini reperto Diff.	91	De Bazione (Job.) Chron. Mutinense.	396
S. Augustinus Professor Eloquentia Mediolani.	135	De Beaujeu notatus.	399
Ab Avila (Ludov.) refutatus.	316	Belgica Historia nova.	40
Avis India tribus gaudens pedibus.	301	Bellarmini Controversias quinam corruerint?	439
Auri extractio vera.	302	Benjamini iter circa mundum.	103
Auroræ borealis <i>observationes.</i> 65. 121		Bentivolus (Corn.) autor versionis Etruscæ Thebaidos Statiana.	394
historia.	122	Benvoglienti (Huberti) nota & Chron. Senense.	394. 397
causa.	122	Bbb b 3	Benvo-
Austriæ Chronographia.	368		
Automata astrorum Regiomontani.	513		
Axiomata Euclidis demonstrata.	80		

INDEX R E R U M

Benvoglianti (Huberti) <i>Elogium.</i>	394	Borina <i>epidemia tabifica.</i>	304
<i>nota in Nervi</i>		Borromzi (<i>Car.</i>) <i>in literas merita.</i>	138
<i>Annales.</i>	395	Bossueti <i>Historia univ. laudata.</i>	127
Berebloci (Jo.) <i>Comment. de rebus Oxoni gestis &c.</i>	477	<i>Expositio fidei varians.</i>	379
Bergeronii (Petri) <i>Tract. de Tartaribus.</i>	104	Braccæ <i>an Germanis olim in usu?</i>	184 sq.
<i>Hist. Saracennorum</i>		Brachium <i>ob meliceridem amputatum.</i>	72
<i>& Muhamedanorum.</i>	104	<i>ejus amputatio fatalis.</i>	72
Bernardus a Beer & nardus.	329	A Bracht (Tilem.) <i>Menmonita.</i>	165
Betty (Jo.) <i>librorum Theophili ad Autol. interpres Anglus.</i>	323	Bracteati <i>an dentur quadrati?</i>	334
Bezz (Theod.) <i>ingenium.</i>	473	<i>a quibus cusi?</i>	333
<i>editio N. T. castigata.</i>	473	<i>quas figuras & inscriptiones monstraverint?</i>	334
Biblia <i>S. ex ed. Serveti.</i>	21	De Bracteatis <i>Diff.</i>	331
Biblicum <i>Lexicon.</i>	475	Brandanus (Ant.) <i>laudatus.</i>	251
Bibliotheca Mediolani a Plinio Jun. <i>instituta.</i>	135	Brasilia <i>a quo inventa?</i>	514
<i>Hulfiana distraeta.</i>	240	Breitingeri (Jo. Jac.) <i>Exercitatio in vet. vitam Persii.</i>	238
<i>Sacra nova promissa.</i>	544	De Bresler (Ferd. Lud.) <i>laudatus.</i>	161
Bibliothecæ Ambros. Mediol. <i>autor.</i>	138	<i>(Jo. Gottlieb) laudatus.</i>	161
<i>distraeta.</i>	238	Breviarii Rom. <i>autoritas in historia.</i>	435
Bignonii (Hier.) <i>liber de Electione Pa. pa.</i>	379	<i>falsationes.</i>	439
Bilcicionius (Ant. Mar.) <i>Bibliothecarius Florentinus.</i>	398	Bruckeri (Jac.) <i>analecta ad vitam Matth. Schenckii.</i>	329
Blanca Lusitanica <i>vindicata.</i>	253	Bruta <i>ambitiosa.</i>	174
Blanchinus (Franc.) <i>refutatus.</i>	445	<i>non habent animam vegetativam & vim plasticam.</i>	177
Boguphali <i>Chronicon Polonia.</i>	159	<i>an habeant sensum & rationem?</i>	301
Boheimix Rex <i>quando inter Electores receptus?</i>	8	Brutorum <i>amor.</i>	174
<i>Chronicon e MS. editum.</i>	318	<i>solertia & prudentia.</i>	174
<i>Ducis eligendi jus num fuerit olim penes Imp.</i>	319	<i>sensus excellentes.</i>	175
Boicingæ <i>descriptio.</i>	65	<i>ars medica.</i>	175
Boissen (Broderi) <i>Chron. Schleswicense.</i>	240	<i>anima.</i>	175. 283
<i>S. Bonifacius, fundator Abbatia Fuldenfis.</i>	98	De Brutorum <i>rationis praestantia liber.</i>	174
Boni <i>notio Lockiana rejecta.</i>	210	Bubones <i>suppurati.</i>	305
Bonum <i>naturale & morale ut differant?</i>	453	Buchanani (Jo.) <i>Detectio gestorum Mariae Scotica.</i>	168
		Buddei (Jo. Franc.) <i>elogium.</i>	220
		Buderi (Chr. Gottlieb) <i>Bibliotheca histor. German.</i>	530
			Burgra-

NOTABILIORUM

Burgavix Marchionatus ad quem pervenerit? 101

Burnetus (Gilb.) castigatus. 476

A Burtenbach (Sebast. Scherilini) eruditio, virtus & zelus pro Evangelio. 316

Cadaver humanum in fodina cuprimontana repertum. 405

Cadavera in templis non sunt sepelienda. 399

Cæsenates Annales. 55

Caini signum quoddam? 188

Calculi per anum exclusi. 69. 303

fellei. 304

Ex Calculo cæcitas. 303

Calculus vesicae cognoscendi difficultas. 303

Calendarium Etymologicum. 329

Caliben Stab quid sit? 514

Calvini (Jo.) in Servetum odium. 20

Camdeni (Guil.) favor in Mariam Scotticam. 168

Britannia laudata. 168

Annales partium studii

accusati. 168

Camers (Jo.) autor notar. in Dionys. de situ orb. 479

De Campano (Jo.) Diss. 320

De Campi Elysi situ Diss. 372

In Canis non gravida mammi lae. 302

In Cantico Canticor. tractatur Theologia. 218

Caritiunculae sacra nova notata. 437

Caratores sunt primi testes veritatis in S. Scriptura. 422

Capellus cur dictus Sanctius II R. Lus. 242

Capitis tumor cum carie a fungo. 303

E Capitis contusione cæcitas. 303

Caput obdipum cum cranii carie. 303

vulnere lethali tardior pro-

gressus. 304

Carbulæ nummus. 301

Cardialgia venesectione curata. 304

Caries ulcerosa brachii, manus & genu. 303

Carnesece (Petri) vita a Camerario scripta. 288

Caroli IV Imp. diplomatarium. 321

Carpzovii (Jo. Ben.) Epistola ad Spizium. 528

Cartesii Geometria laudata. 463

Geometria contenta. 464

Ovalium descriptio. 466

doctrina de anima. 497

refutata. 287

vorticum usus. 517 sq.

In Cartesii Geometriam Comment. 463

Schootenii qualis? 463

Commencarii varii. 463

Cartesius (Ren.) notatus. 466

Casaubonus (J.) Gallis an Italis accensendus? 281

Castandri (Ge.) modestia erga Protestantes. 438

Castratio seminarum. 124

Castriotus, historicus Lusitanus minoris pretii. 434

Cataracta laborantis oculi sectio. 493

causa. 403. 406

Ex Catarrho apbenia. 303

Catharina a Catha & ruina. 329

Catinellæbocensis Comitatus ad quem pervenerit? 101

Causæ plenariae quanam Anglis? 414

notio. 84. 85

Cellæ Mariana origo. 442

Cephalæa ex hydropse ventriculorum cerebri. 302

defuncti sectio. 305

In Cerao pilis cum oculis insectis insolit. 301

Chamæmelon monstrosum. 301

Cheli-

INDEX RERUM

Chelidonii maj. infusi usus.	72	Citatio viir & modis it. originalis &	
Chemnicensis <i>Cbron. fragmentum.</i>	245	primaria quanam Anglis?	414
Chemnitius (Mart.) dictus Hippol. a		Clara & distincta perceptio Cartesi	
Lapide.	425	quidnam sit?	76
Ex China chinæ dolor abdominis.	305	Claramontii (Scip.) Hist. Casenatis lau-	
Chinæ corticis periculum, incertitudo		data.	55
& insalubritas.	169	Clarke (Sam.) obitus.	6
Chinutii (Dan.) Descriptio belli <i>Clodi-</i>		vindictus.	452
ani.	396	De Clarkii (Franc.) Processu judiciali	
Chirographi datio quid sit?	117	Anglia judicia.	411
Circa Chirographi dationem quid sit		Clarkius (Jo.) in demonstranda existen-	
justum?	118	tia Dei ad argumenta topica confu-	
Christi nomina Arabica explicata.	418	git.	215
ascensio in Cælum a Davide		Claves codicillares <i>Hebraei</i> quid?	192
prædicta.	421	Clavus per hirudinum appositionem	
interni assertores.	265	curatur.	304
Christiana doctrina ab astrorum positu		Clericus (Jo.) notatus.	187. 189
non pendet.	266	De Clerogamia Diff.	16
Christi (Jo. Frid.) nota ad Poecilen		Clitoris.	124
Heumannianam.	425	magna unde?	125
Christologia Paulina 1 Tim. III, 16 ex-		an divortii causa?	125
plicata.	425	Clodianum bellum quodnam?	396
Chronologia Sinensis.	90	Ex Clystere vinoso ebrietas.	305
Chrysostomi epistola ad Casarium lau-		Coati mundi animalis anatome.	66
data.	379	Coccejus (Merlinus) est Theophilus Fo-	
Chylus non per oscula, sed per tunicas		lengus.	546
ad vasa <i>lactea</i> transit.	69	Coccineus color Advocatis Londinensi-	
Ciacconii (<i>Alph.</i>) Bibliotheca univerf.		bus familiaris.	412
promissa.	281	Cœcitas e capitis contusione.	303
Ciborum in ventriculo comminutio.	69	ex calculo.	303
Cibus comeslus post biennium exclusus.		ex drastico.	305
	305	Cœliacæ arteria descriptio nova.	23
Cicero emendatur.	228 sq. 233 sq.	Cœrulei Prussici descriptio.	402
Ciceronis Allobrogis titulum quis na-		Cohælionis materia causa.	217
tus sit?	364	Cohortem & legionem quid intersit?	
vita.	219		521
Circini proportionum constructio &		Coitus moderati usus Medicus.	171
usus.	201	immoderati noxa.	171
Circulatores inter monachos quinam?		impeditus in feminis.	171
	98	violenti differentia, signa &	
Circuli quadratura falsa.	216. 217	pœna.	171
cur dicta ab Impp. corona Re-		Coitus Sodomiticus.	171
gum?	318	Coitus	

NOTABILIORUM

Coitus appetitus lesus absque impra- gnationis defectu. 172	Complutensis edit. N.T. castigata. 472
cum semina peste infecta in- faustus. 172	Compositionis judicialis origo. 524
Coitus voluptas. 171	Compurgatorum usus in Anglia. 415
virginibus ante nuptias lici- tus. 171	Conchæ omnes semellæ sunt. 67
In Coitu cohabitationis causa. 171	Conchyliorum in littore Vistula reper- torum catalogus. 399
cohabito frigida soluta. 172	Conciones raro audiunt Hispani. 438
Coli in intestinum rectum prolapsus. 303	Concubinæ vox notat uxorem. 251
Colica periodica. 303	Confessio, quis locus templi? 98
Colicam mentiuntur vasorum ruptu- ra. 92	Confessionis Augustana Historia. 436
Coloniam & municipium quid inter- sit? 521	In Confessionem August. Commentarii specimen. 437
Colores lumini insiti. 198. 199	Conjugia cum alterius Principis subdi- tis instituire olim non licuit. 8
primatis explicati. 200	Conjuratio quid olim notaverit? 59
primogenii quinam sint? 199	Conovii (Frid.) Musei inscriptio. 504
Colorum theoria nova. 343. 344.	Conradi (Fr. Car.) Triga libellorum Ju- ris recusa. 225
346 sq.	Conradus II <u>largitione</u> factus Imp. 243
Newtoniana im- <u>pugnata.</u> 343. 344	Conscientia quid? 286
Columba Ecclesiam designat. 421	De Conscientia Tractatus. 286 sq.
S. Columbæ epitaph. explicatum. 178	De Consecratione Impp. Rom. Tract. 550
E Columbarum esu melancholia. 304	Consensus actionis errore susceptæ fundamentum est. 114
Columna Sigismundo R. Pol. dedicata an ex jaspide? 349	Constantiensis Concilii Patrum Oratio- nes varia. 328
Cometa anni 1713. 89. 90. 403	Constantinæ (Jac.) subtiles Enodati. recusa. 226
1718. 64	Constantinus M. Imp. num fuerit conse- cratus? 551
Cometarum parallaxer quis primus observaverit? 514	Constantis Cæs. nummus. 392
Comites liberos creandi jus Abbati Corbeje concessum. 321	Consules num fuerint in Coloniis? 446
Palatini a Comitibus in ge- nere ut differant? 430	In Contagio diuturna & sudor saluta- ris. 305
cur sæpe a librariis dicti Du- ces? 397	Contareni (Ambr.) Iter in Persiam. 104
Comitis Palatini titulus titulo Ducis Bavariæ prapositus. 10	Contemptum & contumaciam quid inter sit apud Anglos? 414
Commercia maritima descripta. 194	Contingentis notio. 79
De Comœdia singularia. 48	Contractus cur dictus fuerit Albertus Austriacus? 443
Comœdiæ scholasticæ rejectæ. 139	De Contractu literali Diff. 117
	Ccc c
	Con-

INDEX RERUM

Contumaciam & contemptum quid interfit apud Anglos?	414	Cottonus (Rob.) & Regia familia ortus.	167
Convulsiones ex drastico.	305	cognati elogio a Jacobo I R.A.	
ex venesectionis abusu.	306	maestatus.	167
Copernicana hypothesis quando fuerit demonstrata?	300	Cranium cariosum in scorbutico.	302
Cor suppuratum.	302	Cranii depressio ut in adultis restitu- ta?	72
Coræ urbis origo.	447	exostosis.	303
De Coranis memorabilia.	447	Cretagenes Jovis epitheton.	392
Corbejæ Abbatum jus peculiare.	301	Crethi & Plerbi quinam?	372
S. Corbonianus Ep. Frising. quando mortuus?	7	Crispi (Fl. Jul.) nummus.	389
Cordis valvula cartilaginea in senē.	66	Croci autumnalis sativi flos & capsu- la feminales.	69
prava conformatio.	302	Cronwellus Scotia documenta in An- gliam transfudit.	167
palpitatio ex ejus <u>obesitate.</u>	302	Crudelitas hominum.	174
Cornelius a cornu & leos.	329	Cujacii judicium de Indicibus.	227
Cornua victima inaurandi ritus apud Judæos.	371	Cunei lapidei non sunt mallei fulmina- res.	185
Isidi tributa.	181	Curationes imperitorum.	461
Corona Medoetiensis num dicta san- cta?	54	Guria in Colonia quid sit?	446
Coronæ Regum cur ab Impp. circuli dicta?	318	Currus exercitum designat.	421
Coronandi victimas ritus apud Ju- dæos.	371	Curvæ cur alia aliis simpliciores?	465
Corpora fluidis innatantia an fluidis specificè graviora?	157	inferioris generis in constru- ctione problematum non semper præ- ferenda superioribus.	466
Corporum firmiter coherentia qua- lis?	153 sq.	Curvarum linearum multiplex descri- ptio.	465
Corpus an sit pars hominis?	286	in sua genera divisio.	465
Ex Corruptione falsa excrecentia præternaturalis.	461	Cusani (Nic.) verus dies immortalis.	238
Cosini (Rich. & Job.) scripta.	169	Cyelois ope circini proportionum de- scribenda.	201
Cosmæ Pragens. mors.	318	De Cyder, potu Angl. ex succo poma- rum parato Epistola.	290
Cbron. Bob. denuo collatum.	318	Cyrenensium nummi.	388
Cosmographiæ incrementa.	236	De Cyro tradita Herodoti fabulosa.	128
Costæ (Cas.) Antiquit. Juris recusa.	227	Xenophontis vera.	128
Costarum a sterno separatarum coali- tus novus.	303	Cyropædia Xenophontis <u>illustrata.</u>	307
		D anielis vaticinia vindicata.	535
		librorum antiquitas adscri- pta.	539
			537
			Danie.

NOTABILIORUM

Danieles hagiographi an duo fuerint?	536	palpitatio.	69
Dambuz (Georgius) laudatus.	379.380	et hepatis vulnus sclo-	
Davifii (Jo.) modestia laudata.	231	petarium absolute lethale.	73
Decanus de Arcubus quis?	411	Diarrhoea suppressa ex sudore.	305
Decuriones in <u>Coloniis</u> quinam?	446	in contagio salutaris.	305
Defectus quid sit?	81	Dies καὶ ἐξοχὴν Judæis quis?	372
Definiendi extra systema modus.	352	Diluvii <u>universalitas</u> .	405
De glutitio difficilis ex epiglottide in-		Ding unde dictum?	524
durata.	303	In Dionysium Afrum de situ orbis nota	
annuli innocua.	304	cujusnam sint?	479
Dei (Andr.) Chron. Senense.	394	Diphthongi in Græcis ratio.	432
De Delayto (Jac.) Historia Estensis		Diphthongus omnis tantum brevis.	432
promissa.	395	cur pro brevi adhibitus	
In Delirantis capite serum flavum	65	Poetis?	179
hydatides.	73	Diplomata Germanice quando exara-	
A Delmenfingen (Raymundi <u>Krafft</u>)		ri ceperint?	8
elogium.	328	Diplomatarium Silesiacum.	161
Dens ex medio palati emergens.	302	Caroli IV Imp.	321
Dentes in vetula renati.	302	Directionis magnetica phenomena.	149
Dependentiae notio.	84	Dispensatorium Edinburgense.	150
Depositionis ritus ab Academia Salis-		Divi vox apud Christianos quid notet?	388
burg. exclusus.	94	an vivis concessa?	551
Desidiosis pecunias erogans, eas repo-		Divortii causa desidia.	552
scere non potest.	417	Diurhoea ex vermibus.	416
Determinati notio explicata.	77	Dlugossius quando mortuus?	303
Deus solus miraculorum autor.	109	Doctores commensales in Anglia qui-	160
Dei faciem videre quid?	371	nam?	411
incessus <u>pro</u> liberanda Eccl. Ps.		Dodwellus (Henr.) notatus.	497
LXVIII explicatus.	420	Döringii (Matth.) Continuatio Engel-	
voluntas an moralitatis unica re-		busti.	442
gula?	457	Elogium.	442
demonstratio Lockiana qualis sit?		Dogmata num probentur per miracula?	
Clarkiana examina-	211.212	107 sq.	
ta.	213 sq.	Dolii non pleni stereometria.	204 sq.
Pro Dei existentia demonstranda ar-		Dolscii (Pauli) versio <u>Græca</u> Aug. Con-	
gumenta communia qualia sint?	215	fessionis.	480
Deo pro Thaddæo.	394.395	Donatus i. e. a Deo datus.	329
De Deorum lingua apud Homerum		Dooregeest (Aug. Arnoldus) Mennonita.	165
<u>Diff.</u>	373	Doujatius refutatus.	49
Diaphragmatis anatome.	68	Dourwenus Friderici, Mennonita.	165
		Dcc c 2	Drelin-

INDEX RERUM

Drelincurtii liber adversus Ernestum Landgr. Hassia rarus.	378	Ellipses Kepleriana per vortices demonstrata.	519
Dresdense Chronicon.	247	Ellipsis ops circini proportionum describenda.	201
Drusus num exstruxerit castella in Marchia?	503	Elmacinus emendatus.	419
De Duali Græcorum observata.	4	De Elyma mago Diff.	372
Duces cur saepe dicti a Librariis, qui revera Comites?	397	De Elysi campi situ Diff.	372
cur saepe dicti Reges?	397	Embryo sex septimanarum omnibus membris integer.	302
<u>Durationis</u> notio unde nascatur?	209	Embryulcia instituta.	72
Dureri (Alb.) Pictoris, vita.	22	Ex Emplastris dolor.	306
uxor mala.	23	Empyema cum sanguine intra pericardium stagnans.	303
Epitaphium.	23	sponse ruptum curatum.	304
E Brietas ex clystere vinoso.	305	Empyematici <u>sectio</u> .	305
Ebullientium liquorum gradus caloris.	401	Enneagoni regularis in circulo inscriptio.	464
Ecclesiæ externa character.	267	Enochus, autor librorum Astronom.	218
emendatio dudum optata.	436	ἐντελέχεια Aristotelis quid sibi velit?	497
interna qua sint?	266	In Enterocæle Colica spasmodica salutaris.	304-305
In Ecclesiaste Salomonis <u>tractatus</u> doctrina Physica.	218	Enteroscheocæle testiculi inflammatio curata.	304
In Ecclesiastici Codd. discrepantia mira unde?	540	Eutis notio ut formetur?	77
Eclipses satellitum Jovis observata.	403	evoluta.	77-78
Eclipsis primi Satellitis Jovis.	406	compositi theoria.	82. 83
Lunaris A. 1724.	407	simplicis theoria.	83
Solis A. 1722.	403	finiti & infiniti differentia.	83
Lunaris A. 1728.	404	Ephemerides Meteorologica. 155.	399.
Solis in Hungaria observata.	509		402
d. 15 Jul. A. 1730.	464	De Epico carmine singularia.	48
Eclipsium observationes antiquissima.	88	Epidemica constitutio.	304
De Eclogis singularia.	48	Epidemici morbi Varsavia insolentes.	400
Eduardus R. Lus. scripsit Annales.	253	De Epigrammate singularia.	48
Educatio qualis esse debeat?	129	Epilepsia infantum cur saepe letalis?	71
Van Eeghem (Adr.) Mennonita.	165	ex viso epileptico.	303
Elasticitatis ratio.	276	Equi aqua lustrali adpersi.	365
Elateris causa physica.	276	Erasmus probat Aug. Confessionem.	438
Electoatus non unice olim Palatinatus fuit annexus.	430	ejus <u>edit.</u> N. T. castigata.	472
			Ersur-

NOTABILIORUM.

Erfurtenses <i>Annales curiosi.</i>	314	Fenestra vitrea veteribus nulla.	139
Erfurtense <i>Cibum. Sampetrinum.</i>	246	Feo dictum Italis pro Massao.	304
De Ernesto D. Brunfu. <i>Diff.</i>	526	Ferarum exempla laude digna.	174
Essense <i>Chronicon.</i>	395	amor erga homines.	174
Et saepe apud Latinos oppositioni infer- vit.	234	Ferrariae <i>Chronicon.</i>	395
S. Eucherii <i>vita & acta.</i>	363	Ferrum in fila diducendi ars a quo in- venta?	514
Euchides commendatur.	339-340	Ferri virtus magnetica.	150
Euclidis axiomata demonstrata.	80	solutio ab alcali via secca.	302
Eugenius Pr. Sab. carmine decantatus.	572	Festa veterum Roman. explicata.	409
Ex d'Ewes (Sim.) <i>Comm. de vita sua</i> <i>excerpta.</i>	478	Festus emendatur.	57
Exadtores inter monachos quinam?	98	Fictionum Roman. natura & inconcin- nitas.	119
Excommunicatus in Anglia caret per- sona standi in iudicio.	414	De Figuris poeticis <i>Diff.</i>	43
Excrecencia morbosâ misenterio affi- xa.	461	Filios Protestantem vocat Pontifex.	439
Excrecenciarum in occipite infantis exstirpatio insufla.	72	Fixio arborum ut instituenda?	289
Experimenta Newtoniana de coloribus impugnata.	343	Flacci (Matth.) effigies & vita.	72
Expiationis festum per nusqu designa- tum.	372	Flagellantium furor a Seneca castiga- tur.	367
Faber (Guil.) notatus.	478	Flagris mors immerito imputata.	73
Fabula quid sit?	47	Flaminii (M. Ant.) vita a Camerario scripta.	288
Fabulae unde orta?	123	Ex Flatulentia uteri prolapsus.	303
quem usum habeant?	123 sq.	Fleury (Claudii) mors.	547
Facetiae Poggii obscurae.	548	Flores Geometriae.	67
Faciem Dei videre quid?	371	ut ab iniuriis aeris defendendi?	289
Febre quartana defuncti sectio.	305	Fluidorum gravitas specifica.	402
Febris tertiana annua recurrens.	304	ascensus in vitreos tubulos.	151
paroxysmi principium fluxus alvi diuturnus.	303	Foemellae sine maribus partentes.	67
Febres intermittentes curandi mo- dus.	169	Foeminae Germ. olim divinandae arte clara.	185
Fecum alvinarum per pudenda mulie- bria ex retio.	125	initio sola Bacchanalibus ad- bibita.	409
De Feimeris <i>Diff.</i> laudata.	321	Neapol. erudita laudata.	521
Fellis vesicula magna in bove saginato. calculi.	303	Foeminarum salacitas, castitas & pu- dictia.	171
Femoris luxatio est capitalis defectus.	304	Fectus 5 annos in abdomine delitescens. in cavitate abdominis.	68
	303	cranium & costa per anum eje- cta.	407
		Ccc c 3	Folen-

INDEX RERUM

Folengus (Theoph.) nomen adscivit Merlini <i>Coccaji</i> .	546	Fuldenses cur quosdam Impp. clauſtro ſuo excluſerint?	98
Fontanini (Juſti) & L. A. Muratorii de clauo crucis Chriſti lites.	54	Fuldensium Abbatum jura & prae- gativa.	99
Fontes ſub terra latentes ut detegan- tur?	291	Fulminares mallei num ſint cunei la- pidei?	185
Fontium ſpecies.	291	Funiculus umbilicalis abruptus ſine damno.	302
Formicarum ſolertia.	175		
oleum athereum.	302	G Litera variis modis olim <i>expref- ſa</i> .	179
Foſſilia in methodum digeſta.	269	Gallus (Jo. Bapt.) quis fuerit?	552
Foſſilium Catalogus.	348	Garuffi (Joſ. Malateſti) morſ.	397
Franckius (Sebaſt.) homo παραδοξος.	327	Gaſſeri (Achill. Pirmini) vita.	288
Freheri (Marqu.) Sulpicius reſuſ.	226	Gatari (Andr.) Chron. Patav. promiſ- ſum.	396
Fridericus I Imp. ab Alexandro III Pa- pa pedibus hauſ conculcatus.	14	De Gattinara (Mercurini Arborei) vi- ta.	16
num Bohemos propria co- rona donauerit?	319	Gelonis nummus.	390
III Imp. notatus.	242	Gemmæ figurata.	301
Pulcher Imp. num abdicau- erit Imperium?	443	in mumia Gotbana inventa.	301
Fridericus Admoſus an Germania Regnum ambiverit?	246	Generatio non ſit per animalcula ſper- matica.	69
Friderici II D. Sax. Goth. elogium.	385. 387	Generis notio explicata.	78
Friderici Auguſti R. Pol. & El. Sax. elogium.	522	Genesis a Joſepho continuata.	192
In Fridericum Henr. Principem Au- riac. numisma ingens.	53	Genitalium muliebrium ſtruttura praternaturalis.	69
Friſingenſis Hiſtoria.	6. 7. 9.	Genii cultus apud veteres.	436
Fructus multiplicandi ratio.	289	Gentilis (Scip.) Or. de <i>maledictis</i> in Principem laudata.	226
Voigtlandiae rariores.	301	Parerga & origines	
Fructuum amputatio.	289	reſuſa.	226
conſervatio.	290	Geographi Arabici, Perſici, Turcici de- ſcripti.	419
collectio & conſervatio.	290	Geographia Chinenſis.	90. 91
Frutex ad verum genus ſuum relatus.	172	Geographiae in Germania ſtatus ho- diernus.	236
Fuldenſe Necrologium.	103	incrementa.	236
Fuldenſis Hiſtoria nova.	97	defectus.	237
Advocatia ſuppreſſa.	99	Nubiens ſis autor.	419
Abbatia a juriſdictione Her- bipolenſi liberata.	102	Sacra hiſtoria promiſ- ſa.	553
		In Geo-	

N O T A B I L I O R U M

<i>In Geographiam Introd. gener. nova.</i>	106	Gonzalezii (Eman.) libri in Decretales	
Geographicarum mapparum notitia.	552	Greg. IX. Dedicatio qualis?	379
Geographica Societas instituta.	553	Gowerus (Jo.) notatus.	477
Geographici errores emendati.	419	Gorelli poema Etruscum de rebus Ar-	
Geometrarum recentiores methodi vete-		tinis.	397
rum gnari.	339	nomen a Gregorio derivatum.	397
Geometria laudata.	463	Gotha nummaria.	385
Geometrix perspicuitati an officiant		Gradus terrestris quantus prodeat ex	
termini algebraici?	464	observatione Snellii?	153
Cartesii <i>contenta</i> .	464	Græcæ particula expletivæ re aliquid	
<i>In Geometriam Cartesii Commentarii</i>		significant.	2
<i>varii.</i>	463	Pæseos studiosi e Germanis.	478
Geometrica num per calculos Algebrai-		linguæ usus quando invaluerit?	
cos <i>tractari</i> debeant?	339		538
Geometricæ & mechanica linea qua-		Græcorum Temporum ratio.	2
nam?	465	ars metrica illustrata.	3
Geometricum & mechanicum ut diffe-		Grammatica Turcica nova.	376
rant?	465	Gravitatis causa.	217
Germani fratres Persarum.	185	Gravitates specifica corporum.	404
Germanica Historia nova.	529	Gretserus (Jac.) notatus.	99
Germanici & Agrippina nummus.	393	Grisehovijs (Jo. Henr.) laudatus.	223
Germanorum veterum habitus.	184	Grotii (H.) libri de bello & pace inscri-	
studium Me-		ptio genuina.	424
chanices.	184	libri de satisfactione Chri-	
Geroldus Ep. Frising. cur depositus?	7	sti &c. nova edit. promissa.	261
Gieuharii Lexicon Arabicum CPlî edi-		Gruterus emendatus.	447
tum.	375	Gnardijs officium apud Anglos.	414
Gladius studiosis concessus & negatus.	95		415
Glandorpîi (Matthiæ) vita & scripta.	124	Gudenii (H. P.) promissa.	528
Globulorum sanguineorum magnitu-	67.69	Gustus quid Gallis?	126
do.		depravatus.	304
Globum terrestrum quis primus deli-		De Gustu sano Diff.	47
neaverit?	514	Gymnasiorum autor Noachus.	218
De Gloria vera iudicium.	126	Gymnosophistarum pœna contra de-	
Glossarium novum editum.	416	sidiosos.	417
Goldasti (Melch.) vita.	532	De H	
paupertas.	532	aan (Abr.) Mennonita.	165
Bibliotheca quo per-		Hadriani Imp. miracula suspe-	
venerit?	532	cta.	111
		Hæmorrhoides a venæ sectione in bra-	
		chio excitata.	304
		a juventute ad senectu-	
		tem	

INDEX RERUM

<i>tem liberaliter fluentes.</i>	304	<i>Hernia varicosa-humerosa curata.</i>	304
<i>in infarctu pectoris</i>		<i>Herniosi anatome.</i>	304
<i>male aperta.</i>	71	<i>Herodiani fuere Sadducei?</i>	262
<i>Hæmorrhoidarius insignis.</i>	303	<i>R. Hillel an apostata?</i>	542
<i>In Hæmoptysi instante salivatio in-</i>		<i>an idem cum R. Ellele?</i>	542
<i>fausse instituta.</i>	71	<i>Ab Hirudinibus igne crematis inflam-</i>	
<i>Hæredes legitimi an obligentur ad re-</i>		<i>matio tibia.</i>	305
<i>stituendam hereditatem heredi te-</i>		<i>Hispania Orientalis edita.</i>	279
<i>stamento imperfecto nominato?</i>	116	<i>Historia sacra ut tractanda?</i>	126
<i>Hafnienſis incendii descriptio.</i>	306	<i>profana ut tractanda?</i>	127
<i>Hagenſis ſchola Historia.</i>	331	<i>Romana pragmatic tracta-</i>	
<i>Haitoniſi Hiſt. Orientalis.</i>	104	<i>ta.</i>	128
<i>Ad Haleces appetitus & nauſea.</i>	304	<i>Germanica nova.</i>	529
<i>Hamelmanni Hiſtoria renati Evange-</i>		<i>De Hiſtoria prolegomena.</i>	425
<i>lii laudata.</i>	528	<i>Hiſtoriz Eccl. N. T. Prodigium.</i>	15
<i>Von der Hardt (Herm.) Geographia S.</i>		<i>Hiſtoricæ Academia Luſitania Hiſto-</i>	
<i>baud proditura.</i>	238	<i>ria.</i>	433
<i>De Hattone a muribus devorato fabula</i>		<i>Literariæ ſpecimen juxta</i>	
<i>reſutata.</i>	100	<i>ideam Wolfſianam.</i>	176
<i>Hauberi (Everh. Dav.) promiſſa.</i>	553	<i>Hiſtorici quando Mediolori ſorere ca-</i>	
<i>Hearnii (Th.) notatur.</i>	476	<i>perint?</i>	137
<i>Hebræorum puerorum inſtitutio.</i>	487	<i>Arabici, Perſici, Turcici de-</i>	
<i>Heilbronnienſia monumenta.</i>	288	<i>ſcripti.</i>	419
<i>Helmerici (Caſp.) vita.</i>	503	<i>Hiſtorico qualiſ ſtylus conveniat?</i>	492
<i>Van Helmont (Franc. Mercur.) vaticini-</i>		<i>Hiſtoricorum Luſitania Catalogus.</i>	433
<i>nia de anima ſua in canem nigrum</i>		<i>Hiſtrionum pœna apud Scotoſ.</i>	417
<i>migratura.</i>	264	<i>Hobbeſius (Th.) reſutatur.</i>	382/4.
<i>Helvetiorum Delitia nova.</i>	336	<i>Hoffmannus (Jo. Tob.) laudatur.</i>	315
<i>Henelii ab Hennenfeld (Nic.) Annales</i>		<i>Hoffmanni (Jo. Maur.) vita.</i>	36
<i>Sileſiæ.</i>	160	<i>Homaniſtæ mappa Geogr. cur a B. L.</i>	
<i>Henrici V R. Angl. Hiſtoria.</i>	476	<i>giſ contempta?</i>	53
<i>Henrico Comiti qua lege conceſſa a</i>		<i>Homeruſ & Virgiliuſ inter ſe con pa-</i>	
<i>Caſtellaniſ Luſitania?</i>	252	<i>rati.</i>	3
<i>Hepar ſcirrroſum, oſſeum & calculo-</i>		<i>Homeri Barneſiani emendationes in</i>	
<i>ſum.</i>	304	<i>Actis Er. factæ, Angliſ probatæ.</i>	1
<i>corruptum in obeſo.</i>	302	<i>Homero cur hymnuſ in Venerem &</i>	
<i>Hepatiſ & diaphragmatiſ vulnuſ ſclo-</i>		<i>Epigrammata abjudicanda?</i>	3
<i>petariuſ abſolute lethale.</i>	73	<i>Homicidium multa punitum.</i>	312
<i>Ex Hepatiſ concuſſione morſ.</i>	302	<i>Hominiſ eſſentia in ſola anima conſi-</i>	
<i>Heptagoni regulariſ in circulo inſcri-</i>		<i>ſit.</i>	287
<i>ptio.</i>	468	<i>Homineſ magnum quid faciat?</i>	126
<i>Hergheuede quiſ inſtituerit?</i>	243	<i>Hominiuſ differentia a brutiſ in quo</i>	
<i>Hermaphrodituſ.</i>	304	<i>conſiſtat?</i>	282

Horo-

NOTABILIORUM.

Horologia solaria ope circini proportionum describenda.	202	Hyperbola ope circini proportionum describenda.	201
Horologii portatilis inventor quis?	514	Hyperbolæ num sint mendacia?	423
Horti <i>fructiferi</i> ut colendi?	289	Hypotheseos Philosophica definitio, examen, usus.	350. 351
Hospitium olim otiosis negatum.	417		tolerantia.
Hosiliani nummus.	393		351
Hottingerus notatus.	377	S. Januarii sanguinis fluxus expensus.	111
Hugeniana methodus commendata.	339		sanguis non genuinus.
Humble an autor Anglus?	552		112
Hungarici vini bonitas unde?	399	Icterus ex martialium abusu.	305
Husmanni (Franc.) paradoxa ad L. Falc. recusa.	227	Icteri ruptura in gravida.	302
Hutchinsonii principia.	287	Idea non est notio.	286
Van Huyzen (Corn.) Mennonita.	165	Idearum perceptio non est actus intellectus humani.	286
Hydatides post factum ex utero ejc.	125		origo a Lockio perperam asserita.
Hydraulicæ Systema.	290	Identitatis notio.	78
Hydraulicam quinam promoverint?	290	Ilei valvula conniventes.	302
Hydrographiæ incrementa.	237	Illuminatio explicata.	267
Hydrographiæ mappa.	194. 195. 196		quotuplex?
Hydrophobia ex tractatione pellis canis rabiosi.	303	Imaginarium Mathesti convenit.	82
	<i>absque</i> morfu animalis.	Imaginatio unde & quid sit?	284
	305		quotuplex?
In Hydrophobia fames canina salutaris.	305		in diversis diversa unde?
Hydrophobiam cur immersio in mare non semper cures?	72		ad intellectum non spectat.
Hydropicus paracenthesi diu in vita servatus.	72	Imaginationis depravata causa.	285
Hydropici sectio.	305	De Imaginatione Diff.	283
In Hydropico pericardium cartilagineum cum cordo coalito.	302	Imaginum cultus ab Inpp. gentilibus & Christianis prohibitus.	366
Hydrops pectoris ex arteria aorta ossificata.	72	Imitatio poetica quotuplex?	47
	curatus.	Immensitatis notio unde nascatur?	209
	304. 305	De Immortalitate animæ humanæ sententia.	496
Hydrostaticæ Systema.	290	Ex Impossibili num possibile colligi possit?	76
Hydrostaticam quinam promoverint?	290	Impotentia virilis a fascino.	304
Hymen,	124	Incelebris quid notet?	44
		Incendii Hafniensis descriptio.	306
		Incendio consumptus liber ineditus.	411
			Ddd d
			Incessus

INDEX RERUM.

Incessus Dei pro liberanda Eccl. Ps. LXVIII explicatus.	420	S. Irenzi vita & actio.	363
Indeterminatum quid sit?	76.77	Iris triplex observata.	64
De Indicibus iudicium Cujacii.	227	Iridis causa.	200. 201
De Indifferentismo religionum Diff. Wernsdorffii laudata.	265	Ischariota unde & quid notet?	373
Indusia linea veteribus nulla.	129	Ischiaticum malum cum carie ossium.	305
Inedia septem mensium.	302	In Ischiatico malo ulcus tibiae salutare.	305
Inertia ter accusatus infamis.	417	Ischuria ex plethora.	304
Infanticidii scrutinium.	306	Isis in Aethiopia.	180. 181
Infantis vivi linteis involuti & in aquam projecti mors.	73	Isidis cultus apud Aegyptios.	500
Infantulorum Patronus S. Theodorus.	367	Italia orientalis edita.	279
In Infarctu pectoris haemorrhoides male aperta.	71	Itineraria commendata.	236
Infinite parvum Mathematicum quid sit?	83	De Itineribus ad terras incognitas Diff.	103
Infiniti realis notio.	84	Itus in Inscript. quid notet?	446
Circa Injurias officium Christiani.	356	Judiciorum ordo Anglicus.	410. 411
Inquietorum Academia Mediol.	138	In Judiciis olim disceptandi ordo.	314
Inscriptio Romana curiosa.	68	Junii (Franc.) Index Expurg. qualis?	379
Inscriptiones Rom. in Lusitania inventae explicatae.	435	Jupiter Penninus.	368
IN SEC. quid in Sarcophagis?	180	Juramenti ratio in Anglia.	415
Instrumenta Notariorum in Anglia qualia?	415	De Juramento militari tractatio.	59. 60
Instrumentum ad inveniendas plures medias proportionales.	466	Jurandi formula apud Romanos.	57
Intellectus ut differat a sensu?	283	De Jure mellicidii leges.	312
Interna Ecclesia quid sint?	266	Jureconsulti quando Mediolani florere ceperint?	137
Intestinatorum scirrbus.	363	De Jureconsulto philologo Diff.	420
Inventio ex imaginatione.	284	De Jurejurando Romanorum liber.	55
Johnsius (Jo.) an idem qui Marqu. Gudius?	476. 477	Juris Civilis encomium.	217
Jordanes sub Pischonis nomine latet.	373	Jurisjurandi etymologia, synonymia, definitio, ritus.	56
Jornandes compilatus.	369	species diversa.	57
Josephi historici fata examinata.	127	Jus suum ut alteri tribuatur?	352
E Josephi Eveshamensis Codice epistolari excerpta.	478	Jusjurandum privatum quoduplex?	60
Jovis ad fixas accessus observationes antiquissima.	89	S. Justi vita & actio.	363
		Justi & equi fundamentum.	448. 452.
			457
		Justitia distributiva ut proportionem Geometricam observet?	352
		commutativa ut proportionem Arithmeticam observet?	352. 353
		Justitiae definitio Ulpiana vindicata & explicata.	351. 352
			univers.

NOTABILIORUM.

universalis vera notio. 352
Juvenalis emendatus. 364

In **K** *Alòs prima syllaba cur aliis corripitur, aliis producat?*

De Kerj & Gbetib. Diff. 3
A Kerffenbroch (Herm.) Narratio de obsidione Monast. 191
fata minus prospera. 317
Kircherus (Athanas.) notatus. 318
Kirchmannus refutatus. 500
552

L *litera variis modis olim expressa.* 179

L. Labieni nummus explicatus. 391
Labii infer. suggillatio singularis. 302
Lac in mammis canis non grava. 302
Lacrymæ præ gaudio effusa. 311
Lacrymalia vascula in sepulchris nulla. 552
Lactantius emendatus. 424
De Lamberto (Franc.) quadam. 288
Lambertanæ Lucubrationes. 378
A Lapide (Hippolytus) est Chemnitius. 425

Lapides in Wetteravia monte figurati. 301

Latinae voces novæ an in historia admitte? 435

Latinitas mediæ ævi multum traxit ex Arabismo. 521

Latomii (Jo.) Catalogus Archi-Episcop. Moguntin. 249

scripta. 249
mors. 249

Lez oculi quales? 372

Van Leeuwenhoek (Ant.) agonizans. 69

in signis dexterioribus in observationibus microscopici. 70

De Lege Regia observatio. 410

Leges Saxonum illustratae. 523
motus corporum elasticorum ex causa physica elateris deducta. 276

Leges emendatae & illustratae:

L. 17 C. de dignit. 62
L. 41 C. de transact. 62
L. 13 C. de testibus. 62
L. 4 ff. de stellionatu. 62
L. 21 ff. de dol. mal. 62
L. 28 §. 10 ff. de jurejur. 62
Novella 22 Cap. 44. 60
117 Cap. 2. 62
§. 11 I. de Legat. 113, 115
L. 15 I. de acquir. & omitt. her. 113

L. 3 ff. de offic. Prat. 114
L. 11 ff. de Usufr. 225
L. 2 ff. de orig. Jur. 225
L. 1 C. de veteranis. 417
Novella 80 Cap. 10. 417

Legum Anglic. dictionarium. 325

Leibnitius (G.G.) notatus. 450
laudatus. 498

Leicestrix Comitiss (Rob.) vita. 43
character. 44

Leisnicensium Comitum Genealogia. 313

Leslæi (Jo.) vita. 167
scripta. 168

Leuberi (Benj.) Catalogus Toparcharum Saxoniae Sup. 319

Monarchia Liber III promissus. 321

Lex positiva an impedire possit obligationem naturalem? 115

bona vel justa unde judicetur? 451
Regia Jac. II, 8 explicata. 488

Lexica Geographica commendata. 236

Lexicon Historicum Buddeanum notatum. 330

Biblicum. 475

Leznerus notatus. 313

INDEX RERUM

Libertatis notio Lockiana rejecta.	210	ignorantia in rebus mo-	
Libonothani quinam?	322	ralibus unde?	456.457
Licentia poetica in quo consistat?	2	doctrina superficiaria.	208
Lichtensteinensis familia Tabula Ge-		defectus acuminis Meta-	
neal.	161	physici.	208.212
Lienis & renis ruptura a casu ab alto		errorum fons & origo.	211
lethalis.	302	demonstratio Dei qualis	
tumor ingens.	303	fit?	211.212
Lienteria ex mesenterii abscessu.	303	Lockianorum de magistro prajudici-	
Lienterici sectio.	305	um.	215
Lightfooti (Jo.) Comment. in omnia		Logarithmicæ constructio organica.	
Geneseos loca.	324 sq.		202
Lindenbrochii (Frid.) quadam recu-		Logicæ probabilium ab Ontologia de-	
sa.	225	pendentia.	74
De Lingen (Herm.Ulr.) laudatus.	249	Longiana Bibliotheca S. auctior pro-	
De Lingua Deorum apud Homerum		missa.	544
Diff.	373	Longitudo maris ut invenienda?	216.
Lingux philosophica notio.	85		217
paralysis a vermibus.	304	Lonini (Jo.) Acta Ecclesiarum Polen.	
Lippiz Comites propago Schauenbur-			160
gica.	329	E Lotichii (Jo.Petri) Epistolis excer-	
Lipsiz Elogium carminice.	523	pta.	425
Lipsiense Chronicon.	242	Lucernæ Judaica.	372
Thomanum.	246	inextinguibiles an dentur?	
Liquoris in thermometro expansio qua-			445sq. 552
lis?	65	Lucernarum in templis Pontificiorum	
De Lisle (Guiljelmi) mors.	238	usus frequens.	365
mappa orbis optima.	238	Lue venerea infecti ut in fineto sint cu-	
Litis dominium Anglis receptum.	414	randi?	399
Livius explicatus.	408	Lugdunensis urbis Historia Literaria.	
illustratus.	427		361sq.
Lobkowizix familia Tabula Geneal.		Luminis heterogeneitas asserta.	199
	161	actio quasnam leges sequa-	
origo.	253	tur?	345
Lockius (Jo.) imaginationi nimis in-		theoria nova.	343.346sq.
dulget.	210	Lunx irregularitates.	520
a rerum & methodi ve-		Lusitania sacra ut conscribenda?	434
ritate alienus.	215	Lusitanix Reginarum Catalogus.	250
impugnatus.	281.285sq.	Historicorum Catalogus.	433
notatus.	201.281.456.458	Lusitanicæ Academia Historica Histo-	
non ultra sensus sapit.	210	ria.	433
Lockii (Jo.) principia moralia notata.		Lycanthropia Nebucadnezaris.	538
	235	Lyserus	

NOTABILIORUM

Lyserus (Polyc.) notatus.	237	portionalis describenda.	201
M Achinz hydraulica descripta.	292	hydrographica.	194—196
De Macrobi Christianismo suspensio Diff.	543	Mapparum Geogr. antiquitas ex Josue XVIII, 9 probata.	238
Magdeburgici Chronici Meibomiani collationes.	248	Marburgensium Theologorum vita.	17 sq.
Magellanicum fretum.	514	De Marca (Petri) Dissertatt. posthuma annum mentiuntur.	379
De Magis Judaeorum eorumque arte Diff.	372	Marchiz castella an a Druso constructa?	593
Magnetis phenomena descripta.	148	Marcilii (Theod.) Collect. & interpr. Legum XII Tab. recusa.	225
vitificati effectus.	149	Margz arsenicalis examen.	301
declinatio.	147	Circa Margarum usum cautela.	306
inclinatio.	150	Margaritarum averfatio.	304
vis attractrix.	147	De S. Maria (Franc.) notatus.	251
Magnetica virtus ferro per se inextinguens.	150	Mariz R. Scot. Historici collecti.	166
Magneticz acus variatio.	404	B. Mariz nomina Arabica explicata.	418
Magneticarum acuum declinationes observata.	508	Mariana favit Belgicis tumultibus.	52
Magneticas declinationes quinam observaverint primi?	514	Lusitanis infestus.	253
Magnitudinis terra demetienda methodus.	152	Massoni (Jo.) Epist. de infanticidio Herodis.	543
Mali notio Lockiana rejecta.	210	Maternus laudatus.	515
Malvecii (Jac.) Chron. Brixianum.	54	Mathematicz & morales veritates ut convenient?	455
Malus pomifera absque floribus.	407	Mathematicz observationes in Indiis & China facta.	87
Mammarum glandula cum tubulis unum constituunt corpus.	302	Mathematici Noriberg. laudati.	512
De Mandeville (Jo.) Observ. per Asiam & Africam facta.	104	Mathesis a Lusitanis colitur.	516
In Maniaca ovarium extraordinarium.	73	ut ad notiones communes reducat?	355
M. Manilius primum editus a Regiomontano.	513	Matheseos certitudo ab Ontologia pendet.	74
Manlius (Flagrius) praeceptor Valentini Imp.	156	Mathesin Abrahamus Egyptios docuit.	218
In Manuscriptis quae sint consideranda?	470	Maxillz inferioris arthritidis.	304
Mappz Geographica examinata.	237	Maximiani nummus explicatus.	389
Homanniana cur Belgis contempta?	553	Maximiliano I. Imp. unde nomen datum?	444
hydrographica ope circini proportionalis describenda.	201	Mechanicz linea quanam?	465
		Mechanicum & Geometricum in quo differant?	465

INDEX RERUM

Medici quando Mediolani florere ceperint?	137	Menynx dura coriacea in sen.	66
Medicina brutorum.	175	Meo dictum Italis pro Bartholomao.	394
Medicinæ encomium.	217	Merillii (Emundi) Obscur. liber recus.	227
Medicorum ærumna.	400	Messias an fuerit Ezechias Rex Judæorum?	542
De Medicis (Catharina) jura in Lusitan.	253	De Messia venturo spes olim gentium universalis.	541
Mediolanensium studia literaria antiqua & nova.	133	De Metallorum Jure Diss.	120
Mediolanum unde dictum?	135	Metallorum gravitates specificæ.	404
Medulla, Latinorum oppidum.	447	Metaphysica Wolfiana commendata.	176. 177
Medullæ spinalis defectus.	72	Metempsychosis non datur.	177
E Medullæ spinalis excresecientia paralyssis.	303	a Sadducæis recepta.	262
Melancholia ex esu columbarum.	304	Meteorologicæ Ephemerides.	155. 309
Melancholiæ phenomena.	305	observationes.	402
Melanchthonis (Phil.) falsatio Aug. Conf.	437. 438	Meteorologicarum observ. describendarum nova methodus.	402
Meleagrides an ab ave Numidia differant?	182	Meteoroscopium Ptolemæi.	515
Mellicidii juris leges.	312	Methodus demonstrandi Wolfiana.	342
Ex Mellis abusu scarabæi geniti.	305	studiorum cur non sit indifferens?	354
Melli de Castro, Orator & Poeta.	435	tangentium Cartesiana.	466
Membranz tympani tegumentum in fetibus.	302	Methodi studiorum leges generales.	354
Menckenii (Jo. Burch.) Bibliotheca distincta.	239	inveniendi omnes radices equationis.	467
sacra Carmi- na.	526	Metrica ars Græcorum illustrata.	3
Mendacia nasi, quid?	62	Microscopia Læwenhæckiana Societati Regiæ Angl. legata.	69
Mennonis Simonis vita & scripta.	163	descripta.	70
Mennonitarum origo.	163	Millius notatur.	472
doctrina.	163	Miracula gentilium qualia?	110
historia.	162	Pontificiorum unde suspensa?	111
differentia ab Anabaptistis.	163	De Miraculis Tract.	106
Menses ad abscessum umbilici ruentes hæmorrhoidum fluxu revocati.	72. 73	Misnensium jus in Styriam unde?	442
Mensium suppressio ex coalitu pudendorum.	172	Moivreï & Pembertonî litium origo.	510
via extraordinaria.	304	Monachorum industria vindicata.	7
Mentis essentia in quo consistat?	211	Monsterbergii (Jo.) Cbronicon Chemnicense.	245
		Mon-	

NOTABILIORUM.

Monstri sectio.	305	Musæum Baierianum.	306
Monstrum bicorporum.	67. 303	Musæ quædam omnes sæmella sunt.	67
De Monumentis antiquis in Lusitania conservandis mandatum Regium.	435	Musica <i>Græci</i> & Populis Orient. com- mendata.	538
Morale & naturale ut differant?	453	Musicæ status antiquus, dignitas & in- strumenta commendata.	538
Morales & Mathematica veritates ut convenient?	455	Mutinese Chron. Jo. de Bazione.	396
Moralia principia Lockii notata.	215	Mutineses Consules & Magistratus.	396
Wollestoni rejecta.	215	Muydena arx frustra tentata.	51
Moralis propositio an e meris ideis mo- ralibus concludi possit?	454	Mythicus sensus innatus ab illato discer- nendus.	492
Moralitatis demonstrationes dare Lo- ckius non potuit.	215	Ex Mytolorum venenatorum esu suffo- catio.	302
certitudo ut deprehenden- da?	458	N Abuchodanofori statua, origo reli- gionis divina.	127
Morbi epidemici.	304	Nasi mendacia quid?	62
Varavia raro grassantur.	400	Natura hominis dicta pro homine.	232
Morbus complicatissimus paucis medi- camentis sublatus.	306	Navigandi vias quinam primi exhibue- rint?	195
Morborum chronica & intricata com- plicatio.	304	De Navigatione ad terras incognitas Diff.	103
Morella (Juliana) Hispana Hebraice docta.	280	Nazaræatus Pauli expensus.	374
Morelli (Andr.) de nummis Consularibus opus promissum.	387	Neapolitanæ sæmina crudita laudata.	521
E Morelli (Andr.) specimine rei num- maria excerpta.	393	Nebucadnezaris Lycanthropia.	538
Morhofius notatus.	479	Nebula morbifera.	301
Mortis subitanæ causa.	73	Necessarii notio.	79
Morus (<i>Henr.</i>) notatus.	498	Necessitas absoluta unde oriatur?	79
Mulieris rixosa apud Saxones pœna.	325 sq.	Nerii Annales.	395
Mulierum partium genitalium consi- deratio.	124	Newtonus (Is.) notatus.	217
Mundi status præsens qualis sit?	214	quid in se improbave- rit?	339
De Munfingero (Jo.) iudicia.	328	num inventa sua senex intellexeris?	340
Muratorii (L. A.) & J. Fontanini de clavo crucis Christi liter.	54	num scripta recentio- rum legerit?	340
Muretus (M. A.) notatus.	225	ejus experimenta de co- loribus impugnata.	343
ejus scripta quedam		colorum theoria impu- gnata.	343. 344
Juridica recusa.	225	Newtoni (Is.) merita.	332. 338
Musæi Conoviani inscriptio.	504	opera.	337
		Newtoni	

INDEX RERUM

Newtoni (Is.) <i>Philosophia conspectus</i> & <i>limites</i> .	337 sq.	Codicibus qui usi sunt, Scri- ptores veteres.	471
tores.	338	Nubienſis Geographia autor.	419
	objecta.	Numidica avis in capite Iſidis.	181
	339	an differat a Melea- gride?	182
theoria vorticum erro- nea.	518	Nummaria Belgii Historia.	52
Niceronii (Jo. Fr.) vita.	132	Nummi varii explicati.	388-393
Nicolaus Nicolai, Mennoniſta.	164	bracteati Weiſſenburg.	332
Nicotianæ plantatione Angliſ interdi- ctum.	326	quando cudi ceperint in Ger- mania?	332
Nigriniani nummus explicatur.	389	De Nummis Germaniæ mediae bracte- atis & cavis Diſſ.	331 sq.
Nivis figura.	65	scripſerint?	331 sq.
Nomina a patris cognomine olim pe- tita.	394	Nummophylacium Arnſtadienſe in Gotthanum translatum.	387
ta.	394	Gotthanum illuſtratum.	385
unde orta?	521	Nymphæ extra pudendorum labia pro- pendentes.	125
post conſecrationem muta- ta.	552	In Obefitate artibua unde?	68
Nominus pro nominis.	410	In Obefo pancreas & hepar corruptum.	302
Noriberge olim libertas aſſerta.	243	Obicius (Tb.) idem qui Thomas a No- varia.	280
Noribergenſium inventa.	512	Oblatorum Congregatio Medioli.	138
Mathematici & Ar- tiſices laudati.	512 sq.	Obligatio ex teſtamento imperfecto.	115
Norici tranſdanubialis delineatio.	430	Obligationem naturalem an impedire poſſit lex poſitiva?	115
Notarius olim voce Sire compellatur.	397	Oeconis (Adolphi) nummus.	72
Notio quid ſit Lockio?	286	Octavia gens Veliterna.	448
Notiones Ontologica cur ſint directri- ces?	75	Oculi cataracta laborantis ſectio.	403.
Notionum directricium Ontologica- rum uſus.	304 sq.	fungo extirpato novus ſucere- ſcens.	72
Ontologicarum uſus in ar- te inveniendi.	305	pannus curatus.	304
A Novaria (Tb.) idem qui Thomas O- bicius.	280	ruptura cum fragore.	302
Novi Teſt. editio nova promiſſa.	469	ex draſtico.	305
ut inſtituenda?	473	Lee quales?	372
Codices enarrati.	470	De Oda ſingularia.	48
verſiones.	471. 472	Odontalgia magica curata.	304
		Oc	

NOTABILIORUM.

Oe aut Oi pro <i>U</i> olim scriptum.	410	Ottonis III Imp. de otiosis decretum.	417
Olei vitrioli gravitas specifica.	402	Ottonem III Imp. inter & Precislauum	
Omentum ingens.	403	Bob. reconciliationis pacta.	318
Onaniticum crimen.	472	Ovalium Cartesii descriptio.	466
Ontologia naturalis quanam?	75	figurarum in dioptrica usus	
artificialis quanam?	75	exiguus.	466
Ontologiae necessitas & usus.	74	Ovarii hydrops.	303
usus haecenus non animad-		hydropse denata sectio.	305
versus.	355. 356	Ovarium singulare in maniaa.	73
Ontologiam ut emendaverit Wolfius?	75		
Opium nec expectorationem nec alvi		In P ace requiescere quid sit?	180
fluxum sistens.	306	De l'agan methodus fortificatio-	
Oppia gens Coranorum.	448	ria.	516
Optica promota.	196 sq.	Palatinatu non unice connexus olim	
In Orationem Domin. Scholia.	485	fuit Electoratus.	430
Ordinis notio.	81	Palatini Comitis titulus titulo Ducis	
<i>S.</i> Orestis unde confectus?	367	Bav. olim propositus.	10
Origenes vindicatus.	484	Pallavicini (Sfortia) liber de Stylo	
notatus.	491	laudatus.	521
<i>S.</i> Biblia e versione Theodo-		Palpebrae tumor absque sectione cura-	
tionis legi curavit.	539	tus.	304
Oris & pudendorum labiorum consen-		Palpitatio cordis unde?	302
sus.	125	Palus carni Pauli datus quid?	372
In Orthopnoea pericardium sanguine		Pancreas corruptus in obeso.	302
distentum cum corde arroso.	302	Pantoje de Ajola (Petri) Comm. in tit.	
Oryctographia <i>Norica</i> .	306	de aleatoribus recusur.	227
Os clausum & concretum in infante.	303	Papiae nomen cur Ticino datum?	93
Osiridis culeas apud Aegyptios.	500	Papillonii (Tb.) Jcti Tractatus recu-	
Offet oppidum quodnam?	391	si.	226
Othonis (Jo.) Catalogus Episcop. Bre-		Papismus cum Paganismo comparatus.	364
mensium.	312	stili.	424 sq.
Otium legibus frenatum.	416 sq.	Parabola ope circini proportionum. de-	
<i>Ottius</i> (Jo. Bapt.) supellectilem num-		scribenda.	201
ariam Uffenbachianam sibi com-		Paracenthesis hydropicum diu in vita	
paravit.	239	servans.	72
Otto Frising. notatus.	7. 429	Parallaxis fixarum ut observanda?	299
Ottocarus primus Dux Styriae a Bava-		quanta sit?	310
ria Clientela exemptus.	441	Parallaxes Cometarum quis primus ob-	
Ottonis (Everh.) de perjurio per geni-		servaverit?	514
um Principis Diss. laudata.	63	Parallaxium fixarum theoria accur-	
		ta.	293 sq.

Ecc e

Para-

INDEX RERUM

Paralyſis ex medulla ſpinalis excreſcentia.	303	Petechiz epidemica.	308
lingua a vermibus.	304	Petrefacta in <i>Viſtula</i> littore reperitur.	399
Parotides exulcerata.	303	Petrus Petri Mennonita.	165
Parthorum Regum hiſtoria.	501	Peutingeriana tabula ubi nunc ſervetur?	238
Particulæ Græcæ expletivæ an revera aliquid ſignificent?	2	Pfalz unde dictum?	524
SS. Patres cur ab Angliſ magno in honore habeantur?	490	Phariſaica ſectâ quando orta?	371
SS. Patrum ſcripta quinam corrumperint?	439	Pharmacopœa Collegii Medicorum Edinburg.	384
S. Pauli Nazareatus expenſus.	374	Pharnacis nummus illustratus.	388
carni palus datus quid?	372	Phile (Emanuel) quando vixerit?	277
Pauli (Marci) Iter in Aſiam & Africam.	104	Philips (Didericus) Coccejanizans.	164
A pedum callo ſatyriaſis epileptica inſantis.	304	(Mergan.) eſt Jo. Leſlaus.	168
Pegavienſis Chronici continuatio.	245	Philophi Peripatetici.	220
Peliſſonii (Pauli) vita.	358/4.	<i>eccleſiæ</i> .	220
Pelle belluæ teſta capita militum.	184	Chymici.	220
Pemberton cum Moivreao litium origo.	510	Mathematici.	220
obſcuritas notata.	510	Epicurei recentiores.	221
ſimplicitas.	511	Carteſiani.	221
Penis anatomicæ.	66	Mechanici.	221
<i>hamorrhagia</i> .	69	Philophia ut ad notionem communes reducatur?	355-356
magnus impedit coitum.	171	de Poeſi.	46
Penninus Jupiter.	368	barbarica & Græcæ.	219
Perceptio an ſit actus intellectus?	281	Romana.	219
brutorum qualis?	282	Newtonia vide Newton.	
Perfectionis notio.	82	Philophiz inventores quinam?	218
Pericardium cartilagineum cum corde coalito in hydropico.	302	prima utilitas.	74
Perjuri pena.	61	emendatio cur neceſſaria?	74
Perjurium, delictum mendacio gravius.	56	Philophiam Wolfianam quinam magni faciant?	86
Petronii Card. ultima verba.	328	Pro Phimoſi curanda inſtrumentum.	306
Persarum mores explicati.	308	Phintztageſt dies Jovis.	368
Perſici Imperii Tabula Geogr.	308	Phthiriſis inſolita.	304
In Perſi vitam veterem Diſſ.	288	Phthiſici ſectio.	305
		In Phthiſici thorace abſceſſus ſanatus.	302
		Phyſicæ	

NOTABILIORUM.

Physicæ observationes in Indiis & China factæ.	87	De Poeticis vocabulis & periodis singularia.	47
De Picinelli (Phil.) Athenæo Mediol. judicium.	134	Poeticum & Oratorium ingenium unde?	285
Pigritia legibus frenata.	416 /q.	Poggii Bracciolini vita & scripta.	547 /q.
Pisana monumenta.	397. 398	Libri de varietate Fortunæ historia.	548 /q.
ara qualis?	398	Pollicis pedis sphacelati amputatio fatalis.	72
Pisces combati cujus sint sexus?	67	In Polonia scorbutus non est endemicus.	400
Sub Pischonis nomine latet Jordanes.	373	basiliscus non datur.	399
Pithœus (Franc.) laudatus & notatus.	225	Polonorum hospitalitas laudata.	399
Pithœi (Petri) testamentum.	130	Chronica edita.	159
Placitum unde dictum?	524	humanitas laudata.	399
De Plan-Carpin (Jo.) Iter ad Tartaros.	103	A Polypo cordis mors.	303
Plantæ Voigtlandiæ variores.	301	Polypi bnt in corde.	303
Varfavienses.	400	Polyporæ concretiones sanguinis.	302
Plantis num perceptio tribuenda?	217	Pomi fructus sine floribus.	407
Plato an legerit S. Scripturam?	265	Ex Pomorum succo potus Cyder.	290
Plauti editiones imperfectæ.	428	De Pontificis Rom. electione Caesarum.	11
Index novus.	428	que circa eam jure Diff.	11
Plantillæ nummus explicatus.	393	Portus Regii in Jamaica longitudo.	64
Plenum Cartesianum rejectum.	210	Postelli (Guil.) Apologia pro Serveto inedita.	21
Plethi & Crethi quinam?	372	Potentia algebraica ordinario lineas simplices denotant.	465
Plicæ Polonica theoria.	399	Potentiarum procreatio facilis.	342
definitio.	400	A Potu frigida post cibum noxa sublata.	405
autores Tartari.	400	De Prados, familie, origo.	253
Plinii Jun. erga Mediolanenses munificentia.	135	Prædicata in propositionibus unde determinentur?	77
Pluvialis aqua quantitas.	66	Præjurare quid?	58
Ex Podagræ tumore evanescente apbonia &c.	305	Prætorii (Laur.) fata adversa.	504
De Poelde (Jo.) Chron. Hamelense.	313	Prateji (Pard.) Jurisprudentia vetus &c. recusa.	226
Poeseos origo & incrementa.	46	Preces cum piis conjungunt angeli in hac vita.	484
De Poesi philosophia.	46	Preces primarias faciendi jus quibus concessum?	321
Poetæ character.	46 /q.		an competat
Laureato diploma datum.	321		
Græci & Germanis.	478		
Poetarum veterum finis.	46		
Poetica licentia in quo consistat?	2		
Poetices Critica vernacula tentamen.	45 /q.		

INDEX R E R U M

<i>petat Augustabus?</i>	321	<i>muliebrum structura</i>	
Presbyteri quando uxores habere de-		<i>praternaturalis.</i>	406
<i>fierint?</i>	319	Puerpera in diarrhœa cum febre catar-	
Primatus quid involvat Fulda?	100	<i>rhal venesectionem impune ferens.</i>	72
De Principe Protestante Diss.	16	Pulmones pleura undique adnati.	303
Principia Euclidis qualia?	74	Pulmonum vomica.	303
<i>prima omnis cognitionis.</i>	74	Palvæi (Adr.) liber ad leg. Atiniam &c.	
<i>Mathematicorum clarius e-</i>		<i>recusus.</i>	225
<i>voluta.</i>	80	<i>odium in Cujacium.</i>	225
<i>moralia Lockii & Wollesteni</i>		Purgantium repetitorum <i>noxa.</i>	305
<i>notata.</i>	215	<i>abusu hectica & mori.</i>	305
<i>duo, Chaldaeorum & Mago-</i>		Purpuræ variæ successiones.	305
<i>rum.</i>	262	Putatio arborum ut instituenda?	289
Principiorum contradictionis & ra-		Puteal quid?	62. 63
<i>tionis sufficientis usus in notione en-</i>		De Puteani (Erycii) libro <i>de Rhetoribus</i>	
<i>tis evolvenda.</i>	76	<i>& scholis Mediol. judicium.</i>	134
Prismatis colores explicati.	200	E Pyrmontanis <i>aquis</i> calculi mictus	
Probabile in Poesi quid?	47	<i>cruentus & vesica vulnus.</i>	66
Probationes equivoca, nullius momen-			
<i>ti.</i>	109		
Problemata trigonometrica ops circini		Qualitas quid sit?	81
<i>proportionum resolvenda.</i>	202	Quedlinburgense Chronicon.	245
<i>Algebraica ut resolvenda?</i>	216	Querela in jure Anglico quid?	413
<i>solida cur construi nequeant</i>			
<i>sine sectionibus comicis.</i>	418	R Abbinicum studium vindicatum.	
Problematis Pappi solutio Cartesiana.	465	Rabuel (Claudii) mors.	373
Procurator quando alium substituere		<i>scripta nondum edita.</i>	463
<i>possit?</i>	414	Ad Rachelii (Sam.) vitam appendix.	463
Profodia Græca illustrata.	432		424
In Proverbiis Salomonis tractatur E-		Rachitis est morbus diuturnus, non ta-	
<i>tbica.</i>	318	<i>men hereditarius.</i>	71
Prudentia politica circa hypotheses		Radice quadrata extractio est species	
<i>philosophicas.</i>	351	<i>divisionis.</i>	464
Psalmus LX, crux <i>ingeniorum</i> , expli-		Radices æquationis omnes inveniendi	
<i>catur.</i>	420	<i>methodi.</i>	467
Ptolemæi Geographia ex ed. <i>Serveti.</i>	21	Radii intus a gutta reflexi dispersi.	34
<i>Meteoroscopium.</i>	515	Radiorum pertenuis lamellas trans-	
Ptyalismus gravidarum.	304	<i>euntium phenomena.</i>	210
Publicia, gens <i>Coranorum.</i>	448	Ramsesæ situs verus in <i>tabula.</i>	374
Pudendorum labiorum & oris consen-		Ranzoviorum origo a Comitibus Leis-	
<i>sus.</i>	225	<i>nic.</i>	313
			Raph-

NOTABILIORUM.

Raphson (Jo.) notatus.	498	Resistentia solidorum experimentis confirmata.	155
Rapicii (Andr.) Historia carminice.	369	Resistentiæ solidorum ad examen revocata Historia.	153 sq.
Ratio quid sit?	454	Resurrectio a Sadduceis negata.	262
brutis tributa.	175. 301	Rhodonæ quales curvæ?	67
sufficiens a Cartesio in Philosophiam <u>introducenda.</u>	76	Ribovii (Ge. Henr.) in <u>Philosophia</u> Wolfiana profectus.	175
num necessitatem rebus afferat?	79. 80	Richardi II R. Angl. Historia.	477
Rationis sufficientis principium oppugnatum.	450	Riedlini (Viti) vita.	306
a determinante differentia?	77	Riesli (Jo.) Mennonita, vita & <u>scripta.</u>	164
Ad Rationem sufficientem ut Leibniti- us pervenerit?	76	Rittneri (Andr.) vita.	503
Reales notiones Philosophia conveniunt.	82	Hist. Tangermundensis qualis?	503
Reformatio Lutheri Ps. LXVIII prædicta.	422	Rohtianum Chron. Thur. continuatum.	314. 315
Refractionis canones Bernoulliani impugnati.	343	Romana historia pragmatice tractata.	228
Refractiones siderum Horizont. vicinorum quinam observarint primi?	514	Romuli <u>apothecis.</u>	551
Refractionum leges investigatae.	197. 198	Rorarii (Hier.) vita.	174
Reges Orientis sæpe nomen mutarunt.	537	Rossi (Rich.) Historia Richardi Com. <u>Warwic.</u>	478
Regum axioma cur Duces donati a librariis?	397	Rostrati calcei usus apud veteres Germanos.	185
Regii (Urbani) gesta & scripta.	528	Concilii decreto prohibitus.	185
Regiomontani (Jo.) elogium.	513	Rubigo sanitati noxia.	301
Regula quid sit?	81	De Rubruquis (Wilb.) Iter in Tartariam.	104
Relationis notio.	84	Rudigerus (Andr.) notatus.	498
Religio an cogenda?	268	<u>Rudolphi Habsb.</u> Imp. facete dictum.	531
Remphah, Deus Egypt. descriptus.	498 sq.	Rufus Ciceronis Allobrogis elogio mæstatur.	364
Renis ruptura a casu ab alto lethalis.	302	S. Rupertus Ep. Salisb. quando mortuus?	6
Renum succenturiatorum usus.	407	S abinæ vis emmenagoga.	306
ductus excretorii novi.	407	esui an abortus <u>procuratus?</u>	306
De Repkau (Epkonis) Chron. Magd.	247	De Sacerdote Judæorum castrensi Diss.	373
atas.	247. 248		Sacra-

INDEX RERUM

Sacramentum ut differat a juramento?	59 sq.	Saxonum leges veteres illustratae.	523
Salacitas singularis.	304	Scabies vino Hispanico curata.	304
Salis Epsomienſis preparatio.	67	in podagra ſalutaris.	305
cathartici amari deſcriptio.	67	Scarabæus galeatus, pulſator dictus.	406
Salisburg. Univerſitatis hiſtoria.	94 ſq.	Scelera horrenda pecunia luunt Pontificii.	437 ſq.
Salivæ color inſolitus.	403	Schabælie (Jo. Phil.) Mennonita.	165
Salivatio inexpectata & funeſta.	305	Schauenburgicæ origines.	329
<u>Salium</u> mediocrium præparatio ſine acido viſibili.	302	hiſtoria Scriptores.	329
Salomonis ſera quid?	515	primitia.	330
Samaritanorum fides in Meſſiam eviſta.	543	Schematis vaticiniorum Autor reſutatus.	534 ſq.
A Sambuco abhorreſcentia.	304	Schenckii (Matthia) vita.	288
Sammarthanorum dies & anni emortuales.	546	ad ejus vitam	
Sanctius II R. Luſ. cur Capellus dictus?	242	analeſta.	329
<u>Sanctos</u> ſepeliendi ritus apud veteres.	93	Schlegelii (Chriſt.) conatus.	386
Sandovalus reſutatus.	251	Scholæ monaſteriales Ordinis Benedictini in Germania.	94
Sandro Italici olim dictum pro Alexandro.	394	Tiberienſis ſinis.	542
Sanguis per penem fluens.	69	Scholæſtica inſtitutio qualis eſſe debeat?	129
S. Januarii num verus?	112	Schootenii in Carteſii Geometriam Commentarii quales?	463
Sanguinis globuli examinati.	67. 69	Schurzſleiſchius (C. S.) notatur.	185
fluxus per inſolitas vias.	304	Schwarzii (Chriſt. Gottlieb) merita in P. Albinum.	314
circulatio Serveto ante Harvæum cognita.	21	elogium.	480
Sanſogia Italici, quod nobis Saxonia.	395	Schyn (Herm.) ſcripta.	166
Sariſburienſis Eccl. rituale.	379	Scientiæ a notiitiis vulgi ortum trahunt.	176
<u>Satellites</u> Jovis in Jove viſi.	68	Sclopeti lardo & cannabi inſarcti vulnus lethale.	305
Saturni umbra obſervata.	68	Scorbutici ſectio.	305
Satyriaciſ epileptica infantis a callo pedum.	304	Scorbuticus draſticis occiſus.	305
De Satyris ſingularia.	48	Scorbutus in Polonia non eſt endemiſ.	400
Saxonia Italici olim dicta Sanſogia	395	In Scorbutico ulcera ſinuofa.	303
Saxonici Scriptores in lucem editi.	241 ſq.	Scoticarum vocum veterum Index.	168
		Scribz in N. T. fuere Karai.	262
		Scripturæ	

NOTABILIORUM

Scripturæ *S. loca explicata aut illustrata:*

<i>Genes. I, 1, 7, 20, 26.</i>	187
<i>III, 3, 8, 14, 21, 22.</i>	187
<i>IV, 1, 7, 13, 15, 23.</i>	188
<i>V, 29.</i>	188
<i>IX, 25.</i>	188
<i>X, 14.</i>	188
<i>XIV, 24.</i>	188
<i>XV, 13.</i>	188
<i>XVIII, 10.</i>	188
<i>XIX, 26.</i>	189
<i>XX, 16.</i>	189
<i>XXII, 4.</i>	189
<i>XXIII, 18.</i>	189
<i>XXIV, 63, 64.</i>	189
<i>XXVIII, 21.</i>	189
<i>XXIX, 16.</i>	372
<i>XXXIII, 10, 11.</i>	371
<i>XLIV, 5.</i>	189
<i>XLVII, 31.</i>	189
<i>XLIX, 3, 4.</i>	189
<i>10.</i>	486
<i>18, 19, 22, 24.</i>	190
<i>Exod. II, 10.</i>	190
<i>III, 6, 16.</i>	263 f. q.
<i>XVII, 8 f. q.</i>	373
<i>XX, 3.</i>	190
<i>XXI, 8.</i>	190
<i>21, 25.</i>	356
<i>XIV, 5.</i>	374
<i>XXXII, 24.</i>	190
<i>Levit. XXIV, 20, 34.</i>	356
<i>Deut. XIII, 1-5.</i>	110
<i>Jos. XVIII, 9.</i>	238
<i>1 Sam. XXVIII.</i>	110
<i>1 Reg. I, 9.</i>	484
<i>XIX, 6.</i>	186
<i>Job. XXXI, 26, 27, 28.</i>	447
<i>Psal. LXV, 12.</i>	488
<i>LXVIII.</i>	420
<i>23, 28.</i>	420 f. q.
<i>CXVIII, 27.</i>	373

<i>CXXXII, 16.</i>	489
<i>Prov. XXII, 6.</i>	487
<i>Cobel. XLIII, 25.</i>	488
<i>Cant. VIII, 6.</i>	488
<i>Jes. VIII, 16, 20.</i>	192
<i>LIII, 8, 9.</i>	507
<i>LXV, 11.</i>	373
<i>Jer. XXII, 10, 12, 14, 44.</i>	192
<i>Hos. I, 2.</i>	373
<i>III, 1-4.</i>	373
<i>IX, 8.</i>	373
<i>XI, 5, 6, 7.</i>	374
<i>XII, 4, 5.</i>	374
<i>Amos V, 25, 26.</i>	499
<i>Matth. I, 19.</i>	487
<i>V, 5.</i>	424
<i>39.</i>	356
<i>VI, 12.</i>	484
<i>XII, 27.</i>	110
<i>XXII, 23-33.</i>	261 f. q.
<i>XXIV, 24.</i>	110
<i>XXVI, 23.</i>	374
<i>Luc. XIX, 11.</i>	373
<i>Act. II, 3.</i>	372
<i>III, 3.</i>	372
<i>VIII, 32, 33.</i>	507
<i>XIII, 8.</i>	372
<i>XXI, 23.</i>	374
<i>Rom. IV, 13.</i>	424
<i>V, 2.</i>	2
<i>1 Cor. XI, 4.</i>	373
<i>XV, 32.</i>	373
<i>2 Cor. III, 14, 15.</i>	373
<i>Gal. IV, 19.</i>	259
<i>Ephes. II, 7.</i>	484
<i>8, 9.</i>	267
<i>11, 12.</i>	488
<i>IV, 7 f. q.</i>	420 f. q.
<i>1 Tim. III, 16.</i>	425
<i>Tit. I, 16.</i>	373
<i>2 Petr. I, 19.</i>	267, 272
<i>20, 21.</i>	272
<i>1 Joh. V, 7.</i>	470
<i>Hebr.</i>	

INDEX RERUM

<i>Hebr. VII, 27.</i>	372	<i>Si particula num locum habeat in admiratione?</i>	310
<i>XI, 37.</i>	486	<i>Sibyllarum Historia promissa.</i>	544
<i>Jacob. II, 8.</i>	488	<i>Siccama (Sibrandus) notatus.</i>	525
<i>Juda, 13.</i>	487	<i>De Sicilia Monarchia scripta amabea.</i>	288
<i>Apoc. X, 4.</i>	192		
<i>XII.</i>	250	<i>Sidonius, vide Apollinaris.</i>	
<i>XVII, 9.</i>	373	<i>Sigæa (Aloisia) Hebraice docta.</i>	280
<i>Scrutinium petere quid sit Anglis?</i>	414	<i>Sigillum Academiae Hist. Lufit.</i>	434
<i>Sela quid sit?</i>	426		436
<i>Semicirculus pane verticalis vento conflatus.</i>	533	<i>De Sigillo mystico Diff.</i>	488
<i>Senatuos olim scriptum pro Senatus.</i>	410	<i>Sigismundi Imp. diplomata.</i>	321
<i>Senckenbergii (Henr. <u>Cbrist.</u>) merita & promissa.</i>	533	<i>Sigismundus D. Sax. cur a fratribus captus?</i>	242
<i>Senecæ vita.</i>	219	<i>Signi notio.</i>	85
<i>Senense Chronicon.</i>	394	<i>Signini descriptio.</i>	448
<i>Senio pauci moriuntur.</i>	71	<i>Silesiarum diplomatarium.</i>	161
<i>Senis decrepiti anatome.</i>	66	<i>Silesiorum Chronica nuper edita.</i>	159
<i>Ex Sennæ foliorum decocto diarrhæa.</i>	77	<i>Scriptores incliti.</i>	158
<i>Sensus ad intellectum non spectat.</i>	282	<i>Silius Italicus vindicatus.</i>	445
<i>definitio.</i>	282	<i>Silluc quid sit?</i>	506
<i>ut differat ab intellectu?</i>	283	<i>Similium distinguendorum modi diversi.</i>	78
<i>an intelligant?</i>	283	<i>Simon (Rich.) notatus.</i>	542
<i>moralis quid sit? 449. 452. 454.</i>	456	<i>Simonis (Menno) vide Menno.</i>	
<i>an detur? 454. 459</i>	456	<i>Sinenfium Philosophia.</i>	219
<i>Sera Salomonis quid?</i>	515	<i>Sinistræ locus olim honoratior dextra.</i>	185
<i>De Serenissimi titulo Diff.</i>	426	<i>Sire titulus olim Notariis proprius.</i>	397
<i>Serierum doctrina Newtoniana examinata.</i>	217	<i>Snellius qua methodo in dimetienda magnitudine telluris usus?</i>	152
<i>Serpentis genus terribilissimum.</i>	65		153
<i>Serveti (Mich.) vita.</i>	19 sq.	<i>Socratis religio cum religione Christiana comparata.</i>	327
<i>In Servos quam potestatem habuerint Judæi primis Ecclesiæ seculis?</i>	435	<i>sententia de colenda virtute.</i>	
<i>Sfondrati (Cælestini) applausus.</i>	96	<i>Solani furiosi noxa.</i>	383
<i>De Shafisbury Comes refutatus.</i>	381	<i>Solida problemata cur construi nequeant sine sectionibus conicis?</i>	464
<i>ejus odium in clerum.</i>	381		

Soli-

NOTABILIORUM

Soliditatis idea examinata.	201. 202	Statura insolita pueri.	302
Solidorum resistentia.	153	bominis mane & vespere diver-	
corporum coherencia.	153	sa.	404
Solis eclipsis d. 15 Jul. 1730.	404	Stegmanni (Josua) elogium.	330
Conf. Eclipsis.		Stellæ (Erasmii) de origine Misnensium	
cultus olim qualis?	447	liber.	321
Solem notat Remphab apud Ægyptios.	500	conditio.	322
Somnus ut concilietur astaco fluvia-		Stellarum aberrationes novæ observa-	
tili?	301	tæ.	290
Sophisma Newtonianum in demon-		Stephani (R.) N. T. editio examinata.	
stranda vorticum impossibilitate.	517		473
	518	Sterilitas a præmatura febris suppres-	
Spalatinus (Ge.) præceptor Ernesti D.		sione curata.	304
Brunsi.	527	Sterilitatis ab ulcere pedis per salivatio-	
Spanheimius (Ezech.) notatus.	390	nem curatio.	304
Spasmus lumborum biennalis.	302	Sternum osseum in senæ.	66
Spatii erronea idea.	209	cariosum in scorbutico.	302
Specierum notio explicata.	78	Sternutatio ex vapore calcis vivæ.	303
Speculi Saxon. Juris Feudalis &		salutaris.	305
Weichbildici nova editio promissa.	524	Stili Papismus.	424/4.
	524	Stoici refutati.	452
Speculorum vitreorum vis attractiva.	152	Stranguria gravidarum.	303
Spilkeri addita ad Chron. Hamel.	313	Strumæ per Mercurium curata.	304
Ex Spinæ dorsi fractura paralytis par-		Struvii (B.G.) Sueviæ antiqua notitia.	
tium inferiorum.	302		530
Spiritus vini gravitas specifica.	402	Synodus Francica.	530
nitri gravitas specifica.	402	Stüler vide Stella.	
Squillæ omnes femellæ sunt.	67	Stupratio in somno.	171
Staffordi (Hug.) Epistola de potu exsuc-		Styria num Leopoldo Austriaco vendi-	
co pomorum parato, vulgo Cyder.	290	ta?	441
	290	Styræ divisio.	440
Stanfordiæ Annales antiquarii.	254	fertilitas.	440
Academia impugnata.	256	Capitaneus.	440
	54.	historia.	441/4.
Stapedum usus apud veteres nullus.	129	Substantiæ notio.	83
Statii Thebæis Etrusco carmine expres-		Lockiana rejecta.	211
sa.	394	Succi nutritii motus in plantis.	405
Statua Bacchi S. Agneti dedicata.	366	Sudatoriæ cavernæ ludorum.	405
Statuæ Sanctorum paganis surrogata.	366	Sudor colliquativus insolitus.	303
	366	Ex Sudore suppresso diarrhæa.	305
aurea consecratis posita.	552	A Suerin (Henr.) Lectiones repetitæ	
		Juris Civ. recusa.	224
		Quæstiones de usu-	
		fructu	

INDEX RERUM

<i>fructu accrescendo recusa.</i>	225	Telescopiorum perfectioni quid ob-	
Suevi veteris habitus.	184	stet?	198
an cadavera cremaverint?	185	Tempestatum praescientia in brutis.	176
laudati.	479	Templa Diis paganorum sacra dedi-	
Sueviae antiqua notitia.	539	cata Sanctis Pontificiorum.	366
Suggillatio labii singularis.	302	Tempora Graecorum illustrata.	2
Superfoetatio abortiva.	303	Terra cretacea Bedfordiensis.	69
falso pratenfa.	306	Terrae cretaceae strata in Anglia.	69
Surditas imprægnationis tempore.	302	motus Trinacriensis.	406
Sylvii (Æn.) Hist. Gothica brevi bis		Historia.	301
edita.	369sq.	magnitudinis metienda metho-	
De Sylvio (Ænea) lauro donato diplo-		mus.	152
ma.	321	<i>Tessinensis Lotharingica</i> domus Tabb.	
Syncope ex vermibus.	303	Geneal.	161
<i>Systematis</i> veri nominis necessitas.	354	Ex Testamento imperfecto obligatio	
		qualis?	115
Ex T abaci pulvere apoplexia.	303	Testes quales <i>admittant</i> Angli?	414
Tabaritzæ Annales Turcici.	375	Testium vaticorum allocatio apud	
In Tabernaculorum festo ritus Bac-		Anglos quid sit?	414
chici hodie solennes.	371	Testiculus scirrhusus curatus.	304
Tabula <i>rasa</i> Aristotelis explosa.	201	Teuranus ager est Strabonis regio Tau-	
Tabulae votivæ e gentilismo ad Ponti-		riana.	410
ficios traductæ.	365	S. Theodorus, infantium patronus.	366
Tangentium methodus Cartesiana.	466	Theologi officium in refutandis he-	
Tangermundenses Antiquitates.	502	reticis.	261sq.
Tangra fluvius.	503	Theologia naturalis Cartesi ad exa-	
Tantalus Heronis explicatus.	405	men revocata.	211
Tartari plice Polonica autores.	400	S. Theophilus utrum a Judæis an a	
De Tartaris scripta varia.	104	gentilibus ortus?	324
Taurelli (Lalii) quedam <i>recusa</i> .	227	Theresia, Henrici Lusit. uxor, defensa.	
Tauriana regio Strabonis est ager Teu-			251
ranus.	410	ejus nuptiæ secundæ destru-	
Taxarum Camera Apostol. editio ma-		ctæ.	251
xime integra.	437	Thermarum Badensium consideratio.	
			306
detestanda.	437	Thermometrorum descriptio.	404
Teate urbs, carmine celebrata.	520	Thermometri divisio.	65
urbis historici.	521	Thermometro-barometrum.	406
Telescopium catadioptricum singu-		In Thermometro liquoris expansio	
lare.	65. 66	calori est proportionalis.	65
Hedlejanum.	67	S. Thomæ dogmata sola in Academia	
		Salis-	

NOTABILIORUM.

<i>Salisburg. recepta.</i>	94	<i>Ex Tumore clavicula cancer letalis.</i>	306
Thomani Chronici Lipsiensis loca re-	248	Turæ (Angeli) Continuatio Chronici	394
stituta.		Senensis.	375
Thomasi (Gottfridi) Nummophylaci-	392	Turcarum studia.	375
um laudatum.		<i>varia curiosa explicata.</i>	375
Thor, Deus qualis olim Germanis?	185	Turcica Grammatica nova.	376
Thoracis vulnus cum ulcere maligno	72	Turcicæ aula Ministrorum tituli ex-	375
curatum.		<i>plicati.</i>	375
In Thoracis vulneribus profundis can-		Turcicum Lexicon novum.	374
dela adhibita non semper alteratur.	72	Tussis ex pedum lotionē.	302
De Thuani (J. A.) Historia varia.	550	Twiskius (Jo.) Mennonita polygra-	165
E Thurmii (Jo. Jac.) Itinerario litte-	328	<i>phus.</i>	
rario excerpta.		Typographia Cpli instituta.	374
Tiberiensis scholæ finis.	542	<i>quando primum introdu-</i>	
Ticinum cur dictum Papiæ?	93	<i>cta Mediolani?</i>	137
Tituli ejusdem libri mutati.	313	<i>Cominiana Patavii lau-</i>	
Toger (Frid.) Mennonita.	165	<i>data.</i>	427
Toland (Jo.) notatus.	264	Typographiæ Mediol. Historia pro-	134
Torquati (Ge.) Series AEpsc. Magdeb.	248	<i>missa.</i>	476
Tortura Medica.	461	Tyrrellus (Jac.) castigatus.	
<i>an in loco frigido fiat?</i>	461	V acuum ab Anglis perperam proba-	217
Torturæ apta <i>subiecta.</i>	459	<i>tum.</i>	
<i>an adsit Medicus?</i>	461	In Vacuo aquæ congelatio.	404
Tractoriæ constructio organica.	202	Vaillantius (Jo. Foy) laudatus.	502
<i>historia.</i>	202	Varenii Geographia laudata.	236
Transubstantiationem monstrum di-		Varillatius (Ant.) an fide dignus?	130
xit Card. Perronius.	378	<i>notatus.</i>	548
Tremor artuum a vermibus.	303	Variolæ a cane per contagium contra-	
Tribalismus.	124	<i>cta.</i>	304
Tridentini Concilii editiones valde di-	438	<i>anatome.</i>	303
screpant.		<i>verrucosæ.</i>	304
Tritheismus <i>Christianis</i> impactus.	418	Variolarum & purpuræ complicatio.	304
Triumviri capitales & nocturni id-	419	<i>vicaria pustula genæ.</i>	305
em.		<i>inoculationis effectus se-</i>	
Tryvylani Carmen de laudibus Oxo-	478	<i>lix.</i>	403
nia.		<i>effectus</i>	
Tubi optici Freisingæ optimi.	11	<i>dubius est.</i>	71
Tuborum capillarium phenomena.	151	Post Variolas sudor singularis.	305
		<i>Fff f a</i>	vermis

INDEX RERUM

<i>vermis ex oculo.</i>	305	S. Viar unde conflatus?	367
In Variolis cum febre intermittente male vena secta.	92	Victimæ cornua inaurandi ritus apud veteres.	371
Vasorum rupturæ colicam mentientis.	72	De Villa (Antonii) methodus fortificandi.	58
Vasquesii scripta quinam corruerint?	439	Villanii (Matthæi & Phil.) Historia.	53
Vegetabilium in vegetabili germinatione.	301	Vini Hungarici bonitas.	399
In Vegetabilibus motus succi nutritii.	405	In Vini facibus globuli.	69
Velii (Casp. Ursini) acerba fata.	479	De Viperae morsa observationes.	65
De Veliternis memorabilia.	445 sq.	Viperinum vinum confortans.	170
Ex Venæsectionis abusu amaroque & convulsio.	306	De Viperti Grotscenfi dignitatibus & possessionibus Diss. nova.	314
In Venenorum emptione cautela.	301	Virgilius Maro ubi studiorum tyrocinia posuerit?	135
Verburgius (Is.) notatus.	331. 335	cum Nic. Heinssii nostri promissus.	249
Veritatis transcendentalis notio.	32	Virgo sacrata Deo quam?	180
& opinionis prerogativa.	114	Virgines velandi & consecrandi mos.	180
Vermis post variolas ex oculo.	305	Viridarium Warsaviense.	401
A Vermibus tremor artuum.	303	Virium vitæ ratio.	65
lingua paralytis.	304	Virorum salacitas, castitas & pudicitia.	471
syncope.	303	Virtus moralis an cadat in bruta?	451
apnoea & diarrhoea cruenta.	303	an pendeat ab effectibus?	451
S. Veronica unde conflata?	367	unde oriatur?	452
Veterbarum collis caries.	303	Virtutis nomen quid sit?	382
Vesicæ calculum cognoscendi difficultas.	303	moralis pulchritudo & excellentia.	380
Ex Vesicæ hæmorrhoidilibus missus cruentus.	303	natura an arbitraria?	442
Ex Vesicatoriorum abusu crus rigidum.	306	Virtutem an comitentur præmia?	382
Vespæ, earumque sexus.	405	Vis magnetica ferro pro se inexistentem.	150
Vesperarum nilus admirandus.	302	attractione magnetis phenomena.	148 sq.
Vespasiani Imp. curæ mirifica unde?	111	quid sit Ciceroni?	232
Vestitus veterum German. illustratus.	184	hominis pro homine.	232
In Vet. Test. Libros Comment. promissus.	260	pro hominibus viventibus.	235
Ab Uffenbach (Zach. Conr.) Bibliotheca distracta.	238		

Vifus

NOTABILIORUM.

Vifus duplicatur.	302	Ab Uteri prolapsu impeditus coitur.	
bebrior ophtalmia curatur.	305	Uterus gravidarum incrassatur.	171
obfectorum partialis.	406	Ulagatus Anglis eſt excommunicatus.	125
abſque humore cryſtallino.	406	Vulnerarius liquor Dippelii.	414
Ad Viti (Steph.) Vindicias Apologia		Vulpium Fratres laudati.	306
pro Synodo Dardr. meditationes.	423	Uxores quando habere deſierint pre-	
Vitia manere impunita, an ex re Rei		bysteri?	319
publice?	416		
Vitreorum tuborum capillarium attri-		W	
ctio.	150.151	Akios (Guil.) laudatur.	380
Vitringa laudatur.	258	Warſavia phyſice illuſtrata.	398
reſutatur.	500	Warſavienſe viridarium.	401
Vitulus monſtroſus.	302	De Warwicenſibus Comitibus hiſtorio-	
Ulubra, agri Veliterni oppidum.	447	la.	477
Umbilici hernia pro tumore exſiſco		Weidlerus (Jo. Frid.) laudatur.	320
habita.	303	Weiffenburgenſes braſſeati.	334
Unitatis aſſumptio in multiplicatione		In Wetteraviz monte lapides figura-	
& diſpoſitione Geometrica quando ar-	464	ti.	391
bitraria?		Whiſtonus (Guil.) notatur.	402
Voigtlandiæ planta & fructus vario-	301	Wicelii (Ge.) modeſtia erga Proteſtan-	438
res.		tes.	478
Vomica pulmonum.	303	Wicleſus hypocrita.	
meſenterii.	303	Widemannii (Enochi) Chronicon Cu-	
Vomitiorum diverſus effectus.	305	ria.	311
Ex Vomitu cruento amaroſis.	302	obiit.	312
Vorticum Carteſianorum inexpeſta-	317 ſq.	Wilhelmi III R. Angl. character.	51
tus uſus.		Willichii (Mart.) effigies & vita.	71
theoria Newtoniana erro-			
nea.	518	De Witt (Corn.) conſtantia.	51 ſq.
Uratiſlaviennes Annales.	160	Wütii Penſionarii negligentia.	51
Urbevetanz Ephemerides.	306	Witzen (Nic.) de Tartaria Septentr.	15
Urinæ per anum excretio ob ulcus in-		Or. laudatur.	104
teſtini recti.	125	Wolfius (Cbr.) ut in emendanda Philo-	
Urſini (Ad.) Chron. Thuringiæ.	315	ſophia prima verſatus?	74.75
continuatio.	315	deſenſus.	175
Uſus fructus mariti in bonis uxoris		quenam arma ad de-	
unde ortus?	524	ſendendam religionem dederit?	86
Uteri ſphacelus ext. vniſ curatur.	304	laudatur.	175-177
prolapſus ex flatulentia.	303	ut On-	

INDEX RERUM NOTABILIORUM.

<i>ut Ontologiam emendaverit?</i>	74	<i>vita descripta.</i>	307
Wolffii (Christiani) finis in emendanda Philosophia.	73 sq.	<i>fides defensa.</i>	308
<i>Philosophiam quinam magni faciant?</i>	86	<i>locutiones ad stilum</i>	
<i>methodus demonstrandi.</i>	342	N. T. vindicandum collecta.	310 sq.
Wollius (Christoph.) laudatus.	373	S and. Eisen quid?	515
Woolstonus (Th.) refutatus.	490 sq.	Lazovienſis monaſterii hiſtoria.	318
Wottonus (Henr.) deſenſus.	492	Seidler. Recht.	312
Wybrantius (Regnerus) Mennonita.	164	Limmermanni Comparatio religionis Christianæ cum Philosophia Socraticis.	327
Wynni (Rich.) iter Caroli Wallia Princ. famulorum in Hispaniam.	478	Zoannetti (Franc.) Reſtitutiones Juris recuſa.	226
X Enopiontis Cyropædia ex Scriptura S. confirmata.	128	Zurneri Atlas Auguſteus deſcriptus.	238
		Zwingliani in communionem A. C. non ſunt recepti in conventu Numburg.	439

ERRATA.

Pag. 69 lin. 32 pro *ſaliſi* lege *ſativi*; p. 93 l. 2 lege: *in tali*; pag. 249 l. 34 lege *Heimreich*; p. 265 lin. ult. lege *הגלגל הנשמת*; p. 416 lin. 15 lege *atteruntur*; pag. 446 lin. 3 pro *ære* lege *aere*; p. 456 l. 6 lege *moralitatem*; p. 470 l. 25 lege *Coislinianus*; pag. 472 lin. 12 lege *non antiquiorem cenſendam*.



